


《續修四庫全書》編纂委員會編

續修四庫全書



上海古籍出版社

四九八・史部・詔令奏議類

韓大中丞奏議十二卷

〔清〕韓文綺撰

陶雲汀先生奏疏五十二卷（卷一至卷十六）

〔清〕陶

澍撰

四九五

2659/076

少司寇仁和韓少奏疏序

嘗思言語借政事同科而政事之包於言
語者其傳後世愈覺其功業與文章
並重而文章之表著功業者生經世益
信而有徵是以元祐歐蘇却饒經濟
用元純宋夙擅詞華然廣平燈梅花
諫艸早焚柱臥內香山著長卷鴻文
不見於集中從未有以功業著文章

序

卷一

一

傳政事於言語有倫有要立遠立言
如我

少寇夫子仁和少者也夫子幼即攻難
長尤俊茂紋標在掌璣家垂胸乃經
則許慎無雙芹官早躡射策而都
說第一桂府先登以比部之仙即心綱
曹之妙選白雲司好郊都古夙擅才名
羨沙獄成宋屯田總司秋憲終登魁執

即晉豸衣時也崔符小醜窺伺宸垣
桴鼓餘聲匿傳官禁 必首擒大猾
力挾神奸師不漏於多魚計已成於博究
天子深嘉明察

楸賞庶能孔翠羣翔金貂乍珥由是
游升方伯晉權中丞玩月蘇臺探梅
鄧尉當絳節甫臨之會心悟法決之
時 皇上請帑金下籌輸粟會計者三百餘

序

卷一

二

萬金活者四十七州真不愧人在鏡中遂使
交行冰上惟見蕪株殊色扶爽氣兩首
懸深瓜步寒洲邊黃泥而嚼吟愈壯
少獻賈讓之三策臨鑿先增導神禹之
九河決排是用於是清流五鏡舟人有
危渡之歡極算為神晉吏絕侵漁之弊
而且學于古之治獄民自無冤心劉晏
之轉輸君原自足置飛雪將上納銀素

除莠安良孫黜浮囂之吏郵商被國先
嚴抑勒之條夾袋人材呂蒙正之丰裁可
相出門桃李狄仁傑之正大堪師而卒之河
渠收指臂之功國士受股肱之寄薦賢為
國會已深人綜覈之才陶侃以之宏獎之
德管仲悅之矣况以江右揚鞭涉却 駐
節軫求民瘼不改初心以南贛之鄉民秉
壯方之風氣帶牛佩犢不意藝遂科

序

卷一 三

條竊玉取珠且犯宏羊明禁 必乃以文出
之保甲訓周子之遺民故能雀鼠隨風鷹
鷂害化人但念 必所行之善終不忘 必所
學之深也 必畢世敷施却形章奏等身
著心不尚詞華蘇東坡郵治萬言仁宗
必親為敬睦董仲舒天人三策孝武且為
主勅宦淪水利公朗差列眉說治注劑
瞭如指掌獨是揚彼為自甘韜晦不示紀

知魏徵又不付史官陳藏器是以前之
詩文天下誦之而出之奏牘天下思之今者
餘光耿天若大星之已隕斯文不墜賴小子
之幸存爰自賢於何承學勉勉錦王
綏象蒙山爰分勸築怡用寄飾摩雅
興付法剗剗郵示賓僚馨少采芝雲不
出畱侯門下壯登柏府又為德祐同古愧
衣絳之雅傳去懷伊呂善簡編之尚在

序

卷一 四

必免皋夔嗟嘆一代功名已成往事子焯
勳業尚自遺編馨願 小亭觀察坐領
封圻再得堂開畫錦載法簡畢依法鏡
歸水心重為賈子成壺又屬長史作序淡
蘇過斜川之集居然極美老永銘王輩
三槐之壺倍覺緬懷文正
賜進士出身甘肅布政使門下士儀徵張
集馨撰雲氏拜手謹序

韓大中丞奏議

受業 王滌源 編次

徐耀

次孫泰 華敬錄

卷之一

目錄

謝賞大清會典疏

審擬碭山縣民鄭平京控疏

恭壽堂奏議

卷一

勘估徒陽運河疏

請疏浚瓜洲河道疏

查明泰屬場竈疏

審明桃源縣文生張承庸京控疏

嚴緝匪徒逸犯疏

請撥濟耗羨不敷銀兩疏

請私稔並納疏

漕船請改道行走疏

審明叅員稟訐知府同知疏

請修碭山縣護城隄工疏

審擬阜寧縣民吳超宗京控疏

特叅疎脫要犯之知縣典史疏

請展緩徐海等屬糧賦疏

審擬阜寧縣民李宮京控疏

恭壽堂奏議

卷一

二

謝賞大清會典疏

奏為恭謝

天恩仰祈

聖鑒事竊臣蒙

恩頒賞

大清會典全部臣恭設香案望

闕叩頭祇領跪展之下榮感欽佩誠忭莫可名言

欽惟我

恭壽堂奏議

卷一

一

皇上德協苞符

道隆疇範

煥一代昭明之治同軌同文承

列聖制作之精可大可久

會歸有極爰告成以

界

一人

典常作師用

垂式以昭四海竊惟典者常也乃經世宰物之準

會者歸也寓因宜制作之思治以監古為先官

禮本睢麟之精義禮以因時為大豐岐開鎬洛

之宏規自來前世之憲章必合眾長之編緝長

垂載籍用集大成溯

本朝

肇迹開基久具規模於

函館際

恭壽堂奏議

卷一

二

聖祖重熙累洽彌彰美備於

虞廷初績於雍正甲辰分纂於乾隆丁卯固紀綱之

悉具誠經曲之咸該迨丙辰

授

受上儀

禮超千古至辛酉編摩

申命典乃四修於是部次州居標十有二門之目條分

縷析踰一千餘卷之多欽

審擬碭山縣民鄭平京控疏
奏為遵

旨審明定擬具

奏事竊准刑部咨江蘇碭山縣民鄭平赴京呈控
該縣辦賑不公委員刪減戶口並戶書勒扣廠
費等情奏奉

諭旨此案着交孫玉庭魏元煜親提人證卷宗秉公
審訊如果該委員於造冊時有任意刪減戶口情

恭壽堂奏議

卷一

五

弊以致戶書藉端勒扣即行據實嚴叅懲辦按律
定擬具奏原告鄭平該部照例解往備質欽此並
據前途將原告鄭平一名遞解來省即經臣孫
玉庭暨前撫臣魏元煜先後飭提人證卷宗及
放賑戶口底冊飭發江寧藩司督同首府確核
訊供解勘去後嗣據查訊鄭平供指魏如松係
蕭縣人不應在場喫賑又賑冊石禮一名並無
其人指為書吏舞弊轉將應賑之人刪減當經

飭查補提人證茲據兼署江寧藩司湯藩督同
加道銜江寧府知府余需元江浦縣知縣王規
提齊冊證審明詳解前來臣魏元煜調任赴淮
臣韓文綺覆核該司等所訊情節已明知會臣
孫玉庭就近親提覆審隨即提集人證逐加研
鞫緣鄭平籍隸碭山縣道光元年該縣境內秋
禾被淹經前署縣楊宗智稟蒙

奏准隆冬乏食貧民賞給一月口糧向辦章程賑

恭壽堂奏議

卷一

六

恤口糧與例給大賑不同查明實係無業乏食
貧民及鰥寡孤獨老幼婦女方准入冊每莊內
家有儲蓄貿易經營之戶及一戶內少壯力可
謀生之口皆應剔除不容混冒經該前縣楊宗
智出示曉諭鄭平所住之保安里戶口派委候
補未入流汪英承查鄭平夫妻子女本係五口
有弟鄭珍鄭仲先已分居各爨汪英將查明鄭
珍鄭仲兩家分戶人口入冊給票至鄭平家察

看情形因其兩子皆已成丁同鄭平三口力可謀生照向定章程剔除將其妻女二口准與入冊候給口糧鄭平求添戶口該員以不能冒濫未允所請又有原籍邳州流寓碭山已經六年之石禮一戶實在貧難並有該縣魏家莊與蕭縣交界莊東歸蕭縣所管莊西歸碭山所管有住莊西之魏如松一戶亦係貧難俱經委員查造入冊給票嗣該縣領銀到縣出示曉諭並報

恭壽堂奏議

卷一

七

明按照市價每銀一兩易錢一千文設廠開放鄭珍鄭仲與同里之常楷王有上等十五戶為雨雪所阻託鄭平代領鄭平赴廠尚未領錢先見石禮魏如松俱在彼關領口糧不知石禮流寓已久兼未悉魏家莊莊西係碭山所管誤會兩人皆不應在碭山喫賑疑心委員與書吏有舞弊情事因有北上探親之便起意京控隨將鄭珍等託領之票及自己一戶共賑票十六張

攜帶進京籍伊名未入冊指稱委員書吏舞弊刪減口數裁莊裁戶並因收有賑票未領裝點書吏勒扣廠費等情用京錢四百文央測字人寫就呈詞在刑部衙門呈控奏奉

諭旨交臣等審辦茲提齊冊卷人證逐一查訊供悉前情誠恐查賑委員有意從苛刪減戶口並恐書吏放錢實有剋扣廠費情弊再三嚴詰據委員汪英供稱辦理口糧非大賑可比每莊內如

奏書片

卷一

八

家有儲蓄及力可謀生者實非無業乏食貧民均不敢稍有冒濫此係向辦章程經縣出示曉諭有案並非故意從苛將應賑之人刪減不給至所指書吏扣費一節嚴訊縣書李遐齡等據稱本縣開放錢文將每兩易錢若干先行示諭兼有委員監放先期將制錢盤准穿紮並無小錢缺數臨時驗票照放衆目昭彰本縣不時往來稽查焉有剋扣之理如果按口勒扣廠費則

領銀貧民有二千六百餘戶何以眾皆甘默獨
鄭平一人出控呢只求詳情等語復質訊關領
賑錢之石禮魏如松等亦稱並無每大口扣錢
二十文小口扣錢十文之事詰訊鄭平自認妄
控不諱再三嚴詰各供不移案無遁飾查鄭平
所控刪減戶口今訊明實係力可謀生不應給
賑之人其貧難無力者皆經入冊給與口糧其
散放錢文亦無剋扣之處是委員書吏並無情

恭壽堂奏議

卷一

九

弊鄭平輒挾一人之私赴京飾控雖所告減口
情出有因而於所控舞弊裁莊扣費均未得實
鄭平應照申訴不實杖一百律杖一百折責發
落常楷王有上等為雨雪所阻託令鄭平代領
賑錢應與訊未舞弊扣錢之書吏李遐齡戚正
祥李錫藩李錫疇李廣來陳績庭施得士縣役
莊勇地保康仲義及應給口糧之石禮魏如松
等俱毋庸議委員汪英訊未減戶裁莊其不准

鄭平添給口糧係遵照章程辦理並無不合亦
毋庸議寫詞不識姓名測字人請免查緝時已
過期呈出賑票十六張毋庸補給應請塗銷扣
存之銀飭縣解繳除備錄供招送部外所有此
案審明定擬緣由謹合詞恭摺覆

奏伏乞

皇上聖鑒勅部議覆施行奉

硃批刑部議奏

恭壽堂奏議

卷一

十

勘估徒陽運河疏

奏為勘估徒陽運河挑撈工段銀數恭摺具

奏仰祈

聖鑒事竊照鎮江府屬丹徒丹陽二縣運河為江浙

兩省漕船經由要道該處河面窄狹水無來源

全賴江潮灌注每日潮漲挾沙而行水去沙停

易致淤淺定例於每年回空過竣後擇淺挑撈

屆六年大批一次以利漕運本年輪屆小挑所

恭壽堂奏議

卷一

七

有江浙回空漕船已於十月二十日全行渡江

進口陸續歸次先經護撫臣玉輅恭摺

奏報在案臣抵任後即飭該道府將勘估應挑工

段趕緊簽椿煞壩一俟底水將次車涸報候詣

勘去後茲據常鎮道王賡言署鎮江府福隆阿

詳報督同丹徒丹陽兩縣逐段測量勘估丹徒

縣境內自江口起至丹徒橋上止河長三千七

百五十五丈節節淤淺應行估挑又江口壩外

淤灘挺入河心並鴨蛋行至猪婆灘小奶下等

處南北兩岸俱有陽灘共長四百九十五丈應

於挑工之外繞行估砌又壩外淤灘難以築壩

與挑應同間段零星淺淤之東壩等二十一處

共長一千四百二十丈俱應一律估撈統計挑

撈砌灘築壩及修換閘板繩索等項估需銀一

萬一千三百四兩八錢六分五釐又丹陽縣境

內河道寬平潮流稍緩受淤較輕毋庸估挑惟

恭壽堂奏議

卷一

二

定山灣等三十六處共長二千零十丈間段淺

淤應行估撈計需夫工銀一千五百九十六兩

合計各工通共估銀一萬二千九百兩八錢六

分五釐由蘇州藩司玉輅詳請動支樂生洲租

息銀五千八百一十二兩五錢三分一釐不敷

銀七千八十兩三錢三分四釐請於司庫存款

銀內動給趕辦等情並據該道府稟報煞壩岸

水將次車涸臣即於十一月十六日自蘇起程

前赴鎮江查勘挑撈工段均與道府等估報相符復將原估各段丈尺逐一標立志椿加封灰印以杜偷減之弊並責成該道府親駐工所嚴督各工員趕緊挑撈勒限於十二月望間全行蒞事仍於工竣未啟壩三日前先行具報以便臣親往驗收如查出挑撈寬深丈尺與原估標誌不符即當據實叅辦總期一律深通以利重運除查取土方夫工細冊另行分別具

恭壽堂奏議

卷一

三

題咨部外所有勘估徒陽運河挑撈工程情形謹會同協辦大學士兩江總督臣孫玉庭合詞恭摺具

奏伏乞

皇上聖鑒奉

硃批知道了如有草率偷減諸弊即據實嚴叅毋稍

狗隱

請疏浚瓜洲河道疏

奏為江都縣瓜洲河道年久淤墊亟應疏浚深通以便商民船隻利涉渡江仰祈

聖鑒事竊照揚州府屬所轄瓜洲地方為南北通衢往來要道東門外舊有通江內河一進口門直對鎮江運口江面約寬三里無溜平水從前官民客商船隻往來多由此河出入渡江一帆徑過內通東水關達於城內天池河由閘北上窳

恭壽堂奏議

卷一

四

為便利因歷年久遠未經挑浚漸形淤塞又加運河水漲以及江潮往來淤土停積遂致全河閉塞竟成平陸通年商民等船水小之時須從大口歷迴瀾壩查子口等處渡江多涉二十里江面漩湍湍急常有傾覆之事即遇江潮水大由小口渡江雖近十里亦有金山等處漩湍一遇逆風甚屬危險前據江都縣知縣陳文述詳據該處紳耆人等籲請挑通舊河以便商民船

隻仍前由鎮江運口對渡不特少涉江面二十餘里以免疎虞又可避重空漕船出江擁擠而附近民田菜地亦得藉資灌溉即遇潮水盛漲下注又多一宣洩去路洵為一舉而數利俱備實為必應挑辦之工該縣親歷勘估自拖橋起至江口止共長八百六十丈挑深尺寸以拖橋石底為度搏節勘估實需土方夫工銀二萬二千六百四十八兩五錢二分二釐七毫應請籌

恭壽堂奏議

卷一

五

欵給發興辦俾資利涉等情經臣孫玉庭前撫臣魏元煜批飭藩司委員覆勘並酌籌銀欵議詳去後嗣據飭委揚州府總捕同知許文綬勘覆該河久未疏挑兼係逐段淤結已成平陸挑挖匪易所有冊估土方均屬搏節按則確估委無浮多應請撥項趕挑由揚州府覆勘加結詳轉到司經兼署藩司江安糧道湯藩查明該河實係官民商船渡江利涉要津自應准其

與辦應請於招變新淤灘地充公項下動撥挑浚現查江屬有蘆州縣解存司庫充公灘價銀一萬四千八百五十一兩五錢二分九釐並移查蘇藩司庫收存徒陽招變灘價銀七千三百四十兩六錢五分九釐通共存銀二萬二千一百九十二兩一錢八分八釐較原估銀二萬二千六百四十八兩五錢二分二釐核計僅不敷銀四百五十六兩三錢三分四釐為數無多應

恭壽堂奏議

卷一

六

令該縣先行墊辦完竣俟續收灘價即行撥還兩無懸誤詳請具奏前來臣等查瓜洲通江河道實為官民客商船隻對渡京口利涉要津可避長江迴瀾波濤之險既據履勘必應與挑所估土方夫工銀兩確核並無浮冒合無仰懇聖恩俯准在江蘇兩藩庫收存招變灘價充公欵內動撥乘此冬令水涸趕緊興挑實於水利民生

大有裨益工竣飭委常鎮道驗收如有草率偷減立即參賠總期工歸核實費不虛糜以副

聖主加惠商民至意除飭造估計冊結另詳具

題外謹會同江南河道總督臣黎世序合詞恭摺

具

奏伏乞

皇上聖鑒

恭壽堂奏議

卷一

十七

查明泰屬場竈疏

奏為遵

旨會同查明泰屬場竈措置安貼情形恭摺仰祈

聖鑒事竊臣孫玉庭前奉

硃諭朕聞淮南泰州分司駐東臺縣管轄七場該處

竈丁所煎之鹽交與運商發往各口岸銷售從前

口岸暢銷場商轉運較易是以竈丁隨時可以得

價尚不至流離失所近年以來各處私鹽充斥口

恭壽堂奏議

卷一

十八

岸滯銷場商無力收買該竈丁藉鹽為生例不許

越境私賣本處商人又不肯收該處竈戶多於居

民全以前煎鹽為業鹽不能銷即與災民無異聞有

數萬人日赴官衙恃眾滋鬧場商紛紛閉戶而逃

該縣令曾具稟詳上司未經查辦試思竈丁之煎

鹽即如農民之秋穫今既商不能收官不為理無

衣無食嗷嗷待哺況已屆嚴冬饑寒交迫倘別生

事端卿等能任其咎乎為此密諭卿知將朕硃諭

另錄一紙着韓文綺曾煥閱看卿等和衷妥議相機措置務要貧丁安所不至事出意外則善矣勉之慎之欽此臣孫玉庭遵卽恭錄

諭旨密寄臣韓文綺臣曾煥查察妥議一面將該場

竈積鹽業已收買情形先行

奏覆上紓

宸廑在案臣等跪讀

聖諭仰見我

恭壽堂奏議

卷一

九

皇上周悉寸隱

訓示明切不勝悚惶欽感之至臣等敢不和衷妥議

安置期無失所伏查場竈為商運根本泰州分

司所轄東臺境內七場除運商自立垣廩各場

臣曾煥業經督飭運司催令各商趕運現在並

無積鹽未收三竈惟東臺河垛丁裕三場皆係

場商立垣祇作交壩生意向歸場商收買交壩

再由運商轉運其所產顏色又次僅行口西及

上下江各口岸近年西省銷數尤滯以致該三

場交易更少夏秋之間疊據分司場員及府縣

稟詳調劑雖因有間歇之垣而亦由本年查察

試船夾帶認真無從透漏未免竈情拮据是以

八月間有該三場竈丁聚集場司各署跪求之

事雖未恃眾滋鬧而嗷嗷喧嘩勢不能免誠如

聖諭竈戶以煎鹽為業鹽不能銷卽與災民無異臣

孫玉庭臣曾煥前據各該員稟詳先於七月間

恭壽堂奏議

卷一

十

督飭運司錢寶甫撥銀六千兩發場收買一面

委員督催運商找清應歸場商尾課俾資接濟

嗣因三場進關積鹽較多前撥銀三萬兩不敷

濟買飭據該司錢寶甫商定自九月起至十二

月止計四個月照收買塞鹽之例每月發銀九

千兩仍將前發之六千兩分月扣回先於九月

十六日籌發兩月庫銀一萬八千兩又於十一

月十三日續發兩月庫銀一萬八千兩除扣回

前發之六千兩外前後共實發銀三萬六千兩
俱委員解交泰州分司承領轉發接濟收買竈
情已極安貼其有發買之鹽售出價銀仍留作
本接買後鹽既無須再動庫項亦可期接續濟
售然在場收買尤須運商轉輸而運商之買運
全在口岸之暢銷現經臣等嚴飭所屬實力緝
私臣孫玉庭臣曾煥咨行江西安徽各處一體
嚴密巡緝近日岸銷漸有起色惟上下江綱食

恭壽堂奏議

卷一

五

各岸有額引滯銷之處亦有不數銷售之地若
拘泥定額徒使滯岸引積暢岸缺鹽殊於食課
兩誤業經臣曾煥會同臣孫玉庭請將滯岸積
引撥運暢岸濟銷已奉

旨飭交部議一俟奉准部覆即可裒益疎通並因輕
本倍運更為疎銷食課之源現已清理墊欠裁
省浮費核減科則以示招徠另摺備陳比聞運
商已有與該三場交易者是該竈煎鹽已有去

路況有官項為之輓轡轉運貧丁生計有資斷
無虞別生事端臣等仰荷

聖恩畀以重任於民瘼所關斷不敢稍存泄視所有
查明竈情籌濟安貼緣由謹合詞恭摺具

奏伏乞

皇上聖鑒奉

硃批覽奏甚慰

恭壽堂奏議

卷一

五

審明桃源縣文生張承庸京控疏
奏為遵

旨審明定擬具

奏事竊臣前准都察院咨據江蘇桃源縣文生張承庸呈控曳刀兇匪劉汝俊等劫殺二命砍傷多人縣官不為究辦等情一案奏奉

諭旨此案着交孫玉庭魏元煜親提人證卷宗秉公研審定擬具奏如果桃源縣知縣有意避重就輕

恭壽堂奏議

卷一

三

延不緝兇究辦卽行據實參奏原告張承庸該部照例解往備質欽此查此案先據該縣獲犯劉汝池等審擬解省臣孫玉庭因首兇劉汝俊最為要犯嚴飭縣營將該犯設法拏獲並獲兇器傷人之張雙維等解蘇歸案審辦臣魏元煜調任赴淮臣韓文綺莅任會飭臬司審明解勘前來臣等先後親提原被犯證逐一研鞠緣劉汝俊籍隸桃源縣與張承庸隣村居住素識無嫌嘉

慶二十四年六月十一日劉汝俊同族劉肆帙有烟兩包往懇張承庸之父張直明價買張直明嗔其硬派出言辱罵劉肆帙氣忿邀同劉汝俊劉汝池劉肆西劉肆煥劉肆安前往理論致將張直明張承庸張承璧張承憲毆傷張承庸控驗提犯劉汝俊等避匿未到十二月二十六日劉汝俊同素識之唱克儉包如英路過張承庸莊前與張承業撞遇爭角唱克儉持刀向毆

恭壽堂奏議

卷一

三

張承業逃回喊同張承庸等將唱克儉拏獲解究卽被劉汝俊包如英趕上奪回張承庸稟縣勒提劉汝俊等仍各避匿嗣劉肆帙恐到官受虧向張承庸賠禮處和張承庸因伊父張直明等傷已痊愈亦卽允息該前縣查係事在大赦以前將案註銷至道光元年九月初九日劉汝俊同族人劉業恒劉業興並包如英在宋家集向張承庸之弟張承璧張承儉買梨四個張承

壁因錢小欲換包如英不肯張承壁出言混罵
劉汝俊順取張承壁剖梨小刀戳傷其額顛左
腿張承壁用頭向撞又被包如英扯落髮辮一
縷經集上人勸散張承庸稟縣驗傷拏究劉汝
俊等逃避未獲十月十一日早劉汝俊同劉業
恒劉業興包如英潛回知縣差拏緊急不能出
頭劉汝俊起意糾人毆打洩忿因張承庸家弟
兄子姪人多恐難抵敵當與劉業恒商允分邀

恭壽堂奏議

卷一

五

其兄劉汝林劉汝池及劉汝林之子劉肆典劉
業恒之父劉肆西劉業興之父劉肆帙其弟劉
業秀清河縣人劉小滿同族劉肆安劉汝立劉
肆藻劉肆元劉肆喚及素識之周碩英周碩倫
唱克勤唱克儉楊東周張雙維莊立垂徐茂芳
許佐廷戴高衢戴遵衢戴鳳書時萬選並劉業
興包如英共二十九人同行即於是日劉汝俊
等分攜鎗銃棍械並有徒手隨行者偕抵張承

庸家門首時張承庸外出張承庸之弟張承業
等持械出迎即在門口相鬪張承業施放火鎗
打傷劉汝池左眉叢劉汝池負痛情急順用鐵
鎗戳傷張承業左前脇楊東周亦用火鎗轟傷
張承業左腮張承業之子張小碩持刀上前
抵敵先被周碩倫用鎗戳傷左肋後被劉汝俊
用鎗戳傷肚腹倒地維時張承庸之母張劉氏
及伊弟張承壁伊子張培英其戚陳萃亭各出

恭壽堂奏議

卷一

五

喊救劉小滿用火銃轟傷張劉氏左腿張雙維
用刀戳傷張承壁左臙胸劉業恒用鎗戳傷張
承壁右膝左後脇唱克儉用刀戳傷張培英項
頸劉業興用鎗戳傷張培英胸膈左腿劉肆安
用稻叉戳傷陳萃亭左腿隨各分路逃逸詎張
承業張小碩傷重先後殞命張承庸報經該縣
分別驗訊詳緝先後拏獲劉汝池周碩倫劉肆
安並據屍親張六扭解時萬選關淮清河縣移

獲戴高衢戴鳳書到案訊供通詳批飭緝審因
劉汝俊等逃匿先就現犯劉汝池等審擬解司
張承庸因首犯劉汝俊緝拏無獲其餘幫毆各
犯亦多在逃心懷痛忿隨以挾嫌糾殺兩斃四
傷並劉汝俊等係曳刀匪徒書差受規捺緝等
情具詞赴臬司巡撫控告飭緝未獲張承庸復
添砌情詞赴京呈控此係劉汝俊等挾嫌糾毆
致斃張承業等一家二命並傷多人之原委也

恭壽堂奏議

卷一

三二

茲臣等提集犯證研鞫據各供認前情不諱質
據原告張承庸供明伊京詞牽控該縣書差張
琳堂等得錢捺索朦縣避重就輕及劉汝俊等
係曳刀匪徒劫殺搶毀等情實係先因劉汝俊
等在逃希圖速獲從重究辦架詞砌控並無證
據不敢誣執覆詰各供如一似無遁飾查例載
聚眾共毆致死一家二命將率先聚眾之人不
問共毆與否擬絞立決為從下手傷重致死者

擬絞監候又例載因爭鬪將烏鎗竹銃傷人者
民人發雲貴兩廣烟瘴少輕地方充軍又律載
刃傷人者杖八十徒二年各等語此案劉汝俊
因被張承庸具控差緝起意糾毆洩忿致張小
碩被該犯鎗戳致命肚腹張承業被劉汝池鎗
戳致命左脇均各斃命殊屬不法劉汝俊除用
刀戳傷張承壁輕罪不議外合依共毆致死一
家二命將率先聚眾之人不問共毆與否擬絞

恭壽堂奏議

卷一

天

立決張承業被在逃之楊東周用火鎗致傷左
腮腴傷甚輕淺亦非致命部位惟被劉汝池鎗
戳致命左脇深至透膜腸出其為此傷致死無
疑應以劉汝池擬抵劉汝池合依共毆致死一
家二命將為從下手傷重致死者擬絞監候例
擬絞監候秋後處決均照例先行刺字周碩倫
鎗戳張小碩不致命左脇傷輕不致於死應與
用標刀戳傷張承壁左脇肋之張雙維均合依

共毆人審係執持兇器傷人者發近邊充軍例
發近邊充軍劉滿卽劉小滿用火銃轟傷張劉
氏左腿合依竹銃傷人擬軍例發雲貴兩廣烟
瘴少輕地方充軍仍遵名例以極邊足四千里
為限照例刺字劉肆安用稻義戳傷陳萃亭左
腿查稻義係民間常用之器惟上有尖刃應照
律問擬劉肆安合依刃傷人者杖八十徒二年
律擬杖八十徒二年以上軍徒各犯分別定地

恭壽堂奏議

卷一

三九

發配折責充徒劉肆煥時萬選戴高衢戴鳳書
卽戴了頭聽糾同往訊未傷人應各照餘人律
杖一百折責發落該縣書差張琳堂等訊未受
賄捺案弊混縱兇亦未得受張承庸錢文俱請
免議劉汝貴王喜墊訊未聽糾同行劉肆尚亦
無為劉業恒賣樹結交匪黨情事均毋庸議張
承庸控詞雖未盡實而所控殺傷二命四傷重
情均審屬非虛應免置議無干省釋張承璧張

培英張劉氏陳萃亭等傷均平復各犯兇器據
供遺棄免追逸犯劉業恒等飭緝獲日另結桃
源縣今調吳縣知縣萬臺訊無延不緝兇避重
就輕情事惟獲犯查辦未將火鎗火銃一並起
獲仍有失察處分其緝獲首犯已逾承緝初叅
亦應查議應請交部照例議處除備錄供招咨
部外所有審明定擬緣由謹合詞恭摺具
奏伏乞

恭壽堂奏議

卷一

三九

皇上聖鑒勅部議覆施行奉
硃批刑部議奏

嚴緝匪徒逸犯疏

再正月二十日接准督臣孫玉庭咨開欽奉

上諭據孫玉庭奏探明虞城縣盧照常等商量滋事
即被兵役將盧照常廉方成殲除餘黨俱已逃竄
等語江蘇徐州所屬之豐縣碭山等處與豫省連
界現在首逆雖已伏誅逸犯尚未全獲着孫玉庭
韓文綺各選派員弁帶同勇幹兵役無分畛域嚴
密掩捕不可稍有懈弛等因欽此臣查前據徐州

恭壽堂奏議

卷一

三

府並碭山縣等先後探報虞城縣匪徒滋事殲
除首逆及逸犯未獲等情節即經飛飭文武員弁
嚴密防堵巡緝在案茲奉

聖諭遵復密飭該管府縣並移徐州鎮督飭兵役於
水陸要隘各處加緊查拿如有竄入未獲之犯
務期按名擒拿以淨根株所有現在嚴緝逸犯
緣由謹附片覆

奏伏乞

皇上聖鑒奉

硃批知道了

恭壽堂奏議

卷一

三

請撥濟耗羨不敷銀兩疏

奏為江寧藩庫耗羨不敷支放循照成案

奏請撥濟仰祈

聖鑒事竊據署江寧布政使湯藩詳稱江寧司庫耗

羨項下每年支放文武養廉及部科飯食廩工

等銀並一切無定經費款項全賴屬解地蘆各

耗並運庫解到鹽規匣費抵支應用近緣江淮

各屬額徵耗羨因災蠲緩徵解無多運庫積欠

恭壽堂奏議

卷一

三

鹽規匣費又奉

奏准全行分綱帶納計自道光四年甲申綱始有

解交所有現在應行找支道光二年及道光三

年分文武各官養廉以及各項廩江等銀在所

必需若不另籌接濟必致缺誤查江寧省嘉慶

十五十八二十五等年並道光元年耗羨支絀

請於河南江西蘇州等省協撥有案應請

奏明在於鄰近省分酌撥耗羨銀八萬兩解寧濟

用等情前來臣查江寧藩庫耗羨本款遞年款

收蠲緩徵解較少兼之運庫欠解鹽規匣費均

經展緩停解以致司庫耗羨不敷支放係屬實

在情形自應急籌撥濟惟有循照舊案仰懇

天恩飭令部臣在於鄰近省分酌撥耗羨銀八萬兩

解交江寧藩庫以濟支放謹會同協辦大學士

兩江總督臣孫玉庭合詞恭摺具

奏伏乞

恭壽堂奏議

卷一

三四

皇上聖鑒勅部查照撥濟施行奉

硃批戶部查議具奏

請私種並納疏

奏為句容縣漕糧應請私種並納恭摺

奏祈

聖鑒事竊照漕糧為

天庾正供米色最關緊要臣自上年到任正值各屬

開倉之際節次通飭慎選好米徵收交兌去後

茲據兼署江寧布政使江安督糧道湯藩詳稱

據句容縣申送徵收米樣查驗均屬乾潔圓泛

恭壽堂奏議

卷一

三

惟其中間有私米攙雜飭據該府縣查覆句容

環山抱麓連年被旱之後地土乾燥田無積水

私稻性稍耐旱民間種植未免私多種少且歷

被災歉民力未紓若令越境換米完漕不惟苦

累堪憐抑且遲延悞運由道摘傳糧戶人等查

訊僉稱委係格於天時限於地勢並無捏飾現

在交米花戶衆多未便勒令換交應請援例將

本年正增概准私種兼收等情詳請具

奏前來臣查漕運則例句容縣漕米雍正十年咨

准私種並收又嘉慶九年江省各屬歉收欽奉

上諭徵收漕糧倘有實在不能純淨之處不必苛求如

私種等項皆可酌量收兌等因欽遵在案是該縣漕

糧向曾私種並納近因連歲被旱地土乾燥上

年雖全境成熟而產米未能一律民力亦未充

裕係屬實在情形相應援例

奏明將句容縣道光二年漕米無論正增概准私

恭壽堂奏議

卷一

三

種兼收以示體恤而速漕運仍飭該縣於私種

之中務選乾潔好米交幫毋使稍有潮嫩謹會

同協辦大學士兩江總督臣孫玉庭漕運總督

臣魏元煜合詞恭摺具

奏伏乞

皇上聖鑒奉

硃批知道了

漕船請改道行走疏

再松江府屬吳淞江為重運糧艘經由要津茲據蘇松糧道宋如林蘇松太道龔麗正稟稱該處河道因去歲秋冬雨澤稀少太湖來源不旺以致清水不敵江潮間有淤淺處所重運難行所有上海南匯川沙三廳縣漕船應請循例改道黃浦泖湖行走等情稟請具

奏前來臣查嘉慶二十及二十一二三等年前撫

恭壽堂奏議

卷一

三六

臣因吳淞江河道淤淺先後

奏准改由黃浦泖湖行走並無阻滯貽誤今據該道等查明吳淞江間有淤淺之處委因上年秋冬雨澤稀少太湖來源不旺所致請將上海南匯川沙三廳縣重運漕船改由黃浦泖湖行走自可仿照成案辦理現值催趲漕船跟舫北上之時未便稍緩當即飛飭糧道督令經過各縣小心防護照例黏貼印花並令該廳縣捐雇本

地小船妥為引導並就近派撥文武員弁分段照料以期妥速前進惟查吳淞江於嘉慶二十四年挑濬完工甫經四載因何復有淺阻之處是否實因來源不旺以致一時未能通暢抑係原挑不實必須再加疏浚自應確切查辦除飭該管道員督同府縣將淤淺處所逐一履勘妥議詳辦另行具

奏外臣謹會同協辦大學士兩江總督臣孫玉庭

恭壽堂奏議

卷一

三六

漕運總督臣魏元煜附片具

奏伏乞

聖鑒奉

硃批詳查妥議不可稍有浮冒不實之處

審明參員稟許知府同知疏

奏為遵

旨審明定擬具

奏事竊照參革常州府通判王慶椿被武陽鹽商

韓榮昌等控告索規擾累訊明已結後復稟許

承審知府聽情包庇並牽控前署常州府丁憂

同知授意囑託一案經前撫臣魏元煜會同臣

孫玉庭

恭壽堂奏議

卷一

三九

奏參分別革職解任質審欽奉

諭旨這所參被控索規擾累之常州府通判王慶椿

着革職被揭聽情包庇之蘇州府額騰伊及授意

囑託署常州府知府同知倉斯陞着一並解任交

該督撫提同全案人證悉心研鞠勿令疎縱按律

定擬具奏倉斯陞現在丁憂着畱該省備質欽此

遵卽行司傳

旨欽遵辦理飭提全案人證解蘇委審嗣因署藩司

陳廷桂核轉在先應行迴避改委常鎮道王慶

言會審以此案由於查驗秤桿加重而起必須

較對浙省烙印之秤以定有無輕重分別是非

因先後咨催浙江運司委員齎帶嘉關烙秤到

蘇與王慶椿原提武陽公棧及王元泰鹽店秤

桿並蘇郡棧秤歷次稱驗鹽包斤重均屬參差

不一然嘉關烙秤及蘇郡棧秤稱驗加二灑帶

鹽包至重者不出四百五兩輕者在四百兩十

恭壽堂奏議

卷一

四

二兩及八九十十餘兩不等按浙省鹽誌每引

額重三百三十五兩加以灑帶積引六十七兩

共該重四百二兩今稱驗加引鹽包至重者僅

多額引三兩而不足額引之包亦復不少牽算

並無夾帶重兩情弊惟以烙秤加足四百二兩

之砵較對棧店各秤只合三百四五十兩以上

皆逾每兩十六兩之數訊之各商僉供部頒鹽

砵係庫平每兩十六兩重於市平一兩棧店各

秤從前原係照額重三百三十五觔較釘因嘉慶二十五年奉文加二灑帶經浙運司諭照舊秤申算毋庸另請烙發而舊秤桿短不能外申隨遣夥攜帶秤錘赴杭至陸鴻遠秤店內就舊秤改釘因秤花難移即另配秤桿將加二灑帶六十七觔分兩暗貫於額重三百三十五觔數內以致秤花增重其實仍合加引四百二觔之庫砧此秤為在場稱細毛鹽及到地抽驗鹽包

恭壽堂奏議

卷一

聖

以杜船戶偷漏至過所改細則鹽院親臨用庫貯銅砧稱掣不能夾帶重觔在岸發賣零售更無需此大秤至庚辰年配秤而註戊寅己卯因錘係各該年鑄就是以該匠亦於秤桿照釘年分前供就舊秤改釘秤花實因年分在奉文灑帶之前畏咎飾混其王慶椿以銅盤小秤指為輕秤現驗已屬兩截廢秤且錘小盤大迥不相符當時呈明王慶椿加封自註廢秤字樣亦無

重入輕出之事等供提訊王慶椿負氣不服查伊親供稱有商人王國士寫有親筆暗中重觔字據飭令呈驗抗不繳出其所控得受鹽規嚴訊亦無指證據現任藩司王輅會同該道王慶言審明知府同知並無包庇聽情及請囑情事王慶椿向商索借銀兩每年得受洋錢一百元屬實錄供按律詳解臣等親訊並聲明棧店各秤與嘉關烙秤較驗不甚符合請於提勘後將

恭壽堂奏議

卷一

聖

各商與秤桿解浙查辦等情具詳臣等先後提訊各供大畧相同當諭王慶椿既執有王國士暗加重觔憑據正應呈出追究何反存匿隨據該革員呈出查核與該商韓榮昌等原供加二灑帶分兩暗中貫於額引觔重數內之語相同並無夾帶情弊可指訊之王國士供無寫給字據當令比對筆跡不符詰訊王慶椿復稱字係王國士於公棧房內掣出不知是否係其親筆

已屬前後矛盾即使係王國士所給亦無關於
獎賞臣等查奉文加二灑帶其釘鹽秤本應加
於額餉之外不應貫於額餉之內致令每餉暗
加分兩自貽疑竇但供此秤係網驗毛鹽及到
地抽驗以杜船戶偷漏其過所掣擊則由鹽政
按臨用庫砝稱掣無從夾帶重餉出所是棧店
秤桿分兩雖增而運岸鹽包並無加重王慶椿
不悉此情無怪疑為夾帶致涉紛擾但該商等

恭壽堂奏議

卷一

四三

所供運司諭用舊秤申算毋庸另請烙秤及遣
夥赴陸姓秤店改配秤桿並秤錘先鑄年分因
而秤桿亦即照釘各情究屬一面之詞至該秤
雖經浙省委員齎帶烙秤較對究未提取掣鹽
部砝確較尚難徵信案經在江審辦自應咨取
秤匠確供飭查加二申算案據調取部砝核較
以成信讞未便咨歸浙省查辦惟浙省鹽砝須
隨時掣用不便隔省調驗因思淮南掣所銅砝

同一部頒儘可就近提取確較當即分別移行
查調隨據淮南監掣廳送到銅鈹天平臣孫玉
庭提齊兩造人證當堂較驗將部頒掣砝配足
四百二餉核較王元泰店秤適合三百三十五
餉與該商所供加二灑帶分兩暗貫於額引數
內之語符合惟較武陽棧秤合部砝分兩稍重
自係釘花不能如法合式且既內貫加二自應
釘至三百三十五餉而止何以到梢俱四百餉

恭壽堂奏議

卷一

四四

詰據各商回稱鹽包裝船運岸貯棧有乾潮之
分即有輕重之別凡在上面者包乾而輕在下
面者受滷而重總以牽算不出額重引數為準
是以須多釘數半餉以備稱用實無別情並准
浙江撫臣帥承瀛咨復飭訊秤匠陸鴻遠供詞
及前運司諭飭申算各情均與武陽商人韓榮
昌等在江所供無異其嘉所掣鹽實係前鹽政
廣泰提帶部砝親臨掣擊等因前來隨覆提研

訊如王慶椿所稟吳恒聚等誣稱縱差滋擾修署借銀污辱官長一節查吳恒聚係屬浙商先經提蘇查訊供係照武陽韓榮昌等控詞稟明浙鹽院咨行查辦自有韓榮昌等可問無須將伊羈候卽先釋回辦公茲審據韓榮昌等供稱伊等在武陽開設棧店運銷浙鹽王廳官藉委查鹽務兩次帶役赴棧店稱鹽因秤桿分兩加重商人王國士回明暗貫加二灑帶原委王廳

恭壽堂奏議

卷一

四五

官又在元泰店內搜查廢棄小秤並提鹽封帶回署指為重入輕出後又出示令八邑軍民買食重秤鹽觔以致商業難安是以稟控滋擾王廳官於嘉慶二十一年七月到任後令差役毛陞向商店稱欲修署索借洋錢五十元繼稱不敷又令毛陞同家人顧姓續借五十元嗣後每年向借百元分夏冬兩季致送算作幫助至道光元年止除經出差外先後共送過洋錢五百

元是伊等所控滋擾借銀並非誣辱訊之該通判衙門書差吳秉彝毛陞等僉供本官索借得銀前在蘇府供係賞給緝私巡費取有領狀實屬捏造該巡快等實未得過質之王慶椿供稱查出大小秤桿重入輕出是以封秤出示其商給洋錢自認收用並未賞給鹽快屬實又所控署常州府事同知倉斯陞授意請託並宴會商人收受陋規一節據王慶椿以倉斯陞曾移該

恭壽堂奏議

卷一

四六

革俸俾令還秤並吊銷告示指為挾同徇私以證授意請託其宴會得規以武進縣汪世梓曾向言及為證當審據倉斯陞供稱伊奉委署理常郡王慶椿藉委查鹽赴棧提秤被各商指控紛擾稱欲退業伊正移行廳縣查覆嗣署某詞宋道通常稟簡環叩將王慶椿稟稱在浙申商吳恒聚稟控本省鹽院移咨飭將引秤給還商人並飭銷告示是以移行吊銷並非挾同徇私

王慶椿被控撤任委審與伊無涉何用向委員授意請託伊奉委署府印原蒙上司知其平日居官束身自愛從不輕於接納並無宴會商人收取陋規之事該革倅所指聞自汪令前經兩司調省質對毫無影響王倅又以商人趙楷曾向告知府縣均有鹽規趙楷等現在案下愿與質對等語隨提趙楷及眾商追問僉供王慶椿藉修衙署向借求幫是以致送至於府縣並無

恭壽堂奏議

卷一

四七

致送陋規常郡銷鹽向來不旺商力疲乏課本本形短少馬有多銀餽送府縣該商趙楷並未向王慶椿告有陋規之說質之王慶椿惟稱伊等推賴並無別有確證可指又如所控知府額騰伊聽情包庇相與為姦一節查閱王慶椿親供先以額騰伊不提浙商不請浙江鹽砵較比惟與幕友吳姓憑臆定案繼又指其刪改文卷毀鏹秤桿為聽情包庇之證隨審據該府供稱

伊承審此案因較驗引秤輕重不符曾請調鹽砵較對奉浙運司飭知部頒鹽砵貯庫為闔所掣放引鹽而設不便出庫將嘉關烙秤委員齎帶赴常抽稱引鹽核與加二灑帶額重飭數有絀無盈是棧店各秤分兩雖增而鹽包並無加重毋庸再提浙商拖累其鹽砵曾請而未發並非不請比較且已提到嘉秤較出棧秤分兩據實詳辦毫無偏徇案既審定自應交幕友敘詳

恭壽堂奏議

卷一

四八

並非憑臆定案王慶椿被控與同知倉斯陞無涉彼既無用請託伊亦何用聽囑至臬司飭委王慶椿查鹽文劄雖裝敘遵

旨嚴禁夾帶而委審司札祇敘該參員與鹽商互稟情由是以詳內只敘王倅奉委查鹽未及沉叙原札至於商人暗申秤花本屬錯謬於詳內聲明銷毀案結後當堂剖鏹如果明知商人有弊欲為毀秤滅跡何不全行鏹削現驗秤花朗然

可見毫無枉斷之心惟於商人因奉文加二配釘秤桿捏供就舊秤改釘並於王慶椿自行得受商人鹽規並非賞給鹽快未能審出實情此係伊承審疎忽等供質之王慶椿亦不能再有強辯復訊其委署柘林通判因何繳委並因何於司堂擊鼓據供前任柘林通判承辦木植請領銀兩須用印信未能接署是以稟繳文札至司堂擊鼓因大小各官稟見皆見伊兩次稟見

恭壽堂奏議

卷一

四

未見恐為閩人所阻故而擊鼓並非藉圖挾制以上各情逐一嚴審各據供悉前情覆訊官商人等堅稱並無請囑帶私致送府縣陋規情事矢口不移似無遁飾查律載官吏求索借貸所部內財物計贓准不在法論又律載有祿人不枉法贓折半科罪五十兩杖六十徒一年又例載曾經考覈被劾人員懷挾私忿撫拾察覈官員別項贓私奏告以圖報復者不分現任去任

文武官俱革職為民奏告情詞不問虛實立案不行又挾制官府及將曖昧不明姦贓事情污人名節報復私讐者文武官俱革職各等語此案王慶椿因被審官詳請記過撫拾聽情包庇及該管署府得規請託虛詞稟報以及繳委擊鼓實屬逞忿浮躁例應革職惟向鹽商借索受財入已訊係情求幫助並非強勒自應按律計贓科罪查王慶椿自嘉慶二十一年到任起至

恭壽堂奏議

卷一

五

道光元年卸事止歲借洋錢百元內除兩季出差辦餉期內未經得受外共先後得過洋錢五百元俱在嘉慶二十五年八月二十七日恩詔以前所得洋錢應擬罪名例准援免毋庸並計其二十五年冬季及道光元年夏冬兩季共得受洋錢一百五十元折實庫平紋銀一百八兩應依折半科罪計贓五十兩以上杖六十徒一年律應杖六十徒一年至商人韓榮昌王元泰

雖訊無營私夾帶情事惟於棧店各秤奉文灑帶違不外申秤花乃於額重飭內暗增分兩殊屬違例應各照違

制律杖一百韓榮昌卽韓棟係武進縣監生王元泰卽王壽祺係安徽歙縣廩生均分別咨斥示儆仍追監照送銷蘇州府知府額騰伊奉委審辦此案訊無聽情包庇情事惟於王慶椿收受商人幫助銀兩未能究出實情例有失出徒罪

恭壽堂奏議

卷一

三

處分應請

旨交部照例議處前署常州府知府倉斯陞訊無授意囑託及宴會得規情事應毋庸議該員現在丁憂應令回籍守制嗣後該商等赴場網鹽及到岸稱驗鹽包需用秤桿均照浙省掣鹽部砵較準庫平每觔十六兩一體烙發行用以昭畫一而杜疑竇現在棧店各秤及廢壞小秤概行銷燬除備敘全案供招咨部外合將審擬緣由

恭摺具

奏伏乞

皇上聖鑒勅部議覆施行奉

硃批刑部議奏

恭壽堂奏議

卷一

三

請修碭山縣護城隄工疏

奏為碭山縣護城隄工刷塌殘缺亟應修培堅固以資保衛恭摺仰祈

聖鑒事竊照徐州府屬碭山縣濱臨黃河城垣之外週圍有護城隄一道迤北相距大隄八里窳關緊要嘉慶年間劬工唐家灣李家樓三次黃水漫溢逼近城垣幸賴護城隄攔禦得以保全現在隄外四面地俱淤高城垣形同釜底隄根刷

恭壽堂奏議

卷一

五

有河形宣洩本境及河南虞城縣夏秋雨水隄內有城河一道因地勢低窪積水經年不消以致隄根內外被淹風浪冲刷坍塌甚多前據該縣具詳上年八月黃水異漲隄高水面僅二三尺間城居民因城內地勢極低護城隄未經修培不足攔禦甚為危懼今黃水歸槽士民紛紛籲請趕修護城隄工以資保衛該縣據情稟詳當經批飭藩司委員確勘估辦茲據前署江寧

布政使湯藩詳據署碭山縣知縣林大惠會同委員署蕭縣知縣陳潞逐一履勘工分四十二段通長一千四百七十七丈擗節確估共需土方工銀二萬一千七百八兩六錢九分四釐造冊具結並聲明此項方價銀兩例應歸民修辦該縣連歲歉收民情拮据應請借項給修分作八年攤徵還欸以紓民力由該管府道遞勘加結移轉實係抵禦黃漲保衛城垣生靈刻不可

恭壽堂奏議

卷一

五

緩之要工聲請在於司庫正項銀內照數動撥趕辦等情詳請具奏前來臣等伏查該縣濱臨黃河全賴護城隄工保衛閭邑城郭居民所繫甚重既因年久隄根刷塌殘缺難資捍禦自應及早修培以期鞏固察核情形洵屬目前至要之工現當青黃不接之候災區貧民正可藉資傭趁臣等不敢拘泥貽悞已飭藩司動撥銀兩責成徐州府督令該

縣趁此春和農隙廣集人夫照估如式加高培厚工竣報候委員驗收如有草率偷減卽從嚴叅賠以期工歸實用費不虛糜至該縣地方災歉頻仍民情積苦所有借動工需應請酌寬期限合無仰懇

皇上天恩俯如所請分作八年在於閩邑民田攤徵還款以紓民力感激

鴻慈實靡有既除飭取估計及起限攤徵冊結另詳

恭壽堂奏議

卷一

五

題報外謹會同河臣黎世序合詞恭摺具

奏伏乞

皇上聖鑒訓示

審擬阜寧縣民吳超宗京控疏

奏為遵

旨審明定擬具

奏事竊前准步軍統領衙門咨據阜寧縣民吳超宗呈控左亦衢左芹父子隱匿高地錢糧縣書裴瓚等侵吞賑濟等情一案奏奉

諭旨此案着交孫玉庭魏元煜親提人證卷宗秉公研審定擬具奏原告吳超宗該部照例解往備質

恭壽堂奏議

卷一

五

欽此遵卽飭行江寧藩司委提人卷訊錄供詞詳解親勘隨據查核卷宗吳超宗屢次赴京控告總以左亦衢將高地捏報低窪冒減糧地為詞牽及書差串吞賑銀節經前督撫臣審明治罪發配及徒滿釋回復控審擬枷杖茲又砌控前情查得被告左亦衢已故非委員押同吳超宗左芹再詣該地確切勘明定其應否陞復賦額不足以折服其心先委淮安通判詣勘情形

未得切實復委江寧府北浦通判羅心源會同該縣王錫蒲勘明吳超宗所控左芹減地在昔實係低窪應減近因築堰加培堪可種植陞賦並查明所借籽種口糧實經發領各有借領在卷並無書差申吞不發情事繪具圖結稟覆並據藩司張志緒督同加道銜江寧府知府余需元等審解前來隨同核案情卽由臣孫玉庭就近親提研鞫如所控阜寧窪地奏准減免糧額

恭壽堂奏議

卷一

五

高地仍舊交糧左亦衢賄通經書鞠履台捏報窪地二十九頃將糧減去屢控委勘仍令完糧左亦衢已故其子左芹仍捏報窪地總不完糧一節覆核原案審明阜邑低窪積水無收之區於嘉慶二年奉文查辦減則吳超宗左亦衢各自赴縣呈報委員勘明左亦衢地內淮減二十九頃九十二畝零吳超宗地俱高阜不准減則吳超宗因地未淮減恣疑書差作弊且聞左亦

衢將報減地五頃四十餘畝賣與夏全管業仍載大糧字樣不知立契在未奉准減部覆之前不能卽註減則而吳超宗誤執不服以致既結屢翻及審虛擬徒年滿釋回復見左芹在報減地內佈種有收因而復控茲委員勘明左芹故父左亦衢報減地畝坐落該縣憂梁河西岸東南一帶逼近河涯實屬低窪惟迤西較高現種二麥臨河築有長堰訊據附近居民供稱此堰

恭壽堂奏議

卷一

五

實係左亦衢在日挑築保護田疇昔日地本低窪應減今越二十餘載節年加培漸形淤阜訊據左芹供稱報減窪地因築堰培護始漸有收今被吳超宗疊控不休情愿一律復賦質之吳超宗亦稱左亦衢地畝在昔低窪應減經左芹父子培護成熟可以復賦乃仍照舊減糧是以控告今蒙勘實斷令陞復賦額情已輸服不敢再控至詞內牽列委員勘訊勒結及左芹賄賂

司書弊捉收管等詞均無憑據可指實屬懷疑
誣告又如所控嘉慶二十五年籽種口糧書吏
並未散給災民道光元年口糧未給一半籽種
亦未散給是冬加給一月延至今春始放每戶
一二三口每口關領一百五十五文蠹書戴竊
年等任意剋扣舞弊或賣票或詭名現有李春
臺一戶給票九百十七張蘇克明控案條河里
實戶二千零書吏報縣四千七百零一節控關

恭壽堂奏議

卷一

五九

書吏弊吞賑卹尤應徹底查究覆核嘉慶二十
五年及道光元年該縣因災請借籽種口糧均
經詳明借領貧戶田在十畝以下者籽種口糧
並借二十畝以下但借口糧不給籽種每戶以
三口為率總以有無借領為憑不能憑空散放
元年冬賞口糧經知縣賀雲舉按照摺報銀價
每庫平一兩易錢一千零三十文每大口給銀
一錢五分合錢一百五十四文半該縣捐足尾

韓大中丞奏議 卷一

零散給是呈內所指每口關領一百五十五文
並未短扣又元年春間計叅知縣周右分別災
田熟田復請酌給籽種口糧於五月內委員解
銀到縣維時成熟村莊因二麥登場諮詢鄉農
不愿領借將銀繳還司庫並非書吏侵吞不給
今吳超宗或稱全未散給或稱未給一半之處
必須指出憑據方可徹底究追隨先提吳超宗
詰訊即據供明伊此次京控總因左芹減糧地

恭壽堂奏議

卷一

六

畝漸次成熟尚未復賦是以始終不甘必求勤
明辦理至伊牽控縣書裴瓚等侵吞籽種口糧
不散實因伊住裴橋里連年涉訟田已賣盡家
僅五人伊父子常不在家故節年籽種口糧均
未借領所有本縣續請借項因鄉農不愿再領
仍將銀兩解還司庫是以未散伊未悉情由誤
疑書吏弊吞牽連控及至承領各戶曾否全數
領得抑止領一半只求吊核縣中各戶領狀自

三三

明又所控蠹書戴鶴年等任意舞弊剋扣賣票
詭名係因聞李春臺一戶給九百十七張蘇克
明即舒克明在縣具控條河里實戶二千浮報
四千七百零是以如此砌告希圖聳聽今蒙諭
知李春臺已因京控另案審出恃強勒索實情
從重究辦蘇克明條河里即調和里有上下兩
圖經委員帶同戶書戴聯芳等查明兩圖貧民
共四千五百九十一戶並冊造報蘇克明只知

恭壽堂奏議

卷一

空

所注上圖正有二千貧戶誤控浮報已經淮安
府訊明詳覆此是伊誤聽人言牽告並非有心
等語覆核吳超宗於道光元年六月赴京翻控
捏報減糧案內牽及縣書裴瓚等侵吞口糧賑
濟先經前撫臣魏元煜提蘇委員審明誤控屬
實擬以枷杖並無籽種口糧未放斷令全給之
事質訊書差裴瓚唐又杰戴鶴年等僉供並無
朦混侵吞且伊等被吳超宗控提在省直至道

光二年春間始得回縣元年冬間所請口糧其
時尚在蘇省並未承辦何能侵吞只求詳察等
供並據被控之縣差楊元等亦各供並未差辦
賑務實被牽累調核放過籽種口糧各鄉里領
狀均核與詳報散放銀數相符以上各情反覆
質詰矢口不移似無遁飾查吳超宗因左芹承
父遺業減糧地畝加培漸熟屢控冒減復以近
年該縣被災頻邀賑貸該原告常因涉訟在外

恭壽堂奏議

卷一

空

未得借領籽種口糧誤聽蘇克明浮報貧戶傳
言牽連砌告雖究非憑空誣指實屬健訟為能
惟現在委勘地畝應行陞科復賦情稍可原應
請免其枷號仍照不應重律杖八十折責發落
李春臺勒給賑票已另案從重擬軍蘇克明在
本省控告浮報戶口訊由誤疑所致其誤執妄
控亦應擬以重杖發落左芹訊非欺隱地畝錢
糧應與本案訊無侵扣之書吏裴瓚等均免置

議所有勘明復賦地畝飭縣查明原額科則造具項畝冊結專案詳請照額徵解至詞牽災民與戶書戴鶴年等因查災毆鬧現據竈戶劉為封赴京控告該書等因災索費經提督衙門奏交臣韓文綺督同臬司審辦業已飭提人卷俟解審究明另結除備錄全案咨部外合將會核審擬緣由恭摺具奏伏乞

恭壽堂奏議

卷一

奎

皇上聖鑒勅部議覆施行奉
硃批刑部議奏

特叅疎脫要犯之知縣典史疏

奏為特叅玩視監獄疎脫要犯之知縣典史請

旨分別革職畱任以肅

功令事竊照監獄重地理應防範嚴密不容稍有

疎虞茲據武進縣知縣汪世澤稟稱前獲疊劫

盜犯薛三麻子即索老訊供通報應行覆審擬

解收禁內監本年三月初一日卯刻據典史顧

長清稟稱二月二十九日夜風雨大作監犯薛

恭壽堂奏議

卷一

奎

三麻子乘禁卒人等睡熟扭斷鐐銬板脫柵木由厨屋用橙搭靠監牆越出逃逸追緝無踪等情隨即親詣監所查看柵內有扭斷鐐銬一副木柵板脫一根厨屋瓦片有踹碎形跡訊據刑禁人等僉供並無賄縱情弊合先通稟等情臣等查薛三麻子係山東東平州人在武進縣屬地方起意疊劫事主沈起鯨徐玉有兩次行船衣物並在山東拒毆東平州捕夥李白落河身

死業據武進縣訊認通詳按律應行斬決之犯雖尚未覆訊成招該有獄管獄各官自應督率刑禁人等加意看守乃竟漫不經心以致該犯越獄脫逃殊屬廢弛據藩臬兩司暨該管道府詳參前來相應恭摺具

奏請

旨將有獄官武進縣知縣汪世澤照例革職畱任勒限緝拏管獄官武進縣典史顧長清革職拏問

恭壽堂奏議

卷一

空五

以憑提同刑書禁卒人等及同案盜夥解省嚴訊有無得賄故縱情事按律辦理一面飭屬上緊勒緝逃犯薛三麻子卽索老務獲究辦所有監犯越獄緣由謹合詞恭摺具

奏伏乞

皇上聖鑒訓示再典史顧長清參革遺缺應歸部選江蘇現有應補人員例得畱外遊員請補合並陳明

請展緩徐海等屬糧賦疏

奏為徐海等屬災歉地方熟田應徵糧賦恭懇

聖恩分別展緩以紓民力事竊照江淮等屬各州縣衛上年被水被旱成災及勘不成災田地應徵緩帶一切錢糧及本年新賦先經會摺

奏明照例分別蠲緩賑濟撫卹嗣奉

諭旨飭查今春應否接濟又經飭司確查上年成災並勘不成災各州縣衛乏食貧民奏懇

恭壽堂奏議

卷一

空

恩准展賑並蒙

加賞一月口糧各處災黎疊荷

皇仁均已餬口有資無虞失所續據徐州府粟稱徐屬之蕭縣碭山二縣田地及徐州衛坐落蕭碭

二縣屯田上年全境災歉並無應徵熟田錢糧

其餘銅山豐縣沛縣邳州宿遷睢寧六州縣並徐州衛坐落銅豐二縣未被災成熟田地均與災區毘連民情拮据新舊糧賦及攤徵河工等

欵難以按忙啟徵並據海州詳請將本年上忙
 應徵熟田新賦並道光二年漕兵米價分別緩
 徵又贛榆縣稟稱本年上忙帶徵道光元年分
 災緩地漕等銀請緩至秋後帶徵又道光二年
 分地漕等銀請暫緩至麥熟後徵收等情經臣
 飭行藩司確查實在情形詳辦去後茲據江寧
 布政使張志緒查明銅山豐縣沛縣邳州宿遷
 睢寧海州贛榆八州縣並徐州衛熟田均與災
 恭壽堂奏議 卷一

區毘連民情拮据新舊糧賦難以輸納委係實
 在情形詳請具
 奏前來臣復加體察銅山等八州縣並徐州衛坐
 落銅豐二縣上年成熟村莊或與災區毘連或
 係頻年積歉即有薄收之處小民僅資餬口若
 新舊糧賦按忙啟徵當此青黃不接之時民力
 實有未逮合無仰懇
 皇上天恩將銅山豐縣沛縣邳州宿遷睢寧海州贛

下缺

韓大中丞奏議

受業 熙麟 編次
 劉德求
 次孫泰 華敬錄

卷之二

目錄

代秦承業謝 恩疏
 核案查議疏

恭壽堂奏議 卷二

審擬甘泉縣民婦栢李氏京控疏
 請修理壇宇祠墓工程疏
 動撥口糧銀兩疏
 拏獲在洋行劫盜犯疏
 甄別人員未能足數疏
 審明生員竊卷舞弊疏
 審擬阜寧縣胡志忠張紳書京控疏
 請將尋常遣軍流徒人犯由道審勘疏

審擬阜定縣民魏玉隴陳美玉京控疏

審擬阜定縣竈戶劉為壽京控疏

謝賞藥錠疏

審擬安東縣監生宋康年京控疏

挑竣淮郡三縣河工疏

工員懇 恩疏

恭壽堂奏議

卷二

二

代秦承業謝 恩疏

奏為據情恭摺代

奏事竊臣於本年二月間接准吏部咨開欽奉

上諭秦承業前經朕宣召來京加以超擢令仍在尚

書房行走因伊老悖言語不謹不能不治以應得

之罪朕朕懷舊學秦承業究係尚書房行走多年

之人此時年近八旬着加恩賞還翰林院侍講學

士銜不必來京謝恩以示體恤欽此 臣即恭錄轉

恭壽堂奏議

卷二

一

行欽遵去後茲據秦承業呈稱伏念承業樗材

朽廢仰荷

皇上不次

天恩

宣召入都即邀超擢並入直

內庭

隆恩稠疊毫無報稱負疚已深不期福薄招愆語言

不謹自干重戾

皇上逾格矜全僅予罷斥歸里以來捫心自訟寤寐

難安茲恭奉

温綸冰銜

寵錫

鴻慈優渥實夢想所不敢期應卽匍匐詣京泥首

宮門稍申蟻悃復蒙

皇上俯憐年邁就道維艱

體恤周詳備煩

恭壽堂奏議

卷二

二

聖慮承業獲咎之餘受

恩若此心骨俱驚沐

大造之生成莫名銜結荷

榮光之下逮倍切冰兢所有感悚下忱呈請代

奏恭謝

天恩前來臣查秦承業情詞肫切感激實出至誠理

合據情轉

奏伏乞

皇上聖鑒

恭壽堂奏議

卷二

三

核案查議疏

奏為核案查議恭摺覆

奏仰祈

聖鑒事竊臣等於道光五年二月二十二日接准都

察院咨據已革常州府通判王慶椿遺抱告王

復以鹽案被誣等詞具控奏奉

諭旨此案着交孫玉庭韓文綺親提人證卷宗秉公

審訊按律定擬具奏抱告王復該部照例解往備

恭壽堂奏議

卷二

四

質欽此並准據前途將該抱告遞解到省臣等會

核控詞情節如該革員所稱府屬鹽商夾帶營

私伊將廳署向有鹽規八十兩作為緝私役食

先行陳明始赴武陽公棧查秤及伊解任半載

額知府並未當面驗秤較鹽承審司道不究額

知府改卷毀秤及倉同知得規銷示迨王藩司

傳審惟將該參員稟出鹽規銀八十兩令供認

自用等情均與該革員前在本省所遞親供情

詞大畧相同業經臣等於尚未接准部咨京控

之前提齊人證並傳知府額騰伊同知倉斯陞

等到案就近調取淮南部頒鈔砵眼同較驗準

確棧秤分兩加重由於該商等因奉文加二灑

帶另配秤桿暗貫於額重三百三十五觔數內

以致加增然合算則符引額並無重入輕出情

弊該革員先因借修衙署向鹽商借索洋銀百

元以後按年收受此數實係該革員自用所稱

恭壽堂奏議

卷二

五

作為緝私役食係捏造領狀掩飾已據當堂自

畫親供認用不諱其知府額騰伊被控並不當

面驗秤較鹽查核卷內該府奉文委審即經當

堂調取鹽秤較驗至被控改卷毀秤查改卷係

指未將臬司委伊查鹽文札全叙入詳毀秤係

指額騰伊鏤削秤花前經審明該府辦詳摘叙

委札並非弊改秤桿詳明銷毀是以鏤削並非

弊毀其同知倉斯陞被控得規銷示亦經審明

得規係屬妄指不特倉斯陞供無其事卽鹽商
堅稱並無致送亦無證據可質銷示係奉准浙
江鹽院咨飭調銷並非倉斯陞因得規而銷示
該革員遣令抱告京控尚在臣等未經提訊之
前迨臣等提案質審該革員已自認糊塗無可
置喙當按律定擬具

奏於三月二十三日奉到

硃批刑部議奏欽此該家丁王復赴京遞詞尚不知

恭壽堂奏議

卷二

六

臣等案經審明擬結今查該控詞覆核原案均
先經逐一審明無可再訊惟詞內所指玉藩司
護撫准解任府廳一人進見有報房傳送見官
刷印名單可據並於藩司任內會訊此案並不
傳府廳上堂一節為原案所無隨經札詢該司
因何案未審結接見解任知府又因何於提訊
時並不傳該府廳上堂飭令據實登覆茲據該
司稟稱上年抵蘇之初奉

旨暫護撫篆據所屬官員陸續稟謁無不隨時傳見

察詢地方公事蘇州府知府額騰伊曾經接見

一次伊雖解任係正任知府是日與署府羅綺

一同進見亦非獨見伊一人至原署常州府倉

斯陞丁憂在先畱質在後該司莅任時曾據稟

知在蘇備質未據請見向來各官晉謁有無事

稟見而不予見者亦有本不稟見而當時有事

傳見者抄刻名單亦難憑准迨接藩篆後奉飭

恭壽堂奏議

卷二

七

會同常鎮道王慶言審辦此案該司因與額騰
伊有姻表親誼曾經迴避因查非例應迴避之
親未經邀准隨提集人證悉心會審先將商人
書役各供究問明晰然後查訊該革員王慶椿
次及知府額騰伊次及倉斯陞無不當堂面訊
錄取親供存卷供詞鑿鑿當卽議擬詳解且將
額騰伊前未審出王慶椿收受商人銀兩捏為
緝私飯食之處於詳內聲請附叅實係秉公從

事委無贍狗等情稟覆前來臣等查解任知府非革職人員可比該司初到先護撫篆在省各

官進謁與眾同見並非私謁原不得以此藉口至該司與該府雖誼屬姻表例不迴避該司會

審此案將該府額騰伊未能審出王慶椿借索實情失出徒罪附請參處且經臣等親提研鞠

無異其無贍狗可知應毋庸議王慶椿控詞與在本省節遞親供情節相同並無增出別項控

恭壽堂奏議

卷二

八

情且在未經訊結之前應仍照原擬聽候部議飭遵抱告王復聽從本官之命赴京遞詞不知已在本省訊結亦免置議即飭遞回原籍保釋所有核案詢議緣由理合恭摺覆

奏伏乞

皇上聖鑒

審擬甘泉縣民婦栢李氏京控疏

奏為遵

旨審明定擬恭摺具

奏仰祈

聖鑒事竊照甘泉縣民婦栢李氏遣抱告栢喬治赴京呈控在籍修撰洪瑩買有夫之女為妾一案經都察院衙門奏奉

諭旨此案着交韓文綺親提人證卷宗秉公審訊按

恭壽堂奏議

卷二

九

律定擬具奏抱告栢喬治該部照例解往備質欽此欽遵並准兵部將原告栢喬治咨解前來臣親提人證逐一研鞠緣栢李氏原籍高郵遷居揚州栢喬坤係該氏之孫嘉慶十三年二月間氏夫栢大榮在日與九許氏之翁九加禮交好往來栢大榮曾託顧元珍張德作媒說聘九許氏之女九氏與栢喬坤為婚九許氏應允於是年六月初二日允許氏家先給草紙庚帖栢大

蔡央媒說明財禮至九月初四日備具紅帖填
寫男宅年庚並財禮銀五兩四錢盒擔銀二兩
送至九許氏家九許氏倩樊明填寫女宅年庚
並瓶袋一對送回聯姻之後栢喬坤常至九許
氏家九許氏陸續給有衣被枕頂等物嗣因栢
喬坤屢向借貸九許氏嫌其貧窮起意悔婚於
二十三年十一月間因原媒顧元珍已故即託
其父顧朝陽至栢李氏家以栢喬坤家道貧難

恭壽堂奏議

卷二

十

不肯將九氏出嫁之言先行通知二十四年正
月栢李氏意欲迎娶央媒往說九許氏故意刁
難聲稱增添首飾衣服並另搬房屋方肯出嫁
栢喬坤無力辦理而止九許氏旋因伊翁伊夫
先後病故乏錢殯葬於二十五年三月將伊女
九氏憑媒倪氏即楊劉氏並田氏說合得銀三
百兩費與在籍修撰洪瑩為妾顧朝陽聞知向
栢喬坤通信栢喬坤赴甘泉縣具控該前縣羅

翽遠傳訊兩造各執一詞補提人證覆訊是年
六月間原差王浩向栢喬坤詢問當日聘定九
氏花費財禮若干栢喬坤捏說銀二十兩王浩
從中國利即與栢李氏栢喬坤並栢喬坤之叔
栢以林栢以和聲言九女已嫁與人為妾不如
得了十倍財禮有銀二百兩可以另娶免受拖
累栢喬坤等應允王浩適遇洪瑩家人孫燦告
知轉向洪瑩言明付給八折銀二百兩王浩隨

恭壽堂奏議

卷二

十一

與栢喬坤等說定寫就結狀並許給顧朝陽張
德銀各五兩迨甘泉縣覆訊眾供當日祇有草
帖議婚未成所呈紅帖係屬假捏栢喬坤亦自
認誣控具結該縣羅翽遠據供定案後王浩止
給栢喬坤八折銀一百四十兩扣存六十兩內
給顧朝陽張德共銀十兩又捏稱開發房飯錢
侵用銀三十六兩尚有十四兩王浩與陸岐分
用栢李氏因銀未全得心懷不甘於二十五年

十月間令次孫栢喬治赴揚州府呈告繼又赴臬司總督各衙門具控其時栢喬坤之繼父徐相臣因未分得錢文亦以前情赴總督衙門具控均批揚州府提訊該府黃在厚與江都縣陳文述先後審訊查出徐相臣曾與丁錫九商量一並傳案候質王浩於道光元年七月間因徐相臣等需索錢文又向孫燦取給孫燦因前此調處之後栢李氏復行翻控辦事不妥不敢向

恭壽堂奏議

卷二

五

伊主告知即於經手家用賬內多開銷八折錢四十千文交與王浩分給徐相臣丁錫九二人徐相臣等即到案扶同具結該府縣等均訊與原案供情無異取結具詳完案二年十一月間栢李氏以栢喬坤染病需用王浩所扣銀兩終未付給仍以前情遣栢喬治赴京在都察院控告奏奉

諭旨交臣審訊提到洪瑩及全卷人證逐一詰問得

悉前情正在覆訊間據長洲縣申報王浩病故飭委吳縣驗明實係驟患疫症身死俾查驗洪瑩呈出九氏賣身文契係嚴許氏出名所載年庚月日核與栢喬坤原呈庚帖不符復提洪瑩當堂詰問據供伊買九許氏之女為妾賣契內載明嚴許氏當時不知姓尤亦不知其許配有入嗣栢喬坤控案據家人孫燦說及栢喬坤與王浩商議要索還十倍財禮伊一時糊塗付銀

恭壽堂奏議

卷二

五

一百六十兩與孫燦轉給咎無可辭等語查王浩孫燦等俱供八折銀二百兩茲據洪瑩供認一百六十兩核計八折銀二百兩亦屬相符質之九許氏供稱因伊女先曾許過栢家是以前改易生年月日並捏為嚴姓以為掩飾悔婚之計又查附卷草帖紅帖筆跡不符復向栢喬坤訊問據供草帖紅帖背後伊俱畫押作記現在紅帖無押委非原呈紅帖隨提甘泉縣經承趙宇

上嚴究供因王浩向伊言及原案媒證皆供紅帖假捏必得抽換以符原案當給八折銀六兩四錢伊得受應允王浩即另寫紅帖交與附卷將原呈紅帖燒燬臣恐趙字上或因王浩病故飾詞推卸復密提王浩之子王世春來省隔別訊問並將附卷假紅帖給看據稱實係伊故父親筆並當日目擊假造勸阻不聽等語此允許氏之女九氏先曾聘定栢喬坤為婚繼因九許

恭壽堂奏議

卷二

十四

氏嫌貧翻悔賣給洪瑩為妾及栢喬坤具控後得受財禮扶同具結之實情也再三研鞠衆供不移案無遁飾查律載用財買休賣休和同娶人妻者本夫及買休人各杖一百婦人離異歸宗財禮入官又官犯私罪杖一百革職又許嫁女已報婚書再許他人已成婚者杖八十財禮入官又枉法贓一兩至五兩杖八十一十五兩杖一百又例載以財行求及說事過錢者審實

皆計所與之贓與受財人同科無祿人各減一等各等語此案栢喬坤明知原聘之妻賣與洪瑩作妾貪圖多得財禮具結認誣洪瑩既知九氏來歷不明聽信孫燦多給財禮仍畱作妾即與買休賣休無異自應按律問擬修撰洪瑩除悞娶有夫之女輕罪不議外合依買休人杖一百律杖一百例應革職事犯在嘉慶二十五年八月二十七日

恭壽堂奏議

卷二

十五

大赦以前係屬職官應否援免恭候欽定栢喬坤依賣休本夫杖一百九許氏嫌貧悔婚將女另賣與人為妾合依許嫁女已報婚書再許他人已成婚者杖八十律杖八十照例收贖徐相臣丁錫九聽受賄囑扶同具結各得八折錢二十千折實銀十六兩依枉法贓十五兩杖一百無祿人減一等律杖九十孫燦聽信王浩行賄囑託應與受賄之徐相臣等計

賊同科孫燦除過付栢喬坤輕罪不議外合依以財行求所與之賊與受財人同科例亦杖九十趙字上任聽王浩抽改紅帖得受銀兩計折實銀五兩零依枉法贓一兩至五兩杖八十無祿人減一等律杖七十係書吏知法犯法加一等仍杖八十顧朝陽張德各得受銀五兩隨同捏供計折實銀四兩除張德已經病故外顧朝陽依枉法贓一兩至五兩杖八十無祿人減一

恭壽堂奏議

卷二

十六

等律杖七十栢以和當栢喬坤得銀認誣之時並不阻止復隨同具結殊屬不合應照不應重律杖八十王浩從中說合賣休侵扣栢喬坤財禮銀兩並賄囑經承抽換紅帖過付徐相臣等銀兩種種玩法本干律擬已經病故應與得受王浩分給銀兩先已病故之陸岐均毋庸議查栢喬坤等事犯在嘉慶二十五年八月二十七日恭逢

大赦及歷次

恩詔以前所得杖罪均與援免尤許氏並免收贖縣書趙字上仍斥革徐相臣丁錫九得贓在後應與賄囑之孫燦照擬折責發落尤氏係伊母尤許氏主婚業已罪坐其母應毋庸議照例離異交尤許氏領回另行擇配尤許氏得受栢喬坤財禮等銀七兩四錢追給栢喬坤具領所得洪瑩買妾身價三百兩與栢喬坤所得洪瑩付給

恭壽堂奏議

卷二

十七

財禮八折銀一百四十兩及徐相臣丁錫九趙字上顧朝陽得受賄囑銀兩均照追入官王浩陸岐張德所得銀兩身死勿徵栢李氏控詞雖有不實均屬有因栢喬治聽從伊祖母控告倪氏即楊劉氏為尤氏作媒嫁賣訊明不知曾經許配有人俱免置議餘屬無干概行省釋案已訊明未到之栢以林等免其提質王浩驗係病故看守人等並無凌虐情事亦毋庸議草帖紅

帖賣契案結塗銷再此案經甘泉縣知縣羅翹
遠江都縣知縣陳文述揚州府知府黃在厚先
後提審均未訊出實情相應附參請

旨交部議處除將供冊咨部外所有審明定擬緣由
理合恭摺具

奏伏乞

皇上聖鑒勅部核覆施行

恭壽堂奏議

卷二

十八

請修理壇宇祠墓工程疏

奏為動項修理壇宇祠墓工程循例具

奏仰祈

聖鑒事竊照各屬修理工程動用銀兩例應隨時具

奏今據蘇州布政使玉輅詳稱蘇州府屬之新陽

縣境內

先農壇房屋上屆於乾隆五十三年修竣迄今久逾

固限必須修整估需工料銀五百四十兩三錢

恭壽堂奏議

卷二

元

三分三釐又松江府屬之青浦縣境內

孔聖衣冠祠墓

御書樓等處房屋圍牆等項上屆於嘉慶五年修竣

迄今已逾固限必須修理估需工料銀九百九

十六兩二錢一分四釐均經飭府委員勘明實

係坍塌應修請於司庫存公銀內動支給辦詳

請具

奏前來臣查前項請修工程攸關祀典既據由司

委勘應修通共估需銀一千五百三十六兩五錢零核無浮冒應請循例於司庫存公銀內動支給辦除取造估冊咨部外所有修理壇宇等項工程動用銀款緣由理合恭摺具

奏伏乞

皇上聖鑒勅部核覆施行

恭壽堂奏議

卷二

三

動撥口糧銀兩疏

奏為動撥口糧銀兩恭摺奏

聞仰祈

聖鑒事本年正月十九日接准戶部咨開奉

上諭上年江蘇省海州等州縣衛被災歉收業經分別賑濟蠲緩小民自可無虞失所惟念今春青黃不接之時民力尚形拮据着賞給一月口糧等因欽此跪讀之下仰見

恭壽堂奏議

卷二

三

皇上軫念民依

恩施稠疊莫名欽感當即轉行欽遵並刊刷膳黃編行曉諭一面確查實需銀數請撥去後茲據江寧布政使張志緒詳稱上年海州被水成災八分暨徐州府銅山等六州縣衛被災五分及勘不成災地方今春欽奉

恩旨分別展賑加賞口糧並

賞給一月口糧通盤約計共需展賑口糧銀二十二

萬二千餘兩查有上年冬賑口糧

奏撥蘇藩司庫協賑餘存銀六萬八千餘兩堪以

動支其餘不敷銀十五萬四千餘兩江寧司庫

無款動撥移查龍江關庫堪撥銀十萬兩許墅

關庫堪撥銀五萬四千兩共二十二萬二千餘

兩如有不敷臨時於江藩司庫正項銀內湊撥

濟放等情詳請核

奏前來臣覆加察核請撥銀兩係照例核計在所

恭壽堂奏議

卷二

三

必需相應恭懇

皇上天恩俯准按數動撥以資接濟如有餘剩即飭

解司還款設有不敷由司找撥並飭該管道府

督飭各該州縣衛查明戶口迅速領銀挨戶親

為散給並令該司張志緒親往抽查督放務俾

災黎均沾實惠不使稍有遺漏並不得假手胥

役絲毫侵冒仍隨時訪察倘有前項情弊立即

嚴叅究辦以仰副

聖主敷惠窮黎

普錫春祺之至意除分別咨行並將撥解細數造冊

咨部仍俟放竣另取戶口花名銀數冊結依限

題銷外所有動撥口糧銀兩緣由謹會同協辦大

學士兩江總督臣孫玉庭合詞恭摺具

奏伏乞

皇上聖鑒訓示

恭壽堂奏議

卷二

三

等獲在洋行劫盜犯疏

奏為等獲在洋行劫盜犯審明定擬恭摺仰祈

聖鑒事竊據通州知州馮馨詳報據前任餘東場太

使現補豐縣知縣德豐帶同垣商捐職布政司

理問顏崇禮並海州通州崇明上海等州縣及

營弁兵役先後等獲盜犯常又欣潘遂富潘受

保潘遂堂陸勝隴許金淋蔡立髻子朱豹郎八

名訊認聽從逸犯徐尚賓夥同鮑六杜秀芳楊

恭壽堂奏議

卷二

五

繼芳徐士貴一共十三人在海州開山洋面行

劫贛榆縣事主尚養經客船布物一案起獲各

賊傳主認領錄供通詳經前撫臣魏元煜因事

關海洋行劫重案提犯來省發委蘇州府督同

元和縣審辦嗣據該府等以起獲布匹各賊核

與事主尚養經原報不符覆訊犯供游移賊據

未確難以定讞稟請發回通州就近傳主認賊

確訊詳辦間即據長洲縣詳報寄監盜犯常又

欣在監病故驗明屬實又據通州詳報據垣商

顏崇禮帶同兵役續獲盜犯鮑六一名起獲布

匹等賊專差移解海州轉發贛榆縣傳到事主

尚養經船上託寄貨物李德元之夥高元泰認

明實係被劫原贓給與領回並據供明前因高

元泰託寄布匹等物係用油紙包裹裝入竹箱

尚養經船上舵工劉起高不知是何物件先經

傳認因高元泰外出是以不敢冒領等情又據

恭壽堂奏議

卷二

五

崇明江陰等縣於飭緝巨盜張扣二等案內緝

獲盜犯徐尚賓徐士貴二名當即飭提各犯來

省札委署蘇州府知府羅琦督同元和縣知縣

王有慶審明定擬由司招解前來臣韓文綺親

提各犯逐一研鞫錄徐尚賓即徐嚇傳朱豹郎

均籍隸崇明陸勝隴許金淋鮑六潘遂富潘遂

堂蔡立髻子潘受保俱籍隸通州捕魚為業與

已獲監斃之常又欣及未獲之杜秀芳楊繼芳

素識嘉慶二十五年七月初四日徐尚賓因生意淡薄欲出洋捕魚恐人少不能駕駛當令伊子徐士貴即徐汝桂在崇明縣寬心港看船等候自即上岸邀同陸勝隴許金淋鮑六潘遂富潘遂堂蔡立髻子朱豹即常又欣潘受保杜秀芳楊繼芳下船與徐士貴一共十三人於初五日早從寬心港開船出口在內洋附近捕魚原擬三兩日轉回所帶水米無多初七日至楊木

恭壽堂奏議

卷二

五

港被風折斷大桅僅存梢蓬飄出外洋船內水米將盡徐尚賓等各懷焦急初八日晚船至海州開山洋面適贛榆縣事主尚養經令舵工劉起高常克順等由上海管駕貨船駛至該處徐尚賓起意糾劫陸勝隴許金淋鮑六杜秀芳楊繼芳允從潘遂富潘遂堂蔡立髻子朱豹即常又欣潘受保徐士貴不允被徐尚賓用言逼脅亦即允從潘受保徐士貴畏懼躲避船底徐尚

賓即令潘遂富看管本船蓬脚朱豹即把舵駛近事主船旁徐尚賓攜帶魚刀陸勝隴許金淋鮑六杜秀芳楊繼芳各執木棍竹篙過船潘遂堂蔡立髻子常又欣在本船接賊徐尚賓等進艙搜劫贓物水手常克順向奪被徐尚賓用刀砍傷頭上與舵工劉起高等避入後艙徐尚賓與陸勝隴等劫得水米衣物布疋回船開行十三日風順回至陳家河地方徐尚賓因贓物零

恭壽堂奏議

卷二

五

碎難以分派先給各人贓布數匹餘俟變賣得錢俵分陸勝隴等應允潘受保害怕不願分贓經徐尚賓等湊給錢一千七百文囑勿漏風十四日陸勝隴等由海灘上岸各散徐尚賓徐士貴父子駕船赴沿海各處變贓花用尚養經報經該州會營差緝獲犯訊供稟經提省屢審供認前情不諱究無窩夥另劫別案賊經主領正盜無疑查例載江洋行劫大盜立斬梟示又洋

盜案內被脅接賊瞭望僅止一次者發新疆給官兵為奴又洋盜案內被脅在船止為盜匪服役並未隨行上盜者杖一百徒三年各等語此案訊係徐尚賓起意為首陸勝隴許金淋鮑六與在逃之杜秀芳楊繼芳過船搜賊自應按例問擬徐尚賓陸勝隴許金淋鮑六均合依江洋行劫大盜立斬梟示例擬斬立決梟示潘遂富潘遂堂蔡立鬻子朱豹郎常又欣聽從行劫止

恭壽堂奏議

卷二

三

在本船接賊及把舵看蓬行劫亦止一次除常又欣已在監病故不議外潘遂富潘遂堂蔡立鬻子朱豹郎均照洋盜案內接賊瞭望僅止一次發遣例俱發新疆給官兵為奴均照例刺字徐尚賓卽徐嚇傳尚有聽從張扣二在洋行劫並殺害王萬成船上十一命一案情罪較重已歸彼案按例問擬恭請

王命正法陸勝隴等事犯在嘉慶二十五年八月二

十七日欽奉

恩詔以前係海洋行劫盜犯不准援免潘受保徐士貴被徐尚賓逼脅允從臨時畏懼躲避並未同行上盜尚知畏法惟於事後幫同駕駛分得賊錢應照洋盜案內止為盜匪服役並未隨行上盜杖徒例杖一百徒三年徐士貴卽徐汝桂尚有聽從張扣二行劫海門廳戲臺河不知姓名客船衣物一案應照接賊瞭望僅止一次發遣

恭壽堂奏議

卷二

三

為奴例問擬情罪較重應歸彼案擬結許金淋之父許立春鮑六之父鮑盛元常又欣之兄常有華均照父兄不能禁約子弟為盜例杖一百該犯等事在

赦前所得徒杖各罪均請援免潘受保如再有犯加一等治罪餘無同居親屬知情分贓牌保得規包庇情事買寄贓物之吳兆文等訊不知情水手常克明傷已平復均毋庸議買贓之不識姓

名人並免查傳起賊給主未起追賠該犯等所
坐船隻訊未編號其從寬心港出口據供乘間
偷渡守口員弁並無濫行驗放情事逸盜杜秀
芳楊繼芳嚴飭勒緝務獲另結前任餘東場大
使現補豐縣知縣德豐督同垣商人等首先盤
獲夥盜常又欣一名協獲夥盜陸勝隴許金淋
鮑六潘遂富潘遂堂蔡立髻子潘受保七名洵
屬勤能又垣商捐職布政司理問顏崇禮首獲

恭壽堂奏議

卷二

手

夥盜陸勝隴許金淋鮑六潘遂富潘遂堂蔡立
髻子潘受保七名協獲夥盜常又欣一名內有
過船搜賊罪應斬梟三名該垣商係捐職布政
司理問本無緝捕之責乃為保護桑梓勤於偵
緝拏獲洋盜多名實屬勤奮可嘉相應一並聲
明聽候部議應參疎防各職名現飭查取另參
除將全案供招咨部外所有審明定擬緣由臣
等謹遵例合詞恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷二

手

甄別人員未能足數疏

奏為甄別教職佐雜人員休革未能足數循例恭摺具

摺具

奏仰祈

聖鑒事竊查俸滿教職佐貳雜職例應按照額缺休

革百之二三於年終彙咨報部如果無衰庸戀

缺之員應將無可効叅緣由切實聲明具

奏臣自去冬抵任即諄囑藩臬各司認真查辦今

恭壽堂奏議

卷二

三

江蘇省道光二年分俸滿教職佐雜已屆彙辦

之期催據江蘇兩藩司會同臬司詳稱江蘇教

職共一百十九缺按額應休革三員佐貳雜職

共二百三十八缺按額應休革五員除教職已

休致二員核計尚少一員佐雜已叅革一員計

少四員當經飭據各府州申覆詳細確查實無

年老力衰辦事平庸之員將無可効叅緣由詳

請循例

奏咨等情臣恐該教職佐雜中應行休革者尚不

止此數員覆飭據藩臬各司查明實已無可効

叅自應據實先行陳

奏臣仍畱心查察如有衰庸不職辦事怠玩者即

當隨時効叅斷不敢稍存姑息除將俸滿保薦

畱任及休革員數彙冊分送軍機處吏部查核

彙辦外所有道光二年分甄別教職佐雜休革

未能足數及無可効叅緣由謹會同協辦大學

恭壽堂奏議

卷二

三

士兩江總督臣孫玉庭江蘇學政臣周系英合

詞恭摺具

奏伏乞

皇上聖鑒奉

硃批吏部知道

審明生員竊卷舞弊疏

奏為生員冒充謄錄竊卷舞弊審明按例定擬恭

摺仰祈

聖鑒事竊於道光二年九月十四日准安徽撫臣孫

爾準咨江南文闈應試有實應縣生員龐喬因

錄遺未取冒充謄錄混入貢院竊取試卷竇補

卷面填寫本身姓名籍貫莫圖僥倖當即拏獲

發交江寧府知府余需元嚴加審訊並將竊卷

恭壽堂奏議

卷二

三

竇改緣由先行附片

奏明咨會飭查核辦等因當經前撫臣魏元煜行

司飭審未及勘辦卸事臣到任後催據江寧府

知府余需元訊明由臬司陳廷桂覆審議擬詳

解前來臣即親提研鞫緣龐喬籍隸寶應縣於

嘉慶二十一年科試取入縣學訓蒙度日與該

縣吏房清書劉用時本係親戚道光二年壬午

科鄉試龐喬赴省錄遺未取不能入場適遇劉

用時承頂該縣故書王安之名充當謄錄因值

患瘧恐難寫字欲邀龐喬進場幫寫龐喬因錄

遺未取無顏回家希圖藉此掩人耳目遂即應

允八月初六日乘點謄錄之時人多擁擠混入

貢院與劉用時在謄錄所駐歇初八日傍晚龐

喬隨眾打飯見號口地上遺有卷袋拾起查看

內係金匱縣附生張鑣試卷龐喬妄思倖獲隨

即攜入尾號向同號生討得墨半段將卷竇補

恭壽堂奏議

卷二

三

改填本身姓名籍貫敷衍完篇赴堂交收仍回

謄錄所抄寫未向劉用時告知迨二場點名之

時龐喬出所打飯適見一人將卷置放籃面前

行尋號龐喬妄念未息從後將卷抽取入手看

係當塗縣附生陳德祥試卷仍復混入尾號照

前竇改於十三日完卷赴堂投交即被查獲並

據謄錄所官員察出劉用時字跡不符稟經監

臨撫臣孫爾準發交江寧府訊供詳革並經

奏交飭審前撫臣魏元煜旋值卸事臣催提各犯訊悉前情臣查龐喬錄遺未取冊造無名且竊卷完補即使三場完備焉能妄冀倖獲不慮發覺至謄錄劉用時如果患病便可隨時呈稟何必雇人幫寫自取敗露誠恐另有勾同鎗代情事復加嚴審據龐喬堅供伊允劉用時入闈幫寫止因錄遺未取無顏回家藉圖掩飾迨後拾獲試卷一時糊塗妄冀倖獲實未慮及後來發

恭壽堂奏議

卷二

三

覺委無鎗代情弊劉用時供係初充謄錄不知科場規矩適因患病是以冒昧邀同龐喬進場幫寫至龐喬如何竊卷伊實不知委無勾串情事再三究詰矢口不移案無遁飾查例載應試舉監生儒越舍與人換寫文字或臨時換卷者發近邊充軍又各衙門辦事官吏承差皆不許倩人代替違者杖一百黜革各等語此案龐喬身列膠庠應遵

功令乃效穿窬之行妄冀倖獲實屬有玷士林惟查律例並無場中竊人試卷作何治罪明文自應比例問擬已革生員龐喬應比照應試生儒越舍換卷發近邊充軍例發近邊充軍據供母老丁單已據該縣查訊屬實取具印甘各結核與畱養之例相符應請照例枷責發落准其存畱養親謄錄書吏劉用時於龐喬竊卷完改訊不知情惟因患病輒邀龐喬進場幫寫即與倩

恭壽堂奏議

卷二

三

人代替無異劉用時應照各衙門辦事官吏承差倩人代替例杖一百折責發落至寶應縣知縣許知璣先經派調聞差已入內簾於該謄錄邀人進場幫寫無從覺察龐喬混入場內該學教官亦無從查察應否免其議處聽候部議除將龐喬畱養各結並備錄供招咨送刑部外臣謹恭摺具奏伏乞

皇上聖鑒勅部核覆施行奉
硃批刑部議奏

恭壽堂奏議

卷二

三

審擬阜寧縣胡志忠張紳書京控疏
奏為遵

旨審明定擬具

奏事竊照前准都察院咨據江蘇阜寧縣民人胡
志忠張紳書以吞賑殃民等詞呈控一案
奏奉

諭旨此案着交孫玉庭魏元煜親提人證卷宗秉公
審訊定擬具奏原告胡志忠張紳書該部照例解

恭壽堂奏議

卷二

三

往備質欽此並據上元縣詳准前途將胡志忠等
遞到維時臣孫玉庭須赴浦防汛卽先飭發藩
司提齊人卷督同首府訊錄供詞詳解親勘嗣
臣魏元煜調任總漕據前署藩司齡住因案內
牽控人證衆多一時提解難齊且滋拖累累經
臣孫玉庭遊派海防同知萬承紀就近察訊摘
提緊要犯證解省審辦據該丞究出胡志忠控
案係訟師王茂才主使王振維作詞播弄劉書

田隨同附和其張書紳控案係張盛周串通圖詐張效五作詞遣控均借他人已結舊案作證牽砌羅織稟請飭提各訟師解審究擬詎王茂才張效五二犯聞風潛逃緝獲張盛周等到案提同被控書差證佐按照控情秉公質取確供由藩臬兩司覆訊詳解前來臣等先後親提研鞠緣胡志忠張紳書與王振維劉書田均籍隸阜寧縣道光元年春間阜邑貧農乏種該縣詳

恭壽堂奏議

卷二

四

借籽種放給是年秋間全境被災

奏准隆冬賑卹口糧道光二年春間又蒙

恩加賞口糧均經派員實查實放該縣節次承領賑銀存於阜邑巴寶源徐源泰湯泳隆孫春和錢店按照市價以銀換錢散給並無短少有在逃縣書王茂才因前參縣裘增慶虧缺招變淤地價銀案內提省質筭回縣該書以拖累貧苦向承辦口糧之戶書李懷林鄭廷璋等混稱伊

等經辦口糧剋扣賺錢及錢店換錢必有盈餘須出錢幫助否則即行控告之詞在外揚言恐嚇冀圖畏累給錢鄭廷璋等因無弊竇各置不理王茂才即與胡志忠及王振維劉書田商議串詐得錢均分令胡志忠出頭赴京告狀均各允從王振維遂捏李懷林等苛漕侵賑並放給籽種剋扣遲延及委員勾合查書孫國柱等互相朦吞砌就呈詞給王茂才閱看知有徐開一

恭壽堂奏議

卷二

五

龔志銳張銓徐耀祖楊泰和等控告縣書漏查求補已結舊案又於詞內添註借案作證復令劉書田在外聲揚尚冀李懷林等出錢求息久之無應即令胡志忠赴京呈告又張盛周亦知口糧銀兩係在湯泳隆等各錢店易換錢文起意商同張效五訛錢均分張盛周先向素好之魏協借看賑票九張馬天盛賑票八張徐景素等賑票七張聲言代領付給謗匿在手一面託

認識之劉楨向各錢店借錢劉楨不肯張盛周復令魏協向劉楨婉說又被斥回張盛周即捏稱湯泳隆等各錢店吞押賑票每口押錢一百文等詞赴縣控告因無證佐商令張效五作詞給與魏協等反控該犯張盛周借去伊等賑票向錢店轉押以證其所控錢店押票之不虛經前署縣賀雲峯訊無其事張盛周圍詐不遂又主使張效五作詞主令張紳書出名捏稱縣書

恭壽堂奏議

卷二

三

鄭廷璋等遲給口糧縣幕夏埤窺眾情急着伊姻弟劉楨分投收押糧票伊與族隣將票托張盛周等向湯泳隆等錢店押錢言明贖票認息嗣荷

加賞一月口糧借備本利贖票不允伊等控經縣訊反被扣給疑遭縣幕囑差布挈等情並牽案外李丕承等另控遺漏餓口等詞作證赴京指告此胡志忠張紳書各聽訟師播唆出控之原委

也茲經臣等提集研訊如胡志忠詞內所控縣書李懷林孫國柱與何平章等苛濫侵賑借給籽種銀兩不照銀數隨時散給迨至秋間每項上給錢二千零內扣費二百二十文給領者十未及二胡志忠與劉書田請領蠶欲全扣反遭駱龍等私押一節審據李懷林等各供嘉慶二十五年縣被秋災道光元年春間詳借籽種至四月領銀到縣五月設廠委員監放詳明大戶

恭壽堂奏議

卷二

三

不給惟五十畝以下小戶按畝散放合計每田一項給銀二兩因戶畝畸零是以照市價易錢二千二十文按畝折給由上司委員對冊借放不涉書辦之手其中有不願領者聽便故不按戶全給並非給領十不及二該書李懷林何平章在署辦事並未到廠經放無從扣費亦非到秋始放胡志忠欲包領族人胡志文籽種銀兩經該書核冊填票令冊書糧差畫押給票赴廠

該差駱兆因胡志忠只應領銀六兩其餘應胡志文親領不肯畫押回明本官扣出隨給胡志文自行領去胡志忠因此與該書差口角有嫌曾在縣控告伊等剋扣錢文傳審未到並無將其私押之事至於鄭廷璋等經辦貧民口糧於道光二年三月及四月領到銀兩設廠開放隆冬口糧照月報市價每兩易錢一千三十文迨後錢價稍增亦照月報每兩易錢一千十文並

恭壽堂奏議

卷二

四

無易錢一千二百四十文之價大口例給銀一錢五分析錢一百五十五文小口減半尾零不足本官詳明捐給亦經司道委員監放並無剋扣分文該書等近年亦未經辦漕務實未侵賑苛漕等語質之胡志忠自認挾有口角微嫌聽唆誣控又其詞內指控李懷林於嘉慶十六年侵虧錢漕一千數十餘兩二十二年侵蝕應繳升科地價一千一百四十四兩零致續任裘知

縣被累監比道光二年閏二月甫將賑銀侵吞償公一節審據李懷林供稱伊於嘉慶十七年辦漕因公動用庫錢一千一百八十千文當時具領有案後於十八九及二十二二十一等年陸續繳清又於二十二年承辦升科地價案內得繳銀四萬餘兩因各戶零繳以錢折銀合價不敷經署縣田如芬着賠銀一千四百四十八兩該書於嘉慶二十三年八月繳銀三百兩道光

恭壽堂奏議

卷二

五

元年十一十二等月兩次繳銀九百兩二年正月照數繳清都有案據至賑銀三月始奉發到伊完繳在前如何稱伊侵吞彌補等供質訊胡志忠據稱所控前情皆由王茂才商令王振維砌入伊實誤聽妄控又所控委員王珍漏查不補典史將其濫責等情一節據經委員萬承紀就近訊得該縣大套巡檢王珍供明道光元年奉縣委查黃河北岸雲梯關戶口因該處民人

不遵章程多索賑票回縣舉明印官另委幹員
接查並非漏查不補並據候補從九孫逢瑞供
稱伊奉縣派委接查雲梯關戶口查完一莊卽
取地保莊頭無濫無遺切結呈縣開報並無通
同縣丁勾合查書楊鳳鳴等互相吞朦以少報
多漏查不補之事又據典史施塗供稱胡志忠
控案並未發交該員無從諭令于邦賢等指掌
濫責以上各情實據胡志忠王振維供認聽從

恭壽堂奏議

卷二

四六

王茂才誣砌不諱並究出王振維曾代劉書田
徐開一作詞各控縣書冒吞籽種又代王符周
作詞控郭良恒不讓房屋得錢四五百文不等
其張書紳呈內縣書李懷林與鄧廷璋等被控
冬賞口糧延至今春始放又控縣幕夏墀應掌
錢穀着其姻弟收押糧票並牽列李丕承遺漏
饑口楊飾堂控李懷林做戶吞賑何振三分賊
不平一節審據李懷林夏墀劉楨何振三等各

供阜邑元年冬賞口糧至二年三月始給寔因
上司恐有虛冒委查駁減核實批發始行散放
並非該書等辦理遲延夏墀係江西新建縣人
與前容縣裘增慶係中表弟兄在署幫辦徵比
並未掌管錢穀因災辦理口糧非伊所司並未
過問實無着劉楨收押糧票之事道光元年賑
銀係庫書鄭廷璋承辦何振三係城坊鄉約隨
同委員查災李丕承控告漏查求補其案已結

恭壽堂奏議

卷二

四七

楊飾堂欲求與賑何振三因其子現充吏房書
辦並非貧戶斥其不應回稟委員移縣飭傳不
到將其子掌責枷示楊飾堂挾嫌控府將何振
三鄉約斥革並牽李懷林入案業在清河縣提
審實訊明晰楊飾堂認誣有案並無做戶吞賑
及分賊不平情事質之張紳書供認張盛周串
詐砌誣屬實究詰不移似無遁飾查例載幕越
赴京告重事不實並全誣十人以上者發邊遠

充軍又教唆詞訟誣告人之案以主唆之人為首聽從控告之人為從又積慣訟棍播弄鄉愚恐嚇詐財一經審實即依棍徒生事擾害例問發雲貴兩廣極邊烟瘴充軍又名例載犯罪事發在逃眾證明白即同獄成不須對問各等語此案胡志忠張紳書各以縣書吞賑殃民等詞牽控多人復添砌已結舊案圖詐拖累查胡志忠京控由於王茂才主使捏告張紳書京控由

恭壽堂奏議

卷二

四

於張盛周主使捏告今審係全虛自應以主使之人為首照例問擬除王茂才在逃俟緝獲究擬外張盛周一犯合依蔘越赴京告重事不實並全誣十人以上發邊遠充軍例應發邊遠充軍王振維聽從王茂才代做胡志忠京控呈詞並究出另代劉書田徐開三主符周做詞呈控得受錢文實屬積慣教唆未復僅依為從例擬徒王振維合依積慣訟棍播弄詐財依棍徒生

事擾害例問發雲貴兩廣極邊烟瘴充軍到配各杖一百折責安置胡志忠張紳書劉書田聽從誣告均合依為從例各杖一百徒三年定地發配折責安置魏協馬天成賈運聽從張效五幫控錢店押票以為佐證殊有不合應各照不應重律杖八十賈運係監生照例收贖餘俱折責發落查賑委員及該縣典史訊無漏查濫責各錢店巴寶源等及被控各書差均訊係被誣

恭壽堂奏議

卷二

四

並無侵吞情弊應毋庸議逸犯王茂才張效五俟緝獲另結除備敘全案咨部外合將審擬緣由恭摺具奏伏乞皇上聖鑒勅部議覆施行奉

硃批刑部議奏

請將尋常遣軍流徒人犯由道審勘疏

奏為淮徐海三府州屬尋常遣軍流犯及秋審人

犯請歸巡道審勘以恤罪囚而省拖累恭摺仰

祈

聖鑒事竊查臬司衙門為刑名總匯一切命盜雜案

應擬斬絞軍流及命案擬徒人犯向俱解司勘

轉江蘇省幅輿遼濶案件繁多各府州屬解省

人犯程途遠近不同應行酌量變通以期恤囚

恭壽堂奏議

卷二

五

免累據江蘇按察使林則徐詳稱江北之淮安

徐州海州三府州所屬地方與蘇州省城相距

寫遠有在一千數百里之外者中間經過黃河

揚子江每當伏秋水勢盛漲風汎靡常難於涉

渡所有斬絞重囚及關係人命罪干軍流各犯

尤宜加意詳慎自應解司提審詳解巡撫衙門

分別覆勘

題奏其尋常遣軍流徒人犯應行咨結之案巡撫

例不提審如概行解司則道里迢遞江河險阻

恐致疎失耽延且江北民風刁悍復有訟棍為

之播唆每遇人犯解省倚恃對簿無人畏罪狡

翻甚或挾讐扳累勢不能不摘提要證到案質

審而無辜良民長途跋涉廢時失業苦累不可

勝言或遇應質人證患病外出及畏累潛逃往

往提解不前因而詳咨展限經年累月案牘每

致拖延辦理徒滋煩擾且該府州所屬濱臨湖

恭壽堂奏議

卷二

五

海地屬疲瘠類多食力貧民遠道就質一切舟

車飯食及到省旅費無不仰藉有司支給在有

司不勝賠累或至化大為小將就完結而鄰證

慮恐貽害又必遇事調停私和匿報刁風日長

民困難蘇殊非刑期無刑之道查江西省之南

贛寧三府州廣東省之雷瓊高廉潮五府皆因

離省較遠奏奉

諭旨將尋常案犯罪止發遣軍流及命案徒罪人犯

統由各該道於覆審後將犯發回徑行詳轉一面移咨臬司備案免其解省在案茲查淮徐海三府情形與江西之南贛廣東之雷潮等府州相仿請將淮徐海三府州屬尋常遣軍流徒等犯援照成例就近解赴該管巡道提審詳辦移明臬司備案毋庸解省或犯供翻異亦即就近由道提證質審不致遂其狡延拖累之計於清理庶獄似為便益再查例載距省寫遠之秋審

恭壽堂奏議

卷二

三

人犯均免其解省責成巡道親鞠造冊移報院司彙核倘有鳴冤翻異者將本犯解省覆審等語各省俱經遵行該三府州屬秋審人犯亦請照例由各道勘辦免其解省等情詳請會奏前來臣等伏查江蘇省各府州屬一切命盜雜案應擬斬絞軍流及命案擬徒人犯向俱解由臬司勘轉分別

題咨今據該臬司以淮徐海三府州屬地方離省

寫遠江河險阻請將尋常遣軍流徒各項人犯援照江西南贛廣東雷潮等府州之例由道勘轉毋庸解省如徐州一府即歸徐州道海州一屬歸淮海道淮安一府則按河工分管縣分山陽鹽城清河桃源歸淮揚道阜寧安東歸淮海道將審勘之案徑詳督撫衙門分別核辦仍將審轉緣由移明臬司備案毋庸解犯至省以避江河之險並免拖延之累設或犯供翻異亦即

恭壽堂奏議

卷二

三

由道提證質審案獄更可速結相應會摺具奏請

旨如蒙

俞允所有各該道審轉限期及一切處分請即照臬司之例辦理該三府州屬秋審人犯亦請由各該道審勘詳移巡撫臬司彙核辦理如有鳴冤翻異者再行解省覆審等語隨時察核如該巡道審斷不公亦即據實劾奏不敢稍徇狗隱

是否有當臣等謹合詞恭摺具

奏伏乞

皇上聖鑒訓示

恭壽堂奏議

卷二

五十四

審擬阜定縣民魏玉隴陳美玉京控疏

奏為遵

旨審明定擬恭摺仰祈

聖鑒事竊照阜定縣民魏玉隴陳美玉赴京呈控縣

書李懷林等藉災斂費捏賑侵肥等情經都察

院奏奉

諭旨此案着交魏元煜親提人證卷宗秉公嚴審定

擬具奏原告魏玉隴陳美玉該部照例解往備質

恭壽堂奏議

卷二

五十五

欽此欽遵移咨到前撫臣魏元煜行司飭提人卷

解省審辦去後魏元煜旋即奉

命調任卸事臣抵任後催提人證到省查核各卷逐

一親鞫緣魏玉隴陳美玉籍隸阜定魏玉隴住

居縣境又字十圖陳美玉住居縣境又字四下

圖道光元年阜邑秋禾被淹經該縣勘明報災

較重之區詳細前撫臣魏元煜奏請隆冬

賞給一月口糧行司轉行欽遵在案因縣境又字十

圖被災較輕並未查放魏玉隴不知查辦章程
向承行災務縣書鄭廷璋何鶴井李懷林等查
問鄭廷璋等告述前因魏玉隴不信爭論走回
欲邀叔魏熙恬及同莊宋慶餘平準等聯名呈
控魏熙恬等不允並斥多事魏玉隴氣忿即捏
砌鄭廷璋何鶴井李懷林串魏熙恬等藉災斂
費吞賑分肥等情赴縣控究避匿不到二年春
間該縣因被災各圖青黃不接民力拮据並經

恭壽堂奏議

卷二

五

前撫臣魏元煜奏請

加賞一月口糧其被災較輕之區呈蒙一律

賞給委員帶同縣書潘遐幹劉步瀛下鄉挨查戶口

魏玉隴名下除報口糧三大口三小口外因代

伊外出之分居凡魏玉成等硬求口糧未准並

被潘遐幹等斥說伊非魏玉隴不甘隨以前控

鄭廷璋等串斂災費呈詞添砌潘遐幹等剋減

戶口情詞赴都察院具控又該縣以字四圖本

有上下兩圖之分道光元年秋禾被災查辦隆
冬口糧經委員分查得義字四上圖一千二百
七十八戶義字四下圖二千六十三戶出示曉
諭陳美玉住居義字四下圖被災較重原報口
糧二大口二小口嗣因央懇縣書袁文志等多
報口數未允心懷不甘並誤聞義字四圖戶口
委員挨查止一千二百餘戶該縣冊報係三千
餘戶疑係經書鄭廷璋等串同袁文志等捏報

恭壽堂奏議

卷二

五

又見該縣領得賑銀俱交湯泳隆等各錢鋪換

錢更疑書差錢鋪從中盤剝剋扣先赴淮安府

呈告批縣查究恐提案審虛隨捏李懷林袁文

志等捏報災戶及收買賑票勒索錢文等情赴

都察院呈控奏奉

諭旨將魏玉隴陳美玉遞解來蘇臣催提犯證解省

訊悉前情恐該縣書役李懷林等實有斂費捏

吞剋扣勒索情弊再三嚴鞫不特李懷林等堅

供並無其事卽質之魏玉隴陳美玉亦毫無指
證惟自認欲求多報口數未遂砌詞妄控究詰
不移案無遁飾查例載驀越赴京告重事不實
並全誣十人以上者發邊遠充軍等語此案魏
玉隴陳美玉各因多報口糧未遂輒捏縣書李
懷林等串敘災費捏報戶口侵吞需索重情牽
砌多人赴京妄控自應按例問擬魏玉隴陳美
玉均合依驀越赴京告重事不實並全誣十人

恭壽堂奏議

卷二

五

以上者發邊遠充軍例各發邊遠充軍到配折
責安置該縣書役李懷林等訊無藉災敘費捏
造戶口及收買賑票剋扣需索情事應與究未
串敘災費之魏熙恬等均免置議未到案證並
免提質以省拖累陳美玉詞內牽敘姜坤等縣
控各案訊與陳美玉控案無涉且人卷不齊自
應飭縣分別查案訊詳辦理除全案供招送部
外臣謹恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷二

五

審擬阜定縣竈戶劉為壽京控疏
奏為遵

旨審明定擬恭摺仰祈

聖鑒事竊照阜定縣竈戶劉為壽赴京呈控縣書戴

鶴年等吞賑索費等情一案經步軍統領衙門

奏奉

諭旨此案着交韓文綺督同臬司陳廷桂親提人證

卷宗秉公嚴審按律定擬具奏原告劉為壽該部

恭壽堂奏議

卷二

三

照例解往備質欽此欽遵移咨到臣遵即行司飭

提人卷到省臬司陳廷桂旋奉

旨進京臣督同現任臬司林則徐逐一親鞫緣劉為

壽籍隸阜定係屬竈戶有田一百二十畝完納

蘆課名為竈地民糧嘉慶二十四年冬奉定壩

水下注二麥被淹二十五年春該縣因民力拮

据詳請

奏准借給籽種口糧劉為壽田畝本係成熟不在

查辦之例是年秋又被災道光元年春間奉
旨垂詢復經

奏准借給籽種口糧詳定二十畝以下之戶准借

劉為壽田在百畝以上不應借給元年秋間該

縣水旱成災

奏准

賞給隆冬口糧一月二年春間又

奏奉

恭壽堂奏議

卷二

三

恩賞口糧劉為壽係屬竈戶歸於廟灣場商捐口糧

案內給領三大口三小口劉為壽不知借給籽

種口糧有田數多少收成荒熟民戶竈戶之別

疑被縣書戴鶴年等吞蝕二年二月間劉為壽

往向戶書戴聯芳唐文杰等索取民戶籽種口

糧時有不知姓名男婦多人隨同索吵劉為壽

即與眾人將戴聯芳等看守空房勒索糧票又

因唐文杰典住馮聯芳家房屋有跟隨索糧之

男婦人等將馮聯芳唐文杰家衣物搶散劉為壽捏情赴前撫臣衙門呈控批行江藩同札府飭縣究詳劉為壽避匿未到該縣移知該場大使簽掣劉為壽即以縣書戴鶴年鄭廷璋等侵賑索費等情並將陸鳴皋赴臬司控告該場書識陳秉衡等浮報戶口及伊族叔祖母劉姜氏之女告朱桂林平墳作場各案一並牽砌入詞赴步軍統領衙門呈控奏奉

恭壽堂奏議

卷二

三

諭旨交臣督審提集犯證訊悉前情臣恐戴鶴年等實有吞賑索費情事再三嚴究非特戴鶴年等堅供伊等承辦口糧俱照一定例案不能從中吞蝕卽質之劉為壽亦毫無指證屢詰不移案無遁飾查例載驚越赴京告重事不實並全誣十人以上者發邊遠充軍等語此案劉為壽田業百有餘畝例不給賑且係竈戶不應領民戶口糧輒以侵賑索費重情並添砌另案羅織多

人赴京妄控情殊刁詐劉為壽應依驚越赴京告重事不實並全誣十人以上者發邊遠充軍例發邊遠充軍據供親老丁單是否屬實飭縣確查照例詳辦縣書戴鶴年等訊未侵賑索費鄭廷璋並未承辦口糧應與訊非屢革復充之唐文杰及並未充當書吏之唐緒賢等均毋庸議劉姜氏控告朱桂林毀墳作場一案早經該縣勘明斷結應照原斷完案其陸鳴皋呈控陳

恭壽堂奏議

卷二

三

秉衡等浮報戶口一案業於戴璋京控案內訊明將陸鳴皋擬徒具奏毋庸再議無干人等概行省釋案情已明未到人證並免提質以省拖累隨同劉為壽索糧搶物之不識姓名男婦飭縣查明另行究結除全案供招送部外臣謹恭摺具奏伏乞聖鑒勅部核覆施行奉

硃批刑部議奏

恭壽堂奏議

卷二

卒四

謝賞藥錠疏

奏為恭謝

天恩事竊臣齋摺差弁回署捧到

恩賞藥錠一分謹卽恭設香案望

闕叩頭祇領欽惟我

皇上化洽生成

治臻保合

茂時育物

恭壽堂奏議

卷二

卒五

宏敷長養之仁

履中蹈和

廣示節宣之義茲屆天中令序欣叨

內府殊珍開絨而瑞氣氤氳陳几而清芬馥郁結來

組佩遠逾供沐於蘭膏調以衢尊擬普延齡於

蒲節銜

恩至渥顙慶同聲臣惟有勉盡噢咻勤思護育愿烝

民共登

仁壽順陽舒陰斂於無形惟

至洽發為馨香與甘雨和風而並曾所有微臣感激

下忱理合繕摺恭謝

天恩伏乞

皇上聖鑒奉

硃批知道了

恭壽堂奏議

卷二

空六

審擬安東縣監生宋康年京控疏

奏為遵

旨審明定擬恭摺仰祈

聖鑒事竊照安東縣監生宋康年赴京呈控孟思鑑

等占管地畝並原問官熬訊強斷等情一案經

都察院奏奉

諭旨此案着交魏元煜督同按察司誠端親提人證

卷宗秉公嚴審定擬具奏原告宋康年該部照例

恭壽堂奏議

卷二

空七

解往備質欽此欽遵並准刑部咨開此案前經朱

名魁呈控宋康年占地割草等情咨交兩江總

督審擬報部茲宋康年復來京翻控奏交嚴審

所有該督咨稿應行扣存毋庸核覆各等因移

咨到前撫臣魏元煜行司飭提人卷解省因此

案控爭地畝起緝提訊兩造供詞各執非勘不

明當經咨部展限一面飭委候補知縣楊桂李

鴻鈞押帶原被人等往控爭處所會同海州安

東二州縣確勘繪圖稟覆將人卷押解來省復因海州安東二州縣界址尚未逐細文明札飭海州知州孫源潮安東縣知縣柱禮確勘詳報去後前撫臣魏元煜旋奉

命調任卸事臣抵任後催據該州縣將海州安東界址查勘明確詳覆前來隨即查核各卷親提人證督同臬司林則徐逐一研鞠緣宋康年籍隸安東伊父宋克明與族伯宋克敏有祖遺八間

恭壽堂奏議

卷二

奏

房地畝坐落魚溝河南岸為安東所轄其北岸地屬海州前於雍正二年經淮安府勘定分界又孟思鑑有祖業魚溝河北岸長拐短拐地畝與葛姓管業之程圩毘連向在海州鐵牛鎮完糧先經孟思鑑祖父賣與趙姓三十六頃尚自畱地十四頃零乾隆三十六年間孟思鑑之祖孟惠從買汪潤益即汪雲安地契載四十頃與前畱祖遺之地相連將糧過立孟泰康等四戶

在湖坊鎮完納又汪潤益南界有孟又坡地九頃零亦在魚溝河之北因地土瘠薄孟又坡家久已無人承管孟惠從因與伊地毘連一並占管嘉慶十三年間孟思鑑將祖遺賣剩長拐短拐餘地並所買汪潤益地內劃出十二頃零賣與葛漢三又十二頃零賣與湯維坤又三頃六十畝賣與李雲龍各自過戶辦糧十六年五月孟思鑑又將所占孟又坡地九頃零連己業餘

恭壽堂奏議

卷二

奏

地共湊十頃零賣與朱名魁得價五百十九千四百十文未經過戶宋克敏先於十五年六月藉有八間房地畝欲圖侵占赴安東縣控告孟思鑑等占地未結十六年六月減壩漫溢魚溝河淤成車路海安界址不清宋克明更欲藉此圖占割去禾草經朱名魁赴海州具控十九年閏二月間宋克明雇人至葛漢三地內搶割菜籽佃戶劉宗玉石萬林攔阻劉宗玉被宋克明

放鎗轟傷倒地又被用刀砍傷石萬林亦被
砍倒地當有昔存今故之黃立祥聞喊趕護放
鎗轟傷宋克明佃戶齊良將鎗遺棄宋克明拾
鎗並與葛漢三控驗經海州孫源潮會同前任
安東縣封藩親詣勘丈葛漢三地畝並無侵占
飭令照舊管業朱名魁所買地畝因查核孟思
鑑老契四至不符且價值過廉斷令朱名魁將
地劃出六頃歸於安東給宋克明管業朱名魁

恭壽堂奏議

卷二

三

不甘赴都察院呈控咨交督臣孫玉庭委護理
淮海道袁培等審明將地畝仍斷歸朱名魁執
業議擬詳咨宋康年復牽砌熬訊強斷逼結朦
詳等詞赴京翻控經都察院

奏明交審臣督司提集人證訊悉前情查宋康年
管業八間房地畝係在魚溝河南岸其控爭之
地係在河北久經斷定以魚溝河南北為安東
海州分界今宋康年等執有安東縣糧串止應

管安東地畝海州卽有界址不明之地非宋康
年等所當過問乃伊父宋克明藉圖侵占地畝
搶割葛漢三菜籽復烏鎗傷人本應按例擬軍
現與涉訟肇衅之宋克敏及鎗傷齊良之黃立
祥俱已病故應毋庸議宋康年控詞失實究由
伊父伯宋克明等控爭圖占在先惟於朱名魁
前控提審時伊伯宋克敏並未到案輒以問官
熬審虛詞赴京混控殊屬不合宋康年照申訴

恭壽堂奏議

卷二

三

不實律杖一百折責發落仍照原案斥革監生
追照繳銷朱名魁先曾赴京牽扯已結舊案呈
控應照原擬不應重律杖八十係武生杖不滿
百照例收贖孟思鑑賣給葛漢三等地畝皆係
已產應聽照舊管業朱名魁所買孟思鑑之地
係屬孟又坡家無人承管之產本不應孟思鑑
出賣應歸海州查丈葛漢三南界除孟思鑑業
地四十二弓外其餘釘界充公召變着令孟思

鑑將原得地價照數交還朱名魁收領以斷葛藤至從前所得花息因地土本極瘠薄即有所收亦零星無幾且在節奉

恩詔以前應請從寬免其着追孟思鑑將無主承管之產混行價賣殊有不合姑念伊祖父流傳已久事在歷次

赦前免其置議宋克敏訊因患病未經到案止遞親供原問官並無熬審情事亦毋庸議被控詐錢

恭壽堂奏議

卷二

主

之清河縣差役陳亮飭縣緝獲另行究結烏鎗案結銷燬再宋康年之父宋克明等因海安界址混淆是以隔河圍占訟擾多年無干之人受其拖累應請於定案後飭令海州安東二州縣於八間房庄後清出魚溝河舊址豎立界碑河以南歸於安東河以北歸於海州使兩州縣地界分明永遠遵守不惟田土無從控爭並可杜絕命盜案件彼此推諉之弊所有充公田畝應飭

海州文清項畝確數詳明歸於海州書院以充生童肄業膏火經費除全案供招送部外臣謹恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷二

主

挑竣淮郡三縣河工疏

奏為淮郡三縣河工挑竣驗收如式洵屬有裨民

生恭摺奏

聞事竊查淮安府屬山陽縣境內有澗河一道坐落運河東岸由興文閘進水至馬家蕩出口綿長百里該河尾閘坐落鹽城縣境為宣洩運河盛漲並為鹽城阜寧二縣撥運漕糧要道兩岸民田亦藉資灌溉又阜寧縣救生河一道緊接

恭壽堂奏議

卷二

三五

黃河南岸堤工由戴家舍陳家庄等處入射陽湖東達於海向為通縣柴米貨物往來及田疇灌溉所資皆因年久淤塞舟楫不通水無收蓄民生日形困敝經臣孫玉庭臣黎世序會同調任撫臣魏元煜委員勘估奏蒙

恩准借項興挑

諭令臣等飭道遴派妥員會同該地方官認真經理工竣着臣黎世序親往核實驗收如有偷減情弊

立即參賠毋稍徇隱等因欽此當因兩河分隸三

縣工段綿長必須委任得人隨時稽察方得工

歸實濟有裨民生庶以仰副

聖主興利養民至意隨飭司發項解貯府庫責成淮揚淮海兩道遴派廉能熟諳工員會同各該地方官分段承挑淮安府知府富斌總任稽催有勞請獎有弊必懲諄飭該道等實心督辦去後嗣據該道等會查山鹽二縣澗河及阜邑救生

恭壽堂奏議

卷二

三五

河原估係在上年春間旋因時值夏令大雨時行至冬始行

奏辦恐河道深淺灣直情形或有不同自應再加覆勘隨宜疏挑以期費不虛糜工歸實在當委熟諳估計之員會同各該縣先後分投查估所有阜邑救生河一道自西坎河頭起至漳溝河止應挑河長四千八百六十四丈較原估增長六十九丈按出土難易情形分別核估實需方

價銀三萬三千九百十五兩三錢九分較原估增銀三錢九分為數甚微由縣自行捐湊澗河一道在山陽縣境自興文關起至山鹽交界止應挑河長一萬四千四百十九丈按出土難易情形分別核估實需方價銀四萬六千七百六十九兩七錢九分九釐較原估順勢取直減挑三百九十三丈計節省銀三千一百九十五兩零又鹽城境內自山鹽交界起至澗河尾閘馬

恭壽堂奏議

卷二

七六

家蕩口止應挑河長四千二百八十二丈按出土難易情形分別核估實需方價銀八千二百九十三兩七錢五分一釐較原估增長二十丈亦有原估寬深尚須酌減增減相接仍節省銀二千八百三十三兩零兩項共節省銀六千二百十八兩零該道等核實造冊稟報一面遴派河工地方人員劃分段落集夫興挑並另委員駐工分頭查催彈壓仍飭淮安府知府富斌往來

三縣督辦旋據府縣及各工員先後稟報山陽澗河阜寧救生河自道光三年正月初六日開工至二月初五初八等日一律先後完竣鹽城澗河因蕩水頂阻興工稍遲亦於二月二十及三月二十三等日先後報竣由該道等暨催辦各員分投查驗實俱如式一律挑濬深通稟經臣黎世序先後親詣各河核實驗收將承挑工段口底長深寬廣逐一丈量均各照估挑足兼

恭壽堂奏議

卷二

七六

有數餘毫無偷減草率兩岸士民咸稱此次挑辦各員實俱認真從事自此河渠暢達田疇獲資灌溉商運得藉流通三縣士民感頌皇仁形於辭色洵出至誠惟國家經費有常雖係借款攤還亦在地方官留心水利庶不致挑濬旋淤且宜洩運河非黃流壅濁可比此次挑濬之後並等擬立章程飭令該管知府於每年秋後水落責成各該地方官親

歷查勘如稍有淤淺之處卽照業食佃力之例
勸諭該處業民自行招佃給食挑濬仍將查勘
有無淤淺及如何疏通之處於年底結報一次
毋任日久積淤復資勞費倘該地方官並不實
心任事勸諭業民隨時疏通一經察出卽令賠
挑不准再行借項又此案挑工因地方水利例
價不敷難期合式是以照裡河廳現行例價發
辦以歸核實除飭取估計攤徵冊結詳

恭壽堂奏議

卷二

七

題外所有淮郡三縣河道工竣驗收實於民生有
裨情形謹合詞恭摺
奏報伏乞

皇上聖鑒再查山陽縣境興文閘一座為山鹽二縣
澗河進水門戶現勘石牆損壞估需修費銀二
千七百一十一兩九錢一分二釐應按照兩縣河
長里數歸民攤捐辦理此時已值汛長放水之
期不及拆修請俟本年秋後水落卽於該二縣

澗河節首項下動撥給修統入正河借款攤徵
歸還除動支收存府庫之項屆期給修外仍餘
銀三千三百一十七兩零卽提解司庫歸還正項
報撥合並陳明謹

奏

恭壽堂奏議

卷二

三

工員懇 恩疏

再此次請挑河道分隸三縣工段綿長經臣等
諄飭淮揚淮海兩道遴派妥員分認挑辦總司
稽催並責成淮安府知府富斌往來督辦據該
道等因工程分隸三處督察稽催必須諳練之
員查有原任海州直隸州知州師亮采前署阜
寧縣因公降調知縣賀雲舉情愿自備資斧駐
工効力茲各工挑竣經臣黎世序親詣驗收所

恭壽堂奏議

卷二

全

挑各工實屬寬深有餘並無苟簡草率洵於運
道民生均有裨益伏查此次承督各員經臣等
欽遵

訓諭諄諄告誡均能實心任事費省工速辦理妥協
上年挑辦徐州府屬荆山橋河出力各員俱邀
恩獎勵是以此次委辦各員亦俱奮勉出力除督辦
之道府大員不敢仰邀錄敘外其餘督催承辦
各員謹擇其最為出力者開單懇

恩獎勵稍次者咨部議敘俾實心辦公之員知所勸
勉庶臣等獲收指臂之助又自備資斧駐工催
辦之師亮采賀雲舉二員常川駐守催巡不辭
勞瘁查師亮采係陝西舉人前在海州因草生
吳朝棟京控查辦海淤藉端科斂等案內經
欽差審依坐贓致罪從重擬請發遣迨逢
恩赦經刑部察核原案事屬因公並非入己
奏准免罪嗣請捐復因事涉科斂未邀

恭壽堂奏議

卷二

全

俞允該員本即撥眷回籍時值清理原文海州淤地
界址暫畱在浦今因興挑澗河自備資斧駐工
効力甚屬奮勉查其科斂之由係前督臣百齡
飭將召變地價加耗徵收抵補勘丈員役飯食
及造冊紙張等費並非出自該員之意且已賠
繳全完事係因公年力正強該員曾任河工廳
員歷任沿河海疆州縣熟諳河防平日官聲尚
好前據海州士民籲懇保畱未敢代請若任終

身廢棄殊為可惜現屆河工大汛可否仰懇

天恩俯准畱於南河効力如果始終奮勉再請

施恩至賀雲舉係直隸進士即用知縣前署阜寧縣

辦理賑務尚為出力惟請熟田緩徵遲延部議

降調今在工催辦認真可否准予開復送部引

見之處恭候

欽定臣等未敢擅便謹附片陳懇請

旨伏乞

恭壽堂奏議

卷二

全三

聖鑒



韓大中丞奏議

受業 謝榮堧 編次

陳稼生

次孫泰 華敬錄

卷之三

目錄

快丁貧疲酌籌調劑疏

捐墾濟丁灘洲請免陞科片

恭壽堂奏議

卷三

一

低田被水情形疏

審擬丹陽縣民張萬餘京控疏

越獄盜犯未獲先將刑禁人等審擬疏


佐雜人員請暫停分發疏

勘估續坍城垣工段請動項給修疏

會訊淮南商人京控疏

請撫卹被水貧民疏

請招徠客米並給銀採買疏



請借項採買米石疏

請撥鹽義穀石片疏

續請撫卹江浦等六縣疏

鄉民滋鬧府署獲犯究審疏

籌撥兵糧疏

特參特符插訟京員疏

恭壽堂奏議

卷三

二

快丁貧疲酌籌調劑疏

奏為江寧等縣快丁貧疲追徵運造兩費極形苦

累酌籌調劑以甦積困仰祈

聖鑒事竊查江淮興武二衛十八幫額設漕船九百

六十一隻所隸各丁有運快之分快丁在前明

為食糧操軍撥駕黃快船隻專供貢舫之差故

名為快因不諳水性每丁出銀三錢雇人代駕

我

恭壽堂奏議

卷三

一

朝革除軍糧仍徵丁銀康熙雍正年間為運丁板

擾許訟曾禁僉運迨乾隆二十四年因運丁疲

乏勾僉難於足額經漕臣楊錫紱

奏准運快各半分僉待運丁缺陸續掣補繼以快

不諳運到幫數年即累復經督臣高晉

奏准快丁不諳駕運者仍委運伍代運酌定每船

每年追解貼費銀一百三十兩十年輪造協貼

造費銀三百兩按年應攤派三十兩共徵銀一



百六十兩准其銀當人差有愿自運者聽嗣丁力不齊往往延欠復定縣官追徵完解期限照地丁錢糧例考核比至嘉慶五年因丁情貧疲徵解不易奉

旨查辦復經督漕二臣會議請於上江耗米變價及存公籌備息款內撥給快丁每船銀三十兩只追徵運費銀一百兩造費如舊其在例後僉換之船無款可撥運造兩費仍照原額徵解並因

恭壽堂奏議

卷三

二

衛幫每藉提快自運移縣擾累又經糧道詳定快不欠貼不准提擾此分僉徵費委伍代運之原委也各快籍中惟上元江寧江浦等三縣丁多殷以上元縣額僉快船三十三隻內自運十三船未及輪僉一船徵貼代運者十九船江寧縣額僉快船二十七隻按額均已僉足內自運者七船徵貼代運者二十船江浦縣額僉快船四十九隻內自運十三船未及僉換者八隻半

徵貼代運者二十七隻半因歷年徵費維艱江寧縣有前陞守許兆椿捐墾官洲及救生局紳士捐買洲地招租撥貼者有快船自行集資繳官發典生息完費以免催追上元縣亦有官為節省公費及快丁捐資生息濟運之船其無濟貼之丁竭資湊費日益苦累而江浦已僉快船向無籌貼積欠尤多經徵官每屆追徵限滿顧慮考成於追比不足之數不得不挪湊墊解完

恭壽堂奏議

卷三

三

至五分以上幸免目前降革處分而代運之丁貼費不能全收不免於賠累故在衛請提快丁自運之案仍復不少快丁情急無措非輾轉縣匿即不免影射板民更有刁劣之丁從中串擾吏胥夤緣為姦其弊百出丁民積困漕公掣肘已非一日臣等屢思剔弊調劑未得善全之策茲據江寧紳士伍光瑜等赴臣孫玉庭衙門具呈以江邑快丁類多貿易營生或傭工力佃非



如他屬州縣丁籍有自置田產或族眾置買之業歸船贍運可以歷久勦辦是以數十年奉僉各丁多因追呼運造貼費積至破產傾家甚有賣男鬻女完費以及流亡死徙者且有實係民籍該快追比無措或藉同姓或指親故不免妄報自寬更有姦猾吏胥勾串報殷每僉一丁卽纏訟無休雖僉案未定而株累已多故一快僉名閩族驚惶伊等皆屬民籍現無干累惟誼屬

赤壽堂奏議

卷三

四

桑梓目擊心傷急思補救惟有代籌每年應出貼費使漕公有濟永免追呼庶可保全快丁生命上元快丁同隸省城除已有幫貼外尚有數船亦資調劑一體議卹則板擾之累方可永杜伊等公同募捐及快丁自將瘠田變價共湊得銀八千兩發典生息可得息銀九百六十兩惟統核歲需尚多不敷懇乞暫借庫款二萬兩湊發生息歲有積餘十年之內卽可將借款全歸

在庫項並無虧耗而窮丁悉資救濟呈乞轉籲恩施又據江浦縣知縣王頴詳稱浦邑快丁除自運十三船外其徵貼代運者共船二十七隻半每逢僉追按產派貼田產逐漸典賣殷變為疲疲極徙亡卽隻身傭趁之丁亦無不在朋勸什貼之中差役畏比催輸窮丁輾轉板擾身在快籍安息無時撫察丁情殊堪憐憫屆當

奏銷緊迫勢不能不籌款墊解明知無可追比而

赤壽堂奏議

卷三

五

漕運關要亦不能不違心比責從前尚有書差僉貧賣富之弊今則不但無富可賣抑且無貧可僉據該邑行店職員馬德潯等公呈各因念切桑梓親誼情愿抽捐釐頭濟卹並據各衛正丁船頭通力合作公議捐銀二萬三千兩請於本年八月內繳齊又自運各丁亦公議積資一萬五千兩均請發典生息分別抵貼贍運尚有未僉船八隻半將來照案僉派丁力更不易支

必須預行籌款生息以為續僉公費庶不至遺後累擬將行商所捐釐頭按年底完積欠運造二費再請公款銀二萬兩同各丁湊捐銀兩分發典商營運繳息完解每年運造二費俾窮丁積困頓甦永免僉運派貼之累其籌借公項請以十年按本歸款於卹丁劑運實資兩益等情當經臣等察核稟詳各該縣快丁疲累追貼維艱僉報扳擾勢所難免第請於紳民各丁捐本

恭壽堂奏議

卷三

六

之外籌借庫款湊發生息有無可撥之項是否不至懸欠批令藩司會同糧道衙門詳查妥議去後茲據江寧布政司張志緒會同江安督糧道湯藩查議詳請核奏前來臣等伏查江寧等屬快丁自並僉以來歷今六十餘年在僉管之初力尚可支今則積累成疲其間多有蕩產傾家逃亡遷徙以致僉丁追貼掣肘難名此項銀兩又係代丁捐款辦運

歲所必需較之正項錢糧遇災可蠲緩者尤為緊要凡有未完例應計考列叅經徵印官勢不能不嚴加比追窮丁計無所出從此扳民入快串同書役表裏為姦設法詐擾害民殆無虛日該紳士等所稱一快僉名闔族驚惶實非虛語經徵之員非不知此中情弊無如貼費無完例干嚴議即如前任江寧縣于會堂於復叅限內積欠快貼無完一年三罹叅處此其明證似此

恭壽堂奏議

卷三

七

官丁交累若不設法補救將來誤運累民所關匪細查江寧縣額僉快船二十七隻內除快丁自行捐本生息船三隻運造有資不計外仍該船二十四隻其間雖有自運船七隻並無贍運之資亦應照徵貼額數籌項撥濟共計歲需運造費銀三千四百六十六兩六錢六分零除有捐墾中屯營及烈山營各官洲租息連快丁胡友仁之妻出慈塘招佃繳租合計共有銀一千

八百兩仍不敷銀一千六百六十六兩有零又上元縣極疲快船四隻每年需籌給運造費銀五百二十兩共應再籌餘息銀二千一百八十餘兩方敷歲貼之需據紳士等捐湊市平本銀八千兩折實庫平紋銀七千二百九十兩有奇又請借庫項銀二萬兩共合銀二萬七千二百九十一兩二錢又江浦縣額僉快船四十九隻內有已僉自運船十三隻據稱各丁現在議捐

恭壽堂奏議

卷三

八

銀一萬五千兩發商生息永為贍運之資毋庸另議調劑並各行商所捐釐銀撥抵各快舊欠運造二費俟完足停捐不計外其已僉捐貼並現在查僉及待僉各船三十六隻歲需運造費銀五千一百六十兩經該縣各快丁認捐本銀二萬三千兩又請借庫項銀二萬兩共銀四萬三千兩江寧縣籌款銀二萬七千二百九十一兩零均請分發江寧揚州二府屬典商按月一

分起息分給各快為額徵歲貼之需所借庫款各請扣至十年期滿按本歸還即將餘息捐款作本存典永資生息完解運造經該司道以現奉部咨條奏各直省務當力節經費不得例外請支不應為之瀆請惟該縣等官紳所請係暫時請借生息濟公仍籌積項歸還原款與例外支銷無可還本者不同自可俯如所請俾資劑卹所有該二縣各請借庫項銀二萬兩查道庫

恭壽堂奏議

卷三

九

減存項下現有候撥銀五萬一千餘兩堪以動借自發典生息之日起先按年於典息項下各提還銀一千兩俟積至十年期滿計每歲連閏餘息又可存典作本即於原發本銀內各掣回銀一萬兩連逐年提還之一千兩共合銀四萬兩如數歸還原借庫款並無虧短其紳士及快丁自捐本銀同歷年積欠餘息仍照案交典生息永為該丁運造之費如此辦理毋須另為比

追丁民皆可相安官無經徵之累丁無缺運之
虞而於庫款又不致久懸洵於漕務大有裨益
各快子子孫孫永賴

皇仁無既至該二縣丁費雖有息銀貼給如遇編審
之年仍應照例查造以免脫漏而別軍民其以
典息代完貼費仍按年由縣照原僉丁名應完
額數造報戶部查考其未經籌款以前舊欠貼
費分別由道照數催提完繳銷結臣等察核所

恭壽堂奏議

卷三

十

議為調劑窮丁裨益漕運起見非此不能濟公
抒困合無仰懇

皇上天恩俯准在於道庫減存項下照數撥借分發
典商領運生息以資救濟如蒙

允准另飭司道議立章程咨部備核並令扣滿年限
提本歸還原借庫款臣等往返札商意見相同
謹合同漕運總督臣魏元煜安徽撫臣陶澍合
詞恭摺具

奏伏乞

皇上聖鑒訓示施行

恭壽堂奏議

卷三

十一

捐墾濟丁灘洲請免陞科片

再查中屯營官洲係江寧縣境仙人磯攔江埂外泥灘先於嘉慶五年據江寧縣勘報係無主官荒丈有五項六十畝零召買無人時值奉

旨設法調劑疲丁經前漕臣許兆椿於任江寧知府時

詳免召變繳價准即歸官經理取息濟丁當自捐廉一千兩易錢九百五十餘千以七百千文發典生息為開套之用餘錢為種植蘆葦之費

恭壽堂奏議

卷三

十一

從前僅獲柴息百餘金津助極疲之旂衛快丁不敷貼費嗣該灘漸次增長於嘉慶十二年該縣覆勘蘆灘共有七十九畝零續漲泥灘四項八十四畝零召佃輸租每年繳銀四百兩撥濟旂衛及豹韜衛疲快貼費仍俟洲息豐盈推廣濟卹復於道光三年據藩司委員會同該縣履勘共有蘆地十九項六十三畝二分八釐草灘二項九十一畝泥灘三項十一畝五分據官佃

孫庭芳等認加租息連舊額新增共繳銀五百

五十兩因紳士伍光瑜等公籲籌項調劑疲快

又勸加租息銀二百兩此中屯營官洲取息濟

公之由來也伏查新例漲灘應召買陞課此項

灘地由前漕臣許兆椿捐廉培墾漸次增長為

極疲窮快完費濟造歷次未經報部而歲獲息

銀歸丁充費按年造冊有據理合據實附片陳

明合無仰懇

恭壽堂奏議

卷三

十二

天恩俯念係捐墾濟丁之洲免其召變陞科以廣聖澤出自皇上覆載鴻施如此後再有續漲歸於五年大文案內飭丁繳價承買陞科以杜欺隱又救生局紳士承買烈山營江心漲灘七千二百十畝零每年額繳餘息銀一千兩以充疲快貼費係該紳士等好善樂施此項洲灘業經繳價入額陞課詳咨有案合並聲明伏乞

聖鑒謹

奏

恭壽堂奏議

卷三

五

低田被水情形疏

奏為江蘇各府州屬低田被水委員查辦情形恭

摺仰祈

聖鑒事竊照江蘇省本年五月初旬陰雨連綿自十

一日起至二十一二三四五等日大雨如注並

兼江河水漲臣等接據江寧蘇州松江常州鎮

江揚州太倉各府州屬先後稟報高田均已裁

插齊全長發青慈惟沿近江河低窪之區積水

恭壽堂奏議

卷三

五

二三尺至六七尺不等已時禾棉根蒂腐爛未

時者趕緊車戽補種驛路間段被淹兼有圩堤

冲破之處又常鎮道稟報江潮異漲瓜州城外

江岸亦有漫塌處所等情前來臣等均即批札

兩藩司委員會同各該地方官逐一親勘諭令

農佃人等設法疏消積水趕緊補種務期一律

普收至瓜州江岸業經河臣黎世序委員會同

常鎮道王慶言督率廳營互相防護臣等亦嚴

飭加意防守務保無虞並飭該州縣將漫淹驛路及護田圩堤分別趕修如有極窪處所實在無法疏消不能補種者查明被水輕重情形迅速彙詳具

奏分別緩徵接濟以期仰副

皇上軫念民瘼不使一夫失所之至意再准徐二府屬高阜田畝間有缺雨之處臣等亦已飭令該管道府確查詳辦所有通省糧價微有增減不

恭壽堂奏議

卷三

六

致昂貴民情均屬安貼謹將江蘇各府州屬低田被水情形先行據實恭摺奏

聞伏乞

皇上聖鑒

審擬丹陽縣民張萬餘京控疏
奏為遵

旨審明定擬恭摺奏請

聖鑒事竊照江蘇丹陽縣民張萬餘以串隱吞租苛

斂佃民等詞赴京具控經都察院奏奉

諭旨此案着交韓文綺親提人證卷宗秉公審訊按

律定擬具奏原告張萬餘該部照例解往備質欽

此臣查上年春間有丹陽縣民蔣嘉貞以吞租

恭壽堂奏議

卷三

七

苛斂等情控經都察院咨交督臣衙門審辦當即委勘因江潮泛漲咨部展限尚未訊結所控情節係由佃種丹陽縣蔣家沙灘地而起與張萬餘控呈相同奉准前因臣隨飭委川沙同知劉圭吳縣縣丞蔡維新押帶張萬餘前赴丹陽履地會勘一面飭提人卷至省並准督臣孫玉庭將蔣嘉貞控卷移送並案訊辦前來臣通核全卷親提原被人證逐加研鞫緣張萬餘蔣嘉

貞均籍隸丹陽縣該縣蔣家沙灘地於嘉慶十
四年間金山寺僧志學京控案內經托津等審
擬奏明勘丈該洲共八千八百五十四畝全數
歸公由鎮江府承召官佃租種每畝折收租銀
六錢六分每年租息撥給寶晉書院金山寺銀
各一千兩其餘並蘆灘柴價銀兩儘數報解藩
庫充公後有塌漲照例陞除等因在案嗣經丹
陽縣召佃張萬餘蔣嘉貞趙東明等俱各承佃

恭壽堂奏議

卷三

六

於十四五六等年陸續圍築成田六千一百餘
畝稀蘆灘二百餘畝埂划窪地草泥灘共二千
五百餘畝時該沙東北東南下脚接漲新淤漸
次出水經趙東明承佃先後報縣勘丈挑築所
收租息照丹徒縣樂生洲舊案每畝折收麥稻
租銀六錢六分稀蘆灘每畝折收柴價銀一錢
四分此外埂划窪地係屬衛護田疇宜洩水利
應與無息可收之草泥灘概免起租該沙東北

東南下脚新漲之灘聲明造冊取結另辦由縣
開造租課各冊詳咨嗣准部咨以蔣家沙灘地
八千八百五十四畝零每畝應徵租六錢六分
共該五千八百四十三兩六錢四分令按年共
折收麥稻柴價銀三千九百七十兩六錢一分
七釐其埂划等灘二千五百三十三畝八分據
稱照無息之草泥灘概不起科計短租銀一千
八百六十七兩四錢七分與原奏按畝徵收銀

恭壽堂奏議

卷三

七

數不符駁令據實加增並該沙東北東南下脚
新淤即飭勘丈造報遵例歸公召變等因旋經
趙東明高曙東王仙根李九疇等兩次繳價銀
四千五百十兩零承買東南面泥灘五千八百
七十五畝零名為安業洲咨部覆准其蔣家沙
埂划窪地屢經各佃戶請照樂生洲例免其起
租節奉部駁該縣飭差楊成蔣啟督令洲保景
鳳鳴等造具各佃承種畝數內有埂划窪地若

干清冊送縣委包港司巡檢赴洲補徵各佃不知趙東明等承買東南面新淤原委疑為霸佔私墾串囑影射不肯補完嘉慶二十一年有該沙佃戶徐金山周乾剛何士景等以趙東明私築沙灘不租不賦指使洲保景鳳鳴勒派埂划錢文等情赴縣具控該縣傳訊徐金山等又與蔣嘉貞之兄蔣嘉觀分赴府道藩司並督撫衙門控告批經常鎮道委鎮江府照磨江中躍會

恭壽堂奏議

卷三

二

同該縣傳帶徐金山何士景趙東明等赴沙勘訊趙東明並無私築勒派情事徐金山等懷疑誤控從寬免究取結詳覆嗣於二十五年差役楊成具稟周乾剛周元禮等唆佃抗租該縣差提周元禮押追于際達等以趙東明串差鎖押等詞控府批縣將周元禮保釋道光元年二月內該差楊成稟提周乾剛並其妻趙氏到縣訊據周乾剛供認抗租屬實當將周趙氏釋回周

乾剛杖責押追旋因患病釋放先於二十五年十二月內據催租委員鎮江府經歷吳瞻雲赴府稟稱公館被人放火烧燬草屋一間該府飭縣拏究該役楊成將上控之蔣嘉觀于際達傳案訊據于際達承認抗租不認放火蔣嘉觀供無抗租情事當將蔣嘉觀責釋于際達收禁俟提齊人證訊究嗣于際達之母王氏呈求提禁保釋又圩頭張炳與朱有高繆廣德等於元年

恭壽堂奏議

卷三

三

六月奉縣諭令協同差保催收埂划租銀在豐樂庵居住朱方來疑係私收同張萬餘等至庵吵鬧順取錢票鎖鏈而去朱有高等報縣張萬餘等亦以張炳等設立公館私置鎖杖勒詐租錢等詞赴府控告並將錢票鎖鏈呈驗押發到縣張萬餘等承認聽糾往鬧順取錢票鎖鏈屬實該縣將錢票給張炳領回俟提到朱方來等再行究辦維時周乾剛之妻趙氏於伊夫責放

後心懷不甘捏以趙東明霸地加租誣告伊夫
放火致該縣敲打脚跟並剝脫該氏衣服毆責
荆條等情遣子周元禮赴督臣衙門呈控批司
飭委金壇縣會同該縣勘訊張萬餘蔣嘉貞朱
方來亦以前情赴臣衙門具控批府飭縣勘辦
是年十二月蔣嘉貞途遇繆廣德等斥其上控
之非致相爭吵蔣嘉貞旋以趙東明隱吞沙灘
朦詳加租因何士景具控串差局和酒後身亡

恭壽堂奏議

卷三

三

周乾剛復控被責回家身亡等情於道光二年
春間赴都察院呈控咨文督臣委員勘辦咨明
展限嗣因周趙氏捏稱朱有高曾搶伊麥石率
領男婦往索吵鬧朱有高赴縣具控周趙氏何
李氏即以何士景被趙東明局和服毒七孔流
血身亡周乾剛被責收禁保回而死因向索被
搶麥石復被毆警連勒救之稅李氏毆傷等情
具訴該縣批候提訊時有上控之手野航被縣

役程裕交館店看守于野航之表弟陳士貴以
程裕索詐不遂鎖鏈吊打等情控縣提驗于野
航並無傷痕當將于野航收禁陳士貴管押旋
卽提禁釋回適委勘之金壇丹陽二縣或因奉
調入闈或因開倉挑河並時屆收割人證難齊
及另有要案不能分身未卽會勘張萬餘隨仿
照蔣嘉貞前呈情節並將周趙氏等在縣控詞
牽連敘入赴都察院具控奏奉

恭壽堂奏議

卷三

三

諭旨交審經臣派委同知劉圭縣丞蔡維新押帶張
萬餘前往會同丹陽縣許乃大提同原被人證
前詣蔣家沙控爭處所飭令兩造先將勘定歸
公老額八千八百五十四畝零插標查丈據張
萬餘蔣嘉貞等僉稱老額灘地前於嘉慶十四
年勘丈奏定之後現在並無增減請免查丈該
委員等詰訊張萬餘等所控趙東明隱佔沙地
究在何處據稱在老額外東南接安業洲隨勘

得該處與老額地毘連新舊二十八圩內已成田十七圩當丈得埂划共四千八百五十四畝二分四釐零下脚泥灘被水淹後無從查丈質訊趙東明供稱此二十八圩即係照新例價買之地並非私田復就近傳訊何士景之妻李氏周乾剛之妻趙氏僉供伊夫等俱係患病身死並無別故愿具切結各等情該委員等繪圖錄供具稟將人卷押帶來省提集人證訊悉前情

恭書堂奏議

卷三

五

臣查張萬餘蔣嘉貞所控趙東明佔築私地至數千畝之多而各佃地內補加租息同在一時易滋影射是原呈串吞苛佃之語似非無因至何士景周乾剛如果身死不明人命攸關罪名出入非細尤不可不切實究明以成信讞復逐一悉心詰審據趙東明等供稱蔣家沙接漲新淤遵例承買現經逐圩勘丈所築之地較所買尚不足數這就是沒有串吞的憑據至老額內

埂划窪地係奉部駁不准免租所以補徵如何說我苛佃影射呢並詢據委員劉圭等稟稱奉委前往丹陽勘丈時就近傳到何士景之妻李氏周乾剛之妻趙氏再三研訊各稱伊夫實係病故委無冤屈從前何士景於嘉慶二十四年二月間與徐金山趙東明等隨同差役赴蔣家沙候勘時一路常同飲食並非局和回家後於四月初一日染患吐血病症身故周乾剛於道

恭書堂奏議

卷三

五

光元年二月經已故熊知縣提訊杖責回家患臃脹病至八月初二日吐血而亡因俱是病故所以都沒報案總因丈夫連年訟累旋又病斃痛夫情切不甘具控呈內七孔流血的話因是吐血病症所以混填聳准這話曾向蔣嘉貞說過等語並各具有甘結在案臣傳到周乾剛之子周元禮面訊相符復向蔣嘉貞究問據供何士景周乾剛身死不明的話都是屍妻李氏趙

氏告訴的只求查他們原呈就明白了反覆詰
質眾供相同似屬可信查張萬餘蔣嘉貞承佃
沙灘田畝因不知墾划窪地部駁補徵且於趙
東明等承買安業洲地之事又未知悉疑為私
佔苛佃與有心誣告者不同即其牽涉人命重
情係憑屍妻告訴咎只冒昧其餘亦皆控出有
因但查訊究多失實均有不合張萬餘蔣嘉貞
應各照不應重律杖八十折責發落縣差楊成

恭壽堂奏議

卷三

三

將無辜之周趙氏傳案復藉端稟傳于際達收
禁及縣役程裕將上控之于野航交令看守雖
俱訊無詐索別情但恃差多事致滋訐訟皆非
善類應各重責四十板加枷號一個月仍飭革
役以示懲儆朱方來趙秀文王必大李丙五因
不知灘租係奉部駁補徵見張炳等設寓催納
疑係私收雖並未搶奪錢票但同往吵鬧究有
不合朱方來等均應照不應輕律笞責發落何

李氏周趙氏各控伊夫身死不明現訊實由病
斃律應坐誣姑念婦女無知且事在上年十一
月十六日

恩赦以前例得援免應毋庸議張炳等奉官補徵趙
東明等遵買淤地均無不合亦毋庸議徐金山
蔣嘉觀于際達于野航陳士貴等控出有因並
予免議餘屬無干概行省釋未到入證並免解
質再蔣家沙灘地八千八百五十四畝臣檢查

恭壽堂奏議

卷三

三

嘉慶十四年原奏內稱每畝麥稻共折收租價
銀六錢六分係指已成田者而言若未成田之
窪地泥灘不但稻麥全無即生長稀蘆亦復頻
遭淹浸斷難即日陞科是以從前原奏儘數充
公之語本未指明數目全在地方官據實查辦
固不可任聽沙戶匿稅亦未便按畝苛求轉致
無業窮民追呼罔措別生事端於
帑項毫無裨益可否仰懇

皇上格外仁施俯准照樂生洲舊案稀蘆灘每畝折

柴價銀一錢四分埂划窪地與無息可收之草

泥灘概免起租其已經圍築成田者照常徵租

報解仍飭該地方官俟將來稀蘆草泥灘逐漸

圍築再行確勘丈量據實輸則報陞毋任欺隱

以順輿情而歸核實除將供招送部外理合繕

摺具

奏伏乞

恭壽堂奏議

卷三

三

皇上聖鑒訓示奉

硃批該部議奏

越獄盜犯未獲先將刑禁人等審擬疏

奏為越獄盜犯未獲先將刑禁人等審擬仰祈

聖鑒事竊照武進縣盜犯薛三麻子越獄脫逃一案

業經臣等將武進縣知縣汪世澤典史顧長清

會摺叅

奏奉

旨這所叅玩視監獄疎脫要犯之江蘇武進縣知縣

汪世澤着革職畱任勒限緝拏典史顧長清着革

恭壽堂奏議

卷三

三

職拏問交該督等提同刑禁人等及案內夥盜嚴

訊有無賄縱情事按律定擬具奏逸犯薛三麻子

即索老著飭屬上緊勒緝務獲究辦欽此臣等一

面行催加緊嚴緝一面飭司行提該典史及刑

禁夥盜人等來蘇飭委署蘇州府知府羅琦審

擬由臬司林則徐會同藩司王輅審明招解前

來臣韓文綺當即親提研鞫緣薛三麻子即索

老籍隸山東上年十一月十九日拉緯南下至

武進奔牛地方薛三麻子起意糾同李貴孫三行劫沈起鯨舡上衣被等物是夜薛三麻子又起意糾同李貴等行劫徐玉有舡上衣物該事主等先後報縣差緝旋獲薛三麻子李貴到案究出薛三麻子先在山東拒傷東平州捕夥李白落河溺死之案經該縣關查原案訊供通詳正在覆審擬解間本年二月二十九日晚該典史顧長清封監後風雨大作時至四更禁卒張

恭壽堂奏議

卷三

三

仁謝發提牢書李清培各因疲倦睡熟薛三麻子乘間扭斷鐐銬板脫柵木從廚房屋上用木橈豎靠監牆接脚逃逸次早張仁等驚見回明該典史稟經該縣汪世澤勘訊通詳飭提犯證來省委署蘇州府羅琦訊詳旋據吳縣詳報案內禁卒謝發因病身故茲據藩臬兩司以逃盜薛三麻子未獲將刑書禁卒人等先行審擬治罪臣韓文綺提犯親鞠據供實係一時疎忽委

韓大中丞奏議

卷三

無私鬆刑具及得賄故縱情事嚴詰不移似無捏飾查例載監犯越獄如獄卒果係依法看守一時疎忽偶致脫逃並無賄縱情弊者依律減囚罪二等又律載司獄官典減獄卒罪三等又例載羈禁重犯越獄將管獄官革職拏問四個月限內不能拏獲畱於地方協緝五年限滿不獲審係依法看守偶致疎縱脫逃者擬杖一百徒三年有獄官暫行革職畱任督緝各等語此

恭壽堂奏議

卷三

三

案薛三麻子越獄脫逃刑禁人等訊止一時疎忽偶致脫逃並無賄縱情弊現屆百日限滿犯尚未獲應照例將禁卒張仁於薛三麻子斬罪上減二等杖一百徒三年提牢書李清培照例減禁卒罪三等擬杖七十徒一年半李清培據供親老丁單是否屬實飭查照例辦理巡役屠罄餘更夫薛阿大各照不應重律杖六十均折責革役參革典史顧長清緝拏已滿四個月期

九五

限未即獲犯照例仍畱地方協緝武進縣知縣汪世澤亦照例勒限督緝均俟限滿有無挈獲再行分別查辦逃犯薛三麻子嚴飭勒緝務獲究報除全案供招咨部外所有審明定擬緣由謹合詞恭摺具

奏伏乞

皇上聖鑒訓示再案內夥犯李貴孫三二犯現據臬

司審擬解勘另行具

恭壽堂奏議

卷三

三

題合併陳明奉

硃批刑部議奏

佐雜人員請暫停分發疏

奏為佐雜人員壅滯恭懇

聖恩俯准暫停分發以期漸次疏通仰祈

聖鑒事竊照江蘇省各項佐雜人多缺少因皆補缺

需時而縣丞主簿從九未入各班尤屬人浮於

缺核計江寧蘇州兩藩司屬除要缺不計外縣

丞額設九缺現在候用者二十三員主簿額設

九缺現在候用者三十二員從九額設八十一

恭壽堂奏議

卷三

三

缺現在候用者八十七員未入額設六十四缺

現在候用者四十九員每年補用不過七八人

或四五人不等已須十數載之久方可補竣現

准部行補缺新例以三十六缺為一週一週之

中川楚工賑衡工捐輸報効土方續增土方每

週僅得一缺加以館班分發及咨署未經實授

丁憂服滿仍來原省插班補用之員是川楚各

例名次在先者已非十數年不能邀補其名次

稍後者竟無補缺之日該員等分發到省以來或二十餘載近亦十數載而補缺之期較之新例人員不啻霄壤尚有告病告假回籍復行來省者正復不少若再以舊例加捐分發之員接踵而至不特該員等補缺無期且開住省城旅費不繼或至作姦犯科於仕途大有關係自應量為變通以資調劑伏查直隸省以未入一項人數壅滯

恭壽堂奏議

卷三

三五

奏奉

諭旨飭部暫停分發近閱邸抄山東陝西兩省請停佐雜分發均經奉

旨允准在案茲據藩臬各司以江蘇縣丞主簿從九未入四項事同一例自應暫停分發以冀舊例各員漸次疏通會詳請

奏前來臣等往返札商意見相同謹合詞恭摺具奏合無仰懇

缺實形壅滯

聖恩俯念江蘇省縣丞主簿從九未入試用各員補勅下部臣暫停分發來省俟各班人員數年之後漸次疏通再行

奏請照常分發是否有當伏乞

皇上聖鑒訓示

恭壽堂奏議

卷三

三五

勘估續坍城垣工段請動項給修疏

奏為勘估續坍城垣工段動項給修循例奏請

聖鑒事竊照揚州府屬寶應縣城垣於乾隆十九年

動項修葺之後歷今六十餘年固限久逾逼近

湖河沙土潮濕易於浸溢歷被風雨塌卸殘缺

經該縣知縣許知璣將緊要工段詳明前藩司

鄭裕國委勘確實詳經前撫臣魏元煜會摺

奏奉

恭壽堂奏議

卷三

三

諭旨准其動項興修等因欽此當經轉飭領銀興修

旋據該縣知縣許知璣詳報道光二年四月二

十八日暨七月十四等日復被雷震狂風驟雨

將未經估修城工間段倒塌與原估工段毘連

非些小黏補可以完整必須添辦料物一律興

修方克通工完固等情經前撫臣魏元煜並臣

節次飭司委勘無任稍有浮冒去後今據藩司

張志緒詳稱移委淮揚道沈學廉揚州府知府

黃在厚親詣確勘實因上年四月七月復被雷

雨震損間段坍倒並隙裂欹斜俱不在原估丈

尺之內惟與原估工段毘連必須給項接續修

整估需工料銀一萬六百九十九兩九錢二分

六釐請於司庫正項銀內動給一律趕修完竣

造具估冊由該管道府遞加勘結責令許知璣

一手趕辦完竣出具保固報候驗收詳請具

奏前來臣查該縣城垣前經奏奉

恭壽堂奏議

卷三

三

諭旨准修當經給銀辦築茲據該司詳稱續坍興修

之工估需工料銀一萬六百九十九兩零實無

浮冒詳請動項給辦相應恭懇

聖恩俯准於司庫正項銀內動給趕緊修竣以資保

障除飭取原續估計工料冊結詳

題並俟通工完竣驗收核實報銷外所有寶應縣

城垣續坍工段勘估給修緣由謹會同協辦大

學士兩江總督臣孫玉庭恭摺具

奏伏乞

皇上聖鑒再查請修城垣例由經辦之員出具保固
此案原係寶應縣知縣許知璣領銀承修該令
現因緣事降調離任其續坍工段應歸後任實
授之員領辦惟續坍工段與原坍現修之工貼
連若不同時趕緊修整誠恐雨水滲漏復有坍
卸前修工段難期鞏固且將來全行修整之後
原坍續坍均屬毘連易滋混淆應請飭令許知

恭壽堂奏議

卷三

三

璣一手領銀趕辦完竣出具保固報候驗收以
專責成而杜諉卸仍飭該管知府派委妥幹之
員在工督辦以期工歸實在
帑不虛糜於保障要工較有裨益如許知璣稍有
偷減草率情弊即行叅辦合並陳明謹

奏

會訊淮南商人京控疏

奏為遵

旨會同秉公查訊定擬具奏事竊照淮南商人鄭同
瑞遣抱告孫祥赴京呈控總商隱混欺朦等情
一案經都察院奏奉

諭旨此案着交韓文綺會同延隆提集案內人證卷
宗秉公查訊定擬具奏抱告孫祥該部照例解往
備質欽此並准軍機大臣字寄道光三年四月二

恭壽堂奏議

卷三

三

十三日內閣奉

上諭據鄭同瑞呈控淮南總商黃濬泰等上年侵欺
庫項審明屬實罰賠銀兩未治以侵欺之罪仍派
領辦事件復請總督鹽政奏劃辛巳壬午癸未三
綱撥抵懸墊及攤還息本二項懸墊一欸共銀九
百四十四萬七千五百餘兩其中有不應提出分
年之欸必須查明欠解京外各餉實數以杜劃抵
侵欺之弊至息本一項共銀七百七十二萬二千

二百餘兩近年庫存開款因總商領用過多以致支絀令先繳本三百萬兩餘銀另籌生息若非專備公借從何另籌再專商領本多年攤利已久今仍令通網先還致眾商攤本帶利重複虧累又每年辦貢辦公定銀七十萬兩向係按年為期今忽改以五月十五日截止前後套搭以致領項復逾七十萬之數又辛壬癸三綱內有給單籌還經費一百四十萬兩尤係朦混支銷等語兩淮懸墊息

恭壽堂奏議

卷三

聖

本各款前經孫玉庭等查明登復懇請恩施朕念商人疲乏格外施仁當降旨准其分綱分年攤徵完款茲該商鄭同瑞復以該總商等侵欺隱飾諸弊黏單呈控事關鹽課帑項至一千七百餘萬之多如有挪移朦混情事是以朝廷調劑之恩遂商人侵欺之計不可不嚴行查辦着韓文綺會同延隆將原呈黏單內所控各款秉公詳查據實具奏不可稍有瞻徇含混將此諭知韓文綺並傳諭延

隆知之欽此臣等伏查淮鹺疲敝積重已非一日上年督臣孫玉庭等兩次陳奏仰蒙我皇上施逾格之

鴻恩極非常之調劑該商等稍有天良各宜慎重辦公莫通網漸有起色今懸墊息本兩款統計有一千七百餘萬兩之多據鄭同瑞呈稱總商隱混欺朦果所控屬實誠如

聖諭以

恭壽堂奏議

卷三

聖

朝廷調劑之恩遂商人侵欺之計亟應徹底根究立予重懲查運庫支放總有文檔可憑與其詰質空言不如推求實據臣等於人證未齊之先提到一切卷宗按照鄭同瑞原呈黏單所控各款逐條親核倘有疑竇另行記出臣等互相講求務期燭照數計以憑審辦旋准兵部將抱告孫祥於六月初一日遞到原告鄭同瑞暨應訊各商人亦先後

赴案臣等隨會同連日提審並委令候補知府
梁蘭滋長洲縣知縣俞德淵元和縣知縣王有
慶於問供時將查出卷據指與鄭同瑞逐條細
看臣等面諭以如有弊混不符之處儘許申辯
如鄭同瑞原控總商罰賠七十三萬五千兩請
追一欸查黃滌泰認賠之三十萬兩業已扣存
運庫各總商應賠之四十三萬五千兩尚未屆
限印卷可據鄭同瑞俯首無詞又原控劃扣辛

恭壽堂奏議

卷三

望

壬癸三綱錢糧撥抵懸墊後弊宜防一欸查應
補墊欸均已開單具奏皆屬還庫並無商領且
錢糧普例減輕鄭同瑞亦供無弊又原控辦貢
辦公向係論年總商忽稟改以五月十五日截
止顯係套搭一欸查辦貢辦公從前每年用銀
九十萬兩上年奏定只准七十萬兩是以未奏
以前照九十萬之數連閏半年領過四十五萬
兩奏定之後從五月十五日至年底照七十萬

之數領銀三十五萬兩案冊相符鄭同瑞無可
置辯又黏單內稱三綱內給單籌還經費一百
四十餘萬作何支銷一欸查清釐庫項核定科
則辛壬癸三綱籌還經費已抵本綱應還之欸
將印冊給看鄭同瑞疑心頓釋又黏單內稱戊
寅分年雜項並分年捐欸及歷綱緩納貼息此
三項本係分十綱灑帶今既提出分年灑帶引
內是否停徵一欸查灑帶科則每引應完銀六

恭壽堂奏議

卷三

望

兩七錢零今提出歸入懸墊追補即加完各本
綱雜欸祇合五兩八錢計墊欸早歸七綱於原
定灑帶引內停徵而每引科則輕至八錢有奇
印冊具在鄭同瑞亦請毋庸再問又黏單內稱
庚午統引雜項六十八萬餘兩一欸查此欸原
議分十綱歸還後因各綱錢糧增重將此款停
帶質之鄭同瑞亦稱應作懸墊歸還又黏單內
開庚辰辛巳壬午殘引雜項不應提出分年且

癸未何以不列一欸訊明係為輕減科則起見
殘引可以速銷至癸未尚無墊出雜項與辛巳
壬午不同鄭同瑞亦供無異詞又黏單內稱巡
費積欠一百四十萬兩不應如此之多一欸查
巡費等欸頭緒繁多於歸補章程冊內核算尚
有不敷尾數印冊可憑鄭同瑞現稱細數不錯
又黏單內開淮北殘鹽並壬午一網雜項及挑
河等欸一百萬兩未可一例作為懸墊一欸查

恭壽堂奏議

卷三

四

壬午未運及壬午以前殘鹽二共一百十餘萬
引雜欸皆由庫墊每年運引不過十數萬歸欸
無期自應一並籌補質之鄭同瑞據稱為輕減
科則起見是當歸入懸墊又黏單內開轆轤借
領七十萬兩係奏定章程今請提還是改為捐
資與奏案不符一欸查此欸向雖借領每年均
須帶完今籌歸息本此亦借欸並非改為捐資
前係奏明現亦奏明何云不符且息本四百餘

萬仍發通河生息覆奏聲明在案質之鄭同瑞
據稱業經奏准仍行轆轤借領實與舊章程無
異又黏單內開借解捐欸兩次提行息本一百
八十萬又借捐剝船十五萬並借庚午統引辦
貢辦公六十三萬四千零又借戊寅辦貢辦公
七十一萬亟應歸還一欸訊據鄭同瑞供稱此
四項黏單上俱註亟應歸還字樣可見並不全
空原辦亦無錯誤此臣等連次親加核訊鄭同

恭壽堂奏議

卷三

四

瑞業已輸服之條欸也尚有鄭同瑞未即輸服
者計四欸臣等於提到卷宗內查無確據即令
到案之商人黃滌泰等十二人當堂質對雖眾
供確鑿但空言無據不足以折服其心隨札行
新任運司張青遠令其照供籤卷秉公查覆如
嘉慶十一年買補倉穀脚價一欸鄭同瑞疑已
帶完何以仍列懸墊查據運司覆稱泰屬兩次
被災該倉商領買賑穀脚價詳明先由庫墊俟

續收餘平充公欸內撥還庫貯嗣餘平等欸不敷且續有另案開銷迄今尚未歸完檢查十一年以後報部餘平雜項冊籍均無前欸開銷之數卽係未歸確據是以應入懸墊質之鄭同瑞已釋疑無辯又如山東廟工銀二十萬兩派衆攤完一欸鄭同瑞稱不知何事何年何人所借查據運司覆稱此欸先於嘉慶十五年發銀時總商借領以抵五臺貢罷之用壬癸兩綱還過

恭壽堂奏議

卷三

哭

十萬兩又撥為預領

賞借之用均係通河公領其甲乙兩綱應帶十萬兩因科則過重至今未還至鄭同瑞呈出甲戌攤還單內確有此數係

圓明園廟工之欸該商誤為山東廟工將各印卷籤明呈送一一相符鄭同瑞無詞可對又如准北疲商借領一百二十二萬五千兩公攤完帑一欸鄭同瑞稱准北非疲商應請分別辦理查

據運司覆稱此欸原案係奏明充公未便久懸

是以請於

賞借項下至程勤泰程德中許瑞封領借皆係庫貯此次徹底清釐凡應行充公久未奏報之欸事為借本各從其類歸入

賞借斷其膠轄並據准北商人鮑亨大等僉言北商疲多殷少借項公還衆皆樂從與南商無涉復詰鄭同瑞據供運司登覆應入息本項內北商

恭壽堂奏議

卷三

哭

又稱樂從不敢爭執又如淮南專商借領一百七十六萬八千有零公攤歸完後本商分二十限完繳一欸鄭同瑞堅稱不應派衆商帶完重復苦累查據運司覆稱各商專借理應各自歸還無如乏商無可着追不得不歸綱攤還既議歸綱則攤欸仍從引出專商運引較多已受代賠之累若自借仍附勒追力不能支同歸消乏故概行歸綱帶完使

帑本全歸普昭公允惟究有殷疲不同是以專商之款仍責令分二十綱自行歸完於攤綱之中仍示區別且得餘銀一百七十餘萬另貯於庫為將來輓轡借領之用奏奉

諭旨允准今若將此一百七十餘萬提出通案轉有偏倚

帑本不能全歸眾商並無利益等因申覆前來復訊鄭同瑞則稱專商借領攤入通綱每綱應帶

恭壽堂奏議

卷三

四八

銀三十五萬餘兩未免成本有虧是要求作主核辦等語臣等查鄭同瑞原呈黏單列開多款一經查卷指訊理屈詞窮者過半即其尚未輸服者四款迨該運司查覆印卷有憑逐一曉示除倉穀腳價山東廟出淮北商借計三款鄭同瑞現亦供稱查明無弊外惟專商借領派眾攤還一節鄭同瑞總以通綱攤帶成本有虧為詞力求核辦雖據散商丁恒興莊至興陳祥盛田

允裕等到案同供借領之銀現在各家虧本鹽務敗壞全賴多幾家辦運可望整頓復元若令伊等將借領之銀都要繳還就有多人不能辦運令通盤調劑科則減至五兩以內大眾踴躍商等情愿先在已丑等五綱歸還科則並不加重亦無苦累况仍令專商自分二十綱完繳更為公允等語但鄭同瑞既求核辦恐通河未能家喻戶曉難順輿情臣等復將專商借領之一

恭壽堂奏議

卷三

四九

百七十六萬餘兩究應如何追還方於國帑商情公私交便札飭運司再行議詳去後茲據該運司張青選詳稱遵查息本為內帑所關其息銀各有每年京外應用之需非捐款之可以乞恩豁免者比必須早籌歸結於歸清墊款後先於已丑五綱歸還息本若因專領之商稍殷而加以偏累必致同歸消乏此次清釐不使

帑本仍有蒂欠故請攤網於先以昭公允仍令各完於後以示區別鄭同瑞以除去此一百七十六萬餘兩科則更輕查自庚辰起至癸丑止上下一百三十四綱科則一律勻減在五兩以內如使已丑五綱獨輕轉啟趨避積壓之端現在引鹽最多之各散商僉稱並無增累鄭同瑞乃負欠歇業之商無須攤還尤屬事外理合據實具詳等因臣等伏查上年督臣孫玉庭等奏辦

恭壽堂奏議

卷三

辛

調劑准離各卷宗先歸懸墊以實庫貯次還息本以全庫項卽此一千七百餘萬兩之帑儲核實悉歸有着從前科則每引應納六兩七錢有零者一律勻減均在五兩以內節次欽奉諭旨從此兩淮可望轉機而列款具控之鄭同瑞現經逐款查無弊混鄭同瑞業已無可置辯獨專商借領一欸雖據新任運司未必迴護之張青選兩次登覆似屬實在情形但鄭同瑞始終堅

執未便以人廢言置之不議相應據實具奏請旨敕交兩江總督會同鹽政勿存成見再行通盤籌議務期裕課恤商兩有裨益伏候

聖裁再臣等伏查嘉慶六年十二月內前任督臣費淳奏案內稱許如金等訐告一案總散各商數十餘人傳提聽審守候經年辦運辦公均多延誤及至當堂質對原告並無切據波累無已殊於鹽政有碍應請嗣後歇業之商仍以查閱賬

恭壽堂奏議

卷三

壬

目追求用項等詞呈訴一概立案不行治以妄控之罪庶足以杜刁訟而安商業等因奏蒙允准在案今鄭同瑞既已負欠歇業卽屬事不干己乃於甫經奏定章程列款黏單赴京訐告阻撓公事拖累多人雖說明疑誤有因亦應於驀越赴京告重事不實軍罪上量減擬徒惟該犯尚有被魏景鑿等控欠五十餘萬兩革去職銜在縣審辦之案

應將該犯解回江都縣仍行監追歸於彼案從重完結至總商黃滌泰現雖查無侵欺實據且上年經督臣孫玉庭等審明認罰銀三十萬兩奏准免其治罪律不重科但歷被散商訐控究係眾論不孚應請將黃滌泰革退總商作為散商隨同辦運仍由該鹽政查明一應經手事件令其交代清楚毋任轉轄其餘准南北各總商訊係牽控應與赴京抱告之孫祥均予免議除將

恭壽堂奏議

卷三

五

供冊咨部外所有查訊定擬緣由理合會同恭摺具

奏伏乞

皇上聖鑒訓示

請撫卹被水貧民疏

奏為江蘇各府州屬被水較重各處乏食貧民照例先行撫卹恭摺奏懇

聖恩事竊查江蘇省本年入夏以來大雨時行湖河並漲低窪田畝被水情形先經臣會同督臣孫玉庭恭摺具

奏在案一面飭催兩藩司委員馳往分提確勘並飭各州廳縣督令農佃人等無分晝夜趕緊車

恭壽堂奏議

卷三

五

庫補種以冀一律普收續據各屬稟報低田積水較深竭力車戽已不能全行涸復迨立秋以後又復靈雨風潮陡增盛漲非但積水難消無從補種即已經補種之處亦被淹浸農民倍費工本頗形拮据臣又飛飭兩藩司確查詳辦去後茲據江寧布政使張志緒詳稱江寧府屬之上元江寧句容高淳等縣沿河低窪田畝因江潮加漲沖缺圩埂田廬猝被水淹小民口食無

資當卽馳赴查勘被水較重請將乏食貧民先行撫卹一月口糧以資接濟其被水較輕之處民力尚可支持統俟查明勘實彙詳辦理並飭上元等縣將應撫戶口委查確數由司動項給發辦理又據蘇州布政使王輅詳稱本年蘇省被水較廣情形頗重所有蘇州府屬之長洲元和吳縣吳江震澤常熟昭文崑山新陽太湖廳松江府屬之青浦縣又太倉州並鎮洋縣等處

恭壽堂奏議

卷三

五

實在乏食貧民照例先行撫卹一月口糧由司動款給發散放並飭動碾常平倉穀減價平糶以資民食其餘被災各縣民情是否拮据或毋須先行撫卹現在確查辦理仍不許稍事諱飾亦不得藉端捏混各等情詳請具

奏前來臣覆查上元江寧句容高淳長洲元和吳縣吳江震澤常熟昭文崑山新陽太湖青浦太倉鎮洋十七廳州縣被水較重民力拮据之處

委屬實在情形相應仰懇

聖恩先行撫卹一月口糧照例折銀散放並飭動碾倉穀平糶以資接濟所需銀款卽由江蘇兩藩司庫動項給發查辦統俟事竣核實造冊報銷外謹將江寧蘇州松江太倉各府州屬被水較重先行動項撫卹緣由謹會同協辦大學士兩江總督臣孫玉庭恭摺具

奏伏乞

恭壽堂奏議

卷三

五

皇上聖鑒訓示

請招徠客米並給銀採買疏

奏為被水地方米價增長亟宜招徠客販並給銀

採買運回濟食據實奏請

聖鑒事竊照江蘇各府州屬雨水過多低田被浸糧

價日漸增昂民食攸關必須預為籌備伏查定

例米舡過關果係前往被災地方售賣免其納

稅給予印票責令到境之日呈送該地方官鈐

蓋印信回空查銷等語又道光元年江寧省城

恭壽堂奏議

卷三

奏

一帶得雨稍遲糧價漸增經督臣孫玉庭具

奏請將上游客販米舡來至江寧售賣經過各關

照例給票免稅並於藩庫借動銀兩採買米石

糶給民食均蒙

俞允欽遵籌辦在案今江寧蘇州松江太倉各府州

屬被水較重之處米價漸昂轉瞬冬春恐更翔

貴臣察訪情形急宜預籌民食惟有仰懇

皇上天恩俯准上游客販米舡來至江寧蘇州松江

太倉四府州屬售賣者即由各關照例給票免

稅俟米艇行抵被災地方銷售將票徑呈各該

州縣鈐印給還回空銷號並由臣飭令被災各

州廳縣赴司借領銀兩或選委妥員或專遣親

信家屬或責成熟諳鋪戶前赴各省產米地方

採買運回以濟民食經過各關呈驗執照免稅

放行復勸諭災地紳商富戶如有情愿出資輓

轆轉運者一體就近由該地方官給票辦理仍

恭壽堂奏議

卷三

奏

咨行各關嚴禁書役人等畱難索費等弊庶米

舡來往流通糧價日漸平減則節屋窮黎飽頌

皇仁靡有既極臣因各省成熟地方早稻已收商販

雲集仰體不使一夫失所之

聖慈未敢稍事拘泥守待即一面飛咨產米省分出

示曉諭仍俟米多價平即請照常徵稅停止採

買並將各州縣領買米石易銀解送向庫歸款

謹會同督臣孫玉庭恭摺具

奏伏乞

皇上聖鑒訓示

恭壽堂奏議

卷三

奏

請借項採買米石疏

奏為災區糧價增昂借項採買米石各就地方情

形分別辦理恭摺仰祈

聖鑒事竊照江蘇省被水地方米價增長亟宜招徠

客販並借項採買飭屬赴司領銀或委妥員或

專遣親信家屬或責成熟諳鋪戶前赴各省豐

稔之區買米運回以裕民食經過各關呈驗執

照免稅放行由臣韓文綺會同臣孫玉庭具

恭壽堂奏議

卷三

奏

奏在案惟地方情形不一自當隨宜分別辦理蘇

郡為百貨聚集之區各省商賈輻輳現據蘇藩

司玉輅具詳據長洲元和吳縣各請領銀三萬

兩分遣妥屬前往江廣一帶價平地方妥速買

米運回平糶糶下錢文隨時易銀解司還欸所

需運脚及將來平糶不敷銀兩該三縣自願捐

廉賄補應卽如請動項給領採辦所有江寧省

城地方與蘇城百貨皆通情形稍異而上元江

寧句容等處又為通省疲累之區其運脚及糶價不敷均無力賠補是以臣孫玉庭於道光元年因地方被旱糶價增昂

奏蒙

聖恩准於江西藩庫借項採買由江省委員前往領運南回減價平糶其銀江西省即作正開銷糶出米價就近解江寧藩庫報撥所有運脚及糶折不敷銀兩由督撫暨江寧所屬司道府州等

恭壽堂奏議

卷三

李

官分年攤捐廉銀歸補此次江寧省城買米平糶仍應循照前案辦理第本年上江下江災區較廣雖江西省僅止九江所屬一隅被水其餘各屬收成大槪皆稱稔熟而隣省客販較多自不便專赴江西採買應委員分赴湖廣產米之區採購惟長途派員齎銀數萬兩前往非餉鞘可比無沿途兵役護送亦不無疎失可虞應請於江西藩庫酌借銀四萬兩湖北藩庫亦借銀

四萬兩臣等咨明江西湖廣督撫俟江省委員齎帶盤費運脚前去於該員等投文之日即飭司動項給領並飭產米地方官會同曉諭行鋪照市價平買雇船運回糶濟民食兩處藩庫所動之銀即作正開銷其運回江寧糶出米價就近解交江寧藩庫報部撥用至糶價不敷及運脚銀兩仍由臣等暨司道府等官捐廉貼補毋庸請銷錢糧採運委員果能實心從事杜絕船

恭壽堂奏議

卷三

李

戶偷賣發水等弊妥速運回當據實量請恩獎至官買米石及客販米船經由九江蕪湖龍江等關而來本無米稅惟蕪湖米船有解費一項係按船隻標頭丈尺科稅為數不多上屆邀恩蠲免此次亦請免費以示招徠其九江龍江各關移行隨時稽察一遇米船立刻查驗如無客貨即速放行毋許丁書關役人等稍有畱難俾得迅赴災區糶濟庶貧民得免食貴咸沐

鴻慈無既謹恭摺具

奏伏乞

皇上聖鑒訓示

恭壽堂奏議

卷三

空

請撥鹽義穀石片疏

再江寧江蘇兩藩司所屬大江以南被水地方
經臣等察看情形應先撫卹一月口糧並應招
徠客販借項採買米石及先飭動碾倉穀平糶
濟食各緣由會摺奏懇

恩施在案惟查發項赴隣省採運平糶往返需時各
屬倉儲因災緩撥碾兵米及節年因公動缺尚
未採買齊全存貯多寡不一亦未便概行動碾

恭壽堂奏議

卷三

空

轉致空虛覆察江蘇兩屬沿江州縣先於五六
月被水時雖江湖頂阻積水未能速消然已晴
霽多日間有消露處所農民竭力車戽修補殘
缺圩岸分買稻禾補插希冀有秋詎於七月初
二三暨初八九十及十一一二等日狂風驟雨連
宵達旦上游復驟發蛟水下注而下游則江海
潮湧致已破圩田積水益深未破之圩亦悉遭
漫溢汪洋一片室廬淹浸坍塌幾於棲避無所

較之旱災尚有家室可處者其情更苦實堪憫
惻臣等督飭藩司加派幹員分投查勘救濟續
加撫恤務使災黎不至失所而目前糧價增昂
平糶最為要務所請採運米石不能立時救急
秋深及冬春為日正長應為將來之計因嘉慶
十九年江省大旱曾

奏借撥准商鹽義倉穀十萬石分發各屬平糶濟
食茲臣等札商鹽政曾煥並飭運司查得揚州

恭壽堂奏議

卷三

六四

泰州二倉有額貯義穀可撥十萬石以資協濟
臣等查蘇屬被水地方較江屬寬廣所有鹽義
穀石擬於江屬酌撥十分之二三其餘儘數酌
撥蘇屬州縣領運以資糶濟得此義穀就近撥
運碾米平糶不特為期迅速民食有賴而市儈
之囤積者知無可居奇亦必聞風出糶糧價即
可平減於目前民食大有裨益此外賑卹事宜
容臣等次第商辦

奏請舉行謹附片陳明伏乞
聖鑒奉
硃批知道了

恭壽堂奏議

卷三

六五

續請撫卹江浦等六縣疏

奏為江蘇省江浦等六縣續請撫卹並採買動支各款及現在查辦情形奏祈

聖鑒事竊照本年五月以來雨水過多江寧蘇州等屬稟報低田被淹臣等委員勘辦於六月十九日會同具

奏嗣緣立秋後霪雨風潮陡增盛漲非但積水難消無從補種卽補種之處又被淹浸查據兩藩

恭壽堂奏議

卷三

三六

司詳稱上元江寧句容高淳長洲元和吳縣吳江震澤常熟昭文崑山新陽太湖廳青浦太倉鎮洋等共十七廳州縣均猝被水淹貧民乏食請照例先行撫卹一月口糧其餘被災較輕之處統俟查明勘辦臣等復以米價漸昂急宜預籌民食查照例案免稅招商並飭被災州縣赴司借領銀兩採買運回濟食各緣由分繕兩摺於七月十三日奏

聞各在案伏思事關災膏積弊多端里書地保惟利

是圖甚至有費者應徵而報緩無費者應緩而

請徵欲期實惠速民首在革除蠹弊隨於十四

日將查禁災弊告示刊印數百張發貼有災州

縣務使吏役凜遵災黎共曉正在辦理間於十

九日承准

廷寄內開道光三年七月初八日奉

上諭御史楊希銓奏江蘇省四五月間大雨經旬米

恭壽堂奏議

卷三

三七

價驟長常熟昭文兩縣低區水潦小民艱食堪虞請飭查辦等情直省偶有偏災地方官皆應據實奏聞不可稍有諱飾該御史所奏常熟昭文兩縣被災情形是否成災應須撫卹着韓文綺迅卽遵委幹員確實履勘並將毘連州縣有無被災之處查明據實具奏至該御史奏稱報荒冊籍由州縣漕書區書承辦其實在荒田報明註冊皆每漕糧一石需費約制錢四百餘文豪富之戶與漕書等

勾串多給錢文以熟作荒希冀將來蠲緩漕書等
得受錢文卽以荒註冊而實係被災地畝之窮黎
無錢註荒轉至以荒作熟不能邀恩蠲緩及開徵
時此等窮黎無力完納地方官卽以實欠在民間
報積弊相沿常昭兩縣為甚至於賑濟之事有以
次貧為極貧以極貧為次貧者而無業貧民更多
遺漏甚或虛報戶口以圖侵蝕請飭查禁等語地
方官查勘災區吏書等需索牽混百弊叢生甚屬

恭壽堂奏議

卷三

六

可惡該御史所奏以熟作荒以荒作熟及遇賑濟
虛報戶口遺漏貧民諸弊如果屬實是報災辦賑
重務一任胥吏蒙混舞弊不可不加意剔除着韓
文綺嚴飭所屬實力稽查如有前項弊端務卽嚴
叅懲辦勿稍徇隱將此諭令知之欽此臣文綺跪
讀再三卽恭錄寄知臣玉庭一體欽遵共仰我
皇上軫念民依

垂訓周詳之至意查御史楊希銓所奏常熟昭文兩

縣低區水潦業經臣等查明與毘連各州縣彙
請先行撫卹一月口糧專摺具

奏其所稱以熟作荒以荒作熟並虛報遺漏諸弊
端皆切中災賑要害為臣等所深慮而預防是
以於拜摺請卹之次日趕緊刊印禁約告示頒
貼災區革除蠹累茲復凜承

諄諭立即轉行藩司通飭被水州縣痛除積習有犯
必懲臣等面諭印委各員至再至三咸俾激發

恭壽堂奏議

卷三

六

天良認真釐剔惟是本年積潦倍常受淹較廣
於奏請撫卹十七州縣之外連日復據兩藩司
先後詳報江浦六合泰興華亭婁縣丹徒共六
縣續被淹浸民食維艱應予撫卹一月口糧此
外各屬統俟查竣分別輕重核實辦理等因臣
等查江浦等六縣既經查明應卹未便令其向
隅恭懇

聖恩先行撫卹一月口糧照例折銀易錢散放所需

何致肆鬧府署况滋鬧人衆現獲僅止九名未
必要犯卽在其內均宜確訪速獲除將華亭縣
汪洪婁縣李傳簪暫行撤任遴委妥員署事接
辦外隨委候補知府梁蘭滋卽馳往先行查
報並令候補道錢俊會同按察使林則徐親詣
該處督拏究辦務使目無法紀之徒不致一名
漏網茲接據梁蘭滋稟稱勘得府署自大堂以
至內宅門牕器具多有毀拆提訊馮寶元等九

恭壽堂奏議

卷三

七三

犯於擠毀等情堅不肯認質據營兵等將各犯
拴獲之地指供如繪如顧仁昌在內宅小門口
被拏該犯供認不錯但稱因人衆聲喧觀看被
獲仍不認隨衆滋鬧馮阿梯在堂西側廳內拏
獲高三喜在三堂拏獲高餘慶在大堂甬道拏
獲馮寶元在宅門口拏獲張景星楊廣榮俱在
二堂東首庫門前拏獲王得榮蔡幅元俱在二
門內拏獲而楊廣榮王得榮二犯又係楊知府

認明坐大堂時該二犯站立在前之人比時各
犯於營兵指供拏獲之地尚不承認別情更不
待言查各犯均屬鄉愚乘衆喧鬧斷非枉拏其
中情罪輕重尚須研鞫而首先糾鬧者似不在
九犯之內追究肇釁緣由及肆鬧人數現犯僉
供不知詢之華亭婁縣兩令亦無從以對惟同
城文武各官異口同詞皆稱婁縣西北鄉民情
刁悍七月初間李傳簪下鄉勘災徧告親自進

恭壽堂奏議

卷三

七三

省面求上憲賑撫災荒十一日李傳簪面稟赴
省請卹楊知府以各憲久已諄切札飭應辦卽
辦無不准行祇須切實具詳不可輕離職守府
縣意見不合稍形詞色因此外間流傳謂知縣
許進省為求糧米知府不肯多准並不請發口
糧所以十五日赴府報荒求食彼時擁擠人多
其手執飯羅求給口糧者不過百餘人緣是日
節屆中元俗例鄉民進城燒香還願人數最衆

滋事乃徒夾雜其中其實赴府求食之人不過百餘因求食而倡率滋鬧不過數人所以不赴縣而赴府之故自因李傳簪已許進省揚知府旋阻其行無知愚民率聽流言誤會知府不顧災黎捨縣鬧府此詢訪之實在緣由至執持飯籬訪係婁縣四十三保一帶農民居多訛據現犯張景星供稱保正徐春希曾說到府求食的話並提到地保夏長林供稱顧聚春張柳發亦

恭壽堂奏議

卷三

五

說縣裏准荒府不肯准之語並稱張柳發郭茂沅曹應隴及顧三觀胡勤奎顧聚春俱擠毀滋事之人等語如果張景星夏長林所供屬實則首先赴府求食者係婁縣西北鄉一帶居民是否徐春希顧聚春張柳發起意滋事現在提挈未到一面移營飭縣分別趕挈供出各犯並提現犯再行嚴究務得確供等因馳稟前來復據蘇松道龔麗正親往勘查稟報無異臣等查梁

蘭滋所稟尚是實在情形其現獲及指挈各犯亦不致茫無端緒惟於起釁根由詢訪竟無別故恐係避重就輕未足憑信臣等復札飭林則徐錢俊到日督飭查拏會同嚴審務將首從要犯全數弋獲窮詰實在滋鬧情節勿稍寬縱錄取確供解省審辦仍查明該府縣因何不協輿情是否辦理不善另行察辦以昭核實所有鄉民滋鬧府署獲犯究審情形臣等謹會同提督

恭壽堂奏議

卷三

五

臣王應鳳合詞先行據實具

奏伏乞

皇上聖鑒訓示

籌撥兵糧疏

奏為籌撥省倉災缺兵糧接濟支放奏請

聖鑒事據江寧布政使張志緒詳稱江寧各屬每年

額解省倉漕屯等米專供旗營綠營日支餉需

道光二年編徵米欸被災緩缺計不敷米七千

二百四十一石七斗零前經咨部在於上元江

寧二縣應徵道光元年熟田歸還米石通融撥

抵飭令趕徵解倉濟放在案現據上元縣具報

恭壽堂奏議

卷三

七

有未完民欠道光元年災緩米二千三百一十

石又江寧縣未完民欠道光二年漕屯米二千

七百一十九石二斗零又道光元年災緩米二

千八百八十八石五斗零又六合縣未完民欠

道光二年屯米一千三百四十一石五斗零催

據各該縣先後申稱入夏以來江潮湧漲雨水

過多田廬被淹民力難以追輸係屬實在情形

查災缺兵糧借撥常平倉穀碾米接濟歷奉部

准有案今上元江寧六合等三縣未完民欠米

共九千二百五十九石零應請援照成案在於

江寧揚州通州三屬常平倉穀內均勻借撥碾

米濟放仍俟各屬徵完本欸米石隨時歸欸等

情詳請核

奏前來臣查前項米石均係抵支各營本年糧餉

計口授食未便短少惟有仰懇

聖恩俯准循案在於江寧揚州通州三屬常平倉穀

恭壽堂奏議

卷三

七

項下動撥碾米解運濟放仍俟各屬徵完本欸

米石歸還常平倉穀原欸一轉移間庶今冬兵

食無虞缺乏而於倉儲亦無窒碍除飭取動撥

欸冊咨部外謹會同協辦大學士兩江總督臣

孫玉庭恭摺具

奏伏乞

皇上聖鑒

特參特符插訟京員疏

奏為特參特符插訟之京員請

旨先行革職以憑提同質審定擬事竊照捐職理問

徐淮以匿報侵吞等詞控經都察院奏奉

諭旨交臣親提秉公審訊臣遵卽行提人證卷宗至

省詳加核辦查徐淮原呈內開嘉慶十三年因

河工經費不貲請於鹽價內每觔加價三釐津

貼河費准北應從已丑綱起其時戊辰綱提統

恭壽堂奏議

卷三

夫

尚有乙丑丙寅丁卯三綱殘引未竣一鹽不便

兩價復奏明於奉文日一體加價在案計殘引

實共二十六萬五千五百有零自應照數納課

乃商吏串匿十一萬六千六百五十引侵吞錢

糧十三萬餘兩等語伏思綱鹽加價原係以公

濟公果如所控匿報殘引短課至十數萬之多

情同侵吞亟應嚴切根究臣隨親提徐淮諭令

指出確實憑據並所稱殘引共二十六萬五千

五百有零之數從何查得據徐淮供稱那時在

母舅汪立達家代騰虛報冊稿故知細數並鹽

院稿房陳臻福得賊三百兩運司書吏楊綸賜

通同作弊等情傳質汪立達之子捐職理問汪

坤祖據供徐淮是姑表弟兄是故父撫養長大

嘉慶十九年他在江都縣控告故父汪立達匿

引侵課的事故父病中曾說徐淮忘恩負義那

江都縣控呈他已具結認誣至鹽務係故父經

恭壽堂奏議

卷三

夫

手有無情弊求查運司衙門領引繳銀冊簿諒

是不錯並提訊陳臻福則稱與徐淮從不識面

楊綸賜則稱乙丙丁三綱殘引並非承行復向

徐淮研詰據供代騰虛報冊稿現在並無實據

所控虛報侵吞及陳臻福等得賊作弊今質對

無憑無可分辯等語臣查徐淮所控匿報殘引

在縣早已具結認誣赴巡撫衙門翻告茲又京

控雖到案並無指實未便顛預率結正在行查

審辦間忽有淮商汪同德之子捐班工部候補郎中汪葆仁自行投案聲稱伊父汪同德老病卧床那徐淮所控殘引加價一事彼時汪同德名下實有一萬九千六百十二引止報一萬一千餘引計短交八千餘引加價銀兩彼時伊父因係眾商之事隨同畫押現呈殘引細冊係從運司房抄出此種細冊行鹽之家都有的所有汪同德名下吞匿銀兩俱被汪立達扣作司費

恭壽堂奏議

卷三

全

將用帳一本呈出言係與汪立達分夥後各立一本互執求問汪立達之子汪坤祖必然知道隨質之汪坤祖則稱故父曾與汪同德合夥行鹽一年旋即拆夥今汪葆仁呈出用帳一本實非故父親筆又無花押圖記也非前商夥筆跡故父在日汪葆仁亦從未言及並訊據淮商王允泰等僉供嘉慶十四年八月以後鹽餉加價各口岸遠近不同奉文先後不一年終截數殘

鹽共十四萬八千餘引每引應交加價銀一兩一錢零統共應交十六萬七千餘兩照數繳納並無侵匿咨部有案不料汪立達之甥徐淮圖詐不遂於十九年以匿報殘引控縣審証復又屢次翻控只求查對領引繳引印簿自可水落石出至徐淮汪葆仁所呈單冊俱非確數商人等並未見過他從何處抄來但求追問再汪葆仁今年先在運司衙門稟求復辦信陽州口岸

恭壽堂奏議

卷三

全

又求簽辦公埠俱經批駁今到案妄認實係挾嫌訛詐拖累眾商等語臣即查據運司將汪葆仁求復辦口岸暨簽辦公埠先後不准之批稟二件檢齊申送核與各商所供相符查汪同德充商年久若果匿報於前原可檢舉於後惟理應本身出名照例遣抱告首告今事隔十年忽令伊子代訴已難免扶同徐淮情弊而汪葆仁以候補郎中挺身插訟顯係恃符雖稱伊父卧

病但竟不將伊父姓名具呈以子證父律有干名犯義之條况因求辦口岸求派公埠不准之後方控匿報殘引是各商謂挾嫌拖累不為無因且以京員連向運司稟求尤為卑鄙現經臣連次質問汪葆仁請將呈出之帳簿二本當堂燒燬再四苦求情狀窘迫殊屬不成事體相應據實參奏請

旨將工部候補郎中汪葆仁革職並前已認誣後又

恭壽堂奏議

卷三

全

翻控現仍一無指實之捐職理問徐淮一並斥革其汪立達之子捐納理問汪坤祖於汪葆仁呈出帳簿悉稱伊故父經手諉為不知未可憑信亦請暫革職銜以便提集人證三面嚴質務得實情再行定擬具

奏至汪葆仁呈出帳簿二本一係開列殘引數目即徐淮所控緣由一係交代用帳內有司費等名虛實皆當追究明白臣已詳細札查現任運

司張青選本年甫到無所用其迴護令其秉公確查據實詳報第口岸繁多必不能立時申覆一切人證牽涉不少臣已當堂釋回取保除勿須再訊者錄供備查外其尚有應質之人俟行查覆到核審時再行指提以免守候拖延之累是否有當伏候

皇上聖鑒訓示奉


硃批秉公研鞠按律定擬具奏另有旨

恭壽堂奏議

卷三

全

韓大中丞奏議



受業 胡元博 編次

劉慶遠

次孫泰 華敬錄

卷之四

目錄

審擬泰州民彭德州京控疏

撫卹琉球難夷疏

恭壽堂奏議

卷四

一

驗收減黃河埝疏

挑辦奎河疏

飛蝗撲滅疏

請米船免稅毋庸給票鈐印疏

籲請協撥賑濟銀兩疏

審擬桃源縣民人孔毓慶京控疏

移駐稅口疏

修理倉廩考棚疏

江蘇各州廳縣衛被水旱疏

動撥賑濟銀兩附片

請將漲灘開禁歸營買陞疏

訪掣劣衿惑眾斂錢疏

審明革監陳映台朦占沙地疏

挈獲洋盜疏

恭壽堂奏議

卷四

二

審擬泰州民彭德州京控疏

奏為遵

旨審明定擬恭摺奏請

聖鑒事竊照江蘇泰州民彭德州以父寃不伸具結

請檢等詞赴京呈控經都察院奏奉

諭旨此案着交韓文綺親提人證卷宗秉公嚴審按
律定擬具奏原告彭德州該部照例解往備質欽

此並准兵部將原告遞解前來臣遵卽飭提人

恭壽堂奏議

卷四

一

卷至省逐一親加研鞫緣彭德州籍隸泰州伊

父彭恒義在日憑韋百萬石遐廣作中佃種李

進柏田十三畝並租住草屋一間道光元年四

月初一日晚間彭恒義因失雞一隻疑走入李

進柏家藏匿在門首混罵李進柏爭論被彭恒

義推跌擦傷額顱李進柏之子李廣生幫護彭

恒義拳毆其左眼胞又用木棒毆傷其左肩甲

李廣生奪棒回毆彭恒義左肩甲經趙文忠勸

散初二日早李廣生因伊父李進柏年老被推

跌傷卧床不起欲行控究並囑韋百萬石遐廣

令彭恒義退佃出屋彭恒義恐到官治罪又慮

退佃出屋後難以度活愁急莫釋卽於是日下

午從戶樞旁牆洞伸手出外將門反鎖在屋內

自縊身死經韋百萬等從門縫窺見撥門入內

解救無及時彭德州同妻韋氏駕舡在外捕魚

屍弟彭恒年又不在家經鄉保周正和等報明

恭壽堂奏議

卷四

二

泰州知州趙鉞驗訊通詳嗣彭恒年回歸聞伊

兄彭恒義曾與李廣生爭毆心疑毆斃與母舅

黃爾恭轉倩孫惟鑿代作呈詞赴揚州府並臬

司衙門具控委經江都縣知縣陳文述會同該

州趙鉞訊明彭恒義實以失雞叫罵與李進柏

等口角爭毆慮恐控官退佃情急自縊將李廣

生彭恒年分別問擬枷杖詳結有案三年正月

間彭德州與孫惟鑿會遇述及伊父命案業已

審結孫惟鑿稔知李廣生同族李祥李恒等家道豐裕起意藉案訛詐當令彭德州向李祥借用錢文並稱如不應允即以京控拖累嚇制彭德州聽從往懇李祥母舅黃春年轉借黃春年不允彭德州向孫惟鑿回覆孫惟鑿遂捏彭恒義被李祥等逼討租錢喝令李恒等毆斃串同黃春年等假裝自縊賄囑鄉保周正和伴作梁魁匪傷牒報並書差私押逼結各情寫就呈詞

恭壽堂奏議

卷四

三

備帶盤費領同彭德州進京在都察院衙門呈告奏奉

諭旨交臣審辦飭提人卷來省據彭德州供出孫惟鑿藉端圖詐作詞唆訟各情飭挈孫惟鑿潛逃無獲臣就現到人證逐加質訊供悉前情嚴詰實無喝毆致斃裝縊傷情弊臣以彭恒義縊在屋內何以門鎖在外恐有別情復向見證章百萬究問據供草屋一間門旁土牆有洞一個

緊靠戶樞側邊可以伸手出外想那日彭恒義起意自縊恐被人經見伸手出外將門反鎖並無別故究詰不移案無遁飾查孫惟鑿圖詐唆訟眾供確鑿現在弋獲無期自應先行擬結查例載驀越赴京告重事不實並全誣十人以上者發邊遠充軍又教唆詞訟如原告並未起意誣告係教唆之人起意主令者以主唆之人為首聽從控告之人為從各等語此案彭德州之

恭壽堂奏議

卷四

四

父彭恒義因失雞叫罵將李進柏李廣生推毆致傷旋聞李廣生欲控退佃情急自縊業經訊明詳結乃孫惟鑿藉案圖詐輒捏寫李祥等毆斃裝縊賄囑匪傷等詞羅織多人領同彭德州誣控實屬起意唆訟將來挈獲到日自應照主唆誣控為首例擬軍彭德州赴京誣控係孫惟鑿主唆應照為從科斷彭德州合依驀越赴京告重事不實並全誣十人以上者發邊遠充軍

為從減一等例杖一百徒三年到配折責充徒
黃爾恭既知彭恒義死由自縊乃於伊甥彭恒
年控府控司時並不阻止轉代懇孫惟鑾作詞
實屬不合應照不應重律杖八十折責發落李
廣生逼迫彭恒義致令自縊業已照威逼人致
死律擬杖發落追給埋銀例免重科李祥訊未
喝令李恒等均未向毆黃春年亦無串通裝縊
情事應與訊非朦報匿傷逼結私押之鄉保周

恭壽堂奏議

卷四

五

正和趙鼎作梁魁書役黃泰等及並未阻驗
之章百萬均毋庸議餘屬無干概予省釋未到
人證並免提質彭恒義實係自縊毋庸開檢屍
棺飭屬領埋主唆之孫惟鑾罪應擬軍該犯查
係從九品職銜應先斥革嚴挈務獲另行究結
除供冊送部外臣謹恭摺具

奏伏乞

皇上聖鑒訓示奉

破批刑部議奏

恭壽堂奏議

卷四

六

撫卹琉球難夷疏

奏為琉球國遭風難夷漂至江境照例優加撫卹
護送赴閩回國恭摺奏

聞事據崇明縣知縣明通稟稱道光三年七月十一
日有遭風漂來琉球國脚舡二隻乘坐難夷五
十人在白陽沙登岸經該縣會營前往沙灘確
勘將該難夷護送至城妥為安頓給與口糧等
情具稟前來臣即飭司行令從優撫卹查照向

恭壽堂奏議

卷四

七

例委員護送來省譯訊去後茲據委員伴送行
抵蘇州臣督率在省司府各官公同查詢內有
畧通漢字文理之人給與紙筆令其書寫據金
廣緒寫開係琉球國四品官奉差巡哨周應三
十六島帶八品官金克緒翁克榮等八員舡頭
鄭照喜一名佐事小那等六名兵丁新里等四
名上水手官成等六名水手官里等三十四名
一共五十人乘坐大船一隻帶有脚舡兩隻六

月二十五日出洋遇風飄流至七月初八日又
遇狂風將大舡打損衣物流失幸有脚舡得保
五十人性命十一日漂至崇明海灘遇人護帶
登岸等情臣查琉球於東洋諸國中臣服
天朝最為恭順今難夷等在洋遭風漂越來江隨帶
衣物盡行沉失自應仰體

恭壽堂奏議

卷四

八

聖主丕冒宏仁格外優卹以示懷柔當飭將脚舡二
隻優給價值紋銀一百兩又添給棉衣棉被等
物並發給口糧俾其無虞凍餒該難夷等喜出
望外感激歡欣之狀溢於詞色一面派委員
伴送起程前赴浙江由陸路赴閩附搭便舡回
國除飛咨浙閩督臣飭知地方官逐站接護照
料務臻周妥俾得適行外所有撫卹難夷護送
赴閩回國緣由謹會同協辦大學士兩江總督
臣孫玉庭恭摺具
奏伏乞

皇上聖鑒奉

硃批所辦是知道了

恭壽堂奏議

卷四

九

驗收減黃河埝疏

奏為徐鳳兩屬疏修減黃河埝先後工竣驗收如式緣由恭摺仰祈

聖鑒事竊照徐州府屬銅蕭二縣境內天然閘十八

里屯睢寧縣境內峯山閘及峯泰滾閘各引河

皆為減黃入湖要道兩岸築有民埝攔禦黃流

保衛田廬兼資利導又界連安徽鳳陽府屬宿

州西埝以及北股河睢河靈璧境內之北股河

恭壽堂奏議

卷四

十

均為減黃下注之區上年黃水異漲減洩後均有殘缺淤墊經臣等委員勘估於本年正月又二月內先後

奏准疏修在案查徐屬銅山蕭縣睢寧各工估銀

八千一百餘兩至二萬一千九百八十兩及五

萬四千七百餘兩不等又界連安徽省鳳屬宿州

西埝幫寬估銀一千六百六十兩零以及北

股河睢河疏淤培埝及創築新堤估銀十萬六

千二百八十餘兩零靈璧縣挑挖北股河估銀
三萬九千三百一十兩零各該工費為數少者
即歸民田攤徵為數多者照例一半攤徵一半
作正開銷臣等分飭各藩司籌發銀兩責成該
管道府派員協同各地方官趁時集夫妥速備
辦勒限汛前一律完竣另委大員驗收如挑築
完固量予記功獎勵倘有偷減即當參賠再三
申誠務期激發天良實用實銷俾河深埕固以

恭壽堂奏議

卷四

十一

資利導而免漫溢嗣據銅蕭睢三縣陸續稟報
於二月二十六日及三月二十一日並二十三等
日開工三月二十六及五月初十暨二十五等
日先後一律完竣又據宿州靈璧縣稟報於二
月十一及十六等日開工四月初三暨五月初
六等日先後一律完竣當經飭委該管巡道親
詣驗收茲據署徐州道吳耆德廬鳳道戴聰各
稟稱各詣各河逐一查量加倍創築各埕高寬

丈尺悉與原估敷餘雖試俱屬堅實間有滲口
因在前天氣亢旱地土乾燥所致得雨後加土
套打俱已一律堅整新舊分河口底寬深亦皆
與原估丈尺符合並無苟簡草率情弊並據廬
鳳道聲稱試用未入流楊應甲一員人本明幹
幫辦宿州埕工甚為出力等情請獎前來臣等
覆查徐鳳所屬之銅山蕭縣睢寧宿州靈璧五
州縣天然峯山等閘上下游應行挑築河道埕

恭壽堂奏議

卷四

十二

埕等工攸關減洩黃流保衛田廬要工該州縣
集夫修築均於大汛前完竣後辦理完竣飭各該
道親詣驗收如式伏汛期內啟放十八里屯天
然峯山等閘各據報減淤示注順軌暢達臣等
飭令地方官會同專汛員弁協同居民按段巡
防務保無虞仍於秋後責成各該印官按段查
勘如有應行疏修之處節令汛官督率兵丁及
該處業佃疏築現在減淤循軌不得另請錢糧

估辦至此項該州縣承修各工均係分應承辦
之事皆不敢邀敘惟安徽試用未入流楊應甲
委令幫辦宿州河埝工段綿長晝夜在工兩月
有餘實力實心不辭勞瘁可否仰懇

賞准遇缺儘先補用以示鼓勵之處出自

聖主恩施除飭取估計及攤徵年限各冊結另行具
題外所有徐鳳兩屬挑築減黃河堤完竣驗收如
式減黃暢注緣由理合恭摺具

恭壽堂奏議

卷四

十三

奏伏乞

皇上聖鑒

挑辦奎河疏

再查上年挑辦銅山縣荆山橋河案內節省銀
三萬二千四百五十九兩四分三釐前於驗收
摺內

奏明畱辦該縣奎河工用計奎河原估銀二萬九
千九百三兩五錢一釐嗣承辦工員候補縣丞
倪輓等於土石工程內節省銀六千五百八十
六兩五錢七分六釐實用銀二萬三千三百十

恭壽堂奏議

卷四

十四

六兩九錢二分五釐又修辦戴家橋一座並遷
移民房共用銀一百三十三兩三錢八分二釐
又奎河內估建陞高橋梁十一座實用銀一千
八百四兩八錢四釐又估挑文渠溝用銀三百
九十五兩三錢四分通共動用荆山橋河節省
銀三萬五千六百五十四兩四錢五分一釐仍實
餘銀六千八百八兩五錢九分二釐因據徐州
道府稟報蕭縣原估疏修天然閘河埝工程雖

經照估如式修築惟查蕭境西埝墮里以下至
縱家莊劉家莊一帶埝工多有迎潘兜灣之處
既不能退讓取直又難另估挑河減黃下注時
埝身勢必著重倘不預籌設法抵禦恐埝工不
能穩固又滋勞費隨於迎潘兜灣之處酌添土
石挑壩並包坡抽幫等工估需銀八千五百十
八兩一錢六分二釐以禦減水查係應辦要工
批飭於奎河等工餘剩項下儘數動支仍有不

恭壽堂奏議

卷四

十五

敷銀一千七百九兩五錢七分即於商捐徐屬
天然峯山各關防守經費內暫行借撥應用嗣
據稟報工竣並委徐州道府驗收均係如式修
築並無偷減草率所有銅山縣辦竣奎河橋溝
等工動用銀兩遵照原奏歸入銅邑上年挑浚
荆山橋河例外增估銀五萬餘兩數均按照原
奏年限分年攤徵還款其蕭縣續辦挑壩包坡
等工用過銀八千五百餘兩應由該縣按甲分

年攤徵歸還所動奎河節省及商捐經費原款
分別完繳司府各庫報撥支濟除分案取造估
計攤徵各冊結另行詳

題並奎河承挑出力工員查明咨部照例議敘外
理合附片陳明伏乞

聖鑒奉

硃批知道了

恭壽堂奏議

卷四

十六

飛蝗撲滅疏

奏為邳州境內查無蝗孽及各屬飛蝗均據報撲

滅並未損傷禾稼各情形恭摺仰祈

聖鑒事竊據淮揚等屬先後稟報六月間有零星飛

蝗過境停落隨時撲滅惟海州知州劉鈐稟報

遲緩意存飾卸當經臣等恭摺參

奏請

旨革職提究一面飛飭淮揚道梁章鉅親往督捕確

恭壽堂奏議

卷四

七

查並因東省咨會海州及邳州與山東鄆城接

壤地方有蝗蝻萌生隨查飛蝗來自海州葦蕩

已據本省安東縣稟報至邳州是否有蝗未據

申報聲明飭府親往查勘如有諱匿另再嚴參

嗣據該州李衛查報境內並無蝗蝻但未可憑

信仍飭道府嚴查實覆至淮揚等屬前稟飛蝗

過境之處雖據稱隨時撲捕然蝗蝻生翅飛騰

最為禾稼之害復飭藩司委員分往查察會同

地方官上緊撲打搜滅務期盡淨不留餘孽茲

據徐州府知府俞頴達覆稱馳抵邳州當同徐

州道委員親赴邳境和尚莊邳城界溝一帶細

加查勘該處有南北大路一道為界路西和尚

莊等處皆係邳州之地路東各村庄全係山東

鄆城境地方詢據和尚莊附近鄉農僉稱邳州

境內並無蝗蝻萌生倘有萌生蝻子滋長為害

伊等事關切已豈不邀同地保稟報焉肯任傷

恭壽堂奏議

卷四

六

禾稼隱默不言察看該處早種秫穀業已收割

晚禾得雨稍遲現在暢發一律整齊實無蝗蝻

傷稼情事當傳訊邳城縣官莊集頭鄉會供稱

自官莊集西湖起至卅三家止皆係邳城地方

間有萌生蝗蝻隨邀集鄉民撲打兩日適邳城

縣差下鄉催糧見有蝗蝻並未知分界之處隨

即回縣稟報以致連及邳境其實生自邳城界

並非邳州和尚莊跳入該處農民當時看見隨

卽它溝趙截撲打盡淨並未容其長翅亦未傷
損禾稼復向界溝涯迤東郊城鄉民細加詢問
稱溝涯以東離和尚莊約有三四里路間有蝗
蝻萌生均在郊城界邳州李知州曾親往查看
取有地保切結業已撲盡亦無異詞是邳州境
內並未萌生蝗蝻兩境鄉農異口同聲其無匿
報情事實屬可信又據淮揚等府暨各委員稟
覆前此各屬稟報飛蝗經過當經隨地撲捕現

恭壽堂奏議

卷四

十九

在並無續過惟江都縣境內史埧頭地方於七
月二十二日復有飛蝗暫時停歇因值雨後蟲
翅沾雨立時撲滅又東臺縣境七月初五、六日
忽有零星飛蝗空中騰過卽經該府縣親往督
捕搜捕淨盡毫無遺孽前此安東境內稍傷未
苗卽時撲盡所損無幾並不成災又據海屬贛
榆縣稟稱靠東濱海之小河口鎮見蝗蟲間段
停落當卽督夫圍捕幸為數無多立派撲滅並

無損傷禾稼各等情由藩司張志緒詳覆前來
除飭淮海道確查海州境內蝗蝻是否業已搜
捕盡淨有無損傷禾稼又如何匿飾確情另行
具
奏外所有邳州查無蝗孽及各屬飛蝗均卽撲
並無損傷禾稼情形謹先恭摺奏

聞伏乞

皇上聖鑒奉

恭壽堂奏議

卷四

二十

硃批知道了

請米船免稅毋庸給票鈐印疏

奏為免稅米舡酌請變通成例以順商情而裕民

食奏祈

聖鑒事竊臣玉庭文綺前以江境被災照例請將米

舡免稅凡上游客販來至蘇州松江太倉等府

州屬售賣者由關給票放行到境之日將票呈

送地方官鈐印給還回空銷號等因奏奉

恩旨允准遵卽移咨臣延隆出示曉諭在案惟查旬

恭壽堂奏議

卷四

主

日以來商販請票免稅之米轉必於情愿報稅

之米臣延隆恐在關丁役或以查驗給票為名

有畱難需索之弊親赴夫關嚴加督察並無別

故臣等體訪商情緣定例過關給予免稅印票

責令到境之日將票呈送地方官鈐印再行回

空驗銷難免守候羈延是以情愿照常納稅不

愿免稅領票各商觀望實由於此伏懇援照成

例奏准

恩免米稅原期商販爭趨糧價平減若仍聽商投稅

不惟與

奏案不符且恐商人藉口輸稅一時未能平價殊

非仰體

聖主惠愛災黎之至意臣等公同商酌擬將定例稍

為變通凡係運往災邑糶賣米舡該關隨時驗

詢明白免稅放行一面將商名米數由關行知

地方官俟該米舡到境後立時申報以備查核

恭壽堂奏議

卷四

主

所有給票鈐印之處均毋庸議如此一轉移間

既不致漫無稽查且可免輾轉羈候溯查乾隆

三年江蘇早歉米舡免稅亦以給照鈐印難免

守候經前織造臣海保奏奉

諭旨准免有案此次招商事同一律臣等未敢稍事

拘泥現已將免稅米舡毋庸給票鈐印緣由出

示曉諭庶使商販雲集糧價自平臣等意見相

同謹合詞恭摺具

奏伏乞

皇上聖鑒訓示

恭壽堂奏議

卷四

三

額請協撥賑濟銀兩疏

奏為蘇松等屬災賑需銀額懇

聖恩協撥事竊照本年蘇松等屬被災較重業經臣等先將上元等十七廳州縣乏食貧民奏請撫卹一月口糧已奉

恩旨准行刊佈騰黃曉諭又江浦等縣續報被水應行撫卹臣等先後會摺奏請

恩施各在案一面飭行兩藩司委員會同各該地方

恭壽堂奏議

卷四

四

官確勘成災分數分別給賑蠲緩次第舉行茲

據蘇州布政使王輅詳稱蘇松等屬先行撫卹

一月口糧約需銀二十萬兩各屬災地較廣

俟勘定成災分數即須確查戶口分別給賑概

以折色散放約需賑銀一百萬兩查蘇藩庫本

年秋撥及上屆春撥歲撥存剩銀三十一萬餘

兩堪以撥用又移查許墅關庫堪撥銀十五萬

兩蘇糧道本年春撥存庫堪撥銀四萬二千餘

兩江糧道本年秋撥存庫堪撥銀三萬九千餘兩三共銀二十三萬一千餘兩均撥儘數協撥其餘不敷銀兩詳請具奏請

旨在於別省報存銀款指撥解蘇湊放等情前來臣等查蘇藩庫本年秋撥及上屆春歲兩撥存剩銀三十一萬餘兩又許墅關蘇糧道江糧道各庫共可撥銀二十三萬一千餘兩仰懇

聖恩俯准分別動撥以備賑需其不敷銀兩並請

恭壽堂奏議

卷四

五

勅部查明別省報存銀內撥銀四十五萬八千兩迅速解蘇備用以普

皇仁而裕民食臣等飭催該司等督同道府趕緊查明各屬被災分數核實給散仍隨時嚴密稽查務使民沾實惠

帑不虛糜事竣核實造報如有餘剩畱為本省來年不敷兵餉雜支之用設賑餉再有不敷另行籌辦倘查出印委各員及書役人等稍有冒濫

侵蝕情弊立即嚴參究辦並飭江藩司查明應需賑濟銀兩另行具

奏外所有蘇松等屬被災籲請協撥賑濟銀兩緣由理合恭摺具

奏伏乞

皇上聖鑒

恭壽堂奏議

卷四

五

審擬桃源縣民人孔毓慶京控疏
奏為遵

旨審明定擬恭摺仰祈

聖鑒事竊照桃源縣居民人孔毓慶赴京呈控史

福新串謀誑娶伊女後令為妾凌逼自縊等情

一案經都察院奏奉

諭旨此案着交韓文綺親提人證卷宗秉公審訊定

擬具奏原告孔毓慶該部照例解往備質欽此旋

恭壽堂奏議

卷四

三

准兵部將原告孔毓慶遞解前來遵卽飭提人

卷至省臣親提逐一研訊緣孔毓慶原籍山東

曲阜寄居桃源縣民人史福新係史亶馨之子

因伊叔史克家病故無嗣經族議立史福新一

子雙繼史亶馨先為史福新娶妻張氏生子天

亡史克家之妻喬氏復與聘妻鄒氏為次房之

媳鄒氏素有心痛病症時發時愈嘉慶二十四

年二月初九日史福新探親外出鄒氏因心痛

發叫苦難忍私自服酒身死史亶馨投同地保

報縣經鄒氏之父鄒汝苞查無別故具結稟縣

免驗本年三月喬氏欲為史福新續娶央陳陞

高哀蔚若為媒求聘孔毓慶之女孔氏為繼室

並將史福新先經長房娶妻張氏情由實告嗣

陳陞高等向孔毓慶說媒因恐不允止稱史福

新前妻鄒氏病故欲求伊女為室並未將史福

新先在長房娶有張氏實情轉述孔毓慶應允

恭壽堂奏議

卷四

三

史福新於道光元年十二月迎娶過門成婚逮

孔氏向伊父孔毓慶將史福新有妻張氏現依

長房緣由訴知業已彼此相安亦不置議二年

閏三月初二日史福新之本生父史亶馨患病

令孔氏煎藥孔氏失於照管將藥煎乾史福新

向其斥責惟時史亶馨病已沉重是夜身故孔

氏愧悔交加於初三日午間乘間在房投繯殞

命經史福新瞥見解救無及報縣驗訊孔毓慶

因陳陞高等說媒時未將史福新先娶張氏之
言道破且因伊女死於非命痛女情切卽以史
福新串謀誑娶後令為妾凌逼自縊等情先赴
淮安府呈控未准隨進京在都察院衙門控告
奏奉

諭旨交臣審辦提集人證訊悉前情臣以所控鄒氏
死由服酒孔氏又係縊斃恐實有壓良為賤凌
逼致死別故嚴加究詰據史福新堅供鄉間俗

恭壽堂奏議

送四

例一子雙桃兩房各娶正妻無分嫡庶孔氏成
婚以後與張氏素相和睦實因伊父病重時孔
氏將藥煎乾被斥愧悔乘隙自盡前妻鄒氏實
因心痛病發輕生均無凌逼情事質之陳陞高
等供無異詞查核各卷內屍親等俱經具有輸
服甘結復訊孔毓慶亦自認圖准架詞不諱其
非凌逼致死似無疑義查獨子雙桃前於嘉慶
十八年經禮部議定通行各省凡獨子承桃兩

房只應娶嫡妻一人不得兩門均為娶妻有違
定例等因此案史福新以一身兼桃兩房既經
本生父史亶馨為娶張氏則業已有嫡妻乃嗣
母喬氏又娶孔氏作為次房之媳雖鄉愚婦女
無知究屬違例史喬氏應依有妻更娶妻者杖
九十律杖九十媒人陳陞高不將史福新先已
有妻張氏向孔毓慶言明殊屬不合應照不應
重律杖八十事在嘉慶二十五年八月二十七

恭壽堂奏議

卷四

三

日恭逢

大赦以前各犯杖罪均予援免史喬氏並免收贖其
與陳陞高一向媒合之袁蔚若於提首後在寓
病故驗明並無別情應毋庸議孔毓慶所控史
福新以妻為妾凌逼致死因媒然陳陞高等先
未據實告知且因痛妾情切尚非平空誣告今
到案卽行供明被告史福新又係總麻卑幼應
予免議史福新訊無凌妻致死情事應與並未

捏稟之地保韓金聲周玉刑書徐文光均毋庸
議無干省釋案已訊明未到人證並免提質以
省拖累再獨子雙桃不得兩門均為娶妻恐鄉
愚未諳例禁應再出示曉諭咸使週知除供招
送部外臣謹恭摺具

奏伏乞

皇上聖鑒訓示奉

硃批刑部議奏

恭壽堂奏議

卷四

三十一

移駐稅口疏

奏為河道今昔情形不同移駐稅口以杜越漏而

裕額課奏請

聖鑒事竊照揚州府屬向設由閘關每年額徵正稅

銀四萬餘兩盈餘銀二萬餘兩於經過之南北

貨船按則徵收正關之外舊有中間儀徵二處

分口稽徵歸併由閘分別報解查儀徵分口舊

駐攔潮閘地方凡船隻南來由沙漫洲進口北

恭壽堂奏議

卷四

三十一

來則自三汊河徑行綠該處河身淤淺每歲春

夏水漲之時不過小販運載往來秋冬水涸無

稅可徵上年揚郡士民請將該河興挑經臣孫

玉庭會同鹽政臣曾煥奏

聞勘明舉辦復虞冬令水淺仍有淤墊並將新成鎮

旁卧虎閘支河一律挑深直達老河頭出口工

竣後鹽艘商載均無滯行惟是各路船隻尚由

沙漫洲達內河者必經攔潮閘分口按則輸課

若從大江至瓜洲進口亦必赴由開正關完課方能北上。是舊制本無虞越漏。今沙漫洲之下瓜洲口之上久已淤成平陸。而卧虎關支河業已開挖深通。修建閘座。河身陡窄寬深且較沙漫洲進口計程尤為近捷。一切商船皆可由此取道直達三汊河。既得繞過分口之攔潮閘。亦無須再經由開正關。此河道今昔情形之不同。於額課大有關係。自宜移駐稅口。以便稽徵。據

恭壽堂奏議

卷四

三三

管理關務之常鎮道王賡言詳請將原設儀徵攔潮閘分口移駐新城鎮總匯之區。仍照由開則例一律徵收。等因。臣等以事關移駐稅口。必須稅額商情兩有便益。方可經久無弊。當即批行藩司議詳。去後。今據江寧布政司張志緒會同該道王賡言詳稱。查儀徵分口原為杜繞曲開關稅而設。今卧虎關支河新挖深通。商販貪圖便捷。必冀漏稅。若強令仍赴由開報稅。未免

往返守候。如添設巡船派委員役稽查。既增經費。且恐日久弊生。若竟任聽往來。則攔潮閘分口虧稅尚小。而由開正關歲額短徵必鉅。應請將原設儀徵攔潮閘分口移駐新城鎮總匯之區。無論自沙漫洲及老河頭進口者。皆由該鎮經過。即照由開五餉則例一律徵收。所有商船貨物。本係應輸由開之稅。今繞出支河。不復再經由開正關。並未增設稅口。亦非額外加徵。至

恭壽堂奏議

卷四

三三

戶工二部親填冊檔。向係由開請領頒發稅口登填。應仍照舊領辦。書巡經費。該口悉有舊章。均可毋庸另議。再儀徵分口有外江赴儀銷售及儀邑貨物出沙漫洲者。每歲本屬無幾。今分口既移駐新城。此項貨物不由新城經過。應請免其徵稅。在由開關稅總計所損無多。而儀邑小民不無裨益。等情詳請具奏。前來。臣等查由開分設之儀徵稅口。舊駐攔潮

開地方上年具

奏興挑該處河身並將卧虎關支河開挖深通從此貨船爭趨便捷必啟匿稅弊端實為由開透漏之所若添設員役巡查既增經費更恐日久弊生或押商赴關報稅往返守候難順輿情惟有仰懇

聖恩俯准將由開分設之儀徵口舊駐攔潮關稅房移設新城鎮總匯之區遵照由開現行則例就

恭壽堂奏議

卷四

三

近徵稅如此一轉移間於稅課商民兩有裨益至書巡入役經費等項以及親填冊檔該口悉有舊章毋庸另議其儀邑銷售貨物為數無多應予免稅除將送到圖幅咨部查核外是否可行理合繕摺具

奏伏乞

皇上聖鑒奉

硃批戶部議奏

修理倉廩考棚疏

奏為動項修理倉廩考棚等語循例彙奏仰祈聖鑒事竊照各屬修理工程動用耗羨存公銀兩例應隨時具

奏今據蘇州布政使玉輅詳稱據新陽縣呈詳該縣常平倉廩於乾隆三十一年修竣以來越今五十餘載樑柱椽木均各朽腐屋瓦脫落牆垣隙裂應行修理飭據蘇州府委員勘明實係年

恭壽堂奏議

卷四

三

遠坍頽急須修整估需土料銀一千五百六十九兩七錢零又據崑山新陽二縣會詳該境試院一座為蘇州府太倉州屬士子考試之所綠考棚房屋二十間係乾隆五十九年修理年久坍損急須趕修飭據蘇州府委員勘明屬實維時因值試期該二縣先行墊項修整估需工料銀九百九十九兩二錢零由司核無浮冒請於司庫耗羨存公銀內分別動支給辦等情詳請

具

奏前來臣查新陽縣請修倉廩崑山新陽二縣趕修試院考棚一係貯穀一係考試均屬要區且自前次動項興修後越今數十年之久早逾保固限期現據該藩司委員確勘俱係應修通共估需工料銀二千五百六十八兩九錢零核無浮冒應請循例於司庫存公耗羨銀內動支分給辦理除分案取造估冊分別

恭壽堂奏議

卷四

三十七

題咨外所有修理倉廩考棚工程動用銀欸緣由理合循例彙

奏伏乞

皇上聖鑒訓示

江蘇各州廳縣衛被水旱疏

奏為查明江蘇省各州廳縣衛被水被旱成災分數及收成歉薄情形循例由驛具

奏恭懇

聖恩分別給賑蠲緩賞給口糧以紓民力仰祈

聖鑒事竊照江蘇省江寧淮安揚州徐州蘇州松江常州鎮江太倉海州通州海門等各府州廳屬或因本年夏秋大雨時行江河並漲低田蘆洲

恭壽堂奏議

卷四

三

俱被淹漫積水較深不及補種或先因雨澤稀少禾苗受傷迨秋後得雨節候已遲收成均屬歉薄當經飭令兩藩司委員分投確勘並由臣等體察情形先後會摺具

奏請將上元等二十七廳州縣乏食災民撫卹一月口糧撥銀散放並動碾常平倉穀及司庫借銀買米又准商公捐鹽義倉穀轉運出糶以濟民食均經分別奏奉

恩旨遵行一面飭催該司等暨各府州督同印委各員認真速勘由司覆核詳辦去後今據江寧布政使張志緒詳稱先因臣孫玉庭赴浦防汛省會公務較多不克分身親往履勘詳委護理江巡道余需元淮揚道沈學廉常鎮道王賡言分赴災重之區覆加查勘其被水最重之上元江寧二縣成災田地該司就近親詣覆勘今據各委員會同各該州縣衛勘覆被水較重之上元

恭壽堂奏議

卷四

三九

江寧句容溧水高淳江浦六合江都儀徵泰興共十縣並揚州衛坐落江都儀徵二縣屯田被淹最重成災五七七八九分不等又銅山沛縣並徐州衛坐落銅山縣境屯田被旱情形亦重成災五分由司彙核確實並查明山陽等二十五州廳縣衛被水被旱田地均係收成歉薄勘不成災照例分別給賑蠲緩請給口糧又據蘇州布政使玉輅詳稱據各委員會同各州廳縣

衛勘覆由司親往災重之區周歷查勘蘇州府屬之長洲元和吳縣吳江震澤常熟昭文崑山新陽太湖廳松江府屬之華亭奉賢婁縣金山南匯青浦撫民廳常州府屬之武進陽湖無錫金匱江陰宜興荆溪靖江鎮江府屬之丹陽金壇太倉州並所屬之鎮洋嘉定寶山崇明等三十二州廳縣並蘇州太倉鎮海金山等四衛坐落各州縣境內屯田被水成災七八九十分不

恭壽堂奏議

卷四

四

等又松江府屬之上海縣鎮江府屬之溧陽縣被水成災五分之漕田又丹徒縣被水成災五分之蘆洲地畝由司彙核確實並查明各該州廳縣衛被災較輕之區及丹徒縣稍高漕屯各田均屬收成歉薄勘不成災請按照成災分數照例分別給賑蠲緩各等情詳請核奏前來臣等伏查上元江寧句容溧水高淳江浦六合江都儀徵泰興等縣並揚州衛坐落江都

儀徵二縣屯田共十一縣衛本年夏秋以來大雨時行江潮異漲漕田蘆洲俱被淹漫情形最重又震澤新陽二縣綠河湖泛溢地勢最低之區田河一片全境無收又吳江昭文崑山太倉州並所屬之鎮洋金山等六州縣積水較深濱臨河湖之處被淹田禾未能補種該處多種木綿交秋以後風雨交加棉花失收情形最重又長洲元和吳縣常熟太湖廳華亭奉賢婁縣金

恭壽堂奏議

卷四

四

山上海南滙青浦撫民廳武進陽湖無錫金匱江陰宜興荆溪靖江丹陽金壇溧陽嘉定崇明等二十六廳縣漕田蘆洲並丹徒縣蘆課田灘及蘇州太倉鎮海金山等四衛因夏秋大雨頻仍水勢泛漲低田蘆洲均被淹損木棉亦疊遭風雨無收情形次重以上共計五十州廳縣衛均係成災五六七八九等分等又銅山沛縣並徐州衛坐落銅山縣屯田秋禾被旱情形亦

一重成災五分又山陽阜寧清河高郵寶應豐縣等六州縣並淮安大河二衛先因夏間缺雨禾苗受傷交秋陰雨連綿濱臨河湖之低田被水淹損又桃源鹽城蕭縣碭山邳州宿遷睢寧海州並所屬贛榆等九州縣田禾先經受旱旋被蟲傷迨後得雨已遲秀而不實僅有薄收又安東泰州東臺甘泉興化通州並所屬之如皋及海門廳八州廳縣因沿海濱江雨多水漲低田

恭壽堂奏議

卷四

四

無從宣洩秋禾雜糧多被淹損又丹徒縣漕田及省衛屯田雖經被水緣禾田坐落高區涸復尚早僅止收成歉薄以上二十六州廳縣衛均係勘不成災臣等詳加體訪所有成災之上元江寧句容溧水高淳江浦六合江都儀徵泰興長洲元和吳縣吳江震澤常熟昭文崑山新陽太湖廳華亭奉賢婁縣金山南滙青浦撫民廳武進陽湖無錫金匱江陰宜興荆溪靖江丹陽

金壇太倉州鎮洋嘉定寶山崇明等四十二廳
州縣又蘇州太倉鎮海金山揚州等五衛坐落
各州縣屯田共計四十七州廳縣衛均係勘明
成災小民生計維艱相應恭懇

皇上天恩俯准按照災分查明極次貧民戶口分別
給賑概以折色散放貧生兵屬饑軍一律查辦
各該州廳縣衛成災田地及銅山沛縣徐州衛
上海溧陽田地並丹徒縣洲地成災五分應徵

恭壽堂奏議

卷四

四三

本年地丁漕糧各項銀米及應徵蘆課銀兩按
分蠲免蠲剩銀米分年帶徵其被災較輕薄有
收成之區如山陽阜寧清河桃源安東鹽城高
郵泰州東臺甘泉興化寶應豐縣蕭縣碭山邳
州宿遷睢寧海州贛榆通州如皋海門廳丹徒
等二十四州廳縣並淮安大河二衛勘不成災
田地應徵本年地漕各項銀米並緩至來歲秋
成分作二年帶徵又成災及勘不成災項下應

徵甲申年新賦亦請緩至該年秋成後啟徵以
上各州廳縣衛應徵嘉慶三十三四五年並道光
元二等年災緩地漕本折及各款正耗漕價並
米麥豆石河工借
帑攤徵等銀應請照例概予遞緩又海州改種蘆
葦並一水一麥減則田地均請照案一律緩徵
又揚徐等屬例不報災之減則田地亦經被淹
並懇

恭壽堂奏議

卷四

四四

聖恩准循歷屆災案一體緩帶又銅山沛縣豐縣並
徐州衛坐落銅山豐縣屯田上年被水今秋又
復被旱成災五分及勘不成災不等該四縣衛
連年災歉頻仍民情拮据誠恐隆冬沍寒之際
貧民口食無資情殊可憫合無籲懇
聖主恩施格外准於隆冬時查明前項乏食軍民
賞給一月口糧俾資接濟所需賑濟口糧銀兩臣等
業已另摺分別

奏明撥用趕緊查放其餘成災及勘不成災各州廳縣衛無力貧民軍丁應否接濟俟來春察看情形辦理鹽場竈地被災歉收應聽該鹽政查辦再查阜寧清河桃源宿遷海州沐陽贛榆等七州縣向例民折官辦漕糧今除沐陽一縣全境成熟其餘阜寧等六州縣均報有災歉應請查照嘉慶十五年秋災情形案內

奏准章程將災田米麥緩俟成熟之年再行採辦

恭壽堂奏議

卷四

聖

熟田應辦道光三年分米麥仍行分別辦運其節年災緩漕增等米應請免其帶辦緩至明年採買除飭兩藩司查明應蠲應緩確數造冊咨部並將各屬災歉情形及支用各款另行分別

題奏外所有臣等查明分別核辦緣由謹合詞恭摺循例由驛具

奏伏乞

皇上聖鑒訓示

恭壽堂奏議

卷四

聖

動撥賑濟銀兩附片

再查江蘇各府州屬需用賑濟口糧銀兩除蘇州藩司所屬業經具

奏動撥外茲據江寧藩司張志緒詳稱現需賑濟約計銀三十六七萬兩應行預為籌備惟江寧所屬各州縣連年災歉頻仍錢糧分別蠲緩徵收熟田銀兩為數無幾僅敷支應本省兵餉及額撥河工並各項經費此外無項可以撥應移

恭壽堂奏議

卷四

聖

查龍江關庫堪撥銀五萬兩淮宿關庫堪撥銀五萬兩揚州關庫堪撥銀九萬兩蕪湖關庫堪撥銀十三萬兩鳳陽關庫堪撥銀五萬兩共銀三十七萬兩均擬儘數協撥詳請具

奏前來臣等覆查屬實相應仰懇

聖恩俯准分別動撥迅速解交江寧藩庫備用以資民食如有餘剩查明報撥設有不敷即於江寧藩庫酌量裁撥又上元縣前因低田被淹奏請

恩旨撥銀撫卹現據該縣陳道坦會同委員核實查

放用銀一千餘兩為數無多該縣情愿捐廉撫卹請免報銷所領銀兩解還司庫另於撫卹案內劃除核實報銷理合附片陳明謹

奏

恭壽堂奏議

卷四

聖

請將漲灘開禁歸營買陞疏

奏為封禁官蕩洩性化淡酌請歸營買陞以資巡

費並審明互爭控案分別斷結恭摺奏祈

聖鑒事竊查海門廳境有崇劃管轄之鷲頭小陰小

糖鱸魚饅頭等五沙北身漲灘名為戲臺沙係

無主官蕩乾隆五十五年有民人楊心田在廳

投買維時止有三十餘頃因係斥洩不毛詳請

註銷旋於五十八年陳伸京控周肇堂等冒陞

恭壽堂奏議

卷四

四九

沙地案內牽涉楊心田買案經前督臣以地近

場竈恐有私煎之弊奏明禁墾嗣准部咨嘉慶

二十五年十月欽奉

上諭各省官荒地畝着督撫等嚴飭所屬認真查勘已

墾者陞科未墾者招佃應變價者估變勒限清理報

部等因欽遵通行查辦隨據署海門廳督徠查得五

沙接漲禁灘洩氣消退化瘠成腴堪可開墾詳

請飭委江寧府北捕通判羅心源會勘該蕩土

性化淡屬實續漲之灘又甚寬廣詳請開禁召

變陞科即有該廳監生張商廷等赴前撫臣衙

門具呈投買批司查案委勘共丈見地五百二

十五頃七十五畝零張商廷投買南段地一百

五十頃九十畝陳西園投買地五頃三十三畝

零照廳境楊鹿城買案估價每畝應繳庫平紋

銀一錢二分六釐其未買地畝另行出示召變

繪具圖結詳司並由道覆勘加轉即據張商廷

恭壽堂奏議

卷四

五

呈繳價銀一千九百一兩三錢四分陳西園繳

價銀六十七兩二錢七分三釐收入司庫詳咨

旋准部覆以該沙係從前奏明禁墾之案未便

據咨率准且出水已久既稱化瘠成腴亦不應

照新漲白塗價值召變等因咨駁行司覆核勘

議致未定案隨據蘇松鎮總兵官雲天彪以鎮

標中左右奇四營額設水師兵三千餘名

每年四季輪巡內外洋面需用盤費由取兵在

於應領餉項內派貼歲需五千餘兩甚形竭蹶
溯查嘉慶十二年川沙營於二營建殿砲臺添
兵防守前督臣鐵保將寶山新漲灘塗撥給防
兵收息咨部准行嘉慶二十五年狼山鎮查有
孫福田歸公沙地亦經臣孫玉庭奏邀

恩准賞給作為牧廠今查得小陰等五沙北身接漲
既請開禁應懇歸營買陞三百頃由該鎮至將
備一律捐廉勻作六年扣繳俾得召佃收租以

恭壽堂奏議

卷四

五

充巡費庶眾兵獲免派貼藉可稍裕生計等情
臣等查開禁官蕩歸營買陞亦屬以公濟公即
一並飭司委勘議詳此禁沙續漲詳咨召墾未
定復據蘇鎮呈請歸營之原委也又通州竈籍
監生袁建堂覬覦北沙先後赴京呈控均咨交
巡撫衙門審辦統歸江藩司並案辦理兩委道
員先後勘覆臣等批飭藩司張志緒親提核訊
詳解臣孫玉庭就近提集原被按其控情逐加

研鞠如所控呂四場竈地原坍復漲被陳泰陳
鵬父子拉糧跨估一節緣海門廳原係崇南通
州兩處劃分沙灘之地建設通州竈地定例坍
不豁糧呂四場額蕩陸續坍削地二千八十餘
頃畱糧待補袁建堂與昔存命故之盧成鵬均
係竈灘索頭因見廳境天南天補小安等沙接
漲新灘民人楊章等紛紛補陞入額陳泰亦有
缺地空糧請補未足身故其子生員陳鵬續請

恭壽堂奏議

卷四

五

補足遂指為竈額原坍復漲出名控爭節次委
員會同州廳及分司場員勘明以南北癸丁東
西甲庚定向分界將天南小安兩沙北身接漲
之灘劃分三百五十四頃給呂四場眾竈補坍
以紅線分疆即於分疆之處開挖界河天南沙
以北之東洪與小安沙之西洪合界中分將來
續有餘漲紅線以北畫歸竈戶補坍其南其西
統歸海門民戶補陞又補給竈坍之小安沙以

北新漲亦南儘廳民北歸州竈彼此不得爭執
取具兩造遵結於嘉慶十年暨十七年兩次通
詳定案陳鵬所補地畝與竈地隔有流洪且界
河中間尚隔楊章補地並無跨越提同原被質
訊據袁建堂供明前此爭補竈地盤費無出即
將補地地面盡行批賣花用陳鵬先曾用價一
百六十千文向伊批地十萬步伊無地交官被
其赴州控追又見其前補之地近接竈界雖隔
恭壽堂奏議
卷四
五

得道勘海境五沙北身漲灘共丈見實地八百
三十六頃零較前多出三百十餘頃張商廷投
買及蘇鎮請買之地即在此數內又向東隔洪
另有新沙一片因水發未能施丈約估亦有三百
餘頃共可得地一千一百三十餘頃並查道
勘呂四場額前約有新漲三百餘頃又有業民
畀長卷案北界外接漲新沙百餘頃質訊張商
廷等供明伊等五十九戶湊價投買沙灘在於
恭壽堂奏議
卷四
五

流洪日漸淤漲陳鵬圍圩損壞恐其北移侵越
是以指為跨佔今將地價交還不敢再控等語
是此節已據自認妄告不諱又如所控張商廷
等賄匿補地案據認買禁沙一節審據袁建堂
供因禁沙官蕩與竈地毘連伊等竈地除前此
補給三百五十四頃尚缺地七百三十二頃四
十畝三分仍在賠糧今被張商廷等繳價投買
不得補地是以牽入陳鵬案內砌控等供隨查

南段廳界內並未賄匿竈地案據賸買竈地現
據該司以張商廷等不候
奏明開禁遞請繳價涉訟應不准其承買即將原
價發還具領該沙原係崇通劃分歸廳流洪接
漲議請撥歸蘇鎮買陞三百頃其駐通之狼山
鎮前雖奏撥孫福由歸公沙地但為數不多亦
應再於現勘沙蕩內劃分二百頃歸狼山鎮買
陞其餘新沙聽候委員照依嘉慶十年十七年

定向原案丈明劃清州廳界限廳境歸民買陞
州境先儘竈戶補坍再有盈餘亦歸州境民人
買陞以杜訟隙至張商廷等雖不准承買但已
費園圩工本亦未便令其一旦失業應將撥歸
兩鎮捐買之沙仍准伊等照原買頃畝佃種輸
租如有抗欠廳營另召袁建堂與張商廷等均
各輸服具結遵斷臣孫玉庭覆訊兩造皆無異
詞又如所控張商廷構串彭步朝等在州誣伊

恭壽堂奏議

卷四

五

隱匿新沙一節審據兩造供明袁建堂與已故
之盧成鵬等出名控補竈坍至嘉慶十年始將
海門廳境天南小安兩沙北身漲灘劃分三百
五十四頃歸補因控爭多年往返盤川飯食無
出經盧成鵬將地面批賣州民江瀛州等抵費
地底散給坍戶收租據通分司詳明有案比盧
成鵬物故經呂四場員諭令袁建堂接辦案頭
議令各批戶每年納租錢四百二十千文給三

十總老竈散給衆坍乃袁建堂每年私用租錢
二百千文致坍戶彭步朝等無錢領分是以向
袁建堂索地控追已據該道王賡言斷令袁建
堂繳出租錢分給彭步朝等領用並令江瀛洲
等各照現業加租歸衆竈分收亦各輸服具結
以上袁建堂兩次京控情節俱逐一審明臣等
查海門廳境小陰等五沙北身漲灘在乾隆年
間止有三十餘頃本係斥澗恐啟私煎

恭壽堂奏議

卷四

五

奏明封禁原與竈地無涉迨後接續淤漲近年澗
退化淡因係禁沙亦無人爭墾今因奉
旨開闢官荒始據張商廷等投買而袁建堂藉竈地
尚有缺額復覬覦控爭雖竈坍賠糧例應覓補
但牽控陳鵬跨佔及張商廷賄匿補案均未得
實應革去監生照申訴不實律杖一百年逾七
十照律收贖飭場追照送銷並不許充案頭所
有禁沙既已澗退化淡應請

旨准予開禁召買現查蘇狼兩鎮巡洋需資蘇鎮向
由官兵月餉派貼狼鎮雖經撥有孫福田歸公
沙地採樵亦屬不敷據藩司議請蘇鎮撥買三
百頃狼鎮酌予撥買一百頃按則陞賦召佃輸
租以充巡緝經費兵丁既免賠貼而於課額並
無減少洵屬以公濟公該蕩雖出水年久但因
鹹酒封禁近始化淡尚屬白塗必待人力培墾
始能成腴該廳以甫請開禁之沙即稱化瘠成

恭壽堂奏議

卷四

五

腴係屬錯悞兩經道勘每畝援案估價一錢二
分六釐尚無短少計蘇鎮撥買三百頃應繳地
價銀三千七百八十兩狼山鎮撥買一百頃應
繳銀一千二百六十兩合無仰懇

聖恩俯准所請蘇鎮分作六年狼鎮分作兩年在於
鎮將都守養廉內兩藩司坐扣報撥如蒙
俞允飭令兩鎮各委營員會同州廳勘分界址歸營
管業招租至張商廷等不候奏明開禁已議不

韓大中丞奏議 卷四

准承買應將前繳價銀發廳傳同各戶當堂給
還惟伊等繳價在前業已費本園圩遠令失業
亦屬可憫既愿向營承佃應准其照各戶原買
頃畝由廳給發佃照領種輸租即援照該廳學
成案每千步完七折銀一兩二錢每年於十月
內就近繳廳移營差弁領回收貯專充巡洋公
費如有拖欠即押繳照退地除張商廷與陳西
園承佃之外其餘地畝各廳該營自行召佃仍

恭壽堂奏議

卷四

五

於冬令水涸將撥歸營額內百頃之外所餘漲
灘及隔洪新漲飭委大員會督廳州分司場員
丈明頃畝確數照依原立定向劃分通海境界
在廳境者歸廳民買陞在州境者先儘窰戶補
冊其該窰額前新漲及卑姓陞案接漲灘塗亦
即一並清丈儘補窰額如有多餘再歸州民買
陞袁建堂所得陳鵬批價業已交還其私收彭
步朝等租錢照追給主陳鵬張商廷訊無跨佔

一五一

謀買情事袁耀宗作抱京控係聽從祖命均予免議彭步朝等因袁建堂欠租無交控其隱匿新淤事非誣捏亦毋庸議所有漲灘開禁撥管買陞濟公及審擬控案緣由理合恭摺具

奏伏乞

皇上聖鑒勅部議覆施行奉

硃批該部議奏

恭壽堂奏議

卷四

五九

訪拏劣衿惑眾斂錢疏

奏為訪拏劣衿創刊鄉規惑眾斂錢首從要犯提省審辦恭摺奏

聞事竊查句容縣衿民素稱刁訟臣等諄飭該縣除莠安良以清勤愛民為化導之本本年九月內臣孫玉庭風聞該縣有劣衿創立鄉規刊刻成書播弄鄉愚散布斂錢之事當密札藩司張志緒督府派委委員前往查拏辦理旋據該縣陳

恭壽堂奏議

卷四

六

玉成稟報訪有文生丁先庚即下星垣夏以松即夏惟一假托地方公事刊刻規條惑眾斂錢又有文生苴瑞庭即苴金聲民人戴錦山均係聽從驅使勒派費錢之火並值差拏聞即風聞丁先庚夏以松等糾同夥黨進城會茶並先准儒學訪知移會查拏當督典史帶領差役密赴歇寓拏獲丁先庚等十二名訊據丁先庚夏以松供認夏間商量假托錢漕公事創立規條刊

書四本誘惑鄉愚建設

皇亭

龍牌在小華山該犯丁先庚家設局聚會創議斂費

計圖分肥囊橐兼可挾制官長所刊鄉規據供

已刷印五百部分派各鄉每部收錢五百文並

按照通鄉應完平米每石派錢三十文通縣而

計約共一千八百餘千係令筮瑞庭戴錦山等

分投派收已收錢五百餘千花用因被王德昭

恭壽堂奏議

卷四

空

另建

皇亭設局硬將伊等所刊之書派散得錢入已是以

邀集各鄉民進城會茶評理尚未到齊當被挈

獲等語所有同獲之筮瑞庭戴錦山夏義友汪

玉山王恒興即王世理倪繼立各供認聽從打

先庚等在局幫辦屬實其殷文起陳學書魏陞

元巫萬年供被丁先庚等邀約進城未經聽從

勒派惟查巫萬年亦係著名訟棍請將丁先庚

等衣頂斥革一並提省審辦等情並據藩司暨

該府余需元各具稟飭提解省嚴究委員在於

刻字店搜起原刊板片解禁臣等查丁先庚假

以公事出頭刊書雖查無違悖字句而散布派

費約會斂錢陽以挾制官府陰以私圖厚利魚

肉鄉民實為地方衿棍之尤必應按例懲辦以

戢囂風至供出王德昭另建

碑亭設局將書籍派散得錢入已與丁先庚厥罪惟

恭壽堂奏議

卷四

空

均該犯先曾犯案擬徒援免仍不悛改亦必應

查拏解省歸案審究至刊本所載十六鄉董事

共有六十四人其中固不少助勢斂錢之徒亦

有被脅勉從或係捏名刊載者若概行逮問則

紛紛查拏不免擾累自應分別情罪解散脅從

即飭司頒發告示曉諭眾民各安生業勿聽誘

惑出錢自蹈法網如有被脅勉從或係丁先庚

等盜名刊刻即自行赴縣首明將書繳銷准予

摘釋卽實係聽從聯謀斂錢之犯果能及早悔悟自行投首亦准量從減免如此明晰宣示自可解感悔過以安衆心而靖閭閻除飭藩司督同該府提齊各犯審明按擬解勘另行具奏外所有訪拏劣衿創刊鄉規惑衆斂錢獲犯提審緣由謹先恭摺奏聞伏乞

皇上聖鑒奉

恭壽堂奏議

卷四

奎

硃批所辦俱是知道了

審明革監陳映台朦占沙地疏

奏為審明通州革監陳映台朦占沙地肇訟無休

分別擬斷恭摺奏祈

聖鑒事竊前准刑部咨內閣抄出都察院奏江蘇通州監生黃道呈控伊兄黃河清京控陳映台報陞占田咨回蘇省查辦將生兄提禁兩日復行送進身死不明等情欽奉

上諭此案着交孫玉庭魏元煜親提人證卷宗秉公

恭壽堂奏議

卷四

奎

審訊定擬具奏等因欽此當查此案陳黃兩姓互相京控屢結屢翻今黃道以黃河清在監身死指為謀命埋冤尤為案內重情當日因何提監復禁身死必須提集人卷及指控刑禁書差確核審究隨調集臬司衙門及蘇州府縣委審各卷宗飭發江藩司卽派加道銜江寧府知府余需元江浦縣知縣王規悉心查核嗣據查明陳映台以衆戶老沙淤溢朦改新沙陞賦兼並致

滋訟紛而黃河清於置買諸沙之地久經爭控
斷給復恃符插訟擅具奏摺經蘇省委員審明
按例擬軍收寄吳縣監內先於道光元年十二
月在監患病報明醫痊次年閏三月續病據代
理縣李景峯以該犯擬軍援免應否提禁請示
經臬司批提外監醫調接任吳縣李宗穎因黃
河清病重於二十五日飭差張濤劉仁提禁暫
交署前歇店金坤醫治有黃河清之族姪黃步

恭壽堂奏議

卷四

五

蟾煎藥服侍二十八日蘇州府以軍犯例應在
監調治飭差還禁詎黃河清旋於四月初一日
病故委經長洲縣李景峯驗訊實係病死刑禁
並無凌虐時值黃步蟾回籍有同控之李榮春
目擊情愿具結棺殮是黃河清之提禁還禁死
由因病不惟案卷鑿鑿且有在場確證則黃道
之控告謀命埋冤係架詞聳聽無疑惟陳映台
以老沙提報新沙必串同經書沙總而後可行

其弊節經催提陳映台及應訊沙總人等茲據
解省由藩司張志緒督同該府余霈元江浦縣
知縣王規等查驗陳映台久患骨槽瘋不能言
語就在案原被審擬詳解前來詎孫玉庭就近
親提研鞫緣黃道籍隸通州該州有薛家沙漕
田每畝徵銀二分三釐五毫米三升二合八勺
乾隆六年坍沒地五千八百八十餘畝糧戶施
佩辛等以漕田坍糧額重請照蘆地起科化地

恭壽堂奏議

卷四

六

二萬五千餘畝遇漲覓補以免賠累時有川港
西新漲灘九十八頃合九千八百畝儘數撥補
餘俟續漲找撥於乾隆十二年由州詳准給業
嗣有另案坍戶因施佩辛化畝補糧多占沙地
控州改議儘此原撥九十八頃文給以後雖有
續漲不得找補迨後原補九十八頃內復坍沒
地四千三百八十一畝零又薛家沙老額內亦
坍沒地一千七百七十三畝零共坍地六千一

百五十三畝五分六釐經陳映台已故曾祖案頭陳金南報州詳准撥補小淺沙西身漲灘管業此後九十八頃內存地畝謂之施案陳金南報冊續補地畝謂之陳案嗣經該州勘明施案沙地盡成高阜陳金南補地亦圍墾及半且有港洪淤滿應各照原額漕糧按畝折地足額餘出地畝照腹蘆科則報陞施案折計餘地及港洪接漲詳歸冊戶陸秀芳等報陞腹蘆於乾

恭壽堂奏議

卷四

二十七

隆四十一年詳咨准陞入額其陳案文出溢地及港洪淤滿共地二千九百六十九畝亦照腹蘆科則陞課請給原戶陳金南之子陳鼎璜陸永祥等領陞辦賦屢經前撫臣批駁撥補冊糧或聽無業貧民領陞不准陳鼎璜陞科兼並旋於乾隆五十五年該州呂燕昭議請以陞易買將陳案應陞餘地同港洪淤灘分別估價聲明該地並非陳鼎璜一人獨業實係各戶之中疇

零散寄不若即令原業之戶繳價承買詳經前督撫臣批准據陳鼎璜繳價六百二十五兩批解藩庫兌收至五十八年前撫臣奇豐額清理沙案因尚未咨准入額駁令發還價銀節飭召變充公陳鼎璜因屢駁案懸不准領陞遂商同已故沙總浦麟德繪造假圖將化畝溢地捏作港洪新漲出水丈積地二千九百六十九畝課係子母相生請照蘆糧科則按畝陞課稟州詳

恭壽堂奏議

卷四

二十八

道駁查未定至嘉慶二年陳鼎璜與子陳翼鵬相繼物故伊孫陳映台接辦案頭即襲陳鼎璜捏造新漲偽圖復央沙總浦麟德及已故沙務經書劉必昌呈經該州呂燕昭詳由司道於嘉慶四年轉請咨准部覆入額陞科行州出示曉諭令陳映台照糧管地即據該沙各糧戶宋鵬才等數十人不甘以各業老糧為陳映台兼並先後分赴司道督撫具控委員吊取糧戶執業

契據核驗各有餘溢地畝未經報陞原屬地多糧少維時未將陳映台以舊作新將零捏整情由詳明更正因其既報陞科斷令將宋鳴才等一百數十餘戶地內劃出餘地給陳映台一人辦賦管業並因各戶管業有年費有工本斷令陳映台每千步出銀三兩補償詳准飭遵完案嘉慶十六年輪屆大丈陳映台捏報陞科之地已據原業各戶有力者每畝出價六兩向伊承

恭壽堂奏議

卷四

三

買無力者立票向伊承租共計過割地二千二百三十二畝零其餘七百六十餘畝各戶不甘吐退陳映台隨先將過糧地畝圍築成圩請轉下則田陞科因轉則須造坵段四至繪圖呈送隨用銀十兩錢八千賄囑沙總陳茂芳復照假圖及前捏四址繪造送州經前署洲錢有序詳咨奉部覆准十七年黃漢皋改名黃河清赴京報捐監生因買有陳映台報陞地內原業朱燦

如沙地五千步奉飭吐退餘地遂以陳映台朦陞欺占等情控經都察院咨回發司委審訊得黃河清承買朱燦如業地五千步在朱燦如原有應吐溢地據朱燦如之子朱添貴情愿按估繳錢給陳映台抵作地價將其地全歸黃河清管業黃河清所控欺占未實擬杖納贖詳咨完結十九年黃河清族兄黃海等又因陳映台報陞地畝即係乾隆二十三五等年衆姓撥補九

恭壽堂奏議

卷四

三

十八頃內折歸老糧餘地父祖相傳管業已久總不甘為陳映台兼並聯名赴都察院呈控陳映台得信疑是黃河清唆衆圖翻亦即遣弟陳序赴步軍統領呈控先後咨回本省審辦委員訊出陳映台改圖陞占大概情形將陳映台革去監生擬以滿杖黃河清前次京控失實亦擬杖革發落議將各戶應吐溢地作為各戶田面毋許陳映台並收面租其田底仍歸陳映台收

租辦賦由司轉詳咨部二十三年黃河清因問擬杖革又遣堂姪黃步蟾即黃素文及李榮春赴都察院申訴咨回仍照原案訊結黃河清始終不服復繕具奏摺於二十五年控經步軍統領咨回前撫臣審辦因陳映台染患骨槽瘋不能言語無從指文委據蘇州府知府額騰伊審得黃河清節次赴京挺身混訟擅具奏摺添砌受賄激變重情聳聽實屬玩法請照驀越赴京

恭壽堂奏議

卷四

主

告重事不實發邊遠充軍例加等改發極邊足四千里充軍援

赦免罪詳司轉請核咨適李榮春黃步蟾又以前情赴步軍統領呈控於二年正月咨回蘇省歸於黃河清案內訊辦嗣黃河清先因病重提禁旋經府駁仍收還外監隨即病故屍母黃薛氏懷疑悲痛即令堂姪黃道以身死不明赴京控訴奏明解臣審辦此陳映台以老沙溢地報作新沙

致滋訟紛及黃河清在監病故屍母妄疑遣告之原委也茲核案詳鞠陳映台病難取供據伊弟陳序將陳映台申囑書役朦混陞科轉則藉圖占地始末各實情歷歷供認不諱並究出沙總陳茂芳得受陳映台賄囑扶同弊混覆詰不移案無遁飾查陳映台抹煞舊案串通已故沙頭浦麟德經承劉必昌將眾姓祖遺化畝舊地控為新漲泥灘朦報陞科繼復賄囑沙總陳茂

恭壽堂奏議

卷四

主

芳扶同轉則藉圖興火兼並以致京控七次之多許訟二十五年之久實與強占無異前擬滿杖不足蔽辜已革監生陳映台合依強占官民山場湖泊滿流律擬杖一百流三千里陳序聽從伊兄赴京作抱捏情妄控今雖到案供明亦有不合應照不應重律殺八十陳茂芳身充沙總膽敢得受陳映台銀兩錢文并文扶同造冊朦請轉則殊屬不法合依衙門蠹役索詐計

賊在十兩以上者發近邊充軍例擬發近邊充軍各事犯均在嘉慶二十五年八月二十七日大赦以前陳映台陳序陳茂芳所得軍流杖罪均予援免陳茂芳並免刺字仍革役追贓入官其先經通同舞弊之沙總浦德麟經承劉必昌業已物故均毋庸議嚴訊吳縣經書張明縣役張濤劉仁實無做供舞弊情事亦毋庸議此案化畝淤溢地二千九百六十九畝先據通州呂燕昭

恭壽堂奏議

卷四

七

聲稱係各戶承糧並非陳鼎璜一人獨業即不應歸陳映台一人陞科及至奉部覆准旋經各糧戶紛紛控訟雖經委員訊出弊端並未將物斷歸各原戶劃糧執業以致黃河清李榮春等不服疊次赴京翻控不休今既澈底訊明自應飭州查明乾隆三十八年勘丈圖冊追溯各戶原執畝數其現執舊業者仍令按糧劃出餘地陞增辦賦其已向陳映台承買承租或轉售別

戶者即斷給別戶執業查明陳映台得過地價追給原戶具領所有此項溢地本係撥補漕田原坍復漲之地現已成腴雖陳映台曾照下則田陞增但既與老額田畝同在薛家沙漕田壩內應請將前轉下則田賦註除即照該沙漕糧原額每畝徵銀二分三釐五毫米三升二合八勺按數陞增飭州將加陞銀米澈底查明劃歸各戶過割承糧以杜後訟各賣契租約吊驗核

恭壽堂奏議

卷四

七

銷其嘉慶二年十六年兩次咨部偽圖應請註銷另飭赴沙覆勘繪具老額溢地畝圖冊咨部備核黃河清控爭糧業早經斷給並無屈抑乃擅具奏摺添砌重情擬以遣戍罪所應得其在監病故業經核案審確並無別情刑禁人等亦訊無凌虐均毋庸議李榮春黃步蟾及此次原告黃道控詞均未盡實然俱出有因黃道又係聽從屍母遺告應請概免置議前任通州知州

呂燕昭原以老糧溢地及港洪淤滿並非一人之業請歸各原業買陞本無不合乃因前撫臣駁飭並不再行切實頂詳輒據陳映台改老作新詳咨入額實屬牽混前署通州另案革職知府錢有序失察沙總詐贓十兩以上及歷次承審委員擬斷未當均有應得處分事在嘉慶二十五年八月二十七日

恭壽堂奏議

卷四

五

奏伏乞

皇上聖鑒勅部議覆施行奉

硃批刑部議奏

罕獲洋盜疏

奏為罕獲洋盜審明定擬奏請

聖鑒事竊照洋盜張扣二糾夥在洋販私疊劫殺害多命一案先經臣等審擬具

奏於清單內聲明俞忝德顧二周壽繆五邱四徐長淋劉季祥趙扣寶公犯訊係逸盜衛四麻子行劫崇明半海沙客船案內夥盜尚須確審等因在案茲據臬司林則徐督同蘇州府知府額

恭壽堂奏議

卷四

五

騰伊總捕同知吳廷揚元和縣知縣王有榮審明定擬解勘前來臣韓文綺親提各犯悉心研鞫緣俞忝德籍隸江陰縣顧二籍隸常熟周壽邱四徐長淋籍隸通州繆五籍隸東臺均未為匪犯案與逸犯衛四麻子素識道光二年七月間衛四麻子與現獲之俞忝德顧二周壽邱四徐長淋繆五暨監斃劉季祥會遇糾合販私俞忝德等應允同至衛四麻子船上衛四麻子

又糾邀另案擬結正法之陸萬受在逃之周二麻子姜長王二李老品李德佩夏寶餘潘海上船合夥是月二十六日二更時一共十六人同坐衛四麻子船隻行至崇明縣半海沙外洋見有不識姓名遭風斷桅客船飄至衛四麻子起意行劫各犯允從將船駛攏繆五潘海用篙搭船周壽李老品在本船帶纜王二李德佩在本船看篷徐長淋劉季祥夏寶餘邱四陸萬受姜

恭壽堂奏議

卷四

七

長在本船接賊衛四麻子周二麻子俞忝德顧二同過客船劫得布疋衣物遞交夏寶餘等接收回船開行將賊依分至八月初二日行抵通州北港地方遇見周忝喜販私船隻衛四麻子將賊布二十二疋向周忝喜換鹽一千觔運至沿江一帶賣去上岸各散旋據通州崇明常熟江陰等縣會營獲犯俞忝德劉季祥邱四周壽徐長淋繆五並將前曾在衛四麻子船上充過

水手旋即辭歇未經隨同為匪之趙扣寶一並獲住並據顧二赴福山營周忝喜赴靖江縣各自投首先後解省委審據各供悉前情不諱詰無另犯窩夥竊劫矢口不移案無遁飾此案俞忝德等聽從逸犯衛四麻子在崇明縣半海沙外洋行劫不知姓名客船布物雖查無事主報案但俞忝德等各犯係先後挈獲隔別研鞫異口同聲供詞確鑿且於陸萬受劉季祥名下獲

恭壽堂奏議

卷四

七

有布疋供係行劫是案原賊正盜無疑查例載江洋行劫大盜立斬梟示又洋盜案內接賊瞭望僅止一次者照例發新疆給官兵為奴又夥盜曾經傷人及行劫二次以上聞挈投首實發雲貴兩廣極邊烟瘴充軍各等語此案訊係逸盜衛四麻子起意行劫糾同俞忝德顧二並在逃之周二麻子過船搜賊劉季祥周壽邱四徐長淋繆五與在逃之王二李老品李德佩夏寶

餘潘海姜長及另案先獲擬結正法之陸萬受
在本船接賊瞭望自應按例分別定擬俞忝德
應照江洋行劫大盜立斬梟示例擬斬立決梟
示照例先行刺字周壽邨四徐長淋繆五劉季
祥陸萬受訊止在本船接賊瞭望一次均應照
洋盜案內接賊瞭望僅止一次發遣為奴例發
新疆給官兵為奴劉季祥業經在監病故陸萬
受先於張扣二案內正法俱毋庸議顧二雖聽

恭壽堂奏議

卷四

七九

從過船搜賊但一聞查拏即行投首尚知畏法
應請照夥盜行劫二次以上聞拏投首擬軍例
實發雲貴兩廣極邊烟瘴充軍均照例刺字周
忝喜混受衛四麻子賊布換給鹽餉殊屬不合
惟該犯尚有糾夥販賣私鹽之案罪名較重應
歸彼案從重問擬另行咨結趙扣寶訊止在衛
四麻子船上幫駕數日旋即辭工上岸並無販
私為匪情事惟明知匪船率行受雇究屬不合

應照不應重律杖八十遞籍折責交保管束各
犯訊無同居親屬知情分贓牌保得規包庇情
事劉季祥在監病故刑禁人等訊無凌虐情弊
均毋庸議現起賊布查傳事主認領未起追賠
徐長淋有父徐勝朝顧二有兄顧大不能禁約
子弟為盜飭令該犯等原籍提案照例責懲逸
犯衛四麻子等飭緝獲日另結除備錄全案供
招咨部外所有審明定擬緣由臣等謹合詞具

恭壽堂奏議

卷四

八

奏伏乞

皇上聖鑒訓示再張扣二案原奏清單內尚有周忝
喜陳元侯吳言郎孫滿麻子李宏徐南春陸和
尚七名現據臬司等審係與販私鹽照例定擬
具詳經臣等核明咨部完結合並陳明謹

奏奉

硃批刑部速議具奏



韓大中丞奏議

受業 張之綱 珠 煩 編次

次孫泰 華敬錄

卷之五

目錄

審辦藉災肆鬧鄉民疏

審擬邳州民沈維義京控疏

恭壽堂奏議

卷五

一

籲懇緩徵錢糧疏

遵 旨嚴密訪查疏

審擬婁縣生員王鳴謙京控疏

審明鹽城縣革監葛海濱京控疏

請添設巡檢酌裁冗員疏

請將降調知縣暫緩赴部疏

請陞補沿海直隸州要缺疏

請開復知州疏

米價平減並得瑞雪疏

請撥鄰省銀兩疏

審擬沛縣民袁欣祖京控疏

審明銅山縣民姜海京控片疏

遵 旨察看災區請加接濟疏

籌備災缺兵匠等糧疏

再行遵 旨確查據實覆奏疏

續獲邪教案內逸犯疏

恭壽堂奏議

卷五

二

審辦藉災肆鬧鄉民疏

奏為鄉民滋鬧府署一案審明遵

旨據實懲辦奏請

聖鑒事竊照婁縣鄉民藉被水災赴府求糧臨時鬧

鬧衙署等情先經臣等將嚴拏訊究緣由具

奏承准軍機大臣字寄道光三年八月十八日奉

上諭孫玉庭等奏鄉民羣鬧府署獲犯訊究一摺此

案華亭婁縣鄉民恃眾在松江府署肆鬧擠毀衣

恭壽堂奏議

卷五

一

物拆打門廳擁入內署經提督帶兵彈壓方散當

獲馮寶元等九犯經該督等委員追究起衅根由

因知縣李傳簪面稟赴省請卹知府楊樹基以該

令祇須切實具詳不可輕離職守意見不合稍形

詞色外間流傳謂知縣進省為百姓求銀米知府

不肯滋事匪徒倡率滋鬧國家偶遇偏災不惜帑

金蠲緩賑卹如果地方官勘災卹報百姓自然安

定何致竟行肆鬧若刁頑之徒以捕風捉影之言

動輒聚眾此風亦斷不可長現據孫玉庭等將該

縣汪淇等撤任派委司道大員前往查辦着卽將

此案首從各要犯全數弋獲嚴詰起衅情節從重

懲辦毋枉毋縱並密查該府縣因何不協輿情是

否辦理不善據實嚴叅毋稍徇隱將此諭令知之

欽此臣等跪讀之下仰見我

皇上戢暴安良明慎協中之至意查此案臣等接據

稟報卽委陞任知府梁蘭滋候補道錢俊先後

恭壽堂奏議

卷五

二

馳往查拏並令按察司林則徐親詣該處督同

究辦遵復飭據該司道府等就現犯訊供究出

嚴海觀吳松觀等各要犯獲案審得實情除情

罪尚輕各人證發交該縣就近分別羈押取保

勿致拖累外將緊要犯證嚴海觀等二十七名

提解至蘇臣文綺率同布政司王輅按察司林

則徐候補道錢俊暨委員蘇州府額騰伊陞任

知府梁蘭滋等虛衷集犯隔別研鞫緣嚴海觀

吳松觀俱籍隸婁縣與李榮照莫高葉虎觀郭茂沅朱茂春曹應龍朱茂榮周在明吳坤發沈紹榮張柳發張景星許立凡同住該縣四十三保十七圖及隣近九圖等處楊廣榮籍隸華亭各務農業徐春希係婁縣十七圖地保本年雨水過多各處低田被浸松江一府婁縣較重華亭稍輕五月下旬徐春希與別圖地保紛紛赴縣報荒二十六七日等日婁民喧集縣署求即勘

恭壽堂奏議

卷五

三

辦二十八日華亭婁縣鄉民赴府求飭縣勘該府楊樹基即掛牌示期六月初一二三日限該兩縣履勘並分委經歷知事等員會同勘報比華亭縣汪洪下鄉相驗順道查勘婁縣李傳簪轉委主簿會同經歷勘辦維時節屆小暑連日雨少晴多各鄉岸水補種尚冀有秋農心畧為安定李傳簪不將被災情形稟報迨七月初二日後連次大雨積水充溢災狀加重初五日婁

民又赴縣喧訴李傳簪始於初六日下鄉親勘因地保鄉農環繞籲求李傳簪恐人多滋事遂以親詣省垣面求上司多發銀米賑撫之語遍向安慰而回十一日李傳簪赴府面稟上省請卹該府以查辦災務各上司連札諄飭應辦卹辦無不准行只須切實稟詳不應輕離職守李傳簪因業經親許鄉民上省求卹被阻中止失信於民一時舉止失措不覺詞語齟齬因此外

恭壽堂奏議

卷五

四

間傳聞謂知縣已許進省為求銀米知府不肯多准災分並不請發口糧轉向播告適徐春希入城聞此流言誤信為實回至本圖並經過隣近圖分信口傳說緣鄉眾正欲赴縣求糧徐春希謂本縣已要進省求發銀米本府不准而止必須赴府請給口糧隨約會鄉民於十五日各攜飯籮到府求食屆期徐春希與本圖之嚴海觀吳松觀葉虎觀吳坤發沈紹榮張景星許立

凡許秀芳等先後進城並有別圖之李榮照莫高郭茂沅朱茂春楊廣榮曹應隴朱茂榮周在明張柳發夏長林張中璜莊勝吳漢岐封阿悌顧樹春並馮寶沅陸沅隴王小貞許金觀夏藍芳高三喜高餘發彭旭初王得榮蔡幅沅等及未獲之嚴年觀戴孝章嚴孝章許紹良姚四觀陸大觀沈茂林胡勤奎等均至府署喧求給發口糧該府聽聞喧嚷出坐大堂諭以現在動碾

恭壽堂奏議

卷五

五

倉穀不日平糶並飭趕詳撫卹請賑令各安心少待其時跪近公案之人既不聽聞明白其餘亦不懂開導好言仍復曉曉求食且跪列在後者因聽未清楚爭擠向前兼因是日適屆中元俗例鄉民咸赴府署隣近之城隍廟燒香還愿順道進署擁看地窄人多語言嘈雜莫辨逾久逾形擁塞致將大堂暖閣外半截欄杆擠倒經站堂皂隸大聲喝禁嚴海觀輒拾取欄杆木丟

及該府脚邊吳松觀亦將手執飯籬亂拋眾人一齊站起該府被擠退堂嚴海觀又同吳松觀打毀暖閣廳樞借眾喧嚷擁入內署隨手毀折門廳桌椅該府喝令挈人嚴海觀吳松觀均因未經聽悉該府開導之言轉以徐春希所述流言為實嗔府不發口糧反行喝挈嚴海觀輒用手毆該府肩上一下並未有傷吳松觀亦乘擠鬧將該府紗褂撕破徐春希在場喝禁不住並

恭壽堂奏議

卷五

六

未隨同動手其李榮照莫高葉虎觀郭茂沅朱茂春楊廣榮等各肆喧鬧助勢將廳榻什物拆損曹應隴朱茂榮周在明吳坤發沈紹榮張柳發張景星許立凡因見嚴海觀等拆打亦附和扳損欄杆板片一二件並有許秀芳封阿悌顧樹春馮寶沅等多人及未獲之嚴年觀等俱隨眾喧鬧擠看旋聞提督帶兵前來彈壓各自逃散此嚴海觀吳松觀聽從徐春希赴府求糧事

前誤信流言臨時不懂開導以致頃刻猝成肆
鬧毆毀之實情也至府署坐落地段向屬華亭
縣所管界內該縣汪淇於前一日監盤金山縣
交代一事稟明本府上省未據通報公出是日
李傳簪到府稟見隨有眾鄉民喧嚷求糧該府
出坐大堂李傳簪輒回縣署嗣聞鬧愈甚復
至府署因人數眾多不遵彈壓而提督帶兵已
至當獲楊廣榮及隨眾擠看之馮寶沅封阿悌

恭壽堂奏議

卷五

七

等共九犯復經該臬司暨道府等馳抵該處就
近訊究督飭縣管將嚴海觀等各犯陸續挈獲
擇要解省臣文綺親率司道各官迭次提犯再
四嚴詰俱各供認前情不諱一面錄供移咨臣
玉庭會核無異臣等以藉災肆鬧糾集多人恐
有預謀不法別情其毆官毀衣或尚不止嚴海
觀吳松觀二人復經逐一追究各犯僉供眾人
隨同徐春希赴府原想求糧是以各執飯籩並

無他械因擠倒欄杆被役喝禁倉猝動手率意
拆打今悔之無及除嚴海觀吳松觀二人外實
無毆官撕衣之人反覆質問加以刑審矢口不
移似無遁飾查例載直省不法之徒如乘地方
歉收挾制官長或因賑貸稍遲喧鬧公堂糾眾
辱官者照光棍例治罪又實在光棍事發者為
首斬立法為從絞監候各等語此案嚴海觀等
偶被水災業經委查催勘並非該府不准報荒

恭壽堂奏議

卷五

八

且散放卹賑為時尚早該犯等率聽地保徐春
希無據流言赴府求糧因人眾擠倒欄杆皂役
喝禁輒敢喧鬧公堂打毀署屋嚴海觀用手毆
官吳松觀撕破紗褂均屬目無法紀應照例以
光棍首從分別定擬嚴海觀合依不法之徒乘
地方歉收挾制官長喧鬧公堂糾眾辱官者照
光棍為首斬決例擬斬立法先行刺字吳松觀
隨同嚴海觀拆打撕衣合依光棍為從絞候例

擬絞監候秋後處決地保徐春希誤信流言轉相傳播其約令鄉民赴府意祇求糧初不料嚴海觀等輒即鬧事致成毀署毆官重案但在官人役率起衅端未便輕縱應酌發伊犁給種地兵丁為奴李榮照等六犯喧鬧助勢拆損廳榻什物亦屬不法應將李榮照莫高葉虎觀郭茂沅朱茂春楊廣榮均發烏魯木齊充當苦差曹應隴等八犯聽從附和扳損欄杆板片一二件

恭壽堂奏議

卷五

九

應將曹應隴朱茂榮周在明吳坤發沈紹榮張柳發張景星許立凡即於嚴海觀等死罪上量減一等各杖一百流三千里吳坤發沈紹榮據供親老丁單是否屬實照例行查取結核辦餘俱分別定地發配折責安置許秀芳封阿悌廟樹春馮寶沅王得榮夏藍芳高三喜高餘慶許金觀王小貞陸沅龍彭旭初等十二犯先後隨眾喧呼擠看並未毀物應與跑出宅門混拋磚

塊之禁幅沅並在场不能禁阻之地保夏長林張中璜莊勝華吳漢岐均照不應重律杖八十各加枷號一個月滿日折責發落以上各地保概行革役顧義方顧仁昌王裕崑三名僅止進內擠看均未隨鬧均照不應輕答責釋逸犯嚴年觀戴孝章嚴孝章許紹良姚四觀陸大觀沈茂林胡勤奎等嚴飭勒緝獲日另結其餘偶然附和之不識姓名鄉民現犯亦不能一一供指

恭壽堂奏議

卷五

十

且訊無打毀實憑概請從寬免再訪拏以靜災區而杜株累再撤任婁縣知縣李傳簪履勘已遲復以上省請卹空言見好致與本府意見參差轉相傳播因此鄉民赴府求糧猝成重案且臨事退蕙不克彈壓查拏洵屬溺職無能應請旨將李傳簪革職發往軍臺効力贖罪以肅吏治其撤任華亭縣汪淇於所屬災地早經遵示親勘尚無不合惟府署在所管界內且明知鄉民年

例中元進廟拈香理宜預防滋事近駐稽查乃於前一日率爾赴省又不通詳公出以致境內府署被鬧彈壓無員應一並參

奏革職俾儆玩忽至松江府楊樹基諸事認真即辦理災務掛牌示期委員會縣履勘係屬正辦迨李傳簪欲上省求卹正言規阻及鄉民羣赴求糧坐堂慰諭均能持正得體惟於汪琪監盤交代並非刻不可緩之務率聽上省究有不合

恭壽堂奏議

卷五

十一

亦應請

旨交部察議除全案供冊咨送刑部外所有臣等審明懲辦緣由謹合詞恭摺具

奏奉

硃批刑部速議具奏

審擬邳州民沈維義京控疏

奏為遵

旨秉公嚴審定擬奏祈

聖鑒事竊照江蘇邳州民沈維義赴京呈控堂兄沈維珂率眾將伊父沈克樸毆斃歷控未為提審一案經步軍統領衙門奏奉

諭旨此案着交魏元煜督同臬司陳廷桂親提人證卷宗秉公嚴審按律定擬具奏原告沈維義該部

恭壽堂奏議

卷五

十二

照例解往備質欽此並准兵部將原告沈維義遞解到蘇前撫臣魏元煜未及審辦奉

旨調任漕運總督臬司陳廷桂旋亦奉

命進京臣催提人卷至省督同現任臬司林則徐逐

加核訊緣沈維義籍隸邳州其父沈克樸係沈

維珂無服族叔趙鵬五籍隸睢寧李志恂籍隸

宿遷本係文生先曾赴京呈控李錦堂等濫利

準地案內擬杖收贖旋因曠課斥革又於道光

二年扶從朱繼曾代葛嘉祥作詞京控朱義恩等案內審擬杖徒奏結在案沈維義於嘉慶二十五年九月間由羅建借得開長春號藥店之溧水縣人章丙耀票錢四千文屢索未給章丙耀旋因虧本關店回籍託沈維珂作中將店貨項與譚惠疇接開道光元年二月二十四日沈克樸因店係沈維珂代盤持票向沈維珂索錢不給彼此爭吵沈克樸聲言如不代給定行拚

恭壽堂奏議

卷五

三

命經隣王全等勸回下牛沈克樸飲醉私服種地藥蟲餘剩紅礬至沈維珂門首叫罵李長青經見拉勸沈克樸告以業已服毒欲與沈維珂拚命即奔入沈維珂門內被門檻絆跌倒地碰傷右腳腕旋即毒發嘔吐亂滾又擦傷鼻梁等處沈維珂倩人向沈維義家告知適沈維義之母張氏患病卧床沈維義外出適沈克樸之弟沈克丞前往查看用鴨血灌救不效沈克樸至

二十五日早殞命報經該州胡晉驗係服毒身死訊供擬議將沈維珂問以重杖援

赦免罪詳結在案嗣沈維義因母張氏病故央馬慶齋等轉向沈維珂求助不允起意翻告拖累當向素好之趙鵬五告知並捏伊父向沈維珂索討房價票錢爭角沈維珂喝令沈維倉等毆斃賄串地保書差蘇懷薛佩玉等捏毒匪傷私押賄和等情央札趙鵬五代作呈詞赴按察司具

恭壽堂奏議

卷五

十四

控批行徐州府飭州究辦並將沈維義解回質審沈維義恐審虛問罪在睢寧地方乘間脫逃欲赴京控告因知素識之李志恂亦能作詞即至其家將控司詞稿給看懇作京狀李志恂先不應允因沈維義再四央求即照司詞情節敘呈給沈維義赴京在步軍統領衙門控告奏奉諭旨交審臣遵督同臬司親提研鞠究出趙鵬五李志恂代作詞狀各情查提到案審供不諱質詰

不移案無遁飾查例載慕越赴京及赴督撫按
察司等處告重事不實並全誣十人以上者發
邊遠充軍等語此案沈維義之父沈克樸欲令
族姪沈維珂代墊歇業藥店之票錢未允逞醉
服毒前往圖賴以致絆跌碰傷毒發殞命報驗
訊明詳結乃沈維義因母故求助不允起意翻
告拖累輒捏沈維珂喝毆致斃並賄串匿傷重
情先後夾趙鵬五李志恂代作詞狀赴訴臬司

恭壽堂奏議

卷五

五

復敢脫逃赴京混控實屬刁健沈維義合依慕
越赴京告重事不實並全誣十人以上發邊遠
充軍例發邊遠充軍趙鵬五代作司狀雖訊非
唆使聳恿但明知虛誣仍為代作亦屬不法趙
鵬五應於沈維義軍罪上減一等杖一百徒三
年李志恂代作京狀即照司詞情節與趙鵬五
厥罪惟均惟該犯於代葛嘉祥作詞京控案內
業經問擬杖徒若從一科斷尚覺輕縱李志恂

應於滿徒上酌加一等擬杖一百流二千里與
沈維義趙鵬五分別定地發配折責安置沈維
珂訊無喝令沈維倉等兇毆情事惟於沈克樸
欲令墊給票錢時並不婉言理覆輒與爭吵致
釀命案殊屬不合前已擬杖援免例不重科地
保蘇懷等並未受賄捏報應與訊未說和發押
之馬慶齋焦煥等均予免議無干省釋屍棺飭
屬領埋詞稿供燬免追除供冊送部外臣謹恭

恭壽堂奏議

卷五

五

摺具

奏伏乞

皇上聖鑒訓示奉

硃批刑部議奏

額懇緩徵錢糧疏

奏為江蘇等屬被水較重所有成災五分以上之熟田應徵錢漕額懇

聖恩俯准照例緩徵以紓民力事竊照江蘇各府州屬本年霖潦成災及間有受旱地方臣等業將被水暨旱歉情形查勘確實奏請

恩施分別給賑蠲緩一面將各屬災區內應徵熟田錢糧分飭該司道體察情形轉令啟徵去後先

恭壽堂奏議

卷五

十七

經江寧布政使張志緒具詳復催據蘇州布政使王輅江安糧道湯藩蘇松糧道楊本昌會詳稱查例載成災五分以上州縣應徵熟田錢糧准於一體緩至次年秋成後徵收等語又嘉慶十九年江寧府屬之上元等縣衛旱災五分以上奏准將熟田新賦錢糧漕米概行緩至次年秋成後啟徵在案茲查江蘇各屬被水較廣間有薄收之處業佃賠費工本僅可稍資民食並

供本境來年穀種若仍照常徵收民力實形拮

据請將江寧蘇州松江常州太倉五府州屬成

災田地通境五分以上之高淳吳江常熟昭

文崑山奉賢上海南匯青浦川沙宜興荆溪太

倉鎮洋寶山等一十五廳州縣並蘇州太倉鎮

海金山等四衛幫應徵道光三年熟田新賦錢

糧並折徵漕價及屯田津貼銀兩概請緩至道

光四年秋成後啟徵其熟田漕米除寶山縣係

恭壽堂奏議

卷五

六

民折官辦應照向例赴道領銀採買起運外餘俱免其徵運緩俟下年啟徵時再行搭運等情詳請具

奏前來臣伏查江寧府屬之高淳縣蘇松等屬之

吳江等十八廳州縣衛幫被災田地業已懇

恩分別給賑蠲緩今該司道等復循例請緩熟田錢

漕雖江南為財賦之區臣等深知

天庾正供所關非細一經議緩則兌運糶米較少非

不殫心籌畫但今歲雨多傷稼為數十年來未
有之災即間有薄收僅供餬口臣等仰體

聖主視民如傷不使一夫失所之

德意籲祈逾格

鴻慈俯准將高淳吳江常熟昭文崑山奉賢上海南

漕清浦川沙宜興荆溪太倉鎮洋寶山等十五

廳州縣暨蘇州太倉鎮海金山四衛幫成災五

分以上之熟田應徵新賦概行緩至來年秋成

恭壽堂奏議

卷五

十九

後啟徵分別搭運以厚民生而重

國計臣等仍飭該司道等查造應徵銀兩及免運漕

糧各款清冊另行咨部察核再查江蘇有額徵

起運白糧正米六萬九千餘石例於應徵漕糧

內揀選春辦如遇災歉之年應於南糧內通融

辦足本年蘇松等屬被災蠲緩既廣且多節經

臣等將白糧一項飭行司道妥為籌辦茲據藩

司玉輅糧道楊本昌詳覆除被災尚輕之長洲

等十一縣及向係民折官辦之嘉定寶山兩縣

額徵白糧正米三萬三千餘石仍行起運外其

餘吳江等十三州廳縣應徵熟田錢糧既經援

例請緩又震澤新陽二縣全境成災是各該州

廳縣漕南等米均屬無收所有應行起運之白

糧無從春辦若於災輕各屬熟田漕糧內撥補

事既窒碍難行或令各屬領價採買不但無款

可籌且恐產地價昂有關民食查漕運全書白

恭壽堂奏議

卷五

二十

糧一項並無不准緩徵之例詳請具

奏一體緩徵等情臣查核司道所議自屬實在情

形並懇

聖恩准將吳江常熟昭文崑山奉賢上海南漕青浦

川沙宜興荆溪太倉鎮洋震澤新陽等十五州

廳縣本年應行起運白糧正米三萬五千五百

餘石及隨正耗米並寶山縣折徵白糧米價一

並緩至來歲啟徵分別搭運還款則閭閻生計

益寬感頌

皇仁更無既極謹合詞恭摺具

奏伏乞

皇上聖鑒訓示

恭壽堂奏議

卷五

三

遵 旨嚴密訪查疏

奏為遵

旨嚴密訪查據實覆奏仰祈

聖鑒事竊 臣奉到

硃筆密封內有飭查商蠹一摺敬蒙

硃諭有條奏此事汝可嚴密訪查斷不可令姦商朦

混也密之慎之欽此又於為黃滌泰調處寢息之

鏡澄和尚勾串奉

恭壽堂奏議

卷五

三

硃批嚴密查拏欽此 臣遵即密飭常鎮道王賡言親

往查拏鏡澄旋據稟稱鏡澄已於本年四月十

三日病故將其徒孫證卓及管事人萬甫庭陳

敬中三名提到並密提運司衙門書吏楊綸賜

等質訊經 臣附片奏蒙

硃批嚴密訊究欽此 臣查原摺內稱兩淮首總黃滌

泰把持鹽務侵冒庫款結交勢要餽送苞苴上

年散商鄭同瑞控案督 臣孫玉庭礙難澈底究

辦將就了案認賠銀三十萬兩完結本年鄭同瑞復控聞黃濬泰賄囑原告認誣銷案等語伏思鄭同瑞復控黃濬泰之案由都察院奏奉諭旨交臣會同臣延隆秉公訊擬業經臣等按照原呈所控各款查出卷據於核訊後連次行查不但鄭同瑞情詞輸服抑且冊檔細數相符方敢於七月十三日會詞具

奏今摺內但稱黃濬泰賄令認誣不知臣與延隆

恭壽堂奏議

卷五

五

審斷之時並非憑鄭同瑞息結准銷實由查明咨奏文卷定讞况睦務非臣專轄更屬無可瞻徇隨提人證到案密加親訊緣黃濬泰於嘉慶二十三年奏充首總三年限滿奏准畱辦兩淮辦

貢辦公向不報賬奏明有案載入鹽法志從前每歲用至一百五六十萬兩自嘉慶七年以後節次減省道光二年裁去首總令各總商輪管值月

公項領銀奏定每年只准七十萬兩鄭同瑞控及領款經督臣等審明黃濬泰並無侵冒但經理不善罰令獨賠三十萬兩鄭同瑞已結復翻臣與延隆以供結尚可賄求印文斷難預假逐條核究原供僉同已於前奏縷悉具陳未便再傳商衆多人又滋拖累惟原摺所稱有住居揚州天靈寺之鏡澄和尚勾串幕友通遞信息每逢散商揭告黃濬泰無不為之調處寢息又棍

恭壽堂奏議

卷五

五

商丁淮朋謀侵冒飽蠹分肥等語如果屬實亟應究辦查揚州並無天靈寺鏡澄係六合縣人自幼出家在京寧水月庵為僧常至揚州化緣言人休咎屢中人皆尊信與丁淮尤為親密每次到揚即就寓歇黃濬泰向未往來嘉慶二十年前任督臣百齡查辦逆犯方榮陞一案係由鏡澄及其管事之萬甫庭訪知密告立時破獲奏奉

聖諭賞給萬甫庭五品職銜鏡澄所住廟宇官為修葺

正殿

賞懸

御書匾額每年給香燭銀一百兩即於藩庫動支欽此

遂將水月庵改名正覺寺鏡澄聲價頓高募化漸廣因於省城建清節養頤崇義集英四堂以為卹養養老等善舉即以萬甫庭經理堂務並延生員陳敬中在集英堂管教學童鏡澄募積

恭壽堂奏議

卷五

五

厚貲並兩淮商眾公捐銀兩先後呈交運庫飭商生息經前任鹽政阿克當阿奏咨有案鏡澄按季前赴揚州支息占問休咎者日多羅小易盈傲辟招怨以致誣言詆毀其實並無與總督幕友及鹽政官員交結並為黃滌泰調處之事今鏡澄雖故其徒孫證卓並萬甫庭陳敬中等現均隔別訊供無異臣又密加徧訪確無別情至丁准即丁恒興嘉慶八年派充總商嗣已告

退上年鹽政曾煥莅任面簽辦運年久之洪箴遠等商充當首總丁恒興亦在其列未據具認即於冬月稟退黃滌泰當首總時遇有公議事件以丁恒興年老運熟在眾商中首先向論往往招怨生謗但丁恒興只係散商領銀辦公例不同綱總列名又何能分肥侵冒其與鏡澄交好畱住並代為催領季支息銀已據供認不諱其摺內又稱運司書吏楊姓江姓與黃滌泰表

恭壽堂奏議

卷五

六

裏為姦之處查運司承發房楊綸賜工房江朝宗先曾承充庫書前任陞司錢寶甫訪知聲名平常因無實在劣蹟令各歸本房不許復入庫房辦事至今並未再派庫書卯冊可憑查運庫支放先由院司詳加核定飭庫照行非庫書所能上下其手如楊綸賜等果係表裏為姦則必肥家飽蠹今查提該書等被控文卷雖各有數案但俱係負欠細故控追莫償並無告涉運庫

舞弊事件再四研鞠僉供每發辦公銀一萬兩商人給紙張飯食費八錢六錢不等由來已久並非始自近年此外並無情弊又摺內稱黃濬泰如果浮領卽應治罪實無浮領豈肯甘心認賠等語詰據黃濬泰供稱公領之項一人獨賠三十萬兩本非甘心惟商人業經以來將本營運積有家貲數十餘萬乃因充當首總辦理不善致鄭同瑞藉詞具控牽累取商錢陞司同常

恭壽堂奏議

卷五

二十七

鎮道斷令獨賠多金不敢不遵實出於萬不得已之苦衷况這些銀兩商人充首總時早已貲墊應只須應領之日扣繳現在業已扣楚有收銀印諭可憑隨提運司庫簿開明黃濬泰認繳銀三十萬兩於本年三月十三日照數扣繳臣恐仍係通網商取領款飭據運司傳問鮑有仁等供稱上年前半年公事都是首總黃濬泰一人已貲墊辦實係墊發在前扣收在後並非

公攤在眾商領款內扣收今黃濬泰撤去運本三十萬每年他名下就要以運幾萬引通網共知並據鮑有恒等各總商出具畫押親供前來至摺內所稱餽送苞苴查據新任運司毋庸迴護之張青選密稟近今各官似無此簞簋不飭之人臣又慎密周訪洵屬毫無影響復提黃濬泰等切實根究據供商等專運淮南口岸情形與淮北不同從前殷商甚多結交應酬有求必

恭壽堂奏議

卷五

二十八

應近年商力消乏訐告成風卽如鄭同瑞原是富商如今負債數十萬妄想賄和就可完欠商等若肯賄和也不疊次被控了實在連年拖累無辜但求公斷伏地痛哭情狀殊為迫切臣查黃濬泰充當商總被控節次查訊並無侵欺實據先經督臣孫玉庭等審明咎只辦理不善罰賠三十萬兩奏准免其治罪因鄭同瑞列款翻控臣遵

旨與臣延隆會同秉公核訊提同原告逐款指查黃
濬泰並無弊混雖律不重科但疊被散商訐控
究係眾論不孚擬請革退總商茲蒙

殊諭密飭訪查臣何敢不實力推求稍任姦商朦混
惟反覆研追別無罪狀可否仍照前奏將黃濬
泰革退總商作為散商隨同辦運之處伏候

聖裁丁准卽丁恒興訊無朋謀侵冒情弊其暫留鏡
澄借寓代領息銀事屬交際常情應予免議故

恭壽堂奏議

卷五

五

僧鏡澄募貲築堂雖係善舉但妄談休咎惑眾
招尤亦有不合業已病故應毋庸議僧人證卓
及職員萬甫庭生員陳敬中訊無別情均予省
釋書吏楊綸賜江朝宗先經退出庫房各歸本
房辦事雖查無實在劣蹟但聲名平常均卽飭
令革役尚有被控錢債等案若將人證提省質
審轉滋遠涉拖累應遞交該府縣分別追究照
例治罪其得受紙張飯食由來已久本屬零星

且無確數應免究追至鏡澄創建之清節養頤
崇義集英等四堂經費章程悉有案據應飭江
寧布政司就近確查應如何酌派官紳妥為經
管俾善政惠民經久無弊通詳會核辦理所有
遵

旨嚴密訪查緣由謹據實覆奏並恭繳
殊諭原摺黃封各一件伏乞

皇上聖鑒訓示

恭壽堂奏議

卷五

五

審擬婁縣生員王鳴謙京控疏

奏為遵

旨審明定擬奏請

聖鑒事竊照婁縣生員王鳴謙令雇工王升赴京呈

控張明揚屢吞租米並金山縣書吏顧文等浮

收漕米一案經步軍統領衙門奏奉

諭旨此案着交韓文綺親提人證卷宗秉公研審定

擬具奏原告王升該部照例解往備質欽此並准

恭壽堂奏議

卷五

三

兵部將該原告遞解前來遵卽飭提原被人證

到省臣親核卷宗逐一研訊緣王鳴謙籍隸婁

縣伊父王元俊在日先於嘉慶二十一年買得

王象徵坐落華亭縣田四十畝四分係張明揚

佃種每年應還租米十石四斗七升張明揚藉

口田土瘠薄欲圖減租拖欠未還王元俊赴縣

呈控飭差催追旋經王元俊將張明揚之子張

金扭赴縣案提訊枷追因租不清還尚未釋放

二十二年正月初間張金之妻郭氏至母家拜

年欲做粉糰給送伊夫張明揚因伊子被枷不

放聲言不如粉糰內放些瀉藥使其腹瀉可以

藉病求釋本係一時信口空談並非實有其事

詎郭氏探望伊夫卽將伊翁所言向夫轉述旁

人誤聽流傳被王元俊知悉心疑張明揚謀毒

其子計圖詐害輒行控縣張金枷號時王元俊

曾給縣差趙上飯食洋錢十元並因馮百堂等

恭壽堂奏議

卷五

三

常與張金來往疑其商串把持王元俊先後赴

松江府暨臬司衙門呈控批府飭委華亭縣汪

琪訊斷緣嘉慶二十一二年連值歉收酌令

減還米十二石其二十三年新租折算洋錢二

十五元以償王元俊租欠縣差趙上杖責懲儆

其得受洋錢勒追給主未據呈繳趙上旋卽病

故嗣因張明揚應還二十一二年租欠未經

遵斷清償王元俊復疊次控縣將張明揚枷追

遇

赦保釋避匿未到續欠嘉慶二十四五兩年租米至道光元年冬間張明揚將洋錢二十四元並湊錢八百六十四文繳縣作抵元年分租米又將原出頂種該田價二十四兩作抵二十四年租欠其二十一二五共三年租米仍抗不交王元俊旋亦身故伊子王鳴謙節次控追未結此張明揚欠租許訟之原委也至原控縣書浮收一

恭壽堂奏議

卷五

三

節錄王鳴謙有應完王大洪等戶道光元年分金山縣漕米十六石三斗七升零赴倉完納該縣因米色不純當令風篩王鳴謙因篩搗過刻米數虧折疑漕書顧文唐大椿等圖折浮收心懷不甘一並具詞欲赴京控令雇工王升隨行王鳴謙中途病回將呈詞交王升獨自進京在步軍統領衙門控告奏奉

諭旨交臣審辦提集人證訊悉前情誠恐張明揚有

謀毒圖詐及該縣漕書勒折浮收情弊反覆研鞠矢口不移似無遁飾查張明揚佃種王鳴謙田畝並不按年還租任意拖欠屢違斷限實屬刁頑張明揚應照不應重律杖八十漕書顧文等雖訊無浮收情事但篩搗過刻即屬有意刁難顧文唐大椿亦均照不應重律杖八十各折責發落顧文唐大椿仍革役張明揚認繳欠租飭追依限全償再延提比書差金仲華張安訊

恭壽堂奏議

卷五

三

無弊捺唆害情弊均毋庸議王鳴謙因張明揚積年抗租訟延數載控非理曲其牽涉漕書浮收亦由篩搗苛刻起見事屬有因應予免議張明揚繳縣折租之制錢洋錢飭即給王鳴謙收領其道光二年分租米聽王鳴謙自向接種田畝之保正彭金榮清理趙上應繳給主洋錢身死勿徵無干省釋除供冊咨部外臣謹恭摺具奏伏乞

皇上聖鑒訓示奉

硃批刑部議奏

恭壽堂奏議

卷五

三五

審明鹽城縣革監葛海濱京控疏

奏為遵

旨審明定擬恭摺奏請

聖鑒事竊照鹽城縣革監葛海濱赴京呈控縣書陳

松等勒索災費不遂申誣宿娼稟革一案經步

軍統領衙門奏奉

諭旨此案着交韓文綺親提人證卷宗秉公審訊按

律定擬具奏原告葛海濱該部照例解往備質欽

恭壽堂奏議

卷五

三五

此並准兵部將原告葛海濱遞解前來遵即飭

提人卷至首臣親提犯證逐一研鞫緣葛海濱

本名葛長年籍隸鹽城先於嘉慶二十年間李

瓚因姦致死吳文廣案內說合賄和問擬杖九

十援

赦免罪旋於二十五年間改名葛海濱在江寧藩司

衙門朦朧監生與監生李明諧民人程寶鳳素

好道光元年五月間葛海濱因天氣亢旱秧田

缺雨與李明諧程寶鳳商允藉詞報災請借口糧赴縣遞詞未准至二十六日各邀本處士民赴淮安府行轅具呈葛海濱雇坐娼婦陳玉子船隻當晚姦宿給錢二千文二十七日李明諧欲赴新河廟地方探迎淮安府投遞災詞亦雇陳玉子船隻並與姦宿給錢四千文二十九日陳玉子船泊鹽城縣西門河下葛海濱又邀李明諧程寶鳳至陳玉子船上飲酒經地保吳鳳

恭壽堂奏議

卷五

五

鳴查見禁阻不理稟縣僉差潘林等先後飭提葛海濱李明諧程寶鳳等到案訊認飲酒宿姦並查明葛海濱等具呈請借口糧維時已得透雨田禾無傷係屬藉詞捏報詳請將葛海濱李明諧監生斥革與程寶鳳一並究審依人戶將成熟田畝冒告災傷罪止杖一百律各杖一百詳結嗣據葛海濱之母葛楊氏李明諧之父李采芹各以誣姦朦詳等情先後赴藩司巡道衙

門具控批經該縣訊虛仍照原擬具詳尚未發落葛海濱希圖翻告脫罪開復衣頂又因與該縣已革庫書陳松曾有訟嫌疑其從中串唆隨捏砌陳松革役復充同伊族弟陳兆鳳勒索災費不遂串役潘林等賄囑娼妓陳玉子誣指飲酒姦宿等情赴步軍統領衙門控告奏奉

恭壽堂奏議

卷五

五

諭旨交臣審辦提集人證訊悉前情臣恐陳松等實有革役朦充勒索災費串囑誣姦情事復加研究不特陳松等堅不承認即質之葛海濱亦自認捏災宿娼並懷疑翻控不諱案無遁飾查葛海濱因冒告災傷姦宿娼妓經縣訊明詳革監生依律擬杖實屬咎由自取輒又冀復衣頂並挾已革庫書陳松訟嫌疑其唆串赴京妄告殊屬刁健葛海濱即葛長年應照申訴不實杖一百律杖一百程寶鳳李明諧除與娼婦陳玉子飲酒姦宿輕罪不議外仍照人戶將成熟田畝

冒告災傷罪止杖一百律各杖一百均折責發
落陳玉子貪利賣姦律應擬杖事犯在道光二
年十一月十六日

恩詔以前應予援免所得葛海濱李明諧錢文照例
入官已革縣書陳松並非革役復充禮房經承
陳兆鳳亦未勒索災費應與訊無情弊之縣役
潘林宋榮蕭湘劉玉曹儀宋魁及地保吳鳳鳴
招書宋鳳池均予免議葛海濱李明諧監生業

恭壽堂奏議

卷五

五

經斥革所領實收俱已呈繳亦毋庸議無干省
釋所有失察土娼職名係前署鹽城縣知縣華
鳳喈相應開報附叅除將供冊送部外理合恭
摺具

奏伏乞

皇上聖鑒訓示奉

硃批刑部議奏

請添設巡檢酌裁冗員疏

奏為縣缺事繁應請添設巡檢酌將冗員裁抵以
符缺額仰祈

聖鑒事竊據淮揚道沈學廉以淮屬之清河縣地方
水陸衝途五方雜處自乾隆二十六年該縣移
駐黃河南岸清江浦地方其河北一帶近多外
來匪徒之員巡緝請將淮安府檢校裁去在於
清河澗橋鎮地方添設巡檢一員以便就近稽

恭壽堂奏議

卷五

罕

查彈壓等情臣等察核所稟係屬實情隨批飭
江寧藩司會查妥議詳辦去後茲據江蘇藩臬
兩司查明清河縣地方河北一帶向無另設分
防人員今淮揚道因近年以來每多外來匪棍
勾結居民潤跡擾害如澗橋至漁溝等處遇有
滋事之案該縣聞報渡河馳拏各匪率多逃竄
實有鞭長莫及之慮其淮安府檢校員缺亦無
專管事件係屬冗設請將檢校一缺裁去改設

清河縣分防巡檢在於該縣澗橋鎮地方駐防其附近之金城鎮劉皮鎮宋家集張家集及新興漁溝浪石等集均歸該巡檢稽查巡緝遇有梟販及匪棍滋事並賭博鬪毆等項照例准其查拏解縣審辦如有承緝處分即按分防處所照緝捕官例開參所有額支廉俸及門子皂役工食銀兩即以檢校衙門應得之項按數抵支毋庸增減其應添設弓兵工食在於淮安府六

恭壽堂奏議

卷五

望

縣皂隸等役額領銀內勻攤撥給檢校衙署因乾隆三十九年水溢衝坍厯賃民房無可裁汰今請移設巡檢仍暫賃民房俟有款可籌另行建蓋淮安府檢校鈐記應飭繳銷另請鑄給巡檢印信以昭信守其新設澗橋巡檢員缺請定為簡缺江省現有應補人員另容遴員請補至現任淮安府檢校曾麟一員撤回畱省另補謹將酌裁冗員添設巡檢以資勦理緣由謹恭摺

具

奏伏乞

皇上聖鑒訓示奉

硃批吏部議奏

恭壽堂奏議

卷五

望

請將降調知縣暫緩赴部疏

奏為因公降調知縣現有承辦要務懇

恩暫留經理事竣再行給咨赴部仰祈

聖鑒事竊查阜寧縣知縣王錫蒲前署吳江縣任內

因有事主袁岐昌被竊臨時行強並任崧被竊

臨時拒捕開列疎防及二叅各職名分別

題咨接准部覆議於現任內降二級調用無級可

抵應行降調奉

恭壽堂奏議

卷五

四三

旨此案因疎防一夜連劫二家議以現任內降級用

之王錫蒲着該督撫出具考語送部引見再降諭

旨等因欽此遵卽行司委員接署以便該員交代

請咨去後茲據江寧藩司張志緒淮海道梁章

鉅淮安府知府富斌以阜寧地方係繁疲難治

河兼三要缺民刁俗悍王錫蒲自到任後力加

整頓甫有起色該縣頻年積歉今屆全境甫獲

大半有秋亦尚有逼近黃河湖淤屯田及新淤

買陞等款或因受旱或因積雨以致歉收須別

分款熟核實徵緩一經交替更易生手則書吏

姦民勾串舞弊於

國賦民業均難稽核妥善又該縣漕糧民折官辦應

首先派凡正值採購新漕之際尤為目前要務

各請暫緩交卸以資熟手而免誤公該司因阜

邑素稱難治非精明廉幹熟悉地方之員不克

勝任州縣中合例而克勝沿河繁劇者本不可

恭壽堂奏議

卷五

四四

多得其卽用候補中除已補及委署外亦少人

地相宜之員其有一三合例堪調之人現有丹

陽丹徒江都等處出缺在前往返商定請調此

外實難其選王錫蒲降調本屬因公且奉有出

考送部引

見之

恩旨可否暫緩更替責令將要務辦竣再行給咨赴

部引

見恭候

欽定之處詳請酌核具

奏前來臣等查王錫蒲現年四十五歲係山西文

水縣進士由庶吉士改用知縣選授沭陽縣調

繁江都縣緣事革職捐復原官題補今職該員

精明勤練居心正派阜邑濱海臨黃地方遼濶

俗悍民刁藐視官長惟以健訟為能疊有豪棍

恣橫講張京控各案自該縣王錫蒲到任力加

恭壽堂奏議

卷五

四十五

整頓查拏衿棍訟師解審究擬隨時懲治除莠

安良漸有成效甫值勘分災熟正資釐剔積弊

分別徵緩採辦新漕之際不特接手頗難其選

而新舊交替則盡吏衿棍乘隙竇緣為姦於

國賦民生殊有關係據藩司道府咸以暫緩交替為

請覆察情形洵屬慎重地方要公起見臣等未

敢拘泥致滋貽誤合無仰懇

聖恩俯念地方現有應辦要務該員降調事出因公

准其暫留本任一俟經辦災熟徵緩事宜及採

辦新漕完竣即遵

旨出具考語送部引

見可否仍留本任仍帶降級之案俟滿年限開復俾

資治理之處恭候

欽定臣等往返札商意見相同謹合詞恭摺具

奏伏乞

皇上聖鑒訓示

恭壽堂奏議

卷五

四十六

請陞補沿海直隸州要缺疏

奏為沿海直隸州要缺需員恭懇

聖恩俯准陞補以裨地方事竊照海州知州劉鈺稟

報蝗蝻遲緩意存諱飾經臣等

奏參革職提究所遺員缺係繁疲難沿海要缺例

應在外揀調該州地廣事繁兼係私島出沒之

區必得精明強幹之員方足以資治理查江蘇

所屬直隸州除海州外僅止通州太倉州二缺

恭壽堂奏議

卷五

四七

均屬緊要未便請調臣等與藩臬兩司在於通

省州縣內逐加遴選非員缺緊要即人地不甚

相宜實無合例堪以調補之員惟查有高郵州

知州葉機年五十五歲浙江定海縣廩貢由教

職屢獲洋盜選授山東金鄉縣知縣嘉慶十六

年調赴南河五次差委李家樓大江告竣

奏留江蘇補上海縣知縣十九年因經徵地漕鹽

課正耗銀兩全完

題請不論俸滿即陞道光元年七月初八日奉

旨依議欽此並於補行嘉慶二十五年

大計案內保薦卓異赴部引

見奉

旨准其加一級回任候陞道光二年

奏陞今職是年三月初八日到任覆查該員才具

開展辦事幹練曾經調辦大工熟悉河務以之

陞補海州直隸州知州實堪勝任其任內止有

恭壽堂奏議

卷五

四八

尋常參罰除未議不計外僅止罰俸八年並無

違碍處分惟該員到任歷俸未滿三年與例稍

有未符但人地實在相需據藩臬兩司詳請會

奏前來臣等與河臣往返札商意見相同謹循例

專摺

奏請合無仰懇

聖恩俯念員缺緊要准以高郵州知州葉機陞補海

州直隸州知州實於地方有裨如蒙

俞允俟部覆至日給咨赴部引

見恭候

欽定其所遺高郵州知州員缺係沿河要缺容另揀

選請補謹會同河臣黎世序恭摺具

奏並繕參罰清單敬呈

御覽伏乞

皇上訓示

恭壽堂奏議

卷五

四九

請開復知州疏

奏為查明海州萌生蝗子知州雖稟報稍遲而督

捕出力禾稼無傷究非有心飾卸懇

恩俯准開復仍請議處以昭核實事竊查前據淮揚

各屬報有飛蝗過境隨時撲滅並未停落傷禾

惟海州知州劉鈐稟報遲緩顯屬意存飾卸經

臣等轉據藩臬兩司會摺參奏欽奉

上諭孫玉庭等奏飛蝗過境請將稟報遲緩之知州

恭壽堂奏議

卷五

五

革職一摺江蘇江北各屬報有飛蝗過境並未停

落損傷田禾惟蝗蝻先由海州萌生該知州未能

即時撲滅又復稟報遲延意存飾卸海州直隸州

知州劉鈐着革職提究該督等即飭淮海道親往

督捕務期搜滅淨盡毋使稍畱餘孽並飭淮揚等

屬一體嚴查有無傷禾匿報之處據實參辦其餘

州府屬地方既據山東咨稱邳城與邳州接界之

處亦有蝗蝻該督等已飭令該府親往確查如有

蝗蝻匿不稟報着卽嚴叅毋稍諱飾欽此當卽轉飭欽遵確查稟報並經飭據徐州府知府俞穎達親詣邳州與鄰城交界地方詢訪邳境並未生蝗實無匿報之事此外亦無傷禾匿不稟報之處先行

奏結在案隨據淮海道梁章鉅稟報親詣海州確查蝗蝻業已絕跡禾稼毫無損傷諮詢該處鄉農僉稱劉知州督夫隨時撲打淨盡該道因查

恭壽堂奏議

卷五

五

此案先於七月初旬據淮屬稟報六月二十三等日零亂飛蝗過境當奉飭查來自何處據安東縣稟覆係由海州飛向西南過境該州劉鈐於七月初一日始行稟報至十三日到省距安東縣稟報有蝗之日已隔旬餘該州劉鈐因何並不先事防捕及蝻孽萌生又未卽時馳報難保非先圖飾卸後見各處通稟始行補報面詢劉鈐據稱該州境濱海遼濶早濕沮洳蝻孽

易萌先於春間飭令鄉團督同農佃遍加搜挖捐廉收買已盡詎因夏間天氣亢旱以致復有孽生該州聞信卽親身赴鄉督捕彼時忙迫致未及先行馳稟迨撲滅回署於七月初一日通稟當時未將實在情形聲明致奉叅革其實委無飾卸情事該州僻在一隅不通驛站淮屬等稟報飛蝗實無見聞並非諱飾於前因他處已稟始行補報等語該道因係一面之詞復督飭

恭壽堂奏議

卷五

五

署海州知州許文綬適歷鄉鎮確查詢訪鄉民各稱州境瀕海潮後往來魚蝦遺子一經天時久晴蒸熱易成蝗蝻前州先經督率民夫搜挖已盡惟海潮泛溢難免續有遺畱夏間雨澤愆期遂致間有蝗蝻孽生零亂飛騰劉知州聞信卽親赴有蝗各處雇夫撲捕當時淨盡毫無損傷禾稼衆口一詞核與該叅員面回情形相同尚無捏飾是劉鈐於境內生蝗雖稟報稍遲而

親督撲捕當時淨盡不使傷稼並非有心諱飾
事屬可信定例地方官捕蝗不力應予處分今
該革員督捕出力官民皆無異詞似應邀請開
復原官仍將稟報稍遲之處請予議處以昭公
允等情由藩臬兩司覆察皆係實情詳請核
奏前來臣等恭查乾隆三十五年六月欽奉

上諭地方偶有蝻孽萌生或有先期雨澤稀少更值天
氣炎蒸勢難保其必無祇應就現有蝗蝻處所視地

恭壽堂奏議

卷五

五

方官之用力不用力以定功罪不必更問起自何方
等因欽此欽遵在案是辦理捕蝗之事應就現有蝗
蝻處所視地方官之用力與否以定功罪今已
革海州知州劉鈐捕蝗稟報遲緩飭經該管淮
海道梁章鉅親詣確查蝗蟲業已絕跡禾稼無
傷諮詢該處鄉農僉稱該革員督夫撲打隨時
淨盡並未傷禾並據署海州知州許文綬稟覆
遍歷查訪皆無異詞據該尚道覆該革員劉鈐

平日辦事結實且督緝私梟屢獲大夥頗著微
勞今於捕蝗一事尚稱出力並未貽害禾稼祇
係稟報稍遲究無有心諱飾情弊查該革員劉
鈐由句容縣知縣准陞海州直隸州知州尚未
引

見可否仰懇
皇上天恩俯准開復直隸州原官畱於江省候補其

稟報遲延之處交部照例議處如蒙

恭壽堂奏議

卷五

五

俞允仍給咨赴部引
見恭候
欽定臣等往返札商意見相同謹恭摺具
奏伏乞
皇上聖鑒訓示

米價平減並得瑞雪疏

再江蘇災區仰蒙

聖恩蠲緩賑貸稠疊

隆施 臣等諄飭藩司分頭委員會同印官詳查戶口

嚴諭印委各員激發天良盡心所事業已陸續

報竣發項按期賑卹必使無濫無遺民沾實惠

各屬糧價因蒙

聖慈准免關稅招徠客販上游米船絡繹而來加以

恭壽堂奏議

卷五

奏

撥項官為採買又有商捐義穀分運碾糶均不
至加昂 臣孫玉庭前經

奏明委員分赴江廣各就近借款四萬兩買米運

回江寧省城平糶嗣因兩省知會恐全數動借

發買致長市價有妨本地民食當因江南糧價

既已稍平現有客販接踵前來即馳信兩省督

撫臣毋庸必照原借銀數發買轉致彼處居奇

長價茲委員鍾承露等在湖北省借款買米九

千石業已全數運抵江寧省江西撫臣程含章

亦動項分飭所屬採購得米一萬五百石分起

飭交委員領運回江除撥米三千餘石運赴被

災較重之高淳縣以備平糶其餘均飭起貯省

倉 臣等伏思自冬徂春為日正長現在客販雲

集糧價尚平擬留於來春青黃不接時再行出

糶此時各處災黎均已給賑其有城廂無業貧

民為例賑所不及者 臣等捐廉為倡董率地方

恭壽堂奏議

卷五

奏

官妥為勸諭紳富各量力捐輸賑卹桑梓共襄

義舉據各屬報捐數目自二三萬至四五萬及

十餘萬不等或設廠煮賑或按口給錢或買米

散放各舉公正紳董自為經理不假吏胥之手

事竣彙案

奏請獎勵 臣等惟有盡心盡力督屬撫綏務期民

無失所以副

聖主惠養黎元至意現屆仲冬晴暄已久正盼祥雲

適於冬至日彤雲密布瑞雪繽紛積厚寸餘民

情悅豫謹附片奏

聞仰慰

聖懷奉

硃批知道了

恭壽堂奏議

卷五

五七

請撥鄰省銀兩疏

奏為蘇州藩庫耗羨因災蠲緩不敷支放循照成

案奏請撥濟仰祈

聖鑒事竊據蘇州布政使玉輅詳稱司庫耗羨項下

應支道光四年額定廉工文武各官養廉並一

切公費雜支等項約須銀二十三萬兩又災

缺本年各屬官役俸工養廉約需銀五萬餘兩

統共需銀二十八萬餘兩緣蘇松等屬本年被

恭壽堂奏議

卷五

五八

水成災應徵地丁耗羨暨各年災緩及來年上

忙新賦業蒙

恩旨分別蠲緩又成災五分以上之吳江等州縣熟

田應徵錢糧亦經援例詳請

奏明緩徵其餘熟田應徵錢糧為數較少且歉年

花戶未免完納不前難以照數徵解即以本年

下忙來歲上忙應徵熟田並秋後隨正徵收各

項耗羨及揚海二關額解盈餘江蘇兩糧道解

司耗羨約共抵支銀十萬餘兩計不敷銀十八萬餘兩現在司庫耗羨本款僅存銀一萬八百餘兩應留為本年歲內待支之款如有不敷尚可於減半平餘款內借動湊發惟來歲一切應支要款及本年災缺俸工養廉等項核計短絀甚多自應預為籌撥伏查江寧司庫嘉慶十八二十五年及道光元年並本年三月均因耗羨不敷支放奏請在於鄰近省分協撥濟支有案

恭壽堂奏議

卷五

堯

所有蘇州司庫現存災缺耗羨不敷應請

奏明在於鄰近省分協撥銀十八萬兩解蘇濟用等情前來臣查蘇松等屬本年因災蠲緩輸將較少來歲司庫耗羨待支各款不敷濟放係屬實在情形自應預籌撥濟惟有循案奏懇

天恩飭令部臣在於鄰近省分酌撥銀十八萬兩解交蘇州藩庫以濟支放謹會同協辦大學士兩江總督臣孫玉庭合詞恭摺具

奏伏乞

皇上聖鑒訓示奉

硃批戶部議奏

恭壽堂奏議

卷五

李

審擬沛縣民袁欣祖京控疏

奏為遵

旨秉公審訊定擬奏請

聖鑒事竊照江蘇沛縣民袁欣祖赴京呈控漕書任

如秀等勒折漕米並委員放賑少給戶口等情

一案經步軍統領衙門奏奉

諭旨此案着交韓文綺親提人證卷宗秉公審訊按

律定擬具奏原告袁欣祖該部照例解往備質欽

恭壽堂奏議

卷五

空

此旋准兵部將原告袁欣祖遞解前來遵即飭

提人卷至省臣隨核卷逐一親審緣袁欣祖籍

隸沛縣有管業田十八畝分給伊子袁涌安等

耕種即係伊子戶名完糧因地畝無多又俱瘠

薄衣食不週時與伊子求乞度日道光二年該

縣被災分別蠲緩查辦賑務派委教諭沈承愈

按戶放賑填票給發袁欣祖之地亦因被災緩

徵並未完納漕糧又該處當舖每至十二月初

一日起至除夕止當本在五兩以內讓利一日

袁欣祖於是年冬間將衣被等物先後在相思

義宋德陞二典分當錢文至次年二月二十四

日持票取贖該典照例按月算利袁欣祖欲圖

讓利未允心懷不甘又袁欣祖曾向監生丁際

和假錢無還嗣復屢假不允因丁際和之兄丁

潤曾充該縣民壯疑係身家不清並訛聞放給

賑票之委員沈承愈每戶止給一大口及銅山

恭壽堂奏議

卷五

空

縣委員查賑需索錢文之語起意混控隨又添

砌屢借不遂有嫌之沛縣漕書任如秀等及銅

山縣漕書盧步雲勒折漕米等情赴京在步軍

統領衙門呈控奏奉

諭旨交臣審辦提集人證訊悉前情誠恐任如秀等

果有浮收短放情弊復又逐款詰質不但眾證

全虛該原告亦毫無憑據尚指自悔虛誣據實

供吐反復推求案無遁飾查例載驀越赴京告

重事不實發邊遠充軍等語此案袁欣祖所控各情均訊悉子虛罪應反坐惟該犯解案之初不待質問卽已深自悔悟俯首認咎情近自首似應酌減問擬袁欣祖應於薶越赴京告重事不實軍罪上量減一等擬杖一百徒三年年逾七十照律收贖漕書任如秀盧步雲等訊無浮折丁潤充當民壯並未捐監其弟丁際和亦未在縣充役均無朦捐情事應與並未違例取利

恭壽堂奏議

卷五

奎

之典商相思義宋德陞均免置議教諭沈承愈奉委放賑訊無少給戶口情事亦毋庸議袁欣祖借欠丁際和錢文為數不多且該犯年老赤貧並免追償除供冊送部外臣謹恭摺具

奏伏乞

皇上聖鑒訓示奉

硃批刑部議奏

審明銅山縣民姜海京控片疏

再銅山縣民姜海赴京呈控僧文貝喝令李二東等鎗扎伊兄姜河身死並未緝兇治罪一案經步軍統領衙門奏奉

諭旨交臣提審遵卽查核原案緣姜海長兄姜大凝係僧文具舊佃上年正月初一日姜大凝令子姜兌赴寺拜年文具以姜大凝輕視田主僅令幼子往拜心不輸服初三日早文具路遇姜海

恭壽堂奏議

卷五

奎

次兄姜河卽以姜大凝不往拜年隨口混罵姜河回言文具邀同李二東周勳杜文光等各挈鎗棍圍毆洩忿姜河與姜海並弟姜四等亦各持仗出抵文具喝令李二東等毆斃姜河殞命姜海亦被杜文光用鎗戳傷姜四將周勳毆傷文具畏罪因見周勳受傷起意商允李二東等致死周勳抵制李二東密邀李鳳奇相幫將周勳砍擄立斃李二東等脫逃報驗挈獲文具李

鳳奇審擬將文具依律擬斬監候李鳳奇擬流
逸犯李二東等緝獲另結等因

題准部覆在案臣親提姜海訊據供稱前見僧人
文具收禁不知問擬何罪又因李二東等在逃
未獲恐胞兄姜河無人抵命是以赴京具控等
語臣當將兇犯文具業經問抵擬斬李二東等
現在嚴拏向姜海明白曉諭該原告伏地叩頭
即稱兄命有抵心已輸服情愿具結當即釋令

恭壽堂奏議

卷五

三

回籍查此案早經題結今原告亦已俯首無詞
所有犯證人等自可無須再行提省覆審以免
拖累除仍飭勒緝逸犯李二東等獲日另辦外
理合附片奏

聞奉

硃批刑部知道

遵 旨察看災區請加接濟疏

奏為欽遵

恩旨察看災區實在情形應請來春酌加接濟緣由

恭摺奏祈

聖鑒事竊照道光三年十月初三日奉

上諭江蘇上元等州縣被水來春應否接濟之處查

明奏聞等因欽此 臣等跪讀

恩綸仰見

恭壽堂奏議

卷五

六

聖主軫念災黎有加無已當即恭錄轉行欽遵確查
去後茲據江寧布政使張志緒蘇州布政使王
輅查明各州縣情形詳請核

奏前來 臣等伏查本年江蘇省夏潦異常凡上元
等四十七州廳縣衛田廬被浸既廣且多為近
年所罕觀節經奏荷

鴻慈卹賑兼施錢漕並緩運米則概行免稅隆冬復
賞給口糧以情形較重之年沐浩蕩非常之

澤不但小民頌戴萬口同聲卽臣等動支百十萬
帑金亦倍覺交相感動茲復重荷

垂詢令加體察祇承之下欽佩難名現屆開放正賑
之時臣等目覩閭閻安集戶少流移卽例不給
賑之貧民已飭將紳富捐輸之項或設廠寬期
賁賑或按戶散給錢文鄉鎮民戶亦各勸捐調
卹約至來年正二月間似可無虞失所惟查上
元江寧句容高淳六合江浦江都儀徵吳江震

恭壽堂奏議

卷五

空七

澤常熟昭文崑山新陽青浦太倉鎮洋共十七
州縣成災十九八七分戶口較繁災分較重來
春青黃不接之時誠如

聖諭恐民力不無拮据自應酌加接濟又長洲元和
吳縣華亭婁縣金山江陰等七縣被災稍輕除
十分九分次貧戶口歸入捐賑辦理外尚有極
貧戶口亦須量予接濟又銅山縣成災五分之
四百九十五莊豐縣勘不成災之辛村等十一

里沛縣成災五分之防一等十二里及勘不成
災之千一等四里睢寧縣勘不成災之木橋等
十八社並揚州衛坐落江都儀徵徐州衛坐落
銅山豐易乏食貧民軍佃該處均係積歉之區
口食維艱體訪輿情亦需接濟合無仰懇

天恩俯准將上元等三十州縣衛極次貧戶口
加賞口糧一月俾各接濟有資民咸飽

德此外各屬貧民業邀正賑復領捐輸佐賑似可待

恭壽堂奏議

卷五

空八

至麥秋不致乏食臣等仍當察看情形臨時再
為酌辦所有查明災屬應需接濟緣由謹合詞
恭摺具

奏伏乞

皇上聖鑒訓示奉

硃批候旨施行

籌備災缺兵匠等糧疏

奏為籌備災缺兵匠等糧請截熟田漕米撥補恭

摺奏請

聖鑒事竊照本年江蘇各屬被災較重應徵銀米業

經臣等奏蒙

恩准分別蠲緩所有道光四年分應放旗綠各營兵

糧等項均因災缺據江寧藩司張志緒江安糧

道湯藩會詳稱本年司倉應需八旗綠營暨織

恭壽堂奏議

卷五

充

造機匠口糧並恤孤各項正閏等米除熟田應

徵並蘇州安徽各屬編款米石抵支外核計省

倉及漕河糧奇等標各營共計不敷米五萬石

又道倉南撫米石並幫丁行月等米共一萬八

千石請於附近省倉及雜標營較近之江揚各

屬本年應徵熟田漕糧內截留備抵又據蘇州

藩司王輅糧道楊本昌會詳稱綠旗各營兵米

織造局糧各屬恤孤等款共缺米六萬七千六

百一十五石零請於蘇屬之長洲元和吳縣暨
松屬之華亭婁縣熟田應徵漕糧內截留以濟
支放各等情詳請具

奏前來臣等伏查兵匠等糧計口授食今因災缺

必須預籌若循例採買不但司庫無款可動抑

且接壤災區有妨民食至各屬常平倉穀先已

因災平糶所餘無幾應備來春青黃不接之需

惟此截撥熟田漕糧屢經奏准辦理有案該司

恭壽堂奏議

卷五

充

道等循例具詳現既兵食有資而遞年成熟徵

還於額運漕糧仍可補足一轉移間似與軍民

兩有裨益合無仰懇

皇上天恩俯准於就近江揚蘇松等屬熟田漕糧內

按數截留以便濟放統俟各屬按限帶徵陸續

撥還搭運清欸至應減軍船由該糧道另行議

詳咨部外臣等謹會同漕運總督臣魏元煜合

詞具

奏伏乞

聖鑒訓示

恭壽堂奏議

卷五

五

再行遵 旨確查據實覆奏疏

奏為遵

旨再行確查據實奏請

聖鑒事竊臣接承

廷寄道光三年十月二十一日奉

上諭本年四月間淮南商鄭同瑞以總商黃滌泰侵欺

庫項列欸赴京呈控當交韓文綺會同延隆秉公

審訊業經該撫等查照單開各欸逐一根究均無

恭壽堂奏議

卷五

五

弊混將鄭同瑞量減擬徒黃滌泰革退總商具奏

矣黃滌泰充當總商多年其經手鹽課帑項數累

千萬恐挪移朦混在所不免朕風聞尚有不實不

盡之處必須澈底究辦不可遂其侵欺之計着韓

文綺接奉此旨再行確加查訪如該商果有前項

弊竇立即懲辦據實具奏欽此遵查鄭同瑞呈控

黃滌泰一案經臣會同韓延隆查照單開各欸

核卷訊供並無弊混定擬具

奏嗣蒙

殊諭發下批摺一件交臣嚴密訪查復經徧訪確查親提密訊黃滌泰別無罪狀請仍照前奏將黃滌泰革退總商作為散商隨同辦運伏候

聖裁於十月二十四日覆

奏在案茲於十一月初一日承准軍機大臣傳奉

諭旨前來恭查係在臣覆奏未到之先臣又敬繹

聖諭黃滌泰充當總商多年經手鹽課帑項數累千

恭壽堂奏議

卷五

七

萬臣不敢以節次查無弊混遂不復再事推求惟前就鄭同瑞所控臣與延隆逐款查卷已有數十宗之多分別鈎稽連旬逾月此外未控款目不但文卷繁多浩如烟海抑且運庫收放日逐需查勢不便通提冊檔窒礙難行若復傳質眾商更虞拖累臣再四思維查運司張青選到任未久人亦結實可靠且係前任之事無所用其迴護臣即諄札密委令其澈底根究去後茲

據稟稱經收鹽課係運司專責商人逐卯所納錢糧均報鹽院一切支項係詳奉批准始行動放商人無從干預且兩淮係先課後鹽絲毫不能通融滋弊其借領

帑項查有嘉慶六年廣儲司銀庫發商生息項下黃滌泰承領銀十萬兩本利已陸續全完又借領漢岸苗疆生息銀十萬兩已彙入專商借領項下分綱徵還黃滌泰充總三十餘年借項未

恭壽堂奏議

卷五

七

完只十萬兩較各總商為獨少其借領辦貢辦公銀兩歷係商納商支業經錢陞司等審明勒令獨賠三十萬兩此外逐細詳查實無經手隱混事件現在清查運庫如有不實不盡前後互異之處豈能任其朦混不據實查辦之理並將黃滌泰充當首總及領過銀數各卷宗申送到案均核與所稟相符正在辦理間接到前次會同審擬及臣密查覆奏摺各一件欽奉

上諭一道將鄭同瑞量減擬徒黃濬泰革退總商仍
畱散商隨同辦運等因臣跪誦之下仰見我
皇上鑒空衡平懲詐卹商之至意臣伏思運庫現已
清釐該運司所稟黃濬泰實無隱混之處自屬
可信且督臣孫玉庭鹽臣曾煥實心辦事久在
聖明洞鑒之中應請
旨飭令隨時就近稽查整飭俾虞詐之風盡革則蠶
務得有起色矣理合據實覆奏伏祈

恭壽堂奏議

卷五

十五

聖鑒訓示奉

硃批所奏俱悉

續獲邪教案內逸犯疏

奏為續獲山東省傳習邪教案內逸犯審明定擬

恭摺奏祈

聖鑒事竊查嘉慶十九年山東撫臣審辦邪教人犯
狄珍等一案原奏聲明逸犯狄珍等行令各督
撫嚴緝務獲審擬另結節經飭緝在案茲據邳
州知州李衢詳報掣獲形跡詭秘之狄珍一犯
搜查並無不法字跡訊據供認聽從先獲擬結

恭壽堂奏議

卷五

十五

之狄珍習教傳徒希圖獲福並無不法重情錄
供通詳經臣批飭確審擬解去後茲據徐州府
知府俞穎達飭委銅山縣知縣高攀桂會同該
州李衢審明定擬由府司覆審招解前來臣即
提犯親鞫緣狄珍籍隸山東蘭山縣與先獲監
斃之狄珍係小功堂兄嘉慶十一年九月有先
獲監斃素習兇卦教之直隸清河縣人孫起洛
時赴狄珍莊上售賣棉花與狄珍認識即勸引

入教狄珍先後勸令狄珍與已獲之狄興楊勝楊三黑王汝蘭王汝梅並未獲之杜子禮七人均拜孫起洛為師稱為總當家狄珍等希圖獲福允從孫起洛用紙一張圖畫人形指點講解稱天是一大人是一小天每日按早午晚時候兩手抱臂盤膝打坐運氣默念真空家鄉無生父母現在過去未來彌勒十六字凡遇同教無論曾否識面止須揚問一聲在裏嗎其人答

恭壽堂奏議

卷五

七

應在裏即知係同教狄珍等照依教法學習年餘轉傳已獲之解作周姬廷宗李克得劉伯良劉倚劉成斌並未獲之狄方如為徒狄方如等曾送給狄珍零星食物並未給錢嗣劉伯良又轉傳已獲之楊起賢等五人該犯等每年於秋收後各送給孫起洛錢一二百文不等並無確數名為如意錢同教中家有地畝力能照管者稱為當家能傳演教法者稱為領法因孫起洛

託狄珍照應同教均稱狄珍為當家各人所送如意錢俱交狄珍彙送十六年十一月狄珍囑狄珍送過孫起洛銀八兩至十八九年間同教之王言得等被嶧縣等處拏獲狄珍因孫起洛曾有入教後如被拏獲即差人往求解救之言遂令狄珍與杜子禮往找孫起洛求救豈知孫起洛並無解救之法該犯當即回歸潛匿經蘭山縣將狄珍及狄興等拏獲審辦並飭緝逸犯

恭壽堂奏議

卷五

三

狄珍等狄珍聞拏畏懼並因王言得等均被正法始知習教無益心中悔悟不敢再習亦未另行傳徒即改名劉玉琢因幼曾學醫在各處給人治病隨時得受謝禮錢數十文及一二百文不等隨醫隨走並無認識之人夜宿空廟涼亭亦無一定住址及知情容留之家本年三月間狄珍逃至邳州即經兵役拏獲審悉前情擬以該犯習教傳徒且在逃八九年之久恐另有為

匪不法及復行傳教惑眾情事嚴行究詰加以刑嚇矢口不移案無遁飾查律載左道異端之術煽惑人民為首者絞監候又嘉慶十九年新例內載凡傳習八卦等邪教習念荒誕不經咒語拜師傳徒惑眾者首犯擬絞立決又律載凡律自頒降日為始若犯在已前並依律擬斷又律註云如事犯在未經定例之先仍依律及已行之例定擬若例應輕者照新例遵行各等語

恭壽堂奏議

卷五

羌

此案狄玠聽從先獲監斃之狄珍入兌卦邪教復傳徒解作周等七人即屬為首若照嘉慶十九年新例應擬絞決惟該犯入教傳徒均在十九年定例以前照律罪止絞候且前獲同案入教傳徒之狄興等均奉

諭旨改為絞候該犯狄玠情罪相同應照律註仍依本律定擬狄玠合依左道異端之術煽惑人民為首者絞監候律擬絞監候事犯在嘉慶二十

五年八月二十七日

恩詔以前惟係邪教應不准援免該犯逃後訊無知情容畱之人亦無另犯為匪不法及復行傳教惑眾情事應毋庸議逸犯杜子禮等嚴飭勒緝獲日另結所有掣獲鄰省八卦教內傳徒惑眾人犯應敘職名係邳州知州李衢相應開報聽候部議仍飭查協獲武職照例咨部除將全案供招送部外所有審明定擬緣由臣謹會同協

恭壽堂奏議

卷五

牛

辦大學士兩江總督臣孫玉庭合詞恭摺具奏伏乞

皇上聖鑒訓示奉
硃批刑部議奏



韓大中丞奏議

受業 馬錫蕃 鄭長昕 編次

次孫泰 華敬錄

卷之六

目錄

請借兵丁銀米疏

請免解節省銀兩疏

恭壽堂奏議

卷六

籌撥加賞口糧銀款疏

請遞展熟田災緩積欠錢糧疏

驗收徒陽運河挑工疏

審擬阜寧縣民蘇萬全京控疏

特參驗審草率偏執原詳知縣疏

請動款修辦海口椿柵疏

請以故河臣入祀名宦疏

籌辦三吳水利疏

請豁部駁銀款疏

清單

查勘吳淞運道疏

興修三吳水利疏

截停浙省幫船興工徒陽運河疏

審明劣衿創刊鄉規感眾斂錢疏

謝賞養正書屋全集疏

恭壽堂奏議

卷六

二

請借兵丁銀米疏

奏為駐劄款收地方營分循例懇

恩借支糧餉銀米分季扣還歸欸以恤兵艱仰祈

聖鑒事竊照蘇省所屬各營坐落地方偶逢歉收之

歲歷經

奏請借給銀米有案本年蘇松常鎮太五府州屬

雨水過多田禾被浸茲據劉河等各營先後詳

報因駐劄區米糧昂貴兵丁買食維艱循例

恭壽堂奏議

卷六

一

請借銀米均經臣等批司查議去後今據蘇州

布政使玉輅詳稱查明各營均係駐劄被水地

方應請准其借給一季銀米核計劉河太湖左

右川河孟河柘林金山青村撫標左右蘇州提

右南匯福山江陰楊舍靖江蘇松鎮標中左右

奇鎮江吳淞常州京左平望提標中左前後城

守京右高賢等各營通共請借餉銀七萬二千

四百九十七兩七錢米一萬七千五百七十二

石五斗照例從道光四年春季為始同上屆各

營請借案內銀米除已經扣歸一半外尚有未

扣一半舊欸統計勻分八季一並扣還歸欸請

餉時於司庫正項地丁銀內動支兵糧米石於

各屬新舊南米並現在緩缺請截熟田漕米項

下撥給詳請具

奏前來臣等伏查各營兵丁偶遇歉年歷經奏奉

恩准借給銀米有案本年各屬秋禾被淹情形較重

恭壽堂奏議

卷六

二

據稱米糧昂貴兵丁糴食維艱尚係實情自應

循例恭懇

聖恩准其借給一季銀米統於道光四年春季起同

上屆未扣一半銀米在於應支月餉分作八季

攤扣還欸以裕兵食除飭司分別動放外謹合

詞恭摺具

奏伏乞

皇上聖鑒

請免解節省銀兩疏

奏為採辦紙張節省銀兩請免扣解統歸地丁報撥以濟經費仰祈

聖鑒事竊照蘇省每年京員採辦紙張等項價脚銀內奉部飭扣節省銀兩於司庫地丁銀內扣出造入估餉冊內報部撥用嗣於乾隆四十七年經部行令委員解部即從是年起至五十一年止先後委令便員搭解其五十二年起至六十

恭壽堂奏議

卷六

三

年止因扣存節省銀兩為數較多便員難以照料如專員起解運費無出咨准照舊造入估餉冊內報撥嘉慶元年以後又奉部行所扣節省銀兩仍行解部迨嘉慶十年起至二十三年復扣存銀兩為數較多難以解部時值江寧賑卹需銀

奏明湊撥濟用並請嗣後實用實銷毋庸再扣節省統歸地丁報部撥用旋准部覆已撥賑卹應

毋庸議其二十四年起行令查照成案辦理等因各在案今據蘇州布政使王輅詳稱京員採辦紙張等項奉部飭扣節省銀兩係按派辦料物而計每年自數千兩至萬餘兩不等如嘉慶二十四年至道光三年共扣節省銀三萬三千八百八兩零銀數較多勢難搭解若委員專解運費無出是以請免解部且本年蘇省被淹災重庫項支絀所需賑卹等項無款動支業經

恭壽堂奏議

卷六

四

奏撥鄰省庫項濟用來歲兵餉不敷尚須核數另請協撥所有採辦紙張節省銀三萬三千餘兩現在蘇庫需用甚多未便仍前扣出起解應從嘉慶二十四年起免其扣解統歸地丁報撥以歸簡易而裕經費詳請具

奏前來臣細核該司所詳既省領解之煩且裕餉需之用一轉移間於庫款益昭簡便除咨明戶部外理合恭摺具

奏伏乞

皇上聖鑒訓示

恭壽堂奏議

卷六

五

籌撥加賞口糧銀欸疏

奏為籌撥

加賞口糧銀欸仰祈

聖鑒事竊臣等接准部咨道光四年正月初二日奉

上諭上元江寧句容高淳六合江浦江都儀徵吳江

震澤常熟昭文崑山新陽青浦太倉鎮洋十七州

縣原查十九八七分戶口又長洲元和宜興華亭

婁縣金山江陰七縣除十分九分次貧戶口歸入

恭壽堂奏議

卷六

五

捐賑辦理外所有極貧戶口及銅山縣原查五分

之四百九十五莊豐縣勘不成災之新村等十一

里沛縣原查五分之坊一等十二里勘不成災之

千一等四里睢寧縣勘不成災之木橋等十八社

並揚州衛坐落江都儀徵徐州衛坐落銅山豐縣

乏食貧民軍佃均加賞一月口糧以資接濟等因

欽此臣等跪讀之下仰見

聖主惠愛黎元

恩加無已之至意當經恭錄轉行江蘇兩藩司欽遵
 頒發騰黃曉諭籌備銀欸詳請撥放去後茲據
 江寧布政使張志緒詳稱按照上元等縣衛正
 賑極次貧戶口核計約需銀二十三萬五千餘
 兩除上年正賑剩銀十二萬九千餘兩抵放外
 尚有不敷因司庫錢糧連年蠲緩無欸動撥移
 查龍江關堪撥銀六萬兩淮宿關堪撥銀二萬
 六千兩揚州關堪撥銀二萬兩共堪撥銀十萬
 恭壽堂奏議 卷六 十

六千兩又據署蘇州布政使林則徐詳稱吳江
 長洲等州縣按照正賑極次貧戶口除分別歸
 入捐賑辦理外核計尚需銀十八萬兩司庫現
 存春撥十二萬二千餘兩堪以動用移查許墅
 關可撥六萬兩各詳請
 奏明撥用前來臣等覆加察核該司等請撥銀兩
 均係照例核計在所必需相應
 奏懇

天恩俯准按數動撥以資接濟如有餘剩解司還欸
 設有不敷當於司庫正項欸內撥給並飭該管
 道府州督查戶口核實開報一俟撥到銀兩親
 查散放務期實惠均沾仍隨時嚴密察訪如有
 胥役尅扣冒濫情弊立即據實嚴叅究辦所有
 籌撥口糧銀欸緣由謹合詞恭摺具
 奏伏乞
 皇上聖鑒訓示
 恭壽堂奏議 卷六 八

請遞展熟田災緩積欠錢糧疏

奏為熟田災緩積欠錢糧懇

恩俯准按年遞展分限帶納以紓民力事竊照江蘇省上年旱潦歉區先經臣等奏蒙

恩旨分別蠲緩復查明成災田地通境五分以上之高淳吳江等州廳縣衛熟田錢漕援例

奏邀

恩准概予緩徵一面飭將未被災之成熟村莊應徵

恭壽堂奏議

卷六

九

熟田錢糧並屆限應徵節年舊欠體察情形轉

飭啟徵去後茲據江寧布政使張志緒詳稱查

江淮揚徐海五府州屬自嘉慶二十三年起至

道光二年止積欠錢糧除道光三年災區積欠

照例分別蠲緩其餘熟田未完銀米應於秋後

照常徵輸第均係積欠之區若責令依限帶納

是小民以一歲之所收完節年之糧賦力有未

逮所有上元江寧句容江浦六合山陽阜寧清

河桃源安東鹽城高郵泰州東台江都甘泉興

化寶應海州沐陽贛榆二十一州縣並淮安大

河亦衛熟田應徵災緩地漕銀米等項請從道

光三年秋成後起最遠年分帶徵一年由遠而

近以次遞及其徐州府屬之銅山豐縣沛縣蕭

縣碭山邳州宿遷睢寧八州縣並徐州衛連年

積欠閭閻匱乏較之江淮等屬更甚成熟之區

勉完新賦所有熟田積欠請從道光四年秋成

恭壽堂奏議

卷六

十

後起帶徵一年並據署蘇州布政使林則徐詳

稱查常熟武進丹徒丹陽金壇五縣自嘉慶二

十三年起至道光二年止歷年災緩積欠錢糧

先於道光二年秋災案內奏蒙

恩准展至道光三年秋成後各就最遠年分帶徵一

年在案茲該五縣上年復經被災即有薄收皆

係倍費工本既徵當年新賦復令帶徵積欠民

力殊形拮据請照奏明分徵原案再行展至道

光四年秋成後各就最遠年分帶徵一年以次
挨年催納又道光三年成災五分以上之吳江
昭文崑山奉賢上海南匯青浦清河宜興荆溪
太倉鎮洋寶山十三州縣並蘇州太倉鎮海金
山四衛幫熟田舊欠亦因民力未裕完納不前
並請於道光四年秋成後起作兩年帶徵完款
各等情詳請具

奏前來臣等伏查江淮等屬嘉慶二十二年以前

恭壽堂奏議

卷六

十一

節年未完災緩錢糧因頻年災歉不能以一歲
之所獲償數年之逋賦經前任督撫臣等酌核
情形於嘉慶十五二十一等年

奏請分徵在案今上元江寧句容江浦六合山陽

阜寧清河桃源安東鹽城高郵泰州東台江都

甘泉興化寶應海州沐陽贛榆二十一州縣並

淮安大河二衛道光三年成熟村莊多係頻年

積歉除徵新賦外其積欠自嘉慶二十三年至

道光二年止災緩地漕銀米等項合無仰懇

皇上天恩俯准從道光三年秋成後起就最遠年分

帶徵一年由遠而近以次遞及又銅山豐縣沛

縣蕭縣碭山邳州宿遷睢寧常熟武進丹徒丹

陽金壇十三州縣並徐州衛連年災歉成熟之

區勉完新賦勢難帶納舊欠請展至道光四年

秋成後起各就最遠年分帶徵一年以次挨年

催納吳江昭文崑山奉賢上海南匯青浦清河

恭壽堂奏議

卷六

三

宜興荆溪太倉鎮洋寶山十三州縣並蘇州太

倉鎮海金山四衛幫薄有收成之區悉係車庠

補種倍費工本若將熟田舊欠責令與新賦並

納徒費催科請於道光四年秋成後起分作兩

年帶徵以恤民隱而裕

國課除飭查造分徵緩帶細冊咨部外所有江蘇

各屬熟田災緩積欠錢糧酌核分徵遞展徵收

緣由謹合詞恭摺具

奏伏乞

皇上聖鑒訓示

恭壽堂奏議

卷六

十三

驗收徒陽運河挑工疏

奏為驗收徒陽運河挑工並開掘後催提漕船緣

由恭摺奏祈

聖鑒事竊照鎮江府屬丹徒丹陽二縣運河為江浙
兩省漕船經由要道該處河面窄狹水無來源
全藉江潮灌注用資浮送惟江潮挾沙而行水
去沙停易致淤滯向於回空過竣擇淺挑撈屆
六年大挑一次以利漕運上冬輪屆小挑先因

恭壽堂奏議

卷六

十四

夏秋雨水過多江潮異漲河身受淤較重以致
冬深水弱浙省回空幫船進口時有淺阻經臣
節飭該道府將擱淺船隻設法推挽南下其餘
未經進口之船籌議截留頃外先行煞項挑河
俟啟項首先催提進口臣親詣勘估工段銀數
業已恭摺具

奏一面嚴飭該道府督飭各工員遵照原估寬深
丈尺趕緊如式趨挑務使一律深通報候驗收

去後茲據署常鎮道錢俊鎮江府知府羅琦先
後稟報督飭工員集夫挑挖幸天氣晴和入夫
踴躍通工將次完竣臣隨於正月十六日自蘇
起程前進鎮江自丹陽尾工起至江口大堤止
逐段親加查勘所挑寬深丈尺均與原估相符
其餘撈淺各工亦皆如式鬲撈並無草率偷減
情弊隨飭將各子堤封墩次第起除全工驗畢
後即於二十日將兩頭大堤開放目擊江流下

恭壽堂奏議

卷六

十五

注勢甚通暢當將鎮江首幫重運漕船試行順
利隨飭令該道府將上年截留堤外之浙省回
空船一百餘隻首先催提進口趕緊歸次受兌
仍催令鎮常蘇松重運各船陸續前進渡江北
上並飭沿河各營將備一路催趨務令接續過
行倘有脫幫遲悞即當據實叅辦臣謹會同協
辦大學士兩江總督臣孫玉庭恭摺具
奏伏乞

皇上聖鑒奉
硃批知道了

恭壽堂奏議

卷六

十六

審擬阜寧縣民蘇萬全京控疏

奏為遵

旨秉公嚴審定擬奏祈

聖鑒事竊照阜寧縣民蘇萬全赴京呈控岳可維等

殺害伊弟蘇萬有身死賄買洪萬淋頂兇一案

經都察院奏奉

諭旨此案着交韓文綺親提人證卷宗秉公研審按

律定擬具奏原告蘇萬全該部照例解往備質欽

恭壽堂奏議

卷六

十七

此並准兵部將原告蘇萬全遞解到蘇遵卽飭

提人卷至省臣查此案控關謀命頂兇罪名出

入綦重訊辨倍宜詳慎隨率同署臬司王賡言

蘇州府知府額騰伊等臣親督提集犯證逐一

隔別研審緣洪萬淋籍隸安東蘇萬全梁萬和

均籍隸阜寧梁萬和同弟梁萬興梁萬昌向在

阜境黃河南岸合開魚行蘇萬全另在北灘王

姓魚行幫夥彼此素有訟嫌道光元年七月十

八日梁萬和弟兄三人雇船至黃河北灘收買

魚鰾將錢先給漁戶陸珍侯定買嗣嫌魚鰾潮

濕欲令還錢爭鬧經陳大學勸將魚鰾十一觔

折作十觔合錢完事陸珍侯受虧不甘向蘇萬

全告知蘇萬全因與梁萬和弟兄本有讐隙並

風聞梁家欲在北灘開張魚行爭奪生意更抱

不平許為陸珍侯出氣二十二日蘇萬全糾同

陸珍侯並馬芳等坐船前往梁萬和等船邊當

恭壽堂奏議

卷六

十八

卽過船梁萬昌攔阻蘇萬全用刀劃傷其右臂

膊右胎膊又同將梁萬和等弟兄用繩網縛在

船惟時蘇萬有未經同往比有賈正宏勸解蘇

萬全告以梁萬和等平日多收漁戶行用錢文

欲令立票還錢並另寫永不許至北灘收取用

錢筆據梁萬和等無奈應允蘇萬全將梁萬和

船內魚鰾錢文約共作錢十五千因數不敷勒

寫錢票又不信梁家弟兄經費正宏出名代寫

一百三十五千之票始將梁萬和弟兄解放蘇萬全將票分給漁戶而散梁萬和等畏兇不敢指告旋據梁萬昌將賈正宏控縣捏稱被劫冀俟賈正宏到官供出蘇萬全等差掣究辦經代理縣姚廷臣驗傷會勘提訊勒緝九月十一日蘇萬全之兄蘇萬百弟蘇萬有同在堂母舅沈成壁家修理農具蘇萬全並未同往梁萬和訛聞蘇萬全弟兄一同在彼起意捉掣送官卽糾

恭壽堂奏議

卷六

九

兇洪萬淋並屠正祖秦鳴鳳及已故之周履泰一共五人分掣刀鎗鞭棍往捉其時賈正宏因錢票係伊出名代寫趕往該處欲為說和梁萬和不允並令同行十二日偕抵沈成壁家一齊進內屠正祖與周履泰將草屋北間榻扇撥落蘇萬百走出周履泰用鎗戳其右膝受傷躲避洪萬淋見草屋南間芭門關閉心疑有人躲在裏面用刀向芭門戳進因刀長勢猛深透入門

卽聞哼聲洪萬淋拔刀見有血污當與梁萬和等逃散緣蘇萬有在內聞聲窺探甫至芭門邊斜立猝值刀戳傷由右肋橫透左肋卽時身死蘇萬百報縣驗緝旋據縣差訪獲洪萬淋訊認將蘇萬有用刀戳死迨經覆訊洪萬淋畏罪圖翻因岳可維曾談論伊等行兇生事卽捏供梁萬和先向岳可維商議岳可維主令同去捉掣復因屠正祖在逃推賴屠正祖之子屠殿元戳

恭壽堂奏議

卷六

十

死屠正祖囑其權認正兇等語該前縣賀雲舉詳經飭委山陽縣會訊一面差掣屠正祖等未到二年二月二十六日蘇萬全探知屠正祖屠殿元父子在龔家集躲避糾同馬芳等前往捉掣適屠正祖父子與獵戶汪六在彼閒談見而幫助卽將打獵鳥鎗點放轟傷馬芳左胎膊左手指汪六當時逃逸屠正祖屠殿元被蘇萬全等及在該處放賑委員孫逢瑞連鎗獲解該縣

提訊屠殿元先不承認及被洪萬淋堅質年輕
畏刑含糊招服迨經會訊屠殿元極口呼冤洪
萬淋亦即據實供明蘇萬有委係該犯隔笆戳
傷致斃不諱蘇萬全因洪萬淋曾供岳可維主
令糾毆屠殿元亦供認行兇疑有賄買頂兇情
獎赴臣衙門呈控批司飭審因犯供支離閃爍
尚未成招蘇萬全赴都察院呈控奏奉

諭旨交臣審辦屢提人證督同司府訊悉前情臣恐

恭壽堂奏議

卷六

五

洪萬淋實係受賄頂兇疊加研詰堅供如前復
訊屠殿元供稱先因被洪萬淋堅質且恐受刑
隨口混認其實當時並未同至沈成璧家眾目
共覩質之在場要證各供僉同蘇萬全亦自認
懷疑妄控矢口不移似無遁飾查洪萬淋聽從
梁萬和往捉蘇萬全等未見輒疑笆門內有人
藏躲用刀猛戳致在內之蘇萬有被傷身死核
與同謀共毆有間而蘇萬全毆網梁萬和等並

取其船上錢物蘇萬有未經同往亦非有罪之

人今洪萬淋將其傷斃自應仍以鬪殺科斷洪

萬淋合依鬪毆殺人者不問手足他物金刃並

絞律擬絞監候秋後處決據供親老丁單是否

屬實應俟秋審時照例查辦梁萬和因伊弟兄

被蘇萬全網毆勒票並不據實告官輒糾眾持

械捉拏以致洪萬淋將蘇萬有戳死實屬肇衅

釀命梁萬和應革去監生比依原謀杖流律杖

恭壽堂奏議

卷六

五

一百流三千里屠正祖秦鳴鳳聽從持械同行
並未下手應比照餘人律各杖一百屠正祖所
供馬芳鎗傷係獵戶汪六點放汪六現係在逃
恐狡供避就應將屠正祖監禁勒拘汪六到案
質明辦理蘇萬全京控岳可維主謀並屠正祖
賄買頂兇各情皆由洪萬淋供扳在先照供牽
控尚非平空誣陷惟糾眾將梁萬和等網毆勒
寫票據並將梁萬昌砍傷情同擾害姑念該犯

之弟已死非命不無一線可原蘇萬全應於兇惡棍徒生事擾害擬軍例上量減一等杖一百徒三年梁萬和蘇萬全均發配折責安置賈正宏先曾出名立票繼復被邀同往應與在場並不理阻之陸珍侯均照不應重律杖八十岳可維訊未主謀惟談論行兇案情致洪萬淋妄供牽訟亦屬多事應照不應輕律笞四十賈正宏係監生照例納贖陸珍侯等分別折責發落梁

恭壽堂奏議

卷六

三

萬和捐監實收追出繳銷梁萬昌原報被劫措詞失實亦屬非是第事出有因且畏懼蘇萬全不敢指告情尚可原應與訊未同行之屠殿元均與免議差役于相等究無賄囑情弊應毋庸議票據塗銷蘇萬全京詞牽敘岳可維包誣訟搶之案久已訊結無庸再議其蘇萬全牛車踐踏梁萬和麥地爭控及梁萬和糾搶陳高氏未結等案現在人證未齊應發回該縣就近訊明

詳結以免提省拖累兇器刀鎗等件隨招解驗案結飭銷魚鰓錢文已經分散各漁戶且為數無多免其追繳除將供冊咨部外所有審明定擬緣由理合恭摺具

奏奉

硃批刑部議奏

恭壽堂奏議

卷六

四

特參驗審草率偏執原詳知縣疏

奏為特參驗審草率偏執原詳之知縣請

旨解任質審以成信獄仰祈

聖鑒事竊照知縣一官職司民命遇有報驗事件必

須確核屍傷虛衷推究方足以昭詳慎而免枉

縱詎有豐縣知縣德豐者先據通詳該縣民婦

任趙氏因夫姪任魁行竊山東金鄉縣事主劉

廷清等家案內遞籍追贓後復竊鄰村邵姓衣

恭壽堂奏議

卷六

五

物致被毆傷回家該氏因其屢次為匪玷辱祖

宗起意邀同任魁之堂叔祖任敬將任魁用蘆

蓆包紮復邀同其族叔任謙族兄任小貞幫同

將任魁活埋身死等情經臬司林則徐以任趙

氏年逾七十任敬年逾八十何能將任魁用蘆

蓆包捲用繩網縛而任魁亦竟任聽包縛絕不

掙扎喊叫案多疑竇駁飭確審嗣德豐仍照原

詳情節將任趙氏審依期親尊長毆死積憤為

匪卑幼因玷辱祖宗起見忿激致斃者無論謀

故於毆殺本律上減一等例杖一百徒三年照

律收贖任敬任謙任小貞各照餘人律杖一百

將任趙氏議擬解府該府余穎達查核案情仍

多未確駁提全案犯證解郡飭委銅山縣高攀

桂會同研審供情支離邵姓事主屢傳未到經

該府親提研鞫始據任趙氏等供出此案所指

邵姓本名邵興因任魁與邵興父子邵全素有

恭壽堂奏議

卷六

五

難姦邵全曾將皮套褲借給共穿嗣任魁復圖

姦邵全之妻邵全因此挾嫌向任魁索還套褲

被任魁斥罵無情掌批其頰邵全愈忿隨於道

光三年四月初七日同父邵興並邵玉邵順及

工人岳鬼子將任魁誘出共毆因傷身死任趙

氏與任敬等並地保受賄私埋匿報該縣訪聞

差拘任敬畏罪串囑任趙氏等將姦情捏作竊

情藉稱屢次為匪致被毆傷忿激私埋不認受

賄並故匿邵興等之名稱為邵姓冀圖掩飾惟原報活埋一層訊據任趙氏等僉供實係死後擡埋並無活埋情事因該縣創驗屍身見項頸右邊有擡擦繩痕二道白色內畧帶微紅口鼻竅中微有沙泥兼以任魁如係死後包擦擡埋何以右臂膊拳曲在外自係活埋所致再三追究任趙氏等畏刑混認質之件作侯昌亦稱原驗屍身本不似活埋形狀各等情惟該縣德豐

恭壽堂奏議

卷六

二十七

堅稱實係活埋始終罔執節經勒掣邵全等犯業經遠颺若非啟檢屍傷則罪名出入攸關難憑定擬臣等查核該縣德豐驗審民命草率填報偏執具詳於指姦為竊賄串各情漫不加察聽兇犯改為事主有名諱作無名以致犯證在逃實屬玩視民命並恐有偏聽故縱情弊據該管道府查明揭報由藩司張志緒署臬司王賡言詳請參

奏前來相應請

旨將豐縣知縣德豐解任以便提集犯證質訊明確分別叅辦以歸核實除飭勒掣逸犯邵全等務獲究報一面飭委幹員馳往啟檢詳辦並委員接署豐縣印務查明德豐任內經手一切倉庫錢糧有無未清事件另行辦理外臣等謹合詞恭摺具

奏伏乞

恭壽堂奏議

卷六

三六

皇上聖鑒訓示

請動款修辦海口柵欄疏

奏為勘估海口柵欄動款修辦循例奏祈

聖鑒事據署蘇州布政使林則徐詳稱據太倉州知

州張作楠詳報該州統轄沿海花埠浪港蕩菑

錢涇新涇五處海口柵欄上屆係於嘉慶十八

年動項修釘歷今十載有餘地居沿海風潮搖

撼致多損壞漂失已逾固限亟應修理飭據該

州親詣勘明實緣鹹潮漫擊年深朽爛應行釘

恭壽堂奏議

卷六

三

堵新柵估需工料銀四百五十九兩零應請循

例在於司庫耗羨項下給辦等情詳請具

奏前來臣等查動支司庫耗羨存公銀兩修建工

程無論銀數多寡例應具

奏今太倉州境內花埠浪港蕩菑錢涇新涇五處

海口柵欄風潮搖撼損壞漂失亟應修理飭據

該州知州張作楠親詣勘明實係年深朽爛必

須釘堵新柵估需工料銀四百五十九兩零應

請循例准於司庫耗羨項下動給趕修以資保

護仍俟工竣委驗明確另取實用冊結報銷理

合循例恭摺具

奏伏乞

皇上聖鑒奉

硃批轉行遵照

恭壽堂奏議

卷六

三

請以故河臣入祀名宦疏

奏為地方紳耆請以前故河臣入祀名宦並愿捐

建專祠據情代陳仰祈

聖鑒事竊查前河臣黎世序在任病故仰蒙

皇上軫念忠勤

恩加贈卹既邀易名

盛典復

命入祀賢良

恭壽堂奏議

卷六

三十一

恩禮優隆實所罕觀不特黎世序哀榮備甚銜結九

原即凡在臣民亦莫不觀感興起有發於情不

自己者前據清河縣紳耆丁如玉等聯名赴臣

等衙門呈稱南河故督黎世序自嘉慶十七年

奉

命督河忠清亮節沐雨櫛風其忠謀至計奠安河湖

節

帑庇民堪垂法則均已仰邀

聖主明鑒

異數頻加惟如玉等生長此土近隸編氓追思功德

在民咸深哀感緣清邑地當河淮要衝時瀕危

險自黎故院興築圍堰增培遥堤俾南北兩岸

咸臻鞏固民獲乂安而且遇災捐賑重修學校

以養以教有幹有年念樂利之蒙庥思馨香以

報德維茲嘉浦神所憑依粵稽古典宜修祀事

伏乞據情上達邀請入祀清河縣學名宦並懇

恭壽堂奏議

卷六

三十一

俯准紳耆等捐建專祠俾伸感慕以垂久遠等

情具呈前來等因伏稽往事

國朝河臣功業顯著者如靳輔齊蘇勒穆魯曾筠高

斌均入祀名宦並建專祠載在祀典今黎世序

宣力河防安瀾著績而且保衛民居畱心學校

裨益宏多前徽克紹該紳等請修祀典羣情踴

躍臣等訪察輿情實出至誠不敢壅於上

聞除入祀名宦應令地方官開造事實清冊循例詳

題辦理外所有閭邑紳耆愿建專祠之處合無仰

懇

聖恩俯俞所請准其擇地建立俾展感慕而申誠悃
洵足為遺愛在民之勸謹會同江蘇學政臣周

系英合詞恭摺具

奏伏乞

皇上聖鑒訓示

恭壽堂奏議

卷六

三

籌辦三吳水利疏

再三吳水利為東南財賦攸關本年夏秋霖潦
異漲雖非常有之事然積水泛溢江浙大郡悉
遭水患實由太湖分洩水道年久淤墊去路不
暢所致查太湖跨江浙蘇常湖三郡周圍數百
里凡杭嘉湖宣歙諸路之水無不匯歸太湖三
江分趨於海三江形勢在太湖東北為劉河即
古之婁江東南由黃浦入海者為東江其中即

恭壽堂奏議

卷六

三

為吳淞江蘇郡居太湖西北其水道一向東南
流通吳江震澤以趨劉河一向北流通常熟昭
文兩縣分入白茆七鴉口福山口歸海自乾隆
二十八年大加疏浚之後劉河吳淞白茆雖曾
先後興挑然未窮源竟委逐節疏通每遇雨少
之年海潮挾沙往來清弱不能暢出滌沙日漸
淤墊其間河港泖蕩潴水之區非日久為茭草
湮塞即為趨利姦民占築圍補致多阻格旱則

水不通流灌溉難資潦則諸水滙於太湖僅藉一線吳淞為去路勢不能不泛溢為患數郡士民莫不延頸踵踵仰望大加浚治維時水勢汪洋無從查勘措手臣等深恐積水難消二麥不能佈種難以安定人心察看情形惟劉河一支分洩較為切近先將前此疏河餘剩銀款飭令松太道龔麗正提交太倉州張作楠就該河淺處抽溝疏導加以天時連晴數月積水漸消高

恭壽堂奏議

卷六

五

田均得涸種而低窪之區猶未盡乾涸則以三江尾閘未暢太湖水勢尚旺故也設今不治則湖面未能騰空一遇夏秋水發實為可慮但地連數郡欲加挑疏非周歷確勘深悉形勢無從措手施工江蘇兩屬地方官各有應辦事件亦少諳悉河務之人查有因公降調原任淮海道沈惇彝因有銷算事宜自浙江原籍赴浦該道老成廉幹熟諳河務臣等商定河臣黎世序於

其事竣調派來蘇會同松太道歷勘大概形勢三江白茆間段淤淺處甚多皆宜挑浚設開啟閉使蓄洩有方早潦有備以收久效若僅圖目前水利旋疏旋淤徒滋勞費於事無益臣等查江浙東南數郡為

國家財賦之區水利不修一遇早潦歉收不但歲額蠲緩兼需發帑賑貸得失判然第工鉅費繁籌辦非易必須再加確切估計通盤打算措置有

恭壽堂奏議

卷六

三六

方始可縷析條分據實上陳恭候聖裁臣等受恩深重固不敢輕率興動難圖厥成亦不敢畏難苟安坐致貽誤現與司道府州悉心商榷並咨浙江撫臣一體查議博採眾論集思廣益籌措經費分年次第興辦期於國計民生稍裨萬一容俟得有成議另行詳晰陳奏請

旨遵行謹先附片奏

聞奉

硃批通省水利攸關甚鉅豈有坐令貽悞之理當隨時相度計出萬全方為克稱職守然要在得有實效勿徒費周章也悉心查勘妥議具奏詳慎行之

恭壽堂奏議

卷六

三十七

請豁部駁銀欸疏

奏為江蘇省前辦二次清查請豁部駁銀欸查與

恩詔准豁條款相符循案奏懇

聖恩豁免以昭畫一而歸核實事竊據江寧布政使

張志緒署蘇州布政使誠端各詳稱江寧等屬

上屆二次清查案內舊虧抵墊未補銀兩內除

咨追應聽他省查辦及官虧抵墊有著等項外

實未完銀四十八萬三千三百六十三兩零未

恭壽堂奏議

卷六

三十八

三千六百八十九石零蘇州等屬實未完銀八

十四萬四千三百二十三兩零米豆一千二百

九十八石零均核與

恩詔准豁條款相符經詳奉咨准部覆除核明

恩詔豁免條款相符者奏明豁免行文銷案外其餘

止有縣名並無員名及各該員存歿並

恩詔以前有無結報案據未據聲敘等因當查奉駁

各欸江寧等屬共計未豁銀一十四萬二千三

百一十六兩零米三千六百八十九石零蘇州等屬共計未豁銀五十二萬五千七百六十四兩零內除原任蘇屬各員現任他省及丁憂回籍有官可補並查抄原籍房屋抵繳庫項各款共銀二萬一千二百九十八兩零應分咨各省追繳報撥原缺蘇省庫項仍由蘇省彙案登銷外實未豁銀五十萬四千四百六十六兩零均遵奉部飭逐一聲敘開造登覆欸冊詳咨奉部

恭壽堂奏議

卷六

三九

以奏明道光二年十二月封印截止之後查覆且係截止時未經准豁之欸未便歸於

恩詔豁免之內應飭查照各原案一體着追等因復查未完各欸原於道光元年八月內詳經咨部請豁迨三年正月方奉部文行查是豁免追贓銀兩雖蒙

奏明於二年十二月封印日為止但請豁原案實係元年八月內詳咨且奉查各欸業將員名及

存歿並結報有案之處一一聲明其定案追賠實在

恩詔以前悉與准豁條款相符並無舊欠新虧牽混之弊今若遵奉部議查照原案一體着追不特原官均多事故徒事追呼有名無實而以

恩詔應免之欸因前未分晰聲敘致未能共邀恩豁亦屬向隅况查道光三年安徽省具

奏官墊民欠分別辦理一摺經戶部議覆分別免

恭壽堂奏議

卷六

四

其着追亦在二年十二月封印截數以後今江蘇各屬事同一律詳請

奏懇

聖恩豁免以廣

皇仁而省滋累等情前來臣查江蘇各屬前辦二次清查未完請豁各欸銀兩咨准部駁江寧等屬未豁銀一十四萬二千三百一十六兩零米三千六百八十九石零蘇州等屬未豁銀五十萬

四千四百六十六兩零現據江蘇兩藩司查明
請豁各欸定案追賠實在

恩詔以前悉與准豁條款相符若遵部議查照原案
着追不特原官均多事故徒事追呼有名無實
且道光三年安徽省具

奏官墊民欠分別辦理一摺亦在二年十二月封
印截數以後業經戶部議覆奏奉

恩旨免追在案江蘇省事同一律經該司等循案詳

恭壽堂奏議

卷六

聖

請具

奏臣覆核無異所有請豁各欸理合開列清單恭
呈

御覽合無仰懇

皇上天恩俯准一體豁免以符

恩詔而示同仁謹會同協辦大學士兩江總督臣孫

玉庭恭摺具

奏伏乞

皇上聖鑒奉

硃批戶部查核具奏

恭壽堂奏議

卷六

聖

清單

謹將江蘇省各屬前辦二次清查未完請部駁各款銀兩開列清單恭呈

御覽

計開

江蘇等屬

一山陽桃源安東三縣上屆初次清查案內抵墊未補銀共六千二百九十九兩二分四釐

恭壽堂奏議

卷六

聖

初辦清查時已成無着歸於現任代賠歸補核與

恩詔內部議條款凡分賠代賠之項一概豁免之條相符

一虧缺無着項下前任句容縣已故知縣方菁等十一員共應追虧缺銀四萬三千二百六十八兩九錢一分九釐俱於

恩詔以前查明產盡無完歸於無着項下調劑及責

成後任代賠核與

恩詔內部議條款本員無完事非經手人非同案分賠代賠豁免之條相符

一嘉慶十四年以前墊完民欠銀五萬二千二百六十四兩一錢一分四釐米三千六百八十九石五斗一升五合七勺又書役欠款攤賠銀二萬九百八十四兩八錢三分又前任寶應縣已故知縣方恩承等四員應賠墊解

恭壽堂奏議

卷六

聖

民欠各款共銀二千六百四十二兩五錢一釐以上三款內如墊完銀米因民欠奉豁免可着追責令經墊之員賠補書役欠逃亡故絕無可追補在於經墊之員名下追賠核與恩詔內部議條款凡民佃書役欠款無着在於經管各員名下代賠者一概豁免之條相符

一江寧等十州縣攤捐無着等銀一萬六千八百五十六兩九錢九釐係原抵應領續因核

減不准請領或本案攤廉代扣未完無着核與

恩詔內部議條款凡因公核減攤捐代賠一概豁免之條相符

以上共請豁免銀一十四萬二千三百一十六兩二錢九分七釐米三千六百八十九石五斗一升五合七勺

蘇州等屬

恭壽堂奏議

卷六

聖

一各州縣節省彌補無着補剩未完銀二十三萬九千五百二十四兩三錢六分七釐均係接收前任原虧非入亡產盡即官叅籍沒因而現任為之彌補核與

恩詔內部議條款事非經手人非同案豁免之條相符

一各屬攤賠嘉慶十四年以前墊完民欠銀一十七萬六千二十四兩四錢二分二釐原係列

入二次清查追補嗣緣嘉慶二十二年以前積年民欠奉豁免無徵因而查照

廷議章程按成分賠攤之於官實係官代民賠與案外嘉慶十五年以後至二十二年之官墊民欠並無二致今案外攤賠民欠已奉豁免所有前項官代民賠事同一律且核與原奉部議書役民佃等無着欠項例得查辦豁免之條相符

恭壽堂奏議

卷六

聖

一無官可補之前署陽湖縣已故知縣畢開煜鄧文鏡李紹洛等三員未完官欠銀八萬八千九百二十一兩五錢八分二釐實係因公挪缺業經請咨各原籍訊取隣保戶族人等實無家產亦無資財隱寄具結覆蘇並又確查原籍無家可訊之鄧文鏡一員係寄寓丹徒縣行據該縣結報實係家產盡絕無可着追專案詳請咨覆在案現在畢開煜鄧文鏡

兩員已經物故李紹洛一員病廢罷職均係赤貧無追與原奉部議本人挪移應行查辦之條相符其結報雖在

恩詔以後而款項實在

恩詔以前應請仍照挪移條款查辦請豁

以上共豁銀五十萬四千四百六十六兩三錢七分一釐奉

硃批覽

恭壽堂奏議

卷六

四七

查勘吳淞運道疏

奏為吳淞運道遵

旨詳查妥議據實覆奏仰祈

聖鑒事竊照吳淞江為漕運經由要津前因間有淤

淺仿照成案請將重運改由黃浦泖湖行走以

期妥速惟查吳淞江於嘉慶二十四年挑浚甫

經四載因何復有淺阻之處是否來源不旺未

能通暢抑係原挑不實必須再加疏濬另飭履

恭壽堂奏議

卷六

四七

勘妥辦等因奏奉

硃批詳查妥議不可稍有浮冒不實之處欽此臣等

伏查吳淞為禹三江之一上承太湖之水由湖

歸江由江入海不但為重運商船往來要道且

關係蘇州松江太倉三府州屬之農田水利實

非細故嘉慶二十一年前撫臣胡克家勘估興

挑民捐民辦需銀二十八萬三千兩零歸沿河

州縣按歲徵糧額分作兩年攤捐於二十三年

捐足興工民間自為經理二十四年二月工竣
歷二十五年道光元年並無淤滯農商稱便節
經

奏明有案其復有淺阻之故臣等再三推究察訪
輿情道光二年秋冬雨澤稀少各處河道積水
皆小來源不旺海潮挾沙而進清水無力刷滌
以致漸形淤淺未能通暢適值重運趨行之際
不得不改由黃浦泖湖行走據實奏

恭壽堂奏議

卷六

四九

聞維時實在情形僅止間段有淺漕船未能一律過
行迥非嘉慶二十三年未挑以前淤塞幾成平
陸者可比本年夏秋雨水盛漲現當深冬水退
之後據該司道等稟稱測量底水尚自三四尺
至丈餘不等並非原挑不實臣文綺親詣察勘
悉與所稟相符惟是吳淞居三江之中承太湖
之水經崑山嘉定青浦上海四縣以趨於海今
年太湖水勢甚旺是以吳淞積水猶深第來源

弱旺靡定難以目前勘測為準利漕速運籌策
宜周臣等查上海南匯川沙三縣廳糧艘自嘉
慶二十一二三等年暨本年前後凡五運改道
黃浦泖湖並無風水之虞其吳淞一帶歷年行
走亦屬穩便相應議明具

奏嗣後准令該司道臨時相度兩路俱可行走勘
吳淞消長之情形以定該三縣廳漕舡趨行之
路免致逐年臨事再

恭壽堂奏議

卷六

五

奏庶歸簡易而成便益謹合詞恭摺具
奏伏乞

皇上聖鑒訓示

興修三吳水利疏

奏為勘明三吳水利酌分先後興修恭摺奏懇

聖恩借項辦理以疏壅滯而衛民生事竊臣等前將

江蘇省應辦水利事宜附片會陳欽奉

硃批通省水利攸關甚鉅豈有坐令貽悞之理必當

隨時相度計出萬全方為克稱職守然要在得有

實效勿徒費周章也悉心查勘妥議具奏詳慎行

之欽此仰見

恭壽堂奏議

卷六

五

皇上念切勤民工期實濟臣等跪誦之下欽服難名

當經飭據蘇松太道龔麗正會同調派勘估之

原任淮海道沈惇彝督同太倉州知州張作楠

及該管府州縣等遍歷各屬水道確勘情形酌

籌辦法並由藩臬兩司會議分別緩急稟辦前

來臣孫玉庭曾經

奏明於校閱蘇松營伍之便順道查勘吳淞江劉

河等處臣韓文綺亦即親往江震下游一帶周

歷柳湖浦港逐加看視伏查江浙之水以太湖

為巨浸延袤數百里承納杭嘉湖宣歙諸路來

源禹貢所謂震澤周禮所謂具區是也太湖之

水奔赴而東則必由運河以達江由三江以注

大海其間又有支河汊港湖蕩浦塘為之次第

傳送必使節節通暢派別源流則來者可容去

者無阻然後無泛溢之害而有灌溉之利古之

稱三江者曰東江曰吳淞江曰婁江迨後東江

恭壽堂奏議

卷六

五

失其故道遂以江震下流澱泖一帶歸於黃浦

江之水當之此東南入海之路也吳淞西承江

震運道東會黃浦尾閭此居中入海之路也婁

江即今之劉河坐落太倉州境此東北入海之

路也婁江之北又有白茆河坐落常熟昭文縣

境分承蘇屬之長元吳常屬之江陰無錫諸水

下注揚子江尾入海此又於三江之外別為一

大支者也以上四者皆太湖所由歸海之要道

未便闕一不治惟是一時並治工鉅費繁蓋總道雖只四條而港汊不啻百出水之行於地下猶血脈之行於人身一節未通卽百節因而受病試以大端言之如治東江則凡在黃浦上游自太湖邊之牛芽墩浪打穿唐家湖一帶及運河諸港並入泖出泖凡歸黃浦各水道均應逐節疎通而大泖圓泖長泖多已成為蕩田淤塞尤甚小民惑於近利但冀目前之水可變為田

恭壽堂奏議

卷六

五

不知他日之田悉淪於水今為全局而計不可不挑挖寬深以除阻遏也治吳淞江則自江震境內之十七橋十八港起並瓜涇港寶帶橋兩路均為湖水入淞之咽喉而港身多屬蘆灘橋洞半皆積土下及龐山湖大斜港一帶蘆蕩尤多其自青浦之四江口以迄上海之萬安渡幹河既須大挑支河亦須遍濬也治婁江則自鮎魚口胥口銅坑口之沿湖蘆灘及木瀆市河蘇

韓大中丞奏議

卷六

州城河並崑新大鎮沿城河道均須擇要挑撈其自半涇灣以至海口雖經上年捐辦抽溝而未能寬展尚須大加開挖使之通暢也至白茆一河上流不甚淺塞自渡船橋以東幾至淤成平陸惟挑濬寬深俾有建瓴之勢始足以資宣洩也又凡江尾入海之處必有海潮往來來則挾沙去則淤墊昔人云每一潮約淤一錢之厚以一日兩潮計之經年累月卽已不勝其淤故

恭壽堂奏議

卷六

五

前人之治三江必先修建閘座潮來則下版以禦之潮去則啟版以刷之亦猶河工蓄清敵黃之意從前吳淞江劉河皆有石閘白茆亦有滾水壩近惟劉河之閘修理較易其餘皆已廢壞漫無關束溯查乾隆二十八年修濬三江水利一次祇就彼時現存閘座為之經理迨嘉慶二十三年吳淞江雖曾重濬而閘座已壞未議修建是以逐漸灌淤江身仍復淺窄今欲為久遠

一一三

之計不惟切攤挑浚務在寬深且須建閘禦潮以時應閉凡此皆導湖入江入海之辦法也若論一勞永逸之計原應全工統辦一氣呵成所以不敢遽議者則以

國家費有常經而閘閘力有未裕耳然東南財賦所出若不設法籌辦一遇旱潦為災不但蠲緩額糧且須發帑賑貸何以上紓

國計下裨民生臣等再四會商惟有於各條水道

恭壽堂奏議

卷六

奏

之中擇其除害尤急需費較輕者先行修治其餘分年興辦庶工用可期湊手查吳淞江係太湖正派理應先辦然工段最為綿長而閘座又須重建據委員約估挑挖土方又建閘工料幾及四十萬兩其劉河白茆亦據分段約估合計兩處所費較之吳淞一處僅多萬餘兩但劉河稍偏於北而白茆更在北隅論地勢皆南下北高論水性則去高就下上年蘇州府屬被水之

恭壽堂奏議

卷六

奏

處常昭二邑較崑新江震為輕蓋由沿江皆有閘身高於平地故也今權其勢之緩急則白茆劉河祇可暫緩而酌其費之重輕則吳江亦不得不緩臣等督同司道及府州縣相度機宜惟有將太湖下注黃浦之一路先行挑濬緣該處地勢偏於東南為江震二邑下流上年該二邑被水最重至今尚有未涸之田亟須謀為宣洩且黃浦最為深暢因其勢而導之即為眾水之所爭趨並浙省杭嘉湖之水亦皆得有歸宿據委員所估約需十五六萬兩經費較為節省臣等擬將此段水道即於今年先辦其吳淞劉河白茆等處請俟明後兩年以次挑淤建閘務期一律深通不使有草率將就之弊此又臣等審度時勢酌分先後辦理情形也至此項經費查乾隆二十八年成案係先借帑給辦按田畝徵還伏思事關水利農田本應民

捐民辦惟是上年被災之後民力拮据疊蒙

恩旨下頒正供尚在蠲緩似此工繁費鉅自難先事

鳩資我

皇上軫念民依有加無已臣等仰體

聖意惟有循照成案懇

恩借帑興辦仍於工竣後按照得沾水利之州縣分

年攤徵還欸查江寧江蘇兩藩庫各有封貯銀

四十八萬兩原備本省緊要公用今三吳水利

恭壽堂奏議

卷六

五

事係要需似應於該欸內借動惟查辦理災賑

各案已將封貯銀兩陸續

奏明借撥多未歸還是以江寧捐監案內奉

旨收足五萬兩先行解部續收足五萬兩歸補封貯

而蘇藩庫復開捐監案內先以籌辦直隸水利

概令解京繼又奉准部行即將此欸歸補封貯

臣韓文綺於本年二月分奏報監銀片內聲明

江寧收捐一十萬三百五十兩江蘇收捐五萬

兩應續解部備撥今臣等復思本省應辦水利

攸關甚鉅而所擬借動之封貯本欸一時尚少

實存合無仰懇

皇上天恩將前項奏報監銀共一十五萬三百五十

兩先准留於本省提歸封貯欸內以充本年辦

理東江一路水利之用並請此後兩藩庫續收

捐監銀兩概令暫緩解部儘數提還封貯之欸

即於該欸內陸續墊給水利經費以便分年挑

恭壽堂奏議

卷六

五

濬俟封貯原數補足仍將監銀全行解京其按

畝攤徵之銀如何酌量分數何時攤起何時徵

完容再察看輿情

奏明定議如此一轉移間於要工大有裨益而東

南民力可以就紓益當頂頌

皇仁同歌樂利如蒙

俞允臣等再飭該司道等先將本年應辦工段方價

確加細估開具銀數清單縷晰核

奏一俟冬令水落卽行興工其餘分年工段亦隨

時估計

奏辦總期工歸實用不使稍有虛浮並遴派廉能

熟練之員分投承辦明立賞罰章程其奮勉妥

速者分別存記事竣量請

恩施如草率遲延或查有偷減立即嚴叅懲治不敢

稍事姑容至疏展河道或逢灣切嘴或剝灘抽

渠因而挑挖民田勢有難已其陞科者查明豁

恭壽堂奏議

卷六

五

賦酌給墾資私佔者勒限剷除如違究辦臣等

益當殫竭愚誠任勞任怨恪遵

批諭詳慎籌辦不敢徒費周章俾東南財賦之區害

去利興以仰副

宵旰勤求於萬一所有勘議先後借款辦理緣由謹

合詞恭摺具

奏並繪圖說恭呈

御覽伏乞

皇上聖鑒訓示

恭壽堂奏議

卷六

李

截停浙省幫船興工徒陽運河疏

奏為浙省回空幫船因江口河道淺阻循案截停

先將徒陽運河煞壩興挑並勘估工段銀數恭

摺奏請

聖鑒事竊照鎮江府屬丹徒丹陽二縣運河為江浙

兩省漕舡經由要道該處河身窄狹水無來源

全藉江湖灌注用資浮送每日潮汐挾沙而行

水去沙停易致淺淤定例於每年回空過竣後

恭壽堂奏議

卷六

空

擇淺挑撈屆六年大挑一次以利重運本年輪

屆小挑節飭沿河文武員弁將江浙回空各幫

加緊催趨以便如期煞壩惟緣本年夏秋多雨

江湖異漲該處當朝夕消長之區水盛沙多積

淤厚於往歲在前之蘇松各幫尚無阻滯迨冬

深潮弱節露淺灘經臣嚴飭道府縣竭力疏濬

集夫牽拉並咨會漕臣飭令該備弁嚴押幫丁

將土宜等物盡數起撥時值小汛期內有已進

京口之浙省幫船一百六十餘隻壅滯猪婆灘

一帶復籌令設法推拽車水倒灌幸值南風凍

解口內各船於十二月十五日全行趨過猪婆

灘跟踪歸次卽於是日將江口大壩堵築其尚

未進口幫船一百七十餘隻循照嘉慶十四十

九二十四等年成案截停壩外俟挑工完竣啟

壩後先行催提進口兩無延誤並據署常鎮道

錢俊鎮江府羅綺詳報督同丹徒丹陽兩縣逐

恭壽堂奏議

卷六

空

段測量勘得丹徒境內自江口起至丹徒橋上

止河長三千七百五十五丈又自營房起至越

河關上止河長六百五十丈逐段淤淺應請煞

壩開挑又江口壩外淤灘一段挺入河心又鴨

蛋行至猪婆灘小扔下等共十四處各段內南

北兩岸俱有陽灘共長五百丈應於挑工之外

統行估勘又壩外淤灘難以築壩興挑應同零

星淺溢之東壩等十七處共長一千三百三十

丈俱應一律估撈統計挑撈切灘築壩及修換各開板繩索等項共估需銀一萬四千二百四兩一錢零又丹陽境內旱缺口起至張官渡上河長九百丈又觀音山起至馬棚下河長八百丈水多淤淺均應熬壩開挑又馬橋對岸等三處俱有陽灘共長五十五丈應行估砌又定山灣等二十處共長九百四十丈間段淺溢應行估計需銀四千八百四十五兩七錢零合計該

恭壽堂奏議

卷六

奎

兩縣各工通共估銀一萬九千四十九兩九錢零向應動支之丹徒縣樂生洲租息現已蠲緩無徵該藩司請於司庫存公鹽規及武職空缺等款銀內動給趕辦等情具詳前來臣即於十二月二十二日自蘇起程前赴鎮江查勘應挑應撈工段均與道府等估報相符復將原估各段丈尺逐一標立誌樁加封灰印以杜偷減之弊並責成該道府親駐工所嚴督各工員趕緊

挑撈勒限於來歲正月內全行蒞事仍於工竣未啟壩三日前行稟明屆期臣親往驗收如查出挑撈寬深丈尺與原估標誌不符即當據實參辦務期一律深通以利重運其未進口之幫舡一百七十餘隻即截留牌灣一帶飭令該處管縣妥為彈壓照料俟開壩後首先催促進口南下再令江浙重運挨次出江查來年遇閏且各幫又有減運之舡不虞遲誤除查取土方

恭壽堂奏議

卷六

高

夫工細冊另行分別具題咨部外所有循案截停浙省幫船先行熬壩與挑並勘估工段銀數各緣由謹會同協辦大學士兩江總督臣孫玉庭合詞恭摺具

奏伏乞

皇上聖鑒奉

硃批知道了

審明劣衿創刊鄉規惑眾斂錢疏

奏為審明劣衿創刊鄉規惑眾斂錢各犯分別定

擬恭摺奏祈

聖鑒事竊照句容縣劣衿于先庚等創立鄉規刊刻

成書播弄鄉愚散布斂錢一案先經臣等將查

拏獲犯提審緣由具

奏欽奉

殊批所辦俱是知道了欽此遵即札行江寧藩司督

恭壽堂奏議

卷六

空

府審解去後茲據該司張志緒督同道銜江寧

府知府余霈元等審擬詳解前來臣孫玉庭親

提審鞠緣于先庚即于星垣夏以松筮瑞庭均

係句容縣學文生王德昭即王兆祥戴錦山係

屬民人王德昭先於嘉慶二十四年聽從在逃

之胡萬年扒毀張金召房屋罪應擬徒援

赦免緝復因京控擬杖援

赦寬免該縣漕倉建在龍潭地方向有各鄉糧戶於

附近官倉蓋造民廩以備貯米聽候解收兼有

無嚴圖分須向他圖租賃存貯于先庚以為不

便又見倉基低窪久未修理起意托詞改造倉

嚴約齊各鄉圖糧長設局派捐藉圖斂錢肥己

恐眾人不依將地方公事創議規條刊刻成書

按圖分散並建造

皇亭

龍牌欲待開倉之時擡赴龍潭冀乘各鄉糧戶齊集

恭壽堂奏議

卷六

空

易於號召兼可挾制官長隨於三年二月初間

與王德昭夏以松筮瑞庭及逸犯胡萬年商定

即寫傳單令在逃之張餘成茅正英分赴各鄉

傳知眾糧長訂於二十八日齊集其家議事屆

期王德昭戴錦山夏義友王恒興即王世理及

在逃之吳啟璉許麗元茅正英章錦武張泰申

張餘三王秉周桂雲海筮其昌王茂書秦淮賢

等齊至于先庚家于先庚聲言地方一切公事

現須議定鄉規刊板刷印分散各鄉圖一體遵辦並造牌亭及演戲豎碑等事需費不貲應照通縣漕糧派令糧戶每石出錢三十文計可得錢一千餘千文以作經費當議設局在小花山于先庚家祠內于先庚與伊兄于元福及王德昭吳啟璉在局辦事許麗元專管賬目戴錦山與胡萬年章錦武亦常赴局照應所派錢文責成各圖糧長轉向糧戶按米派捐收錢送局于

恭壽堂奏議

卷六

七

先庚隨創立鄉規五十六條議以每年兩鄉輪流為首每鄉各派董事四人通十六鄉共六十四人永遠在局分作八班各派執事每年十六鄉會合三次名會大鄉每鄉十三圖亦會三次名曰會小鄉限以時刻遲則公罰會合大鄉每次每人派出錢二百文小鄉減半如局內有事需費各圖不到欠一罰一其餘各條皆以地方公事為名藉端科斂意在侵蝕把持尚無違悖

字句于先庚做就底稿送交夏以松商定並誤序一篇並送給錢布酬勞隨又抄錄徵漕例禁

歷奉

上諭部文及訟案呈詞列於規條之前後列各圖坐落村莊及董事姓名分作四卷並自作序列於卷首偕同吳啟璉攜帶原稿交素業印書之張陞太包為刻印言明先印五百部給紙工價錢一百五十千文張陞太轉交刻字匠洪四刊板

恭壽堂奏議

卷六

八

九十塊刷就存貯俟付工價給散于先庚於三月初八日會合大鄉即於初十日令宜瑞庭與各鄉董事聯名赴縣具呈請修倉廩希冀批准另行科派因被批駁停止未辦四月初十日于先庚又會大鄉催取各處派捐錢文隨經戴錦山與夏義友王恒興倪繼立王玉山等各向各圖糧戶照米派錢陸續送局于先庚共斂得錢四百八千八百文洋錢四十七元先付張陞太

刻書工價銀八十一兩六錢並雕造牌亭用去錢一百二十餘千餘錢皆入私橐侵用未將所刊鄉規取回分散以致衆心不服王德昭隨起意乘機另行設局私向吳啟璉許麗元茅正英張餘成胡萬年章錦武等於七月初九日至邵家邊祠內傳齊各鄉糧戶將于先庚斂錢侵用情由向衆告知卽議另在該祠設局旋即措錢五十餘千交吳啟璉帶往找清張陞太刻書工

恭壽堂奏議

卷六

完

價將于先庚所定刷印鄉規五百部並添印二十部取交王德昭並將板片寄存在省開張鞋店之句容人唐榮昇店內王德昭隨將鄉規按圖分散先後斂收錢二百八十餘千花用時值于先庚外出伊兄于元福聞知通信于先庚趕回速發傳單約會各鄉至小花山局內公議衆俱未到于先庚情急央出夏以松調處訂於九月二十二日在縣城會茶評理于先庚隨邀約

筮瑞庭戴錦山夏義友王玉山王恒興卽王世禮倪繼立殷文起陳學書魏陞元巫萬年先期進城適奉訪拏該縣陳玉成亦有風聞於二十一日夜督同典史帶領差役及儒學門斗將于先庚等十二名拏獲並起獲所刊鄉規解省卽經飭府審辦旋據該府訪明該犯等寄存鄉規板片所在密委署南捕通判劉大烈帶役起獲提犯研訊內有殷文起陳學書魏陞元三名供

恭壽堂奏議

卷六

完

係各圖糧長並未聽從勒派巫萬年一犯本係著名訟棍惟於于先庚創刻鄉規之事供不知情其另行設局斂錢之王德昭為案內要犯聞風逃避稟經飭縣緝獲解省歸案審辦嗣筮瑞庭患病提禁外監身故委據上元縣陳道坦驗訊通報飭就現犯審擬解勘臣孫玉庭就近親提犯證到案逐加研訊據各供認前情不諱嚴究于先庚王德昭據供實係假托地方公事刊

刻條規希圖挾制斂錢並無違悖不法所斂錢文實止此數夏以松曾得受酬謝錢布餘犯皆未分贓再三究詰矢口不移案無遁飾查例載假以建言為由挾制官府軍民人等皆發附近充軍又名例律載斷罪無正條援引他律比附加減定擬各等語此案于先庚首借地方公事設局創議鄉規刊刻成書散布斂錢得贓四百餘千已屬欺詐鄉愚且復建造牌亭欲俟該縣

恭壽堂奏議

卷六

三

開倉徵漕之時擡赴龍潭以便號召鄉民挾制官長實屬苛斂惑眾膽大妄為洵為衿棍之尤若僅依詐欺官私取財計贓罪止滿流即依法言挾制官府例問發附近充軍亦屬情浮於法自應比例加等定擬已革文生于先庚除計贓罪應滿流輕罪不議外應請比照假以建言為由挾制官府發附近充軍例從重改發新疆酌撥種地當差以示懲創係生員照例免刺王德

昭即王兆祥始則聽從于先庚創議斂錢繼復勾串吳啟璉等另行設局將所刊鄉規取回散給得錢花用未便仍照為從科斷應即比照建言挾制例擬發附近充軍該犯本係在逃徒犯援

赦免緝今復犯法應加一等改發近邊充軍至配所杖一百折責安置已革生員夏以松即夏維一為于先庚商定鄉規底稿並謾序文得受謝錢

恭壽堂奏議

卷六

三

筮瑞庭聽從于先庚假托請修倉廩希圖斂錢分肥戴錦山在局附和幫辦均屬為從應於于先庚遣罪上減一等各杖一百徒三年筮瑞庭於取供後病故應毋庸議夏以松戴錦山俱定地發配折責充徒夏義友王恒興即王世禮倪繼立王玉山均曾代向各圖按米收錢飭交並無聽從入局分肥情事應與代為刊板印書之張陞太均請照不應重律各杖八十折責發落

巫萬年於于先庚創刊鄉規供不知情惟訪係著名訟棍現在該犯恃無證據狡不實供應發回句容縣查明有無犯卷並出示招告分別究辦殷文起陳學書魏陞元訊無聽從勒派情事業經飭釋應與受寄板片之唐榮昇均免置議筮瑞庭患病提禁外監身故刑禁人等訊無凌虐情弊應毋庸議于先庚建造牌亭飭縣擡送在城寺院供奉王德昭局內造而未成該二犯

恭壽堂奏議

卷六

七

斂收錢文及夏以松得受錢布均照追入官充公各圖分受鄉規刊本飭縣出示收繳同起獲板片案結銷毀逸犯胡萬年等緝獲另結無干人等概先省釋除備錄供招咨部外所有審明定擬緣由理合恭摺具

奏伏乞

皇上聖鑒勅部議覆施行奉
硃批刑部議奏

謝 賞養正書屋全集疏

奏為恭謝

天恩事竊臣齋摺差回捧到

恩賞

御製養正書屋全集一分臣即恭設香案望

闕叩頭祇領跪讀之下榮感悅服莫能言喻欽惟

皇上學涵淵海

文炳日星際

恭壽堂奏議

卷六

七

景運之重熙紹

前徽於

列聖

敷功紫禁久昭

神武之姿

懋典青宮早裕

緝熙之學溯自

六齡就傅洎乎

首祚開元

綜三十四年探索之心

合二十六載承平之頌上始於乾隆乙卯下迄於嘉

慶庚辰將為

模楷之垂壽諸梨棗用

允臣工之請捧出

琳瑯伏觀

弁首之言敬繹

恭壽堂奏議

卷六

七五

肇名之義在昔

重華紹美元日受終

虞陞傳心早契

乾符於

天眷義文

命額特資蒙養於

聖功

皇上以天亶之聰明秉

祖貽之彛訓

三朝寢膳

龍樓勤

聖孝之孚

一德賡歌

鳳藻協

宸章之和時或游心六藝研慮百家發揮經史之精

闡繹圖書之秘

恭壽堂奏議

卷六

七五

聖謨洋溢既備見於一冊之中

淵慮謙沖復刪定於

萬幾之暇於是成韶叶響日月著明遠承

樂善之宏編上繼

味餘之瑰製

元音再覩

甲集先成蓋惟果行育德以為基於是化民成俗而

無外矣臣禱昧何知拜颺徒愧沐

一
卷
七
一
〇
十
九
八
七
六
五
四
三
二
一

鴻恩之下速快

祕簡之同瞻

玉振金聲粹然仰

聖人之至德

星輝雲爛煥乎成天下之大文所有微臣榮感下忱

理合繕摺恭謝

天恩伏乞

皇上聖鑒

恭壽堂奏議

卷六

七

韓大中丞奏議

受業 劉 涓 編次

毛 瀚

次孫泰 華敬錄

卷之七

目錄

查明潯揚兩關情形疏

審擬邳州許耿立京控疏

恭壽堂奏議

卷七

一

請修築華亭縣土塘疏

謝賞春秋左傳讀本疏

請借項湊辦沙洲圩岸疏

審擬捐職理問徐淮京控疏

審擬碭山縣民周傑京控疏

審擬海州監生周元庚京控疏

審擬誤傷出母人犯疏

修濬江浙兩省水道疏

清查江蘇倉庫疏

酌擬追補章程

清單

恭壽堂奏議

卷七

二

查明許揚兩關情形疏

奏為遵

旨查明許揚兩關卹商除弊及賠補虧短各情形據
實覆奏仰祈

聖鑒事竊臣前准戶部咨開軍機大臣會議各關額
稅盈餘飭各督撫就近察看情形妥議具奏一
摺欽奉

諭旨各關稅課之盈絀由商貨之多寡而裕課必先

恭壽堂奏議

卷七

一

卹商卹商必先除弊乃近聞各關姦丁蠹吏勒徵
賣放及以正作罰上下分肥加之姦商偷漏繞越
糧船包攬夾帶百弊叢生虧短日甚總由經徵各
員任聽丁胥人等例外橫徵通同舞弊以致商人
裹足不前於權務大有關係着各省督撫將各關
因何虧短及商貨如何流通查明妥議章程具奏
並着漕運總督嚴禁糧船夾帶各關監督務須激
發天良毋得假公濟私盡飽囊橐即將各口岸家

一第... 冊... 6

人大加裁減嚴行約束如有仍前耗費藉端擾累情事由該督撫據實嚴參如姦商有偷漏等弊亦即懲辦以儆刁風至另片奏各關分賠章程並着就近察看情形應否照舊勻攤或遵新例各按各任賠補一並妥議具奏欽此臣跪讀之下仰見我皇上智周萬物坐照如神凡裕課惠商之道實已深探本源各關監督但能恪遵

聖訓實力奉行則近悅遠來權務定能有起色除
恭壽堂奏議

卷七

二

江蘇省之龍江淮宿等關已由督臣孫玉庭就近查明議

奏外所有駐劄蘇郡之許墅關係

欽派蘇州織造管理與臣近在同城揚關並兼轄之

由關均在揚州向由臣衙門派委常鎮通道管

理臣任事年餘時加查察自承

特諭尤不敢不確切推求體訪商情參酌輿論所陳利弊要不越乎

聖明指示之中謹就臣管見所及開列五條敬為我皇上陳之

一委員宜慎重簡派也查各關向設委員稽查彈壓許關由蘇藩司揚關由常鎮通道于佐雜人員內選擇充當如不得其人徒以備員了事甚至與丁役書巡通同一氣轉滋弊端應請嗣後委員缺出該司道於佐雜中擇持正廉明者詳准派往倘有扶同情弊立予參

恭壽堂奏議

卷七

三

革並於每關各派兩員半月一輪互相更替朝夕弗離每值放船責令眼同稽察庶丁役有所顧忌客商亦知整肅

一家丁宜按名核實也查各關收稅不能不選派信實家人帶同巡役分查偷漏此輩惟利是嗜况蘇揚俗尚紛華僚友之引薦既多朋類之招呼尤眾成羣結黨即管關者亦無由識其姓名設法分肥日形朘削應請嗣後各

稅口家人由管關之員酌定名數毋許濫派
多人並查明冗書白役大加裁汰悉照定額
使依草附木之徒無所施其影射以節浮費
而收實效

一議覆許關章程內稱到關商船先令報明貨
稅於過關後逐船查驗按次放行一有偷漏
隱匿照例倍罰所收罰科銀兩一半分給關
書丈量各役為賠補辛工飯食之用一半存

恭壽堂奏議

卷七

四

畱織造衙門為貼補養廉辦公之需其餘私
收欵目盡行禁革具

奏遵行在案是罰科原因商貨漏稅而設例有專
條自奉行日久或有假議罰之名以遂橫徵
之計甚且以正作罰致額課日形虧短臣查
許關自延隆認真經理並不缺額臣於揚關
亦不時稽察禁止苛罰第恐丁役等陽奉陰
違自應嚴行申禁應請嗣後凡偷漏貨稅照

例示罰充公不得例外增多致滋商累

一查稅宜嚴杜羈指也查各關丁役每藉畱難
以需索向有掛號費看艙費籤文費照票領
票費各名色皆係稅外陋規即無貨之船亦
必給費而後放行一遇偷漏及貨色畧有不
符輒扣船不放飽索之餘方收罰科多方繞
越實此之由伏思無貨之船固當驗明速放
即查出漏稅有貨為憑正稅若干罰科若干

恭壽堂奏議

卷七

五

事本燭照數計何必將船扣畱應請嗣後漏
稅之船即押令貨主照例示罰原船查訖放
行庶幾課額不虧行旅稱便

一漕船宜嚴禁夾帶也查重運回空本有每船
恩免土宜一百五十擔之例緣恐畱難誤運概不簽
查丁舵等逾額攬貨影射漏稅幫弁袒護旗
丁難望禁約惟查各幫有押運丞倅各省有
督運糧道從前並未責以稽查夾帶之事漢

不經心遂無管束應請嗣後責成該糧道暨
運員等認真查察倘於例免土宜之外任意
夾帶一經查出除夾帶之本犯治罪外將押
運各官分別議處庶運員各顧考成而漕船
夾帶漏稅之風似可以戢

以上五條臣謹遵

旨體察情形採訪眾論謬作芻蕘之獻惟在管關大

員潔己奉公則權務日加整飭益收裕

恭壽堂奏議

卷七

六

國惠商之明效矣至賠補虧短一節臣確加查詢

蘇揚兩處情形稍異許關為百貨薈萃之區月

分衰旺無定若以前任短少攤於後任究屬失

平應請仍照道光二年新定之例各按各任月

日核算賠繳至揚關經徵月分衰旺迥別每年

請以三四五九十一凡六個月為旺月定徵

十分中之六成以六七八十二正二凡六個月

為衰月定徵十分中之四成過閏隨正計算旺

月額數稍多衰月額數稍少如任內無虧前後

任不得攤算設任內有虧自行彌補亦不得波

及前後任如此因地制宜分立章程一則各歸

各任統年分算一則按月分之衰旺核成數之

多寡似於賠繳之中仍寓體卹之意庶賠款可

期有着於

帑項益昭慎重是否有當臣謹會同督臣孫玉庭

恭摺具

恭壽堂奏議

卷七

七

奏伏乞

皇上聖鑒訓示

審擬邳州許耿立京控疏

奏為遵

旨審擬具奏恭摺仰請

聖鑒事竊照邳州捐職從九品許耿立以弟命寃埋

等詞赴都察院具控奏奉

諭旨此案着交韓文綺親提人證卷宗秉公審訊定

擬具奏原告許耿立該部照例解往備質欽此並

准兵部將該原告遞解到蘇遵卽行提人證卷

恭壽堂奏議

卷七

八

宗來省臣親加確核訊究緣許耿立籍隸邳州

與許經立係共祖弟兄許經立胞弟許會立物

故無子將許耿立之子許新和繼與為嗣嘉慶

二十五年許會立之妻房氏病故遺產歸許新

和管業嗣許經立因父母未葬欲將房氏所遺

地畝契賣湊為營墓之用許新和先於房氏故

後將地十四畝當與張田旋經張田轉當與許

耿立之胞弟許順立為業道光元年二月二十

日許經立會遇許順立言及欲將地畝覓賣許

順立以地由張田價當不允許經立村斥許順

立詈罵互揪髮擗跌地致將許順立髮辮揭落

一綰許順立鬆手許經立站地順取木柄石槌

毆傷其右脚腕連脚踝脚面許順立扭住許經

立衣服混罵不放許經立復用木柄毆傷其額

顛經勸而散許耿立赴州控驗取辜醫治後許

順立自將額顛傷處包裹解開以致傷口進風

恭壽堂奏議

卷七

九

越二十二日殞命報州驗明死係因風審將許

經立照毆殺大功弟杖一百流三千里律上減

一等杖一百徒三年事犯到官在道光元年四

月初七日

恩詔以前減為杖一百咨准部覆在案嗣許耿立因

誤聞許順立被許經立扭毆時許經立出嗣之

子許調元亦在場幫毆懷疑不釋卽以前情控

府飭審二年九月二十一日許調元嗣母袁氏

因許耿立之父許方志家有公共未分宅基領同許調元之妻王氏前往索分許方志答以查明丈給袁氏不依爭吵經許榮光等勸散詎袁氏氣忿莫釋是夜潛至許方志門外自縊身死報州驗訊無故許調元即赴州呈控許方志父子吞產逼斃母命等情旋即脫逃許耿立聞知不甘愈疑許順立被毆時許調元實有在場幫毆情事隨砌捏許經立許調元將許順立輪毆

恭壽堂奏議

卷七

十

斃命賄串刑件匿傷朦詳並將袁氏移屍架害情詞赴都察院控告奏奉

諭旨交臣審辦提集人證逐一質訊供悉前情誠恐許調元實有幫毆服叔並將母屍移害情事反覆研鞫衆供僉同似無遁飾查此案許耿立之弟許順立被許經立毆傷身死業經驗審明確死係因風照例將許經立擬徒援

赦減杖咨准部覆乃許耿立誤聽傳言忽疑許經立

出嗣之子許調元在場幫毆添砌匿傷朦詳等情赴京翻告本應坐誣但控係卑幼且並非重事情尚可原許耿立應照不應重律杖八十係職員照例納贖許調元訊無幫毆許順立情事惟於伊母袁氏在許方志門外縊斃經邳州驗訊具結後復又捏詞翻控殊屬不合許調元亦應照不應重律杖八十折責發落許方志於袁氏自縊雖訊非逼迫惟該氏索分公地並不善

恭壽堂奏議

卷七

十一

言理覆輒與爭吵以致袁氏氣忿輕生究有今年逾八十律得勿論許經立罪已援減發落仍照例斷給一半財產給付許順立家屬收領以資養贍刑件書差人等究明實無匿傷朦詳等弊均毋庸議袁氏應分宅基令許耿立等自行查明秉公文還無干省釋除供冊咨部外理合繕摺具

奏伏乞

皇上聖鑒訓示奉
硃批刑部議奏

恭壽堂奏議

卷七

十三

請修築華亭縣土塘疏

奏為華亭縣上年風損土塘循例懇

恩借帑修築奏請

聖鑒事竊據署蘇州布政使誠端詳稱案據署華亭

縣知縣王青蓮詳報上年七月初一日風潮

刷損縣境戚家墩等處土塘二千七百四十八

丈八尺此項土塘向例民修上年風損工段較

長民力難勝應請循例借

恭壽堂奏議

卷七

十三

帑修築仍於道光五年分按田攤徵歸欵等情當

經前署藩司林則徐飭委署蘇州管糧通判劉

文澈會同該縣親詣勘明共損土塘量計工長

二千七百四十八丈八尺估需工價銀四千一

十五兩二錢五分二釐由府道核明轉移到司

查與例案相符應請循例准於司庫存公銀內

照數借給等情詳請具

奏前來臣等查動支司庫存公銀欵例應具

奏今華亭縣境內戚家墩等處土塘遇有刷損向
例民修上年風損工段較長民力難勝係實在
情形所有估需土方夫工銀四千一十五兩零
理合循例具

奏仰懇

皇上天恩准於司庫存公銀內借給趕修以資捍禦
所借銀兩請於道光五年分按田攤徵解司歸
款以衛農田而紓民力除飭取冊結圖說另行

恭壽堂奏議

卷七

七

咨部外謹合詞恭摺具

奏伏乞

皇上聖鑒訓示

謝賞春秋左傳讀本疏

奏為恭謝

天恩事竊臣齋摺差弁回捧到

恩賞

欽定春秋左傳讀本一部臣即恭設香案望

闕叩頭祇領跪讀之下榮感悅服莫能言喻欽惟

皇上道契天經

心符聖義千秋樹訓久昭

恭壽堂奏議

卷七

一五

筆削之精六幕同文

特示會歸之準竊惟春秋大旨斷主邱明左氏功臣

實推元凱蓋自奇嘉古注墜緒無傳賈服諸家

殘膏偶拾舊聞既湫衆說斯紛或沿咬趙之波

駁傳而因之廢傳或祖孫劉之說尊經而適以

背經衮鉞之義失平門戶之分滋甚是江河不

廢幸杜註之單行羽翼為功賴孫疏之後出然

而全書浩博既難便於童蒙坊本摹傳又每離

其章句爰

申指示特

勅編排經旨宏深仍本諸一詞莫贊傳文顯暢務使

其首尾相聯信指掌之易明誠列眉之可觀而

况今音古讀定聲韻於陸書減字增文辨異同

於岳本理歸一是不妨舍孔而從劉旨有互明

詎必曲何而直鄭悉掃拘泥之膠柱總歸

聖哲之持衡在昔彙纂之編原於

恭壽堂奏議

卷七

七

聖祖直解之作繼自

高宗仰

帝學之同符久藝林之恪守

皇上祇承

先訓

俯念羣蒙恐津逮之猶迷

重資寶筏俾繩趨之各正

顯示椎輪蓋惟約百氏以歸型於以邁千齡而

建極臣學慙載筆職忝承流仰荷

鴻恩式瞻麟史凜文學飭治之意愿垓埏普暢儒風

準春秋決事之心雖寤寐猶慙官守所有微臣

榮感下忱理合繕摺恭謝

天恩伏乞

皇上聖鑒

恭壽堂奏議

卷七

七

請借項湊辦沙洲圩岸疏

奏為江寧縣屬沙洲圩岸被水沖缺民力捐修不

足暫請借項湊辦俾資捍衛即議還欸緣由恭

摺仰祈

聖鑒事竊照江寧省城有石等所沙洲大圩坐落江

寧縣境內糧田數千石居民數千戶惟藉沿江

圩岸為之保障該岸綿亘六十餘里上年江水

異漲致將該處埂岸沖缺遇水田廬悉被淹浸

恭壽堂奏議

卷七 六

亟應修築補還以資保護據業戶監生董加熹

等赴縣具呈通工估計土方椿石等項實需銀

七千餘兩本係業民應辦之工惟通圩殷富無

多現經各業戶儘先捐募約有三千餘金計尚

不敷銀四千兩因上年圩被災荒民情拮据萬

難再捐而刻下潮汛漸旺若不乘時修築再被

災傷益致困苦流離無以資生惟有籲乞籌借

庫項以便湊足趕修仍在於民屯項下分年攤

徵還欸俾資保衛等情由縣詳經藩司以借項

修築圩岸向無辦過成案應否仍照業食佃力

之例飭令自行籌辦批據江寧府督縣妥議復

據該業戶董加熹等詞稱沙洲圩岸築自前明

去年突遭水患衝缺田房什物盡被淹沒沿江

護圩大埂綿亘六十餘里沖激缺口三十餘丈

當時水勢湧灌缺口竟刷深兩丈有餘現於舊

制埂外價買民洲另行起築計有一百餘丈其

恭壽堂奏議

卷七 六

餘各埂及開口十餘座均已坍卸殘缺亦需挑

築興修當此水患失收之後自行捐備銀三千

餘兩已屬竭力其不敷銀四千兩實難再行籌

措非懇借款湊辦斷難修復等情當經該縣鄭

其忠傳集各業戶書手人等前詣週歷履勘該

沙圩岸因濱臨長江年久坍削本屬單薄所有

沖缺坍塌各處實屬急應修築要工察看民力

拮据除現捐而外其不敷之項勢難再湊賦命

攸關應懇俯如所請借項給修等情由江寧藩司張志緒覆查屬實轉詳請

奏前來臣查該屬應修圩岸為捍衛江湖要工自上年被水秋收失望此時亟宜修築鞏固期獲有秋惟災歉之後民力本屬拮据前項工程估需銀七千餘兩該業民自行籌捐銀三千餘兩計尚不敷銀四千兩力難湊措自係實在情形既據該縣親詣勘明由該府及藩司覆核係必

恭壽堂奏議

卷七

三

應修辦之工合無仰懇

皇上逾格天恩俯如所請准其借撥銀四千兩湊足興修以資捍衛仍在該圩田賦項下分年攤徵還欸為數非鉅不致懸久而賦命即可兩全現當江潮漸漲必得趕緊修辦勢難緩待應請飭司卽於庫欸內照數借發由縣傳齊各業戶當堂公同具領俾得乘時償辦所借銀兩請自道光五年為始在於各該所屯賦項下分作三年

按畝攤徵解歸原欸該民人等仰沐

皇仁感無既極至此案工程因業戶捐資不敷借項湊辦民借民還應聽業戶公同具領自行經理不涉官吏之手民間不知則例應請免其造冊報銷以示體卹統俟工竣委員驗收取造攤徵細冊咨部備核合並陳明伏乞皇上聖鑒

恭壽堂奏議

卷七

三

審擬捐職理問徐淮京控疏

奏為遵

旨秉公審訊定擬具奏事竊照捐職理問徐淮遣抱
告王貞保赴京呈控淮北殘引侵吞加價等情
一案經都察院奏奉

諭旨此案着交韓文綺親提人證卷宗秉公審訊按
律定擬具奏抱告王貞保該部照例解往備質欽
此遵卽行提人證卷宗至省親加核訊查徐淮

恭壽堂奏議

卷七

三

原呈內開嘉慶十三年因河工經費不貲奏請
引鹽每觔加價三釐津貼河費淮北應從己巳
綱起其時尚有乙丑丙寅丁卯三綱殘引未竣
一鹽不便兩價奏明於奉文日一體加賣計殘
引實共二十六萬五千五百有零乃商吏串匿
十一萬六千六百五十引侵吞錢糧十三萬餘
兩訊之徐淮據供彼時在母舅汪立達家代膳
虛報冊稿故知細數提質汪立達之子汪坤祖

則稱徐淮是故父撫養長大嘉慶十九年徐淮

在江都縣呈控故父匿引侵課故父病中曾說

徐淮忘恩負義後來徐淮已在縣具結認誣至

鹽務是故父經手有無情弊求查領引繳銀冊

簿諒是不錯各等語正在查辦間忽有捐班郎

中汪葆仁自行投案聲稱伊父淮商汪同德老

病卧床徐淮所控殘引加價一事汪同德名下

實有一萬九千六百十二引止報一萬一千餘

恭壽堂奏議

卷七

三

引短交八千餘引加價銀兩彼時伊父因係眾
商之事隨同畫押現呈殘引細冊係從運司房
抄出所有汪同德名下吞匿銀兩俱被汪立達
扣作司費等用呈出用賬一本言與汪立達分
夥後各立一本互執質之汪坤祖則稱故父曾
與汪同德合夥行鹽一年今汪葆仁呈出用賬
實非故父及從前商夥筆跡又無花押圖記故
父在日汪葆仁亦從未言及隨訊據淮商王允

泰等合供嘉慶十四年八月後鹽餉加價口岸
遠近不同奉文先後不一年終截數殘鹽共十
四萬八千餘引每引加價一兩一錢零統共應
交十六萬七千餘兩照數繳納咨部有案不料
徐淮圖詐不遂於十九年以匿報殘引控縣審
誣後又屢翻只求查對印簿至徐淮汪葆仁所
呈單冊商等均未見過係從何處抄來但求追
問再汪葆仁先稟求辦信陽州口岸又求簽辦

恭壽堂奏議

卷七

五

公埠俱經運司批駁今到案妄認實係挾嫌拖
累眾商等語臣當查汪同德充商年久若果匿
報於前原可檢舉於後惟應本身出名照例遣
抱呈首告令子代訴難免扶同徐淮情弊而汪
葆仁以候補郎中特符插訟不將伊父之名具
呈以子誣父律有干名犯義之條况因求辦口
岸求派公埠不准後方控匿報殘引各商謂為
挾嫌拖累不為無因且臣連次質問汪葆仁輒

請將呈出賬簿二本當堂燒燬再四苦求不成
事體經臣據實叅

奏請將候補郎中汪葆仁革職並前已認誣後又
翻控之捐職理問徐淮斥革其捐納理問汪坤
祖暫革職銜以便提質實情等因具奏奉

旨這所叅特符插訟之工部候補郎中汪葆仁着卽
革職並認誣復控之捐職理問徐淮着並斥革
其捐納理問汪坤祖並着暫革職銜交韓文綺提

恭壽堂奏議

卷七

五

集人證秉公研鞫按律定擬具奏欽此臣查此案
專控淮北商人其口岸近者本省淮徐各屬已
視淮南較遠至安徽之廬鳳泗滁河南之汝寧
光州相距數千百里行查提解拖累不少且各
商遠涉紛紛辦運亦虞遲悞前經奏明運司張
青選到任未久無所用其迴護令其秉公確查
據實詳報臣於拜摺之先已將人證發回取保
接蒙

諭旨隨恭錄行知該運司一面行查一面質問更為
近便該運司廉明素著臣諄飭認真查究錄取
確供臣俟詳到核明再行指提覆審定擬以免
守候拖延等因去後旋據張青選詳報查淮北
各口岸州縣嘉慶十四年加售鹽數日期惟山
陽信陽等七州縣申報尚屬相符其餘參差不
一甚至未有報案者多以年遠無可追溯為詞
又經疊次嚴催等語臣隨批飭逐一詳查務期

恭壽堂奏議

卷七

三

水落石出據實叅辦嗣准都察院咨徐淮復遣
抱告王陞以匿報不究等詞續控查係交審未
結之案相應咨解審辦前來當將原呈發交該
運司歸案並訊茲據張青選查開淮北各口岸
加售殘鹽清摺並錄取各供詞及經臣指提之
原被人證徐淮等詳解到蘇臣連日親提研究
緣徐淮籍隸安徽歙縣捐職理問係淮北商人
汪立達嫡甥自幼經汪立達撫養長成令管家

中雜務後被辭出無所依賴嘉慶十三年河工
需費不貲

奏准淮北各口岸鹽價每觔加售河費銀三釐自
十四年己巳綱所存之引起新殘一律加價經
前運司德慶通飭各口岸遵照徐淮知各商岸
夥未將存岸殘引開報至十九年徐淮捏稱曾
為汪立達代造虛冊在江都縣首告侵匿並添
砌鹽院書吏陳臻福得謝銀三百兩運司書吏

恭壽堂奏議

卷七

三

楊綸賜串同作弊等情該縣集訊徐淮自認混
控汪立達代為籲求免議詳結嗣徐淮貧窘無
聊汪立達念甥舅之情兩次給銀四千兩令其
作本營生徐淮蕩費罄完仍冀幫夥未遂疊赴
運司巡撫衙門翻控前情人證不齊未能訊結
徐淮又以侵吞加價等詞遣抱告王貞保控經
都察院具奏奉

旨交臣審辦隨有捐班工部候補郎中汪葆仁忽自

赴案據稱係淮北商人汪同德之子伊父汪同德於嘉慶十二年與已故之汪立達合夥辦運隱匿存岸在途加價之鹽八千餘引將殘引數目及交代用賬各一本謂係汪立達生前所交今伊父老病令其呈賬檢舉臣因汪葆仁以子證父

奏參革審始據供稱前到蘇時即以參員銜名投案又未將代父投質情由逐細供明致奉參革

恭壽堂奏議

卷七

三

實深惶悚至賬簿二本汪坤祖以非伊父筆跡堅不承認參員曾供說既不足憑只好燒燬的話是有的彼時適接家信故父病重參員心神恍惚露有窘迫情狀實不自覺得那求派口岸公埠本是辦運恒情准駁悉由運司與商人無嫌可挾至參員前呈之賬簿是故父與汪立達分夥分岸憑公書立並無賬目未清前參員赴蘇代質故父曾檢交汪立達用賬一本呈遞後

蒙訊賬目情節參員從未經理鹽務無從指證嗣蒙發回參員面稟故父其時故父復查出嘉慶二十年憑中結算之合同並云從前兩家辦運彼此俱有浮賬前呈賬本想亦汪立達浮開合同內載有岸務未分之前支墊賬目俱經查明銷燬並無未清或銷燬未盡作為廢紙等語今父親雖故兩家合同俱存已在二十年結算之內參員自不能倒算當令與汪坤祖質訊無

恭壽堂奏議

卷七

三

異臣以汪葆仁等各控殘引吞價而徐淮於奏准革審後遣人赴都察院續控恐有屈抑復令切指細訴據供前管押候質訊時汪坤祖面責革員忘恩負義商眾又說圖詐不遂慚愧畏罪復遣抱告妄訴至加賣鹽價委無確數控告原係混開今蒙查訊明確實由岸夥未報並非商人吞匿不敢狡執其告鹽院書吏陳臻福得贓三百兩前在江都縣早認誣控是以初次京狀

並未添砌因提訊查卷究問革員照案順口供
及卽楊綸賜亦沒舞弊實據汪葆仁並非通同
串控前蒙運司屢審業已實供此徐淮汪葆仁
各自指告短報殘引加價之原委也臣查鹽飭
加價本以津貼河費豈容岸商短報肥己必須
溯追根究勿任顛預飭據運司張青選詳覆淮
北已已綱鹽於嘉慶十四年七月初二日開綱
而

恭壽堂奏議

卷七

辛

奏准殘引一律加售於六月二十六日行知各州
縣截清數目逐一開送前運司德慶並不逐起
駁查剔清存岸在途實數事隔十五年官更商
易無可追查訊據現商王允泰等稟稱淮北額
鹽每有銷不及半之歲存岸殘鹽本屬無多岸
數向不抄寄數目十五年六月因奉催緊急商
總蕭怡茂作就稟稿以上年丁卯綱奏銷未銷
鹽五萬八千一百引附報丙寅綱奏銷未銷鹽

四萬二千二百四十餘引共十萬三百四十餘
引卽將奏銷存數為未運實數外約加存岸在
途四萬八千幾百引共報十四萬八千八百七
十五引過後蕭怡茂按口岸大小均勻派完從
權辦理商等糊塗聽從咎無可辭等語並據該
運司議稱淮北例存三月之鹽今擬將十四年
六月二十六日司中行文加售之日起至七月
底止續運者扣作在途之數其五月初一日起

恭壽堂奏議

卷七

壬

至六月二十五日止前運扣作存岸之數核查
報冊五月至六月二十五日請運二萬五十二
引六月二十六日至七月底請運一萬五千十
六引共三萬五千六十八引連未運十四萬九
千四百九十六引統計存岸在途未運之項共
十八萬四千五百六十四引除已報十四萬八
千八百七十五引繳過價銀業已報撥外計短
三萬五千六百八十九引按引核算加售銀數

共該四萬四十餘兩請責令現商王允泰等加倍賠繳具詳聲覆臣親核例案冊檔數目相符復提到案人證反覆究詰衆供僉同似無遁飾查徐淮屢控淮北商人侵吞殘引加價認誣復翻由於未得確據今查訊岸夥漏報屬實控出有因其誣告陳臻福得贓三百兩事在

大赦以前應予援免現因查卷訊及順口照供未便重科以誣告之罪惟前後兩次京控呈詞審明

恭壽堂奏議

卷七

三

究多不實應照申訴不實律杖一百業經斥革應毋庸議商總蕭怡茂並不確查存岸在途數目率照奏銷約畧開報本有應得之咎業已病故亦毋庸議其漏未開送鹽數之岸夥暨延不查詳之各州縣閱年已久官皆更易夥亦退故且疊經遇

赦均非不准援免之條應請免其查議前任運司德慶並未即時駁查剔清數目例應議處查已身

故亦毋庸議汪葆仁向未涉手鹽務其檢舉短報殘引並呈出賬本訊由父命惟赴案但用自己銜名又不供明代父投質雖非證父實屬冒昧應請開復候補郎中照例議處汪同德先病旋故是以未經傳審汪坤祖於伊父交涉鹽務賬目本不知情並非推諉尚無不合前經暫革職銜亦請開復陳臻福楊綸賜訊無得贓串瀆情弊並予免議商人王允泰等隨同已故總商

恭壽堂奏議

卷七

三

蕭怡茂約畧開報殘引雖非侵匿究係顛預應如該運司所議將漏報殘引照淮北存鹽三月之例按數加倍罰賠用示薄懲除汪同德匿報引數應繳加價銀九千四百三十一兩五錢零係自行檢舉令即照數繳出從寬免其加倍外尚該銀三萬六百一十一兩五錢零加倍應共繳六萬一千二百二十三兩零請令王允泰尉躋美程德中程儉德程勤泰趙永吉按引完繳查

尉躋美准北總務向係許豫鼎代辦委因辦理不善以致滋訟現在原辦各商止存該商一人應將該商名下倍罰之銀勒令即行全繳並斥退總商仍歸散商辦運其尉躋美總務令本商自行經理俾專責成至王允泰等五人皆係准北現商所有倍罰銀兩着於各名下定限二年按引完交以示體卹再查汪葆仁所呈汪立達賬簿內有司費字樣節次究詰僉供不知第汪

恭壽堂奏議

卷七

三四

同德曾稱兩家各有浮賬久議銷燬則賬既不
足憑信費亦無可推求今汪立達汪同德先後
物故無從再查應毋庸議未到人證均免查提
以省拖累至兩淮奏銷向有虛報數目之積習
運司存檔間或鈐印不全俱未足以昭慎重應
照鹽政臣曾燠前奏

恩寬既往整飭將來之議嗣後奏銷務歸核實案冊
悉鈐印信庶訟源可清釐務日有起色除將供

冊咨部外所有查訊定擬緣由理合恭摺具
奏伏乞
皇上聖鑒訓示奉
硃批刑部議奏

恭壽堂奏議

卷七

三五

審擬碭山縣民周傑京控疏

再碭山縣民周傑赴京呈控周士路等霸地毆

傷押斃父命一案經都察院奏奉

諭旨交臣提審遵卽查核原案周傑係周士路堂弟

周傑之父周寅與周士路之父周錦係共祖弟

兄周寅周錦之祖兄弟三人長已夭亡次卽周

寅周錦之祖三周西娶妻王氏早故無子王氏

生養死葬俱係周錦備辦遺田五畝卽歸周錦

恭壽堂奏議

卷六

三

承受周姓祖墳內地畝久經周寅等先世出賣

後輾轉賣與楊懷珍霸種塋地審虛掌責周錦因

寅赴縣控楊懷珍霸種塋地審虛掌責周錦因

楊汝舟地內墓有祖墳將分受己產向楊汝舟

易換保護墳塋經縣斷准結案二十四年三月

周寅欲向周錦分種三房遺地不允卽以霸種

絕產等情控縣差查未到閏四月十八日周錦

遇見周寅斥其妄告之非致相口角經周錦之

子周士路勸散周寅裝傷以周錦喝令周士路

將其毆打等詞捏控飭差李純先提周士路看

管傳訊六月初周寅控府批縣十八日周寅赴

縣喊催該縣王召限兩日傳齊稟訊如違提責

李純下鄉傳人恐周寅回家誤審隨令周寅暫

住附近廟內候審並向看廟人邱陞告知囑其

不可令周寅走回周寅聲言欲回家取盤費邱

陞不允周寅呵罵口稱尋死邱陞置之不理詎

恭壽堂奏議

卷七

三

周寅被畱生憤是夜在廟投縲殞命次早邱陞

瞥見解救無及報經該縣王召稟府飭委沛縣

謝肇瀛詣驗實係自縊身死周寅次子周傑未

到其長子周度眼同相驗因父屍用水沖洗疑

有傷痕不肯具結謝肇瀛填格錄供通詳經前

撫臣陳桂生批司飭府提訊因周傑不到未經

訊詳周傑隨赴步軍統領衙門呈控解回本省

委長洲縣高攀桂訊明周寅實係自縊並無詐

賊別情將差役李純看廟人邱陞分別擬以枷杖恭遇

大赦援免由司核詳咨准部覆在案道光三年夏間周傑貧苦難度向周士路等借錢不允並被斥赴京混控之非致相爭吵周傑氣忿隨照前次京控情節赴都察院翻控奏奉

諭旨交臣提審隔別訊供周寅死由自縊周士路等並無霸地毆傷情事詰問周傑亦稱伊兄周度

恭壽堂奏議

卷七

三

眼同相驗今既到案供明不敢固執等語臣疊加研鞫供無異詞並提周士路質訊相符查周傑前次京控訊供業經輸服乃事隔三年因向周士路借貸不遂挾嫌復控殊屬刁健應照舊越赴京告重事不實例擬軍已於取供後在店病故應毋庸議周錦等訊無霸地及毆傷周寅情事惟於周傑向其借貸並不婉言回覆輒行斥罵爭吵殊屬非是應照不應輕律笞四十折

責發落李純邱陞前次審擬枷杖援免例不重科周傑在店因病身死驗明並無別故亦毋庸議餘屬無干別無應議罪名理合附片奏

聞奉

硃批刑部知道

恭壽堂奏議

卷六

三九

審擬海州監生周元庚京控疏

奏為遵

旨秉公審明定擬仰祈

聖鑒事竊照海州監生周元庚赴京呈控張崑山喝

令李仰書毆傷伊堂弟周元寅身死等情一案

經步軍統領衙門奏奉

諭旨此案着交韓文綺親提人證卷宗秉公嚴審按

律定擬具奏原告周元庚該部照例解往備質欽

恭壽堂奏議

卷七

四

此並准兵部將周元庚遞解到蘇遵卽飭提人

卷至省臣親提逐一研審緣周元庚籍隸海州

住居新安鎮張崑山原籍山西向在新安鎮開

設雜貨店已死周元寅係周元庚堂弟隻身討

乞度日夜間到處睡卧嘉慶二十四年十一月

三十日起更後周元寅酒醉仰卧張崑山店外

強討嚷鬧張崑山喝令別往周元寅混罵張崑

山令工人李應魁邀鄉團鄭雲前往趕逐鄭雲

當令幫夥許遐林等往將周元寅逐走當卽轉

回詎周元寅卽於是夜在該鎮玉牌街地方凍

死時周元庚外出次早經鄭雲通知周元寅族

親周士楷周士榆程倫一朱得起等同往看明

實係凍斃並無別故程倫一買得蘆蓆雇土工

張國青等將屍身用蓆包紮擡至義塚地內掩

埋二十五年正月間周元庚自外回家恐周元

寅死有別故向素好已故之顏以貴查問顏以

恭壽堂奏議

卷七

四

貴因與張崑山口角有嫌捏稱是晚曾見張崑

山店門前有人用棍將周元寅毆打並有惠順

誼同見之言告述周元庚信以為實卽以周元

寅係被毆身死鄭雲得賄包庇等情赴海州控

告經代理州事關光涵提訊各執一詞因周士

榆未到飭提質審周元庚又以周元寅被張崑

山喝毆斃命等情呈控張崑山亦以周元庚架

命搯詐具訴關光涵未及訊辦卸事署州梁蘭

滋提審供詞仍復各執一詞差傳張崑山店隣
質訊未到周元庚旋以前情並添入張崑山之
兄張竣天並店夥李仰書等商謀賄囑等情赴
淮海道暨臬司衙門呈控經臬司移咨淮海道
核辦周元庚赴道投到發清河縣收管周元庚
又因李仰書係張崑山店夥疑係李仰書下手
復以張崑山喝令李仰書毆斃等詞赴淮海道
續控發海防同知萬承紀等審訊周元庚堅稱

恭壽堂奏議

卷七

聖

周元寅係張崑山喝令李仰書毆傷致死頭上
有傷惠順誼亦隨同混供張崑山堅不承認經
萬承紀等取結錄供稟經淮海道將人證發回
海州詳請委員開檢在案是年八月間有阜寧
縣人朱文順之姪朱廷高係船務營百總因領
運左營蕩柴短少該廳不給工收經該管把總
李承恕查出於九月二十六日傳訊將朱廷高
責處着令賠繳二十七日朱廷高在船尾出恭

失足落河身死屍身漂失無着屍妻朱葛氏因
船務營向係一兵身故每兵幫錢四五十文以
為殯殮之貲隨向該營守備顧寶懇求賞給自
行雇夫打撈顧寶念其貧苦飭令照舊湊給並
將原船仍令其子領駕朱文順聞知前情值周
元庚因控案在清河縣收管候審往向商議報
官周元庚即主使出名具控隨以把總李承恕
逼索號費將朱廷高棍責斃命屍妻得賄私和

恭壽堂奏議

卷七

聖

等情寫就稟狀交與朱文順赴營控告守備顧
寶諭赴有司衙門呈控周元庚又令朱文順赴
清河縣具呈並託素好之彭振東領至代書戴
浩庭寓所照稟寫呈投遞經清河縣李變移提
審辦顧寶查案稟經河臣批令淮揚道飭提人
卷委海防同知萬承紀等審訊查出周元庚唆
使誣告請將周元庚監生斥革並以周元寅命
案開檢尚須時日稟經飭州將周元庚先行解

赴清河縣質訊該州孫源潮於道光元年五月十七日飭提周元庚到案僉差王務徐倫押解二十日傍晚行至新安鎮王務上前找店徐倫管押周元庚同行周元庚恐到官審虛問罪詐稱腹痛赴路傍坑屋出恭越牆逃走萬承紀等因周元庚弋獲無期訊明朱文順係聽從周元庚主使出控照誣告人死罪未決律為從減等擬徒彭振東於另案擬軍解役王務徐倫審非

恭壽堂奏議

卷七

四

賄縱照例擬徒雷養聲明周元庚緝獲另結先後具詳咨部覆准飭遵周元庚逃後於二年冬間起意京控圖翻朱文順之案隨以前控張崑山各情添砌張崑山賄囑經書抽改供結捏詳張竣天買囑彭振東借案誣扳陷害縣役夏德等將其私押班房各情赴步軍統領衙門呈控奏奉

諭旨交臣審辦提集人卷核訊因兩造各執一詞隨

將人證發回海州飭委候補直隸州劉鈴前往會同開檢周元庚之母周江氏查明周元寅實係凍死即周元庚亦呈求免檢經劉鈴等訊供取結據情具詳仍將原被等解省臣提集研訊供悉前情詰質不移案無遁飾查律載誣告人死罪未決者杖一百流三千里加徒役三年又例載教唆詞訟誣告人之案如原告之人並未起意誣告係教唆之人起意主令者以教唆之

恭壽堂奏議

卷七

四三

人為首各等語此案周元寅查係凍斃張崑山並無喝毆情事不特鄉團土工可問並有周元寅族戚人等於擡埋時目擊可憑乃周元庚輒以周崑山喝令毆死賄囑包庇等情捏控實屬健訟第由誤聽顏以貴之言並非有心誣告今於委員未檢之先即隨母據實呈明具結求免不致屍遭蒸檢且事在嘉慶二十五年八月二十七日

大赦以前應准免罪惟該犯另有主使朱文順誣告
把總李承恕向朱庭貴索費不遂棍責立斃一
案事在

赦後如所控得實李承恕罪擬應抵今訊屬虛誣自
應照例罪坐主使之人已革監生周元庚合依
誣告人死罪未決律杖一百流三千里加徒役
三年據供親老丁單查非誣告謀故殺強盜被
誣之人亦未淹禁刑傷尚不在不准畱養之列

恭壽堂奏議

卷七

聖

應飭確查訊供取結照例辦理仍追出捐照繳
銷顏以貴妄言筆訟圖洩私嫌本干律擬業已
身故應毋庸議惠順誼隨同混供殊屬不合應
照不應重律杖八十折責發落張崑山訊無喝
令毆打李仰書並未毆打鄉團鄭雲亦無受賄
私埋各情事均毋庸議無干省釋朱文順及解
役王務徐倫前已擬結周元庚逃後訊無知情
容畱之人亦無庸議徒犯朱文順仍發原配江

陰縣安置未到人證並免提質以省拖累除供
冊咨部外所有審明定擬緣由理合恭摺具

奏伏乞

皇上聖鑒訓示奉

硃批刑部議奏

恭壽堂奏議

卷七

聖

審擬誤傷出母人犯疏

奏為審明殺死姦占出母之姦夫誤傷出母致斃之犯按律定擬恭摺仰祈

聖訓事竊據上元縣知縣陳道坦詳報民人張世昌殺死姦占出母之張罄文並誤傷出母應氏身死一案臣因案情重大批飭將犯解省飭委蘇州府知府額騰伊候補通判劉文澈嚴審究辦去後茲據該委員等審明定擬由臬司林則徐

恭壽堂奏議

卷七

哭

覆審招解前來臣親提犯證悉心研鞫緣張世昌籍隸上元已死應氏係該犯親母張罄文係無服族姪張罄文平素兇橫不務正業嘉慶十三年間張罄文與應氏通姦時該犯張世昌年甫四歲伊父張餘祥控縣提訊因張餘祥帶子張世昌旋赴安徽亳州生理張罄文輒冒稱王姓出名騙買應氏公然姦占在該縣陶家邊地方租房居住迨張世昌長大張餘祥告知伊母

恭壽堂奏議

卷七

哭

因姦嫁賣情由道光三年十二月張世昌回家祭掃聽聞張罄文冒娶姦占向伊叔張開淋查問並親至張罄文家與伊母應氏見面後在祖祠復聞族眾談及張罄文兇惡異常姦占伊母因伊父張餘祥懦弱屢被欺侮之言張世昌羞忿交集旋回亳州向張餘祥告述張餘祥因此忿激成病臥床不起張世昌目覩心傷益加憤恨起意殺死張罄文報讐即向父捏稱回家掃墓在不識姓名攤上買得腰刀一把藏帶身邊由亳州起身本年四月十六日晚始抵陶家邊地方恐人撞見潛躲張罄文屋後草堆過夜次早張罄文姦生之子張又幅開門走出張世昌即拔刀闖進卧房張罄文瞥見赤身下床張世昌上前用刀砍傷其左腮脰並四顛門額顧應氏驚醒下床喊救時值張罄文上前奪刀張世昌恐被奪獲又用刀向戳不料張罄文側身閃

避適應氏趕攏攔護張世昌一時收手不及致
誤戮伊母應氏左乳並帶傷左腕倒地張罄文
喊叫欲逃張世昌又用刀砍傷張罄文左肱膊
並連戮傷其左肋張罄文應氏旋各因傷身死
經張又幅聞聲轉回喊知隣人趕往看明張世
昌先已攜刀跑出赴縣投首經上元縣驗訊通
詳行提犯證至省委審供悉前情臣恐張世昌
因伊母與張罄文通姦或竟設意一並殺死復

恭壽堂奏議

卷七

辛

加嚴詰據供實止起意將張罄文殺死報讐不
意張罄文閃避伊母趕攏攔護收手不及倉猝
誤傷適斃委非逞兇干犯伊父張餘祥實不知
情等語再三究詰矢口不移查律載子毆父母
殺者凌遲處死又查嘉慶十八年三月刑部議
覆山西省白鵬鶴誤傷伊母白王氏身死一案
奉
旨此案白鵬鶴因向伊嫂白葛氏借取燈油不給出

街嚷罵白葛氏趕出門首理論白鵬鶴拾取土坯
向白葛氏擲毆不期伊母白王氏出勸以致誤傷
殞命刑部引子毆父母殺者凌遲處死律又引鬪
毆誤殺旁人以鬪殺論律比擬問以凌遲處死核
其情節白鵬鶴遙擲土坯誤殺其母非其思慮所
及與鬪毆誤殺者究屬有間白鵬鶴着改為斬立
決嗣後有案情似此者卽照此問擬餘依議欽此
欽遵在案此案張世昌起意將姦占出母之張

恭壽堂奏議

卷七

至

罄文殺死洩忿殺姦既在姦所登時罪不應抵
惟並將出母誤傷斃命應氏雖自絕於夫該犯
係其所生之子究無義絕之理仍應照律定擬
惟該犯因母被姦占伊父復忿激成病目擊心
傷意在復讐不虞將母誤傷適斃實非有心逞
兇干犯揆其情節似較白鵬鶴之案尤為可憫
張世昌除姦所獲姦登時殺死姦占伊母之姦
夫輕罪不議外合依子毆父母殺者凌遲處死

律凌遲處死仍援照白鵬鶴成案聲明可否
恩予酌情量減之處恭候

欽定照例先行刺字犯父張餘祥訊不知情應毋庸
議兇刀發回貯庫張罄文捏姓冒買姦婦為妻
有無媒證知情騙買姦夫姦婦已死無從根究
請免置議屍棺飭縣給領埋葬無干省釋除將
全案供招咨部外所有審明定擬緣由理合恭
摺具

恭壽堂奏議

卷七

五十二

奏伏乞

皇上聖鑒訓示奉

硃批刑部妥速議奏

修濬江浙兩省水道疏

奏為修濬江浙兩省水道請

旨專派大員綜司其事以冀一律周妥仰祈

聖鑒事竊照江南省之蘇州松江常州三府太倉一

州與浙江省之杭州嘉興湖州三府均係水鄉

境地毘連全在各處河道通行無滯以資利益

農桑邇來河身多有墊淤海口未能暢達兼以

塘閘損廢蓄洩乖方偶遇霖霖異漲不免泛溢

恭壽堂奏議

卷七

五十三

是虞臣等體察情形亟宜設法修濬因即彼此
相商各將本境來源去委先行派員分別查勘
業經臣孫玉庭韓文綺將三吳水利酌分先後
緩急恭摺奏

聞其浙西三府水道及先修太湖漚港之各塘閘亦

經護理浙江撫臣黃鳴傑查明具

奏在案嗣臣孫玉庭等承准

廷寄欽奉

上諭御史程邦憲奏太湖滙全吳之水全賴入水之口與出水之口一律疏暢若致力於海口而不去太湖淤墊雨水過多橫決四出蘇松嘉湖諸郡均受其害若專治湖州淩港又挾天目諸山之水奔注東來吳江一帶要口仍任淤墊入海不能迅速則蘇松之患滋甚是專治上游專治下游均未見有利益事關兩省水道農田自宜合兩省形勢通盤籌畫為一勞永逸之計着孫玉庭韓文綺迅派

恭壽堂奏議

卷七

五

幹練大員會同浙省確實查勘擇要疏挑等因欽此仰見我

皇上軫念民依

智周慮遠疏誦之下欽服難名隨經恭錄咨移並派原任淮海道沈惇彝馳赴浙省會同杭嘉湖道陳鍾麟將水道形勢逐一勘明會稟前來臣等伏查蘇杭等六府一州惟杭州一府地勢最高嘉興湖州常州次之蘇州松江太倉為最下杭

湖二府地多層山峻嶺且近連宣歙諸山其水源甚眾皆滙注太湖分歸江省之黃浦吳淞婁江三路入海嘉興一府大半無山故水源亦少其各路河水自杭州流入者十之八自湖州分入者十之二皆從江省泖澱二湖歸黃浦江入海而太湖表延五百餘里蘇常湖三府皆環居其濱其大泖圓泖長泖坐臨松江上接嘉興又有首擊尾應之勢是疆域雖分兩省而源委實

恭壽堂奏議

卷七

五

共一流若浙省專治上游江省專治下游則地勢各有所偏脈絡不能相通即令上下皆治而中間仍多隔閡是非綜攬全局由源竟委必不能使上下游一氣呵成本年四月間臣帥承瀛自浙進京路過蘇州及清江浦地方會遇臣孫玉庭臣韓文綺將此事詳細面商以同條共貫之水本屬無分畛域須得一公正明達之大員綜司其事較之兩省委員分辦更可一律周妥

當查江浙各司道中非本籍隸居兩省即於兩省情形未及盡知惟江蘇臬司林則徐罷職遠大處事精詳曾任浙江杭嘉湖道及江南淮海道其於浙西三府地方均為熟悉而水利諸事亦夙所究心以之綜辦兩省修濬事宜實堪勝任臣再三商酌意見相同臣帥承瀛在京

聖明俯允

恭壽堂奏議

卷七

五六

諭令會同臣孫玉庭等具摺陳

奏茲臣等復又往返札商相應會摺恭懇

皇上天恩准以江蘇臬司林則徐綜辦江浙水利實於兩省均有裨益惟查歷次挑濬河道施工皆在秋冬迨春漲之後即應停止請將林則徐仍畱江蘇臬司本任無庸開缺如遇秋冬之際常川在工不能兼顧暫將臬司印務另行委員署理俟停工時仍令回任其工次移行文牘未便

帶用臬司印信查蘇松太道向委兼理關務本有道關兩印其道印堪以借用工停仍即給還至該司往來江浙兩省履勘督辦在在均需費用現既暫卸本任例只支食半廉該司以職分較大不敢另行請給工費惟大小委員盤纏薪水及隨帶書役飯食紙張不得不酌量籌給應請於

奏明經費內核實支發務使樽節用度不稍浮濫

恭壽堂奏議

卷七

五七

第兩省應用經費亦復多寡不同俟該司統勘明確分段核估議定章程另行詳悉奏

聞由各省動欸分別給辦似此責有專屬事無兩歧彼此絕推諉之私高下有貫通之益自見全河順軌蓄洩咸宜數郡生民共臻樂利益沐聖主恩施於無既矣臣等謹合詞恭摺具奏伏乞

皇上聖鑒訓示

清查江蘇倉庫疏

奏為遵

旨清查江蘇省倉庫虧墊各數酌議追補及防杜續

虧章程恭摺奏請

聖訓事竊照道光元年六月間前省臣魏元煜欽奉

諭旨江蘇省倉庫虧空之多較他撫為尤甚必須將

從前實在虧數詳查明確或應執法或應着追或

應彌補自行酌定辦理既清其源必節其流等因

恭壽堂奏議

卷七

奏

欽此旋經魏元煜以欵目繁多

奏請予限一年仰蒙

恩旨寬以二年之限魏元煜陞任後臣蒙

簡任江蘇巡撫適江蘇兩藩司正署迭更復經

奏懇展限一年於上年五月內奉

旨允准仰見我

皇上慎重倉庫核實清釐屢叨

訓諭之周詳復荷限期之寬展臣與兩藩司欽遵辦

理感凜難名伏查江蘇為財賦最重之區兩藩

司所屬七十一廳州縣每歲錢漕正耗銀米徵

解之數甲於他省而歷來虧空亦較他省為尤

甚久在

聖明洞鑒之中上屆二次清查係截至嘉慶十四年

為止維時通省虧墊共銀四百四十萬八千餘

兩並錢文米豆各欵除十八年以前業經奏補

銀一百二十四萬六十餘兩又截至二十五年

恭壽堂奏議

卷七

奏

止節次奏補銀一百七十四萬二千餘兩又除

咨追外省及本省應追抵墊有着者仍照案追

補外其餘未補銀米等項因二十五年八月二

十七日欽奉

恩詔應准查豁當經孫玉庭魏元煜合詞奏請與官

墊民欠銀米一並豁免嗣奉部覆分別准駁復

經臣以事同一律奏懇

聖恩一體豁免是嘉慶十四年以前倉庫原虧均已

分別補豁查追有案此次查辦之法首在截清界限凡已入二次清查抵墊之款不得復於此次牽混影射且恭繹元年所奉

諭旨明指從前實在虧數方准查辦則凡道光元年以後款項概不准濫入清查蓋向來州縣恃有清查名目每將自己應交之款諉謂前任之舊虧現今應辦之銀捏作先時之墊項若不劃明起訖核實嚴查恐有浮抵虛開轉得遂其宕延

恭壽堂奏議

卷七

卒

之計臣與兩藩司明定章程先頒冊式通飭各屬從嘉慶十四年二次清查截數以後至嘉慶二十五年為止將解存墊各數確按實據開報仍截清前後界限不任稍有混淆惟歷時十有一年之久正雜錯綜頭緒糾紛即一州一縣之間牧令迭更自數員至十餘員不等必須溯查的虧之人核明實虧之數推究致虧之由方可分別辦理先據各屬按照歷任年款造具冊結

由該管道府州核盤加轉尚恐不實不盡復飭歷任正署各藩司吊齊州縣交代印冊日徵紅簿及一切辦公銷用案據逐款勾稽一有含混糾纏之處即不憚往返駁查務使洞見底蘊茲據江藩司張志緒署蘇藩司誠端會同臬司林則徐核明倉庫兩項總細各冊開造呈送分別有着無着二項有欠可追有款可領有物可變者悉歸有着項下分限追繳業經參革藉沒實

恭壽堂奏議

卷七

三

在無可着追者歸於本省籌補並酌擬章程會詳請

奏前來臣查核冊開總數江藩司所屬有着銀一百一十二萬六千九百六十六兩零無着銀一十七萬六千八百二十二兩零蘇藩司所屬有着銀八十九萬二千八百四十六兩零米七千七百六十九石三斗零無着銀四十二萬九千七百二十九兩零合計通省虧墊共銀二百六十二萬

五千四百九十兩零尚不至如二次清查之多然倉庫絲粒均應實貯既經報明虧欠卽恐有侵蝕重情雖據聲明致虧之由難保別無隱混當將各冊細數逐加搜剔所有因公抵墊輾轉懸宕之故委皆實在情形卽如官墊民欠固係各省州縣之通病而江蘇則錢糧之墊欠猶少漕米之墊欠最多蓋因每歲南漕起運江蘇在各省之前冬兌冬開例限緊迫小民狃於積習

恭壽堂奏議

卷七

三

不能依限全完而

天庾正供顆粒不容短欠州縣深恐悞運不得不墊欸買米依限兌開遇有交代卽將未完漕尾作價抵交後任接追而後任又辦新漕每不能兼顧清釐舊欠以致愈墊愈缺陳陳相因此致虧之一大端也又州縣專司地方事無鉅細靡不責成辦理江蘇幅員遼闊水陸驛站處處皆屬要衝舉凡差使往來囚犯接遞以及銅鉛竹木

之水脚損擡餉鞘之人夫或向例不准開銷或准銷而不敷給發加以潮河漲漫阻凍敲冰費用尤增數倍有驛之州縣常年各有賠貼又每歲徵漕時修補倉廩置買器具購備蘆蓆板片雇船剥運米石動須經費又鎮江府屬之徒陽運河為空重糧船經由要道向來

恭壽堂奏議

卷七

六

奏定章程每年一小挑五年一大挑近年來工段愈長積淤愈厚大挑之年輪派十五州縣承辦賠貼最多卽小挑之年亦不能不由各州縣捐貼其餘成造水師哨船派辦營硝馬豆以及修理城垣監獄試院兵房堵築海塘挑挖河道並一切大小工程有因時值昂貴例價不敷者亦有向不動

帑在外籌辦者又存倉米穀或因賑出借或因前任參案未完現任之員總應照例買補而例價與時價每石相懸幾及一倍補於倉而缺於庫

往往有之又或查災辦賑委員薪水書差飯食紙張並丈量海安海阜淤地案内夫役工食以及嘉慶十八年豫東匪徒滋事案内淮徐各屬防禦軍務皆由各州縣捐貼凡此致虧之由雖係各員辦理不善而究屬因公挪墊確有案據歷歷可考者也臣思此等虧項若皆繩之以法即將歷任州縣參革治罪亦屬咎無可辭惟是虧空不難於查參而難於彌補且此項特蒙

恭壽堂奏議

卷七

空

恩諭飭令設法調劑使帑項不致虛懸似此等事閱多年官非一任與其參辦而終歸懸宕莫如立限而漸就清完所有官墊民欠一欸先經臣飭據各府州盤查存串委係實欠在民並無侵虧入己情弊若責令官為賠補恐花戶聞風抗欠殊與催科有碍應先責成現任勒限催徵徵不足數着落賠補其捐雜未清之欸本應概入官欠着追惟其中事體之輕重情勢之緩急亦復

參差不侖有同一因公而原情尤非得已者又有應捐未捐應攤未攤之項在彼任雖入抵欸而此任祇係攤捐者按例原在分賠代賠之列與實虧正欸者有間今在官欠之外酌立追賠欸目以示區別此外州縣辦公經墊銀兩在藩庫有欸可領在屬庫有項可扣及田房什物應行變價完繳者另立領變一欸又從前議定分年攤捐詳稟有案者另立流攤一欸為數亦屬

恭壽堂奏議

卷七

空

無幾皆責成現任各照限期掃數清完至書役欠項一欸本已飭行禁革此次統核各屬交代案内仍復所在多有雖欠數較前減少而名目究未革除揆厥由來緣州縣辦理地方公事不能不僉遣書差領銀承辦及至事竣銷算每有延欠而催徵錢漕緊要之際間有離城寫遠及家惟婦女之零星小戶向不親自投納不得已分遣書役截串催追積習相沿幾為成例而其

中不肖書役於經手錢糧未能依限繳足以致有此欠款是違例僉差之州縣本應嚴叅着賠惟查原案人員半多事故離省若竟責令官賠則原欠書役轉得置身事外且恐將來辦理公務玩視官項更無忌憚自應立限追辦嗣後將墊完截串名色嚴行禁革如再故違卽照例嚴叅以絕流弊以上各款皆統於有着項下應照章程按銀數多寡分別勒限追補本省各員以

恭壽堂奏議

卷七

六

奉

旨之日起限其回籍及陞調各員以接准江省咨會之日為始以歸核實至無着一項多係叅革籍沒年遠人亡二次清查

奏明酌提優缺羨餘彌補已有成效此次自應照辦第銀數已較上屆減少自不必如止屆限補分為十年之久應請酌中定議江藩司所屬每年提銀二萬三千三百兩蘇藩司所屬每年提

銀六萬兩統限八年彌補清欸惟江蘇上年被災較重州縣勘荒辦賑不免賠累若於本年遠行提補亦恐力有未紓轉滋藉口應請自道光五年起依限全提仍於歲底將完補各數

奏報一次此後杜絕新虧惟有提存庫嚴交代之二端最為要義蓋錢糧徵解之數本分上下二忙果能按忙儘徵儘解絲毫不畱屬庫更何挪掩之有臣通飭各屬嗣後上下兩忙各於開徵

恭壽堂奏議

卷七

七

之日起將徵解實數按旬摺報責成藩司隨時嚴提解不足數擇其欠數之多者先行撤回一面飭令該管府州親詣盤查未完版串如有徵多解少以完作欠之弊立即照例叅辦法在必行使之各知畏懼不敢虧空遇有交代責成後任依限查清冊結並送並將存庫銀兩隨冊批解倘已交二叅之限既不稟揭又不結報或有結無冊或有冊而籠統開列存庫任提罔解卽

係通融擔認定將前後任一並參辦該管府州亦予附參總之以交代為盤查以二參為限止以完解到司為實在而流攤濫抵之悉除以冊報存庫為確憑而欠票議單之悉革查有一案虧空卽和盤托出認真參辦不稍畱不實不盡以啟漏卮如此則接任之員必自顧考成不肯代人受過而有虧空之州縣明知不能掩飾亦必早為設法彌縫庶新虧可期斷絕惟是積弊

恭壽堂奏議

卷七

三六

已除整頓大為匪易臣受

恩深重惟當殫竭血誠督率藩司道府時刻嚴查斷

不敢以一奏卽為了事以仰副我

皇上訓誡諄諄之至意再歷次辦理清查原係密

奏之件並無欸冊送部臣思正項錢糧既經動缺

自應造冊咨部存案其捐雜各欸並一切抵墊

名目本非例所應有循照成案毋庸瑣屑造送

以重體制所有遵

旨查辦緣由謹會同協辦大學士兩江總督臣孫玉

庭恭摺具

奏並繕擬章程八條及抵墊有着無着各欸清單

恭呈

御覽伏乞

聖鑒訓示奉

硃批戶部知道

恭壽堂奏議

卷七

三六

酌擬追補章程

謹將江蘇省三次清查各州縣動缺倉庫酌擬

追補章程恭呈

御覽

一墊完民欠宜分年勒限催追也查各州縣經徵民欠條款定有

奏銷年限分別初叅二叅處分照額催徵墊欠猶

以惟漕糧一欸江蘇起運在各省之前冬兌

恭壽堂奏議

卷七

七

冬開例限甚迫淳良之戶尚知踴躍輸將而

其間每有刁劣生監以及健訟之徒或包攬

漁利或醜米扭交觀望捱延幾成積習各州

縣深恐誤運不得不墊欸買米交幫遇有交

代即將未完漕尾作價抵交後任接追而後

任又辦新漕未能兼清舊欠以致愈墊愈多

今既查出即概予叅賠亦屬咎所應得惟此

次墊完銀數尚無上屆之多且一經官賠難

免花戶聞風從此抗欠殊與催科有碍應請

勒限追繳歸欸如數在五千兩以下者限一

年徵完五千兩以上者限二年一萬兩以上

者限三年若遇災緩之年一例准其展緩倘

按限徵不足數着落經墊與接徵之員各半

分賠其接徵之員無分正署按在任月日均

攤賠不足數即將各員叅革未完銀兩歸於

無着項下酌提羨餘撥補嗣後責令該州縣

恭壽堂奏議

卷二

三

等認真催科按年完納清楚不許仍前拖欠

如敢故違照例查叅一面出示嚴禁刁劣生

監人等如再任意抗欠立即斥革究辦以挽

頽風而除積弊

一本省外省官欠宜分別立限追補也查各州

縣經手倉庫錢糧絲粒應歸實貯一經虧短

無論在首離省及現任卸事概行照例嚴叅

痛加懲治以示炯戒惟人數過多察其致虧

之由悉係因公挪墊尚非侵虧入己應請暫緩參辦酌照上屆章程將本省原挪人員分限勒追數在三千兩以內者免其議處勒限半年完繳三千兩以上者降一級留任勒限一年五千兩以上者降二級留任勒限二年每年各繳一半一萬兩以上者革職留任勒限三年每年各繳三分之一二萬兩以上者革職留任勒限四年每年各繳四分之一均

恭壽堂奏議

卷七

七

以奉

旨之日為始依限追補如每限內應繳銀數不清即為限滿一限不完先摘頂戴完後仍准開復二限不完即行離任若統限屆滿繳不足數革任監追查查封備抵並將不敷銀兩勒限一年全完即免治罪如再無完將本員治罪不足之數照例查明如實係家產盡絕仍歸於無着籌補至陞調外省人員移咨任所照江

蘇現任人員一律分別革留按限嚴追其離任人員如候補降調或在本省或在外省及已回旗籍之丁憂告病親老等項已經得缺者亦照現任人員革留限追未經得缺者照現任官員之限加半扣展若本人已故其子孫尚在出仕係現任知縣以上者亦照現任人員定限着追如係候補州縣以下等官以及雖未出仕而家資尚豐者均照候補人員

恭壽堂奏議

卷七

七

酌展年限惟子孫代賠與本身虧挪有間請免先行降革以示區別如果人亡產盡無可着追者由本旗籍查明取具切結咨送江省分別核辦其回籍及陞調各員追繳銀兩年終先行咨明江省一面委員解江歸款一本省外省追賠銀兩應酌展限期完繳也查各州縣因公挪墊款內有情事萬不得已且所挪尚非正款以及應捐未捐應攤未攤並

有在彼縣為抵款在此縣為捐款者雖均應於本員名下着追究與實虧正款情形稍有不同未便概入官欠之內是以另列追賠項下其追限俟官欠追清之後接續勒追俾得從容措繳不致有名無實並免先行降革以示區別仍照官欠年限追補統限屆滿無完現任官革職離任其完數已在五分以上免其離任再予限一年完繳足數如仍不能完

恭壽堂奏議

卷七

七

清卽照官欠條內分別辦理

一領變銀款應勒限歸補也查各州縣交代案內每有墊辦要款及墊放鹽菜口糧等項應行赴司具領歸款其流抵田房什物漕倉家伙以及發售書籍參案呈抵房屋衣物等項在在均關庫款應請責令現任之員趕緊分別追扣變價數在一千兩以下者限半年一千兩以上者限一年三千兩以上者限二年

掃數變繳變不足數將原交流抵並濫行接收及延不變繳之員均照前限賠補原交者着賠十分之五濫接者着賠十分之三延不變繳者按日共賠十分之二如逾限不完卽將流抵及濫接並延不變繳各員分別撤任參追追不足數查明各員如果家產盡絕歸於無着籌補嗣後除已成參案者始准將田房什物作抵庫項外如本無參案者交代案

恭壽堂奏議

卷七

七

內均當以現銀移交不准將田房物件流抵以絕弊源

一攤捐銀款應分別流攤追補也查各州縣承辦工程差務每有格於成例不能請項辦理應將動用之款由縣詳攤者亦有領項興辦而例價不敷分年攤補者又有交代案中前官結欠捐雜等項因有事故無可着追議歸後任代為分攤者此等攤款所在多有或通

詳院司批准或僅稟道府立案更或有未經具詳止於交代案內憑同監盤議攤立據者凡此總有詳議卷據可考然一概責令後任照舊流攤又恐攤數過重各州縣力有不繼易致有名無實且無以杜此後虧挪之弊再三叅酌其有並非因公挪墊係本員自欠捐雜各款仍歸原欠官名下着追毋庸後任接攤以示體卹其餘墊辦工程差務一切議攤

恭壽堂奏議

卷七

七

詳攤之款類皆本邑地方公事與前任欠款情事不同且銀數亦復有限應仍責令各現任按照原攤年限分別照舊按攤以清墊款其有清查冊內捏報攤賠並無詳卷可憑者概予刪除不准列抵嗣後交代案中如有欠交捐雜款者責成舊任於限內按數交清不准再行議攤以絕流弊
一書役欠項應分限嚴追歸款也查書役欠項

前經飭禁此次清查各州縣交代案內尚有此項欠款雖核計通省欠數不及前次十分之二而名目仍未革除揆厥由來皆緣各州縣辦理地方公事不能不僉遣書差領銀承辦及至事竣銷算每有延欠而催徵錢糧緊要之際間有離城寫遠及家惟婦女之零星小戶向不親自投納該州縣因

奏銷限迫不得已截串催追而其中每有不肖書

恭壽堂奏議

卷七

七

役於經手錢糧未能依限繳足以致有此欠款是違例僉差之州縣本應嚴叅着賠惟查原案人員半多事故離省若竟責令官為賠繳不特原欠書役轉得置身事外且恐將來辦理地方公務益加掣肘自應立限嚴追請將欠數每一千兩限四個月自一千兩以上以次遞加限至三年為止每限無完及完不足數即將書役解省監追治罪一面抄產變

抵追抵不足着落經放並虛出通關及情追
之員均照前縣賠補如不足數亦照官欠辦
理

一無着銀兩應仍提羨餘彌補也查二次清查

案內

奏明江藩司所屬每年酌提羨餘銀二萬三千三
百兩蘇藩司所屬每年酌提羨餘銀一十萬
兩彌補無着之款各州縣俱尚遵照按年完

恭壽堂奏議

卷七

庚

解行之已有成效此次查出叅革病故家產
盡絕及未完外銷無可着追各款內江屬銀
數核與上屆不甚相懸自應照舊提補計算
八年可以補清其蘇屬已較前次減少計數
僅止十分之六歸補年限自不能如上屆十
年之久然年分過促又恐有名無實故亦酌
議分為八年彌補每年江藩司所屬提銀二
萬三千三百兩蘇藩司所屬提銀六萬兩按

照上屆派提銀數已減四成且此項本係出
自各屬辦公節省之餘酌盈劑虛惟力是視
現在分別缺分無分正署按日均攤責令該
管府州按數提解司庫其撥補次第先儘本
缺次同府次外府歸補之款先正欵次倉項
再次捐雜以清欸目惟江蘇上年被災較重
州縣辦蠲辦賑不無賠累元氣未能驟復應
請自道光五年起依限全提仍於歲底將完

恭壽堂奏議

卷七

壬

補各數

奏報一次

一存倉米穀宜勒限買補足額也查各州縣交
代倉項原應照數實貯不准顆粒短少此次
核有未經買補者內係災年平糶及緩缺兵
米因遞口糧礮試不敷動缺穀石居多已據
各屬冊報均有價銀存貯買補惟各屬存價
參差不一穀自六七錢至一兩二三錢米自

一兩八九錢至二兩五六錢不等將來採買必多不敷難免後任藉詞賠累現已酌定章程每石穀價定以一兩二錢每石米價定以二兩四錢凡各屬冊開存價過少不敷買補者均經一律加增不敷之銀入於原交之員名下補追亦間有開報存價稍多之處概予刪減以歸劃一而昭核實惟查此項米穀價銀既入清查即統在全案存墊之中須俟歸

恭壽堂奏議

卷七

全

補原價方始有銀採買應俟價銀解司即行發給勒限三月買補還倉仍由該管道府州盤驗出結以歸實貯嗣後如遇參案虧缺米穀凡有例價不敷者應隨時核明市價照數買補其例價之外不敷銀兩請於籌補項下撥足以免存價短絀延不領買之弊

奉

硃批戶部核議具奏

清單

謹將江蘇省三次清查兩藩司所屬各州縣動缺各款開列簡明總數清單恭呈

御覽

江藩司屬

有着各款銀一百一十二萬六千九十六兩

二錢六分九釐內

墊完民欠銀三萬七千六百九十六兩一

恭壽堂奏議

卷七

全

錢四分七釐

本省外省官欠銀七十萬一千九十六兩

七錢二分八釐

本省外省追賠銀二十五萬九千三百九

十八兩四錢二分八釐

領追變抵銀六萬五百兩八分八釐

流攤銀一萬七千六百四十三兩三錢四

釐

書役欠銀四萬九千七百六十一兩五錢

七分四釐

無着籌補銀一十七萬六千八百二十二兩

四錢四分五釐

蘇藩司屬

有着各款銀八十九萬二千八百四十六兩

八錢四分米七千七百六十石三斗九升

六合六勺四抄內

恭壽堂奏議

卷七

全

墊完民欠銀一十一萬三千六百七十九

兩九錢六釐

本省外省官欠銀三十一萬九千五百九

十二兩八錢八分五釐米七千七百六

十石三斗九升六合六勺四抄

本省外省追賠銀三十一萬七千六百一

十七兩七錢二分六釐

領追變抵銀五萬九千三百八十六兩六

錢八分二釐

流攤銀四萬八千一百五十四兩四錢一

分七釐

書役欠銀三萬四千四百一十五兩二錢

二分四釐

無着籌補銀四十二萬九千七百二十九兩

八錢二分二釐

通共江蘇兩藩司所屬虧墊共銀二百

恭壽堂奏議

卷七

全

六十二萬五千四百九十五兩三錢

七分六釐米七千七百六十石三斗

九升六合六勺四抄

奉

硃批戶部知道

韓大中丞奏議

受業 魏源 編次

丁嘉葆

次孫泰 華敬錄

卷之八

目錄

審擬彭澤縣虧空疏

請分年扣還盤壩經費銀兩疏

恭壽堂奏議

卷八

一

請將候選衛守備革審疏

編查保甲棚民疏附片

謝賞福字並鹿肉等件疏

請分年緩扣幫丁借支銀兩疏

審辦德化縣地方疎失鞘銀疏

拏獲會匪審明定擬疏

懇恩寬限買補缺穀疏

審擬泰和縣民陳明開京控疏

請將知縣降補佐貳疏

審擬旂丁蕭靜亭京控疏

審擬候選衛守備李廷傑滋事疏

審擬吉水縣監生鄧輝等京控疏

請將李光海李白腦緩決疏

覆查保甲完竣疏

審明安福縣逆倫重犯疏

恭壽堂奏議

卷八

二

審擬彭澤縣虧空疏

奏為遵

旨審擬恭摺仰祈

聖鑒事竊照前任彭澤縣甄別降補知縣周巖短交

庫項霉變倉穀經前撫臣成格參

奏奉

旨這所參短交庫項霉變倉穀之前任江西彭澤縣

降補知縣周巖着革職拿問交該撫提同丁胥人

恭壽堂奏議

卷八

一

等嚴審實情按律辦理該革員任所資財及原籍

家產一併查封備抵欽此遵卽飭提人證來省委

員審辦旋據南昌府知府周繼圻訊擬由藩臬

兩司審解前護撫臣嵩溥因正值卸事移交前

來臣隨親提研訊緣周巖籍隸江蘇由江西鄱

陽縣縣丞陞授彭澤縣知縣嘉慶二十三年二

月到任道光三年六七月間隣境德化縣因江

水泛漲田畝被淹致成偏災經前撫臣程含章

奏請發銀賑濟各災民不待銀到散給紛紛出境

赴彭澤縣求乞其時湖北黃梅等縣亦被水成

災流民入境者尤多周巖因饑民在境恐滋事

端當按男婦大小丁口散給口糧撥役雇船資

送回籍待賑後因日逐接踵而至給發口糧銀

兩為數甚鉅周巖一時無措將徵存道光二年

餘租銀一千九百三十九兩一錢九分二釐嘉

慶二十五年緩徵餘租銀七百六十九兩四錢

恭壽堂奏議

卷八

二

七分三釐共銀二千七百八兩六錢六分五釐

挪移散給又道光三年四月二十五日周巖將

徵存道光元年餘租銀三千四百二十六兩七

分四釐三年地丁正銀四千二百兩起具文批

僉派家丁孫祥差役陳應管解前赴藩糧二庫

投兌經由陸路前進是日巳刻至縣屬金剛料

地方渡江船至江心陡遇暴風大雨將船打翻

銀批全行沉溺丁役及船戶汪幅等俱各落水

飄淌下游經漁船撈救上岸趕回報知周巖前
往看明雇人打撈因大江險要水深溜急打撈
無獲周巖因沉失銀兩總須賠補未經稟報隨
挪移續徵道光三年地丁正銀一千七百一十
兩四錢四分四釐三年稅契銀九百五十兩四
分九釐三年漕運正銀一千一百四十二兩六
錢八分九釐耗銀一百一十四兩二錢六分九
釐另自添補銀二百八十二兩五錢四分九釐

恭壽堂奏議

卷八 三

湊成四千二百兩補解藩庫又挪移續徵三年
餘租銀三千三百七十二兩八分四釐另自添
補銀五十三兩九錢九分湊成三千四百二十
六兩七分四釐補解糧庫又彭澤縣倉廩七十
三間原係堅固道光三年四月初五日暴風大
雨將秋字四廩瓦片吹落一時搶護不及倉貯
穀石被雨淋濕經倉書王幅瑞報知周巖往看
設法遮蓋時值連日陰雨不能晒晾以致霉變

穀四千一百三十四石四斗五升趕緊變糶每
石僅變銀二錢二分五釐共變銀九百三十兩
零二錢五分按照時值先買補穀七百石上倉
尚缺穀三千四百三十四石四斗五升周巖原
想在任陸續賠補旋經前撫臣程含章以周巖
才不明敏辦事羸疎奏奉

諭旨以府經縣丞降補卸事未及補直經署縣史念
徵查出前項虧缺銀兩及霉變倉穀移交前縣

恭壽堂奏議

卷八 四

陳徵芝會同監盤算明由府道詳揭參
奏奉

旨革審據供前情不諱臣以該革員周巖所供給散
饑民口糧何竟用銀至二千七百餘兩之多又
沉失銀兩霉變倉穀均未詳報焉知非侵蝕入
己捏詞卸罪嚴加究詰矢口不移查核現署彭
澤縣張復申送散給饑民口糧印冊銀數相符
並據勘明金剛料地方實係大江險要水深溜

急倉廩四座委被風雨損壞淋濕穀石訊取船戶渡夫人等各供結均與周巖所供吻合案無遁飾查例載挪移庫銀五千兩以上者擬實犯杖一百流三千里限一年全完免罪開復又律載倉庫及積聚財物主守之人安置不如法晒晾不以時致有損壞者計所損壞之物價坐賊論罪止杖一百徒三年着落均賠還官各等語此案前任彭澤縣甄別降補知縣周巖先則挪

恭壽堂奏議

卷八

五

移庫銀散給饑民口糧嗣因批解糧銀遭風沉失復挪移庫款補解其霉變倉穀照例扣算計價在五百兩以上罪止滿徒自應從重照挪移庫項本例問擬查挪移庫銀共九千九百九十八兩二錢除查封寓所衣物共估變銀一十兩三錢八分五釐備抵外實未完銀九千九百八十七兩零周巖除霉變倉穀罪止滿徒輕罪不議外合依挪移庫銀五千兩以上者擬實犯杖

一百流三千里例應杖一百流三千里勒限一年監追霉變倉穀亦限一年賠完戶書陸英賢於本官挪移庫項不行稟阻倉書王幅瑞於倉貯穀石並不預為防範應各照不應重律杖八十折責革役家人孫祥差役陳應押解銀兩遭風沉失人力難施並非典守不慎應免置議周巖寓所資財業已查封備抵所有原籍資財亦准江蘇查無隱寄取結咨覆應毋庸議除供招

恭壽堂奏議

卷八

六

咨部外理合恭摺具

奏伏乞

皇上聖鑒敕部核覆施行奉

硃批刑部議奏

請分年扣還盤壩經費銀兩疏

奏為據情恭摺具

奏仰祈

聖訓事竊照本年運河淤墊漕糧盤壩支用經費當經兩江督臣琦善等將應行歸墊等款查明列單奏奉

諭旨由總局墊支剝船運米過閘首進軍船修船並折給舵水食米等費共銀七萬三千七百六十餘

恭壽堂奏議

卷八

七

兩着於浙江等省糧道扣解歸款等因欽此嗣准兩江督臣開單咨會江西省應還銀二萬二千五百一十三兩零應飭糧道如數扣解歸墊等因業經前護撫臣嵩溥轉行遵照今據督糧道耿維祜詳稱查江西本年起運軍船除遭風漂沒外寔出運船六百二十五隻以應還前墊銀兩按船核計每船應扣銀三十六兩零第本年各帮因淮河墊阻自水次開行挽抵高郵寶應

一帶守候數月幫情本形拮据加以盤壩過剝既多虧折例帶土宜又全行起卸且今冬應領新運錢糧內原有例扣造剝等款餘剩無多明歲起運新漕仍須盤壩若再將此項按船扣存銀三十六兩零不特來年沿途辦理竭蹶轉瞬兌開置備一切運具亦形支絀再四籌思惟有請將應還前項墊發銀兩分作六年扣還等情詳請具

恭壽堂奏議

卷八

八

奏前來臣細加體察委屬實在情形合無仰懇皇上天恩俯准將總局墊發銀二萬二千五百一十三兩零自本年為始分作六年扣解歸款俾紓丁力而速轉運理合恭摺具奏伏乞

皇上聖鑒訓示內閣奉

上諭韓文綺奏軍船應扣還江南墊支盤壩經費銀兩請分年扣繳一摺江西省本年起運軍船盤壩

剝運應還江南墊發銀二萬二千五百餘兩應卽按船覈扣歸欸據該撫奏稱各幫船本年自開行後沿途稽阻加以盤剝折耗例帶土宜全行起卸今冬尚有例扣造剝等欸若再將此項如數扣解必致辦運竭蹶自係實在情形着照所請將應還江南總局墊發銀二萬二千五百餘兩准其自本年為始分作六年扣解歸欸以紓丁力該部知道

恭壽堂奏議

卷八

九

請將候選衛守備草審疏
奏為特符滋事之候選衛守備請
旨斥革嚴審仰祈

聖鑒事本年十一月十七日據瑞州府新昌縣知縣馮文燦稟稱有在籍武進士候選衛守備李廷傑因伊徒蔡倩拖欠束脩稟縣差追未給李廷傑疑差延擱口角互毆受傷稟驗旋據控府批提解審時該縣定期開考各童循照舊章先赴

恭壽堂奏議

卷八

十

禮房報名填冊十一月初九日忽有並不與考之熊佺等聽從李廷傑及李廷傑胞兄李麻前赴禮房阻鬧並將冊卷搶去禮書吳步高等往稟該縣熊佺等擁至大堂嚷鬧其時觀看多人喧闐雜還該縣出堂彈壓飭拏該犯等咆哮不服與差爭鬧竟有攜取大堂紗燈木架擲打致傷丁役傷及該縣鼻梁當各逃散等情稟經前護撫臣暨司道派委文武員弁前往嚴拏該府

文祥接據縣稟親詣督率縣營先後拏獲李廷傑並熊佻等十四名訊據熊佻等供係李廷傑與未獲之李麻主使喧鬧李廷傑恃符狡展堅不承認臣查李廷傑因挾差役爭毆微嫌輒敢糾眾滋事拒傷丁役並傷及該管知縣實屬目無法紀有無起衅別故及在場共有若干人數實屬何人起意為首現飭飛速將各犯証解省一俟解到臣即督同司道等研訊確情照例懲

恭壽堂奏議

卷八

十一

辦茲據司道府詳請將李廷傑

奏草前來相應請

旨將候選衛守備李廷傑先行斥革以便提同各犯嚴審一面飭緝逸犯李麻等務獲歸案辦理再該縣現在開考所有考童及地方俱甚安貼合併陳明為此恭摺具

奏伏乞

皇上聖鑒內閣奉

上諭韓文綺奏恃符滋事之候選衛守備請旨革審一摺此案江西新昌縣候選衛守備李廷傑因挾差役爭毆微嫌輒敢糾眾滋事拒傷丁役並傷及該管知縣實屬目無法紀李廷傑著即斥革交該撫提齊犯證嚴訊有無起衅別故及在場共有若干人數並何人起意為首確切根究務得實情按律定擬具奏逸犯李麻等飭緝務獲歸案審辦

恭壽堂奏議

卷八

十二

編查保甲棚民疏

奏為編查保甲棚民循例彙

奏事竊照嘉慶二十年正月欽奉

上諭編查保甲州縣於秋收後先行曉諭各村莊保長

人等將本村戶口自行逐細查明造具草冊呈送州

縣親往覆查將門牌照改填寫按戶懸掛仍責令該

管道府直隸州親往協查稟報督撫交兩司核對具

詳督撫於歲底彙奏一次等因欽此又於道光四年

恭壽堂奏議

卷八

十三

五月欽奉

上諭着各督撫等嚴飭該府州縣將棚民逐細查察

按十戶設立甲長每年遞換門牌隨時抽驗禁止

匪類潛匿勾串滋事如查有不安本分鬪狠健訟

之徒立即嚴拏示懲並不准書吏藉端擾累以靖

地方等因欽此當經前撫臣毓岱查明江西省棚

民向來均編入保甲

奏明俟秋收後一律查辦在案茲本年秋據各州

縣督率保長人等將土著及棚民戶口逐一查

明改填門牌並查察各棚民均係安分守法並

無鬪狠健訟及容留匪徒情事經該管道府直

隸州按冊抽查報由藩臬兩司核對具詳前來

臣查保甲一事為除莠安良善政全在地方官

認真查辦庶牌甲各專責成奸宄無從潛匿臣

仍分飭各道府州督同所屬實力奉行隨時嚴

密稽查毋得日久懈生尤不得假手胥役藉端

恭壽堂奏議

卷八

十四

滋擾總期匪戢良安仰副

聖主綏靖閭閻之至意謹將編查緣由恭摺具

奏伏乞

皇上聖鑒

附片

再本年江西回空漕船先經前護撫臣嵩溥委

員催提臣到任後復又嚴催旋據稟報各船全

已抵次查來年重運新漕業經督臣琦善等

奏明提用江南首進二進帮船盤壩接運現在艚
兌開行等事須較常年加緊儻辦以臻妥速臣
諄囑糧道耿維祜嚴督弁丁將各船趕緊修脩
一面飛飭各州縣將徵收漕米勒限趕運派委
員弁沿途迎提務期冬兌冬開不敢稍有延誤
理合附片奏

聞

恭壽堂奏議

卷八

十五

謝賞福字並鹿肉等件疏

奏為恭謝

天恩仰祈

聖鑒事竊臣齋摺差回捧到

頒賞

御書福字並鹿肉等件當即跪迎至署恭設香案望

闕叩頭祇領伏念臣猥以凡庸叨承

殊眷封圻任重涓埃莫効於進思恭養

恭壽堂奏議

卷八

十六

恩深慙悚彌縈於退食茲際祥開玉琯

寵賁彤軒

鳳藻輝煌遠荷自

天之命

龍光咫尺常懷捧

日之誠瑞溢懸堂榮餘加額更沐

賜腥之特沛欣承

高膳之遙頒品重

堯廚熟薦而馨香畢達義叅

義畫敷錫而

福祿攸同臣惟有敬體

皇仁導揚

聖德俾民物咸登康樂沐

泰宇之祥和與班聯共矢寅恭凜素餐於夙夜所

有微臣感激榮幸下忱謹繕摺恭謝

天恩伏乞

恭壽堂奏議

卷八

十七

皇上聖鑒

請分年緩扣幫丁借支銀兩疏

奏為據情恭摺仰懇

聖恩事竊照江西各幫漕船上年截卸北倉並在楊

村起剥借支通庫及天津道庫共銀六萬四千

一百五十三兩零應於各丁應領新運錢糧內

坐扣解還又廣信等十幫北倉截卸時經倉場

督臣奏明在於天津道庫每名借給銀二十兩

共銀九千八十兩應先籌解歸欸在於新漕項

恭壽堂奏議

卷八

三

下分作兩年扣還均經分別轉行遵照今據糧

道耿維祜布政司蘇明阿會詳稱各丁借支通

庫天津道庫剥價銀兩原為各省起卸之需急

須解還歸欸惟江西幫丁素稱疲乏上年停阻

高郵一帶守候數月盤壩虧折丁力更疲本年

仍需剝運費用較多應領錢糧歲有常額若將

前項借支銀兩按數坐扣領項無幾必致辦運

竭蹶迭據幫丁呈請調劑不得不為熟籌惟有

循照嘉慶十三年融借司庫欸項成案請於司庫地丁項下動墊分作五年扣還至另借天津道庫銀九千八十兩道庫現亦無欸可籌應請並於司庫地丁項下墊解自本年冬運為始分兩年扣解歸欸等情詳請具

奏前來臣細加體察委係實在情形合無仰懇

天恩俯准將江西幫丁應行坐扣解還通庫天津道庫共銀七萬三千二百三十三兩零一並在司

恭壽堂奏議

卷八

十九

庫地丁內動墊解還仍分別在於各船丁名下分作五年二年扣解司庫歸欸俾紓丁力而速轉運為此恭摺具

奏伏乞

皇上聖鑒奉

上諭韓文綺奏幫丁借支銀兩請分年扣解一摺江西各幫丁上年因截卸起剥借支通庫及天津道庫銀兩均應照原議分別扣還惟念該丁素稱疲

乏兩載以來盤壩剝運需費較多若將前項借支銀兩按數坐扣辦運未免竭蹶加恩着照所請各幫漕船借支通庫及天津道庫共銀六萬四千一百五十三兩零准其援照成案於司庫地丁項下動墊分作五年扣還其廣信等十幫另借天津道庫銀九千八十兩並准其在司庫地丁項下墊解自本年冬運為始分兩年扣還歸欸以紓丁力而利轉運該部知道

恭壽堂奏議

卷八

二十

審辦德化縣地方疎失鞘銀疏

奏為疎失鞘銀獲犯審擬恭摺具

奏仰祈

聖鑒事竊照江西委員署南昌府通判事試用通判

吳家瑛管解雲南銅本銀兩行至德化縣境內

疎失鞘銀經前撫臣成格參

奏奉

旨署南昌府通判吳家瑛着革職留於地方協緝德

恭壽堂奏議

卷八

三

化縣通遠驛驛丞謝同忻着革職留任署德安縣

事撫州府經歷丁春林着交部照例議處一並勒

限緝拏所有案內人證着該撫提訊有無串竊賄

縱情弊分別辦理等因欽此查此案先經提到兵

役車夫人等審訊旋據德化縣汛把總詹福訪

知逃犯踪跡知會該縣督率吳家瑛家丁德安

縣兵役及通遠驛弓兵拏獲賊犯王師鶴訊認

行竊鞘銀屬實伊父王禮寬事後知情並起獲

銀兩一並解省委員審擬由藩臬兩司詳解前

來臣親提研鞫緣王師鶴籍隸德安縣隨父王

禮寬販牛兼習木匠生理素不為匪道光五年

江西省撥解雲南省丙戌年銅本銀兩飭委署

南昌府通判事試用通判吳家瑛管解銀十五

萬兩計裝一百五十鞘於五年五月十六日領

銀起程十九日行抵德安縣經該署縣丁春林

於二十日按五鞘派差一名移營撥兵一名並

恭壽堂奏議

卷八

三

委典史諸家桂隨同委員護解因連日差使絡

繹站夫不敷添僱小車推載有車夫柳言善承

載三鞘差役朱元兵丁段又發護解是晚解至

德化縣通遠驛經驛丞謝同忻點收二十一日

該驛丞同委員督率原兵役等管解行至中途

適值天雨各夫趕路朱元等因派管之五鞘尚

有兩鞘在前行走恐致疎虞且與車夫柳言善

素識可靠即趕前照應詎柳言善忽患痧症腹

痛難行時該犯王師鶴攜帶鐵斧覓工路過柳
言善催其代背一鞘王師鶴因貧起意乘便行
竊當即應允議給脚錢八十五文王師鶴即背
負一鞘前行迨至義門鋪地方四顧無人將鞘
背至路旁山窩內藏放待至初更取出身帶鐵
斧將鞘劈破竊出銀五百兩裝入鞘馬忽見前
面犬吠有人肩負稍馬從僻路跑回將銀埋在
火鑪坑內時柳言善在途不見王師鶴趕至德

恭壽堂奏議

卷八

三

化縣署將兩鞘交清該德化縣吳名鳳同委員
吳家瑛查知尚短一鞘飛札署德安縣丁春林
於次早會同尋至義門鋪地方山窩水塘邊獲
得餘銀鞘壳鐵斧計被竊銀五百兩差緝無獲
稟經前撫臣成格將委員吳家瑛等叅

奏奉

旨分別革職雷緝雷任飭提兵役車夫人等解省審
辦比王師鶴之父王禮寬自外回家王師鶴告

知竊情王禮寬容隱即同王師鶴將銀二百十
七兩八錢零向不知情之羅仲奇熊本芳牛行
販牛先後轉賣王師鶴又將銀四十兩向不知
情之涂同興程正太各鋪換錢尚存銀一百二
十兩餘銀同賣牛及換得錢文陸續花用王師
鶴聞孛躲避嗣據訪獲追起原贓解審據供前
情不諱究明此外並無窩夥竊劫別案及知情
分贓之人兵役車夫等委係一時疎忽亦無賄

恭壽堂奏議

卷八

四

縱串竊情事查例載竊盜庫貯銀錢首犯數至
一百兩以上者擬絞監候至竊盜餉鞘銀兩即
照竊盜倉庫錢糧一例科罪又管押餉鞘失事
之兵役依法管解偶至疎失者減首犯罪二等
又竊盜同居父兄知情而又分贓者照本犯之
罪減二等各等語此案王師鶴受雇背送銀鞘
竊取餉銀五百兩殊屬藐法王師鶴合依竊盜
餉銀照竊盜庫貯銀兩一百兩以上絞監候例

擬絞監候秋後處決差役朱元兵丁段又發承
派押解餉銀五鞘因雨鞘人夫天雨趕路前行
恐致疎虞且因與車夫柳言善素識可靠趕前
照應柳言善陡患痧症雇人背送失鞘尚非無
故先後散行犯亦被獲朱元段又發合依管解
餉鞘失事之兵役依法管解偶致疎失者減首
犯罪二等例於王師竊絞罪上減二等俱杖一
百徒三年犯父王禮寬事後知情將銀販牛合

恭壽堂奏議

卷八

三五

依竊盜同居父兄知情而又分贓者照本犯之
罪減二等例於王師竊絞罪上減二等杖一百
徒三年據供母老丁單飭縣查明取結辦理車
夫柳言善承載餉鞘因病轉雇致被竊逃應照
不應重律杖八十折責發落已獲贓銀三百七
十七兩八錢七分先已歸欵未獲失銀一百二
十二兩一錢三分業由解官等照數賠補仍於
犯人名下追起分別給還該解官試用通判吳

家瑛疎失鞘銀如係地方官獲賊例應帶革職
之案仍留原省差委効力四年無過開復今犯
係該員遣丁於一年限內協獲並無餘犯在逃
賠銀亦於限內完繳其革職之案應否卽予開
復例無明文聽候部議驛丞謝同忻原參革職
應請開復並請將署德安縣事撫州府經歷丁
春林照例議結此案獲犯在四個月疎防限外
所有該德化縣疎防文武職名仍另行補參除

恭壽堂奏議

卷八

三五

供招咨部外合將獲犯審擬緣由恭摺具
奏伏乞
皇上聖鑒勅部議覆施行奉
硃批刑部議奏

拏獲會匪審明定擬疏

奏為審明定擬具

奏仰祈

聖鑒事竊照江西界連閩粵向多會匪節經嚴拏懲

辦前據吉安府知府銘惠督同廬陵吉水二縣

訪有會匪賴老三詐搶客船情事委員查拏即

據船戶郭文禮具報被賴老三訛詐不遂搶錢

逞兇經伊格戮致傷逃走喊同兵役將賴老三

恭壽堂奏議

卷八

三

同周配菟追獲呈縣賴老三因傷身死經吉水

縣驗明屍傷督率兵役協同清江南康贛縣兵

役緝獲魏招仔鍾窰仔劉榮其嚴老結蕭長科

由府督訊解省委員審辦旋據泰和縣知縣徐

迪惠拏獲李洪發李長生仔訊出李洪發與魏

招仔等在豐城黃浦腦地方致傷南昌縣草捕

謝沅身死棄屍河內情事稟解赴省又據萬安

新建二縣暨各委員先後拏獲黃文禮蕭三仔

王三仔歸案審辦並委員前赴黃浦腦會同該

縣打撈謝沅屍身漂流無獲將船戶廖昌海等

解訊查驗花帖布旂等物與歷辦會案大概相

同並無違悖不法字句茲據委員南昌府知府

周繼炳等審擬由臬司邱樹棠詳解前來臣親

提研鞠緣魏招仔籍隸贛縣素不安分道光四

年六月二十日魏招仔在清江縣樟樹地方路

遇南康縣人賴老三稱係添弟會即三點會內

恭壽堂奏議

卷八

六

之人糾邀拜師入會彼此即有關照可免欺侮

魏招仔允從是夜在該處水口空廟內拜賴老

三為師賴老三買備香燭用桌搭橋設有米斗

內插布旂供設從前傳會之洪二和尚牌位令

魏招仔跪拜鑽橋傳授開口不離本出手不離

三暗號及三八二十一口訣宰鷄取血滴酒同

飲魏招仔送給錢一千文賴老三付給花帖一

張而散魏招仔旋轉傳黃文禮並在逃之葉長

貴為徒又周配堯並李洪發鍾竈仔劉榮其嚴
老結蕭長科亦在贛縣及樟樹地方先後拜賴
老三為師李洪發轉傳王三仔為徒均照前鑽
橋飲酒傳授口訣暗號並未領有花帖內惟蕭
長科王三仔僅止圖免欺侮得受口訣並未鑽
橋飲酒亦未領帖各送給錢三五百文不等嗣
賴老三與周配堯於九月二十五日傍晚路過
吉水縣張家渡地方瞥見郭文禮棉花船隻停

恭壽堂奏議

卷八

三

泊河干賴老三起意訛詐邀同周配堯前赴郭
文禮船上搜查有無違禁貨物郭文禮不依爭
鬧賴老三見艙面放有錢三百餘文搶藏懷內
郭文禮斥罵向奪賴老三拔刀嚇唬經水手鍾
老五拾石擲傷賴老三左腿並棍毆其左胳膊
右臂膊右肘右腿郭文禮奪刀賴老三用刀
背毆傷郭文禮左胳膊郭文禮掣取菜刀格戮
致傷賴老三顛門右跑走郭文禮喊同兵役將

賴老三與周配堯追獲搜回錢文並搜出花帖
布旂等物賴老三至二十七日殞命此魏招仔
等拜從賴老三入會傳徒並賴老三赴郭文禮
船上詐搶逞兇被格身死之情形也又魏招仔
李洪發均與南昌縣草埔謝沅素識道光四年
五月內魏招仔李洪發在吳城鎮地方賭錢被
謝沅看見欲掣訛去錢五百文九月十七日李
洪發同李長生仔在樟樹地方搭坐不知姓之

恭壽堂奏議

卷八

三

喜仔船隻赴省覓工旋有魏招仔王三仔鍾竈
仔劉榮其嚴老結蕭長科黃文禮與另案會匪
蕭三仔亦先後搭船至豐城黃浦腦地方停泊
鍾竈仔等因事上岸李洪發在船邀同魏招仔
王三仔蕭三仔跌錢賭博維時謝沅搭坐廖昌
海船隻亦至該處停歇見而過船喊掣訛詐李
洪發起意毆打與魏招仔等商允當向斥罵爭
鬧王三仔用石榔頭毆傷謝沅肚腹李洪發順

取小刀戳傷謝沅左肋謝沅用脚將刀踢落魏招仔拾刀嚇戳適傷謝沅胸膛跌倒船內船戶廖昌海並搭船之僧旭昇等先亦上岸買物同鍾竈仔等回船看見與蕭三仔一同勸散謝沅逾時殞命李洪發畏懼囑令廖昌海等不許聲張並嚇逼僧旭昇等寫給保顧字據商同魏招仔王三仔將屍擡棄河內此又魏招仔與李洪發等共毆致傷謝沅身死之情形也茲據各供

恭壽堂奏議

卷八

三

前情不諱究非有心欲殺此外亦無另有傳徒及別項不法情事其謝沅屍身雖未撈獲而被毆斃命之時有廖昌海等供證確鑿似無疑義查例載左道異端煽惑人民為首者絞監候又例載邪教為從改發回城給大小伯克及力能管束之回子為奴又律載同謀共毆人致死下手致命傷重者絞監候各等語此案魏招仔因南昌縣草捕謝沅屢向訛詐聽從李洪發謀毆

致斃應照鬪殺科斷謝沅身被各傷惟魏招仔最後刀戳胸膛即時跌倒身死為重應以魏招仔擬抵該犯先拜賴老三為師復自行傳徒黃文禮等令其鑽橋飲酒尚未給與花帖亦應絞候二罪相等自應歸於會案從一科斷魏招仔合依左道異端煽惑人民為首者絞監候律擬絞監候秋候處決李洪發拜師入會雖經轉傳王三仔一人未給花帖亦未鑽橋飲酒仍應照

恭壽堂奏議

卷八

三

邪教為從科斷李洪發除起意謀毆及棄屍已失罪止杖流不議外應與各自拜師入會鑽橋飲酒之周配堯鍾竈仔劉榮其嚴老結黃文禮均請照邪教為從例發回城給大小伯克及力能管束之回子為奴分別刺字鍾竈仔雖係孀婦獨子不准畱養王三仔蕭長科被誘入會僅止圖免欺侮得授口訣並未鑽橋飲酒罪應擬徒王三仔又共毆謝沅聽從棄屍亦罪應滿徒

從一科斷均應於李洪發等違罪上減一等各杖一百徒三年到配折責安置蕭三仔訊止賭博並無幫毆情事其另拜陳秀科為師業歸另案從重擬結船戶廖昌海與李長生仔事後知情不報均照不應重律杖八十折責發落賴老三屢次拜會訛詐搶錢罪應絞決今已被格身死應毋庸議郭文禮因被賴老三詐搶逞兇用刃格殺應照律勿論水手鍾老五並免置議失

恭壽堂奏議

卷八

三

察牌保人等飭縣查追責懲起獲花帖等件案結銷燬逸犯葉長貴等飭緝獲日另結此案係府縣訪聞拏獲究辦失察拜會職名應請免議所有失察人命並草捕滋事應議及拏獲會匪應叙各職名飭取另行咨部分別查議除供招咨部外理合恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷八

三四

懇恩寬限買補缺穀疏

奏為各屬初限應買缺穀尚未買足仰懇

聖恩寬限事竊照江西南昌等十二府州查報各屬

倉穀有平糶出借霉變折耗交代時作價流交

共缺穀二十四萬二千九百三十餘石或交現

銀或以墊完民欠作抵雖非侵挪究未實貯經

前護撫臣嵩溥

奏明自道光四年十月為始分別穀數多寡勒限

恭壽堂奏議

卷八

三五

三年掃數買補完足聲明廣信饒州二府尚未
覆到嚴催查辦欽奉

上諭該州縣果能依限買完其從前狗隱折價之咎

尚可寬免如再逾限不能買補足數即着一併參

辦等因欽此欽遵在案旋據廣信饒州二府查報

所屬各縣缺穀四萬二千六百六十餘石連原

奏缺穀共計二十八萬五千六百石零內除彭

澤縣周巖霉變穀三千四百三十四石零已歸

參案另辦外餘應分限買補初限應買穀一千

五萬五千二百六十四石零二限應買穀九萬

四千四百三十三石零三限應買穀三萬二千

四百六十七石零自道光四年十月至五年九

月初限屆滿僅據各屬報買穀八萬六千二百

四十餘石當經前護撫臣嵩溥暨臣先後勒限

嚴催續據報買穀二萬九千六百一十餘石計

初限尚未買足穀三萬九千三百九十餘石臣

恭壽堂奏議

卷八

三六

查此項缺穀從前狗隱折價本干吏議已蒙

高厚鴻慈給限買補各廳州縣自應依限採買乃初

限應買之穀尚有短絀予以參辦實屬咎所應

得惟初限穀數較多有原交現銀不敷市值有

原抵民欠催徵未完致未買足亦係實在情形

現值青黃不接穀價昂貴如責令趕買不特賠

累較多且恐有妨民食惟有仰懇

天恩將銅鼓靖安泰和龍泉永新宜黃餘干樂平德

化彭澤興國會昌十二廳縣初限共未買足穀二萬二千三十餘石寬限五個月維時早稻登場穀價平減勒令掃數買齊其實缺人員仍停止陞調署事人員既停委署補缺俟初限缺穀買足之後再准陞調委補以示懲儆至南安府所屬之大庾上猶二縣贛州府所屬之定南雩都信豐龍南安遠長寧六廳縣初限共未買足穀一萬七千三百六十餘石該八廳縣地瘠民

恭壽堂奏議

卷八

三

貧陸路崇山峻嶺水路節節灘河本地產穀不敷民食隣近採買脚費倍增實多賠貼若不予限稍寬辦公愈形竭蹶所有該八廳縣缺穀應請照原奏定限遞展一年即以本年底為初限屆滿俾免支拙而裕採買此次奏請之後如再有逾限買不足數之員即同督催不力之本管知府一併揭參其報買上倉穀石貴成本管府州盤查結報如有虛捏情事隨時參辦據

藩司蘇明阿詳請核

奏前來理合恭摺具

奏伏祈

皇上聖鑒訓示內閣奉

上諭韓文綺奏初限應買缺穀尚未買足懇恩寬限一摺江西南昌等十二府州各屬共缺倉穀二十四萬二千九百三十餘石前據嵩溥奏明分別勒限三年掃數買補完足當經降旨准行續據查明

恭壽堂奏議

卷八

三

廣信饒州二府所屬缺穀四萬二千六百六十餘石共缺穀二十八萬五千六百石零內除霉變穀石已歸參案另辦扣至道光五年九月初限屆滿應買補穀一十五萬五千二百六十四石零茲據該撫奏稱僅據各屬報買穀一十一萬五千八百五十餘石計未買足穀三萬九千三百九十餘石本應即行參處惟念初限穀數較多有原交現銀不敷市值有原抵民欠催徵未完自係實在情形

加恩着照所請將銅鼓靖安泰和龍泉永新宜黃
餘干樂平德化彭澤興國會昌十二廳縣初限未
買足穀二萬二千三十餘石寬限五個月勒令掃
數買齊實缺人員停止升調署事人員概停委署
補缺以示懲儆至南安府屬之大庾上猶二縣贛
州府屬之定南雩都信豐龍南安遠長寧六廳縣
初限未買足穀一萬七千三百六十餘石並准照
原奏定限遞展一年當卽以本年九月底為初限

恭壽堂奏議

卷八

三九

屆滿此後如再有逾限買不足數之員卽同督催
不力之本管知府一併揭叅其報買上倉穀石責
成本管府州盤查結報倘有虛捏情事着卽隨時
叅辦該部知道

審擬泰和縣民陳明開京控疏
奏為遵

旨審擬具

奏仰祈

聖鑒事竊據泰和縣民陳明開赴步軍統領衙門呈
控王成山等糾約鹽梟開設鹽廠賭局哄誘伊
子陳鴻賓輸錢逼寫字據糾搶衣物等情奏奉
諭旨此案着交成格親提人證卷宗秉公審訊按律

恭壽堂奏議

卷八

四十一

定擬具奏原告陳明開該部照例解往備質欽此
並准將陳明開咨解到江當經前撫臣飭提人
證卷宗解省審辦去後茲據委員訊供由臬司
邱樹棠鹽法道齊嘉紹解審前來臣親提研鞫
緣王成山原籍信豐縣於嘉慶二十五年遷居
泰和縣馬家洲地方與歐陽楚山素識往來有
信豐縣人郭良萬劉義同王有光等販私到王
成山家窩囤售賣每擔分給王成山錢二三十

文不等後聞查拏嚴緊不復回私道光三年七月間陳明開之子陳鴻賓同王成山至歐陽楚山家間設歐陽楚山起意抓攤賭博均各允從經歐陽楚山堂姪歐陽尚清擺攤王成山與歐陽楚山陳鴻賓並歐陽玉柱等猜壓散場結算陳鴻賓輸給王成山錢二十千文歐陽楚山錢十一千文餘無輸贏陳鴻賓因無現錢寫給票約各散陳明開查知欲將陳鴻賓責處陳鴻賓

恭壽堂奏議

卷八

望

畏懼逃避陳明開控縣差拏王成山邀同歐陽楚山至陳明開家吵鬧牽其耕牛二隻賣錢分用陳明開赴縣續控王成山等避匿旋經隣人郭以禮等處令陳明開以被牽牛隻抵算外另給王成山等洋銀二十四圓將票約付還寢事嗣陳明開因伊子陳鴻賓潛匿未回心懷不甘復赴縣府鹽道呈控並控經前撫臣程含章飭拏將歐陽楚山拘獲解府訊認誘賭牽牛屬實

飭發廬陵縣看管催拏王成山未獲歐陽楚山患病身故經府委員驗訊即據屍妻歐陽羅氏具結攔驗將屍棺殮王成山主令屍妻羅氏屍姪歐陽尚清將屍棺擡至陳明開家詐賴王成山與姪王功湖並隣婦人等一同往鬧陳明開家婦女畏懼走避陳明開出阻王成山將其扭住欲行剥衣挖眼陳明開掙脫逃走王成山等乘間搶得陳明開家衣物銀錢穀豆俵分花用

恭壽堂奏議

卷八

望

陳明開控縣並控府委員會縣押令羅氏將屍棺領回陳明開復先後控經院司道批行嚴拏未獲陳明開隨以鹽梟開廠販私窩匪擾民及書差樊縱等詞赴京呈控茲臣提集研訊據供前情不諱嚴究王成山並無另犯不法情事臣查馬家洲地方多販私結會匪徒歷經懲辦有案誠恐尚有餘匪潛匿在境先已密飭文武各官確查現據查明實無另有匪徒滋事等情

此案王成山始則窩匪私販繼復誘賭牽牛嗣因歐陽楚山解郡病故復主令屍妻羅氏等屍棺詐賴搶分贓物實屬擾害估計搶贓值銀八十一兩零王成山除搶奪計贓及賭博各輕罪不議外合依兇惡棍徒屢次生事行兇無故擾害良人發極邊足四千里安置例發極邊足四千里充軍照例刺字到配杖一百折責安置歐陽楚山起意賭博聽從強牽牛隻罪應擬徒業

恭壽堂奏議

卷八

四

已病故應毋庸議刑書康映光差役徐漢雖訊無舞弊情事惟不即時獲犯詳辨究屬延玩康映光徐漢均照不應重律杖八十折責革役陳明開所控各情多已得實應毋庸議王成山分得賭錢搶贓飭追分別入官給領逸犯歐陽尚清等飭緝獲日另結該泰和縣先未覺察現已獲犯究辦應請免議所有失察賭博文武職名飭取另參該處馬家洲地方仍飭該縣府會同

營弁不時嚴查密訪有犯必懲以靖地方除供招咨部外合將審擬緣由恭摺具

奏伏乞

皇上聖鑒敕部議覆施行奉

硃批刑部議奏

恭壽堂奏議

卷八

四

請將知縣降補佐貳疏

奏為遵

旨察看才不勝任之知縣請以佐貳降補恭摺具

奏仰祈

聖鑒事竊照前護撫臣嵩溥於甄別案內

奏請將崇仁縣知縣葛東昌宜春縣知縣程國觀

興安縣知縣申祐分別改補調補嗣准部咨奉

旨吏部查明葛東昌任內有降級畱任催徵等案程

恭壽堂奏議

卷八

聖

國觀任內因疎脫重犯畱任緝拏均與改調之例

不符該護撫既稱葛東昌才具不能開展於公事

辦理竭蹶卽應酌量降補或竟予休致何得以違

例之員率請改補崇仁縣知縣葛東昌着不准其

調補交新任巡撫再行察看奏明辦理宜春縣知

縣程國觀興安縣知縣申祐俱着撤回仍畱各本

任等因欽此臣查崇仁縣知縣葛東昌現年四十

九歲廣西進士道光元年部選今職卽於是年

到任該員於臣未經到任之前先已委解河工

餉銀出省茲差竣回江遵

旨詳加察看並復悉心體訪葛東昌才識拘迂遇事

遲鈍催科聽斷均未能明速其辦公竭蹶誠難

勝民社之任惟年力富強居心謹飭且在江五

年熟悉情形若畱於江西改用佐貳尚足以資

差遣合無仰懇

聖恩俯准將葛東昌以府經縣丞降補仍畱江西遇

恭壽堂奏議

卷八

聖

有相當缺出酌量補用如蒙

俞允卽飭該員在江候補並飭查明該員任內經手

倉庫錢糧有無虧短另行照例辦理所有臣遵

旨察看緣由理合恭摺具

奏伏乞

皇上聖鑒訓示再查宜春縣知縣程國觀興安縣知

縣申祐尚未卸事遵

旨各畱本任合並陳明謹

奏奉

硃批另有旨內閣奉

上諭韓文綺奏察看才不勝任之知縣改降補佐貳
一摺江西崇仁縣知縣葛東昌前因改調與例不
符交該撫察看辦理茲據奏該員才識拘迂辦公
竭蹶難勝民社之任惟年力尚強熟悉該省情形
葛東昌着以府經歷縣丞降補留於江西地方遇
有相當缺出酌量補用該部知道

恭壽堂奏議

卷八

四

審擬旂丁蕭靜亭京控疏

奏為遵

旨審擬具

奏仰祈

聖鑒事竊照吉安幫旂丁蕭靜亭赴京呈控佃戶欺
隱屯田一案經都察院奏奉

諭旨此案着交毓岱親提人證卷宗秉公審訊按律
定擬具奏原告蕭靜亭該部照例解往備質欽此

恭壽堂奏議

卷八

四

並准將蕭靜亭咨解來江當經飭提人卷來省
委員審辦嗣因蕭靜亭堅執原詞應行勘丈驟
難定斷疊經咨部展限茲據委員以蕭靜亭稟
求免丈查訊明確由司道詳解前來臣親提查
訊緣蕭靜亭係廬陵縣軍籍廬軍屯田坐落龍
泉縣二十五六七都地方該吉安幫五十二船
額定屯田七十七頃八十八畝零實徵銀四千
二百九十八兩零分別解給辦運乾隆四十九

年該吉安幫旂丁杜王謝等以乾隆二十四年清查二十五都丈出田一十八頃零二十六七兩都尚未弓丈均被刁佃隱佔控道飭查並無案據嗣據疊控藩司飭委勘詳丈出田二百九十餘畝旂丁岳蔣劉等又以丈溢不止此數係圖造弓割步受賄隱瞞控道批府飭查當據該前署縣俞光豫詳報查出丈溢田四十五頃零卽據佃戶劉宗智等以丈溢屯田係旂丁龔方

恭壽堂奏議

卷八

兗

伯等賄書加弓增步隨詳翻控經道飭令覆勘非秋禾在田卽人證未齊具稟展限迨嘉慶十五年催據龍泉縣湯煦以前次查出丈溢田畝本非俞光豫親丈是否旂丁賄串浮加屢傳原告抗延不到無從根究請照例註銷經道駁飭覆勘未據勘覆道光四年該丁蕭靜亭因傳聞各佃戶有欺隱墾佔情弊並憶乾隆年間控案曾經丈溢田畝妄思丈量陞科加租濟運卽查

照乾隆年間原控情節赴縣府具控旋因隨幫北上遂牽叙原案並添砌該佃等勾串豪民私相典賣以大換小以熟換荒飛灑租糧赴都察院衙門具控奏奉

諭旨解回審辦訊據被告佃戶邱裕安等僉供承種

屯田歷係按額完糧並無私相典賣及欺隱墾佔等事實之蕭靜亭仍執原詞委員前往勘丈疊經咨明展限在案旋據委員等具稟龍邑屯

恭壽堂奏議

卷八

五

田十年清查四年編審均認真查辦佃戶從無私相典賣及以大換小以熟換荒情弊該處佃戶共有八九千戶之多現因查丈率多畏累遠避若俟傳到各佃按畝丈清數年方克蕙事揆度時勢殊多窒碍而蕭靜亭目擊情形亦稟求免勘查屯田定例四年編審十年編查專為旂丁典賣欺隱而設至佃戶承耕屯田有無墾闢應如何清查加租例無明文各佃圖得花利日

漸墾闢原恐不免但龍邑屯田錯雜萬山之中
依山傍澗雨暴則山田沖卸雨久則溪水即淹
雨既可虞晴又苦旱本屬極磽之地從前土人
不愿耕種復議徵七免三招募閩粵客民承佃
該佃戶藉耕數畝之屯終歲勤勞以資生計豐
年尚可完租歉收即多抗欠乾隆年間該縣清
理佃欠准以官山作民山償其開荒之工本佃
民始得相安近年該縣徵收屯租僉派丁書在

恭壽堂奏議

卷八

五

鄉設局先飭屯差多方開導令各佃於趕墟之
便自行完納若有尾欠漕項緊要則官為墊解
徵收還欸此種情形即照常徵收已非易易若
如蕭靜亭所控將該田逐一清丈加租該佃民
衣食益復無資非畏累遠逃無人承佃即多方
抗欠纏訟無休且丈量田畝必須傳集佃戶令
其呈出田約核明四至畝數又須農隙之時方
可呈丈實非數年所能歲事况吉安幫五十二

船額定屯田數有一定即有多餘並非該幫應
得之屯豈容復有希冀定例丈量田畝及抑勒
首報墾田之事永行停止違者以違

制律論推原例意誠以

國家田畝自康熙年間大丈以後賦額已定此後
如有增闢畱不盡之地利以益貧民在所不禁
現在蕭靜亭所控屯田詰以何處隱墾茫無以
對更不便以空言紛紛查丈使八九千佃戶不

恭壽堂奏議

卷八

五

能安於生業况江西一十三幫均有屯田此端
一開從此效尤呈丈必致擾累無窮既據自行
稟懇免丈自應如請准免即從前丈出溢田本
非前縣余光豫得自親丈歷屆編查並無溢額
聞有山頭地角無可起徵自可毋庸查辦俾甦
佃累查蕭靜亭希冀加租飾詞赴京呈控殊屬
不合姑念尚無挾詐別情應請照不應重律文
八十折責三十板被告邱裕安在省病故看管

人等並無凌虐情弊應毋庸議其餘未到各佃
現值農忙應免提質以省拖累該縣額徵屯餘
飭縣實力催徵毋任延欠並嚴禁各佃戶毋許
私行典賣仍照四年十年例限認真編查以清
屯業而杜弊端除供招咨部外理合恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷八

五三

審擬候選衛守備李廷傑滋事疏

奏為遵

旨審擬具

奏仰祈

聖鑒事竊照新昌縣在籍候選衛守備李廷傑特符

滋事經臣

奏奉

諭旨此案江西新昌縣候選衛守備李廷傑因挾差

恭壽堂奏議

卷八

五

役爭毆微嫌輒敢糾眾滋事拒傷丁役並傷及該
管知縣實屬目無法紀李廷傑着卽斥革交該撫
提齊犯證嚴訊有無起衅別故及在場共有若干
人數並何人起意為首確切跟究務得實情按律
定擬具奏逸犯李麻等飭緝務獲歸案審辦欽此
遵卽飭提犯證來省委員研訊並據該縣馮文
燦稟稱李麻等在大堂拒毆丁役該縣出堂查
問李麻等咆哮不服當飭鎖拿逃跑維時北風

甚大將暖閣屏門吹掩震動閣板致將懸掛紗
舊紗燈散落正值該縣擡頭外看適被燈架傷
及鼻梁因時已黃昏觀看人多辨別不明是以
前稟未將如何被傷之處聲叙茲已查明據實
具稟等情檢查該縣原稟僅稱李麻等拒傷丁
役該縣亦被燈架傷及鼻梁至如何被傷原未
聲明當飭委員核審並據該管瑞州府稟據營
縣續獲李麻解省歸案審辦茲據委員南昌府

恭肅堂奏議

卷八

五

周繼圻審明由藩臬兩司審解前來 臣隨提齊
犯證督同研訊緣李麻與胞弟李廷傑籍隸新
昌縣李廷傑於道光二年中式武進士以衛守
備選用丁憂在籍五年五月內有同縣人蔡倩
拜從李廷傑學習弓馬嗣因患病辭回共欠李
廷傑備膳錢三十五千文李廷傑控縣飭差鄒
太等催追因蔡倩外出致未追給該縣馮文燦
因公赴郡九月初六日李廷傑在署前撞遇鄒

太因其不將蔡倩帶案向斥爭鬪李廷傑順用
扇柄連毆鄒太頭上並舉脚踢傷其左肋倒地
昏暈時縣役李松陳高袁順漆細江全李德見
而向罵鄒太之妻龍氏聞知趕至掌毆李廷傑
左右腮脰李松拳毆李廷傑左肋李廷傑失跌
溝內墊傷右耳根並被龍氏潑擲溝內穢泥經
人勸散鄒太李廷傑各赴代行典史驗傷飭醫
李廷傑控府批准提究嗣該縣回署查明將滋

恭肅堂奏議

卷八

五

事之李松等管押飭傳人證批解時值該縣示
期考試各童雲集李廷傑稟求該縣先將各役
當眾責懲該縣馮文燦因案已府提不允李廷
傑心懷不甘十一月初九日與伊兄李麻並在
逃族人李濟設及李麻起意糾人混冒考童前
赴禮房吵鬧冀可挾制先責各役洩忿令李廷
傑不可出面並邀允李濟相幫李廷傑未向阻
止李麻李濟隨分邀李花江新漆虎熊恁江毯

熊農李大德並謝佹漆接李金林及在逃之李
煥李芳李輝李祿李順李羊大老一共十八人
走至縣署禮房門首謝佹漆接李金林三人畏
懼走回李麻等見禮房正在填冊向禮書吳步
高等買卷故意挑剔尋衅爭鬧李麻等聲言衙
役毆打紳士之案官不究辦眾童不服特來吵
鬧李濟李煌江新順手在架上搶取冊卷數本
撕毀吳步高胡大元阻奪不住進署喊稟李麻

恭壽堂奏議

卷八

五

等追至大堂經堂役漆青攔挈李煥扭住漆青
髮辮李花拳毆漆青左額角肚腹家丁殷升陳
升趕出幫挈李麻抽取大堂木柵毆傷殷升額
顱鼻梁右脚外踝右腿李濟亦用木柵毆傷陳
升額顱左太陽該縣馮文燦出堂查問李麻等
咆哮不服該縣喝令鎖挈李麻等逃跑維時北
風甚大將煖閣屏門吹掩震動閣板致將懸掛
紗舊紗燈散落正值馮文燦擡頭外看適被燈

韓大中丞奏議 卷八

架傷及鼻梁時已黃昏觀看人多辨別不明該
縣馮文燦稟經該府文祥親詣督挈並經前護
撫臣暨司道派委文武員弁前往會督嚴挈先
後挈獲李廷傑等訊報經臣

奏奉

諭旨將李廷傑斥革嚴訊茲提訊各供前情不諱究
無闕堂毆官情事查李麻因伊弟李廷傑挾縣
差爭毆之嫌輒敢起意假冒考童赴署滋鬧拒

恭壽堂奏議

卷八

五

毆丁役該縣出堂查問復敢咆哮不服實屬逞
刁挾制自應照例問擬李麻合依刁徒直入衙
門挾制官吏發近邊充軍例加拒捕罪二等發
極邊足四千里充軍李花聽糾往鬧應照為從
律滿徒該犯又拒傷堂役漆青應加拒捕罪二
等杖一百流二千五百里已革衛守備李廷傑
訊未同往滋鬧第事由該犯肇衅迨李麻起意
糾眾挾制一同在場商議即屬為從且係候選

三一五

衛守備應知法紀乃任兄妾為不向力阻尤屬
知法犯法李廷傑應照為從滿徒上加一等杖
一百流二千里江新漆虎能任江毯熊農李大
德聽糾往鬧並未傷人應各照為從律於李麻
本犯軍罪上減一等各杖一百徒三年分別發
配折責安置謝任漆接李金林聽從同往旋即
走回尚知畏法應各照不應重律杖八十折責
三十板差役鄒太李松與李廷傑爭毆陳高袁

恭壽堂奏議

卷八

五

順漆細江奎李德帮同斥罵均屬多事肇衅應
各照不應重律杖八十再枷號一個月滿日折
責草役龍氏掌傷李廷傑應照手足毆入成傷
律笞三十係婦人照律收贖蔡倩欠錢已據呈
繳給領無干首釋逸犯李濟等緝獲另結該縣
馮文燦於各役向李廷傑爭毆先已公出回署
後即將各役管押候解因案已府提不允先責
並非徇縱不究惟失察衙役滋事例有處分相

應聲明聽候部議除將全案供招咨部外理合
恭摺具

奏伏乞

皇上聖鑒勅部核覆施行奉
硃批刑部議奏

恭壽堂奏議

卷八

六

審擬吉水縣監生鄧輝等京控疏

奏為遵

旨審擬具

奏仰祈

聖鑒事竊照吉水縣監生鄧輝等遣抱告鄧以琢同

該縣民劉明耀赴京呈控縣書婁明源等浮收

勒折一案經步軍統領衙門

奏奉

恭壽堂奏議

卷八

空

諭旨此案着交韓文綺親提人證卷宗秉公審訊按

律定擬具奏原告劉明耀鄧以琢該部照例解往

備質欽此並准將劉明耀等咨解回江經臣飭提

人卷解省委員訊供即據鄧輝李魯山劉明耀

劉應燦等以事出懷疑具結呈悔茲據委員南

昌府知府周繼炳等審擬由藩臬兩司糧道詳

解前來臣親提研鞫緣鄧輝李魯山住居吉水

二十八都七圖劉明耀劉應燦住居吉水二十

都該兩圖從前起立義圖圖內派分十甲每年

輪舉甲長各花戶錢漕均交甲長完納道光四

年二十八都七圖輪值鄧姓充甲二十都輪值

劉姓承充該兩圖漕米向係值年甲長以船裝

至丁江倉河下候丁江倉內漕米收竣雇船起

運時即就船量兌惟船上兌收事在倉卒該花

戶每以潮碎醜米朦混扭交致運省不能兌軍

該縣因於九月內開倉改立章程先期示諭兩

恭壽堂奏議

卷八

空

圖甲長凡漕米均應上倉量收不准就船便兌

九月二十六日鄧輝李魯山同未到案之曾榮

芳並武生鄧揚勳鄧綿川運米三百七十餘石

劉明耀劉應燦同未到案之劉其昌運米五十

六石零均至丁江倉河下漕書婁明源令照新

定章程起米上倉水次離倉較遠隨各雇鄉夫

挑運進倉該縣驗明鄧輝等米色潮碎飭令婁

明源照例風篩先量劉明耀等在倉等待鄧輝

等圖內通用八二折鄉桶每鄉桶一石合官斛八斗二升官斛一石合鄉桶一石二斗一升九合零婁明源逐石風篩量收因米質碎雜過甚篩出碎米甚多又鄧輝等在船盤運拋散鄉桶一石二斗一升九合零官斛缺少六升量至十五石共少九斗令其補足鄧輝等不允並以向係八二折鄉桶允交疑婁明源將斛剗大與之爭論當被村斥庫書龍其瑞戶書周正興亦

恭壽堂奏議

卷八

三

各斥其非隨據將米補足心疑未釋兼以向在河下就船便兌既少風篩又無挑運脚費諸多省事起意呈控冀復舊章並邀劉明耀等一同幫控劉明耀等亦想就船便兌當即應允鄧輝等隨棄米不交捏以向來完米百石折作八十二石今被婁明源等剗斛浮收每石計大六升令劉明耀等照依作詞赴府具控批縣查究該縣因鄧輝等並不交米飭差張恩等往傳正身

花戶赴倉自行完納先後傳到李先賢熊禮培溫乾明溫文興等李先賢意圖延抗該縣將其杖責隨據各將名下應完米一十石七斗八升零赴倉完清其餘花戶未經傳到鄧輝等即赴本省院司道各衙門具控批府提訊旋經該府提到婁明源等發委廬陵縣審辦因人證未齊將鄧輝交與禮房收管餘俱管押未經訊結時各花戶被差役催追緊急均向鄧輝等埋怨鄧

恭壽堂奏議

卷八

四

輝李魯山並曾榮芳情急即商同添捏差役訛索各情遣抱告鄧以琢並邀劉明耀與劉應燦劉其昌分詞赴京具控此鄧輝等控告婁明源等之原委也茲鄧輝等因事出懷疑妄控具結呈悔經該委員訊悉前情臣恐婁明源等實有剗斛浮收情事嚴加詰訊據供制斛係在糧道衙門具領收漕完竣即應繳還如果將斛剗削過後呈繳豈不立致敗露各花戶又何以均皆

緘默且先由府委員摘傳各花戶查訊均稱丁江倉量米實係制斛並未剗大委無浮收情事復向原被人證反復究詰堅供如一案無遁飾查鄧輝李魯山同曾榮芳以米質潮碎風篩折耗輒疑漕書剗斛浮收并以從前義圖之米係在河下就船便兌今挑運上倉諸多費事冀復舊章商同捏詞具控均屬不合第究因懷疑控告其冀復舊章亦為合圖漕米便於量兌起見

恭壽堂奏議

卷八

奎

與實在憑空挾詐誣告浮勒有間且於未審以前即知悔悟據實呈首情尚可原鄧輝應革去監生與李魯山曾榮芳均照申訴不實律杖一百鄧以琢聽從作抱劉明耀劉應燦同劉其昌亦冀復舊章聽從控告均應照為從律於杖一百罪上減一等杖九十曾榮芳劉其昌飭縣查提到案發落鄧揚勳鄧綿川隨同運米至倉疑倉書剗斛浮收棄米不顧雖未隨同上控亦有

不合應照不應輕律笞四十條武生飭傳到案照例納贖漕書婁明源周步雲訊無剗斛浮收情事應與並未詐贓之差役張恩等均免置議鄧輝等未完米四百餘石已於京控後如數完納上倉應毋庸議該兩都義圖在水次就船便兌固屬便民第漕米例應上倉近來既以醜米朦混似未便仍循其舊應飭嗣後一律運倉量收以杜弊混除供招咨部外理合恭摺具

恭壽堂奏議

卷八

奎

奏伏乞

皇上聖鑒勅部核覆施行奉
硃批刑部議奏

請將李光海李白腦緩決疏

再臣於五月十四日承准軍機大臣字寄奉

上諭據都察院奏江西萍鄉縣民婦簡蕭氏遣抱告

簡懷茂以羣盜夤夜網搶輪姦等詞呈控如果屬

實殊出情理之外着韓文綺督同臬司邱樹棠親

提嚴訊如該府縣意存消弭竟有化大為小情事

據實嚴參等因欽此臣查萍鄉縣事主簡相能家

被盜行劫拒傷並輪姦簡相能之妻蕭氏一案

恭壽堂奏議

卷八

三

又事主葉榮梅被劫一案先已獲犯李光海等
訊認按擬具

題現於五月二十二日准咨部覆奉

旨李光海着即處斬梟示李白腦着即處斬餘依議

欽此應即欽遵將李光海等分別處決惟簡蕭

氏遣抱告赴京呈控所稱入室輪姦人數與原

辦不符並稱該犯等尚有盜劫輪姦別案是否

原辦不實不盡必須澈底根究李光海原擬斬

梟李白腦原擬斬決如果審有盜劫輪姦別案

在李光海罪無可加李白腦亦止應加梟原可

照例辦理第前經獲案之曾滌塵業已監斃李

長古修冬古均止從劫一次在外接賊於李光

海等入室輪姦本未目擊無可質究臣奉到

廷寄即已督同臬司委員馳往密查並飛速行提

人證在案應請將李光海李白腦暫緩處決一

俟人證解到提同嚴訊如該府縣有消弭情事

恭壽堂奏議

卷八

三

自當據實嚴參斷不敢稍有諱飾徇隱仍於審
明後即將李光海李白腦遵

旨處決再將控案定擬覆奏所有臣奉到

諭旨查辦緣由合先附片奏

聞奉

硃批是秉公審訊不可存袒護消弭之心

覆查保甲完竣疏

奏為覆查保甲完竣恭摺仰祈

聖鑒事竊照嘉慶二十年正月欽奉

上諭編查保甲州縣於秋收後俟各項外出人衆歸里

曉諭各村莊保長人等將本村戶口自行逐細查明

造具草冊呈送州縣覆查將門牌改填按戶懸掛仍

責令該管道府直隸州親往協查稟報督撫交兩司

核對具詳歲底彙奏一次等因欽此又於道光四年

恭壽堂奏議

卷八

六

五月欽奉

上諭著各督撫等嚴飭該府州縣將棚民逐細查察

每年遞換門牌隨時抽驗如查有不安本分之徒

卽嚴拏示懲不准書吏藉端擾累等因欽此當經

前撫臣毓岱查明江西棚民向已編入保甲

奏明俟秋收後一律查辦在案茲本年秋收後各

項外出人衆俱已歸里據各州縣督率保長及

族正人等將土著及棚民一體確查改換門牌

懸掛並查各棚民均皆安靜守法經該管道府

直隸州親加覆查相符報由兩司核詳前來臣

逐細體訪所屬地方以及本年被水之區俱各

安貼委無匪徒潛匿情事並仍飭各屬實力奉

行隨時查察不得因本年編查業已完竣稍有

疎懈以仰副

聖主戢暴安良之至意所有覆查保甲完竣緣由理

合恭摺具

恭壽堂奏議

卷八

七

奏伏乞

皇上聖鑒

審明安福縣逆倫重犯疏

奏為審明逆倫重犯按律辦理恭摺仰祈

聖鑒事竊照安福縣民陳赤紅搭斃伊母陳蕭氏移

屍捏告尹玉堂毆死時值該縣潘黼因公在省

經代行典史申經護蓮花廳驗明屍傷訊供稟

府飭委永新縣會審究出實情稟解來省委據

南昌府等審明定擬由臬司解勘前來臣親提

犯證率同司道悉心研鞫緣陳赤紅係陳蕭氏

恭壽堂奏議

卷八

七

之子與尹玉堂隣屋居住陳赤紅之祖係尹玉

堂家契買僕人久經分出另居並未服役道光

元年陳赤紅給錢七十千文向尹玉堂贖回身

契五年十二月內尹玉堂無錢使用將陳赤紅

屋後樟樹砍賣三株陳赤紅隱忍未較六年二

月初八日尹玉堂向陳赤紅借錢不允因陳赤

紅曾買易中甫家田畝轉賣與蕭接近為業尚

未過糧聲言首告陳赤紅之母陳蕭氏分辯尹

玉堂舉拳欲毆陳赤紅將其推靠門邊尹玉堂

自行挫傷頂心捏被陳赤紅毆傷稱欲稟究尹

玉堂之子尹圖古趕護拳毆陳蕭氏右眼胞倒

地墊傷腦後左臀經隣人尹修吉等勸散初九

日早尹玉堂赴縣具控陳赤紅聞知畏究向母

陳蕭氏愁嘆陳蕭氏欲往拚命陳赤紅因屢被

欺凌心懷忿恨伊母老病受傷既願拚命不如

將母搭死抵制時陳赤紅之妻陳彭氏與子陳

恭壽堂奏議

卷八

七

和昌赴田摘菜陳蕭氏在堂屋坐靠牆壁陳赤

紅左手揜住陳蕭氏左額角用右手大二兩指

緊搭咽喉致指甲抓傷項頸左當即氣絕殞命

陳赤紅潛將陳蕭氏屍身背赴尹玉堂家廳內

安放走回陳彭氏等回家不見陳蕭氏向陳赤

紅問知哭泣陳赤紅嚇禁聲張即捏尹玉堂等

毆傷伊母身死報驗究出前情解省審據供認

不諱究無知情同謀及在場加功之人查該犯

陳赤紅因屢被尹玉堂欺凌輒將伊母搭斃移屍圖賴實屬罪大惡極陳赤紅合依謀殺父母已殺者凌遲處死律凌遲處死查犯事地方距省在三百里之外臣於審明後卽恭請

王命飭委按察使邱樹棠兼署臣標中軍叅將事右營遊擊曾連鳳將陳赤紅綁赴市曹凌遲處死仍梟首傳赴犯事地方示衆尹玉堂雖係陳赤紅舊家長第欺凌尋衅致釀逆倫重案請照不

恭壽堂奏議

卷八

七

應重律杖八十折責三十板再加枷號一個月犯妻陳彭氏訊無同謀加功其事後知情不首亦由被夫嚇禁所致應免置議尹圖古毆傷贖身僕婦陳蕭氏右眼胞並非折傷律得勿論尹玉堂砍賣樹價照數追給陳和昌具領蕭接近所買田畝延未過割訊非欺隱應免責罰飭令收糧過戶以杜訟端除供招咨部外合將審辦緣由恭摺具

奏伏乞


皇上聖鑒勅部核覆施行奉
硃批刑部議奏

恭壽堂奏議

卷八

七

韓大中丞奏議



受業 曹聯桂 編次

劉廷檢

次孫泰 華敬錄

卷之九

目錄

分賠病故知縣短交銀兩疏

審明殺死一家二命照例定擬疏

恭壽堂奏議

卷九

一

據實參奏疏

請動司庫錢糧趕造剝船疏

委員查勘水患疏

拏獲要犯李庚三疏

搜捕蝻子疏

請對調知府疏 附片

謝賞大清通禮疏

安撫蓮花廳縣被水各戶疏

請免召商接辦疏

審擬萍鄉縣盜犯疏

覆奏查辦會匪疏

審擬義寧州民張世忠京控疏

請知縣對調疏

審擬蓮花廳民周襄甫京控疏

覆勘蓮花等廳縣及續報各縣被水被旱疏

遵 旨查明覆奏疏

恭壽堂奏議

卷九

二

審擬豐城縣民熊大邦京控疏

覆查保甲完竣疏

分賠病故知縣短交銀兩疏

奏為病故知縣短交銀兩審明實係挪移恭摺

奏請分賠以清

帑項仰祈

聖鑒事竊照德化縣知縣鄒文炳在任病故當經該

管知府督飭前後接署知縣並監盤各員清查

核算共計短交銀一萬八千二十九兩零由道

府揭經前撫臣成格飭提丁胥來省審辦並查

恭壽堂奏議

卷九

一

抄寓所資財僅止破爛衣物估變銀一十五兩

零復咨江蘇撫臣查封原籍家產亦僅估值銀

三百五十四兩零此外實無置有房屋財產隱

匿寄頓情弊移覆到臣行司委員提集丁胥確

訊去後茲據委員南昌府周繼所會同九江府

錢駮審明議擬由司具詳前來臣親加核審緣

德化縣地方於道光三年五月間被水沖決長

堤致濱臨江湖之封一等鄉猝被水災該故員

鄒文炳聞報即在徵存各年屯餘內提銀一千

六百兩易錢買米親赴各鄉按戶撫卹詎所帶

銀米不敷分散續提徵存屯餘銀六百兩易錢

買米馳往散給並復於徵存屯餘項下提銀一

百二十九兩零雇備小船會同救生船隻沿江

傍湖拯救災民迨水勢消退確查災民約共十

萬餘口無所棲依嗷嗷待食該員念切民瘼即

在高埠搭蓋蓬廠於六月初十日起至二十六

恭壽堂奏議

卷九

二

接到賑卹銀兩之日計計十七日共買給過米

三千七百餘石因一時無力捐措亦在徵存各

年屯餘糧租內動用銀八千二百兩歸還米鋪

又三年五月內起解元年屯糧正耗餘租共銀

三千一百七十八兩零因驛路水淹改由水路

解省船至大江迴峯磯地方陡遇狂風打至石

崖將船挫散銀兩沉溺該處水深溜急甚為險

要難以打撈該員因沉失銀兩總須賠補隨另

將徵存未解屯餘銀兩補解並未稟報又該縣常平倉建設署側內有十二廩共貯穀八千二百四十八石零地勢本低三年五六月間江水盛漲倒灌入城該廩俱被淹浸時值淋雨連旬無可搬貯迨水退天晴逐廩開看統計霉變穀曰千八百二石零該員慮干叅處起意變價自行買補隨將霉變生芽穀石分賣與各城鄉糖坊每石得價二錢卽在吳城鎮各米行採買好

恭壽堂奏議

卷九

三

穀四千八百二石零運回上倉每石計價一兩一錢共須添補銀四千三百二十一兩零亦在徵存屯糧餘租銀內動用合共挪移銀一萬八千二十九兩零該員本思陸續歸補猝遇病故以致無項可交此該故員因公挪移致未歸補之原委也 臣恐或有不實不盡反覆嚴詰據該丁書等僉供當日散給災民口糧有卷冊為據提齊卷冊及傳訊米行均各相符其遭風沉溺

銀兩被水淹浸倉廩霉變穀石均據該府飭縣確切勘查屬實委無捏飾情弊案無遁飾查例載挪移庫銀一萬兩以上者發近邊充軍又例載倉庫及積聚財物主守之人安置不如法晒晾不以時致有損壞者計所損之物價坐贓論罪止杖一百徒三年着落均賠還官各等語此案已故德化縣知縣鄒文炳挪移未交前項銀兩已將原籍及寓所田產衣物查封備抵僅估

恭壽堂奏議

卷九

四

值銀三百六十九兩零實未完銀一萬七千六百五十九兩零鄒文炳除霉變倉穀輕罪不議外合依挪移庫銀一萬兩以上例發近邊充軍業經病故應毋庸議戶書吳錦成屯書劉裕昆熊從周於本官挪移庫項不行稟阻倉書周達三於倉貯穀石並不預為防範應各照不應重律杖八十折責革役家丁胡忠訊無舞弊情事應請免議該故員寓所原籍均已查封並無資

財隱寄前項挪移銀兩

帑項攸關應卽着落該管之上司分賠以免懸宕
巡撫藩司各分賠十分之一共銀三千五百三
十一兩零巡道酌賠十分之三計銀五千二百
九十七兩零知府名下的酌賠十分之五計銀八
千八百二十九兩零除先將供招咨部並飭司
造具分攤細數清冊另行送部外臣謹恭摺具
奏伏乞

恭壽堂奏議

卷九

五

皇上聖鑒勅部核覆施行奉

硃批該部議奏

審明殺死一家二命照例定擬疏

奏為審明謀故殺一家二命照例定擬仰祈
聖鑒事竊據泰和縣知縣徐迪惠詳報縣民劉葛員
殺死無服族叔劉愈洋劉愈青兄弟二命一案
飭據該縣審擬解司恐案情未確委員覆審由
臬司邱樹棠詳解前來臣親提研訊緣劉葛員
與劉愈洋劉愈青同村居住劉愈洋素性強橫
道光四年三月間竊取劉葛員家園菜經劉葛
道光四年三月間竊取劉葛員家園菜經劉葛

恭壽堂奏議

卷九

六

員搜獲轉被片毆勒令賠禮九月間劉葛員在
山割得茅草被劉愈洋挑走向討復被毆打五
年十一月間劉葛員價買族人劉得仁田畝正
欲立契被劉愈洋恃強搶買十二月十八日劉
愈洋胞弟劉愈青向劉葛員家借用水桶跌破
劉葛員之母柳氏索賠劉愈洋出頭不依將柳
氏辱罵推跌劉葛員因屢被欺凌心懷忿恨憶
及劉愈洋與伊常在河下挑脚起意俟夜深騎

往殺死洩忿三更時分劉莒員獨自攜帶菜刀
走至劉愈洋家門首哄稱到有客船劉愈洋攜
取籬擔同至河邊沙洲挑貨劉莒員乘其不備
用刀砍傷劉愈洋左太陽連左眉梢左眼角劉
愈洋舉擔回毆劉莒員用刀格落又砍傷其右
手大小兩指劃傷左手背並砍傷右太陽連右
腮頰倒地亂滾喊救劉莒員復用刀疊砍其左
腮頰腦後連項頸並砍落髮辮殞命時劉愈青

恭壽堂奏議

卷九

七

在屋旁牛欄住歇聞喊攜帶鐵尺趕至喝問劉
莒員刀砍劉愈青下唇吻劉愈青用鐵尺回毆
劉莒員用刀格落鐵尺乘勢砍傷劉愈青腦後
倒地墊傷右耳根劉愈青辱罵並稱控究劉莒
員起意一並殺死又用刀疊砍其頂心連顙門
額顙並偏左左額角亦卽身死劉莒員走回告
知伊母柳氏當向埋怨旋經屍父劉得魁等查
見屍身趕向劉莒員查問劉莒員料難隱瞞自

認先後殺死報驗審解茲臣提犯審據供認前
情不諱究無同謀加功之人查劉莒員因被劉
愈洋屢次欺凌挾嫌謀殺並因劉愈洋之弟劉
愈青趕救復臨時起意一並殺死殊屬兇惡劉
服族叔應同凡論劉莒員合依殺一家非死罪
二人斬立決梟示例擬斬立決梟示先行刺字
仍將該犯名下應分財產照例酌斷一半給被

恭壽堂奏議

卷九

八

殺之家養贍除供招咨部外合將審擬緣由循
例恭摺具

奏伏乞

皇上聖鑒勅部核覆施行奉
硃批刑部速議具奏

據實叅奏疏

奏為恭摺叅

奏請

旨事竊照各省應徵雜稅錢糧如奏銷時欠解最多

例應指名叅辦並將催提不力之該管上司

奏明叅處茲江西省道光五年分應徵雜稅銀兩

據兼署布政使事按察使邱樹棠詳稱截至本

年五月底奏銷尚有未完銀一萬一百一十七

恭壽堂奏議

卷九

九

兩零內除豐城新淦贛縣雩都信豐興國會昌

龍南安遠長寧瑞金等縣欠解無多應請循舊

歸於奏銷案內開叅由部照例議處外惟崇仁

縣欠解銀三千五百三十兩零廣昌縣欠解銀

一千六百九十四兩零屢催不完呈請

奏叅前來臣查各屬應徵雜稅銀兩例應年清年

欸乃該崇仁廣昌二縣欠銀自一千數百餘兩

以至三千數百餘兩之多任催不完殊屬疲玩

相應據實叅

奏請

旨將前任崇仁縣知縣甄別降補佐貳葛東昌前任

廣昌縣甄別勒休知縣李温先行摘去頂戴其

督催不力之撫州府知府經額布建昌府知府

李本榆一並請

旨交部議處同豐城等縣未完銀兩均勒限三個月

掃數完解如再延宕即分別撤任調省嚴查有

恭壽堂奏議

卷九

十

無侵挪澈底究辦續叅以昭懲戒除咨吏戶二

部外理合恭摺具

奏伏乞

皇上聖鑒內閣奉

上諭韓文綺奏叅欠解雜稅銀兩之知縣一摺江西

前任崇仁縣知縣降補佐貳葛東昌欠解道光五

年分雜稅銀三千五百三十兩零又前任廣昌縣

勒休知縣李温欠解銀一千六百九十四兩零屢

催不完殊屬疲玩葛東昌李温俱着先行摘去頂帶並催督不力之撫州府知府經額布建昌府知府李本榆一並交部議處仍同欠解無多之豐城等縣未完銀兩均勒限三個月按數完解如再延宕卽分別撤任嚴察

恭壽堂奏議

卷九

十一

請動司庫錢糧趕造剥船疏

奏為遵

旨酌動司庫錢糧墊發承造河口官剥船隻恭摺具奏仰祈

聖鑒事竊臣接准漕臣陳 咨會具

奏黃河口關捐丁捐剥船應行拆造一摺欽奉

上諭陳 奏查明關捐官剥船身破壞應成造船

一百四十隻丁捐官剥又逾年限應成造九十七

恭壽堂奏議

卷九

十一

船着照所請交江西省委員成造並於司道庫內先將造價動墊行令各糧道及淮安府將應撥銀兩照數解赴江西歸欵造竣委員押送到淮交該漕督親驗若有草率偷減及器具不全之船駁令另造補交等因欽此移江欽遵當卽轉行遵照去後嗣據督糧道耿維祜以此項剥船原奏應給工料共銀四萬三千一百四十七兩零內除於江西道庫扣存銀內應提給銀四千三百九十

八兩外尚需銀三萬八千七百四十九兩零道
庫無款可墊請由藩庫先行照數墊發興工等
情行據兼署布政使事按察使邱樹棠詳稱此
項銀兩司庫並無閒款可動惟查嘉慶十六年
並道光元年承造河口剥船因江浙等省應解
銀兩未到奏明在於江西藩庫收存地丁銀內
動撥應用作正開銷應請查照成案在於司庫
收存道光五年稅契項下動放作正開銷仍由

恭壽堂奏議

卷九

三

糧道催追各省銀兩解歸糧道衙門兌收造入
漕項撥冊內報部撥用等情詳請具

奏前來臣覆加查核與歷辦成案相符除飭司照
數動放發給熟諳船工之衛弁趕緊購料興工
照依歷屆長寬丈尺式樣成造完竣由該司道
驗明解淮如有草率偷減及器具不全等事即
責令賠造補交並咨明戶部外理合恭摺具

奏伏乞

皇上聖鑒奉
硃批知道了

恭壽堂奏議

卷九

四

委員查勘水患疏

奏為蓮花萍鄉等廳縣猝被水患委員分投查勘

恭摺仰祈

聖鑒事竊照江西省上游各府屬之山鄉各縣多係

一線溪河每逢大雨時行即間有漫溢易長易

消現據吉安袁州二府先後稟報該府屬之蓮

花安福廬陵永新萍鄉宜春分宜等廳縣因六

月二十五六七等日大雨如注山水驟發宣洩

恭壽堂奏議

卷九

七

不及民房俱有沖塌人口亦有損傷城垣官舍

監獄廟宇倉廩間有沖淹處所內惟蓮花一廳

情形稍重萍鄉安福兩縣次之其餘廬陵宜春

等縣較輕水勢現已消退所有被水災黎業經

該府縣捐廉撫卹等情臣當即督同兼署藩司

邱樹棠委員齎解銀兩分投馳往各該廳縣逐

一確勘妥為撫卹無使一夫失所並確查上下

游各縣有無同時被水切實馳覆辦理查各該

廳縣早禾業已收成即或有過水之區自可補

種雜糧且僅係附近溪河地方被淹不過一隅

中之一隅於收成諒無妨礙至損傷人口以及

沖塌民房實有若干並城垣官舍等項實在沖

淹處所應行分別照例卹給動項修理之處現

已札委鹽道齊嘉紹星馳前往督率勘辦其被

水小民撫卹後應否加賑均俟覆到再行

奏請

恭壽堂奏議

卷九

六

恩施萬不敢稍有隱飾所有蓮花萍鄉等廳縣被水

現在委員分投勘辦緣由理合恭摺先行具

奏伏乞

皇上聖鑒奉

硃批查明據實奏來

拏獲要犯李庚三疏

再廣東嘉應州民李益幹等京控職員蕭晉連等欺隱地畝等情一案經廣東督撫臣奏奉

上諭李庚三等藏匿山內恃險負嵎藐視官長若不嚴加懲辦何以警頑抗而息刁風着該督等嚴飭將要犯李庚三等緝拏務獲按律究辦等因欽此

查江西省贛南一帶界連閩粵山路叢雜匪徒每易藏匿臣與臬司邱樹棠督率地方官隨時

恭壽堂奏議

卷九

七

嚴密查緝在案茲據興國縣知縣程儒林稟報本年六月初六日據巡役營兵訪有廣東京控案內逃犯李庚三潛匿境內協同州民何賡堯等在於藍五牯子店內拏獲李庚三訊認前情藍五牯子年未及歲悞聽借宿並非知情容畱等情由臬司查明實係奉

旨緝拏要犯詳請解歸廣東審辦前來除批令飭府會營派委員弁將李庚三解交嘉應州轉解赴

省歸案審辦一面飛咨廣東督撫臣飭審辦理外理合附片奏

聞伏乞

聖鑒奉

硃批知道了

恭壽堂奏議

卷九

六

搜捕蝻子疏

再沮洳卑濕之區恐有蝻子化生節經臣札飭各屬隨時防範在案茲據德化縣稟報該縣與湖北黃梅縣安徽宿松縣毘連之團洲張家洲現有蝻子萌生湖口縣稟該縣與德化縣張家洲洲毘連之永和牛湖等洲亦有蝻子跳躍俱各會同地方文武馳往各處多雇人夫晝夜奮力撲捕已去十之八九即可盡淨等情並據九江

府具稟前來臣查該縣等團洲等處係沿江草岸距腹地田禾尚遠當蝻孽甫經跳躍卽捕去十之八九諒可卽時撲滅不致長翅飛騰有傷禾稼除飭司委員會同該府縣督飭地方文武趕緊搜捕並設廠收買小民趨利若鶩庶搜查更為得力以期速盡根株不畱餘孽並飭隣近各縣加意防範毋使稍有蔓延外謹附片奏

聞伏乞

恭壽堂奏議

卷九

十九

聖鑒奉

硃批知道了

請對調知府疏

奏為知府人地未宜遴員請

旨對調恭摺仰祈

聖鑒事竊照知府一官有表率屬員之責必須才與地稱人與地宜始足以專職守而資治理江西省吉安府知府銘惠內務府漢軍進士由編修京察一等道光元年奉

旨補授南安府知府調補今職該府管轄一廳九縣

恭壽堂奏議

卷九

二十

地方遼濶政務殷繁且民情刁健訟獄甲於通省體察江西各府情形惟吉安最為繁劇銘惠自調任以來電勉奉公並無貽悞而才非肆應究與此缺不甚相宜查有廣信府知府劉體重山西舉人大挑知縣加捐同知籤掣江西題署袁州府同知道光四年奉

旨補授廣信府知府該員精明幹練有守有為以之調補吉安府知府足資整頓其廣信府一缺雖

同係繁要而人情質實治理較易卽以銘惠調補洵堪勝任惟該員等均係以繁調繁與例稍有未符但人地實在相需據司道等詳請具奏前來臣韓文綺與臣琦善往返札商意見亦復相同合無仰懇

聖恩俯准將廣信府知府劉體重調補吉安府知府其廣信府缺卽以銘惠調補如此一轉移間人地各得其宜於地方公事均有裨益如蒙

恭壽堂奏議

卷九

三

俞允該員等因人地相宜酌量對調與實在不勝繁缺者不同且均係現任知府銜缺相當應請毋庸送部引

見臣等為地方起見謹合詞恭摺具奏伏乞

皇上聖鑒奉

硃批另有旨內閣奉

上諭琦善等奏知府人地未宜請遴員對調一摺着

照所請江西吉安府知府員缺准其以劉體重調補所遺廣信府知府員缺卽以銘惠調補該部知道

恭壽堂奏議

卷九

五

附片

再江西省吉安廣信兩府均係有漕地方現已將屆收納漕糧全在該管知府督屬妥辦今吉安府銘惠廣信府劉體重已經臣等

奏請對調應請飭令各赴調任以專責成惟吉安府又有勘辦蓮花安福等廳縣被水事宜情形更為緊要應先令劉體重馳赴吉安接印仍會同銘惠妥協辦竣後再令銘惠前赴調任其廣

信府印務查有南康府狄尚綱在江年久老成
 穩妥堪以暫委署理所遺南康府缺查有袁州
 府同知朱楫明白勤謹堪以委令接署俟銘惠
 到廣信後再令次第交卸各回本任以期公事
 均無曠悞又都昌縣曹人傑委護南昌府同知
 所遺都昌縣係屬要缺查有弋陽縣張玕精明
 幹練堪以委署又東鄉縣徐樂山委護瑞州府
 銅鼓營同知所遺東鄉縣缺查有甬經交卸南
 恭壽堂奏議 卷九 五

安府同知之甯都縣黃濬安詳謹飭堪以委署
 據藩臬兩司具詳前來除分檄飭遵外理合附
 片陳明伏乞
 聖鑒奉
 硃批知道了

謝賞大清通禮疏
 奏為恭謝
 天恩事竊臣齋摺差弁回江奉到
 恩賞績纂大清通禮全部當即恭設香案望
 闕叩頭祇領欽惟我
 皇上治光泰寓
 道協乾符
 建極敷言徵無黨無偏之化
 恭壽堂奏議 卷九 五

原經立教著有典有則之文本
 家法以成書緣人情而制禮溯乾隆丙辰之歲始纂通
 禮初編迨嘉慶己卯之年復
 命儒臣重緝我
 皇上寅承
 昊眷敬紹
 顯謨思
 文纘緒納天下於軌物之中繩

武觀成酌古今於範圍之內安民定志既經曲之咸周

因時制宜實文質之各當書該五十四卷事增

六十餘年述

祖德以垂型全帙與地天同節弁

聖言以作則

大文並日月齊輝臣任忝封疆才慚弁陋敬聞

昇訓悉秉

宸裁迺荷

恭壽堂奏議

卷九

五

頒賜之榮倍欽

中和之致從茲率由有自俾無斁於彝倫欣看嘉會

咸宜克永昭夫法守

化成久道無非宅中馭大之謨

德徧羣黎益茂咸五登三之治所有臣欽感下忱謹

繕摺叩謝

天恩伏乞

皇上聖鑒

安撫蓮花廳縣被水各戶疏

奏為蓮花等廳縣猝被水患委員查勘安撫仍請

照例撫卹並藩司馳往履勘恭摺奏祈

聖鑒事竊照蓮花等廳縣因六月二十五六七等日

大雨如注山水驟發宣洩不及以致淹斃人口

並沖塌民房等項臣委員分投往勘恭摺

奏明在案臣因該廳縣陡遭水患被水居民恐致

失所不可不迅速撫卹隨督同藩司公捐銀兩

恭壽堂奏議

卷九

五

酌量被水輕重分別銀數多寡委員分投齎往

妥速撫給去後茲據委員鹽道齊嘉紹督同印

委各員勘報水由萍鄉之武功楊岐兩山發源

因溪河逼窄暴漲難消以致該廳縣均被水患

各居民田浸屋塌風樓露宿口食無資困苦情

形深堪憫惻當將捐發銀兩並地方官捐廉及

紳士捐助按戶酌量安頓復減糶倉穀接濟民

食尚可無虞失所惟水患驟至窮黎貯蓄均被

漂沒雖已捐資口食仍應照例撫卹並酌請緩徵以紓民力至沖塌民房淹斃人口除有力之家並官為捐給外餘仍查明數目照例卹給沖塌城垣衙署監獄等項浸濕常平倉穀軍裝火藥淹斃馬匹同淹沖田畝均俟催查確數另行照例詳辦查勘實在情形惟蓮花廳為最重萍鄉永新宜春安福廬陵分宜等縣以次較輕其未經過水之區晚禾仍屬暢發合通省而論不

恭壽堂奏議

卷九

二十七

過一隅中之一隅且水勢消退甚速不致成災等情臣查該廳縣被水貧民雖經臣飭令委員及地方官等妥為查勘安撫民情已屬靜謐但該貧民等驟被水沖廬舍蓋藏一旦蕩析即安速安頓亦祇可暫濟一時合無仰懇

天恩俯准將蓮花萍鄉永新宜春安福廬陵分宜等七廳縣被水各戶無論極次貧民查明戶口除先經捐資口食不計外仍照例普行撫卹一月

折色口糧以資接濟其沖塌房屋淹斃人口並查明水沖沙壓田畝除有力之家並已經捐給外均請照例卹給由藩庫發銀嚴飭各該管道府督同印委各員核實散放務使貧民均沾實惠勿令吏胥侵蝕事竣取造細冊照例分別題報核銷至該廳縣被沖田畝現在節氣已遲即趕緊墾復祇可補種雜糧難免拮据若照常徵收力有不逮應請將本年未完錢漕緩至來年

恭壽堂奏議

卷九

二十八

秋後分作兩年帶徵俾民力更臻寬裕頂感聖慈益無既極現在藩司繼昌將到任一切事宜理有頭緒稟請親往履勘督辦前來臣即飭令星馳前往履勘親查督辦並飭將沖塌城垣浸濕倉穀等項及動借平糶各倉穀數目同沙壓田畝能否挑復並各紳士捐助銀錢分別查明照例辦理再臨江府屬之新喻縣地居分宜縣下游間有被水浸淹沖塌房屋其未被水處所七

月缺雨禾苗黃萎現在委員會同該管知府勘
詳其吉安府屬之吉水縣亦報被旱委員往勘
泰和縣沿河一帶亦因上游水發間被淹浸業
經該縣勘明捐廉撫卹據報田禾無碍應並令
該司一併查勘核辦所有查辦被水情形及續
勘被水被旱處所並藩司馳往履勘督辦緣由
理合恭摺具

奏伏乞

恭壽堂奏議

卷九

五

皇上聖鑒訓示

內閣奉

上諭韓文綺奏勘明被水廳縣請照例撫卹一摺江
西省蓮花等廳縣本年因山水驟發淹斃人口並
衝塌民房等項經該撫委員勘明業已捐給口食
惟窮黎貯蓄均被漂沒卽墾復田畝祇可補種雜
糧民力未免拮据着照所請准將蓮花萍鄉永新
宜春安福廬陵分宜等七廳縣被水各戶無論極

次貧民查明戶口除先經捐資口食不計外仍照
例普行撫卹一月折色口糧俾資接濟其衝塌房
屋淹斃人口並水衝沙壓田畝除有力之家並已
經捐給外均着照例卹給由藩庫發銀卽飭各該
管道府督同印委各員覈實散放嚴禁吏胥侵蝕
務令實惠及民事竣覈實報銷至該廳縣本年未
完錢漕並准其緩至來年秋後分作兩年帶徵以
紓民力其餘被旱被水各州縣着一併查明覈辦

恭壽堂奏議

卷九

三

該部知道

請免召商接辦疏

奏為故商原遺爐廠久經停歇無人接充恭摺具
奏仰祈

聖鑒事竊照江西南安府屬之上猶縣營前蕉裡等

處地方出產鐵砂經前撫臣秦 於嘉慶十

年咨准部覆准令商人賴軒於曉水地方添設

一廠兩爐納課鑄鐵至嘉慶十四年五月內該

商病故伊子無力承辦咨部覆准銷除商民歇

恭壽堂奏議

卷九

五

業行令查明該故商自充商日起至病故日止

如有拖欠稅銀即入專案報銷案內報核並召

殷商接充等因當經前撫臣轉行遵辦嗣因屢

召無人接充隣商自承廠爐亦因鐵苗衰微辦

課納稅諸多賠累勢難兼辦由該府縣節次詳

經各前任撫臣批飭委員查勘實在砂炭斷絕

無人接辦等情又以課稅攸關另委大員確勘

妥議辦理去後據前任贛南道汪全德督同該

府縣親詣屢勘廠屋爐座自賴軒病故停歇後

久已坍塌無存炭源消乏鐵苗衰竭委屬實在

情形該故商自充商日起至嘉慶十四年病故

之年底止應完稅銀並無拖欠至消除商名之

後爐座停歇無人接充隣商亦未兼辦並無應

納稅銀取具各結由布政使繼昌詳請具

奏前來臣查上猶縣曉水地方添爐鑄鐵因地利

衰旺無定原咨案內聲明砂旺增爐倘或衰竭

恭壽堂奏議

卷九

五

分別停移今該處既已商故爐停砂炭斷絕無

人接充應免其召商接辦致滋抑勒紛擾除咨

部外理合恭摺具

奏伏乞

皇上聖鑒勅部核覆施行

審擬萍鄉縣盜犯疏

奏為遵

旨審擬具

奏仰祈

聖鑒事竊 臣承准軍機大臣字寄欽奉

上諭據都察院奏江西萍鄉縣民婦簡蕭氏遭抱告

簡懷茂以羣盜黃夜網搶輪姦等詞呈控據供該

縣並不親勘僅據曲史捏詳並無網縛形跡控府

恭壽堂奏議

卷九

三

亦不收呈隨稟協鎮會同拿獲修冬古供認同夥

十二人鍾煜華等串勒伊嫂勿論輪姦改稟和息

伊嫂不允嗣獲李光海供認三月之內網搶四姓

輪姦伊嫂及文姓寡婦處女不諱知縣並不按名

嚴拿以致盜益猖獗續控巡撫該縣復將伊拘責

酷刑幾死等語如果屬實殊出情理之外着韓文

綺督同臬司邱樹棠親提嚴訊如該府縣意存消

弭竟有化大為小情事據實嚴叅等因欽此當查

萍鄉縣事主簡相能家被盜行劫拒傷並輪姦

簡相能之妻蕭氏一案又事主葉榮梅被劫一

案先已獲犯李光海等訊認按擬具

題准部核覆奉

硃批是秉公審訊不可存袒護消弭之心欽此旋准

遞到抱告簡懷茂並委員查明萍鄉縣上年盜

案除簡相能葉榮梅二案外黃竹坪地方並無

曾姓被劫之案僅止上年正月間文李氏報竊

恭壽堂奏議

卷九

四

一案飭傳文李氏到案據供實止被竊並無強

劫輪姦求免解省取具文李氏供詞並將文李

氏之夫弟文成生連全案人卷一併解省委員

訊供由臬司審解前來 臣隨細核各卷提齊犯

証督同臬司邱樹棠逐一隔別研訊緣簡蕭氏

之夫簡相能家於道光五年三月初十日夜被

已獲盜犯李白腦商同曾滌塵李光海修冬古

及未獲之李光太等一共八人撬門行竊臨時

行強撞門進內李白腦等劫出錢衣物遞交
修冬古等接收先走曾滌塵李光海轉身復劫
曾滌塵起意商同李光海將簡蕭氏用繩細縛
撤按輪姦三月十一日夜曾滌塵邀同已獲李
光海李長古等行竊葉榮梅家猪隻臨時行強
撞門入內搜劫賍物事主簡相能葉榮梅投保
報經前署縣李景昌先後詣勘勒緝簡蕭氏因
病已回母家未經取供簡相能於四月十三日

恭壽堂奏議

卷九

五

赴郡呈控袁州府趙藩甫經到任尚未放告簡
相能即赴袁州副將衙門具呈移府先後飭委
文武各員赴縣協拿該前署縣李景昌因地方
連日被劫必須設法嚴拿查有已革捕役劉標
從前捕盜得力諭令幫捕許俟獲盜詳請復卯
該縣典史朱銘因簡相能之案係其分轄界內
督率捕書鍾煜華並劉標等訪緝時有監生吳
欽名童星輝先與劉標口角有嫌見其隨同典

史訪緝疑係典史舉薦即以典史舉薦劉標通
盜遠遁情詞列何廷湖等之名赴縣呈控該前
署縣李景昌以所呈毫無憑據批飭該縣先於
四月十二日拿獲修冬古訊認行劫簡相能家
同夥八人並供出首盜李白腦逃匿地方該縣
李景昌恐同夥不止此數向其嚴詰修冬古妄
認同夥十一人據供懸賞緝拿續獲李白腦曾
滌塵李長古訊認強劫不認輪姦屢傳簡蕭氏

恭壽堂奏議

卷九

六

赴案指認未到據供通詳簡蕭氏因屢被差傳
不甘即倩生員張其黼作詞以縣欲勒去輪姦
差拘苦累等情赴府司暨前撫臣呈控批府督
審嗣經高安縣協獲李光海訊認強劫簡相能
葉榮梅二案並輪姦簡相能之妻簡蕭氏屬實
該縣以該犯連日強劫必尚有另劫別案亦向
嚴究李光海畏刑因知隣近之文李氏家被竊
妄認強劫文姓輪姦寡婦處女並妄供劫過黃

竹坪地方曾姓事主將李光海解回萍鄉縣提訊翻供解府督同宜春縣程國觀萍鄉縣張佺研訊並據簡蕭氏赴案指認係被曾滌塵李光海二人輪姦該犯等無可狡賴俱即供認究明實止同夥八人並無強劫文姓輪姦婦女亦無盜劫曾姓情事將犯審擬解司委審仍照原擬由司解經臣審擬具

題維時袁州府趙璠訪聞該縣生員張其黼被控

恭壽堂奏議

卷九

五

唆訟之案累累飭縣拘訊恃符不認經縣另案詳革審辦簡蕭氏心疑張其黼被革由於該氏倩令作詞所致不知案已據實審辦因修冬古等先供盜數與復審不符恐致輕縱且有夥盜未獲心懷忿恨起意遣夫弟簡懷茂赴京呈控憶及典史曾帶書役赴伊家查勘即指為串同書役鍾煜華劉標勒令勸和吳欽名等呈控劉標通盜遠遁被縣批飭即指為該縣意圖輕縱

並捏刑書王家玉喝責各情央令伊戚蕭子鳳做就呈詞因乏盤費吳欽名童星輝各帮盤費錢九千文簡懷茂即赴京呈控經都察院奏奉諭旨解回審辦茲經提訊各供前情不諱嚴究此外

並無強劫輪姦別案臣恐該府縣實有消弭化大為小情事再三嚴詰並以該犯等即有盜劫別案罪無可加反復開導不特盜犯李光海等堅供不移即簡蕭氏亦供明盜犯僅止八人輪

恭壽堂奏議

卷九

五

姦僅止二犯所控諱盜勒和各情實係心疑妄控簡懷茂亦供無拘責酷刑情事復又明查暗訪與各供吻合案無遁飾查此案情節覆訊均與原題無異盜犯李光海曾滌塵強劫輪姦應仍照原擬依強盜姦污人妻女例斬決梟示曾滌塵監斃仍戮屍梟示李白腦起意糾劫依強盜已行得財律斬決現已審明未便再事稽誅即欽遵前奉

諭旨將李光海李白腦綁赴市曹分別處決仍將李光海曾滌塵首級傳赴犯事地方懸竿示衆以昭炯戒李長古接賊一次情有可原應照部議發新疆給官兵為奴修冬古接賊一次亦例得減等該犯供出首盜李白腦逃匿地方照例擬杖一百流三千里分別刺字發配簡蕭氏呈控被劫拒傷輪姦重情俱已得實應照重事告實律免罪與聽囑作詞之蕭子鳳赴京控告之簡

恭壽堂奏議

卷九

五

懷茂均毋庸議監生吳欽名童星輝因劉標係屬草捕隨同典史緝案疑係典史舉薦卽行具控又幫給簡懷茂京控盤費均屬多事應照不應重律杖八十係監生照律納贖已革生員張其黼為簡蕭氏代作呈詞亦有不合惟尚有赴京呈控被縣究革另案應歸彼案咨結典史朱銘訊非捏詳亦無串同鍾煜華劉標勸和情事應與訊無喝責之刑書王家玉均免置議前署

萍鄉縣調任彭澤縣知縣李景昌拿獲盜犯修冬古在簡相能赴郡具控之前尚無諱盜消弭及化大為小情事惟革役例禁復充該縣李景昌令草捕劉標作線捕盜原所不禁乃許俟獲盜詳請復卯雖尚未詳請究屬違例相應附叅聽候部議逸盜李光太等飭緝獲日另結除將供招咨部外合將審擬緣由恭摺具奏伏乞

恭壽堂奏議

卷九

四

皇上聖鑒敕部核覆施行奉
硃批刑部議奏

覆奏查辦會匪疏

奏為遵

旨據實覆

奏仰祈

聖鑒事竊臣承准

廷寄欽奉

上諭御史熊遇泰奏會匪擾害地方請旨敕查一摺

據稱江西贛南一帶近有匪徒燒香結盟名為添

恭壽堂奏議

卷九

聖

刀會又名千刀會聚黨數百人沿途劫掠上年冬
間興國雩都瑞金地界疊劫商販至五十餘起又
有泰和縣馬家洲郭姓被劫貲財萬餘金迄今未
獲破案並聞會匪與鹽梟勾結如泰和之馬家洲
萬安之白渡市私梟充斥每借刀會為聲援放礮
闖關蔽江而下又有匪徒創立花會製為三十六
字號三十六天罡令人射取打中者數十倍償之
此風興國雩都吉水泰和永豐等處為尤甚其中

多有流入刀會者非尋常賭局可比等語匪徒創

立會名久干嚴禁如該御史所稱會匪聚黨劫掠

頻仍甚至鹽梟借刀會為聲援肆行無忌地方文

武各員所司何事至花會聚眾賭博亦應嚴行查

禁免滋事端着韓文綺督同臬司邱樹棠將該御

史所奏前項各情逐加訪察飭屬認真查拿毋稍

疎縱至該御史所稱各鄉選擇鄉耆舉為鄉約並

於衝要地面移駐一二文武員弁專司緝捕是否

恭壽堂奏議

卷九

聖

可行並着體察情形據實具奏等因欽此仰見
聖主戢暴安良綏靖閭閻之至意臣循環跪誦感悚
難名當卽恭錄傳知臬司邱樹棠欽遵查照伏
查南贛一帶界連閩粵每有匪徒潛匿境內糾
結拜會情事臬司邱樹棠到任曾經嚴飭查拿
臣於上年十一月履任復經札飭嚴拿解辦據
南安贛州吉安各屬先後拿獲會匪唐興通魏
招仔蔡三三陳笑棗李年孜劉達文劉石仔賴

澄召汪茂橋楊洪順李惻標趙羊巴腦謝其華
王恭泰張大松曾德音廖壬牯子巫世蘭劉定
桂楊棕講等各案計犯一百六十餘名究明該
犯等煽惑拜會授帖傳徒騙錢花用名為添弟
會又名三點會其中亦有帶刀防身者民間因
卽目為千刀會並非該犯等另有是項會名卽
如已獲之汪茂橋等被獲時在其船內起有尖
刀再三嚴詰實係防身防夜所用卽該犯等訛

恭壽堂奏議

卷九

聖

詐擾害原所不免亦無沿途劫掠情事業將各
犯按照會匪之例擬絞遣流徒分別

奏咨完結其瑞金興國等縣地方聞有迭劫數家
之事卽經飭查該縣等先已訪聞跣緝旋據瑞
金縣報獲周三女子蔡長頭髮等九名又據興
國縣報獲陳盛材等八名究明該犯等於道光
四年十二月初四十二等日並五年正月初四
二月二十九等日先後糾劫瑞金縣事主朱勝

選劉成琳賴姐珀與國縣事主黃幅盛等家賊
物並將賴姐珀弟婦賴蕭氏黃幅盛之媳黃劉
氏輪姦該犯蔡長頭髮等又先於四年十一月
二十七日在寧都州九斷嶺地方搶奪不知姓
名過客行李拒捕致斃一並提省審辦分別擬
以斬梟斬決經 臣 審

題現候部覆在案是該御史所奏興國瑞金地方
被盜疊劫正與此案情形大致相符並無另有

恭壽堂奏議

卷九

聖

商販被劫五十餘起報案亦無零都詳報被劫
之文至泰和縣馬家洲郭姓被劫貲財萬餘金
一節檢查道光四年七月內有在泰和縣馬家
洲開張茶店之劉芝材因失去錫壺路見郭良
鐸錫舖內錫壺相似向取被斥糾同販私擬軍
釋回之高廷鑑往搶郭良鐸店內錫壺洋銀等
物並將店隣郭峻洋銀錢文一併搶走估計郭
良鐸搶賊值銀五兩五錢郭峻搶賊值銀三十

一兩零將劉芝材等擬以杖徒咨結並無被搶多賊亦無另有郭姓呈報被劫萬餘金之事卽泰和萬安等縣拿獲鹽犯劉義童賴并仔蕭思亮黃其華等各案訊係販私屬實按律擬辦本年五六月間萬安縣地方有私梟闖卡拒傷兵丁之案亦經獲犯曾泳英等現在審辦該犯等並無借刀會以為聲援之事花會賭博起於福建流及江西道光五年八月內據新城縣拿獲

恭壽堂奏議

卷九

聖

籍隸福建永春州向在新城營生之陳萬糾同張世榮等搭寮開場花會聚賭捏造人名三十六個寫貼壁上每日暗寫一名裝入竹筒聽人猜壓如有猜中者每錢一文賠錢三十二文誘人猜壓贏錢分用當將陳萬等分別問擬軍徒咨結此外未據報有花會之案此近年查辦會匪盜匪賄匪之實在情形也至應否選舉鄉耆一節伏查乾隆七年前撫臣陳宏謀曾設選舉

族正之法令各族公舉平日為人正直端方者呈報州縣查驗立為族正教誨族眾如有乖戾之徒小則處以家法重則送官究治如一二三年內族眾並無違犯科條分別給匾獎勵倘怠惰徇私亦卽斥革懲儆另舉接充若地方官認真照辦江西省鄉村地方每多聚族而居一族中舉有公正族正令其勸諭本族各安恒業毋任滋事如有會匪鹽梟賭匪等類卽令協同保

恭壽堂奏議

卷九

聖

甲據實舉報在不安本分者恐族正舉發不敢作奸為匪卽該族正亦恐自干斥革不敢怠惰徇私一族如此族族如此行之日久定必比戶可封亦編查保甲中之一良法也自可酌量奉行又衝要地面應否移駐文武員弁稽查一節贛縣大湖江地方私鹽出沒查察難周請將贛州府通判移駐查察經部覆准在案萬安縣芙蓉門為粵私必由之所緝捕最關緊要前經兩

江督臣孫玉庭奏由贛鎮添派叅將大員並酌委丞倅一員駐守巡緝本年經兩淮鹽政臣曾燠委員來江會同地方文武周歷查勘又議於芙蓉門上游之觀瀾門添設一卡並設立望臺撥兵駐守瞭望以壯聲勢現在確勘辦理又據信豐縣稟報該邑小河堡民情强悍地甚繁要請移駐專閫武員彈壓已飭道府查議應俟復到再行核定若有必須改駐之處臣尤當隨時

恭壽堂奏議

卷九

三

斟酌辦理此又選舉族正移駐員弁應行的辦之情形也臣伏思會匪之騙錢鹽梟之牟利以及花會賭博皆有首惡者為之倡而愚民無知遂致被其引誘倘能將為首者嚴辦示懲而被脅被誘之人定可紛紛解散化莠為良臣現在督飭臬司刊發告示曉諭各鄉紳耆保良攻匪並令被脅被誘之人若能將首惡指引到官不但寬其應得之罪並另給予獎賞倘挾嫌攻訐

即照例坐誣如此則從犯知難犯之條必趨自新之路而首犯恐同夥之攻必無托足之區閭閻庶可期其靜謐仍一面遴委幹員改裝易服馳往各處密查並飭道府明查暗訪如有前項會匪劫掠及鹽梟勾結花會聚賭各情地方官憚於緝捕諱匿消弭及化大為小即據實揭報不任稍有隱飾臣與臬司邱樹棠均受恩深重深懼才識未周無以仰酬

恭壽堂奏議

卷九

三

高厚於萬一今蒙聖明指示惟有殫竭血誠如地方有應行興舉之事斷不敢畏難苟安倘各屬文武怠玩因循不以緝捕為事亦即嚴行叅辦萬不肯稍存姑息自蹈愆尤所有現在凜遵查辦緣由理合恭摺覆奏伏乞

皇上聖鑒訓示奉

硃批總要認真查辦勿蹈模稜徇庇之習戒之勉之

審擬義寧州民張世忠京控疏

奏為遵

旨審擬具

奏仰祈

聖鑒事竊照義寧州民張世忠以藍金蓮等傳習邪

教伊叔張迪光控州不為准理並羅列各案輕

縱不究各情控經步軍統領衙門具

奏奉

恭壽堂奏議

卷九

四

旨此案着交韓文綺督同臬司邱樹棠親提人證卷

宗秉公嚴審按律定擬具奏原告張世忠該部照

例解往備質欽此並准將張世忠咨解到江遵卽

督飭臬司邱樹棠行提人卷解省審辦旋據該

州稟覆張迪光牽控已結盧谷年查敬約二案

人證患病外出無從拘解又周崧魏芳洲二案

人證赴州投訊均因被張迪光借貸不遂捏控

籲求免解夏文興查拘無獲取有族隣切結同

應訊人等一併解省委員審辦並飭傳僧綱司

辨認張迪光原呈令牌係僧道常用之物符本

並無違碍由臬司審解前來臣細核各卷張迪

光所控各案或已經訊結或事不干己惟所控

北村藍金蓮與呂南品拜香畫符鍊刀傳習邪

教一案如果獲有符書何以該州不為准理邪

教乃風俗人心之害實為此案緊要關鍵卽所

控夏文興袁必坤兩案均係傳習邪教亦應嚴

恭壽堂奏議

卷九

五

切根究隨提人證督同臬司邱樹棠逐一隔別

研訊緣張迪光籍隸義寧州原捐從九品職銜

嘉慶十四年因州民周化池京控案内問擬杖

革十七年張迪光赴京翻控審虛問擬滿徒親

老畱養其所控藍金蓮呂南品傳習邪教一節

訊因嘉慶十九年張迪光將眾建廟宇租人居

寓呂南品不依吵鬧道光二年陳後芬承買張

迪光家公衆山場寫立契券張迪光訛詐不遂

三年十月萬益明挑柴售賣誤搥張迪光妻姪店內工人張迪光囑萬益明賠禮不依五年四月謝名志撞遇素好之蕭子居與張迪光飲酒張迪光囑蕭子居一同赴京告狀謝名志勸阻張迪光均懷嫌隙藍金蓮與張迪光交好張迪光資其食用料肯幫扶遂誣列藍金蓮呂南品將邪術教令陳後芬等學習並恐無所證據將拾獲之符書令牌指為藍金蓮等處誘獲藉以

恭壽堂奏議

卷九

五

證實遣姪張世忠赴京呈控迨經解回審辦經州拘獲藍金蓮等管押張迪光因藍金蓮貧老易誘乘其管押無人看顧夾威趙能立送給錢文衣服囑其供認傳徒習教並告以年逾七十亦不治罪藍金蓮不依經州將趙能立一併解質訊悉前情是藍金蓮呂南品習教一案已屬虛誣又所控夏文興袁必坤傳教兩案訊因張迪光同族張掄元身故賴拱宸經手散帛因張

迪光平素多事為伊族不齒未給帛布因此挾嫌夏文興與張迪光素識夏文興向在徵村一帶傭趁張迪光曾向借錢不允亦有嫌隙遂平空捏指夏文興在徵村鍾姓傳教被賴拱宸呈控不究希圖拖累袁必坤之弟袁必榮同潘文球等延請黃永寬學習拳棒以防盜賊經地保李怡茂聞知稟官查拏將袁必坤同隣佑傳訊實係袁必榮等學習拳棒均各具結另行查拘

恭壽堂奏議

卷九

五

黃永寬等究辦張迪光因此牽控希圖聳聽是所控傳習邪教最關緊要之案均屬虛誣其餘羅列各案如邱元芳被野獸咬去鷄隻追至蕭子安山上找尋經看山之蕭祥錦疑賊互毆張迪光即唆令蕭子安砌捏邱元芳等竊樹拒捕並令誣控邱元芳勾引素有嫌隙之鄧高魁等肆竊旋據蕭子安自首經州訊明飭拏是以牽控又如儒童賴大紳之妻徐氏節孝經職員胡

秉銓等呈報儒學查明移州詳辦張迪光因徐氏係捕役徐勝之女央李鈞元轉向訛銀被斥砌詞控告潛逃李鈞元被控包訟撞騙久已分別訊結查無其事張迪光因懷挾被斥之嫌是以牽控又如黃許氏係何達巨義女黃許氏因竊隣人鷄隻查覺被翁姑責罵央何達巨帶往新昌縣往尋伊父許文龍被縣差疑係拐帶送縣訊供移州訊明並非拐帶取保張迪光以拐

恭壽堂奏議

卷九

三

帶重案州不究辦藉以挾制是以牽控又如耆民周崧經生員彭肅雲等舉報鄉飲開列衆賓張迪光曾送聯對作賀並非曾經問擬枷杖之周作霖張迪光因向借錢不允是以牽控又如生員魏廷聘孝行至篤經職員龔旭等舉報由學查明移州詳報批查未據覆到張迪光捏以因雷仙姑判斷禍福並賄囑舉報各情實因向魏廷聘之孫魏芳洲借銀不遂是以牽控又如

盧谷年等始控州書浮收繼因查明並無浮勒呈請銷案張迪光因係告漕之案藉圖挾制是以牽控又如查敬約等喫齋祈福被熊迪千控告訊非邪教責懲完案張迪光欲證實邪教重案是以牽控以上各案均以審屬子虛嚴訊因何控告據供知州曾暉春到任訪知該犯在州唆訟滋事督同巡檢時刻查拏實無容身之地是以捏造邪教各案知州不辦差役楊襄等舞

恭壽堂奏議

卷九

四

弊拳賊各重情藉圖聳聽並將平素有嫌之人任意填砌入詞希冀拖累其實令牌符咒在途拾獲並非誘獲亦無另獲夏文興符本犯約並無在州控告不准之事委係平空誣捏再三究詰矢口不移案無遁飾臣以張迪光雖控無確憑現均認誣惟義寧州西北鄉民間向多信鬼尚巫曾經前撫臣奏明飭禁今藍金蓮等住居北鄉被控之夏文興

又未獲案恐有不實不盡復又密委妥員前往
確查徵村地方並無鍾姓相距徵村數里之檀
坑地方始有鍾姓十餘戶均查無夏文興傳教
被獲符書寫立犯約之事亦無賴拱宸呈控州
判案據其為捏控無疑查張迪光先則因訟問
擬杖革繼又誣告擬徒留養乃不知安分復又
迭次訛借唆訟經官訊明飭拏復敢挾嫌平空
捏控藍金蓮夏文興袁必坤等傳習邪教重情

恭壽堂奏議

卷九

五五

主令其姪張世忠赴京呈控並牽扯已結與伊
無涉各案妄誣多人實屬生事擾害張迪光除
驀越赴京告重事不實罪止邊遠充軍輕罪不
議外合依兇惡棍徒屢次生事行兇無故擾害
良人例發極邊足四千里安置張世忠悞聽伊
叔張迪光赴京呈控與為從不同應照不應重
律杖八十趙能立代送錢衣傳述語言訛非知
情串誣應照不應輕律笞四十各折責發落蕭

子安聽唆誣控邱元芳等竊樹拒捕事出有因
已據自首與邱元芳等先經州審責懲應免重
科周崧訊非周作霖改名魏芳洲亦無賄囑不
法別情應與訊無傳習邪教之藍金蓮等均免
置議賴徐氏之父徐勝曾充捕役其夫家清白
且婦人以名節為重是以僕婦婢女及捕役之
妻俱例准

旌表徐氏青年矢志事同一律業經題准請

恭壽堂奏議

卷九

五六

旌應毋庸議其餘已結各案原斷均無輕縱張迪光
詞內所指李邱氏夫故自縊張劉氏夫故守節
均查無報案飭州確查照例辦理符書令牌案
結銷燬無干省釋該州西北鄉民信鬼尚巫仍
督飭隨時查禁除將全案供招咨部外理合恭
摺具

奏伏乞

皇上聖鑒勅部核覆施行奉

硃批刑部議奏

請知縣對調疏

奏為知縣人地未宜請

旨對調仰祈

聖鑒事竊照知縣責膺民社必須人缺相宜庶足以

資治理茲瑞州府屬新昌縣知縣馮文燦順天

進士分發江西補授今職道光五年八月到任

該縣民情刁健訟獄繁多該員抵任以來電勉

奉公尚無貽悞惟才具未能開展究與此缺不

恭壽堂奏議

卷九

五

甚相宜查有饒州府屬德興縣知縣宋大寅雲

南進士分發江西補授今職道光四年二月到

任該員年壯才明辦事幹練以之調補新昌縣

知縣足資整頓所遺德興縣缺民情樸實治理

較易即以馮文燦調補洵堪勝任惟該員等到

任均未滿三年且同係中缺與調補之例稍有

未符但人地實在相需據藩臬兩司詳請具

奏前來合無仰懇

聖恩俯准將德興縣知縣宋大寅調補新昌縣知縣

其德興縣員缺卽以馮文燦調補如此一轉移

間人地既各得其宜而於地方公事亦均有裨

益如蒙

俞允該員等因人地相宜酌量對調且均係現任知

縣銜缺相當毋庸送部引

見臣為地方起見謹會同兩江總督臣琦善恭摺具

奏伏乞

恭壽堂奏議

卷九

癸九

皇上聖鑒訓示內閣奉

上諭韓文綺奏知縣人地未宜請揀員對調一摺着

照所請江西新昌縣知縣准其以宋大寅調補所

遺德興縣知縣員缺卽以馮文燦調補該部知道

審擬蓮花廳民周襄甫京控疏

奏為遵

旨審擬具

奏仰祈

聖鑒事竊照蓮花廳民周襄甫以李元棕等與伊姪

周迪萬爭山率眾持械將伊姪毆傷身死歷控

不為究辦又周廣萬罵母致母李氏自縊身死

誣伊細毆搶去銀錢什物不完等情控經步軍

恭壽堂奏議

卷九

辛

統領衙門具奏奉

旨此案着交韓文綺親提人証卷宗秉公嚴審按律

定擬具奏原告周襄甫該部照例解往備質欽此

並准將周襄甫咨解到江當查周迪萬係被劉

席吟等共毆身死將劉席吟擬絞抵

題准部覆已於本年秋審本內聲明暫行扣除俟

控案審明再行補入又周李氏係自縊身死亦

據蓮花廳驗訊通詳各在案遵卽飭提人卷解

首委員審供由臬司邱樹棠審解前來臣隨提齊犯証逐一隔別研審緣周襄甫族姪周迪萬有烏石凹山場與李元棕族人李志陞隔里坡山場毘連李志陞之山向係李元棕同婿劉席吟租種道光二年五月周迪萬栽種山薯越過李元棕等山界經投劉巨賓等勸令周迪萬分認租銀二錢不允三年正月十五日李元棕邀同劉巨賓劉廣文復向周迪萬理處爭鬧周迪

恭壽堂奏議

卷九

空

萬毆傷劉巨賓左肩甲劉巨賓毆傷周迪萬左右胳膊等處劉廣文毆傷周迪萬左腿肚跑走周迪萬向李元棕毆打李元棕毆傷周迪萬左太陽等處跑走周迪萬追赶適劉席吟赴墟經見攔阻周迪萬斤護舉脚向踢劉席吟順取防身木拳心抵格致拳心鐵釘戳傷周迪萬左膝肋周迪萬用鋤亂毆劉席吟用拳心前後架格致傷周迪萬左腮朕等處周迪萬用鋤將拳心

格落劉席吟奪鋤毆傷周迪萬左膝肋周迪萬拳毆劉席吟心坎劉席吟用鋤橫毆適傷周迪萬左右膝蓋並鋤口劃傷右腿肚倒地逾時殞命報經前護廳張德元驗訊犯供游移臬府飭委前署廬陵縣陳徵芝會審屍弟周廣萬以劉席吟等糾夥謀殺等情控司並控經前撫臣程含章發交吉安府轉飭委員會審即據周廣萬遞悔呈明詳銷將劉席吟擬絞監候李元棕擬

恭壽堂奏議

卷九

空

杖劉巨賓等獲日另結由府司審解前護撫臣嵩溥審擬題准部覆在案周廣萬先因缺用央周襄甫向族眾湊借七九錢一百千文周襄甫代為墊還族眾嗣周廣萬陸續付還周襄甫並將田租立契抵給該族祖祠祭穀向係周襄甫與周培甫經管四年三月周廣萬借穀二石約歲底還價十二月內周廣萬在鄰縣傭工將工資寄交其母

李氏轉還穀價周李氏挪用未付二十九日周培甫與周襄甫往取周李氏夾緩不允爭鬧周李氏撲向拚命跌倒地磕傷額顛經周金隴扶起周李氏聲言欲到周培甫家尋死又經周金隴勸慰各散詎周李氏氣忿莫釋潛赴周培甫屋後牛欄自縊殞命周培甫查見解救無及周廣萬聞信趕回逃同母族李元棕等往看因周李氏額顛有傷衣沾牛欄糞穢疑被周培甫

恭壽堂奏議

卷九

五

等灌糞毆逼一齊喧嚷周培甫走避周廣萬等趕至周襄甫家吵鬧欲控李元棕等旋即走回周襄甫畏累央周金隴等調處令周襄甫出錢為周李氏棺殮費用周廣萬欲圖抱贓出首假意應允周襄甫當寫錢票並將周廣萬抵欠田租立契轉賣共計七九錢八十八千文付周廣萬收執周襄甫欲周廣萬寫給甘休字據因周廣萬素不識字代起底稿捏寫周廣萬母家抬

屍抄搶等詞預防翻告央周金隴代贖周廣萬畫押交周襄甫收執周廣萬即黏處和契票赴廳報驗周襄甫亦黏休字以李元棕等移屍糾搶等情具訴經前護廳何錫光驗訊李氏係失跌磕傷額顛自縊身死周襄甫等並無細毆灌糞情事將周李氏自縊正案通報其周廣萬首告賄和周襄甫指控糾搶因人証不齊致未審結周襄甫因寫給周廣萬契票原為免累起見

恭壽堂奏議

卷九

五

轉被呈首仍受訟累並疑李元棕等唆訟心懷忿恨起意赴京呈控憶及周迪萬被毆身死曾據屍弟周廣萬呈控劉席珍與李元棕等佔山謀殺隨指為李元棕率眾致斃並指該廳圖金賣法狗囑捏詳又周李氏自縊身死李元棕等曾赴吵鬧指為李元棕等移屍糾搶並因寫給契票處和指為周廣萬罵母逼縊索詐平空添砌踏死乳孩丁書舞弊各情冀圖聳聽並將李

姓族內平日有嫌及知名之人一並指控又將李元棕等族人被控及王清槐等控搶已結各案概行牽叙入詞以見李姓犯案多端官不究辦之意自行做就呈詞並黏舊存糧田串票藉圖影射山糧赴步軍統領衙門呈控奏奉諭旨解回審辦茲經提審各供前情如繪臣以周襄甫所控該廳圖金賣法並周廣萬罵母致縊各情最關緊要再三嚴究不特劉席吟堅供實係

恭壽堂奏議

卷九

奎

毆斃周迪萬正兇李元棕等與周廣萬僉稱並無行賄及罵母情事即周襄甫亦自認聳聽捏控不諱詰訊不移案無遁飾查周襄甫呈控李元棕等致斃周迪萬係照周廣萬原詞指控其控該廳圖金賣法周廣萬罵母致縊並李元棕等移屍糾搶踏死乳孩均屬重情審係虛誣且全誣十人以上自應照例問擬周襄甫合依越赴京告重事不實並全誣十人以上例發邊

遠充軍到配杖一百折責安置周培甫向周李氏索欠並無威逼情狀第因此釀命應照不應重律杖八十周廣萬原控劉席吟等佔山謀命事出有因旋即遞悔呈明情同自首其母李氏自縊周襄甫寫給契票處和即據呈首亦非私和惟率以灌糞細毆致縊具控究有不合周金隴因李氏自縊身死處令周襄甫給錢棺殮與私和應抵人命不同且受財人已經呈首因人

恭壽堂奏議

卷九

奎

連累律得免議第明知周襄甫捏寫甘休字據並不斥阻輒代為照騰亦有不合周廣萬周金隴各照不應重律杖八十與周培甫各折責發落劉席吟致傷周迪萬身死久已擬絞題結應歸入下年秋審辦理李元棕毆傷周迪萬已於劉席吟命案擬杖發落其因周李氏自縊身死額顛有傷衣沾糞穢向周襄甫吵鬧旋即走回情尚可原應與訊無舞弊之刑書劉光策及被

牽控之李發槐等均免置議票錢田畝照追入
官契票休字塗銷周襄甫原呈田糧串票給還
李志陞周迪萬舊管山場仍照原案飭令釘界
丈量陞科除全案供招咨部外理合恭摺具
奏伏乞

皇上聖鑒敕部核覆施行奉

硃批刑部議奏

恭壽堂奏議

卷九

空七

覆勘蓮花等廳縣及續報各縣被水被旱疏
奏為藩司覆勘蓮花等廳縣及續報之新喻等縣
被水被旱辦理情形恭摺仰懇

聖鑒事竊照蓮花萍鄉永新宜春安福廬陵分宜等

七廳縣猝被水患應行照例撫卹緩徵錢漕及

續報之新喻等縣被水被旱經臣一面

奏明一面飭令藩司繼昌馳往查勘督辦嗣據繼

昌詳稱勘得蓮花等七廳縣猝被水患係因山

恭壽堂奏議

卷九

空

水驟發致有沖失田房淹斃人口等事幸消退

甚速涸出之地業已補種雜糧未淹晚禾均屬

暢茂次第刈獲委實勘不成災統計該七廳縣

被淹民屯田地共七千三百八十九頃七畝零

沖坍無力修復瓦草房三萬四千七百六間被

水極次貧民大小口共二十萬九千九百五十

六口被水之初即經撫司道府暨各該廳縣及

紳耆等捐資撫卹並減糶倉穀尚不致口食無

資惟窮黎貯蓄均被漂沒自不能不籌資接濟
應於十一月內無論極次貧民照例普行撫卹
一月折色口糧並卹給無力之家坍塌修費共
計口糧修費須銀五萬七千七百一十六兩零
仍緩徵錢漕以紓民力體訪輿情實可無虞失
所至淹斃人口先經地方官暨紳士捐資殮埋
無庸再行查辦水冲沙壓田畝內有實在不能
墾復者催令確切勘丈照例辦理已經挑復各

恭壽堂奏議

卷九

辛九

戶不必另給籽種工本浸濕常平倉穀俱已分
別晒晾減價糶賣飭令買補還倉具報冲坍城
垣衙署監獄祠宇等項現值停止工程未便請
項應請由外另辦其浸濕軍裝火藥淹斃營馬
並捐助銀穀各官紳雖已由司將紳耆分別獎
勵仍應確核銀數數分別照例辦理至續報
之泰和縣沿河一帶居民因上游水發間被淹
浸業經該縣捐廉撫卹茲逐一履勘田禾並無

妨碍民情極為安貼委實毋庸查辦惟新喻吉
水二縣並下游之南昌縣或先因夏秋雨澤愆
期或因上游水發間被漫淹迨後雖補種雜糧
於收成大局並無妨碍勘不成災然究未免歉
薄若將本年應徵帶徵錢漕一律照常徵收誠
恐民力未逮等情臣細加體察委均實在情形
正在繕摺具

奏間茲於十月十四日欽奉

恭壽堂奏議

卷九

辛

上諭韓文綺奏勘明被水廳縣請照例撫卹一摺着
照所請准將蓮花等七廳縣被水各戶無論極次
貧民照例普行撫卹一月折色口糧其冲坍房屋
淹斃人口並水衝沙壓田畝除有力之家並已經
捐給外均着照例卹給至該廳縣本年未完錢漕
並准其緩至來年秋後分作兩年帶徵其餘被旱
被水各州縣着一並查明核辦等因欽此遵卽轉
行欽遵除淹斃人口水冲沙壓已經挑復田畝

無庸卹給外將應普行撫卹一月折色口糧及
沖坍房屋修費發給各該管道府督同印委各
員於十一月內核實散放一面敬謹騰黃頒佈
俾家喻戶曉使吏胥無從滋弊窮黎咸沾實惠
感頌

皇仁自無既極所有續報被水被旱之南昌新喻吉
水三縣雖勘不成災而收成歉薄民力未免拮
据合無仰懇

恭壽堂奏議

卷九

三

皇上天恩俯准將南昌吉水二縣被水被旱田畝本
年應徵錢漕緩至來年秋後徵收新喻縣被水
被旱田畝較多本年應徵錢糧漕米緩至來年
秋後分作兩年帶徵其南昌縣本年應帶徵五
年緩徵錢漕遞緩至道光八年秋後起徵又七
年帶徵三年遞緩錢漕遞緩至道光九年秋後
徵收以期仰副

聖主愷澤覃施惠愛黎元有加無已至意除飭將蓮

花等七廳縣不能墾復田畝及浸濕軍裝火藥
淹斃營馬暨地方官並各紳耆捐助銀穀並用
過卹給銀兩同續報之南昌等三縣應徵錢漕
年分數目分別核實照例辦理外理合恭摺具
奏伏乞

皇上聖鑒訓示內閣奉

上諭韓文綺奏續報被水被旱地方請分別緩徵一
摺江西南昌等三縣或因夏秋雨澤愆期或因上

恭壽堂奏議

卷九

三

游水發被淹雖均勘不成災而收成歉薄民力未
免拮据着照所請加恩將南昌吉水二縣被水被
旱田畝本年應徵錢漕着緩至來年秋後徵收新
喻縣被水被旱田畝本年應徵錢漕着緩至來年
秋後分作兩年帶徵其南昌縣本年應帶徵道光
五年緩徵錢漕准其遞緩至道光八年秋後啟徵
又來年應帶徵道光三年遞緩錢漕准其遞緩至
道光九年秋後徵收以紓民力該部知道

遵旨查明覆奏疏

奏為遵

旨查明覆

奏仰祈

聖鑒事竊臣承准

廷寄欽奉

上諭本年江西蓮花等七廳縣被水已降旨加恩小

民諒不至失所惟念來春青黃不接之時民力不

恭壽堂奏議

卷九

七

免拮据着體察情形如有應需接濟之處即查明

據實覆奏務於封印前奏到候朕於新正降旨加

恩再新喻等三縣被水被旱已據奏明委員查勘

亦着迅速辦理並將來春應否接濟之處一並查

明於封印前奏到等因欽此仰見我

聖主軫念民依無微不至佩讀之下欽跪實深伏查

蓮花萍鄉永新宜春安福廬陵分宜等七廳縣

猝被水患業蒙

恩旨准將被水各戶無論極次貧民普行撫卹一月

折色口糧並無力之家卹給坍房修費又復緩

徵錢漕

隆施稠疊該七廳縣貧民無不仰戴

皇仁同深感頌即續報被水被旱各縣亦經藩司親

詣勘明於十月十七日奏懇

天恩請將南昌新喻吉水三縣本年應徵帶徵錢漕

分別緩徵遞緩已足以紓民力今復以來春青

恭壽堂奏議

卷九

七

黃不接之時民力不免拮据上廛

聖懷遵即恭錄

恩旨飭司查辦茲據藩司繼昌議詳前來臣覆與該

司細加體察內南昌分宜新喻吉水安福等五

縣被水被旱田地補種雜糧均已收穫菜麥亦

一律芟茂民力不致竭蹶自可無庸接濟惟蓮

花萍鄉宜春廬陵永新等五廳縣被水村庄雖

雜糧有收現在無虞缺食惟該五廳縣貧農素

鮮蓋藏經本年水患之後來春東作方殷恐播種難免匱乏合無仰懇

聖恩俯准將該五廳縣貧農於來春青黃不接之時再行酌借籽種俾耕作有資庶生計更臻寬裕

感沐

鴻慈益無既極理合恭摺據實覆

奏伏乞

皇上聖鑒訓示

恭壽堂奏議

卷九

七五

審擬豐城縣民熊大邦京控疏

奏為衆證明白犯供狡展循例審擬

奏請

定奪仰祈

聖鑒事竊據豐城縣民熊大邦以該縣違例浮收兵

捕逼擾縣書左曲二攬管庫糧稅總勒索分肥

捕役蕭昇等妄挈索詐等情控經都察院咨解

到江交臣委員審辦當即行提人卷解省委員

恭壽堂奏議

卷九

七六

確審衆證明白即熊大邦亦自認並無實據仍

一味堅不輸服由司道親訊詳請審奏前來臣

細核各卷親提犯證隔別研鞫緣熊大邦先於

乾隆六十年間聽從趙君山赴京呈控該縣浮

收銀米經前戶部侍郎臣台布來江會同前署

督臣蘇凌阿審虛將熊大邦問擬滿徒發配限

滿釋回充當錢漕催頭誑騙津貼免費並捏錢

糧應須火工等項刊刷條規分散各圖經縣差

拘熊大邦畏懼復將所斂錢文倡建廟宇侵蝕
餘錢被雷劍光赴京呈控解回審明將熊大邦
照兇惡棍徒例問發四川安置恭逢嘉慶二十
五年八月二十七日

恩詔釋回於道光四年二月到籍十月內該縣尚未
示期開倉熊大邦復萌故態起意包攬漁利編
造平漕議約以乾隆六十年經伊京控始得平
斛今代合邑議一章程每米一擔幫官雜費水

恭壽堂奏議

卷九

十七

脚等錢三百文經承保公局首事錢五十文
俱要歸局等語張大其詞獨自起稿雇人刊刷
數十本於十月初八日攜赴縣城真人廟與僧
隱波商允即在廟內設局初九日熊大邦邀同
素好之監生陳質明民人羅茂二在逃之曾有
義至廟告知情由給看議約令其幫做首事分
散議約騙錢均分陳質明等貪利允從是日有
花戶楊明德社保徐英彩走至熊大邦當向攬

納漕米各給議約一本逼令通知花戶按戶完
米赴局交錢楊明德等畏其兇橫勉強收回議
約當即燒燬並未向花戶通知餘約熊大邦尚
未分散亦未騙得錢文經該前縣徐清選訪聞

差拘查獲議約稟經前護撫臣嵩溥飭委前署
臨江府劉體重等馳往查拏並經前撫臣成格
抵任查核議約語言狂妄挾制居民抗官把持
亟應懲辦添委前任南昌府周繼所會營督率

恭壽堂奏議

卷九

十八

兵役嚴拏並附片奏
聞在案熊大邦遠颺無獲經縣詳咨通緝嗣獲陳質
明等解省委員審明將陳質明羅茂二僧隱波
照為從律於熊大邦應得軍罪上減一等各杖
一百徒三年聲明熊大邦獲日另結詳經咨部
照覆熊大邦因各省查拏嚴緊起意赴京翻控
洩忿自行砌詞逼令伊甥曾榮發作抱一同進
京赴都察院呈控咨解回江查熊大邦所控該

縣浮收錢漕稅契小業不黏契尾官吏私蝕一節訊因豐邑鄉斛小於制斛七八折不等花戶以鄉斛量交原有多寡倉內總以制斛收米皆係平斛嚮攬並無十五六斛僅算十斛及每石收足錢七百五十文零星小戶完納丁耗均係按照市價長落用錢折納豐邑市用七一四錢每千只有足錢七百十四文扣足制錢收納並無每兩收足錢一千八百八十文漕糧串票小

恭壽堂奏議

卷九

五

戶給錢二文大戶給錢三文不等俱係花戶情愿照舊給付並無多索徵收稅契均係每兩徵銀三分亦無契價七八百作價一兩徵銀六分幾釐並契尾每張勒錢四五百文業戶原有數契黏連請用契尾一張係便於收藏仍按契價一併合算填入契尾並非徵多報少亦非小業不黏契尾官吏實無私蝕情弊飭令現任知縣吊查紅簿及申繳尾根銀號各數並業戶鄔樂

三等黏連各契均屬相符摘傳花戶訊亦無異詰訊熊大邦據稱得自傳聞是以指控此外別無確據又如所控縣書左曲二攬管庫糧稅總勒索分肥武舉袁桂鬧堂罵官左曲二許加銀米一節訊因左曲二先充戶房經承後經告退充當清書道光三年收漕左曲二在倉幫同經承填寫串票看視米色花戶上米左曲二故意挑剔有給錢十餘文並數十文不等共得過錢

恭壽堂奏議

卷九

六

八千四百文並未承充庫糧稅總亦無分肥簿據武舉袁桂訊無鬧堂罵官經左曲二許定舊規並加給銀米之事因熊大邦從前倡議建廟勒派錢文不允控縣後又於雷劍光京控案內作證將熊大邦擬軍熊大邦因此挾嫌平空妄誣詰訊熊大邦亦稱得自傳聞並無確據又如所控兵捕逼擾等去家屬親朋等用錢買放並將僧人刑傷拖斃捕役蕭昇等索詐伊族錢文

蕭昇之兄回賊被挖雙目一節訊因熊大邦倡立平漕議約經縣訪臬飭委文武員弁督率兵役嚴拏熊大邦逃逸蕭昇恐被比責令其家屬親友找尋曾經用言恐嚇並無將僧人拖斃卽有牽連獲案者均經委員隨時訊釋兵捕人等均無逼擾吊打並得錢賣放蕭昇等亦無向熊大邦族人詐過錢一百六十千文至蕭昇之兄蕭有三因有乞丐染匠大漢子等在村盤踞強

恭壽堂奏議

卷九

全

討驅逐出村被染匠大漢子挾嫌扭倒騎壓身上用指挖瞎雙目報縣詳緝有案並非回賊被挖詰訊熊大邦究係何處僧人拖斃兵役將何人得錢賣放伊族及親朋有何人被蕭昇等詐錢據稱均在途中風聞不能供出實據總求嚴究又如所控該縣每年運官往來官差上下衙門年節生日開銷錢文外尚有詞訟各弊等銀一節訊明該縣歷年收漕向在水次兌運運官

人等查看米色兌竣開行並無賄給銀錢往來官員歷無承辦差使上下衙門亦無餽送節壽禮物歷任知縣審理詞訟均屬平允實無賄囑情弊俱係熊大邦平空捏誣詰訊熊大邦亦稱均得自傳聞私猜不能指出確據等供臣以熊大邦所控各款均屬重情恐官役人等實有情弊再三嚴究不特書役人等堅供不移卽熊大邦亦自稱得自傳聞私猜並無確切證據其為

恭壽堂奏議

卷九

全

妄控無疑自應訊取輸服供招乃熊大邦冀圖拖累無辜明知罪無可加一味刁狡堅不畫供查例載問刑衙門審辦案件其有實在刁健堅不承招卽具衆證情狀奏請定奪等語此案熊大邦始則聽從誣告問徒繼又斂錢勒派擬軍遇赦釋回不知安分復敢剗刷平漕議約煽惑鄉民指官誑騙實為棍徒之尤提齊衆證確審明白卽

該犯亦供認所控各情毫無憑據乃仍未輸服更屬刁健未便因其堅不承招稽延不結熊大邦除驀越赴京告重事不實輕罪不議外合依兇惡棍徒屢次生事行兇無故擾害良人例發極邊足四千里安置係

赦後復犯應加一等改發雲貴兩廣極邊烟瘴充軍照例奏請

定奪左曲二訊未承充庫糧稅總亦無浮勒分肥情

恭壽堂奏議

卷九

全三

事惟充當清書藉看米色故意挑剔得過花戶錢八千四百文折實銀八兩四錢即與蠹役詐贓無異左曲二即左維謙應照蠹役索詐貧民計贓六兩至十兩例杖一百徒三年各照例刺字捕役蕭昇訊無逼擾作贓惟奉票拘人輒令該家屬親友找尋用言恐嚇亦有不合應與被逼同行之抱告曾榮發各照不應重律杖八十折責發落聽從散約之陳質明羅茂二僧隱波

先已擬徒咨結應毋庸議所有失察衙役詐贓職名係前任豐城縣現調南昌縣知縣徐清選相應附參聽候部議除將供招咨部外理合恭摺具

奏伏乞

皇上聖鑒敕部核覆施行奉

硃批刑部議奏

恭壽堂奏議

卷九

全四

覆查保甲完竣疏

奏為覆查保甲完竣恭摺仰祈

聖鑒事竊照嘉慶二十年正月欽奉

上諭編查保甲州縣於秋收後俟各項外出人眾歸里

曉諭各村莊保長人等將本村戶口自行逐細查明

造具草冊呈送州縣覆查將門牌改填按戶懸掛仍

責令該管道府直隸州親往協查稟報督撫交兩司

核對具詳歲底彙奏一次等因欽此又於道光四年

恭壽堂奏議

卷九

全

五月欽奉

上諭着各督撫等嚴飭該府州縣將棚民逐細查察

每年遞換門牌隨時抽驗如查有不安本分之徒

即嚴挈示懲不准書吏藉端擾累等因欽此當經

前撫臣毓岱查明江西棚民向已編入保甲

奏明俟秋收後一律查辦在案茲本年秋收後各

項外出人眾俱已歸里據各州縣督率保長及

族正人等將土著及棚民一體確查改換門牌

懸掛並查各棚民均皆安靜守法經該管道府

直隸州親加覆查相符報由兩司核詳前來臣

逐細體訪所屬地方以及本年被水之區俱各

安貼委無匪徒潛匿情事並仍飭各屬實力奉

行隨時查察不得因本年編查業已完竣稍有

疎懈以仰副

聖上戡暴安良之至意所有覆查保甲完竣緣由理

合恭摺具

恭壽堂奏議

卷九

全

奏伏乞

皇上聖鑒

韓大中丞奏議

受業 步際桐 編次
張修育

次孫泰 華敬錄

卷之十

目錄

分別起限扣還運丁借款疏

請將定南等廳縣未買足穀展限疏

恭壽堂奏議

卷十

一

買齊義倉穀石及支存鹽務公費疏 附片

審明上猶縣逆倫重犯疏

查明覆奏疏

審辦廣豐縣逆倫重犯疏

請移設卡隘疏

請改補知縣疏

審擬彭澤縣監生丁步斗京控疏

審擬南豐縣民吳大年誤傷父命疏

挪移庫項人員監追無完疏

審擬廬陵縣民孔仰七京控疏

動欸分造直隸撥船疏

請改武職繁簡缺分疏

請將被控縣令解任質審疏

買貯義倉穀石疏

審擬高安縣民艾文明京控疏

審擬鄱陽縣民李三槐京控疏

恭壽堂奏議

卷十

二

查辦贛郡會匪疏

拏獲學政家人疏

分賠已故知縣挪移庫項疏

展限買穀疏

遵旨覆奏疏

分別起限扣還運丁借款疏

奏為據情奏懇

聖恩仰祈

聖鑒事竊照江西各幫漕船道光五年在通庫天津道庫借欠銀六萬四千一百五十三兩零又廣信等十幫另借天津道庫銀九千八十兩共銀七萬三千二百三十三兩零經臣奏沐

聖慈准於司庫地丁項下借墊分作五年二年扣解

恭壽堂奏議

卷十

一

歸欵在案今據督糧道劉重麟布政使繼昌會詳稱前項銀兩計初限應扣銀一萬七千三百餘兩自當於本年新運錢糧內照限起扣以清欸項惟上年仍係剝運費用較多幫船倍形竭蹶是以在天津道庫借領飯米折價剝價油船廠費共銀四萬二百九十一兩二錢零又倉場督臣

奏准在通庫酌借銀四千兩均應於本年新運錢

糧內坐扣並五年分在江南總局借領墊發津貼三分食米折價二項銀二萬三千五百一十三兩三錢零

奏准分作六年扣清上年扣過初限銀三千七百五十二兩二錢零本年仍應接扣二限銀兩計本年共應扣銀六萬五千四百一十兩零江西漕船最形疲乏若儘數照扣勢必致辦運無資於丁情運務大有關碍再四熟籌惟有將上年

恭壽堂奏議

卷十

二

借領天津道庫銀四萬二百餘兩分限三年即於本年新運起扣其上年在通庫借銀四千兩為數無多亦即於新運內全數扣清連江南總局二限本年已共應扣銀二萬一千一百八十八兩加以例扣造剝等欸勢難再扣司庫墊欸應請將司庫借墊一欸循照浙江幫丁借欠山東及通庫天津道庫各欸展緩扣還成案緩俟下年起扣仍照原定限期分作五年二年扣還

等情詳請具

奏前來臣覆加查核係實在情形合無仰懇

聖恩俯准將江西幫丁上年借領天津道庫銀兩分

作三年扣清每年扣銀一萬三千四百三十兩

零同上年在通庫借領銀四千兩江西總局應

扣二限銀三千七百五十二兩零即於本年新

運錢糧內分別照數照限扣解其司庫墊款暫

緩一年俟下年起扣以紓丁力而重漕運理合

恭壽堂奏議

卷十

三

恭摺具

奏伏乞

皇上聖鑒內閣奉

上諭韓文綺奏運丁借款懇請分別起限扣還一摺

江西各幫漕船道光五年在通庫天津道庫借欠

銀兩奏准於司庫地丁項下借墊分作五年二年

扣解歸款本年應扣初限銀一萬七千三百餘兩

又在江南總局借領銀兩分作六年扣清本年應

扣二限銀三千七百五十二兩零上年又借天津

道庫廠費銀四萬二百九十一兩零通庫酌借銀

四千兩應於新運錢糧內坐扣本年共應扣銀六

萬五千四百一十兩零茲據該撫奏江西漕船疲

乏若儘數照扣未免辦運無資加恩著照所請上

年借領天津道庫銀兩准其分作三年扣清每年

扣銀一萬三千四百三十兩零同上年在通庫借

領銀四千兩江南總局應扣二限銀三千七百五

恭壽堂奏議

卷十

四

十二兩零即於本年新運錢糧內分別照數照限

扣解其司庫墊款准其暫緩一年俟下年起扣以

紓丁力該部知道

請將定南等廳縣未買足穀展限疏

奏為恭摺奏明請

旨事竊照江西南昌等十四府州屬計六十二廳州縣歷任交代案內折價流交共缺穀二十八萬五千六百石零

奏准分作三限買補內除彭澤縣周巖霽變穀三千四百三十四石零已歸叅案另辦外其餘缺穀計初限應買穀一十五萬五千二百六十四

恭壽堂奏議

卷十

五

石零二限應買穀九萬四千四百三十三石零三限應買穀三萬二千四百六十七石零上年二月因初限屆滿尚有未買足穀三萬九千三百九十餘石又經臣奏蒙

恩旨准將銅鼓靖安泰和龍泉永新宜黃餘干樂平德化彭澤興國會昌等十二廳縣初限未買足穀二萬二千三十餘石寬限五個月勒令掃數買齊至南安府屬之大庾上猶二縣贛州府屬之定南

零都信豐龍南安遠長寧六廳縣初限未買足穀

一萬七千三百六十餘石准照原奏遞展一年等因欽此行司轉行欽遵並疊次札飭趕緊買齊去後茲據布政使繼昌詳稱查初限展緩未買

足同二限應買穀石均已上年九月屆滿初限穀石僅據採買上倉穀二萬八千八百六十九石零尚有定南泰和龍泉永新彭澤五廳縣未買穀一萬五百二十七石零二限穀石內除定

恭壽堂奏議

卷十

六

南大庾信豐龍南安遠五廳縣應買穀一萬六千一百八石零已請遞展一年外實在應買穀七萬八千三百二十五石零僅據採買上倉穀三萬八千八百八十一石零尚有廬陵新喻泰和萬安龍泉興國會昌贛縣餘干樂平彭澤十一縣未買穀三萬九千四百四十四石零該廳縣或初限尚未買足仰沐

聖恩准令展限或初限雖已照買而二限亦已屆期

自應一律依限趕買齊全乃於屆滿之後至今尚有短絀自應卽予嚴叅惟查上年江西省蓮花萍鄉等廳縣猝被水患又先於五月間青黃不接之時閩粵等省來江搬運米穀以致市集糧價加增民間蓋藏益少嗣經各州縣採買缺穀連省城採買義穀共計已八萬三千九百餘石糧價卽未能平減未買足之各廳縣始恐價值增昂繼恐有妨民食以致不克買補全完並

恭壽堂奏議

卷十

七

非無故遲延懇請具

奏展緩買補前來臣覆加訪察均係實在情形查三限連大庾等廳縣二限應買穀石為數本屬不多合無仰懇

天恩俯准將定南等廳縣未買足初二兩限穀四萬九千餘石展至本年新穀登場後同三限穀並大庾等廳縣二限穀一律掃數買齊毋任再有短少其實缺人員仍停止陞調署事人員仍停

其委署補缺總俟應買穀石買足後照常陞調委補俾該廳縣各知責有攸歸不敢稍事懈忽而於地方民食亦不致稍有窒碍理合恭摺具奏伏乞

皇上聖鑒訓示內閣奉

上諭韓文綺奏廳縣未買穀石請展緩買補一摺江西省各廳州縣應行買補缺穀上年二月初限屆滿未經買足穀石奏准寬限遞緩茲據該撫奏稱

恭壽堂奏議

卷十

八

初限展緩尚未買足及二限應買穀均於上年九月屆滿初限尚有定南泰和龍泉永新彭澤五廳縣未買穀一萬五百二十七石零二限尚有廬陵新喻泰和萬安龍泉興國會昌贛縣餘干樂平彭澤十一縣未買穀三萬九千四百四十四石零均應依限買齊惟因上年蓮花等廳縣被水並閩粵等省買運米穀以致糧價加增恐妨民食不克買補全完尚非無故遲延着照所請准將定南等廳

縣未買足初二兩限穀四萬九千餘石展至本年
新穀登場後同三限穀並大庾等廳縣二限穀一
律掃數買齊毋得再有延緩餘着照所議辦理該
部知道

恭壽堂奏議

卷十

九

買齊義倉穀石及支存鹽務公費疏
奏為恭報鹽務公費支存銀兩並買齊五六兩年
應買義倉穀石各數仰祈

聖鑒事竊照江西省每年鹽商呈繳公費

奏交鹽道存庫充公銀兩例應將支放各案事由
及存剩銀數開具清單同省城捐建義倉支銀
收買穀數及有無動用之處一並奏報今據鹽
法道齊嘉紹布政使繼昌會詳稱查省城設立

恭壽堂奏議

卷十

十

義倉買貯義穀應自道光五年為始前因厥座
新蓋椽瓦木料尚未乾透貯穀恐受潮濕且市
價增昂採買恐妨民食稟經

奏明俟秋成後同六年應買穀石一並於公費銀
內按數動支採買在案茲前項穀石已於上年
秋成後按數動支銀一萬六千兩發給南昌新
建二縣共買穀一萬六千二百四十七石零現
已委員驗收上倉照數實貯並無短少仍逐廠

安放氣筒隨時晒晾以免潮濕霉變等情並據
將道光六年春季起至冬季止支放公費及存
剩銀數開單詳請具

奏前來臣覆核無異除將買貯穀石責成鹽道督
同駐倉委員妥協經理加緊收貯外所有買齊
義倉穀石及支存鹽務公費緣由理合恭摺具
奏並繕清單敬呈

御覽伏乞

恭壽堂奏議

卷十

七

皇上聖鑒奉
硃批知道了

附片

再省城章江門外對岸沙井為往來最要通津
因中隔新洲渡船繞洲經過每多失事乾隆年
間曾經設立雙渡由章江門渡新洲由新洲渡
沙井以避洲嘴之險因經費不敷以致設而復
廢茲據合省紳商量力捐資造船二十隻並將
東西兩岸馬頭及新洲土埂或用土培厚或用
石修砌一律培築堅固並雇募渡夫於上年十

恭壽堂奏議

卷十

七

月重開雙渡行人甚為稱便惟計所捐銀兩每
年經費約尚不敷銀六百兩呈請撥給公費以
資經久前來臣查鹽商呈繳公費一項前經
奏奉

諭旨凡於地方民生實有裨益之事准隨時動用等
因欽此仰見

皇仁浩蕩無事不以民生為急今章江門修復兩渡
往來行人實可免覆溺之虞於民生大有裨益

復查此項公費除採買義穀及書院經費巡河
口糧等項外尚有盈餘應卽於此項內酌給銀
六百兩俾資利濟以仰副

惠愛黎元之至意仍俟發給銀兩歸於下屆造報理

合附片奏

聞伏乞

聖鑒奉

硃批知道了

恭壽堂奏議

卷十

十三

審明上猶縣逆倫重犯疏

奏為審明逆倫重犯按律辦理恭摺具

奏仰祈

聖鑒事竊據上猶縣知縣羅璋燦驗報縣民王敬照

奪棍致傷伊母羅氏身死押帶犯證來省審辦

等情臣以案關重大批司速飭審解茲據委員

南昌府知府李本榆督同該縣等審明定擬由

臬司解勘前來臣卽督同司道親提研鞫緣王

恭壽堂奏議

卷十

十四

敬照係羅氏長子王敬照同胞弟王敬洪於道

光六年二月間分爨王敬照已娶妻生子議明

供養其父王遠榮王敬洪尚未婚娶供養其母

羅氏十二月初六日早王遠榮出外巡看山場

王敬照之妻馮氏與幼子出外看親王敬洪亦

赴地工作中午羅氏赴王敬照房內爬取茶子

殼烘火王敬照聲言羅氏係王敬洪供養王敬

洪亦有茶殼不應至伊家爬取羅氏氣忿稱欲

送究並取木棍向毆王敬照情急接棍撻奪致
戳傷羅氏右臂肱隨卽逃逸族人王敬文等
聞鬧走至王遠榮王敬洪亦卽回歸向羅氏問
知情由因王敬照先已逃逸卽邀同族保分路
追拏未及稟報詎羅氏傷重至初八日夜殞命
經縣訪聞獲犯驗訊解省審悉前情查律載子
毆母殺者凌遲處死此案王敬照因阻伊母羅
氏爬取茶殼被母取棍向毆輒敢奪棍致斃母

恭壽堂奏議

卷十

十五

命實屬罪大惡極自應按律問擬王敬照合依
子毆母殺者凌遲處死律凌遲處死該犯行同
梟獍未便稍事稽誅上猶縣距省在三百里以
外臣於審明後卽恭請

王命飭委兼署按察使事布政使繼昌臣標中軍叅
將曾連鳳將王敬照綁赴市曹凌遲處死仍傳
首犯事地方懸竿示衆以昭炯戒王遠榮查知
王敬照將母毆傷逃逸邀同族保追拏不及稟

報旋卽獲犯送案應與先已外出之犯弟王敬
洪犯妻王馮氏等均免置議除供招咨部外所
有審明辦理緣由理合恭摺具
奏伏乞
皇上聖鑒勅部查照施行奉
硃批刑部知道

恭壽堂奏議

卷十

十六

查明覆奏疏

奏為遵

旨查明覆

奏仰祈

聖鑒事竊臣承准

廷寄欽奉

上諭步軍統領衙門奏候選刑部司獄麻變寅呈遞
條陳內江西萬安縣設有鹽快巡緝並不以緝私

恭壽堂奏議

卷十

七

為要專藉端訛詐搶劫過往商船及泰和縣馬家
洲地方素有梟匪囤賣私鹽並聚眾局賭搶劫良
家婦女姦淫二款如果屬實必應嚴拏懲辦以除
行旅地方之害着將此二款鈔寄該撫閱看務即
飭委妥員嚴查密訪得有確情即悉數查拏務獲
按律究辦勿得任聽所屬彌縫粉飾稍有迴護徇
縱將此諭令知之欽此並准將麻變寅呈遞二款
鈔寄到臣伏查萬安縣為粵私侵越門戶馬家

洲又係鹽梟易於出沒之區如果鹽快訛詐搶

劫梟徒局賭姦淫該地方官並不認真拏辦自

應亟加懲創隨與司道密商吉安府知府劉體

重辦事實心且到任未久無所用其迴護即密

札該府並另委妥幹員弁改裝易服馳往該二

縣不動聲色嚴查密訪得有確情即拏解來首

究辦去後旋據該府暨各該委員查明稟復據

稱萬安縣與行銷粵鹽之贛縣水路相接順流

恭壽堂奏議

卷十

六

而下該縣芙蓉門為粵私必經之地設有芙蓉
朝陽對岸兩卡派撥官兵率同巡丁卡商隨時
查緝並未另設鹽快惟下游之廬陵縣向來設
有鹽快道光二年有已革鹽快謝光等糾夥冒
差乘船搶詐為害商旅即經訪聞獲案審擬軍
徒咨准部覆發配又泰和縣馬家洲地方溪河
一線從前原有梟匪潛匿囤私誘賭等事道光
三年據泰和縣民陳明開赴步軍統領衙門呈

控王成山等糾約鹽梟開設鹽廠賭局哄誘伊子輸錢逼寫字據糾搶衣物等情一案審照先惡棍徒擬軍

奏准部議完結又道光四年有信豐縣販私擬軍釋回之高廷鑑在馬家洲地方聽從劉芝材等搶奪郭良鏞等洋銀衣物亦經查拏獲案審明照例分別擬徒咨部完結又嘉慶二十四年前撫臣錢臻因聞謠傳泰和縣沙蘭下地方蕭李

恭壽堂奏議

卷十

九

氏之女被鹽梟輪姦致死當卽札府委員查辦並無其事密傳蕭李氏暨其女到案詢明無異並稱實不知何人造言污蔑取有族隣甘結呈送在案茲遵逐一查訪自謝光等懲辦以後巡丁鹽快委實俱各守法並無訛搶商船情弊卽販私匪徒有素卽拏馬家洲地方實無梟徒囤積並搶劫婦女姦淫之事等情復經檄飭藩司繼昌鹽法道齊嘉紹密查確訪該府等所稟情

形並無彌縫粉飾情弊詳請覆

奏前來臣細加查察實與該府等所稟無異伏思欲禁私鹽必先絕其囤積之所欲梟梟必先嚴其關隘之防臣於上年冬間通行刊示曉諭查照前撫臣陳宏謀設立族正之法令各族公舉族正並於一鄉之中又添設鄉正一人已經各州縣慎選舉充責成保良攻匪卽如馬家洲地方居民僅百數十家現在設有鄉正族正協

恭壽堂奏議

卷十

十

同保甲互相稽查私鹽無從囤積諒梟販難以容身至萬安縣芙蓉門卡粵私最易偷越上年尚有衝卡之案獲犯曾泳英等或認或翻現在提省究辦該卡水勢湍急查察難周已於觀瀾門添設一卡以壯聲勢現復擬於泰和縣之馬家洲派委都守一員輪流帶兵駐緝並於下游之峽江縣龍母廟擇要設卡以資堵截卡隘期於周密庶梟徒無可往來他如巡丁鹽快以巡

鹽為名藉端訛索尤為行旅之害現雖查無其事亦不可不加意嚴防已飭該地方文武嚴密偵緝防範如有前項情事立時拏究倘稍有徇縱卽據實嚴叅斷不敢心存迴護自取咎愆仍剴切曉諭巡鹽丁役商旅居民遇有梟匪一體實力助拏倘能人鹽並獲卽將鹽餉船隻一併分賞並另加予獎賞以昭激勸臣惟有隨時隨事實力實心懲勸兼施期有成效以仰副

恭壽堂奏議

卷十

五

聖主戢匪安良綏靖閭閻之至意除將應設卡隘另行會商具

奏外理合恭摺覆

奏伏乞

皇上聖鑒奉

硃批知道了

審辦廣豐縣逆倫重犯疏

奏為審明逆倫重犯按律辦理恭摺具

奏仰祈

聖鑒事竊據廣豐縣知縣陳增印稟報客民王披刀傷伊父王宜光身死該縣因公在省經代理典史臬府飭委鉛山縣驗明移回押帶犯證來省審辦等情臣以案關重大批司速飭審解茲據委員南昌府知府李本楡會督該府縣審明定

恭壽堂奏議

卷十

五

擬由臬司解勘前來臣卽督同司道親提研鞫緣王披籍隸福建浦城縣係王宜光長子王宜光向在廣豐縣覓工攜眷借屋居住王披亦隨父同居道光七年正月二十七日夜王宜光村隣徐遠店內被竊次早知覺並拾有賊遺烟袋一枝徐遠因王披素不務正疑其行竊又因王披強橫不敢明問假託王披訪查賊賊許俟查出酬謝後徐遠路遇王宜光將烟袋給認並非

王披之物徐遠亦卽釋疑各散二月初六日下午
午王披外回將徐遠託查賊賊之言向王宜光
告述王宜光以徐遠既經託查復將烟袋給認
明係因王披不務正業疑其偷竊當將王披訓
責王披氣忿卽攜切紙小刀徃向徐遠理論王
宜光喝阻尾追行至山頭山地方王宜光趕上
斥罵拉手奪刀王披將手推搡希圖掙脫適手
內刀尖向上致傷王宜光咽喉右帶傷右腮脰

恭壽堂奏議

卷十

三

倒地王披畏懼忙解纏腿布包護傷口詎王宜
光傷重當時殞命王披回向伊母王吳氏捏稱
被父責罵而歸王吳氏候至半夜不見王宜光
轉回令徃找尋王披冀圖掩飾假邀隣人徐沛
凌並在徐田家傭工之胞弟王衰宜尋至山頭
山路旁王披裝作驚見屍身稱係被人殺死喊
叫哭泣報知王吳氏徃看認出包傷之布係王
披平日纏腿所用又見王披衣服有血當向盤

出前情報驗解省審供不諱查王披因被徐遠
疑竊氣忿攜刀徃論伊父王宜光拉阻奪刀該
犯將手推搡適傷王宜光咽喉斃命實屬罪大
惡極王披合依子毆父殺者凌遲處死律凌遲
處死該犯行同梟獍未便稍稽顯戮廣豐縣距
省在三百里以外臣於審明後卽恭請

恭壽堂奏議

卷十

五

王命飭委按察使興科臣標中軍叅將曾連鳳將王
披綁赴市曹凌遲處死仍傳首犯事地方示衆
以昭炯戒徐遠訊非誣竊第已釀重案究屬不
合應照不應重律杖八十徐遠被竊正賊飭緝
獲日另結除供招咨部外所有審明辦理緣由
理合恭摺具
奏伏乞

皇上聖鑒勅部查照施行奉
硃批刑部知道

請移設卡隘疏

奏為酌量地勢移設卡隘以資緝私恭摺仰祈
聖鑒事竊照江西省行銷准鹽境地與閩浙粵皖四
省水陸交通犬牙相錯隣私最易侵灌道光二
年前督臣孫玉庭等

奏定變通堵緝章程以後閩浙皖三省私販頗知
斂跡而粵私仍未能淨盡皆由本省南贛寧例
食粵鹽之三府州與例食淮引之萬安等縣在

恭壽堂奏議

卷十

五

在昆連且一水相通順流直下防堵更非易易
道光五年前護鹽法道周繼所議請將撫州府
屬之宜黃樂安二縣陸卡暫行裁移臨江府屬
之峽江縣龍母廟地方試緝有無成效另行辦
理等情呈經前撫臣成格批准試行在案茲據
鹽法道齊嘉紹詳稱查龍母廟設卡以來屢獲
鹽勦鹽犯均經分別審擬報部檢查各屬銷鹽
檔案不特下游臨江瑞州等府屬銷數暢旺即

上游吉安府屬較前亦有起色委係著有成效
應請將宜樂二縣陸卡裁移該處派委員弁酌
帶兵役駐緝等情會同兩司呈請具

奏前來臣等查疏銷鹽引全在堵緝私梟而堵緝
私梟又全在設立要隘峽江縣龍母廟地方兩
山並峙一水中流旁無歧徑洵屬天生要隘即
上游萬安縣等處梟船衝卡而來一經龍母廟
卡兵弁兜截勢難越過且設卡年餘已有成效

恭壽堂奏議

卷十

五

自應准其移設查撫州府屬宜黃樂安二縣陸
卡向由九江鎮派委參遊一員帶兵五十名駐
緝該處有接濟亭石門等卡層層堵截閩私難
以入境儘可裁撤移為峽江縣龍母廟卡惟九
江路途寫遠勢難兼顧應請改由贛州鎮就近
在臨江永豐永新龍泉四營內遴委都司一員
派兵五十名另委佐雜一員帶役八名會同堵
緝半年一換按其銷引分數報部核議所需員

弁公費兵役飯食卽照各卡巡鹽之例仍由商捐給如此一轉移間既不致多糜經費而於巡緝私鹽更多裨益如仍有私梟偷漏卽將官弁

參緝兵役草究總期收有實效以仰副聖主整飭鹺務至意是否有當臣等謹會同恭摺具奏伏乞

皇上聖鑒訓示遵行再萬安縣芙蓉門為粵私侵入門戶泰和縣馬家洲為私販囤聚之所現於芙

恭壽堂奏議

卷十

五

蓉門上游之觀瀾門添設一卡試辦並擬於馬家洲另設卡隘以期梟徒無從囤積或可不禁而絕總俟辦有成效定有章程及此外有無應行變通舊章之處容臣等隨事隨時籌商妥善另行會同

奏明辦理合並陳明奉

硃批另有旨內閣奉

上諭琦善等奏請移設緝私卡隘一摺江西首行銷

淮鹽境地毘連閩粵等省鄰私最為侵灌據該督等酌量情形請將宜黃樂安二縣陸卡裁撤移設

峽江縣龍母廟地方着照議妥辦卽由南贛鎮就近在臨江永豐等四營內遴委都司一員派兵五十名另委佐雜一員帶役八名會同堵緝半年一換所需員弁公費等項仍向商人照例捐給倘再有私梟偷漏卽將該員弁兵役分別參革其所請於萬安縣芙蓉門上游之觀瀾門添設一卡並泰和縣馬家洲另設卡隘俱着妥籌試辦總期私梟斂跡不得徒託空言

恭壽堂奏議

卷十

六

請改補知縣疏

奏為不勝繁要之知縣請

旨改簡仰祈

聖鑒事竊知縣為親民之官必須才力與職任相稱

方足以資治理上年舉行

計典臣悉心訪察已將才力不及之彭澤縣李景

昌萍鄉縣張佺照例劾叅此外尚無不勝民社

之員惟人缺稍不相稱即應隨時酌量改補以

恭壽堂奏議

卷十

三九

免貽誤茲查有廬陵縣知縣札隆阿鑲紅旗滿

洲監生由筆帖式選補江西宜黃縣調補今職

該員前任宜黃縣簡缺辦事認真克稱厥職迨

調補廬陵縣衝繁疲難四項相兼之缺因係吉

安府附郡首邑民稠賦重訟獄繁多該員黽勉

辦公每形竭蹶不能如在宜黃時之勝任愉快

即此可見其才難治劇自應以中簡之缺改用

以期人地得宜據該管道府稟由藩臬兩司會

詳請

奏前來相應請

旨將廬陵縣知縣札隆阿另行改補如蒙

俞允即給咨該員赴部引

見仍候回省後以相當中簡缺補用所遺廬陵縣要

缺容臣另行照例遴員請調實於地方有裨臣

謹會同兩江總督臣琦善合詞恭摺具

奏伏乞

恭壽堂奏議

卷十

三

皇上聖鑒訓示奉

上諭韓文綺奏請將不勝繁要之知縣改簡一摺江

西廬陵縣知縣札隆阿才難治劇不勝要缺之任

着送部引見俟回該省以相當中簡缺補用該部

知道

審擬彭澤縣監生丁步斗京控疏

奏為遵

旨審擬具

奏仰祈

聖鑒事竊據彭澤縣監生丁步斗以陽正坤挾嫌率

衆將伊堂叔丁澤廣羣毆身死報縣驗明屍傷

並未究出正兇等情控經步軍統領衙門奏奉

諭旨此案着交武隆阿親提人證卷宗秉公嚴審按

恭壽堂奏議

卷十

三

律定擬具奏原告監生丁步斗該部照例解往備

質欽此並准將丁步斗咨解江西經前護撫臣嵩

溥飭提人卷尚未審辦卸事臣接任後關提要

證宋載陽未到咨部照例展限嗣提到宋載陽

飭發質審即據丁步斗以所控失實具結呈首

因係山場起衅非勘不明隨委員前詣勘覆確

審茲據南昌府知府李本楡等審明由兩司詳

解前來臣親提核審緣丁步斗與陽正坤等隣

村居住丁步斗家有山一嶂坐落陽正坤並陽

郁文等屋後該山之南名夏家山係丁姓賣給

陽正坤等祖手為業北名馬坑山係丁姓祖遺

墳山中以嶺脊為界乾隆十八年陽丁二姓爭

山涉訟經縣勘斷照界管業嘉慶二十五年陽

郁文商同楊正坤將祖母棺木遷葬馬坑山並

將丁姓遠祖墓碑毀壞後楊郁文之婿饒氏路

過丁姓門首碰翻晒晾衣物與丁步斗之母宋

恭壽堂奏議

卷十

三

氏並族婦王氏揪扭丁澤廣等控縣勘訊係陽

郁文等盜墓飭令起遷陽饒氏等念係婦女免

予傳訊陽郁文復令陽正坤迭控司道府行縣

覆勘丁澤廣與族衆丁西鳴等男婦多人往看

陽郁文稟縣傳案訓逐一面勘明繪圖解府訊

斷押遷將陽郁文擬杖援

赦寬免詳結陽郁文又令陽正坤控司批府審照前

詳勒遷陽郁文稱無葬費延不遷移經兩姓族

親陽翁如生員凌暄勸令丁澤廣等幫給錢文遷墓不允口角而散道光三年二月初四日陽正坤等另支族人陽海元陽妹女陽銀榜陽秉之陽連城陽蠟保扛擡祭禮赴墳祭掃從丁澤廣等門前經過言語喧嚷丁澤廣向斥爭鬧丁澤廣先被陽妹女抓傷咽喉等處後被陽海元致傷額顛倒地丁澤廣堂姪丁從正等出護丁從正丁朱氏被陽銀榜用木扛毆傷丁有恒亦

恭壽堂奏議

卷十

三

被陽秉之致傷經宋載陽勸散維時陽正坤同陽萼芳等亦赴山祭墳丁步斗聞鬧出看適見陽正坤等走過丁澤廣逾時殞命丁步斗因與陽海元等均不認識隨以丁澤廣不知被陽姓何人致死惟見陽正坤等在场等情報縣驗明填註格單傳訊陽正坤等堅供並未在场質之被毆之丁從正等亦不能指出兇手之名迨傳到陽連城陽蠟保訊出兇犯陽海元等在逃錄

供詳緝旋經縣差汪吉遇見陽妹女向孥脫逃稟縣勒緝無獲照例開叅嗣丁步斗向陽海元等近房陽秉初陽配等查問兇手下落並有無窩藏陽秉初等以即使藏匿亦無憑據斥責不應混問丁步斗先後赴臬司總督並臣衙門具控批飭審辦陽郁文身故經縣差押陽正坤將墳遷葬丁步斗因正兇陽海元等係陽姓供出難以憑信且陽正坤與丁澤廣因山涉訟有嫌

恭壽堂奏議

卷十

五

當丁澤廣被傷後正見陽正坤等走過疑其挾嫌糾毆并因陽翁如等處和墳案勸給遷費口角生員凌暄曾經代人作詞斥革恐從中懷恨主唆陽秉初等先有匪犯無據之言隨指陽正坤等挾嫌糾毆陽翁如等主使抗遷陽秉初等藏匿要犯並將陽正坤等遷墓祖棺指為發掘古塚陽饒氏與伊母宋氏等揪扭及該縣勘山時丁西鳴等往看被陽郁文稟逐指為毆搶細

捉陽妹女被差向捕脫逃指為奪犯及差役受賄不拘經書作弊朦詳各情做就呈詞赴京具控解回審辦茲提研審據各供悉前情嚴詰不移柰無遁飾查丁步斗原控各情惟伊叔丁澤廣被毆身死一節為重現訊業已得實其餘所控各情亦非出於無因且宋載陽到省丁步斗詢悉情形即於未審之先遞悔呈首情尚可原應免置議陽郁文盜墓墳塚抗斷不遵節次翻

恭壽堂奏議

卷十

三五

控應照於有主墳地內盜墓律杖八十業已身故應毋庸議陽正坤訊無挾嫌糾毆情事其聽從盜墓翻控應於陽郁文杖八十罪上減一等杖七十折責發落陽銀榜依他物毆人成傷律笞四十該犯犯事時年僅十四應照律收贖陽翁如凌暄陽秉初陽配等並無唆訟主使糾毆及匿犯情事陽萼芳等亦未到場幫毆應與訊無舞弊受賄之書差高恩錫等均毋庸議陽姓

所管之夏家山執有老契丁姓承管之馬坑山世守多年墓墳壘壘且有歷次斷案可憑應仍照原斷各管各業毋得再行越墓開墾陽正坤盜墓墳塚業已起遷所毀墳碑飭令修復以杜弊端生員凌暄斥革之案應飭另行議詳逃兇陽海元等飭緝獲日另結除供招咨部外理合

恭摺具

奏伏乞

恭壽堂奏議

卷十

三六

皇上聖鑒勅部核覆施行奉
硃批刑部議奏

審擬南豐縣民吳大年誤傷父命疏

奏為誤傷父命之兇犯審明定擬恭摺具

奏仰祈

聖鑒事竊據南豐縣知縣徐江驗報縣民吳大年誤

傷伊父吳保安身死親押犯證來省等情臣以

案關倫紀批司速飭委員審辦茲據南昌府知

府李本榆督同該縣審擬由按察使與科轉解

前來臣親提研鞫緣吳大年與弟吳哦俚同居

恭壽堂奏議

卷十

七

分釐道光六年十二月內吳大年向吳哦俚買

穀六桶尚欠找錢四百文屢討無償七年三月

初十日黃昏時候吳大年在門首閒坐吳哦俚

向討前欠吳大年無錢延約吳哦俚不依兩相

爭鬪吳大年順取身旁木擔向吳哦俚擲毆吳

哦俚閃開適吳大年之父吳保安聞鬪自門內

出看正走至吳哦俚身後以致誤傷吳保安顛

門倒地吳大年與吳哦俚暨路過經見之吳秀

珍即忙上前扶救並有吳愷寶等聽聞走至向

吳保安詢明一同扶進房內用藥敷治詎吳保

安傷重醫治無效至十二日下午殞命審據供

認前情不諱究非有心忤逆亦無起衅別情查

律載子毆父殺者凌遲處死又例載誤傷父母

致死律應凌遲處死者仍照本律定擬援引白

鵬鶴案內欽奉

諭旨恭候

恭壽堂奏議

卷十

三

欽定又嘉慶十八年欽奉

諭旨白鵬鶴逞擲土坯誤傷其母非其思慮所及白鵬

鶴着改為斬立決嗣後有案情似此者即照此問擬

等因欽此此案吳大年用擔向弟擲毆誤傷其

父身死應照子毆父殺者律凌遲處死該犯在

門外用擔向弟擲毆不期伊父自門內出看以

致誤傷身死實非該犯思慮所及核與白鵬鶴

之案相似相應照例聲明恭候

欽定吳峨俚索欠肇衅罪有應得現已逃逸飭緝獲

日另結吳大年欠弟穀價為數無多毋庸追給

除供招咨部外所有審擬緣由臣謹恭摺具

奏伏乞

皇上聖鑒勅部核覆施行奉

硃批刑部速議具奏

恭壽堂奏議

卷十

五

挪移庫項人員監追無完疏

奏為挪移庫項人員監追限滿無完應行酌擬攤

賠以清

帑項恭摺仰祈

聖鑒事竊照參革前任興國縣改教知縣伍彭年因

沉失批解司道二庫錢糧挪移徵存庫欸賠解

經前撫臣錢臻參

奏奉

恭壽堂奏議

卷十

四

旨革職等因由前護撫臣邱樹棠審明該革員挪移庫

項除查封寓所原籍衣物房屋變抵外實未完

銀五千七百九十二兩零依挪移庫銀五千兩

以上擬流

奏准部議該革員事犯在嘉慶二十五年八月二

十七日

恩詔以前應准免罪未完銀兩仍勒限監追限滿有

無完繳再行分別辦理嗣監追限滿無完原籍

恭壽堂奏議

卷十

望

任所均查無資財隱寄實係家產罄盡無從追
繳咨准戶部咨覆令將未完銀兩自行奏明辦
理等因今據布政使繼昌按察使興科將前項
未完銀兩酌擬攤賠造冊詳送前來臣查該革
員伍彭年實未完挪移庫銀五千七百九十二
兩零既據查明家產淨盡無可追繳自應着落
該管各上司分賠酌擬巡撫藩司分賠十分之
一共銀一千一百五十八兩零巡道賠十分之
三銀一千七百三十七兩零知府賠十分之五
銀二千八百九十六兩零分別追繳以清
帑項除另將分賠細數清冊咨送戶部外理合恭
摺具

奏伏乞

皇上聖鑒勅部核覆施行奉

硃批戶部議奏

審擬廬陵縣民孔仰七京控疏

奏為遵

旨審擬具

奏仰祈

聖鑒事竊據廬陵縣民孔仰七以周烈三率眾搶奪
毆傷伊妻徐氏身死歷控不為公斷等情赴步
軍統領衙門呈控奏奉

諭旨此案着交韓文綺親提人證卷宗秉公審訊按

恭壽堂奏議

卷十

望

律定擬具奏原告孔仰七該部照例解往備質欽
此並准將孔仰七遞解到江驗明帶有病症飭保
醫治隨卷查此案先據孔仰七控經前撫臣批
飭審明孔仰七之妻徐氏實係因病身死孔仰
七挾嫌妄控旋據呈首擬以杖枷詳結在案當
卽飭提人卷來省審辦據報孔仰七因病身死
驗訊差保人等並無凌虐情事提齊孔仰七之
兄孔仰六弟孔禮二同人卷到省據委員南昌

府知府李本榆等確審由司詳解前來臣親提核審緣孔仰七與開張染店之周烈三同村居住孔仰七故弟孔仰十曾欠周烈三染布錢一百六十文經孔仰七擔承代還屢討未給道光三年十二月三十日周烈三與店夥李固洪路過孔仰七門前向索前欠口角揪扭李固洪跌地擦傷面皮經隣人李長春勸散傍晚李固洪復邀周烈三之父周上蕃前往理論適孔仰七

恭壽堂奏議

卷十

四

外出周上蕃將孔仰七家牛隻牽回聲言清欠再還行至中途跌傷牛腿維時徐氏正值小產後患病醫調因孔仰七未回帶病往討經孔仰七堂兄孔仰一同妻劉氏子孔訓一向阻不理亦即跟往又經李長春勸令周上蕃將牛交還劉氏當送徐氏回歸詎徐氏因產後患病虛弱復冒風寒病更沉重卽於是夜五更時身死孔仰七因恨周烈三等索欠牽牛以致伊妻往討

冒風病斃隨將屍身移放周烈三門首以周烈三等毆斃赴縣報驗該前縣馮旋圖正詣驗聞孔仰七恐致坐誣具結首明攔驗提訊保隣人等僉稱徐氏係屬病死取結免驗孔仰七旋向素識之彭博文等借錢殮妻未遂又因牛隻傷腿倒斃向周烈三索賠不允意圖翻控適遇湖南人張元杰談及以案已具結攔驗必須捏作賄和押息方能聳准孔仰七隨央張元杰做就

恭壽堂奏議

卷十

四

呈詞並捏造錢票字據指為周烈三串同彭博文並縣差李清等冒遞攔驗賄和押息又央素識之周佐堂劉春曉代作催詞未允指為包訟把持並挾周上俊斥責不應翻訟之嫌迭赴縣府司復控經縣傳到周烈三等嚴究並未與徐氏爭毆飭令孔仰七指出傷痕請檢孔仰七不能供指又控經前撫臣成格批府訊辦孔仰七赴縣首明訊將孔仰七擬杖加枷具詳尚未發

落孔仰七復以前情砌詞赴京呈控解回因病保調無效身故茲臣提集人證訊悉前情誠恐周烈三等實有毆傷徐氏情事復向究詰不特周烈三等堅供不移卽孔仰七兄弟孔仰六等亦稱徐氏病斃屬實委係孔仰七捏控代剖甚力原訊醫生人等均無異詞供證確鑿且周烈三等果有毆打別情孔仰七正應指出傷痕具結放檢何以歷次控詞內均不供指其為挾嫌

恭壽堂奏議

卷十

四五

捏控更屬顯然查孔仰七以病故之妻誣告周烈三等毆斃訊結後復赴京翻控如所控得實周烈三罪應擬絞今審屬子虛自應照律反坐孔仰七合依誣告人死罪未決律杖一百流三千里加徒役三年業於案未審定以前在保病故應毋庸議周上蕃等訊無毆搶情事惟周上蕃擅牽牛隻致肇衅端應照不應重律杖八十係監生照例納贖周烈三李固洪向孔仰七索

討舊欠輒與口角爭扭應照不應輕律笞四十各折責十五板彭博文與差役李清等並無串和押息冒遞攔驗周佐堂亦無包訟把持應與訊被牽控之周廣六等均毋庸議周上蕃所牽牛隻雖已交還旋卽倒斃皆由跌傷所致應於周烈三名下酌追錢二十千文給屬具領以償牛價孔仰七所擔染布錢文身死勿徵作詞之張元杰飭緝獲日另結假票字據銷燬除供招

恭壽堂奏議

卷十

四六

咨部外理合恭摺具奏伏乞

皇上聖鑒勅部核覆施行奉

硃批刑部議奏

動欸分造直隸撥船疏

奏為動欸分造直隸撥船恭摺具

奏事竊臣接准直隸督臣咨奉

上諭邠彥成奏直隸商捐撥船一千五百隻已屆十年限滿應照例排造着准其循照成案交江西巡撫湖廣督撫派員購料造辦分限解交直隸所需船隻並運脚銀兩仍着照案先在藩庫籌欸辦理作正開銷等因欽此移咨到臣當即行司籌議去

恭壽堂奏議

卷十

四

後茲據布政使繼昌兼護督糧道事南昌府知府李本楡會詳稱前項撥船江西應分造七百五十隻船身丈尺悉照舊章所有每船工料歷屆估報銀二百七十六兩零內應內銷銀二百三十四兩零外銷銀四十二兩零應仍照舊報銷計本年應造初限船二百隻內銷工料銀四萬六千八百一十三兩請於司庫道光七年地丁銀內動支事竣造冊報銷又外銷銀八千五

百四十兩亦查照歷次奏定成案於道光七年稅契項下暫行借墊由州縣分年公捐還欸等情詳請具

奏前來臣覆核無異除飭司道遴委幹員領銀購料興工趕緊成造務令工堅料實不得草率偷減依限造竣起解外所有動欸分造撥船緣由理合恭摺具

奏伏乞

恭壽堂奏議

卷十

四

皇上聖鑒奉
硃批知道了

請改武職繁簡缺分疏

奏為武職遊擊參將等缺繁簡情形今昔不同請分別酌改仰祈

聖鑒事竊以設營分汛全在得人而扼要當衝尤需熟手江西額設遊擊六缺均係由部推補內地非要隘或汛務不繁初到之員尚能勝任惟贛標中營遊擊駐劄贛州府城地廣山多且與閩粵兩省連界會匪竊盜之案頻聞雖有總兵恭壽堂奏議

卷十

四九

同城調度而中營為贛標各營領袖該遊擊巡緝搽防在在均關緊要部推人員即能曉暢營務而人地未免生疎辦理難期周妥必得在江年久諳練明幹之員方足以資經理臣等通盤籌計惟有仰懇

聖恩俯准將贛標中營遊擊改為

題調之缺俾得在外揀選陞調稍收駕輕就熟之效惟既改一題缺自應改還部推一缺以符定

額查有饒州營參將原係題調之缺從前因有

外來棚民撫緝匪易今已安居樂業無異土著

該處毘連皖浙民俗較淳事務亦簡應請將饒

州營參將一缺改為部推如此一轉移間似地

方營伍均有裨益且於銓政亦無窒礙如蒙

俞允此二缺現任人員應否更調容臣等詳加察看

再行

奏明辦理所有臣等公同酌擬緣由理合恭摺具

恭壽堂奏議

卷十

五

奏伏乞

皇上聖鑒訓示奉

硃批兵部議奏

請將被控縣令解任質審疏

奏為被控縣令請

旨解任質審奏祈

聖鑒事竊照安仁縣武生陳應麟遣抱告劉紹華赴

步軍統領衙門呈控該縣陳天爵一案奏奉

諭旨交臣嚴審等因欽此並准刑部將劉紹華咨解

到江臣卷查此案先據該安仁縣陳天爵以武

生陳應麟包攬林光孫等漕米移學詳革嗣復

恭壽堂奏議

卷十

五

飲醉闖入該縣宅門吵鬧經該縣坐堂查訊陳

應麟咆哮公堂稟府飭委鄱陽縣訊明通詳旋

據陳應麟以該縣捏稟等情赴臣衙門具控批

司飭府督審尚未詳結今陳應麟京控詞稱生

員段光奎等因完糧與該縣之孫陳世昌爭角

被黃騰龍等搶去印簿贖回並派捐賀資不遂

串囑漕書將伊冤辨包漕及另案勒受銀穀等

款均屬重情必須澈底嚴究當即飭提人卷到

省委員訊供該縣陳天爵稟無浮收印簿被搶

贖回亦無做壽育孫派捐賀資至另牽控楊茂

泰周作人二案一係提府委審完結一係由縣

審結並無勒收銀谷情事實因陳應麟包漕鬧

堂稟府審辦致被挾嫌妄控等情質之段光奎

等供與縣稟大畧相同惟陳應麟仍執原詞堅

不輸服臣查陳應麟列控各款事涉賊私且俱

指有証據何以提訊全無影響細核所列証佐

恭壽堂奏議

卷十

五

內多書役紳士陳天爵係現任知縣恐有瞻徇

串匿情弊並據司道詳參前來相應據實參

奏請

旨將安仁縣知縣陳天爵暫行解任以便提同質審

定讞除行司道員詳委接署查明陳天爵經手

倉庫錢糧有無未完另行核辦外謹會同大學

士兩江督臣蔣攸銛合詞恭摺具

奏伏乞

皇上聖鑒訓示內閣奉

上諭韓文綺奏被控縣令請解任質審一摺江西安仁縣知縣陳天爵被已革武生陳應麟列控各款事涉賊私虛實均應澈底根究陳天爵着解任交該撫提同案內應訊人証質審明確按律定擬具奏

恭壽堂奏議

卷一

五

買貯義倉穀石疏

奏為本年應買義倉穀石業經買齊收貯仰祈聖鑒事竊照江西省城於道光四年經前撫臣程含章奏准建設義倉每年於鹽務公費項下動支銀八千兩按照時價買穀貯倉嗣倉廩建就已將五六年應買之穀買貯一萬六千二百四十七石零經臣

恭壽堂奏議

卷十

五

奏報在案本年秋收較稔市值平減先據鹽道齊嘉紹會同藩司繼昌詳請於公費內動支銀八千兩給發南昌新建二縣採買茲據報買穀八千六百二石零已全數驗收上倉等情臣查此項穀石已買有三年共計穀二萬四千八百四十九石零自後按年添買洵可備民食緩急之需惟江西地處卑濕穀易霉黧常平倉穀例應隨時酌糶義倉亦事同一例應於青黃不接時責成專管之鹽道酌量情形詳明出糶陳穀俟

秋間買補歸倉臣與藩司不時查察總期事歸
核實於倉儲益昭慎重合將買齊七年分義倉
穀石及辦理緣由恭摺具

奏伏乞

皇上聖鑒奉

硃批妥為辦理

恭壽堂奏議

卷十

季五

審擬高安縣民艾文明京控疏

奏為遵

旨審擬具

奏仰祈

聖鑒事竊據高安縣民艾文明遣抱告楊吉星赴步
軍統領衙門呈控該縣戶書藍勝元等指官科
派等情奏奉

諭旨此案着交韓文綺督同臬司與科親提人證卷

恭壽堂奏議

卷十

季六

宗秉公審訊按律定擬具奏原告楊吉星該部照
例解往備質欽此並准刑部將楊吉星遞解到江
卷查此案先據艾文明赴臣衙門具控批司飭
府提訊在案當即行提人卷來省委員訊供即
據艾文明以原控未確據實首明由司解審前
來臣督同臬司與科細核卷宗提齊人證逐一
研鞫緣艾文明係高安縣一都一圖民籍有應
完艾永瀨銀戶額米一斗一升零該縣每年額

徵正改副耗米共三萬二百八十三石零每石
例徵脚耗銀七分六釐四毫花戶用錢折納按
照時價約計錢一百文歷由花戶自行赴倉完
納道光三年各圖花戶因路途遠近不一晴雨
不時冀圖省便公議每圖公舉一人將本圖各
戶應完額米脚耗催收彙齊運倉交納維時一
都一圖公舉職員劉文裕經理立簿登記並邀
監生陳凌雲相幫各花戶即將應完銀米交收

恭壽堂奏議

卷十

五

因鄉斛每石較倉斛短米六升零買米補足需
七五錢二百文有花戶自行買補者亦有照給
錢文代買補足者艾文明應完之米即交劉文
裕彙納其餘各圖亦多照辦是年閏邑士民因
該縣高以本平日居官克勤有俟生辰製送屏
帳萬民傘之議旋因違例中止四年二月間艾
文明因劉文裕存有公捐經修明心寺錢文向
其挪借劉文裕以已經修寺用完答復艾文明

不信用言斥責劉文裕回署時戶書藍勝元鄭
魁元在劉文裕家間坐亦斥艾文明之非致相
口角艾文明順將賬簿攜回砌詞控府提訊各
執一詞因劉文裕等未到將艾文明發縣交差
看管艾文明疑係藍勝元等串押先後赴巡道
藩司暨臣衙門呈控生員鄔日新等亦照艾文
明原情具呈批飭瑞州府提訊因人證未齊致
未訊詳飭將艾文明取保候訊該縣四五兩年漕

恭壽堂奏議

卷十

五

米均經照收高以本旋調補豐城縣卸事許夔
到任經徵六年漕米亦照舊徵收艾文明因劉
文裕彙總完漕收錢代為買米補足戶書藍勝
元等又幫同村斥疑有侵蝕分肥且士民本有
俟知縣生辰製送屏帳萬民傘公議即指為藍
勝元等指官派徵並將簿載經收脚耗及買米
補足錢數執為加徵水脚憑據起意赴京控告
做就呈詞令其甥楊吉星前赴步軍統領衙門

呈控奏奉

諭旨解回提訊供悉前情臣恐藍勝元等實有指官派徵及知縣收受屏帳等物情事再三嚴詰不特藍勝元等堅不承認卽艾文明亦自認懷疑悞控質之花戶人等代剖甚力復又飭府委員訪查無異查艾文明所控徵漕每石加徵錢二百文係因鄉斛小於倉斛原為買米補足之用並非額外浮加惟所控錢數本出有因卽所稱

恭壽堂奏議

卷十

奏

公製屏帳等物亦士民先有是議尚非平空捏告且於未審之前業據首明核與誣告不同但並不細查明確輒卽呈控究屬申訴不實艾文明應照申訴不實律杖一百楊吉星聽從抱告應照為從律於艾文明滿杖上減一等杖九十藍勝元鄭魁元究無指官科派情弊惟於艾文明向劉文裕借錢事不干已輒向幫斥致肇訟端殊屬不合應各照不應重律杖八十折責革

役職員劉文裕係各花戶公舉彙總完漕並非包攬訊無浮加侵蝕陳凌雲亦止隨同相幫生員鄔日新等係照艾文明原情具呈意在杜弊旋據赴案供明應與訊無私押之縣差陳書等均免置議調任豐城縣前任高安縣知縣高以本並無做壽收受屏帳萬民傘亦無與現任知縣許夔加徵水脚情事俱毋庸議至漕米例應花戶自行完納若由各圖公舉彙交易起包攬

恭壽堂奏議

卷十

奏

之弊嗣後該縣收漕仍聽各花戶自行赴倉完納不得彙交代完以杜弊竇賬簿銷毀無干省釋除將全案供招咨部外理合恭摺具

奏伏乞

皇上聖鑒勅部核覆施行奉

硃批刑部議奏

審擬鄱陽縣民李三槐京控疏

奏為遵

旨審擬具

奏仰祈

聖鑒事竊據鄱陽縣民李三槐赴步軍統領衙門呈

控該縣庫書汪繼漢勒折地糧漕米等情奏奉

諭旨此案着交韓文綺親提人証卷宗秉公審訊按

律定擬具奏原告李三槐該部照例解往備質欽

恭壽堂奏議

卷十

李一

此並准將李三槐遞解到江當卽行提人卷來

省委員訊供由司解審前來臣親提人卷逐一

研鞫緣李三槐居住鄱陽縣十七都縣城原設

銀匠八家每屆開徵錢糧花戶將錢向換銀兩

自封投櫃收漕時鄉民有居住遠運米維艱

因與該銀匠認識多托代為買米自行赴倉完

納亦有央懇墊錢買完立簿登記載有正米折

米等字樣鄱邑通用之錢每百計七十四文買

米市桶小於制斛每石制斛按照市價連額徵

水脚等項共需七四錢五千文合足錢三千七

百文如由銀匠墊借按時月久暫酌給息錢李

三槐有應完公衆常椿公遠二戶漕米九斗零

糧銀八錢零歷完無欠十七都內錢漕設立義

圖輪充甲長催收如有短欠惟值年甲長是問

道光二年李三槐輪充甲長有族人李以能未

完糧銀一錢三分二釐漕米七升四合李三槐

恭壽堂奏議

卷十

李一

攜錢三百二十七文赴汪德興銀匠店探問折

納錢數經店夥周謀仿按照市換錢價核筭需

錢四百四十文李三槐心疑銀匠浮收乘間將

汪德興賬簿攜回汪德興等查知報縣差緝李

三槐卽以銀匠浮收勒折等情先後赴司府具

控並控經都察院遞回訊明將李三槐擬杖咨

部維時周謀仿之表兄熊逢虞販賣煤炭來省

與李三槐素好前往看望李三槐告知案已審

輸盤費用完無顏回家欲圖翻控熊逢虞勸阻
並許借給盤費李三槐乘機懇借銀兩改名李
植廷捐監以全顏面熊逢虞恐周謀仇復受訟
累且與李三槐素有銀錢來往亦即應允當措
雜碎銀一百二十四兩三錢傾足庫紋代赴藩
庫報捐監生領有實收轉給並借給盤費錢五
十千文李三槐意圖騙錢償欠因五十六都張
方兩姓完漕歷來米色乾潔並不風篩十七八

恭壽堂奏議

卷十

三

都米多潮碎向被風篩當向熊逢虞說明央令
寫立勸息並十七八都漕米仿照張方二姓完
納各字據可向圖衆索幫錢文熊逢虞人本長
厚且圖速還銀錢當就照寫付給李三槐因所
寫完漕字約係熊逢虞一人出名恐圖衆不信
又令熊逢虞另寫熟識之張宗贊並戶書吳玉
振一同列名字約付執張宗贊等均不知情李
三槐回縣向圖衆索幫錢文不允四年十一月

間李三槐赴倉完米庫書汪繼漢查看米色潮
雜駁換不允爭鬧時有差役董裕等在場共斥
其非並指為竊簿賊匪李三槐氣忿即以監生
李植廷之名赴南昌府呈控訊係匿過朦捐詳
草監生仍照原議滿杖遞回鄱陽縣折責發落
詎李三槐因被詳草並差役罵為竊賊原借銀
錢屢被催索無從措還心懷不甘起意赴京翻
控將熊逢虞借給銀兩代寫字約即指為勸和

恭壽堂奏議

卷十

四

憑據查照原控情節砌詞赴步軍統領衙門呈
控奏奉
諭旨解回提訊供悉前情臣恐該書匠等實有浮勒
勸和情事再三嚴詰不特書匠人等堅不承認
即李三槐亦自認妄控復飭府摘傅花戶說明
該縣等徵收錢漕均係照額完交李三槐亦無
一向圖衆騙得銀錢情事察無遁飾查李三槐前
次京控審擬杖責復因朦捐監生詳草將央令

熊逢虞代寫字約指為勸和憑據仍照原情呈
控均出有因與平空誣告不同惟不據實申訴
自應照例問擬李三槐應照申訴不實律杖一
百折責發落監生熊逢虞因與李三槐交好借
給銀兩捐監其代寫字約亦為息事起見訊非
聽囑和訟究屬不合應照不應重律杖八十係
監生照律納贖差役董裕等幫斥竊簿致肇訟
端各照不應重律杖八十折責革役銀匠汪德

恭壽堂奏議

卷十

空

興等訊無囑托私和情事庫書汪繼漢亦無浮
收勒折其因李三槐米色潮雜駁換尚無不合
應與訊不知情之監生張宗贊等均免置議李
三槐原借熊逢虞銀錢照追給領賬簿抄約塗
銷仍飭追原約銷燬無干省釋除將全案供招
咨部外理合恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷十

空

查辦贛郡會匪疏

奏為贛郡拏獲會匪多名飭令臬司前往查辦緣由恭摺仰祈

聖鑒事竊臣與藩臬兩司風聞贛州道府等訪拏會

匪已獲多名未據稟報當即密委南昌府吳城

同知候補知府陳煦臨江府通判徐澂等前往

確查旋據該道府稟稱先經訪聞信豐龍南交

界地方有匪徒聚會之事派委文武員弁拏獲

恭壽堂奏議

卷十

七

郭中魁等十六名訊係歷辦會匪案內餘黨因

供情狡避且有逸犯未獲致未定供稟報等情

即經批飭督拏究辦茲據該道府暨委員等續

獲要犯黃百幅及夥犯郭文瀾等二十名並起

獲長方三角各木印及花帖等件訊據各供均

係添弟會內匪犯黃百幅自稱為安遠公傳徒

騙錢別無不法情事現在隔別嚴究地方民情

俱甚靜謐等情具稟前來臣查起獲各木印刻

何字樣作何行用未據訊明稟及至黃百幅因

何有安遠公之名果否係其自稱抑另有首犯

所給其餘夥黨有無稱號及聚眾滋事別情均

須確切跟究嚴拏全獲以冀盡絕根株贛郡距

省較遠犯證眾多如概行提省不特押解堪虞

且解省後究出餘犯再行飭拏轉恐聞風遠颺

自應大員前往督辦庶免不實不盡查臬司與

科辦事實心精詳明慎臣即飭令該司馳往贛

恭壽堂奏議

卷十

七

郡會督道府等提集現犯嚴究不法實情並在

逃夥黨設法購線密拏務獲內有狡供避就者

就近飭提證佐質訊如實係無辜者亦即查傳

族隣人等保釋一俟審有確供將各犯分起解

省由臣親審

奏辦俾要案得以速結而昭慎重謹將查辦情形

恭摺具

奏伏乞

皇上聖鑒奉

硃批另有旨承准

軍機大臣 字寄奉

上諭韓文綺奏贛州府拏獲會匪卽飭臬司前往查辦一摺此案贛州民黃百幅等均係添弟會內匪犯膽敢傳徒騙錢自稱為安遠公並起獲長方三角各木印及花帖等件不法已極該撫因犯證衆多不能概行提省並恐餘犯聞風遠颺飭臬司興

恭壽堂奏議

卷十

李

科前往督辦務將在逃夥黨購線密拏並嚴訊該犯等木印作何行用黃百幅因何有安遠公名號是否係該犯自稱抑另有首犯其餘夥黨有無稱號及聚衆滋事等情務令水落石出查拏淨盡早絕根株毋許一名漏網尤不可過於張皇致吏胥等藉端滋擾拖累無辜轉致別生事端又另片奏贛州府知府楊樹基雖督拏會匪多名辦理究屬遲鈍等語楊樹基着卽撤任仍責令緝拏逸犯俟

定案時分別核辦其贛州府知府卽着陳煦署理將此諭令知之

恭壽堂奏議

卷十

李

孥獲學政家人疏

奏為遵

旨孥獲學政家人蕭三恭摺仰祈

聖鑒事本年十一月十三日承准軍機大臣字寄奉

上諭朕聞江西學政福申家人蕭三有招搖勒索情

事已有旨派陳若霖姚祖同馳驛前往查辦着韓

文綺不動聲色迅速查孥蕭三務獲嚴密羈禁勿

令潛逃等因欽此 臣查學臣福申甫在吉安府試

恭壽堂奏議

卷十

三

竣前往袁州考試蕭三跟隨赴棚並不在省臣

遵卽密委新建縣霍樹清以催提事件為名馳

往查孥茲據該委員將蕭三孥獲於二十五日

押解到省嚴密羈禁聽候陳若霖等抵江查辦

合將孥獲蕭三羈禁緣由恭摺具

奏伏乞

皇上聖鑒奉

硃批知道了

分賠已故知縣挪移庫項疏

奏為查明已故知縣挪移庫項無可追繳應照例

分賠歸欵恭摺仰祈

聖鑒事竊照前任豐城縣已故知縣華希高因修築

堤工挪移庫項錢糧經前撫臣瑞 參

奏並將該故員之子華履長原捐布都事咨部斥

草奉

旨飭提訊辦由前護撫臣邱樹棠審明該故員挪移

恭壽堂奏議

卷十

三

未完銀九千五百九十七兩零依挪移庫銀五

千兩以上擬流業經病故應毋庸議華履長已

草布都事並請開復

奏准刑部照覆並准吏部咨該故員未完銀兩應

於華履長及該家屬名下着追與開復之例不

符等因在案今據布政使繼昌按察使與科會

詳稱查華希高未完銀兩除原籍查封並該故

員管事家丁衣物共估抵銀三百八十四兩零

實未完銀九千二百一十三兩零江蘓原籍及
歷過江西各任所均查無財產隱寄委係家產
淨盡無從追繳將未完銀兩酌擬分賠造冊呈
送前來臣查該故員華希高實未完銀九千二
百一十三兩零既據查明家產淨盡無可追繳
自應着落該管各上司照例分賠巡撫賠十分
之一銀九百二十一兩零藩司巡道各賠十分
之二共銀三千六百八十五兩零知府賠十分

恭壽堂奏議

卷十

七

之五銀四千六百六兩零分別追繳以清

帑項該故員之子華履長於代父應完挪移公項
不能完繳已革原捐布都事不准開復除將分
賠細數清冊另行咨部外理合恭摺具

奏伏乞

皇上聖鑒勅部核覆奉

硃批該部議奏

展限買穀疏

奏為恭摺仰懇

聖恩事竊照江西各廳州縣歷任交代案內折價流
交共缺穀二十八萬五千六百石零內除彭澤
縣周巖寧變穀三千四百三十四石零已歸另
案參辦外其餘缺穀

奏准分作三限買補嗣因初限二限應買穀石屆
期未據買足經臣先後奏蒙

恭壽堂奏議

卷十

七

恩准展緩轉行欽遵並疊檄嚴催去後茲據布政司
繼昌詳稱查各廳縣應買初二兩限同三限及
遞展各缺穀九萬八千五百四十八石零內除
龍南縣三限遞展未買穀三千七百六十八石
扣至本年秋後始屆限滿外其餘各缺穀已據
先後報買上倉共七萬四千八百三十石零尚
有定南彭澤贛縣大庾四廳縣未買穀一萬九
千九百四十九石零該廳縣等應買穀石業邀

聖恩展緩自應一律依限買齊乃於展限屆滿後至

今仍有短絀予以參辦實屬咎所應得惟定南

等廳縣或因本境產穀不多恐妨民食或因隣

境價昂遠道採買脚費倍增以致均未買補齊

全並非無故遲延等情呈請具

奏前來臣覆加體察委係實在情形伏查此項缺

穀共計二十八萬二千一百餘石業經買補二

十五萬八千四百餘石實止未買穀二萬三千

恭壽堂奏議

卷十

三五

七百餘石為數尚屬無多合再仰懇

聖慈俯准將定南等廳縣限滿尚未買足穀一萬九

千九百餘石展至本年新穀登場後同龍南縣

三限遞展穀石一律掃數買齊其實缺人員仍

停其陞調署事人員概停委署補缺倘再有逾

限買不足數之員即同督催不力之本管知府

一並參辦理合恭摺具

奏伏乞

皇上聖鑒訓示奉

上諭韓文綺奏請將各屬未買缺穀展限買補一摺

江西省各廳州縣歷任交代案內折價流交缺穀

前經奏准分作三限買補嗣因初二兩限穀石屆

期未據買足復經該撫先後奏准展緩茲據奏稱

所有各廳縣應買初二兩限同三限及遞展各缺

穀九萬八千五百四十八石零內除龍南縣三限

遞展未買穀三千七百六十八石扣至本年秋後

恭壽堂奏議

卷十

七六

始屆限滿外其餘各缺穀已報買上倉者共七萬

四千八百三十石零尚有定南彭澤贛縣大庾四

廳縣未買穀一萬九千九百四十九石零或因本

境產穀無多恐妨民食或因鄰境價昂遠道採買

脚價倍增以致未能一律買齊尚非無故遲延着

照所請准其將該廳縣限滿未買穀石展至本年

新穀登場後同龍南縣三限遞展穀石掃數買齊

其實缺人員仍停陞調署事人員概停委署補缺

倘再有逾限買不足數之員卽同督催不力之本
管知府一並叅辦該部知道

恭壽堂奏議

卷十

十七

遵 旨覆奏疏

奏為遵

旨覆

奏事竊 臣接准軍機大臣字寄奉

上諭韓文綺奏江西道府密考單內九江道克蒙額
出具鎮靜詳明老成持重考語該道年逾六旬精
力是否不致就衰辦事能否周到不致誤公着韓
文綺密行察看遇便據實覆奏將此諭令知之欽

恭壽堂奏議

卷十

十八

此查九江道克蒙額履歷現年六十三歲 臣自道
光五年冬間抵任時路過九江曾經接見該道
精力甚健相隔兩年誠恐或形衰老隨以應詢
地方事件札調來省細加察看該道精神如舊
步履輕便詢以地方公事並所管關務應對詳
明 臣復密為訪查無異當卽飭令回任謹將察
看克蒙額年力未衰及辦事周到情形遵
旨據實覆奏伏乞

皇上聖鑒奉

硃批知道了

恭壽堂奏議

卷十

廿九

韓大中丞奏議

受業 丁善慶 編次
桑春榮

次孫泰 華敬錄

卷之十一

目錄

拏獲會匪首要各犯疏

附片

恭壽堂奏議

卷十一

一

請知府雷省另補疏

查辦永新縣歷任挪墊無着民欠疏

設船緝匪以安行旅疏

照例分賠庫項疏

校閱營伍疏

審辦已革武生陳應麟京控疏

查閱贛州九江兩鎮營伍疏

審擬定南廳民吳杰甫京控疏

請 旨酌改知縣通判疏

動欸代造直隸二限撥船疏

請 陛見疏

查明更正疏

拏獲販私拒捕要犯疏

遵 旨傳詢疏

動欸代造直隸三限撥船疏

分賠歸欸疏

恭壽堂奏議

卷十一

二

審擬圖產害命要犯疏

據情奏懇疏

拏獲會匪首要各犯疏

奏為會匪案內首要各犯均已就獲遵

旨嚴訊按律定擬恭摺仰祈

聖鑒事竊 臣前與藩臬兩司風聞贛州道府訪獲會

匪未據稟報派員前往會督查拏旋據稟獲要

犯黃百幅等並起獲木印等件因贛郡距省較

遠犯證衆多飭令臬司興科前往查辦

奏奉

恭壽堂奏議

卷十一

一

上諭務將在逃夥黨購線密拏並嚴訊該犯等木印

作何行用黃百幅因何有安遠公名號是否係該

犯自稱抑有首犯給與其餘夥黨有無稱號及聚

衆滋事等情務令水落石出查拏淨盡早絕根株

毋許一名漏網等因欽此遵卽恭錄轉行欽遵辦

理並先准督臣蔣攸銛訪聞咨會飭拏續據稟

獲張貴等先後共獲犯八十二名於各犯家內

逐一搜查並無違悖字跡惟於張貴家牆穴內

起出張貴守備職銜札付一張首列安遠公前
威勝將軍黃中營副總府鍾偽銜札尾有周四
年字樣經臬司會督該道府等提犯研訊究出
安遠公卽係黃百幅將軍係黃沅瀧副總府係
鍾心瀧均係自稱名號並無另有首犯給與因
該犯等已故之師毛元奇有師祖流傳符書一
本交黃百幅收存內載札付式樣有招集人才
等句並周四年等字註明順天天運年號屢經

恭壽堂奏議

卷十一

二

查禁改用周字取天運周流之意不知四年係
在何時亦不知毛元奇師祖係何姓名黃百幅
起意與黃沅瀧鍾心瀧商允雇黃明佳照刊札
付刷印填給張貴守備職銜一張因奉訪掣卽
將刊板並符書本等件燒燬至長方木戳一顆
刻萬大哥行令五字三角木戳一顆刻同心協
力四字均在花帖上蓋用嚴究並無聚眾滋事
別情該臬司於取供後回省並將緊要各犯分

起解省飭委署南昌府經額布等先提黃百幅
令將札付照寫與所填筆跡相符及試以文義
未能講解訊供解審前來臣查各木戳及花帖
所載均核與歷辦會匪各案相同惟填用札付
恐該犯等另有不法重情必須澈底跟究盡絕
根株隨提各犯督同藩司繼昌臬司興科逐一
隔別研鞫緣黃百幅籍隸信豐縣係在安遠地
方生育小名安遠仔測字度日先於道光二年

恭壽堂奏議

卷十一

三

九月與同縣已獲之黃沅瀧鍾心瀧張北斗及
在逃之黃二狗於南康地方會遇素識已故之
上猶縣人毛元奇告知係添弟會卽三點會內
人誘令拜師入會可免外人欺侮如肯多給錢
文領受花帖卽可自行傳徒黃百幅等允從初
九日毛元奇買備香燭設立從前傳會之萬提
喜卽洪二和尚牌位用布搭橋令黃百幅等鑽
過毛元奇口念有忠有義橋下過無忠無義劍

下亡俚語宰鷄取血滴酒同飲傳授開口不離
本出手不離三並三八二十一暗藏洪字口訣
黃百幅鍾心瀧各送給錢八百文均給有花帖
餘因錢少未給花帖旋因毛元奇另傳徒弟王
貞才犯案緝拏毛元奇當將傳徒長方三角木
戳二顆同符書一本交黃百幅收存黃百幅曾
向毛元奇問知係伊師祖流傳當同花帖等件
密藏與毛元奇等各自逃避嗣於七年五月事

恭壽堂奏議

卷十一

四

冷潛回黃百幅貧苦難度起意傳徒五月十三
日在信豐地方誘令黃翔聲等十八人入會拜
伊為師仍照前式鑽橋飲酒傳授口訣黃翔聲
黃觀受及在逃之黃書汶黃二生四人領受花
帖黃纍組保葉二罄攷黃泰傑黃閏狗黃嘜攷
黃冠陰攷葉良竈黃創成黃閏妹黃泰貴及在
逃之陳狗攷鍾觀瀧黃炳攷十三人均未領受
花帖黃馨受僅傳口訣各給錢二三百至八九

百文不等鍾心瀧亦於五月十三日在信豐地
方誘張貴等七人入會拜伊為師張貴領受花
帖胡光攷鍾堤攷廖石幅曾華憫黃言洪及在
逃之鄧細攷均鑽橋傳訣未曾飲酒亦未領受
花帖張貴旋於五月二十日在信豐地方轉誘
黃地辛保盧五仔羅丙瀧入會鑽橋飲酒拜伊
為師黃地辛保領受花帖餘因錢少未給花帖
六月內黃百幅因傳徒無多會內花帖習見難

恭壽堂奏議

卷十一

五

以哄誘憶及毛元奇交存符書本內載有札付
式樣可以惑眾起意照刊填給假官名號多騙
錢文與黃沅瀧鍾心瀧商允三人合夥騙錢均
分黃百幅小名安遠仔即稱為安遠公黃沅瀧
小名威勝總理會事稱為威勝將軍鍾心瀧副
理會事稱為中營副總府黃百幅當照符書本
所載札付錄出填寫偽銜雇不諳文義之黃明
佳來家刻板並刊偽銜戳記蓋於札尾當經鍾

心瀧向張貴告知引誘買札張貴給錢三千五百文填給守備職銜札付一張黃纒組保亦欲向買因措錢不出尚未填給即經文武各官訪拏黃百幅畏懼將刊板戳記符書本等件概行燒燬花帖木戳先藏鍾心瀧家張貴札付藏於牆穴均不及燬丟各自逃匿此黃百幅等始則結會傳徒繼復刊札付妄稱名號冀圖騙錢之實在情形也又籍隸信豐縣之陳土養與原

恭壽堂奏議

卷十一

六

籍安遠縣寄居定南廳之郭文瀾並信豐縣人葉沅胡劉泰霄定南廳人練賤妹及在逃之張書太與黃百幅等並非同夥均於道光六年七月十九日在定南廳地方拜三點會內已故之溫塊老為師鑽橋飲酒傳授口訣陳土養郭文瀾各給錢八百文均受花帖餘未領帖陳土養旋於七年六月十八日在龍南與信豐交界之龍口地方轉誘郭中魁等三十三人入會拜伊

為師郭中魁劉瀧標張維城及在逃之曹三珠郭洪吉郭汶沛六人均得花帖邱亨翔劉猴孜二人鑽橋飲酒劉紹旦劉年狗孜賴老滿劉汶學張奇芳劉斗孜劉新牯孜李保魁李見德劉炳瀧謝貴米仔郭經銘李癸瀧孜劉東升及在逃之呂成仔十五人俱各鑽橋並未飲酒領帖謝乙受孜黃二孜王以廷劉已受孜黃普翔保鍾土煇生黃冠陰保黃辛年保張朝陽謝學誠

恭壽堂奏議

卷十一

七

十人僅傳口訣各給錢二三百至八九百文不等郭文瀾亦於七年六月十三日在信豐地方誘令郭汶奇等二十六人入會拜伊為師郭汶奇郭經理郭崇輝陳老七朱茂貴及在逃之黃明勝胡義賢七人鑽橋飲酒傳授口訣練長閏郭汶江郭物貴郭言瀧王重懷練千長袁萬太袁憫盛曾半邊蘇劉西佐及在逃之余登仕余節軒戴井仔十三人鑽橋傳訣並未飲酒郭沅

吉顧崇秀余已受致許長受致余四十一練滿
瀧六人止傳口訣均未領有花帖各給錢二三
百至八九百文不等此陳土養郭文瀾各自結
會傳徒之原委也旋經地方文武各官派委員
弁兵役並曉諭紳士探引緝拏將首要各犯先
後獲解審悉前情臣復提黃百幅再三嚴詰堅
供實止圖騙多錢照流傳符書本內所載札付
式樣刊刷填給職銜妄自稱為安遠公等名號

恭壽堂奏議

卷十一

八

如果另有首犯給與豈有不於札內列入至札
付實止填給張貴一紙正在誑騙卽被訪拏委
無聚衆謀為不法別情加以刑嚇矢口不移檢
查該道府稟報黃百幅與黃沅瀧等係先後獲
案各供如一並據傳訊各該犯族隣人等僉供
並無悖逆情事似無遁飾查律載謀叛已行但
共謀者不分首從皆斬知已行而不首者杖一
百流三千里又律載左道異端煽惑人民為首

者絞監候又例載傳習白陽等邪教習念荒誕
不經咒語拜師傳徒惑衆者為首擬絞立決為
從發回城給大小伯克及力能管束之回子為
奴各等語此案黃百幅本係傳徒會匪膽敢自
稱為公刊刷札付填給張貴守備職銜實屬不
法雖札付底稿年號得自流傳該犯僅圖騙錢
並無謀為不軌情事但既妄稱名號填用札付
形同謀叛自應比例問擬訊係黃百幅起意黃

恭壽堂奏議

卷十一

九

百幅應比照謀叛已行斬律擬斬立決仍梟首
傳示犯事地方以昭炯戒黃沅瀧鍾心瀧妄稱
將軍副總府於札付內聽從列名卽屬為首黃
沅瀧鍾心瀧均請比照謀叛已行不分首從皆
斬律擬斬立決俱已監斃應毋庸議案係比照
問擬照例免其緣坐張貴得受札付先未預謀
由於鍾心瀧引誘所致與實在為從有間其傳
徒已給花帖應與各自給帖傳徒之陳土養各

照傳習白陽等邪教習念荒誕不經咒語拜師
傳徒惑眾者為首絞決例均擬絞立決郭文瀾
傳徒未給花帖應照左道異端煽惑人民為首
律擬絞監候陳土養郭文瀾均已監斃應毋庸
議張北斗葉沅胡劉泰霄練賤妹黃翔盤黃觀
受黃繫組保葉二罄孜黃泰傑黃閏狗黃嘖孜
黃冠陰孜葉良竈黃創成黃閏妹黃泰貴黃地
辛保盧五仔羅丙瀧郭中魁劉瀧標張維城邱

恭壽堂奏議

卷十一

十

亨翔劉猴子郭汶奇郭經理郭崇輝陳老七朱
茂貴二十九名均係鑽橋飲酒或領有花帖尚
未傳徒均照邪教為從例發回城給大小伯克
及力能管束之回子為奴練賤妹黃觀受黃閏
妹黃泰貴黃地辛保張維城邱亨翔郭汶奇已
在監在途病故應毋庸議黃明佳因不諳文義
誤為刊刻札付應比照謀叛知情不首律杖一
百流三千里胡光孜鍾提孜廖石幅曾華憫黃

言洪劉紹旦劉年狗孜賴老滿劉汶學張奇芳
劉斗孜劉新牯孜季保魁李見德劉炳瀧謝貴
米孜郭經銘李癸瀧孜劉東升練長閏郭汶江
郭物貴郭言瀧王重懷練千長袁萬太袁憫盛
曾半邊蘇劉西佐二十九名均僅止鑽橋傳訣
未飲血酒亦未領帖若照邪教為從罪上減一
等擬徒與僅受口訣者漫無區別應於徒罪上
加一等各擬杖一百流二千里黃明佳黃言洪

恭壽堂奏議

卷十一

十一

練長閏郭汶江郭物貴郭言瀧王重懷練千長
已在監在途病斃應毋庸議黃罄受謝乙受孜
黃二孜王以廷劉已受孜黃普翔保鍾土煢生
黃冠陰保黃辛年保張朝陽謝學誠郭沅吉顧
崇秀余已受孜許長受孜余四十一練滿瀧十
七名均止傳授口訣且係逼脅入會情節較輕
應各擬杖一百徒三年謝學誠練滿瀧業已提
禁身故應毋庸議餘各到配折責分別安置札

付底稿傳自何人無從追究起獲木戳花帖札
付案結銷燬毛元奇溫塊老傳徒給帖均罪應
絞決查明均已身故應毋庸議逸犯黃二狗等
飭緝務獲另結除將全案供招咨部外謹會同
大學士兩江總督臣蔣攸銛合詞恭摺具
奏伏乞
皇上聖鑒勅部核覆施行奉
硃批另有旨

恭壽堂奏議

卷十一

十三

附片

再定例姦民倡設邪教惑眾斂錢該管各官如
能訪出迅速查辦功過相抵免其從前失察處
分等因今會匪黃百幅等一案該地方文武均
有失察處分惟於臣等未經訪聞之先業經獲
犯多名後又懸立重賞分派督拏將案內首要
各犯全行弋獲尚知愧奮功過似足相抵可否
仰懇

聖恩俯准將歷任文武各官應得處分一並寬免之
處出自

逾格鴻施又臣派委南昌府同知候補知府陳煦同
知銜臨江府通判徐澂南昌城守營守備李步
月前往查辦該員等會督地方文武不辭勞瘁
不動聲色於一月之內續獲匪犯六十餘名辦
理尚為妥速查陳煦係候補知府徐澂係同知
銜通判職分較大不敢仰邀議叙守備李步月

恭壽堂奏議

卷十一

十三

本係應陞之員亦無庸再予鼓勵此外尚有隨
同查辦之文武員弁及探引緝拏之地方紳士
現已行令兩司確加查核將員弁分別超委記
功紳士給匾示獎合並附片
奏

聞奉

硃批另有旨內閣奉

上諭韓文綺奏審擬會匪案內首要各犯一摺着刑

部速議具奏此案黃沅瀧鍾心瀧均罪應斬決此等要犯自應明正刑誅因何俱令其監斃是否該犯等畏罪自盡抑係地方官詭避處分縱令禁役人等凌虐致斃此時姑免其深究嗣後各直省督撫遇有此等要犯務須飭屬嚴行羈禁小心防守毋得鬆放刑具致有疎虞重干咎戾將此通諭知之又另片奏此案失察各員例有處分惟現將首要各犯全獲功過尚足相抵着加恩將歷任文武

恭壽堂奏議

卷十一

一百

各官應得處分一並寬免餘着照所奏辦理

請知府雷省另補疏
奏為知府人地未宜請

旨雷省另補恭摺仰祈

聖鑒事竊照贛州府知府楊樹基前因會匪一案雖經獲犯辦理究屬遲鈍奏明撤任欽奉

上諭韓文綺另片奏贛州府知府楊樹基雖督率會匪多名辦理究屬遲鈍等語楊樹基着即撤任仍責令緝拏逸犯俟定案時分別核辦其贛州府知

恭壽堂奏議

卷十一

十五

府即着陳煦署理等因欽此欽遵在案查楊樹基先經獲有會匪因犯供狡展未即稟報尚非無故遲延該府自撤任後親赴各處會同委員及地方文武不遺餘力購線搜拏業將案內首要各犯全行就獲其平日操守廉潔辦事黽勉亦無貽誤惟於贛郡人地不甚相宜未便仍令回任應請將楊樹基留於江西遇有相當知府缺出另行酌量

奏請補用所遺贛州府知府係衝繁疲難四項兼

全要缺相應請

旨簡放以重職守臣等往返札商並詢之藩臬兩司

意見相同謹合詞恭摺具

奏伏乞

皇上聖鑒訓示奉

硃批另有旨內閣奉

上諭蔣攸銛等奏知府人地未宜一摺江西撤任贛

恭壽堂奏議

卷十一

六

州府知府楊樹基於該郡不甚相宜着畱於該省

遇有相當知府缺出另行奏補所遺員缺着陳煦

補授該部知道

查辦永新縣歷任挪墊無着民欠疏

奏為查出永新縣歷任挪墊無着民欠酌擬追賠

歸款仰祈

聖鑒事竊照州縣經徵錢漕自應年清年款不容絲

毫挪掩前因永新縣知縣徐作楷革職離任經

陞任藩司嵩溥飭令該管前任吉安府知府銘

恩督同接任知縣張澍將該革員經手倉庫錢

糧按款交接查有前任知縣侯資燦郭元揆李

恭壽堂奏議

卷十一

七

衢任之楷宋大寅阿應麟楊齊元葉蘭祝慶譽

各任內將民欠協濟屯餘兵加漕米挪項墊解

流交作抵除陸續催追還款外尚有實在無着

銀二萬三千四百四十七兩零迨徐作楷到任

後仍復遞年墊解以致挪缺嘉慶二十四年隨

漕正耗銀五百五十兩零二十五年丁耗銀四

千二百四十七兩零隨漕正耗銀一千五十四

兩零道光元年丁耗銀五千五百七十八兩零

隨漕正耗銀八百三十四兩零屯糧正耗銀二百八十五兩零二年丁耗銀三千五百七十兩零隨漕正耗銀五百四十八兩零餘租銀六百六十六兩零存留銀六十三兩零三年丁耗銀四千二百五十三兩零餘租銀二十七兩零四年丁耗銀一千八十五兩零隨漕正耗銀六百八十二兩零共銀二萬三千四百四十七兩零吊查各年徵册流串逐一滾算民欠銀數相符

恭壽堂奏議

卷十一

六

並無以完作欠影射侵欺情弊原欠花戶多已將業轉賣逃亡故絕無可着追並郭元揆楊齊元明秀祝慶譽徐作楷各任尚共短交捐雜各款銀三千九百八十七兩零由該管道府揭報到司據布政使繼昌會同按察使與科護糧道事南昌府知府李本榆酌議追賠歸款具詳請奏前來臣查永新縣歷任各員於無着民欠不早設法清釐又不據實揭報以致輾轉挪墊遞相

交抵律以虛出通關及挪移出納之條固屬咎所應得惟是民欠委無捏飾挪墊尚屬因公事在欽奉

諭旨禁革官墊名目以前可否仰懇

皇上格外

天恩俯念官非一任事閱多年從寬暫免治罪准其

勒限追賠歸款如蒙

俞允所有前項挪缺銀二萬三千四百四十七兩零

恭壽堂奏議

卷十一

七

應請先於歷任經徵挪抵各員名下按在任月日追賠數在一千兩以上者限六個月一千兩以下者限三個月在江之員以奉

旨之日起限離江人員以咨明旗籍准咨之日起限

逾限不完現任人員革職治罪叅革病故人員

照例知府分賠五成巡道藩司各分賠三成巡

撫分賠一成其短交捐雜各款銀三千九百八

十七兩零亦均係應解之項原欠各員率多叅

草病故無可追繳若責令現任攤補又啟挪移之漸應同挪缺正項一並於各上司名下分賠庶欸項悉歸有着倘經此次查辦之後再有不實力催徵仍任疲頑之戶拖欠及捏報挪掩卽照例嚴行叅辦除各員追賠銀數俟奉旨後另行造冊分咨外理合恭摺具

奏伏乞

皇上聖鑒訓示奉

恭壽堂奏議

卷十一

三

硃批另有旨內閣奉

上諭韓文綺奏查出永新縣歷任挪墊無着民欠酌擬追賠歸欸一摺江西永新縣歷任各員於無着民欠不早設法清釐又不據實揭報以致輾轉挪墊遞相交抵本屬咎有應得但念官非一任事閱多年姑着從寬免議治罪所有前項挪缺銀二萬三千四百四十七兩零着於歷任經徵挪抵各員名下按在任日月追賠數在一千兩以上者限六

個月一千兩以下者限三個月在省之員以奉旨之日起限離省人員以咨明旗籍准咨之日起限逾限不完現任人員革職治罪叅革病故人員照例知府分賠五成巡道藩司各分賠二成巡撫分賠一成其短交捐雜各欸銀三千九百八十七兩零亦均係應解之項原欠各員率多叅革病故無可追繳若責令現任攤補又啟挪移之漸着一並於各上司名下分賠歸欸倘經此次查辦之後再

恭壽堂奏議

卷十一

三

有不實力催繳仍任疲頑之戶拖欠及捏報挪掩着卽嚴叅懲處不貸該部知道

設船緝匪以安行旅疏

奏為動支不報撥開欸銀兩設船緝匪以安行旅

恭摺仰祈

聖鑒事竊照江西濱江帶湖南自南贛由吉安臨江
南昌等府以達九江東北由鄱陽湖直抵饒州
為數省通衢檣帆絡繹每有匪類駕盪小船伺
便滋擾節經議設章程派委巡緝嗣於道光三
年前撫臣程含章以匪徒為害冬令尤為緊要

恭壽堂奏議

卷十一

三

議於每年十月起至次年正月止由省派員分
段巡查所需經費

奏明在於鹽務充公項下提給報銷歷年動支銀
三千數百兩不等惟未巡各月仍有沿河搶詐
劫竊之案雖節經嚴拏懲辦商旅已先受其累
伏查匪徒出沒原屬無常而設法巡防尤貴經
久臣與督臣蔣攸銛熟商應將舊定巡河章程
量為變通另立巡船按縣長年派委員弁帶同

兵役梭織巡查並由省派員幫緝庶防範更為

周密即於上冬試辦第需用經費較多若責令

各該縣按年捐備力有不逮飭據司道議詳江

省曾於乾隆五十一年拏獲匪船十六隻

奏改巡船撥給南昌新建豐城清江餘干五縣緝

匪歷時已久不堪駕駛請將此項船隻變價充

公另設堅固巡船四十隻自省城起上至贛州

下達饒州所屬之餘干縣止按照地方險要道

恭壽堂奏議

卷十一

三

路遠近上下梭巡每船估計造費銀八十兩共
需銀三千二百兩查有藩庫報部開欸內義寧
州寺產租息一項原係發給巡船工食及營船
修費之用並不報撥現在節年積存銀三千三
百兩零應請動支作為添造巡船之費每年修
船等項即責成各該縣自行辦理毋庸再請開
銷至長年巡費除南昌廬陵鄱陽三縣缺分較
優由該縣等自行籌給並派委實缺員弁原有

廉俸亦毋庸再給巡費外其餘試用委員及水手巡查各兵役均照舊核給薪水飯食每年共需經費銀九千六百餘兩此外尚有獲犯犒賞之用亦需籌備贛南道自愿每年捐廉三千兩糧鹽二道各愿捐廉一千兩其餘不敷銀兩請於鹽務公費項下動支等情臣查巡船必須堅固應如所議動支建造至試用委員薪水及水手兵役口食每年共需銀九千六百餘兩另再

恭壽堂奏議

卷十一

五

備銀一千兩以作獲犯犒賞之用除糧鹽並贛南各道每年共捐銀五千兩餘照前撫臣程含章原奏每年請於鹽務公費項下動支銀五千六百兩其委員兵役勸懲仍照舊章辦理如此改為長年巡緝經費既充緝捕必力漸可河道肅清以冀仰副聖主靖匪安良之至意謹會同大學士兩江總督臣蔣攸銛恭摺具

奏伏乞 皇上聖鑒奉 硃批另有旨內閣奉

上諭韓文綺奏動支間欸銀兩設船緝匪一摺江西南贛等府每有匪徒出沒現經該督撫將舊定章程量為變通另立巡船按縣長年派委員弁核織巡查所用巡船請將乾隆五十一年撥給南昌等五縣船隻變價充公另設堅固巡船四十隻自省

恭壽堂奏議

卷十一

五

城起上至贛州下達饒州所屬之餘干縣止上下梭巡每船估造費銀八十兩共需銀三千二百兩查有藩庫報部間欸內義寧州寺產租息一項原係發給巡船工食及營船修費之用並不報撥現在節年積存銀三千三百兩零着准其動支建造其試用委員薪水等項每年共需銀九千六百餘兩另備犒賞銀一千兩除糧鹽並贛南各道每年共捐銀五千兩外着每年於鹽務公費項下動支

銀五千六百兩以備支用嗣後該撫務當按照新定章程督飭所屬認真巡緝實力奉公勿致日久生懈如有巡緝不力之員卽着隨時嚴叅懲辦該部知道

恭壽堂奏議

卷十一

三六

照例分賠庫項疏

奏為挪移庫項人員監追限滿無完應照例分別歸欵恭摺仰祈

聖鑒事竊照前任瑞昌縣緣事叅革知縣汪世鍾因霉變倉穀並沉失批解錢糧挪移徵存庫項賠解經前撫臣瑞 照例咨部掣問由前撫臣毓岱審明該革員挪移庫項除查封寓所衣物原籍家產變抵外實未完銀四千一百餘兩依挪

恭壽堂奏議

卷十一

三七

移庫銀五千兩以下例擬徒事在

赦前奏經部議欽奉

諭旨汪世鍾應得徒罪准其援免未完銀兩仍勒限監追限滿有無完繳再行分別辦理等因欽此轉行欽遵在案今據布政使繼昌按察使興科會詳稱該革員汪世鍾原挪庫銀四千二百八十七兩零內除查封首寓任所衣物及原籍產業共估抵銀一百四十兩零實未完銀四千一百

四十七兩零業已監追限滿歷過江西各任所並原籍均查無資財隱寄委係赤貧如洗無從追繳將未完銀兩酌擬分賠造冊呈送前來臣查該革員汪世鍾挪移庫項未完銀兩既據查明委係家產淨盡無可追繳自應着落該管各上司照例分賠巡撫賠十分之一銀四百一十四兩零藩司巡道各賠十分之二銀一千六百五十八兩零知府賠十分之五銀二千七十三

恭壽堂奏議

卷十一

三

兩零分別追繳以清

帑項除分賠細數清冊另行咨部外理合恭摺具奏伏乞

皇上聖鑒勅部核覆施行奉

硃批該部議奏

校閱營伍疏

奏為校閱省標營伍並定期往看贛標及瑞州各營緣由恭摺仰祈

聖鑒事竊臣蒙

恩簡任封圻兼銜提督訓練營伍最為緊要屢經移行九江贛州兩鎮並各協營實力操演茲將南昌城守協及臣標左右兩營悉心校閱陣式整齊槍砲聯絡藤牌各技奮迅便捷將備以下各

恭壽堂奏議

卷十一

三

官按名考驗悉皆強壯騎射均可觀兵丁並無老弱充數馬步六矢中四五矢者不少間有中六矢者弓自六力至十二力不等鳥槍中靶亦在六七分軍械鮮利馬匹騰壯臣於技藝較優各弁兵分別獎賞內有軟弱生疎者亦即嚴懲勒限練習務使一律嫻熟以冀仰副

聖上整飭戎行之至意江省現無緊要事件臣於本月十三日自省起程前往瑞州臨江吉安萬安

贛州一帶查閱營伍所有臣署日行事件飭委

藩司代行遇有緊要者遞送途次核辦臬司招

解各案先由藩司代審俟臣旋省核

題不致稍有延誤理合恭摺具

奏伏乞

皇上聖鑒奉

硃批知道了

恭壽堂奏議

卷十一

三

審辨已革武生陳應麟京控疏

奏為遵

旨嚴審衆證明白犯供狡展循例定擬仰請

定奪恭祈

聖鑒事竊據安仁縣已革武生陳應麟遣抱告劉紹

華赴步軍統領衙門列款呈控該縣陳天爵一

案奏奉

諭旨此案着交韓文綺親提人證卷宗秉公嚴審確

恭壽堂奏議

卷十一

三

情毋稍徇按律定擬具奏欽此並准刑部將劉

紹華咨解到江當即飭提人卷到省委員訊供

該縣陳天爵與證佐人等僉稱陳應麟包漕鬧

堂挾嫌妄控陳應麟仍執原詞恐有瞻徇串匿

情弊當將該縣陳天爵參奉

諭旨解任質審茲據委員提集嚴審衆供明白惟陳

應麟堅不承招由藩司繼昌臬司與科會訊詳

解前來臣細核各卷親提犯證隔別研鞫緣陳

應麟係安仁縣學武生有應完本戶漕米一石道光五年十月間該縣開倉收漕陳應麟包攬林光孫等三十三戶計米二十一石六斗零每石折收錢五千五百文陳應麟照額買米餘錢四十九千零十一月十六日陳應麟先將本戶漕米一石運倉完納另將包攬各戶由單赴倉核算經漕書邱為高查非陳應麟的戶向其盤詰陳應麟棄單跑走邱為高稟縣將陳應麟武

恭壽堂奏議

卷十一

三

生詳草差拘避匿六年二月初七日陳應麟路過已故素好之葉添華家進內探望適武舉潘廷標先已在彼葉添華一同留款均醉陳應麟稱欲赴縣完米邀潘廷標作伴同行未將包攬情事告知一同闖入宅門陳應麟令門丁劉八稟官開倉收米不允向劉八混罵潘廷標在旁勸解該縣陳天爵聽聞坐堂查訊呵斥陳應麟不服咆哮公堂扯倒公案當將陳應麟潘廷標

分別禁管稟解饒州府札委鄱陽縣訊供通詳

陳應麟卽以挾讐誣辦等情先後赴司及臣衙

門呈控批府審擬解司提訊犯供翻異發回該

府覆審明確並據陳應麟具有親筆供單解司

訊認無異尚未核詳陳應麟因先於道光四年

十月漕書吳毓蘭等在倉收漕有花戶段光奎

等搶先完米爭鬧擠壞衣帽並將收米底簿挨

落一本嗣查係黃騰龍檢獲吳毓蘭等恐官查

恭壽堂奏議

卷十一

三

責央陳應麟董飛鶴向陳覺俚借錢十九千賠還段光奎衣帽並為各花戶置酒和臉將簿取還陳應麟卽指為該縣浮收印簿被搶贖回並將借給錢文之陳覺俚指為包漕抵收貸項臚列各款做就呈詞逼令妻舅劉紹華赴步軍統領衙門呈控奏奉

諭旨交臣審辦查陳應麟所控陳天爵嘉慶二十五年八月中旬誕孫派捐唱戲開筵一節最關重

大其詞內未據指定日期詰據陳應麟供稱有該學詳草廩生鄒魯案內指有唱戲日期可憑卷查嘉慶二十五年八月據安仁縣教諭李日官等以廩生鄒魯母喪未滿公然頂帽在縣衙門看戲等情詳草旋經提府委審緣八月十二日丁憂廩生鄒魯同職員劉碧照赴縣完糧劉碧照因聞母病趕回延醫將頂帽布套脫交鄒魯帶回鄒魯候給串票攜同衣帽出署適署外

恭壽堂奏議

卷十一

五

居民演戲酬神縣學門斗程吉走至瞥見心疑鄒魯釋服從吉稟學詳草斷將程吉問擬重杖鄒魯原草廩生開復詳結伏查嘉慶二十五年奉文停止作樂於八月十一日到省由司府轉行該縣於八月十六日始行奉到訊據陳天爵堅供並無生孫派捐演戲開筵之事卽居民演戲亦在八月十六日以前行據饒州府查稟無異詰訊陳應麟此外無可指證餘如所控誣監

生楊茂泰之姦勒銀五百兩剪生員周作人之髮受穀二千石一節控涉賊私均應確究訊據陳天爵供稱楊茂泰因與陳卓立爭買教學文房屋控縣傳訊教學文嫁母馮氏後夫段子兒等混指楊茂泰與馮氏有姦楊茂泰之母徐氏隨以誣姦斷罰控府委審旋據徐氏以妄控斷罰呈明並究明楊茂泰與馮氏並無姦情爭買之屋楊茂泰成契在前斷歸楊茂泰承買詳結

恭壽堂奏議

卷十一

五

周作人因往邀姚矮子短工有姚矮子同居之王閔氏素患痰迷妄指周作人強姦姚矮子之妻胡氏剪有髮辨告知其子王興兆控縣拘訊卽據王興兆查係伊母痰迷妄指呈首經該縣訊明完案並無勒受銀穀情事楊茂泰業已身故提訊周作人並陳應麟所指過付徐觀堂徐步高僉稱並無其事詰訊陳應麟據稱罰楊茂泰銀兩係楊茂泰之母徐氏自行呈控受周作

入穀石得自傳聞此外並無確據又如所控該縣一捐積穀三派壽資道光二年三月又稱壽期捐資筵宴五年十一月縣仍帖召紳耆派捐賀資伊與武生易振聲等稟乞寬期釘恨捏詳各情一節訊據陳天爵供稱道光四年奉文清查缺穀因有接收歷任盤折缺穀二千四百石零於五年買補上倉具報有案並非派捐民穀亦無三派壽資及稱壽捐資筵宴之事惟道光

恭壽堂奏議

卷十一

三六

五年十一月間有生員萬里鵬等因該縣蒞任七載勤理詞訟士民感戴將屆該縣六旬生辰欲為掛匾經該縣查知飭止萬里鵬等因已做就民之父母匾額於六年正月間將匾懸掛縣堂委非帖召派捐亦無易振聲等遞過寬期稟詞質之萬里鵬等僉供無異詰訊陳應麟供稱派捐積穀不能指證三派壽資有縣堂懸掛匾額及壯役桂輝分送請帖可憑嚴究桂輝堅供

該縣並無派令散帖請酒因與陳應麟平日口角有嫌係被扳累他如所控該縣新設女班房為丁役宣淫之所巧結上光棍作黨援漁利之媒各情飭據委員訪查並無其事當令陳應麟將女班房設在何處究係何素婦女被押被淫光棍係何姓名逐一指出提究據稱得自風聞不能供指姓名憑據臣查陳應麟包漕鬧堂有被攬花戶林光孫等及武舉潘廷標可證且先

恭壽堂奏議

卷十一

三七

經饒州府復訊陳應麟均已承認寫有親筆供詞該縣陳天爵並無浮收其孫陳世昌先於道光三年回籍並無與段光奎等爭鬧均據段光奎等確切供明其餘所控各情逐款研訊亦全屬虛誣臣恐尚有串避別情再三嚴究不特官吏人等堅供不移即周作人等係陳應麟指控被詐受累之人亦代剖甚力是該犯陳應麟因被詳辦捏款控抵實屬眾證確鑿乃陳應麟明

知罪難免脫妄思拖累一味刁狡堅不畫供查
例載刁徒直入衙門挾制官吏者發近邊充軍
又驀越赴京告重事不實者發邊遠充軍又問
刑衙門審辦案件其有實在刁健堅不承招卽
具衆證情狀奏請

定奪各等語此案已革武生陳應麟始則包攬漕米
直入衙門咆哮公堂迨經審明詳辦復敢挾嫌
赴京捏控官長賊私重情牽累多人衆證明白

恭壽堂奏議

卷十一

三六

自應按例問擬陳應麟除攬納漕糧多科費用
計賊罪止滿杖其直入衙署挾制官吏亦罪止
近邊充軍各輕罪不議外應照驀越赴京告重
事不實例發邊遠充軍到配杖一百折責安置
該犯實在刁健堅不承招照例請

旨定奪仍於該犯名下將攬得錢文如數追繳分別
完納給主並照律追罰一半入官武舉潘廷標
訊無在旁助勢惟一同乘醉入署應與被逼作

抱之劉紹華混行取去底簿之黃騰龍各照不
應重律杖八十潘廷標係武舉照例納贖劉紹
華等折責發落漕書吳毓蘭邱為高說無浮收
情事惟並不善為經理輒與段光奎等爭角究
有不合亦各照不應重律杖八十折責草役生
員萬里鵬艾品輝楊凌漢訊未為該縣祝壽其
致送匾額卽與土儀禮物無異合依饋送土宜
禮物受者笞四十與者減等律笞三十俱係生

恭壽堂奏議

卷十一

三九

員照例納贖花戶林光孫等均係畸零小戶因
被誣騙折錢交納陳覺俚究無包攬漕米應與
訊無過付銀穀之徐觀堂徐步高均免置議該
縣陳天爵雖無勒罰銀穀派捐壽資積穀及唱
戲開筵情事其懸掛匾額出於士民自送亦非
營私惟不退回究屬不應應請交部照例議處
仍飭先行回任聽候部議除將全案供招咨部
外理合恭摺具

奏伏乞

皇上聖鑒勅部議覆奉

硃批刑部議奏

恭壽堂奏議

卷十一

四

查閱贛州九江兩鎮營伍疏

奏為查明贛州九江兩鎮營伍情形仰祈

聖鑒事竊臣自省起程查閱兩鎮營伍日期業經

奏明在案臣先由瑞州臨江袁州吉安永豐永新

萬安龍泉等營以次校閱至贛州府會同署鎮

李廷鈺將鎮標中左後城守興國等五營官兵

閱看其寧都南安文英永鎮橫岡羊角等六營

路途僻遠循照舊章將官弁調赴贛州考驗兵

恭壽堂奏議

卷十一

四

丁委員往閱臣回省核辦秋審事竣即赴九江

府會同鎮臣施聯科將九江前後水師南康等

四營官兵閱畢前往南湖饒州鄱湖浮梁廣信

鉛山建昌廣昌撫州等營逐一查閱該鎮屬之

武寧銅鼓二營路亦偏僻兵丁委員往閱官則

調驗臣察看各營陣式隊伍均屬整齊槍炮聯

絡挑牌對械亦尚便捷兵丁並無老弱充數弓

自六力至十力不等步箭準頭每兵十名各射

五矢中靶合式在五六名以上至七八名不等
鳥槍中靶亦在七八分內有材技出色者臣即
當場獎賞記名技補其生疎軟弱者分別懲辦
各將弁年力漢仗均皆壯健臣視其本身騎射
之優絀參以所管兵技之短長酌加獎勵存記
並勒限練習其把總外委內間有年老技疎庸
劣之弁另行咨部勒休革退以示勸懲伏思江
西兵力素弱臣惟有嚴飭各將領督率備弁勤

恭壽堂奏議

卷十一

三

加操演務期一律精熟以冀仰副

聖主整飭戎伍之至意再各營軍裝器械點驗無虧
馬匹臆壯足額沿途塘汛墩臺俱尚完整臣至
廣信府境內順道履勘封禁山林因正值大雨
之後山水漲發橋梁道路多有淹斷山內低窪
之處盡成大壑未能前進臣即在此山口外察
看地方安靜並據廣信府銘憲面稟先經該府
赴山週歷查勘並無匪徒潛匿砍木燒炭等弊

臣仍嚴飭該地方文武員弁遵照章程隨時實
力巡查不得稍有疎懈臣現於五月二十二日
回省所有閱過贛州九江鎮屬各營官兵情形
理合恭摺具
奏伏乞
皇上聖鑒奉
硃批知道了

恭壽堂奏議

卷十一

三

審擬定南廳民吳杰甫等京控疏

奏為遵

旨審擬具

奏仰祈

聖鑒事竊照贛州府屬定南廳民吳杰甫以黎成瑞等拜會傳徒將伊弟吳登階劫殺僅獲頂光並未拘夥追賊等情控經都察院具奏奉

旨此案着交成格親提人證卷宗秉公嚴審按律定

恭壽堂奏議

卷十一

四四

擬具奏原告吳杰甫該部照例解往備質欽此並准將吳杰甫咨解到江當經前撫臣成格飭發南昌縣撥差看管一面飭提人卷解省審辦因吳杰甫患病取保醫治無效身故經縣驗詳旋據吳杰甫之弟吳庭甫投審堅不輸服其姪吳兆華復以刑迫縱匪等詞開列吳庭甫之名自作抱呈控經都察院遞回歸案訊辦先據定南廳查明黎成瑞等並無節次拜會情事取有地

隣人等供結又吳杰甫詞內指稱會匪張四秀

等一案業已照例詳辦咨准部覆其另單所開

黎成瑞等被控各案或係牽累已經訊結或並

無被控案據臣恐贛南一帶或實有匪徒結會

滋擾復密委委員前往該處確查據覆贛南地

方界連閩粵向有匪徒藉稱添弟會即三點會

傳徒斂錢內有帶刀防身者民間即指為千刀

單刀及紅蓮等名目以彰其惡並非匪徒自立

恭壽堂奏議

卷十一

四五

會名近年屢經懲辦俱已斂跡查無會匪潛匿等情並據吳庭甫呈明吳登階係被黎丁香毆死並非劫殺經委員審供由司解勘前來臣提集逐一研鞫緣吳杰甫並其弟吳庭甫吳登階均與黎成瑞等隣村熟識吳庭甫曾於嘉慶九年因黎生瑞等盜砍山樹捕毆黎生瑞身死擬絞緩決減流在道會

赦減徒發配限滿釋回道光四年三月二十六日吳登

階遇見黎生瑞等弟侄黎成瑞等扒拾柴草稱
係賊人弟侄致相爭鬪吳登階先被黎三華等
及黎成瑞黎升古各拾細石並木扒擲毆致傷
復被黎丁香奪刀戳劃殞命屍兄吳杰甫報經
前署廳殷思濂詣驗獲犯訊認將黎丁香擬絞
監候黎成瑞杖責解經前撫臣成格覆審

題准部覆黎丁香旋於五年八月十二日在監病
故又據驗報詳咨吳杰甫因與黎姓釀命有嫌

恭壽堂奏議

卷十一

四六

吳登階常販布疋心疑被黎姓挾嫌劫布殺害
前向族人吳蛟瑞告知並向商借經營公祠銀
兩以作訟費吳蛟瑞不允斥阻吳杰甫不依砌
詞控廳並以吳蛟瑞袒護外人一並牽告獲訊
案內之黎幅慶據供聽聞黎丁香等奪獲零布
存在黎老六家內質之黎丁香等堅不承認復
詰黎幅慶稱因畏累妄供並查明黎老六家實
無寄存零布吳杰甫控經府道臬司批飭訊究

嗣吳蛟瑞路遇吳杰甫斥其不應誣告吳杰甫
愈懷嫌怨屢次強牽吳蛟瑞猪牛並砍伐山木
控廳差拘吳杰甫不敢回籍起意赴京呈控因
南贛向有會匪即指黎成瑞等拜會傳徒並因
黎幅慶先曾妄供聽聞黎丁香奪獲零布寄存
之語以為吳登階被劫布疋殺害又因向刑書
陳家俊索抄吳登階命案詳稿不允口角有嫌
並指陳家俊係會中頭目砌詞赴都察院呈控

恭壽堂奏議

卷十一

四七

奏奉

諭旨發回審辦吳杰甫旋值患病取保身故其弟吳
庭甫外回投審因命案見勸要證吳雙四等未
到咨部展限後據獲解吳雙四供無劫布情事
吳庭甫亦即照供解司提審吳庭甫仍行翻異
飭審比有吳登階之子吳兆華因伊父命案既
累長伯吳杰甫京控病故次伯吳庭甫又羈訊
不釋即照原控情節添砌委員等刑逼弊害等

情以吳庭甫之名抱呈復赴都察院呈訴遞回
查審並據吳庭甫自行呈明訊據各供不諱嚴
究黎成瑞等並無拜會劫殺情事不特取有地
隣人等供結可憑且據吳庭甫等供係吳杰甫
妄告至吳登階係被黎丁香共毆傷重致死並
無劫布別情亦有吳雙四等在場證見似無疑
義查吳杰甫呈控黎成瑞等劫殺拜會均屬重
情今審係虛誣自應照例問擬吳杰甫合依薦

恭壽堂奏議

卷十一

吳

越赴京告重事不實發邊遠充軍例發邊遠充
軍業已病故應毋庸議吳庭甫先經外出不知
伊弟吳登階被傷情由因伊兄吳杰甫控告不
前懷疑狡執旋據自行呈明與扛幫為從不同
應照不應重律杖八十吳兆華因吳庭甫羈訊
不釋卽照吳杰甫控詞赴京續控並非自行妄
訟惟添砌委員刑逼各情卽屬申訴不實應照
律杖一百黎三華前曾拾石擲傷吳登階應照

餘人律杖一百各折責發落黎成瑞訊無拜會
劫布情事其致傷吳登階已於原案問擬滿杖
吳蛟瑞並未糾串劫殺與刑書陳家俊均無拜
會傳徒情事應與干證吳雙四等俱毋庸議吳
杰甫因病身故看役並無凌虐情弊亦毋庸議
吳杰甫所牽吳蛟瑞猪牛並砍伐山木身死勿
徵逸犯黎升古等飭緝獲日另結除將全案供
招咨部外理合恭摺具

恭壽堂奏議

卷十一

吳九

奏伏乞

皇上聖鑒勅部核覆施行奉
硃批刑部議奏

請 旨酌改知縣通判疏

奏為知縣通判缺分繁簡今昔情形不同請

旨酌改恭摺仰祈

聖鑒事竊照設官分職必須因地制宜如有今昔情

形迥殊自應酌量更改期於地方有裨臣等伏

查江西贛州府屬之信豐縣係繁難二項部選

中缺近年以來戶口繁增民俗强悍催科不易

訟案尤多且界連粵東常有結拜匪徒更須隨

恭壽堂奏議

卷十一

五

時整頓實於通省中缺內最為難治之區歷次

部選及本省留補多係初任人員辦理每形竭

蹙必得在江年久熟悉地方情形者始克勝任

應請將信豐縣改為繁疲難兼三要缺在外揀

調以收駕輕就熟之效至信豐縣既已改繁例

應查缺改簡以符銓政臣等於通省繁要知縣

缺內逐加察核無可互改惟查臨江府屬樟樹

鎮通判原係簡缺駐劄府城後因樟樹鎮地方

商賈輻輳習尚浮囂於乾隆三十年間移駐彈

壓定為衝繁難三項要缺在外揀調現在風氣

日歸淳樸稽察較易應請將樟樹鎮通判改為

衝繁二項中缺歸部銓選足資治理似此一轉

移間繁簡既各得其宜而於地方政治亦均有

裨益臣等溯查乾隆四十七年曾以南昌府選

缺同知改為外揀繁缺廣昌縣要缺知縣改歸

部選簡缺經部議准在案今以信豐縣與樟樹

恭壽堂奏議

卷十一

五

鎮通判繁簡互改事同一例並據藩臬兩司會

詳請

奏前來合無仰懇

聖恩俯念信豐縣缺繁要准與樟樹鎮通判繁簡互

改期臻實效如蒙

俞允此二缺現任人員應否更調再行酌核辦理臣

等往返札商意見相同謹合詞恭摺具

奏伏乞

皇上聖鑒勅部議覆施行奉
硃批吏部議奏

恭壽堂奏議

卷十一

三

動欸代造直隸二限撥船疏

奏為動欸代造直隸二限撥船恭摺仰祈

聖鑒事竊照直隸應造商捐撥船一千五百隻江西
分造七百五十隻所需船價運脚銀兩經直隸

督臣奏奉

上諭着照案先在藩庫籌欸辦理作正開銷等因欽
此當即行司欽遵將動欸代造初限船二百隻
並造竣起運各緣由先後恭摺

恭壽堂奏議

卷十一

三

奏報在案茲據布政使繼昌督糧道孔昭虔會詳
稱查本年應造二限船二百隻每船工料應照
舊章估報銀二百七十六兩零內應內銷銀共
銀四萬六千八百一十三兩請於司庫道光八
年地丁銀內動支事竣造冊報銷又外銷共銀
八千五百四十兩亦查照歷次奏定成案於道
光八年稅契項下暫行借墊由州縣分年公捐
還欸等情詳請具

奏前來 臣覆核無異除飭司道督率承造之員領
銀興工不任草率偷減依限完竣解直備用外

理合恭摺具

奏伏乞

皇上聖鑒奉

硃批依議妥辦

恭壽堂奏議

卷十一

五

請 陛見疏

奏為恭懇

天恩俯准

陛見事竊 臣於上年七月恭摺奏請入

覲欽奉

硃批明歲秋間再行奏請欽此伏念 臣疊蒙

簡畀忝任封圻未効涓埃彌殷悚惕自道光四年九

月瞻仰

恭壽堂奏議

卷十一

五

天顏已逾三載現在江西地方安靜別無緊要事件

謹再叩懇

恩施准 臣

陛見俾得親聆

訓誨敬謹遵循如蒙

俞允一俟文闈監臨武闈考試事竣可否將巡撫關

防交藩司繼昌護理 臣即趨赴

闕廷感沐

天恩益無既極所有微臣依戀下忱理合恭摺具

奏伏乞

皇上聖鑒訓示奉

硃批着來見

恭壽堂奏議

卷十一

五十六

查明更正疏

奏為查明更正恭摺仰祈

聖鑒事竊照永新縣歷任挪墊無着民欠並短交捐

雜各款銀兩前據司道酌議追賠歸款當經臣

據情恭摺奏蒙

恩旨挪缺銀兩着於歷任經徵挪抵各員名下按在
任月日追賠參革病故人員照例知府分賠五成
巡道藩司各分賠二成巡撫分賠一成其短交捐

恭壽堂奏議

卷十一

五十七

雜各員率多參革病故着一併於各上司名下分
賠歸款等因欽此行司欽遵今據布政使繼昌詳
稱前任永新縣知縣郭元揆楊齊允明秀祝慶
譽徐作楷等共短交捐雜各款銀三千九百八
十七兩零均係應還縣庫之項與歷任墊解民
欠挪缺正項不同自應在原欠各員名下咨追
將來無着由本省自行籌補前議一併歸於上
司名下分賠殊屬舛錯據實檢舉呈請

奏明更正並請將該司交部議處等情前來臣查屬員虧挪正項倉庫無着歷由上司分賠至短交捐雜各款例無上司分賠之條前請一併歸各上司分賠實有未協茲據該司查明檢舉臣不敢因業經奏蒙

允准在前稍涉迴護所有永新縣歷任短交捐款銀兩應請先於原欠各員名下咨追如果無着由本省另行籌補臣與藩司繼昌先未詳查明確

恭壽堂奏議

卷十一

五

實屬疎忽相應請

旨交部分別議處為此恭摺具

奏伏乞

皇上聖鑒訓示奉

上諭韓文綺奏永新縣歷任短交捐雜各款誤請並歸該管上司分賠查明更正一摺江西永新縣歷任挪墊無着民欠並短交捐雜各款銀兩前經該撫奏請將追賠無着銀兩一並歸於各上司名下

分賠歸款茲據該撫查明郭元揆等短交捐雜各款銀三千九百八十餘兩與歷任墊解民欠挪缺正項不同將來咨追無着應由該省自行籌補不應並歸該管上司名下分賠據實奏明更正着照所請此項短交捐雜各款先於原欠各員名下咨追如果無着該省另行籌補歸款韓文綺暨該藩司繼昌前此未經詳查率行具奏實屬疎忽着交部分別議處

恭壽堂奏議

卷十一

五

掣獲販私拒捕要犯疏

奏為掣獲販私拒捕鎗傷官兵要犯審擬具

奏仰祈

聖鑒事竊據清江縣知縣張湄稟報臨江營都司張

見坐船在新淦縣坑口地方見有私鹽船一隻

出船喝掣被鹽犯點放烏鎗拒傷並傷兵丁郭

逢春水手郭老妹疾駛逃逸會同各縣營追至

豐城縣前港河下掣獲蕭中霞等四名同鹽船

恭壽堂奏議

卷十一

空

烏鎗又另獲鹽犯羅學祚等十名鹽船二隻並

烏鎗尖刀共獲鹽四萬九千餘觔押解回縣究

出蕭中霞即係放鎗拒傷官兵首犯並續獲熊

恒發一名稟解來省飭司委員審辦茲據該委

員等審擬由兼署臬司糧道孔昭虔鹽道齊嘉

紹審解前來臣親提研鞫緣蕭中霞籍隸信豐

縣與已獲同縣人劉貴仔熊恒發劉秀魁均受

雇在未獲之楊老四船上幫做水手道光七年

十二月內楊老四在贛縣攸鎮地方攬載生意

有未獲之王全泰王幅池王作周張有萬各買

私鹽雇楊老四船隻往下游豐城一帶銷售蕭

中霞與劉貴仔熊恒發劉秀魁因見私鹽價賤

同楊老四亦各起意販賣獲利陸續向不知姓

名擔上買鹽四擔及一二擔每擔計重百觔或

百餘觔共裝船內夾入商民各船乘溜息夜深

偷過萬安峽江各卡二十六日船至新淦縣坑

恭壽堂奏議

卷十一

空

口地方適臨江營都司張見由本營放餉後坐

船回赴峽江鹽卡遇見喝掣經兵丁鈎住船蓬

蕭中霞正站立蓬口情急起意拒捕順取楊老

四船內裝就烏鎗點放傷及都司張見右額角

等處並將兵丁郭逢春水手郭老妹致傷蕭中

霞等即將船撐逃行至豐城縣前港灣泊時有

已獲籍隸贛縣之羅學祚陳復興各在信豐縣

買得私鹽三擔半及十擔與未獲各自販私之

賴豆豉老等雇裝周中秋仔船內又已獲籍隸
贛縣之王大陽保在贛縣買得私鹽五擔與未
獲各自販私之賴老五等雇裝溫水長生船內
均往豐城一帶售賣偷過各卡於二十五日先
抵前港停泊後見蕭中霞等船隻撐至曾據詢
悉前情該三船內已獲水手蕭桂仔鍾五升仔
呂二仔王文相劉德貴王海貞火夫劉矮仔藍
老四均止知情並未販私其時該都司張見被

恭壽堂奏議

卷十一

三

傷後經失察偷越之各卡員弁查知趕到並飛
移各縣營堵截追至前港河下同豐城縣營一
齊圍拏王全泰張有萬並周中秋仔放鎗拒捕
各兵丁連放排鎗抵禦王全泰等均各受傷與
王幅池等鳧水逃走隨將蕭中霞等拏獲訊供
驗明各傷稟解來省審據各供不諱究係蕭中
霞獨自起意放鎗拒傷官兵並無同謀幫拒之
人亦非合夥同財積慣與販其羅學祚等鹽船

均係邂逅相值質之兵丁郭逢春等供亦相同
並於蕭中霞船內起有賬簿載明各犯買鹽數
目其為各自與販似無疑義查例載兵民聚眾
帶有軍器與販私鹽若十人以下拒捕傷至二
人以上者為首斬監候又部民犯罪在官不服
拘拏逞兇殺害本官已傷者為首照光棍例斬
決又律載犯無引私鹽者杖一百徒三年受雇
馱載者杖八十徒二年又例載販賣私鹽數至

恭壽堂奏議

卷十一

三

三百觔以上不將賣鹽人姓名供出者於應得
本罪上加一等定擬各等語此案蕭中霞各自
販私並非聚眾與販惟係私鹽罪犯輒敢不服
拘拏放鎗拒傷巡鹽都司並傷兵丁水手二人
殊屬藐法自應照例問擬蕭中霞除販私十人
以下拒傷二人以上罪止斬候不叙外合依犯
罪不服拘拏逞兇殺害本官已傷者斬決例擬
斬立決照例先行刺字劉貴仔等並未幫同拒

捕均係各自販私應仍照本律定擬劉貴仔羅學祚陳復興王大陽保販私均在三百觔以上合依販無引私鹽律杖一百徒三年該犯等不將賣鹽人姓名供出照例加一等各杖一百流二千里熊恒發劉秀魁販私各百餘觔均合依販無引私鹽律杖一百徒三年蕭桂仔鍾五升仔呂二仔王文相劉德貴王海貞究無販私情事其知情聽從船戶幫載均應於受雇馱載杖

恭壽堂奏議

卷十一

六十四

八十徒二年罪上減一等各杖七十徒一年半蕭桂仔呂二仔業已病故應毋庸議王文相王海貞據稱母老丁單及孀婦獨子是否屬實飭查取結照例辦理餘俱到配折責安置劉矮子藍老四均係船上火夫與水手幫駕不同均照不應重律杖八十劉矮仔年未及歲照律收贖藍老四折責發落蕭桂仔等提禁取保病故保戶訊無凌虐情事應毋庸議管獄官職名並免

開叅臨江營都司張見被拒受傷當即督率兵役將犯追獲應與失察私鹽過卡入境旋即協獲之地方各員弁均請免議所有失察私鹽出境過境之信豐等縣職名飭取另叅各傷均已平復起獲鹽觔船隻分別變價充賞烏鎗發營備用尖刀貯庫彙報逸犯王全泰等飭緝獲日另結除供招咨部外合將審擬緣由恭摺具

奏伏乞

恭壽堂奏議

卷十一

六十五

皇上聖鑒勅部核覆施行奉
硃批刑部速議具奏

遵 旨傳詢疏
奏為遵

旨傳詢具奏事竊臣於九月二十八日戌刻接到軍機大臣字寄道光八年九月二十日奉

上諭寶華峪地宮浸水情形前據奕紹等向已革監督百壽等究出開通土工時北面壙幫間有石母滴水之處曾經告知英和等商同擋護連日訊據英和供稱地宮地盤開至北面見有似石非石似

恭壽堂奏議

卷十一

奏

土非土幾塊土人謂之石母綿課戴均元俱曾親見伊在工時並未見有水滴嗣經監督告知有時滴水即與綿課戴均元公同商酌用土擋護等語寶華峪山勢係戴均元首先帶同堪輿相度此地既有石泉當時同往堪輿五人豈無一人指摘及此即使彼時所看之人並無異議迨開通地盤顯有石母究於風水有無關礙亦應妥為籌議何以直至該監督等告知滴水情形始商同用土擋護

彼時若不迴護前失即應據實奏明何以始終並無一言奏及着韓文綺即向戴均元傳旨詢問務令逐一詳細登覆現仍令奕紹等向在工人員嚴切究訊若戴均元所供與京中所訊各供相符是尚自知其罪若稍有不實不盡即是敢於欺飾伊自問當得何罪令其據實書叙親供韓文綺即迅速由驛具奏將此由四百里諭令知之欽此當即傳戴均元至署將

恭壽堂奏議

卷十一

奏

諭旨內指出各情節令其逐一登覆據戴均元伏地碰頭口稱我受

皇上重恩

寶華峪山勢係我相度並無石泉其北面壙幫有似水非水處所用土少許一塗即已不見且在寶城之外與風水毫無關礙至我於四年出京前到工所見實係乾潔現在有浸水情形實非我當日意料所及萬分悚懼只求

皇上將我從重治罪等語並據戴均元書叙親供一

並恭呈

御覽所有傳詢緣由謹遵

旨由驛具

奏伏乞

皇上聖鑒奉

硃批覽

恭壽堂奏議

卷十一

奏

動欸代造直隸三限撥船疏

奏為動欸代造直隸三限撥船恭摺仰祈

聖鑒事竊照江西分造直隸商捐撥船七百五十隻

所需船價運脚銀兩經直隸督臣奏奉

上諭着照案先在藩庫籌欸辦理作正開銷等因欽

此當即行司欽遵將動欸代造初限二限船數並

初限造竣起運各緣由先後恭摺

奏報在案茲據兼署布政司事鹽法道齊嘉紹督

恭壽堂奏議

卷十一

奏

糧道孔昭虔會詳稱二限船隻現催趕造起運

所有應造三限船二百隻每船工料照舊估報

銀二百七十六兩零應內銷銀二百三十四兩

零外銷銀四十二兩零其內銷共銀四萬六千

八百一十三兩請於司庫道光八年地丁銀內

動支事竣造冊報銷又外銷共銀八千五百四

十兩照歷次奏定成案於道光八年稅契項下

借墊由州縣分年公捐還欸等情請

奏前來臣覆核無異除飭司道督率承造之員領銀興工不任草率偷減依限完竣解直備用外理合恭摺具

奏伏乞

皇上聖鑒內閣奉

上諭韓文綺奏動欸代造直隸三限撥船一摺江西應造直隸三限撥船二百隻據該撫查明每船工料照舊估報銀二百七十六兩零應內銷銀二百

恭壽堂奏議

卷十一

七

三十四兩零外銷銀四十二兩零其內銷共銀四萬六千八百一十三兩着照所請准其於司庫道光八年地丁銀內動支事竣造冊報銷外銷共銀八千五百四十兩着照歷次成案於道光八年稅契項下借墊由該州縣分年公捐還欸該撫卽飭司道督率承造之員領銀興工毋任草率偷減依限完竣解交直隸備用該部知道

分賠歸欸疏

奏為挪移庫項無完照例分賠歸欸恭摺仰祈

聖鑒事竊照前任湖口縣甄別革職知縣李煦因修理倒塌倉廩賠補霉變穀石挪移庫項經前護理臣鄧廷楨咨部等因由前撫臣阿 審明該革員挪移庫項除叅後續交並查封省寓衣物原籍家產變抵外實共未完銀六千三百餘兩依挪移庫項銀五千兩以上例擬流

恭壽堂奏議

卷十一

三

奏准部議勒限監追嗣因監追病故咨准部覆行令在於該故員家屬名下着追在案今據兼署布政司事按察使鄭祖琛詳稱查李煦未完銀六千三百六十四兩零嗣於審奏後續據湖口縣解繳查封任所衣物變價銀七兩九錢備抵外現實未完銀六千三百五十六兩零原籍家產業經直隸查明淨盡報部咨江飭查歷過江西各任所均無貲財隱寄將未完銀兩酌擬分

賠造冊取結呈送前來臣查已故革員李煦挪移庫項短交穀價未完銀兩原籍任所既據查明家產淨盡並無貲財隱寄無可追繳自應着落該管各上司照例分賠巡撫賠十分之一銀六百三十五兩零藩司巡道各賠十分之二銀一千二百七十一兩零知府賠十分之五銀三千一百七十八兩零分別追繳以清帑項除分賠細數清冊同各任所查無貲財隱寄

恭壽堂奏議

卷十一

三

印加各結另行咨部外理合恭摺具

奏伏乞

皇上聖鑒勅部核覆施行奉

硃批該部議奏

審擬圖產謀命要犯疏

奏為圖產謀命審無名分按例定擬恭摺仰祈

聖鑒事竊據安義縣報解縣民高名槐砍傷繼母戴

氏身死一案飭司委員訊明已死戴氏並非高

名槐之父高颺軒明媒正娶例應凡論照例議

擬由司審解前來臣隨提案研鞫緣高名槐之

父高颺軒原娶胡氏生有五子長早故三即名

槐五名權胡氏故後繼娶鄒氏無出亦故戴氏

恭壽堂奏議

卷十一

三

先嫁劉報中再醮吳履和生女瑞秀吳履和於

道光三年二月病故時戴氏年已四十有六因

姑吳徐氏老邁女又幼穉貧無依靠意欲帶女

改嫁高颺軒聞知圖聘戴氏之女瑞秀與幼子

名權為童養妻央族人高颺錦並吳徐氏堂姪

吳孔章前往說媒並因伊已年逾六旬未便續

娶戴氏既愿改嫁亦可隨女過門作伴服侍戴

氏與吳徐氏應允吳徐氏令吳孔章為瑞秀立

有庚帖高颺軒言送財禮錢十二千文戴氏並無婚書聘財即於四年十一月十九日先往高颺軒家瑞秀擇日過門童養高颺軒旋令戴氏伴宿並令高名槐等俱稱為母六年四月間高颺軒病故高名槐兄弟四人遵父遺囑將產業四股均分另有園地二塊港田二分給戴氏養贍令高名槐耕種同爨戴氏因高名槐厭憎瑞秀多食時向吵鬧七年六月初十日分爨十二

恭壽堂奏議

卷十一

辛酉

日早戴氏鷄隻走入高名槐家高名槐趕逐戴氏斥罵將其鍋鉢砸碎並捧高颺軒靈牌走出聲言赴控高名槐順攜菜刀趕至村外向阻戴氏將靈牌棄地兩手奪刀致被砍劃左右手指左手腕戴氏拚命撲喊高名槐恨其醜婦恃強四顧無人起意致死既可洩忿又可霸吞代種田地隨將伊父靈牌踏毀用刀連砍戴氏咽喉左右並劃傷右腮頰倒地棄刀欲逃經伊伯高

颺允等聞喊趕至網獲送縣詣驗生傷逾時殞命該縣復驗訊報將犯證解省委員研審因戴氏之嫁高颺軒並無婚書聘財被高颺軒之子高名槐殺死若遽依子殺母論與殺死正名定分之繼母漫無區別詳經咨請部示准部咨覆戴氏是否明媒正娶應再質訊明確按擬到日再議等因茲復委審明確惟屍弟戴昭德等始以高名槐平日既稱戴氏為母即應與殺母同

恭壽堂奏議

卷十一

壬戌

論堅不輸服迨曉以定例亦無可置辯解臣親審供悉前情查高名槐之父高颺軒圖聘戴氏之女瑞秀與幼子名權為妻央人專為瑞秀媒說因戴氏欲隨女過門連類說及僅令作伴服侍又無婚書聘財即與苟合無異實非明媒正娶高名槐等稱以為母亦止勉從父命並無母子名分今高名槐將戴氏致死自應依例以凡論惟高名槐起意致死時心存圖產戴氏田地

本係該犯耕種卽屬得財害命高名槐除棄毀
父之靈牌罪止斬候不議外合依圖財害命得
財而殺死人命者斬決例擬斬立決先行刺字
瑞秀許給高名權為妻實係明媒正娶戴氏與
高颺軒既無夫婦名分瑞秀應仍給高名權完
娶所有高名槐代種戴氏田地斷歸瑞秀夫婦
承管除將全案供招咨部外理合恭摺具
奏伏乞

恭壽堂奏議

卷十一

五

皇上聖鑒勅部覈覆施行奉

硃批刑部速議具奏

據情奏懇疏

奏為據情恭摺仰懇

聖恩事竊照道光六年江西各幫重運漕船借領天
津道庫剝價飯米折價共銀四萬二百九十一
兩零奏分三年扣還已還初二限銀共二萬六
千八百六十兩零本年冬尚應扣三限銀一萬
三千四百三十兩零又七年幫丁借領天津道
庫及欠交通庫失風米價等欸共銀三萬九千

恭壽堂奏議

卷十一

七

一百一十九兩零亦經奏蒙

恩准展至道光八年冬分限兩年扣還今冬應扣還
初限銀一萬九千五百五十九兩零轉行遵照
在案今據督糧道孔昭虔兼署布政司事按察
使鄭祖琛會詳稱查幫丁本年應領新運錢糧
內應扣還江南總局暨天津通濟及融借藩庫
各欸共銀十萬餘兩江西丁情素最疲乏若儘
數坐扣深恐辦運無資惟有請將本年冬應行

扣還六年借領天津道庫三限銀一萬三千四百三十兩零又七年借欠天津道濟二庫初限銀一萬九千五百五十九兩零在於司庫內動借解還所借銀兩請自明冬為始分作六年扣還歸款等情請

奏前來伏查天津道濟二庫銀兩原備北漕墊放之用必須依限解還惟各丁辦運竭蹶所欠各款力難儘數扣還臣細加體察委係實在情形

恭壽堂奏議

卷十一

五

合無仰懇

天恩俯念丁力拮据准於司庫內動借銀三萬二千九百九十兩零分別解還天津通濟二庫所借司庫銀兩請自道光九年冬分限六年在於各丁應領新運錢糧內坐扣還款俾疲丁辦運有資而天津通濟二庫亦不致乏項支放理合據情恭摺具

奏伏乞

皇上聖鑒內閣奉

上諭韓文綺奏幫丁前借天津通濟二庫銀兩請於司庫內動借解還一摺江西各幫重運漕船前於道光六年該幫丁借領天津道庫剝價飯米折價共銀四萬二百九十一兩零除已還初二限銀兩外今冬應扣還三限銀一萬三千四百三十兩零又七年分借領天津道庫及欠通濟庫失風米價等款共銀三萬九千一百一十九兩零今冬應扣還初

恭壽堂奏議

卷十一

五

限銀一萬九千五百五十九兩零茲據該撫查明該幫丁本年所領新運錢糧內尚有應扣江南總局及融借藩庫等款若儘數扣還恐致辦運竭蹶着照所請准其於司庫內動借銀三萬二千九百九十兩零分別解還天津通濟二庫所借司庫銀兩着自道光九年冬間為始分限六年在於各幫丁應領新運錢糧內坐扣還款該部知道



韓大中丞奏議

受業 崔光芬 編次
戈其遜

次孫泰 華敬錄

卷之十二

目錄

遵 旨查訊疏

提解交代銀款疏

恭壽堂奏議

卷一二

奏報起程疏

謝頌 聖訓疏

審擬崇義縣民李心适京控疏

遵 旨確查已革知縣貲財疏

訪獲假印人犯疏

請 旨革審疏

請將被控知縣解任疏

請將山場照舊封禁疏

提還生息錢文疏

已革知縣短交庫項疏

審明毒斃母命照例定擬疏

謝補授都察院左副都御史疏

請移建義倉疏

遵 旨審明定擬疏

拏獲張貼揭帖恐嚇村民疏

勘定石圍山疏

恭壽堂奏議

卷一二

籌議緝匪章程疏

附錄

列傳

墓誌銘

遵 旨查訊疏

奏為遵

旨查訊先將大概供情恭摺仰祈

聖鑒事竊 臣於八月二十七日承准軍機大臣字寄

欽奉

上諭據步軍統領衙門奏江西崇義縣民李心适呈

控邱佑助挾嫌率眾將伊叔李官廉等鎗傷等情

已明降諭旨交韓文綺督同臬司鄭祖琛審訊矣

恭壽堂奏議

卷十二

一

此案李心适所供有與李官廉同押班房之羅德明交出該縣班房押斃名單如果押斃一百餘名之多即應嚴叅懲辦邱佑助等如果有惑眾斂錢窩藏匪類之事該縣何以不行查拏且邱佑助等業已被控何以聽其抗不到案迨李官廉等身受鎗傷赴案何以轉將伊等看押任令門丁差役詐索銀錢始予保釋着該撫提集人證秉公嚴查確訊據實具奏等因欽此 臣查此案先據李心适族

叔李建陞赴都察院呈控咨解回江提到邱佑助等委審未結訊據李建陞供認係伊主使李心适赴京復控檢查李建陞前次控詞所稱押斃一百餘命並未指有羅德明交給名單已飭據該道府查稟該縣並無私設班房濫押斃命之事 臣以控關押斃多命且恐邱佑助等或實有窩匪不法別情復遴委贛州府通判王友沂前往密訪詳查並飭提羅德明等解質旋於十

恭壽堂奏議

卷十二

二

月十九日准將李心适及原呈遞解到省接據委員稟復訪查邱佑助等並無惑眾斂錢窩藏匪類實迹取有地保鄉耆人等甘結至該原告所呈押斃名單計一百一十一名吊查各卷內有命犯監斃及取保回家病故或於訊釋後外出或現傳赴案共有三十餘名均非押斃餘尚逐細確查先將羅德明等解省 臣督同臬司鄭祖琛訊據羅德明供無交給押斃名單邱佑助等

亦堅供並無惑眾斂錢窩藏匪類情事李官廉等僅認與唐滌光等互毆各受他物微傷惟李貴清李秀登被李運康點放竹銃致傷報縣驗明因案已稟府提訊分別交差看管飭醫旋因人證不齊保釋差役門丁並未索詐銀錢質之證見人等僉稱李建陞因爭奪墟場買賣致與邱佑助等結訟先自赴京呈控後又遣侄李心适續控各等供詰據李建陞又稱押斃名單係

恭壽堂奏議

卷十二

三

張矮三交給供詞支吾臣查李建陞呈控該縣班房押斃一百餘名情節最為緊要雖據查有三十餘名或存或故均非押斃其餘究竟有無其人曾否被押或有案據而姓名與原單互異必須澈底查明並一面飭提續據供出之張矮三與現訊人證確切嚴究該縣距省千餘里已飭委員飛速查提一俟質訊明確另行按例定擬合將查訊大概供情先行恭摺具

奏伏乞

皇上聖鑒奉

硃批虛心訊究務得確情慎防吏胥朦蔽

恭壽堂奏議

卷十二

四

提解交代銀欸疏

奏為各屬交代案內銀欸均已提解完結循例具
奏仰祈

聖鑒事竊照州縣交代每屆年終例應將結報清楚

各案有無徵存欠解銀欸奏報一次今據兼署

布政司事按察使鄭祖琛詳稱查江西省道光

八年分詳咨各屬結報交代清楚共計四十三

案凡有冊造徵存未解銀欸俱經按數提解完

恭壽堂奏議

卷十二

五

結並無存留屬庫未解之項等情開單請

奏前來臣覆核無異除將送到交代清單咨部覆

核外理合恭摺具

奏伏乞

皇上聖鑒奉

硃批知道了

奏報起程疏

奏為恭報微臣交護撫篆起程日期並委臬司兼
署藩司印務恭摺仰祈

聖鑒事竊臣於八年七月奏請

陞見欽奉

硃批着來見欽此嗣文武兩聞事竣因新任藩司富

呢揚阿尚未到任復經臣附片

奏明請俟該司到後交護撫篆再行起程仰蒙

恭壽堂奏議

卷十二

六

硃批知道了欽此茲藩司富呢揚阿業已抵任臣當

將地方情形及應辦事宜向富呢揚阿詳晰告

知所有緊要各件分別趕辦完竣於九年正月

初五日將江西巡撫關防同

王命旗牌等項委員齎交該司富呢揚阿暫行護理

至藩司印務臬司鄭祖琛才識明敏政事精詳

前委兼署藩篆辦理妥協堪以仍委兼署除檄

飭遵照外臣即於初八日起程趨赴

閱廷跪聆

恩訓理合恭摺具

奏伏乞

皇上聖鑒奉

硃批知道了

恭壽堂奏議

卷十二

七

謝頌 聖訓疏

奏為恭謝

天恩事竊臣抵京後據駐京提塘官捧到

欽頒

仁宗睿皇帝

聖訓一部當即叩頭祇領欽惟我

皇上道承

統緒

恭壽堂奏議

卷十二

八

治協光華稽

先聖之典章文昭經緯仰

一人之繼述

慕切羹牆洪惟

仁宗睿皇帝德敷四海

恩溥八埏

宏燾載以宜民

作君師而覺世

綸言煥發媿三謨二典之隆

彛訓昭垂括千聖百王之蘊

大經大法文明普被於寰瀛

丕顯丕承

紹衣勤思於夙夜克修

典則積百十卷以編摹敬繹

箴規徵億萬年之法守臣職膺疆寄識昧管窺蒙

寶錄之

恭壽堂奏議

卷十二

九

寵頒美矣麟炳炳覘

神樞之廣運大哉

蕩蕩巍巍

弁言著

俊愷之誠監

成憲而彌勤

乙覽

誥誠凜法廉之義拜

洪施而益勵寅恭所有臣感激下忱謹繕摺恭謝

天恩伏乞

皇上聖鑒

恭壽堂奏議

卷十二

十

審擬崇義縣民李心适京控疏

奏為遵

旨審擬具奏仰祈

聖鑒事竊臣承准軍機大臣字寄道光八年八月十

六日奉

上諭據步軍統領衙門奏江西崇義縣民李心适呈
控邱佑助挾嫌率眾將伊叔李官廉等鎗傷等情
已明降諭旨交韓文綺督同臬司鄭祖琛審訊矣

恭壽堂奏議

卷十二

十一

此案李心适所供有與李官廉同押班房之羅德
明交出該縣班房押斃名單如果押斃一百餘名
之多即應嚴懲辦邱佑助等如果有惑眾斂錢
窩藏匪類之事該縣何以不行查拏且邱佑助等
業已被控何以聽其抗不到案迨李官廉等身受
鎗傷赴案何以轉將伊等看押任令門丁差役詐
索銀錢始予保釋着該撫提集人證秉公嚴查確
訊據實具奏等因欽此並經步軍統領衙門奏奉

上諭此案着交韓文綺督同臬司鄭祖琛提集人證

卷宗嚴審按律定擬具奏原告李心适該部照例

解往備質欽此旋將李心适遞解到江臣遵提集

督審將所訊大概供情及先後委查緣由

奏奉

硃批虛心訊究務得確情慎防吏胥朦蔽欽此時臣

已交卸北上當於途次恭錄移知護撫臣富呢

揚阿欽遵辦理嗣據委員等稟復查李建陞呈

恭壽堂奏議

卷十二

十二

出押斃名單係一百一十一名續奉行查李心适
黏呈之單內除重寫四名計一百十四名茲復
逐一查點其曾經有案者共四十三名內命犯
監斃三名餘於保釋後或患病身故或現存在
家或因事外出各有保狀可憑此外七十一名
查無案據細加訪察實無押斃多命等情並委
據南昌府李本榆等訊供由司解審前來適臣
回任隨提齊人證督同臬司鄭祖琛隔別研訊

緣李建陞之祖李子禧等於雍正二年將坐落
上堡地方糧田蓋造房屋設立永興墟市嘉慶
十三年有吳作禮等與生員邱佑助堂兄邱佑
慶呈明縣府在相距永興墟三里地方合村公
設真和新墟相安多年後因真和生意較盛於
永興李建陞心懷不平道光五年正月李建陞
雇採茶戲班在墟酬神邱佑助等恐致匪徒乘
機剪竊稟縣示禁嗣李建陞等路遇向斤爭鬧

恭壽堂奏議

卷十三

十三

將邱祐助等毆傷控縣訊因爭墟起衅斷令買
賣聽從民便並將李建陞等責懲李建陞呈控
司道批府提訊仍照縣斷詳結邱佑助與真和
墟首事人等具帖通知商民赴墟貿易李建陞
恐被攔奪生意控府委勘兩無妨礙完案六年
三月十九日李建陞與李貴清等路遇向在永
興墟生理之唐隆光等改赴真和墟貿易斥責
互毆李貴清用竹挑將唐隆光等戳傷唐隆光

奪挑亦將李貴清並李官廉李秀登等戳傷逃
走李貴清李秀登追毆時唐隆光隣人李運康
攜帶竹銃打雀經過攔勸被斥順點竹銃嚇放
致砂子中傷李貴清右額角李秀登左手肱脛
控經該縣蔣叙倫驗傷稟府提審當將李官廉
等交差宋貴等在寓看管醫治李建陞懇宋貴
等給領不允吵鬧經劉組勸散旋因人證未齊
將李官廉等取保李官廉等謝給宋貴等飯食

恭壽堂奏議

卷十二

十四

洋銀三圓李建陞控經臬司暨臣批行訊究屢
傳要證未到致未訊結李建陞因永興墟生意
稀少總由添設真和新墟所致起意赴京呈控
冀圖革除新墟憶及真和墟旁邱佑助為首公
建許真人廟宇常有乞丐棲宿指為邱佑助等
惑眾斂錢窩藏匪類並因李貴清等被李運康
銃傷未見獲辦轉交差役看管即指為該縣聽
囑斃押並牽砌押斃多命各情做就呈詞封章

赴都察院衙門呈遞訊供當令自行開拆封章核與原呈無異咨解回江提省委審追問押斃多命確據李建陞無可指證因羅德明先曾談及張週庭因案避匿被差屢傳懷恨開有押斃百餘人名單欲控經張矮三勸止將單收存之事即藉查對名姓為詞令李官廉向借原單值張矮三外出經其妻周氏借給李建陞因李官廉等謝給差役飯食洋錢先未指控又因委員

恭壽堂奏議

卷十二

十五

詣勘時李心達失足跌傷候聞被邱佑助等圍毆邱佑助等尚未提到疑為抗延起意遣人赴京續控並知張週庭故後曾經其妻黃氏妄控押斃訊結有案將張週庭之名添入押斃單內仍照原情添砌丁役詐贓及邱佑助等當官圍殺抗不到案並黏張週庭捏寫押斃名單砌詞逼令族姪李心迨赴步軍統領衙門呈控奏奉諭旨解回訊悉前情臣以李建陞所控該縣班房押

斃百餘命一節最關緊要其黏呈名單原詞稱係羅德明交給迨提羅德明質訊改稱得自張矮三今張矮三又稱係張週庭捏寫欲控經伊勸止被李官廉取去恐係張矮三等飾詞諉卸並恐該縣或實有私設班房押斃多命吏胥串囑消弭情事再三嚴詰不特各供僉同即質之李建陞呈控被押多年指以作證之曾珠光等亦堅供並無被押之事且有控被押斃現據到

恭壽堂奏議

卷十二

十六

案之劉東海等活口可證似非串飾查李建陞所呈押斃名單並非自行捏造亦不知張週庭假捏意止取以作證尚非有心誣告其控烏鎗傷人丁役詐贓等款數事罪等今丁役詐贓各情雖經審虛均出有因李貴清等被斃致傷業已得實律得免罪惟呈遞封章控訴挾制自應照例問擬李建陞合依控訴事件呈遞封章挾制入奏如所告得實係平民照衝突儀仗妄行

奏訴加一等例發邊遠充軍李運康斃傷李貴清李秀登業已平復合依因事爭鬪擅將竹銃施放傷人例發雲貴兩廣烟瘴少輕地方充軍仍照名例以極邊四千里為限生員邱佑助訊無惑衆斂錢窩藏匪類情事取有保隣人等甘結第爭墟滋事即屬不守卧碑應斥革衣頂照不應重律杖八十張矮三既知張週庭捏造押斃名單欲控雖經勸止並不即時銷燬仍存家

恭壽堂奏議

卷十二

七

內致肇訟端縣差宋貴石松得受李官廉等飯食洋銀三圓雖非索詐均屬不合應與聽從借取押斃名單之李官廉隨同滋訟之李心達及並不查明率聽抱呈之李心适俱各照不應重律杖八十李貴清與唐隆光用竹挑互傷應各照他物毆人成傷律笞四十事犯到官在道光八年十一月初九日

恩詔以前李建陞呈遞封章李運康火器傷人均不

准援減李建陞據供孀婦獨子李運康據供親老丁單應確查是否屬實再行分別辦理其餘杖笞各罪均予援免邱佑助仍革衣頂宋貴石松仍革役李同亨等訊屬無干應免置議宋貴等所得洋銀照進入官永興真和兩墟定以每旬二五八日為開市日期按次輪開如遇歲時佳節通融貿易不得攔阻以杜後衅崇義縣知縣蔣叙倫並無聽囑延案及私設班房押斃多

恭壽堂奏議

卷十二

八

命之事惟於李官廉等受傷報驗並不拘犯取辜遽行交差看管亦有不合相應附叅聽候部議除將全案供招咨部外理合恭摺具

奏伏乞

皇上聖鑒勅部核覆施行奉

硃批刑部議奏

遵 旨確查已革知縣貲財疏

奏為遵

旨確查已革知縣蕭夢蘭原籍資財恭摺仰祈

聖鑒事竊臣於四月初一日承准軍機大臣字寄道

光九年三月十九日奉

上諭前據琦善奏參山東前任壽張縣丁憂知縣蕭

夢蘭虧缺正項銀九千餘兩當經降旨交該府尹

等將該革員寓所及原籍資產查封備抵茲據盧

恭壽堂奏議

卷十二

九

蔭溥等查明蕭夢蘭係祖籍江西高安縣寄籍大

興現在家屬俱在山東京中並無親族房產着琦

善韓文綺即將該革員寓所及江西原籍有無資

財隱寄再行確查備抵將此諭令知之欽此欽遵

當與藩司富呢揚阿臬司鄭祖琛密委因公

省之署廣信府通判清江縣知縣張涓馳往會

同該府縣嚴密確查茲據該委員等具稟該革

員蕭夢蘭祖居三十五都一圖地方遵卽密赴

該處查有該革員蕭夢蘭之父蕭元壽獨自在

籍別無家屬當將屋門封閉詳細檢查所有衣

物均屬破舊同當票逐一登記封貯訊據蕭元

壽供稱寄籍大興家屬俱在山東伊於道光八

年因子虧空回籍設措奈無處告貸在家逗遛

原籍止存祖遺土磚房屋四間地三分均無契

據又自置田二十一畝契在山東價銀若干記

不清楚此外別無資財及隱匿寄頓情事傳訊

恭壽堂奏議

卷十二

十

族隣人等僉供無異隨將房地田畝及衣物約

估共值銀二百餘兩由司核詳前來除飛咨山

東撫臣飭追田契咨江同房地衣物當票等項

確實估計造冊並此外有無隱寄訊取供結另

行咨部外所有遵

旨確查緣由理合恭摺具

奏伏乞

皇上聖鑒奉

硃批知道了

恭壽堂奏議

卷十二

三

訪獲假印人犯疏

奏為假印冒領庫銀犯賊全獲按例審擬仰祈
聖鑒事竊據臬司鄭祖琛於兼署藩司任內稟據長
寧縣具文請領養廉銀兩當經放給旋即查出
假印形跡訪係熊論言冒領飭拏將書吏人等
押發嚴究並據南新二縣訪同前由差拏潛匿
等情經前護撫臣富呢揚阿暨臣先後札飭嚴
拏據犯母熊黃氏繳贖呈首遣人指引差役將

恭壽堂奏議

卷十二

三

犯拏獲並獲夥犯徐友勝等委員訊明由司解
勘前來臣隨督同藩臬兩司逐一研審緣熊論
言籍隸南昌縣訓蒙度日有母舅黃家璧充當
藩司書吏道光八年熊論言失館閑居經黃家
璧雇令進署幫寫文冊旋因懶惰逐回十二月
間熊論言貧苦難度憶及在藩署時曾見檔案
有長寧縣未領廉銀適有攜回拆存長寧縣公
文廢封起意照刻假印冒領稔知漆匠徐友勝

素善刻字誑稱長寧縣託伊代領養廉因封套破損懇徐友勝仿照廢封印信雕刻假印以便換封蓋用投遞許給工銀四兩徐友勝貪利允從卽用木塊雕成交給熊論言捏造長寧縣文領混填差役徐升之名蓋用假印因自往投文恐人認識復向素識之劉時松誑稱長寧縣差徐升來省領銀患病難行央允劉時松頂名代領送給錢二千文劉時松隨赴藩署投文請領

恭壽堂奏議

卷十二

三

該署司核扣司庫墊款外應給銀四百二十三兩零照例搭放制錢九十六千零於十二月二十三日劉庫放給熊論言將領出制錢運赴婁宏宗錢店換銀九十兩當給徐友勝工銀四兩劉時松心疑盤詰熊論言料難隱瞞告知實情囑勿聲張分給銀六十兩熊論言自花用銀二十餘兩原領庫銀託言他人寄存交伊母熊黃氏收藏並將假印燒燬經該署司查出文領內

印信與該縣另文印信篆形稍異訪係熊論言冒領飭縣拏究並先經南昌縣等訪拏熊論言聞風畏懼向伊母據實告知逃往湖南攸縣妻父黃夫伸店內熊黃氏恐子問重罪代為呈首全繳贖銀指出換錢之店如數追起並據遣人隨同差役將熊論言獲解來江續獲徐友勝等審供不諱臣以熊論言先在藩署科房幫寫文冊自必串同該吏黃家璧冒領且徐友勝僅得

恭壽堂奏議

卷十二

四

些微謝資何肯代雕假印劉時松始則冒差投文領銀事後又復分贖顯俱知情同謀並恐此外尚有假冒別案再三研究熊論言堅供實止獨自假冒這一次如果黃家璧等知情串領焉有不將全贖俵分之理委無扶捏別情詰訊黃家璧等僉供不移似無遁飾查例載偽造諸衙門印信冒支錢糧者擬斬立決又偽造假印之案僅受些微價值代為私雕並無同謀分贖情

事以起意之人為首雕刻之人為從又聞挈投首之犯俱於本罪上減一等各等語此案熊論言起意私雕假印捏造文領冒領養廉按例應擬斬決係伊母代首律得如罪人自首法且賊已全獲亦與賠償准首之律相符應照例於死罪上減一等杖一百流三千里徐友勝聽從代雕假印僅受些微價值並無同謀分贓情事應照為從減首犯罪一等例杖一百流三千里劉

恭壽堂奏議

卷十二

五

時松訊止事後知情分贓應照知人強竊盜後而分贓者計所分贓准竊盜為從論竊盜贓六十兩為從減一等律杖六十徒一年免刺分別解配折責安置書吏黃家壁雖訊非同謀串領惟雇令匪徒進署幫寫文冊致滋事端應照不應重律杖八十折責革役婁宏宗黃天伸均訊不知情應免置議原領銀錢全數起獲歸還藩庫婁宏宗換給銀兩仍於熊論言等名下追給

假印已據銷毀無從查起此案匪徒假印冒領該署司鄭祖琛未能先事覺察例有處分惟係自行查出獲犯究辦相應聲明聽候部議除將全案供招咨部外理合恭摺具

奏伏乞

皇上聖鑒勅部核覆施行奉

硃批刑部議奏

恭壽堂奏議

卷十二

五

遵 旨革審疏

奏為捐納中書科中書被控毆斃人命請

旨革審仰祈

聖鑒事竊據奉新縣孀婦余劉氏遣夫弟余紹敏以

伊夫余紹寬自省回家路經新建縣地方被鄧

賢忠糾眾喝毆致斃鄧和之勾賄故出等情赴

都察院呈控奏奉

諭旨交 臣督訊定擬具奏等因欽此並准將控告余

恭壽堂奏議

卷十二

三

紹敏遞解到江 臣查鄧賢忠係捐納中書科中

書余紹寬被傷身死一案先據新建縣霍樹清

驗訊道光五年十一月初九日夜余紹寬患瘋

走失被鄧興才等細縛經鄧世信等勸釋曾被

熊德垣用烟袋頭毆傷右額角余紹寬後又走

入鄧啟瑞店樓被鄧賢忠等疑賊喊捕跑走不

知被何人毆斃等情詳請緝兇經 臣查核供情

支離批司飭訊屍妻余劉氏赴司暨 臣衙門指

控鄧賢忠等正兇復飭確究因人證未齊致未

訊詳迨初二叅限滿先後詳經咨叅旋據該縣

訪聞余紹寬係被鄧賢忠與工人周金盛等共

毆致斃鄧賢忠訊不承認周金盛等逃逸差掣

在案嗣提到人卷並掣獲周金盛解省委員訊

據周金盛供鄧賢忠屋旁有族人鄧啟瑞空閑

店屋那夜聽聞犬吠出看見店門已開余紹寬

潛匿店樓經伊拉下先被鄧賢忠朱駝子毆傷

恭壽堂奏議

卷十二

三

伊亦擔毆右脇等處逾時身死等供鄧賢忠供

止候毆左臂胸肱忽認忽翻飭掣朱駝子及被

控行賄之鄧和之未獲在場見毆要證帥先增

等亦俱外出無憑質定周金盛旋因患病身故

鄧和之自行投案訊據堅供並無賄囑情事茲

傳到帥先增鄧世興等供與周金盛原供大畧

相同提訊鄧賢忠供詞仍復游移質之屍弟余

紹敏等雖無可指證惟稱余紹寬向無瘋病聞

先因賭博後被鄧賢忠喝令毆斃各執一詞臣查鄧賢忠如果實無喝毆及起衅別情何致余紹敏等嘵嘵不服今鄧賢忠不特供未喝令即認毆左臂胸脰之傷亦甚閃爍顯係特符狡展且證佐人等俱係鄧賢忠族隣更難保無賄串避就情事相應請

旨將鄧賢忠中書科中書斥革以便澈底確切嚴審究辦為此恭摺具

恭壽堂奏議

卷十千

五

奏伏乞

皇上聖鑒訓示奉

硃批務要嚴行審訊按律定擬具奏另有旨內閣奉上諭韓文綺奏捐納中書科中書被控毆斃人命請革職審訊一摺此案鄧賢忠被控糾衆喝毆余紹寬斃命據屍弟余紹敏所供衅起賭博與該縣原詳余紹寬因瘋走失鄧賢忠疑賊喊捕情節不符現在鄧賢忠供詞狡展忽認忽翻一切證佐人等

俱係該犯族隣難保無賄串避就情事必須澈底根究以成信讞捐納中書科中書鄧賢忠着即行斥革交該撫親提嚴行審訊按律定擬具奏不准稍有枉縱該部知道

恭壽堂奏議

卷十二

三

請將被控知縣解任疏

奏為被控知縣請

旨解任質審仰祈

聖鑒事竊臣於四月十一日接准都察院咨據崇義

縣民人陳有端遣控告陳鴻化以陳有玠等私

設鐵廠挾嫌搶劫該縣因得受規禮彌縫不辦

並因陳慶得被陳慶雯等致死命案誣伊正兇

聳縣帶役圍孥焚燬房屋致將陳有祿燒斃差

恭壽堂奏議

卷十二

三

役郭洪等強姦婦女等情呈控具奏二月十一

日奉

旨此案着交富呢揚阿鄭祖琛親提人證卷宗秉公

嚴審按律定擬具奏控告陳鴻化該部照例解往

備質欽此並准將控告陳鴻化遞解到江時臣先

已自京回任遵卽行司飭提人卷來省伏查此

案先據崇義縣蔣敘倫驗訊陳慶得被傷身死

兇犯逃逸詳請通緝並據陳有端赴臣衙門呈

控陳有玠等挾仇焚搶批司飭府督孥詳辦旋

據該縣報獲陳有祿等解郡會同委員大庾縣

訊因聽從陳聲皓邀同往向陳慶得索欠爭鬧

與陳有端等亂毆致死錄供通詳陳有祿旋在

大庾縣監患病提禁身故陳有端復控經督臣

發道提審遞回贛縣在監病斃均據先後驗報

在案臣隨督同藩司富呢揚阿臬司鄭祖琛提

訊陳鴻化供與控詞無異據陳有玠供向賣鐵

恭壽堂奏議

卷十二

三

鍋生理俱係收買廢鐵鑄造並非私鐵亦無規

禮送縣係被陳有端等搶鐵妄控伊姪陳慶得

被陳有端等致傷身死脫逃報縣帶役往孥陳

有祿等放鎗恐嚇失火燒屋委非串差焚劫縣

差李瀧等亦堅供並無焚掠及與郭洪姦污婦

女情事實之案犯陳仁化陳朋化等僉供陳有

祿等因陳慶得命案聽聞陳有玠等多人來孥

嚇放空鎗陳有玠等亦放鎗抵禦致火散落草

堆延燒房屋經縣率同差役將伊等同婦女人等一並帶縣審訊後將婦女釋回等供臣以陳有玠等有無設廠鑄私鐵陳有端等被焚房屋幾間是否自行失火延燒抑被陳有玠等串差焚燬必須勘查明確業已遴委南昌府同知霍樹清前往履勘密查其被控強姦婦女之差役郭洪並所指致死陳慶得之陳慶雯及起衅爭毆之陳聲皓等同案內要證俱未解到催飭

恭壽堂奏議

卷十二

三

拘傳送案以憑澈底究辦查現訊原被人等各供參差均難憑信惟該縣蔣敘倫督拏命案逃犯何以率將婦女帶訊致多滋擾且被控得受私鐵規禮虛實尤當嚴究該縣先經委署贛縣自應解任質訊據藩臬兩司會詳前來相應請旨將署贛縣事崇義縣知縣蔣敘倫解任以便提同質訊辦理除委員接署查明倉庫錢糧有無未完另行核辦外謹會同大學士兩江督臣蔣攸

銛合詞恭摺具

奏伏乞

皇上聖鑒訓示內閣奉

上諭韓文綺奏被控知縣請解任質審一摺江西署贛縣事崇義縣知縣蔣敘倫督拏命案逃犯率將婦女帶訊致多滋擾且被控得受私鐵規禮虛實尤當嚴究蔣敘倫着解任交該撫提同全案人證秉公質訊按律定擬具奏

恭壽堂奏議

卷十二

四

請將山場照舊封禁疏

奏為山場間有鉛苗業經勘明照舊封禁先行據實覆

奏事竊臣於八月初八日承准軍機大臣字寄七

月二十六日奉

上諭御史王贈芳奏江西宜春縣石圍山間有銅鉛砂苗奸民妄思開採前經封禁今聞有上高縣生員陳泰來於上年八月赴提督衙門具呈開礦批

恭壽堂奏議

卷十二

五

咨江西巡撫查覆陳泰來回至江省輒敢以京控批准為名議定股分開採銀礦各府屬有受其愚弄捐資入股者自數百兩至數千兩等語奸民牟利惑眾最為地方之害該縣石圍山本經封禁豈可任其復行開採着蔣攸銛韓文綺迅飭該府縣嚴查禁止陳泰來赴京具呈指稱批准是否實有其事並現在曾否聚眾開挖着查明據實具奏至該御史奏稱萍鄉縣有葉絲冲山亦有礦苗着一

併飭為嚴切查禁勿許偷採等因欽此臣查袁州

府屬宜春縣石圍登佈裡山在郡城之西北距

城一百里該山有譚肇賢原買之二嶂賣與林

森經上高縣生員陳泰來給錢合管前於嘉慶

二十五年道光元年據譚肇賢林森等先後以

該山產有鉛苗呈請開採均經勘明封禁並設

卡派兵巡查道光七年陳泰來呈經督臣咨臣

復飭勘禁陳泰來又於上年赴提督衙門呈請

恭壽堂奏議

卷十二

六

試採咨交勘明辦理臣以該山歷經封禁乃陳泰來屢呈不休若非確切勘查嚴申例禁不足以絕其覬覦之心且恐有勾引偷採情事行據兩司詳委饒州府知府方傳穆南昌府同知霍樹清會同該府縣逐一履勘旋據詳稱該山遍植樹木並無鉛礦透露亦無私挖形跡試驗間有鉛砂並不暢旺且山之附近多有居民房屋田畝例本不准報採當經遍加曉示請將該山

並毘連之松樹壁等山概行封禁等情臣復嚴飭一體示禁並以前定巡防章程如何再加周密永垂久遠正飭兩司妥議核辦間欽奉

諭旨查禁遵卽敬謹轉行並飭提訊陳泰來如果指稱京控批准議定股分牟利惑眾必當澈底究辦一面飭將萍鄉縣之葉絲冲山嚴切查禁勿許偷採除俟查訊明確並酌議巡防事宜會同督臣另行定擬具

恭壽堂奏議

卷十二

三七

奏外合將登佈裡山照舊封禁現在並無聚眾開挖緣由先行據實奏

聞伏乞

皇上聖鑒奉

硃批知道了

提還生息錢文疏

奏為錢局原借司庫錢文生息津貼期滿提還歸款奏祈

聖鑒事竊照江西寶昌局爐頭匠役額支工料錢文不敷當經前撫臣瑞 籌請動借司庫錢三萬串發商按月一分生息每年以二千串津貼不敷工料以一千六百串作本逐年遞加生息俟八年後提還原借司庫錢三萬串計可餘息錢

恭壽堂奏議

卷十二

三八

一萬九千六百七十九串零永遠生息以供津貼等情奏奉

硃批依議欽此欽遵嗣因每年津貼錢二千串尚屬不敷復捐添錢四百串以資辦公在案今據署藩司富呢揚阿鹽法道齊嘉紹會詳稱寶昌局前借司庫錢文以道光元年三月初八日發商生息起扣至九年三月初八日期滿當將所借錢三萬串提歸司庫所有息錢除按年按

卯津貼外原奏餘息一萬九千六百七十九串零之數未曾核算閏月今併計共存息錢二萬二百二十一串零應請仍照原議將此項錢文作本交商每年可生息錢二千四百二十六串零以二千四百串津貼不敷工料遇閏一律增給尚餘錢二十六串零解司充公仍飭將各商領結送查並責成南昌府同知按月收取不致延欠將收放數目按年造冊報銷並將捐添之

恭壽堂奏議

卷十二

三九

錢停止等情請

奏前來臣查寶昌局原借司庫發商生息錢三萬串屆值八年期滿業經提還歸欵所有息錢仍作本生息每年以二千四百串津貼爐匠遇閏增給餘錢解司充公該錢局得此調劑則工料無虞竭廢經費可計久長於辦公洵有裨益除飭局員實力經理並咨部外理合恭摺具

奏伏乞

皇上聖鑒奉

硃批戶部知道

恭壽堂奏議

卷十二

四十一

已革知縣短交庫項疏

奏為已革擬徒知縣短交庫項審明定擬恭摺具奏仰祈

聖鑒事竊照前任興國縣知縣陸以濟於候際清贖罪舞弊案內奉

旨解京歸案質訊問擬滿徒發配順天通州安置因交代未清咨提來江核算陸以濟短交地丁捐雜各款共銀九千八百八兩零據該管府道由

恭壽堂奏議

卷十三

聖

司揭報經臣咨部先行掣問一面飭司查抄省寓資財暨咨浙江撫臣查封該革員原籍家產覆江備抵並飭提丁胥人等來省訊係由水路起解錢糧在贛縣天柱灘地方遭風壞船沉失銀兩挪款補解等語是否屬實必須行查勘訊咨部展限在案茲據署贛縣知縣蔣敘倫勘明該縣天柱灘地方險要平時灘高濶急如遇狂風暴雨人力難施道光四年三月初間興國縣

起解錢糧至被遭風壞船有漁戶郭二仔撈救傳訊屬實錄供繪圖申復又據興國縣知縣程儒林申稱陸以濟實短交徵存二三四等年地丁銀四千八百七兩七錢零其餘欠交銀三千三百一兩三錢零並接前任甄別已故知縣夏璜漏交銀一千六百九十八兩九錢零共銀五千兩零均係本省捐攤雜款係歷任入於交代案內流交並無應行解部之項經書賴恒榮久

恭壽堂奏議

卷十二

聖

已病故將其餘應訊書差人等解省委員訊擬由藩臬兩司解審前來臣親提研鞫緣陸以濟祖籍浙江桐鄉縣寄籍烏程縣由監生捐納知縣選授江西興國縣知縣於道光三年九月到任四年三月初五日陸以濟將徵存三年地丁正耗銀四千六百一十五兩四錢零元年地丁正耗銀二千一百七十三兩二共銀六千七百八十八兩四錢零分批專差家丁左福銀匠羅

升差役鍾貴古亮管解陸以濟因圖省便雇船由水路解赴藩庫投兌初七日行抵贛縣所轄之天柱灘陡遇狂風暴雨灣泊不及將船碰翻入銀落水經漁戶郭二仔將人救起銀兩沉溺鍾貴等趕回報知陸以濟親詣勘明雇人撈獲銀一千九百兩餘銀四千八百八十八兩四錢零水漲湍急沖失無獲陸以濟當以水路解銀係屬違例遭風沉失總須賠補未經具報旋因

恭壽堂奏議

卷十二

四三

催解緊急先後挪移徵存二三四等年地丁銀四千八百七兩七錢零又自湊銀八十兩六錢零賠解原冀陸續彌補閏七月內因候際清索卸事解京未及補苴經接任知縣程儒林查出詳經咨提陸以濟解江筭明揭報咨部掣問研訊各供前情不諱臣以陸以濟所供起解錢糧遭風壞船沉失銀兩並未詳報焉知非侵欺入已捏詞掩飾嚴加究詰矢口不移查該贛縣送

到訊取撈救之漁戶郭二仔供結與各供吻合案無遁飾查例載挪移庫銀五千兩以下者仍照律擬雜犯流總徒四年又律載二罪俱發以重者論各等語此案陸以濟前在興國縣任內欠交歷任入於交代案內及已故前任夏璜漏交捐雜款項共銀五千兩零例不計罪現經查訊明確均係本省捐雜之款陸以濟既無力完繳自未便與正項錢糧一律查辦應請於本省

恭壽堂奏議

卷十二

四四

另籌歸補以清款項所有陸以濟挪移庫銀四千八百七兩七錢零除查封寓所衣物估變及追繳所當衣物餘銀共四兩二錢零備抵外寔未完銀四千八百三兩零按例應擬總徒其因候際清贖罪舞弊案內先行解任解京審擬滿徒甫經發配即咨提來江審辦自應歸於此案從重問擬陸以濟合依挪移庫銀五千兩以下仍照律擬雜犯流總徒四年例總徒四年雖事

犯在道光八年十一月初九日

恩詔以前不准援減照例監追俟年限滿日有無完

繳分別辦理庫書郭才光戶書陳彩廷賴恒榮

於本官挪移庫項並不稟阻應各照不應重律

杖八十事在

赦前應請援免仍革役賴恒榮業已病故應毋庸議

家丁左福差役鍾貴古亮押解銀兩遭風沉失

並無典守不慎均免置議陸以濟寓所資財當

恭壽堂奏議

卷十二

四十五

經查封變抵並准原籍浙江查明陸以濟止有

公共房屋什物別無資財產業及隱寄情事取

結咨覆仍咨浙江將陸以濟應分公共房屋什

物變抵另報除供招咨部外理合恭摺具

奏伏乞

皇上聖鑒勅部核覆施行奉

硃批刑部議奏

審明毒斃母命照例定擬疏

奏為被逼取砒致母服毒斃命審明照例定擬恭

摺具

奏仰祈

聖鑒事竊照南城縣民饒錦盛以伊母劉氏被族人

饒錦玉毆傷額顱等處身死報經該縣張玕驗

明劉氏額顱左眼胞各有磕傷牙根青色口開

用銀針探入取出青黑色兩手心等處均青色

恭壽堂奏議

卷十二

四十六

係受傷後服毒身死核與報呈不符拘集人證

究出劉氏因向饒錦玉借欠該族公項錢文未

還被索爭鬧失跌磕傷該氏抱忿起意服毒圖

詐逼令伊子饒錦盛取砒自行吞服身死等情

由府審明因案情重大將犯證卷宗押解來省

委據南昌府督審定擬由臬司解勘前來臣親

提犯證研鞫緣饒錦盛係劉氏次子其父早故

與凡饒錦幅分居劉氏向同饒錦盛居住與族

人饒錦玉昆隣本年七月間饒錦玉等因合族
祖墳坍塌商議將公存祭田一段賣錢五十二
千文擇日修墳劉氏因貧苦難度向饒錦玉於
公項內暫借錢十二千文應用屢討未還八月
十二日上午饒錦盛出外工作劉氏赴饒錦玉
家閑坐饒錦玉索討前欠劉氏以錢係公項不
應逼索饒錦玉斥責賴債稱欲稟官究追劉氏
吵鬧趕毆失跌磕傷額顛左眼胞經饒錦成勸

恭壽堂奏議

卷十二

哭

散劉氏哭泣走回忿恨莫釋迨饒錦盛回家告
知前情並稱藏有毒鼠砒末一包伊已年老無
用不如服毒往饒錦玉家自盡圖詐可以得錢
棺殮免還欠項逼令饒錦盛尋取砒末饒錦盛
向勸劉氏聲言如不允從即行撞死饒錦盛被
逼無奈尋出砒末交給冀圖暫順母意再行勸
阻詎劉氏接砒開看當即吞入口內順取桌上
冷茶送服饒錦盛攔阻不及劉氏即趕往饒錦

玉家維時饒錦玉與妻鎖門外出探親不能進
去經饒錦盛勸回劉氏毒發嘔吐不止適饒錦
盛之嫂鄔氏路過進看查問劉氏告知自行起
意服毒逼令取砒緣由經饒錦盛與鄔氏將劉
氏扶至床上一同灌救無效至十三日早殞命
鄔氏哭泣饒錦盛因伊母原欲向饒錦玉賴欠
訛詐服毒身死嚇禁鄔氏不許聲張即捏稱伊
母被饒錦玉毆死投保報縣經縣驗明究出前

恭壽堂奏議

卷十二

哭

情解省審供不諱詰無從旁聳恧調藥加功情
事查饒錦盛因母劉氏借欠不還被饒錦玉片
責失跌抱忿起意服毒詐賴該犯向勸不允被
逼無奈取砒交給原冀暫順母意再行勸阻不
期劉氏即時吞服以致毒發斃命尚非有心致
死其母惟倫紀攸關自應照律問擬饒錦盛合
依謀殺母已死者凌遲處死律凌遲處死請
旨定奪饒錦玉並無毆打情事第索欠口角致釀人

命地保李顯失於查察隨同混報均照不應重
律杖八十各折責發落饒錦幅先期外出並不
知伊母毒斃情事後經查知即行赴縣供明應
與灌救不及後被嚇禁聲張之鄔氏均免置議
劉氏所借田價身死勿徵除供招咨部外合將
審擬緣由恭摺具
奏伏乞

皇上聖鑒勅部議覆施行奉

恭壽堂奏議

卷十二

四九

硃批刑部速議具奏

謝補授都察院左副都御史疏
奏為恭謝

天恩仰祈

聖鑒事竊臣承准軍機大臣字寄欽奉

上諭岳良前經補授江西布政使本日已有旨將吳

光悅補授江西巡撫韓文綺補授都察院左副都

御史現在吳光悅由京赴任尚需時日岳良接奉

此旨着迅速前赴新任護理江西巡撫篆務韓文

恭壽堂奏議

卷十二

五

綺俟岳良抵任接印後再行來京供職等因欽此

伏念臣受

恩深重疊任封圻方以叢積愆尤彌滋悚懼茲復奉

命補授都察院左副都御史荷

生成之逾格實欽感以難名臣惟有益矢奮勤勉竭

心力以冀近承

訓諭稍報涓埃現將經手事件趕緊清理一俟岳良

到江接護巡撫篆務臣即起程北上所有微臣

感悚下忱理合繕摺恭謝

天恩伏乞

皇上聖鑒

恭壽堂奏議

卷十二

三

請移建義倉疏

奏為省城義倉穀石買有成數議請移建採買恭

摺仰祈

聖訓事竊照江西省城建設義倉每年於鹽務公費

項下動支銀八千兩按照時價買穀貯倉先經

奏蒙

恩准逐年採買

奏報在案查自道光五年起及本年應買共已貯

恭壽堂奏議

卷十二

三

穀四萬一千餘石自應酌籌分貯各郡以廣儲

備飭據藩臬兩司鹽道會議詳稱江西十四府

州內贛州距省較遠所屬一廳八縣地方遼濶

戶口殷繁山多田少民鮮蓋藏應請照每年收

買之數先於贛郡建倉買貯次及他郡以期周

徧移准贛南道轉據該府縣議請建倉十六間

可貯穀二萬餘石建倉公費及置備什物共估

需銀二千六百兩並於鹽務充公項下動支等

情詳請具

奏前來臣查義倉之設原為先事籌備贛郡產穀本以生齒日繁郡城向有關義倉貯穀無多今此項義穀應即自道光十年為始移至贛郡採買先建倉廩所需工費即於鹽務公費項下動給責成贛南道督飭贛縣妥辦每年於秋收後領銀買穀一切收放各事宜均照省倉章程辦理仍令藩司鹽道隨時稽查於核銷鹽務公費

恭壽堂奏議

卷十二

五

案內由撫臣按年

奏報俟贛郡買足三年再於他郡酌量次第照辦庶公項不至虛糜

皇仁益昭普被似於通省積貯大有裨益是否有當理合恭摺具

奏伏乞

皇上聖鑒訓示遵行奉

上諭韓文綺奏省倉穀石買有成數請移建採買一

摺江西省城建設義倉每年於鹽務公費項下支銀八千兩按照時價買穀貯倉據該撫查明自道光五年起至本年共已貯穀四萬一千餘石請分貯各郡先於贛州府建倉買貯次及他郡以期周徧着照所請所有此項義穀准其自道光十年為始移至贛郡採買先建倉廩所需工價銀二千六百兩着於鹽務公費項下動給責成贛南道督飭贛縣妥辦每年於秋收後領銀買穀一切收放各

恭壽堂奏議

卷十二

五

事宜均着照省倉章程辦理該撫仍飭藩司鹽道隨時稽查於覈銷鹽務公費案內由該撫按年奏報俟贛郡買足三年再於他郡酌量次第照辦以資積貯該部知道

導 旨審明定擬疏

奏為遵

旨審明定擬恭摺具

奏仰祈

聖鑒事竊照奉新縣孀婦余劉氏遣夫弟余紹敏以

伊夫余紹寬自首回家路經新建縣地方被鄧

賢忠糾眾喝毆致斃鄧和之勾賄故出等情控

經都察院具奏奉

恭壽堂奏議

卷十二

五五

旨此案着交韓文綺督同臬司與科親提人證卷宗

秉公研訊明確按律定擬具奏抱告余紹敏該部

照例解往備質欽此並准遞解余紹敏到江經臣

查卷集訊鄧賢忠恃符狡展

奏請革審欽奉

上諭中書科中書鄧賢忠着卽斥革嚴行審訊按律

定擬具奏不准稍有枉縱等因欽此遵卽飭提人

證隔別嚴訊初猶扶同捏飾復經反復開導甫

據供出鄧賢忠之子鄧達湘與余紹寬賭博輸

錢余紹寬向索起衅被鄧賢忠與周金盛等共

毆致斃並緝獲餘人朱駝子等委員質明由司

解勘前來 臣督同臬司鄭祖琛逐一研鞫緣鄧

賢忠籍隸新建縣捐納中書科中書分發行走

告病回籍雇周金盛在家傭工與奉新縣人余

紹寬素不認識余紹寬與弟余紹敏各在省城

店舖幫夥道光五年十一月初九日余紹寬攜

恭壽堂奏議

卷十二

五六

帶銀五兩錢一千文回家下午時分路遇新建

縣喬樂地方至熊德武茶店吃茶時鄧達湘並

鄧興才鄧世信鄧世華胡窮鬼熊德康及在逃

之鄧世萬先在店內閑坐向余紹寬問知姓名

一同坐談鄧興才起意擲骰賭博余紹寬與熊

德武等允從熊德武取出舊存骰子因店內來

往人多同至附近之閩希夷家許給頭錢向借

空屋擲賭有熊德垣挑賣點心走至在旁觀看

鄧達湘旋輸欠余紹寬錢四千文央熊德武擔承與鄧世華先各走回余紹寬同鄧興才等賭至夜間散場閱希夷抽得頭錢一百六十文余紹寬將攜帶銀錢輸完尚欠鄧興才錢二千三百文欲將鄧達湘欠錢作抵鄧興才不允將余紹寬衣服剝下用繩細縛兩手拉至熊德武店內將衣服交店夥鄧興二官收存令余紹寬還錢取衣經鄧世信等解放縛繩余紹寬邀同鄧

恭壽堂奏議

卷十二

五七

世信鄧世萬胡窮鬼熊德康同往鄧賢忠家索討賭欠鄧賢忠以夜深無錢約俟次日償還余紹寬不依吵鬧鄧世信等與鄧賢忠工人周金盛並朱駝子解勸余紹寬一並辱罵鄧賢忠順取木梢毆傷余紹寬右臂膊左臂肱胹鄧世信用竹梢毆傷其左肩甲右胎膊右臂肱胹胸膈右右腰眼並兩脚面余紹寬接住竹梢拉奪朱駝子用石塊毆傷其右額角余紹寬兩脚亂踢

鄧世萬用木棒毆傷其兩膝連兩肱胹並左臂肱胹跑開余紹寬拾石向擲周金盛攜取木擔毆傷其左肋余紹寬用石撲打周金盛舉擔連向嚇毆適傷其右後肋倒地經隣居職員鄧啟桐及鄧世興等聞鬧先後出勸詎余紹寬傷重旋即殞命鄧賢忠畏罪起意移屍令周金盛朱駝子鄧世信鄧世萬胡窮鬼熊德康將屍擡放鏹崗山下田內囑勿聲張各散十二日屍弟余

恭壽堂奏議

卷十二

五八

紹敏亦自省回知余紹寬尚未到家出外訪尋走至熊德武店內向鄧興二官查問鄧興二官恐說出賭博致令店主受累捏稱初九日有一人不知何故被鄧興才等剝衣細縛至店經鄧世信等解放走去並將余紹寬衣服給令認明收回十四日有熊功之路遇見屍告知余紹敏往看報經前任新建縣霍樹清驗明傳到鄧賢忠鄧興才鄧世信鄧世華熊德垣鄧興二官鄧

啟桐等查訊鄧賢忠捏供余紹寬患瘋走失經鄧興才等網縛勸釋後又走入伊族隣鄧啟瑞空門店樓伊疑賊喊捕跑走不知被何人致斃並以供出實情均須問罪囑令鄧興才等一同照供將周金盛藏匿在家不令赴案熊德垣因霍樹清追問屍傷畏懼混認先用烟袋頭毆傷余紹寬右額角據供通詳緝兇經臣暨臬司查核供情支離批飭確訊屍妻余劉氏赴司暨臣

恭壽堂奏議

卷十二

五九

衙門呈控復飭研究鄧賢忠等堅供如前嗣因初二叅限滿先後詳經咨參旋據該縣訪聞余紹寬係被鄧賢忠與周金盛等共毆致斃鄧賢忠訊不承認差緝周金盛等無獲無憑質定時鄧賢忠族叔鄧和之因與戲班爭論戲價被控曾信託已故縣差熊瑞調處情愿將價找給信內寫有需用若干字樣余劉氏聞知疑係賄囑書差舞弊脫兇一並列入詞內令夫弟余紹敏

赴京呈告經都察院具奏奉

旨解回審辦緝獲周金盛訊認擔毆余紹寬左肋右後肋倒地身死周金盛旋在監病故鄧賢忠恃符狡展奏奉

上諭革審究出前情各供不諱詰非預謀有心欲殺亦無賄囑別情復加嚴究不特鄧賢忠等堅供不移即屍弟余紹敏等亦輸服無詞似無遁飾查已死余紹寬被毆等傷惟寢後被周金盛擔

恭壽堂奏議

卷十二

六

毆致命右後肋為重應以周金盛擬抵周金盛合依共毆人致死下手致命傷重者絞律擬絞監候業於取供後病故應毋庸議已革中書鄧賢忠因余紹寬向索伊子賄欠首先爭毆迨余紹寬被伊工人周金盛等致傷身死並不即時捕告將周金盛藏匿在家復令鄧興才等捏供延案自應照例問擬鄧賢忠除在場共毆及起意移屍罪止杖責卽主使證佐不言實情亦罪

止滿徒各輕罪不議外合依知人犯罪事發官司差人追喚而藏匿在家不行捕告律於周金盛死罪上減一等杖一百流三千里鄧興才始則糾賭肇衅繼因余紹寬賭輸剥衣細索致釀人命情類兇惡鄧興才應照棍徒生事行兇無故擾害良人擬軍例量減一等杖一百徒三年熊德武出有賭具訊係舊存合依賭博不將造賣之人供出即將出有賭具之人照販賣為從

恭壽堂奏議

卷十二

空

例杖一百徒三年鄧世信同賭共毆移屍均罪止枷杖其聽從鄧賢忠捏供應照證佐不言實情律於滿徒上減一等杖九十徒二年半閔希夷照偶然會聚開場窩賭抽頭無多例枷號三個月杖一百鄧世華先雖到案不知致死人命情由並非聽從捏供胡窮鬼熊德康聽從移屍係屬輕罪不議應均與同賭之鄧達湘依賭博不分兵民枷杖例各枷號兩個月杖一百朱駝

子依餘人律杖一百熊德垣說明先未毆打與鄧興二官及聞鬧出勸先回之鄧啟桐亦均不知毆斃人命惟到案不將賭博供出究有不合應各照不應重律杖八十該犯等事犯到官在道光八年十一月初九日

恩詔以前鄧賢忠逞兇刀狡似應不准援減第係職官恭候

欽定鄧興才能德武鄧世信所得徒罪應各減為杖

恭壽堂奏議

卷十二

空

一百閔希夷鄧世華熊德垣鄧興二官鄧啟桐枷杖各罪均予援免鄧啟桐係屬職員並免收贖胡窮鬼熊德康鄧達湘朱駝子俱到官在後鄧達湘犯賭時年僅十五照律收贖餘俱分別照擬枷責發落屍妻余劉氏所控伊夫被毆身死業已得實餘控各情亦出有因應與訊無行賄舞弊幫毆之鄧和之等及救阻不及之見證鄧世興等均免置議無干省釋鄧興才等所贏

余紹寬銀錢及閔希夷抽得頭錢追出入官鄧
達湘所輸錢文係屬虛賬免其着追賠具數子
並兇器據供丟棄均免查起逸犯鄧世萬飭緝
獲日另結鄧賢忠捐照追出另行咨銷鄧和之
被控另案因原告外出不到已照例註銷應毋
庸議此案前任新建縣霍樹清初審不實嗣已
自行訪出實情先後飭差丁役協同拏獲正從
各犯證究辨與始終未經察覺者不同應免置

恭壽堂奏議

卷十二

三

議所有失察賭博又存留賭具各職名文職係
前任新建縣陞任南昌府同知霍樹清相應附
參聽候部議武職職名查取另參除全案供招
咨部外合將審擬緣由恭摺具

奏伏乞

皇上聖鑒勅部核覆施行奉

硃批刑部議奏

拏獲張貼揭帖恐嚇村民疏
奏為拏獲張貼揭帖恐嚇村民之會匪首從各犯
提首審辦先行恭摺具

奏仰祈

聖鑒事竊照南贛一帶向有會匪節經諄飭地方文
武各官隨時訪拏茲據贛南道薩興阿署南安
府朱楣上猶縣羅璋燦稟報訪聞上猶縣地方
有匪徒結會並匿名揭帖恐嚇居民之事先經

恭壽堂奏議

卷十二

四

該縣羅璋燦訪獲鄒學洪黃世祥訊據供與在
逃之吳潮文等均入添弟會因黃世祥同藍曰
謨赴趙茂源店內賒酒不允爭鬧打毀什物被
街隣將藍曰謨網送中途脫逃嗣藍曰謨取出
揭帖底稿稱係吳潮文照會內流傳語句隨意
編寫令鄒學洪照謄蓋用舊存模糊木戳央不
知情費菜之黃潤生攷暗貼墟牆意在恐嚇村
民不敢再拏並無不法別情已聞拏燒燬並

據族隣細送黃潤生攷到案訊因素不識字被誘張貼委非知情入會等供查揭帖所寫多係添弟會內流傳俚語不成文理內有若煩惱了我弟兄大惱光山不太平等句殊屬狂悖該署府親詣查辦並經道鎮派委員弁會督嚴拏臣接據稟報當即飭司遊委南昌府同知霍樹清坐補義寧州知州雷學淦馳往確查續據稟獲藍曰謨吳潮文並曾瑞銓陳亞四即陳文盛蕭恭壽堂奏議

卷十二 五

瑞郭文秀何烈萬李狗妹攷及曾瑞銓之子曾兆元等研訊拜會情由與鄒學洪等所供大畧相同惟編造揭帖吳潮文堅不承認與藍曰謨鄒學洪等互相推賴餘犯或僅認拜師入會或並不認拜會均稱不知編造揭帖情事先後搜查各犯家內別無不法字跡及違禁器械犯已即時全獲居民照常安謐等情臣查該犯等均係會匪膽敢張貼揭帖語涉狂悖顯有不法重

情夥黨亦斷不止此數仍嚴飭該地方文武及委員再行密訪嚴拏毋使漏網獲犯已據該臬司鄭祖琛稟經提省並委員弁迎提除俟解到澈底嚴切根究實係何人起意編造揭帖如何拜會實有同夥若干分別首從盡法懲辦勿任稍有隱飾外合先恭摺奏聞伏乞

皇上聖鑒奉

恭壽堂奏議

卷十二 六

殊批另有旨

勘定石圍山疏

奏為勘審定擬恭摺仰祈

聖鑒事竊准軍機大臣字寄奉

上諭御史王贈芳奏江西宜春縣石圍山間有銅鉛砂苗奸民妄思開採前經封禁今聞有上高縣生員陳泰來於上年八月赴提督衙門具呈開礦批咨江西巡撫查復陳泰來回至江省輒敢以京控批准為名議定股分開採銀礦各府屬有受其愚

恭壽堂奏議

卷十二

空七

弄捐貲入股者自數百至數千兩等語奸民牟利惑眾竄為地方之害該縣石圍山本經封禁豈可任其復行開採着蔣攸銛韓文綺迅飭該府縣嚴查禁止陳泰來赴京具控指稱批准是否實有其事並現在曾否聚眾開挖着查明據實具奏至該御史奏稱萍鄉縣有葉絲冲山亦有礦苗着一並飭屬嚴切查禁勿許偷採等因欽此查上高縣廩生陳泰來先於道光七年以宜春縣登佈裏山

產有礦苗赴 臣蔣攸銛衙門呈請開採當經批

飭並咨會 臣韓文綺查明封禁陳泰來復於上

年呈經步軍統領衙門咨江勘辦業已委員勘

無鉛礦透露且附近多有民房田畝則不准報

採照舊封禁正在會議巡防事宜欽奉

諭旨飭查禁止經 臣韓文綺當將業經封禁緣由先

行覆

奏在案 臣等以陳泰來迭次具呈開礦必有藉端

恭壽堂奏議

卷十二

空八

惑眾愚弄捐貲情事飭提陳泰來等來省訊究一面遴委瑞州府銅鼓營同知文炳前詣萍鄉會同該府縣勘明葉絲冲山即葉絲坑山曾於嘉慶二十五年縣民楊毓瑞等偷挖礦土訪拏解省訊擬封禁現在查無鉛苗透露偷採情事繪圖稟覆並據南昌府知府李本楡等提訊陳泰來據供宜春縣登佈裏山係已故譚肇賢原買之業轉賣與林森經伊給錢合管因山內產

有礦苗譚肇賢林森與伊先後在本省呈請開採歷勘封禁伊圖試採漁利是以赴京呈請因恐不能聳准捏砌府縣勘無妨碍等語至伊僅向親友金錦輝劉訥吉羅作棟先後共借銀七百三十兩為進京盤費安家等項之用均有借約京控回江後並沒指稱批准議定股分愚弄人捐貲的事林森同羅作棟等均不知情等供詰訊羅作棟等吊驗借約賬簿均屬相符並以

恭壽堂奏議

卷十二

六九

如有被其愚弄捐貲入股者許即首明准其免罪追銀給領出示招告亦無舉首之人所供似屬可信照律議擬由兼署藩司按察使鄭祖琛核詳請

奏前來臣等查陳泰來雖據究無愚弄捐貲入股惑眾情事但屢請試採封禁山場已屬不守臥碑乃將原勘有碍民居田廬之山捏作勘無妨碍殊屬呈控失實陳泰來應斥革廩生照申訴

不實律杖一百事犯到官在道光八年十一月初九日

恩詔以前應請援免仍革去廩生不准開復生員林森同借銀之羅作棟等均不知陳泰來京控情事應免置議陳泰來借欠各銀飭令自行清理宜春縣所轄登佈裏及昆連之松樹壁韓婆地棚卜裏等山並萍鄉縣管轄之葉絲坑山概行永遠封禁不准開採登佈裏山原建卡房二間

恭壽堂奏議

卷十二

七

足資棲息應由縣府及黃圃司巡檢太平關外委各派兵役二名葉絲坑山原建卡房一間恐難周密應添建一間亦由縣府並安樂司巡檢萍鄉營把總各派兵役二名分駐各卡晝夜防守由縣府捐給飯食按月更替責成各巡檢暨外委把總就近隨時巡察仍由各該縣按旬親歷周巡並令本管之袁州府及袁臨協副將每月輪查結報如有匪徒偷窺情弊立即嚴拏照

例懲辦似此嚴定章程庶奸民無從覬覦地方
益增靜謐是否有當合將臣等會議緣由謹合
詞恭摺具

奏伏乞

皇上聖鑒訓示施行

恭壽堂奏議

卷十二

三

籌議緝匪章程疏

奏為籌議緝匪章程恭摺仰祈

聖鑒事竊臣等接准部咨欽奉

上諭御史王贈芳奏會匪鹽梟蔓延滋害請飭捕勦
一摺會匪鹽梟最為地方之害據該御史奏江西
吉安府屬泰和萬安等縣向為私梟出沒之所加
以會匪繁多與私梟合而為一或名添弟會或名
添刀會又稱千刀會均自南贛延入吉安其初猶

恭壽堂奏議

卷十二

三

知畏法近來黨羽日多地方官懼滋事端惟思苟
且調停即釀成巨案猶復一味姑息草率了結甚
有鄉勇挈獲送官之匪徒仍從寬免縱之歸家似
此選懦因循化大為小不過規避處分而縱匪養
奸為害日深必應明定考成以靖地方而安良善
着蔣攸銛韓文綺通飭所屬各就地面嚴密緝緝
遇有此項匪徒立即弋獲明正典刑毋稍輕縱沿
河添設巡船專捕劫盜盡法處治其實由挾制入

會者取具族隣切結准其自首若能縛送積惡首
匪仍予重賞其匪徒繁多之處責成明練有為之
員撫勦兼施毋許稍有諱飾如果實力奉行地方
肅清舊任准免處分新任卽予擢遷倘有仍前將
就了事者立卽嚴行叅奏加等懲處不稍寬貸欽
此仰見

聖明訓示精詳務使閭閻綏靖之至意臣等遵卽恭
錄行司轉行各屬一體欽遵伏查江西南贛一

恭壽堂奏議

卷十二

五

帶界連閩粵向多會匪延入吉安府屬之萬安
等縣名為添弟會又名三點會其中帶有刀械
者民間卽指為添刀千刀會名並非該犯等自
立名目萬安泰和二縣為粵私從入門戶每有
闖卡拒捕之案多已入鹽並獲內獲鹽不獲人
者身雖倖脫貲已蕩然因而流入匪黨亦所不
免節次飭拏懲辦總未能盡絕根株前於道光
六年御史熊遇泰奏查江西會匪案內經臣韓

文綺議設族正協同保甲據實舉報

奏明在案自六年冬間至今獲辦會匪鹽販及沿
河搶劫之案共計二百餘犯分別問擬斬絞流
徒先後題奏咨結緝獲私鹽亦不下百萬餘其
鄉民獲送之犯訊明為匪確實者悉已照例問
擬內有無辜牽累者均係訊取族隣切實保結
始行省釋現復分委幹員馳赴各該處明查暗
訪尚無梟匪勾結及化大為小輕縱不辦之案

恭壽堂奏議

卷十二

六

當經通飭各屬文武嚴密緝認真巡防弗任
稍有疎縱惟戢匪務期淨盡立法尤貴周詳臣
等往返札商並據兩司議詳前設族正獲犯多
由舉發業已漸有成效每年向有編查保甲之
法如果實力奉行匪徒無從藏匿惟有責成該
州縣督率族正人等按月逐一稽查填註門牌
並令該管道府等不時抽驗戶口一清良奸立
辦如有會匪私販等項卽時查獲按法重懲地

方官或有懈怠及諱飾情事嚴叅辦理再於往來大路及沿河地面添派弁兵周流巡捕臣等復剴切曉示宣布

皇仁被誘者准其自首縛送者加予重賞查辦出力之員分別免議遷擢凡在官民當莫不各發天良地方日臻靜謐至通省河道上年

奏准添設巡船四十隻足資巡防似可毋庸再添惟購線訪拏獲犯犒賞動需經費原議章程籌

恭壽堂奏議

卷十二

七五

欸尚屬不敷自應量為裒益加以分捐津貼以期經久容另飭司妥議核辦臣等受

恩深重似此匪徒擾害之事於地方大有關係必當隨時實力整頓斷不敢稍任玩忽自蹈重咎所有臣等會議緣由謹合詞恭摺具

奏伏乞

皇上聖鑒

列傳

韓文綺浙江仁和人乾隆六十年進士以部屬用籤分刑部嘉慶二年補主事三年充順天鄉試同考官五年丁父憂八年服闋補原官九年升員外郎十年充會試同考官旋升郎中十一年丁母憂十四年服闋補原官十五年京察一等

列傳

卷十二

七六

記名以府道用十七年授直隸永平府知府十九年升清河道二十年八月

上幸木蘭以

蹕路未能經理妥協下部議處十二月查拏灤州教匪

王殿魁等文綺首先獲犯

上嘉其緝捕勤能

賞戴花翎二十一年署按察使二十二年二月授廣東

按察使九月調貴州按察使十一月調四川按察使二十五年三月升江西布政使六月擢刑

部右侍郎十一月充武

殿試讀卷官十二月轉左侍郎道光元年三月因

審辦德勝門城上失落木植未能究出實情下

部議處部議降三級調用

上加恩改為畱任二年閏三月充

殿試讀卷官八月充順天鄉試副考官九月授江

蘇巡撫十一月偕兩江總督孫玉庭奏揚州府

所轄瓜州河道亟應疏濬深通估需工料銀二

列傳

卷十二

三

萬二千餘兩在藩庫籌款動撥得

旨果於水利民生有益何吝多金總在認真經理也

勉之三年三月奏兌運蘇松等屬幫船請掣定

章次輪流受兌以除積弊又審擬民人柏喬治

控修撰洪瑩買有夫之女為妾一案鞫實褫洪

瑩職並請將先後提審未能究出實情之甘泉

縣知縣陳文述揚州府知府黃在厚交部議處

均

從之五月奏清理徐州駱馬湖官民灘地分別蓄草

收租得

旨允行七月奏核鹽道廖均未經更事請改補京職

上以廖均質性輕浮

命勒令休致先是淮商鄭同瑞京控總商黃濬泰侵

欺庫款

詔文綺嚴密訪查弗令朦混十一月奏黃濬泰別無

罪狀但疊被散商訐控究係衆論不孚應請革

列傳

卷十二

六

退總商作為散商隨同辦運

從之又奏清河縣水陸衝途請裁淮安府檢校另於

清河澗橋置巡檢一員就近稽查如所請行四

年二月奏請許揚兩關卹商除弊及賠補虧短

章程一委員宜慎重簡派一家丁宜按名覈實

一漏罰宜遵守成例一查稅宜嚴杜羈措一漕

船宜嚴禁夾帶至賠補虧短許關應照新例按

各任月日接羨賠繳揚關經徵月分衰旺不同

應以月分之衰旺計成數之多寡於賠繳之中仍寓體卹之意疏入

允之七月奏江蘇倉庫虧墊酌議追補及防杜續虧章程一摺還民欠宜分單勒限催追一本省外首官員分別勒限追補一本省外首追賠銀兩應酌展限期完繳一領變銀款應勒限追補一攤捐銀款應分別流攤追補一書役欠項應分限嚴追歸欸一無着銀兩應仍提羨餘彌補一

列傳

卷十二

七

存倉米穀宜勒限買補足額下部議行閏七月以刑部侍郎任內擬流官犯候際清呈請贖罪漏查紅供並失察官吏得贓降二級調用又以前任刑部濫保司員德恩等部議降二級調用上改為補官日降三級畱任九月補山東按察使五年二月升四川布政使七月調雲南布政使九月授江西巡撫六年奏被水之蓮花萍鄉永新宜春安福廬陵分宜等七廳縣應請撫卹並緩

其賦悉如所請行先是御史熊遇泰奏江西南安贛州一帶鹽梟會匪肆行無忌

上命文綺逐加訪查毋稍疎縱至是奏請將首惡嚴辦示懲選舉族正鄉耆查明勤惰分別獎勵斥革復於衝要處所移駐專閫大員以資彈壓得旨總要認真查辦勿蹈模稜徇庇之習戒之勉之七年奏宜黃樂安二縣陸卡請移設峽江縣龍母廟地方由贛州鎮遠委都司一員兵五十名另

列傳

卷十二

八

委佐雜一員帶役八名會同堵緝至萬安縣芙蓉門為粵私侵入門戶馬家洲為私販囤積之所現於芙蓉門之上游添設一卡並於馬家洲另設卡隘以期梟徒無從囤積

從之八年正月以江西學政福申失察家人蕭三恣橫藐法褫福申職文綺以近在同城不能畱心查察部議降二級畱任四月奏南贛等府匪徒出沒請動支開欸設巡船四十隻上下梭巡較

為周密得

旨允行九年十月授都察院左副都御史十年以前

在江西巡撫任內督催地丁錢糧不力部議降

三級調用

諭曰因公處分原可改為畱任惟韓文綺前在江西

巡撫任內並不力加整頓以致會匪日益增多地

方廢弛着實降一級調用十二年七月以署直隸

按察司任內失察新河縣民人尹老須倡立邪

列傳

卷一二

八二

教降二級畱任十六年十月因病請假調理二

十一年卒子倬章現官江蘇候補知縣孫泰華

現官戶部員外郎

皇清誥授資政大夫晉封光祿大夫都察院左副都

御史前刑部左侍郎加二級仁和韓公墓志銘

賜進士出身光祿大夫 太子太保 予告體仁閣

大學士儀徵阮元撰

賜進士出身朝議大夫 日講 起居注官翰林院

侍講學士 南書房行走錢塘戴熙書

賜進士出身奉直大夫 日講 起居注官翰林院

侍讀 上書房行走武進丁嘉葆篆蓋

墓誌

卷十二

全三

公諱文綺字蔚林號三橋其先系出河陽韓氏宋南

渡始遷浙中令為杭之仁和入曾祖諱昌時祖諱灝

考諱松代有潛德皆以公貴累 贈至光祿大夫曾

祖妣氏朱祖妣氏張生祖妣氏陳妣氏沈皆 贈一

品夫人公於兄弟行居長髫齡穎異能文以高材生

舉乾隆丙午鄉試第一癸丑會試既中式疾作至乙

卯歲補應 殿試成進士授刑部主事升郎中充嘉

慶戊午順天鄉試乙丑會試同考官十七年出知直

隸永平府十九年擢清河道以捕林清餘黨功
賞戴花翎兼署按察使未幾升廣東按察使調貴州
旋調四川二十五年遷江西布政使未至道拜刑部
右侍郎道光元年轉左侍郎二年充貢士覆試閱卷
官 殿試讀卷官順天鄉試副考官復出巡撫江蘇
四年因官刑部時贖罪案降調尋授山東按察使五
年遷四川布政使調雲南未行卽
命巡撫江西兼提督九年

墓誌

卷十二

三三

召為都察院左副都御史復以催科處分議降調
特旨以三品京堂候補久之以疾請退就養居京邸
二十一年夏四月十有三日卒春秋七十有八公恂
恂仁厚少日以孝友稱愛人濟物本於天性起家刑
曹力矢矜慎務得情法之平官提牢時親製藥餌夫
人手縫棉衣以畀罪囚屢隨

命使讞案直隸山東威勤伯勒保公督江南復隨往
既請為監司矣司寇以廉能請留厥後自川藩入貳

秋官

仁宗睿皇帝嘉川省秋讞減少為公慎重刑名所致
其以明允受

先帝知如此當守永平時值林逆之變初定賊供詞
稱喜峰口有伏寇公家至而戶察之以無餘孽告良
善獲全其任清河供軍糈甚勞且捕獲教首王殿奎
等五人置重典畿輔肅然 褒賜遷擢實基於此顧
公當時不樂以為功居常道及尚心惻云其撫蘇也

墓誌

卷十二

三

會大水拯救四十七州廳縣衛苗民至廢寢食動帑
百餘萬又多方勸募周卹招徠泛舟之粟全活甚衆
水退與浙撫帥公承瀛會籌江浙水利先濬澱泖次
疏吳淞舉臬使林公則徐綜其事後乃次第導達山
陽之澗河阜寧之救生河瓜洲之內河河渠大治他
若寬積逋以恤吏察誣訟以恤商省勘轉以恤有罪
公之仁吾江鄉者不勝紀焉洎移節江西恤民瘼者
一如撫吳於沙井復古渡章貢上下置巡哨船南贛

染粵俗好結盟帶刀吉安又為粵醜私販所從入多
抗捕鋤治不能盡心閔焉於是率行教化議立族正
以濟保伍之法使姦宄有所戒畏江西人咸謂公長
者犯者鮮少然時論或疑其尚寬惟

上深知其得民持大體改官臺憲固將資以保元氣
植紀綱乃因催科薄懲左遷引疾竟不復起仁人之
亡天下有心者交惜之夫人同里沈氏湖北鹽法道
諱榮勳女先佐其孝養後贊其慈仁年僅五十有九

墓誌

卷十二

公五

卒於嘉慶二十五年公嘗以失賢助為憾距今公卒
二十一年矣公喪歸將以二十三年秋七月初五日
合窆於小和山之麓子二人倬章吳江知縣綬章嘉
慶戊辰舉人八旗官學教習候選知縣前卒孫三人
日華二品廕生工部主事前卒泰華戶部員外郎昭
華國學生曾孫二人國保國楨女三人國子監助教
許兆奎內閣中書張應昌內閣侍讀吳清皋其婿也
孫女四人曾孫女二人倬章扶護過邗上以狀來乞

銘元與公鄉舉同歲且有連知公最深銘公宜莫如
余公之行道於世者其大端略敘之足以傳矣推解
小節可不著也為之銘曰
中心安仁伊古所稀誰謂皋蘇其性刻谿汪汪遺澤
江南東西惜早退閒而未竟厥施斯人莫違其德可
思世有仁人庶知予悲

墓誌

卷十二

公六

右恭壽堂奏議十二卷仁和韓三橋先生文綺撰
皆其巡撫江蘇江西時疏稿惜其本已遭鼠嚼首
尾亦殘缺不完按之約少文十餘篇不全者五篇
因無別本末由抄錄惟其神道碑四頁從金亞伯
應麟翁華堂文鈔錄入四卷五卷十卷十二卷之
目亦按文錄冠其首重為修訂置之案頭先生之
政蹟文章胥於是乎在光緒庚寅季秋朔日海甯
後學鄒存淦儷室氏識





雲汀先生三十歲小像



韓范經緯... 變狹昂登... 蕩乾越... 韶采月... 較越... 不... 以... 尚相... 道光戊子秋

道光戊子秋

海鹽朱方增敬題

陶雲汀先生奏疏 像題 序

陶雲汀先生奏疏序

唐虞官人之法曰敷奏以言明試以功其時都俞一堂謨明弼諧無所為空言見者故曰乃言底可績自漢以還諸名家集中往往有啟事疏表至唐陸宣公遂以奏議名其全集由今觀之諸家無論已若宣公內聖外王之學與伊訓說命相表裏而言之不竟其用則亦無以明試而見其言之可績也吾師安化大中丞弱冠登朝為名翰林迨改官柏府驄馬巡城出按南漕所至有聲

陶雲汀先生奏疏序

睿皇帝每覽所奏未嘗不稱善翕然欲大其用

今上即位首拔公於川東道任俾陳晉臬不兩載遂

開府江南出其所學以幹

國濟民凡所敷陳朝發夕

報可

聖主任賢之誠與公自任之重洵可謂明良際會縱大壑而翔順風者也公經濟博通言達於行奏牘必親自屬草在安徽首釐庫款三十年之膠藹豁然一清以為吏治綿綴由於賠累牽掣而不能自拔故於清查後即明定章程嚴交代裁

捐款禁流攤俾官得自立以專其力於民而吏治以起由是平獄訟嚴緝捕搜廢舉墜表揚忠義更勸民修水利置義倉鰥寡孤獨有養而百數十年之文獻亦就理焉移節江蘇值河漕交敝定議試行海運大挑吳淞江以利農田其餘支河汶港次第浚治復修練湖闢丹徒橫閘通江之路以利漕行皆數百年未舉之庸緝勞於躬不動聲色而措置井然若道光三年皖省被水道光六年淮南北大河兩岸各府州沈蓄墊溺以萬億計哀鴻遍野賴公而甦載在口碑其

陶雲汀先生奏疏序

三

還定安集之功雖富鄭公之在青州未足云喻也而其詳皆見於奏議讀者每從邸鈔或文書上下時見一斑而惜未視其全也廷錫事公久親見公所設施輒請得其藁擇其尤關政治者付之剞劂以爲模楷計摺藁二十四卷題藁八卷凡三十二卷起嘉慶甲戌至道光戊子公年五十古人服官時也而見諸實績者已如此謨明弼諧於斯有徵泰山之雲不崇朝雨徧天下其所蓄積然已記有之可言也不可行君子弗言也可行也不可言君子弗行也則民言不危

行而行不危言竊於公之奏疏亦云然道光八年戊子季冬受業安陸李廷錫頓首謹序

陶雲汀先生奏疏序

三

凡例

一奏疏之體向用本章乾隆十三年奉

上諭向來各處本章有題本奏本之別地方公事則用題本一已之事則用奏本題本用印奏本不用印其式沿自前明究之同一入告何必分別名色著將向用奏本之處概用題本以示行簡之意等因遂著爲令凡外省由通政司送閣爲通本在京各衙門徑送內閣統爲部本至摺子一項蓋卽古劄子言事之意在京各官摺子皆貯以黃匣有密奏則加封粘口外省摺子則一概封口

陶雲汀先生奏疏凡例

於封皮上加貼印花外用夾板其體式與題本異大概摺子所陳多係緊要及不在定例之事請自

上裁與奏本畧同故謂之摺奏而題本有恭疏題報之語則疏體也考古人言事之文或稱奏議或稱疏藁今先生是編合摺子題本二項故總稱爲奏疏云

一摺奏言事始於

國初伏查會典載順治十三年

諭向來科道及在京滿漢各官奏摺俱先送內院今後

悉照部例徑詣宮門陳奏其外省所送通政使司題本及在京各官本章仍照舊等因足見奏摺向惟京官科道得用之迨

世宗憲皇帝勵精圖治

召見外官亦往往

賜以摺匣言事由王大臣轉遞其後遂沿爲例徑送奏

事處直達

御前實爲我

朝明目達聰綜庶政而急先務之第一大端是編敬本此意故以摺子居前題本列後

陶雲汀先生奏疏凡例

一題本多係刑名錢穀典禮一切尋常之事亦有由奏改題者伏查乾隆六十年

諭留京王大臣等各省尋常事宜從前原止照例題報近自一二十年以來各省督撫每將例應具題之件改爲奏摺經王大臣等議歸簡要國家創立摺奏原爲關係民瘼並一切緊要事宜而設至於王大臣現改題咨各款皆無關緊要之件其實係重要急務仍許其隨時專摺具陳等因欽此是題本一項原係奏疏中循例之件惟查先生任內具題各件多闡發幽潛之舉如祁門縣許文瑾父子兄弟

廣德州沈千戶父子夫婦涇縣朱儀全家及貴池馬應魁等江陰邵康公等與桐城之項黃氏祁門之汪馬氏等殉節死烈事在元明又如武進陽湖二縣以一

旌表節孝貞烈三千一十八口上元江寧二縣以一案

旌表節孝貞烈五百一十二口皆阨窮孤苦沈晦多年自先生創為總坊之疏獲邀

恩旨是循例具題之中仍多破格之曠典其他節孝貞壽及好義各善舉皆足為人心風

陶雲汀先生奏疏凡例

三

俗之助謹俱採入以昭激勸

一古人奏疏如宋范希文政府奏議分為四類

包希仁孝肅奏議分為三十門其次第多不

可知惟明何孟春文簡疏議十卷以歷官先

後為序按時考事一覽秩然若譚綸襄敏奏

議十卷分闡藁蜀藁蒞蒞亦其意也是編

以先生歷官先後為次蓋仿何譚二公例云

一奏疏每件俱恭載原奉

殊批及

諭旨伏查

欽定四庫全書簡明目錄載雍正九年莊親王奉勅編次旗務諸書凡奏劄列前

諭旨列後者有

諭行旗務奏議十三卷蓋欲所奏之事始末瞭然是以

挨順編列於每件後恭錄

諭旨又查

憲皇帝殊批諭旨所載臣工奏摺凡二百二十三人每

件亦俱恭錄

批荅於後四庫目錄謂俾知所陳之得失非惟

明燭無疆物來畢照即累牘連編悉經

陶雲汀先生奏疏凡例

四

丹毫甲乙唐虞三代以來未聞如是之勤政也是編所

載亦敬仿此例云

一會典載辦理軍機處凡

諭旨明降者既述則下於內閣注云特降者為

亦為旨其或因所奏請而即以宣示中外者

其所奉之年月日擬寫述上論曰內閣奉

諭軍機大臣行者既述則封寄焉注云或速

內閣明降者為廷寄經由軍機處封交兵

部捷報遞往其式行經學政口軍機大臣統副都統

鹽政關差藩臬口軍機大臣傳諭皆載奉

年月日查原奉

諭旨及

廷寄俱有年月日可查惟

殊批不載年月日今將本省拜發及接到之年月日

先後載明則欽奉

殊批之期總不出中間數日因時考事益昭詳備

一會典注軍機處擬寫

諭旨俟

欽定發下後

特降者即發抄因奏請而降者即同摺發抄其餘奏

摺如奉

陶雲汀先生奏疏凡例

五

殊批該部議奏該部知道者亦即發抄其

殊批覽知道了或

殊批准駁其事或

殊批訓飭嘉勉之詞皆視其事係部院應辦者即發

抄不涉部院者不發抄其

殊批原摺在京衙門之摺即存軍機處彙繳如各省

各城之摺俱即發還等語以上各件原摺領

回凡奉有

諭旨

殊批均已敬謹查明載入惟科道時條奏所奉

廷寄

諭旨無由詳載恭查

仁宗睿皇帝聖訓內所載

諭旨即有因科道條陳而奉發

廷寄者伏讀

御製序云

實錄人莫見之用是特命館臣分門彙類敬纂成書使

天下臣民共仰

聖訓之文明如天之無不燭也如地之無不載也我

皇考大經大法益昭著於宇宙矣仰見

陶雲汀先生奏疏凡例

六

聖主觀

光揚

烈俾眾共知之意茲查是編有原奉

諭寄未見明文者即恭照

聖訓所載補入彌徵

聖

聖相承用人行政之實績焉

一奏疏有與別衙門會銜者分列前銜後銜題

本由本衙門主政別衙門例會後銜摺奏會

後銜者亦多惟要件則應會總督前銜其餘

漕運總督河道總督及鹽政會奏之件往往亦列前銜是編於會列前銜各摺有由本衙門主政或于自定稿者則採入其同列前銜而事非本衙門主政及定稿者概不列入以歸核實巡城各摺即準此例

一藩臬奉

旨交審案件有督撫督同字樣者仍由督撫具奏藩臬隨同審辦惟先生初任晉臬甫半載審辦欽案甚多有奉

旨專交者有偕巡撫審辦者其初並無督同字樣蓋

陶雲汀先生奏疏凡例

七

特典也今查先生在晉各摺除審係尋常事件未經編入其偕撫臣審結而並無督同字樣者亦於每件目錄之下旁注巡撫督審會奏以昭憲體

一會典事例載題本格式每幅六行每行二十

格平行寫十八字上餘二格以備擡頭如遇三陸頭則出格一字寫

首行列衙門官銜姓名末幅具年月日內外

一式遵行按奏摺行款亦仿此是編每行字格擡頭即

準此式惟每幅不拘六行首行不刻官銜姓名而提揭事目以便檢閱

一題本及摺尾附載部覆於

批諭之後有接連尾頁者有另頁在後者係檢刻時

偶有參差無關體例亦有原奉

批諭及部覆因藁本偶漏尚須查明補入者先生政

事方新俟續刻畫一辦理謹附著於此

碧山李廷錫謹識

陶雲汀先生奏疏凡例

八

奏摺卷一目錄

侍御稿

安之海 樹

參奏部員忘親戀棧摺子

參奏河工濫冒摺子

敬陳湖南旱歉情形摺子

請嚴湖南礦廠之禁摺子

參奏吏部重籤之弊摺子

敬陳三急五宜以禁紅鬍匪徒摺子

請端吏治之源摺子

請復考試教習舊例摺子

陶雲汀先生奏疏卷一目錄

緝匪摺子 巡視中城同
滿察院會奏

請立鄉保獎勵之法摺子

緝匪摺子五 巡視中城同
滿察院會奏

參奏部員忘親戀棧請

旨勒令回籍摺子

奏為部員親病危急請

旨飭令回籍以宏

聖教事 臣惟竭力致身義本同符移孝作忠理無二

致未有忘其親而能忠於國者也 臣竊見新補

刑部安徽司員外郎張師泌係江蘇巡撫張師

誠之後母弟本年六月張師誠奏稱親父張春

苞繼母王氏年俱八旬內外王氏臥病累年不

能挪移一步近來神氣昏散危在呼吸其父因

陶雲汀先生奏疏卷一

侍御稿

王氏病重焦急萬分詎逆轉增請假侍疾仰荷

俞允在案張師泌同為人子王氏乃其親母不應關

切之情反後於其兄聞此急音自應星馳歸籍

以盡子職乃逾月之久猶然安坐補官優游自

得不啻秦人視越人之肥瘠以致物論紛紛羣

相鄙笑目為忍心害理之人查前此嘉慶十七

年伊父母壽辰曾蒙

賞賜駢蕃

特諭張師誠自福建巡撫任內馳歸作壽彼時張師

泌安坐京師卽有物議此番親病呼吸存亡更

非作壽可比若謂其親病非危急則張師誠受恩深重卽不應躬爲欺誑而加父母以病劇之名同室兄弟一事殊情傳諸四方非所以厚人倫而光

聖化張師泌並非

朝廷不可少之人其官亦非不可離之官是否應令回籍侍疾之處伏候

皇上訓示施行謹

奏

嘉慶十九年七月十五日具奏本日奉

陶雲汀先生奏疏卷一

侍御稿

二

上諭御史陶澍奏刑部員外郎張師泌親病危急請飭令回籍所奏殊爲多事張師泌前於引見時朕因張師誠先有親病乞假之奏當令英和傳旨詢問據張師泌覆稱伊父母所患病症漸已向愈張師誠指日來京陛見等語各官員遇有匿喪等事關係倫常風化言官有所見聞自當據實叅劾若父母偶患疾病言官卽騰章入告請旨勒令回籍恐開攻訐之風所奏不准行原摺著擲還欽此

奏奏河工濫冒摺子

奏爲河工濫冒據實

奏

聞事竊臣聞近來河務廢弛歲糜

國帑盈千累萬而河務並無起色皆因該管上司並不認真督辦惟以興工爲遷調之資任意引

用私人事前則顛預入奏以諂習河務爲名事

後則徇情保舉以河工出力爲言其實投効河

工之人不過虛應故事且有安坐未動俟保奏

時附名其中卽可儘先補用挨次遞陞而所稱

諂習河務者尤多不足信卽如原任河北道張

陶雲汀先生奏疏卷一

侍御稿

三

裕慶乃鑽營有名河工作弊之員人所共知者

也而河督吳璥亦以諂習河務保請赴工差委

臣伏查嘉慶十四年六月奉

上諭朕前聞廣興出差赴豫時河北道張裕慶有敘

銀餽送越境遠迎等情張裕慶以監司大員於欽

差過境時並無因公交涉事件輒行前往迎謁其

爲逢迎取悅已無可解免況聲名本屬平常專以

結交上司爲務原非循吏據供並未敘錢餽送但

送廣興土宜物件又屢送酒席卽屬有意交接並

恐有餽送銀兩之事恃無所証冀圖狡飾著革職
研訊等因欽此旋又據漕督馬慧裕等遵

旨覆查張裕慶於借領購備糶黃埧料物銀兩通同
侵虧一摺審出張裕慶於既經丁憂之後乘呂
昌會未到任前一日趕放銀四萬兩侵肥入已
以蔴作銀浮扣價值作抵又將蔴勛攙雜泥土
秤折至七萬餘觔之多統計侵漁銀數七千餘
兩又濫派委員勒薦幕友以致所屬武陟令陳
驥驤逢迎作弊視官項如私橐侵虧數至鉅萬
是張裕慶之巧侵

陶雲汀先生奏疏卷一

侍御稿

四

國帑貪婪不職顯有明徵並非公過即使任事乏
人亦何至以慣於作弊之人謂之諳習河務乃
日前吳墩又以睢工投効人員請照定價交納
稽梁核算銀兩照例給與官職是其智與張裕
慶之以蔴抵銀如出一轍難保無暗中慝惠情
弊我

皇上洞燭幾先當經

敕駁奉

諭之後無不同深欽佩但恐工次陋習錮弊既深罔
知悛改一計未了再計又生將來又必以某處

應請與工某人尤為出力任情保舉甚至如張
裕慶之儔故態復萌仍致侵盜

帑項有興工之名無興工之實而

國家數千百萬有數之錢糧歲填無底之河其流

弊伊於何極伏思我

皇上宵旰勤勞推心置腹凡大吏奏請人員多蒙

俞允原以資其勵翼俾收指臂之功在事諸臣應如

何感激慎重以期毋負

天恩況河工重大關係漕務暨億萬生靈田廬性命

而乃假公濟私顯為徇濫如此其何以勵當事

陶雲汀先生奏疏卷一

侍御稿

五

而做將來臣擊此情形誠恐貽誤河工謹據實
具

奏伏祈

皇上聖明睿鑒謹

奏

嘉慶十九年九月初四日奏本日奉

旨交軍機處存記

敬陳湖南旱歉情形摺子

奏為敬陳湖南山田旱歉情形請

旨飭查預防滋生事端事竊湖南一省半山半水濱湖之田畏水不畏旱五六月即可收穫近山之田一旱輒槁七八月方收至於深山窮谷地氣較遲全賴包穀諸芋雜糧為生九月後方收地形既有高低陽雨亦復異宜本年三月以後雨澤稀少雖有得雨之處亦未能十分沾足惟濱臨洞庭湖一帶隄垸及附近省城之長沙湘陰等縣夙稱卑溼俱獲豐收其餘如澧州慈利桃源安化及寶永所屬皆不免花旱歉收而辰沅兩府為甚辰州府屬之沅陵瀘谿沅州府屬之麻陽為尤甚百姓以草木及神仙土充食斗米價錢五六百文不等此時甫屆收穫即已如此將來冬春以後更不知若何昂貴伏思湖南山多田少刀耕火種之民終歲勤動雖遇有秋之年猶必借助於茶蓼薇蕨最稱艱苦濱湖之田遇豐歲尚可有餘但舟航四達搬盤者多民無蓄聚間有穀多之家則又貪圖厚價不肯零糶以致近處貧民挑負空囊奔走終日而不能購

陶雲汀先生奏疏卷一 侍御稿

六

買升斗有錢無糶年豐而啼飢者比比然也前此嘉慶六年省城一帶偶因荒歉即有奸民喻次山等乘機劫搶聚眾幾於千百幸彼時即行捕獲正法未至釀成事變餘如新化縣之蘇溪關益陽縣之桃花江等處每遇荒年多有無賴之民沿江阻守不許米船流通閒被搶奪此往事之可懲者也況辰沅所屬逼近苗疆民情浮動尤為可慮即臣所居之安化縣亦與辰州接壤嘉慶十二年五六月間因值旱乾即有放火搶物之事如小淹河曲龍塘洞底等處被燒之家甚眾報官不究致有被燒至兩三次者居民相聚鳴鑼巡守此臣本籍見聞較切恐他縣類此者尚多或因山僻路遠民隱無由上達竊思我

陶雲汀先生奏疏卷一

侍御稿

七

皇上保赤誠求惟恐一夫不得其所即如本年直隸之大興宛平春收不過二三分而地方官竟報八分仰荷

訓飭查明在案此在

輦路所經尚有諱飾何況遠省若偏僻之處即本省上司尚恐耳目難及非各州縣自發天良據

實舉報先事綢繆則事變之來往往由小致大
雖一隅中之一隅安可不預為防也應請
敕下該地方官速行出示凡有穀之家於零星糶買
不得阻滯其據險遏糶如蘇溪關等處即行拏
辦俾穀米流通仍嚴禁盜賊有倡意劫搶者立
即懲治毋稍寬縱庶不致別生事端而旱歉之
民復登衽席矣臣有察訪本籍之責既有所聞
理合據實具

奏伏祈

皇上聖明睿鑒謹

奏

嘉慶十九年九月十七日具奏本日奉

諭旨一道交湖南巡撫查辦

陶雲汀先生奏疏卷一

侍御稿

八

請嚴湖南礦廠之禁摺子

奏為奸民盜開礦廠請

旨嚴行封禁事竊臣聞湖南辰州屬之沅陵縣有地
名大油山在清浪灘之上山險水惡數十里人
烟絕少最利藏奸前年此山偶出金礦輒有奸
民乘機盜挖數月之間聚眾數千地方官往捕
當經嚇散而根株未靖仍有偷挖之事本年辰
沅飢饉百姓乏食咸以此山有金可採冒死爭
赴併有他處聞風而往者日聚日多其勢復將
犯禁查大油山蕞爾一區為山甚小無論礦竭
之日難於遣散而此時辰沅荒歉穀米騰貴本
地之民尚且乏食安能供此日益月增之眾況
礦徒兇橫者多往往不顧身家性命沅陵偏近
苗疆山深地阻聚此千百無藉之徒於險惡之
區為聚而難散之勢其為害誠非淺鮮現雖有
官駐守誠恐員微力弱難資彈壓應請

敕下湖南巡撫速飭該府親往設法遣散毋使奸民
嘯聚致釀事端仍將此山永行封禁以絕希冀
之心而杜將來之患再者湖南所屬如安化攸
縣新化邵陽武岡新寧東安辰谿瀘溪石門慈

陶雲汀先生奏疏卷一

侍御稿

九

利永定桂陽桂東臨武各州縣向產鐵礦有題明開採者亦有私行開挖者因係內地尚無妨礙然礦洞幽深曲折易於窩藏盜竊且穿崖越嶺長至二三里及四五里不等往往洞口開於此山而偷挖彼山之礦甚者斷山截脈壞及墳塋住址殘毀可傷爭端易起聚眾械鬪涉訟釀命者不一而足竊思此等礦山雖未能盡行封禁亦宜妥為防範毋使滋生事端應并請

賜諭該地方官剴切出示毋許偷挖如有鑿毀人家墳地及窩藏盜竊者從嚴辦理有犯即懲於以

陶雲汀先生奏疏卷一

侍御稿

十

澤枯骨而靖奸藪地方幸甚臣為預防礦徒為害起見是否有當伏祈

皇上睿鑒謹

奏

嘉慶十九年九月十七日具奏本日奉

諭旨一道寄交湖南巡撫查明封禁

奏奏吏部重籤之弊摺子
奏為縷陳吏部重籤之弊請

旨查明嚴禁以肅選政事臣惟立法期於畫一法不一則弊竇叢生吏部總司選政近年來檢舉之案不一而足而且爭缺之案有之配籤作弊之案有之然或意見偶歧或防範不及未有明目張膽別立一法以待弊混之來如重籤之甚者也其法於掣籤既定之後將續到應附在後之員重為設籤令其補掣如掣得第一名則插入初掣第一名之後謂之重一籤掣得第二名則

陶雲汀先生奏疏卷一

侍御稿

十一

插入初掣第二名之後謂之重二籤以有定之籤復作為無定之法巧為鑽入不公孰甚吏部向無此例聞自嘉慶十年捐納道員呂昌會始為開端現在投供候選人員內即有補掣重籤之張毓秀一員查張毓秀係嘉慶九年舉人十三年議敘縣丞十四年始改歸知縣補掣重籤第二名插入十三年議敘知縣第二名之後此外補掣重籤如張毓秀者恐復不少非澈底查明無以公選法而杜弊端伏思部務一切以例為主今重籤非例所有捨例言案其弊一也呂

昌會以捐班而掣重籤張毓秀以議敘比照而掣重籤既無專條又無限制人人可以比照即人人不可以比照可以比照既開濫倖之門不可以比照勢必起賄託營求之漸其弊二也掣籤之員每班或數人或數十人多者或數百人一經掣定人心帖然今既補掣名雖重一其實初掣第二名以後盡為所歷名雖重二其實初掣第三名以後盡為所歷後來居上於理未平且聞呂昌會亦係掣得重三名次與張毓秀之掣重二相似以滿筒之籤並不掣向稍後形跡

陶雲汀先生奏疏卷一

待御稿

七

疑似之間易滋物議其弊三也掣籤以文書到齊為憑例應奏定期限踰限不到即無庸查辦其行查及續到人員祇准附於初掣人員之末原以昭畫一而防怠玩今以上年之案遲至次年始到復插入上年籤掣前三名之內是吏部奏定期限全不為憑而踰限不到者轉得補掣在前易啟趨避取巧之端其弊四也重籤之掣或以遺漏為名或以錯誤為名不知遺漏錯誤在吏部則應自行檢舉在別部則應處分別部在本員則為自行貽誤更應附在末後方昭平

允何得設此活法預為遺漏錯誤地步其弊五也現開豫東事例報捐人員難保無冊結遲延及遺漏錯誤之事若似此紛紛比照書吏人等得以上下其手勢必藉端訛索又釀事案不可不早為滌除應請

敕下該部查明從前掣重籤者共有幾員詳悉開列事由應否更正伏候

聖裁其重籤名目請嗣後概行禁止倘有本員自行遺漏錯誤者祇准附於初掣人員之末若遺漏錯誤與本員無干即一面將遺漏錯誤之官吏

陶雲汀先生奏疏卷一

待御稿

七

參處一面專摺具奏請

旨定奪不得牽引成案率行比照庶法歸一定而吏胥不能為奸矣臣為防弊起見是否有當伏祈皇上睿鑒謹

奏

嘉慶十九年十月十九日具奏本日奉

硃批所奏甚是吏部堂官各矢天良明白回奏欽此

旋據覆奏重籤雖有數員尚無弊竇嗣後應請載入例冊以歸畫一而杜弊端

敬陳三急五宜以靖紅鬍匪徒摺子

奏為紅鬍匪徒日熾敬陳三急五宜以殄渠魁而

弭後患事竊臣聞安徽之廬鳳潁亳河南之南

汝光陳等處向有匪徒名曰紅鬍子其兇橫不

法之狀自已久達

天聽臣近日細加訪察不但緝捕難於得力且有兇

焰日張大非昔比不可不速為殄除者謹將急

切情形併緝捕事宜一一為

皇上陳之

一匪徒前此猶散而今則日聚也查紅鬍原係

陶雲汀先生奏疏卷一

侍御稿

古

白蓮教匪漏網之人間出偷竊身帶小刀為

防身之具人以其兇猛故取戲劇中好勇鬪

狠面掛紅鬍者名之然匪徒聞知猶以為怒

也近則居之不疑成羣結隊白晝橫行每一

股謂之一捻子小捻子數人數十大捻子

一二百人不等恃其羽翼或劫人貲財或搶

人妻女或當街臨市而喝人脫去衣裳且剜

人眼睛謂之滅燈刀扼人頸謂之禁聲據險

扼隘突起搶奪謂之打悶棍皆以夥羣日眾

故爾肆行無忌此殄除之當急者一也

一匪徒前此有黨而今則有目也查匪徒零星

藏匿彼此聲息不通猶易緝捕近則公然具

有頭目羣相護從聽其指揮每要約百姓人

家具備酒食蜂擁而至飲啗狼藉食畢放礮

三聲而去此風河南之息縣光山正陽羅山

汝陽項城為尤甚其在逃未獲之王妮子實

即頭目而地方官捏稱為從者也其在安徽

者則李東山馬大振二人最為出名劇匪現

在藏匿阜陽縣境內每人手下約有千人此

殄除之當急者二也

陶雲汀先生奏疏卷一

侍御稿

古

一匪徒前此猶畏官而近則官反退縮也查此

等匪徒皆因十年前之地方官因循貽誤養

成後患此時徒類既眾益復膽大妄為其器

械則有擡鎗兩人共舉一發可傷十數人不

祇掖刀已也地方官每有緝捕要犯不敢明

拏非用數百金購線不能獲一人若僅帶差

勇搗其巢穴則匪黨出入皆用擡鎗不唯恐

傷良民即官役受傷已成激變各上司帶兵

入境一兩月不能獲犯而地方官已筋疲力

盡惟有隱忍不言顛預了事以圖目前之苟

安而已匪徒悉此情形是以愈無忌憚此殄除之當急者三也

一靖匪徒宜官民一心也查匪黨雖多總不及良民十分之一徒以地方官吏養患已久告之於官官未必理而匪徒因此懷恨其受害更深即使官爲辦理而吏役之使費衙門之陋規已攫其貲產之半矣是以甘心求免於匪徒而不肯更受官吏之害此實現在各省患盜之通弊欲求除莠安良非官爲百姓大作主張不可

陶雲汀先生奏疏卷一

侍御稿

七

一靖匪徒宜上下一心也州縣官號稱民牧祛除害馬是其專責然必上司賞罰嚴明始能令下如流若費力不討好其能實心任事者有幾臣聞豫省紅鬍其初本未猖獗自恩爲巡撫但知勒索州縣地方官畏縮不敢舉辦以致釀成事變如王勝子一案公然抗拒官兵亦未大加懲創以致匪徒罔知顧忌此時勢焰漸成地方官未免畏首畏尾非上司爲州縣大作主張不可

一靖匪徒宜鄰境一心也查匪徒往來無定此

拏彼竄其聚處多在鄰省交界及各州縣接壤之所此等處所名爲三不管每有失事案件地方官輒互相推諉以圖免處分而盜賊卽利此以爲窩穴查例載凡交界地方失事無論隔縣隔府隔省一面差役往拏一面移文關會協緝倘有疎縱牽掣交部分別議處是此等藏賊之所例有專條豈容推卸至若大捻匪徒尤非一州一縣所能捕淨雖非所屬地方亦應三面會合文武協力同時掩捕俾巨惡就擒而後餘匪可挨次而理矣

陶雲汀先生奏疏卷一

侍御稿

七

一靖匪徒宜另置重典也紅鬍匪黨帶刀出入本易辨別徒以所犯劫搶百姓畏其結怨多不報官立案偶爾緝獲既無死法及至傷人殺人則又慮及處分將就了事並不提出紅鬍二字致與平民鬪毆之案無異無所懲創伏查現行條例所載如川省咽喉匪浙西棚民臺灣不法棍徒以及回民搶奪苗蠻仇殺江南沙民械鬪之類皆因地制宜別設專條今紅鬍之害倍甚於此應請嗣後安徽河南等處匪徒犯事審係帶刀者申明從重辦理毋

得僅以順拔小刀拒毆適斃為辭庶隨案懲辦而匪黨之勢亦可漸殺矣

一靖匪徒宜平鹽價也查安省之潁毫豫省之汝光一帶例食淮鹽現在每觔值錢四五十文不等長蘆私鹽每觔不及半價是以居民利食私鹽其間私販鹽梟實繁有徒而紅鬍則為之護送每車私鹽索錢二百文每日私鹽不啻百輛賭博酒肉之費皆出於此鹽車不足乃出而劫搶竊思淮蘆各鹽銷售原有定地若稍為調劑或將淮鹽引地酌撥蘆綱

陶雲汀先生奏疏卷一

侍御稿

六

而以淮綱之稅酌攤蘆引之內一轉移間私鹽不緝自淨但此事非一刻所能妥議且必紅鬍先淨而後可以辦理否則若輩失此口食之費其搶掠更急惟善後之策似宜籌畫及此為久安長治之計耳

以上情形雖非起自近日而近日更甚誠宜及早綢繆庶不致釀成後患為此謹

奏伏祈

皇上睿鑒謹

奏

嘉慶十九年十一月二十一日奏本日奉

上諭軍機大臣等御史陶澍奏紅鬍匪徒日熾敬陳緝捕事宜一摺河南南汝光一帶以及安徽潁毫等處向多紅鬍匪徒屢經降旨飭緝總未斂戢今據該御史奏稱近來日聚日多橫行益甚每一股謂之一捻子小捻子數人數十大捻子一二百人不等成羣結隊公肆搶劫或奪人貲財或搶人妻女甚至挖人眼睛且有頭目指揮河南之息縣光山正陽羅山汝陽項城為尤甚其在逃未獲之王妮子即屬頭目而地方捏稱為從其在安徽者

陶雲汀先生奏疏卷一

侍御稿

五

有李東山馬大振二人最為出名現在藏匿阜陽縣境內每人手下約有千人州縣顛預不辦等語除莠安良為地方官專責若畏難不辦日久養癰益滋隱患該御史摺內指陳人名地名鑿鑿有據其言必非無因且該匪徒夥黨約有千人則在逃未獲之逆犯祝現劉成章等難保不投入其中冀延殘喘著方受疇胡克家各遴派委員在河南息縣等處安省阜陽境內將王妮仔李東山馬大振三犯按名捕獲審明嚴辦並密訪各犯有無漏跡在內者設法查拏毋稍疏縱再本年安省潁毫一

帶收成歉薄飢民甚多胡克家尤當密諭委員持以鎮靜務須不動聲色將指拏匪徒逸犯嚴密緝緝首犯就獲則其餘夥黨自必畏懼解散不可張皇海捕致令夥衆驚擾激成事端此爲至要欽此

二十年河南省拏獲馬三振卽馬大振暨李東山搶劫案估各案業將馬三振擬斬李東山擬絞二十一年江南亳州拏獲王妮子擬斬餘匪發遣

請端吏治之源摺子

奏爲州縣之錮弊日深州縣之疲頹有自請治其源以端吏治事伏見我

皇上兢兢業業無刻不以吏治民生爲念而尤以因循怠玩揭中外臣工之積弊凡有人心自應洗滌肺腸仰承

聖誨乃近日風氣因循者尙復因循怠玩者依然怠玩卽如虧空之案甫經查辦而新款又有虧空科派之案屢經懲創而外省猶多科派此固由州縣官之昧良而亦其源未治也夫所謂其源

者何督撫藩臬各上司是也上司不能正己率屬則不肖之州縣旣有所挾持以無恐而循良之州縣又有所牽掣而不能前弊端不一臣請摘其尤甚者爲

皇上陳之

一勒接交代也一官纔蒞豈能卽搬庫項無如前任虧空已多上司懼干失察之咎必欲新官接受少者數千多者數萬桃僵李代不接不能到任其有稟揭前任虧空者則必致上司之隱怒或以才力不及而調簡或以辦事

迂拘而改教甚至別假事端劾而去之是以甫登仕籍卽入債鄉始基不立而望以清廉難矣

一多攤捐款也州縣廉俸有數乃無端藉公科派其名曰籌補曰幫助曰貼賠曰使費總名曰捐款因其出之自公故不甚愛惜每由首府首縣墊出然後攤派各州縣每歲數百數千兩不等各州縣力不能應有時延緩則上司卽於其徵解錢糧時准作某項捐款而錢糧則批令另解是以

陶雲汀先生奏疏卷一 侍御稿

三

國家惟正之供抵私款也虧空之積由此深矣

一預備賞號也凡上司有事或練兵或巡邊或公讎則州縣預備賞封及緞疋銀牌之類上司隨手揮霍無非慷他人之慨然當場進賞猶可言也有等上司竟將賞項先收入已臨時自行發出於是家人吏役節節又添規費出數少而入數多而賞號之名適足爲巧取之目矣

一派辦供給也凡上司入境出境送往迎來則有夫馬有酒席有站規有門包其同城居住

者則有輪月之供給有包月之供給甚至一窗一扉一厨一厠皆於附郭之州縣是問復派他處之州縣協濟焉此等供給名目近來頗知斂戢然尙未能盡革也

一壓薦幕友也州縣事務較繁刑名錢穀原不能不借助爲理乃一官尙未到任而幕友之舉薦已多其賢否無從辨也但擇其情面較大者而受焉道府所薦者旣受則藩臬所薦者不能不受督撫所薦者更不敢不受且有並未見面但送束修者謂之食坐俸此所以

陶雲汀先生奏疏卷一 侍御稿

三

人愈多費愈繁而事愈勞也

一濫送長隨也長隨不必皆上司舊人或夤緣上司之親串或鈎結上司之門丁邀求吹薦在上司不過泛然一語而州縣則以上司所薦而不敢辭長隨又以薦自上司而罔所忌未離省會早已百十成羣及至抵任人浮於事旣難人人飽慾必至事事生端或外勾吏役或內通劣幕百弊自此叢生矣

一委員需索也州縣固多無良委員豈皆可靠假以耳目易致需索乃一紙文書可辦之事

動輒派委數員在上司不過爲調劑閒官起見不知一來一往盤費不貲在委員所得無幾而州縣之累已深甚至因饋送不遂而箠弄是非則掣肘之事更多矣

一提省羈留也州縣各有職守不容曠廢即使因公晉省亦當飭令速歸乃或因細故而提省羈候轉委他人前往署事迨一年半載之後始令回任以致無累者生累有累者增累不思州縣果不勝任卽應叅劾徒令往返奔波是重其敝也安能不虧空乎

陶雲汀先生奏疏卷一

待御稿

三四

以上數條督撫藩臬中雖賢者或亦不免至於作福作威不公不法橫索屬員者則又不待言矣夫今之州縣疲精於奔走承應之中救過於紙札文書之上十人而聚無語田桑者焉百人而聚無語教化者焉其於百姓則魚肉也百姓視之亦幾虎狼也抑思果何由而致是哉各省大吏受

恩深重若不正本清源以身率屬而徒以不肖之州縣爲解恐吏治終無起色也臣仰觀聖人宵旰焦勞未敢緘默謹據實縷陳伏祈

睿鑒訓示謹

奏

嘉慶十九年十二月初七日具奏本日奉

上諭御史陶澍奏外省州縣積習請治其源以端吏治一摺各州縣爲親民之官惟在牧養有方教化有法斯吏治端而民生日裕乃因循疲玩相習成風若不亟加整頓何以革敝習而勵官方如該御史所稱州縣交代虧空上司懼干失察之咎勒令新任接收又藉公科派有籌補幫貼使費等款及預備賞號派辦供給歷薦幕友濫送長隨並委員

陶雲汀先生奏疏卷一

待御稿

三五

需索提省羈留種種苦累皆各省實在情形總緣外省大吏不以吏治爲事其始稍開其端久之揚波逐流日甚一日陋習相沿遂至成爲錮弊雖有一二自好之士亦不能卓然自拔今欲清其源責在大吏著通諭直省督撫藩臬等務各洗心滌慮飭紀整綱伊等養廉優厚一切賞需供頓不可絲毫累及屬員其州縣因攤捐羈候橫被苦累之處查明悉予裁革俾賢能者得以自立中材以下亦無所藉口庶幾大法小廉吏治日有起色以厚民生以興民行胥於此端其本焉欽此

請復考試教習舊例摺子

奏為請復考試教習舊例以杜牽混而專訓課事

竊惟八旗各學教習向由禮部奏請

欽派閱卷大臣會同監試御史糊名局試秉公甄錄
投考則有印結以防冒倩已取則加覆試以對
筆蹟所以重訓課而嚴弊混法至善也自嘉慶
十七年禮部議改於鄉會試落卷內挑取將考
試教習之例停止遂至辦理參差多有格礙伏
查各學教習之設原以教育八旗子弟非祇為
應試人員增一出身之路也其間自不容有曠

陶雲汀先生奏疏卷一

侍御稿

三

學之時從前考試多係留京諸生有志赴考是
以一經取錄即在部候缺至鄉會試挑取則揭
曉未經中式紛紛回籍者多且有視為小就而
不願留或身病親老而不能留遇有缺出每至
傳補無人一傳不到至於再傳再傳不到至於
三傳三傳不到始傳其次應補之人而其人又
或屢傳不到展轉遷延經時歷月則八旗子弟
之曠學者多矣而且挑取各卷多有已取教習
膳錄及在各衙門行走之員禮部拆閱彌封時
例應扣除如癸酉鄉試所挑教習五十名經禮

部扣除三十三名榜中填列者僅十七名期間
三年人數難敷於是有越次傳補及別項借補
之事書吏得以從中作弊而物議亦自此滋矣
竊思禮部改考取教習之例於落卷挑取名曰
防弊實為省事起見不知考試各有用處教習
之與舉人進士事不相侔豈宜省為一場致滋
牽混至若防弊之法則凡考皆不能無弊不獨
教習為然司事者宜因考而防弊不宜因弊而
廢考況乎貢監試卷向例祇戳印皿字號今因
挑取教習不能以援例之貢監充選又於卷面

陶雲汀先生奏疏卷一

侍御稿

三

別印正字則冊籍既繁辨識尤易似於防弊之
法反覺有疎也現距丙子鄉試之期尙遠人數
無多將來又不免有越次傳補及別項借補之
事恐滋弊混應請

旨飭復舊例仍行考取之法俾八旗官學不致懸缺
待人各學生得以勤習功課於

國家教育八旗之典方為有名有實 臣管見所及
伏祈

皇上訓示施行謹

奏

嘉慶二十年正月二十九日具奏本日奉

硃批大學士軍機大臣英和劉鐸之會同該部議奏

欽此旋經會議應如該御史所奏所有八旗官

咸安宮學宗學覺羅學

景山學各漢教習俱照例另場考試其現任小京

官及各衙門行走人員併取過磨錄校錄無論

已補未補仍不准與考俱於同鄉官印結內聲

旨依議

陶雲汀先生奏疏卷一

侍御稿

三

冰直

緝匪摺子巡視中城同滿察院會奏

奏為拏獲活埋最要犯拏之兇手及逆匪家屬併

形跡可疑之雇工請

旨交部辦理事竊臣等以逆犯逃匿未淨屢飭司坊

官嚴密查拏毋得始勤終怠茲據揀發指揮阮

文燮副指揮張效高稟稱訪獲民人徐七曾經

藏匿最要逆犯董伯旺之子董山兒並據供出

董山兒已為伊舅郝成瑞活埋致死臣等當飭

該員飛赴黃村會同該地方官立拏郝成瑞指

出活埋處所撥役看守將郝成瑞徐七帶到又

另案緝獲已正法宋進耀之子宋六及在祝現

家傭工之扈明柱一併敘供呈解到城臣等提

犯親訊據郝成瑞供稱年四十五歲宛平縣人

在黃村當兵上年因事革退本名吳四過繼與

丈人郝四聰改姓郝的郝四聰有女四箇我女

人是大的那二妹子嫁與董伯順為妻董伯順

死留下一子山兒我妹子又招贅楊姓為夫楊

姓就隨山兒的姓改名為董伯旺將山兒做他

的兒子前年九月後山兒跑到我家暫住去年

正月我三妹夫郎八向我商及把山兒送給他

夥計徐七爲子二月初間徐七同郎八來家問及山兒來歷我說曾經本官問過不是董伯旺親子釋放了的事我一面承當徐七方肯領去到十月內有官人到郎八家查問山兒不見就去了徐七說查拏得緊恐怕惹事要我挈山兒領回這月十一二內徐七叫我在吳家村南頭等他定更時候徐七將山兒送到我把碗鹽滷與山兒喝他不肯喝我就將他拉上馬去到南沙隴地方先把帶子套在他項脖子上用沙子塞在他口內他就動不得了將沙子蓋著把他活埋了是實話以是否入教從逆藉此滅口堅不承認問以董伯旺下落稱自前年九月入城後並未看見又訊徐七供係大興縣人在吳家莊種地度日曾與郎八夥開炭窑郎八現被順天府拏去餘供與郝成瑞同又訊宋六供係宋進耀之子與要犯支進才親表弟兄同村居住又訊扈明柱供稱會同要犯小王二及正法之李奉全在祝現家傭工詰以支進才現在下落亦堅稱不知該犯等均係最要犯中親戚鄰夥所供情節誠恐尙有不實不盡之處臣等衙

陶雲汀先生奏疏卷一

侍御稿

三

門例無刑訊相應一併請

旨敕交刑部分別嚴審辦理再揀發指揮阮文燮副指揮張效高自揀發來城自備賞斧當差於上年十月內兩次協同番役拏獲逆犯賀士成並入教之賀得安張士平張安貴等四名又拏獲教匪蘇建德及已正法賀起雲之妻賀蘇氏從逆餘匪張俊梁梁氏四名口均經

奏明奉

旨交刑部嚴審等因各在案該二員効力年餘尙知奮勉緝拏匪徒已有二案前後獲犯共計十餘

陶雲汀先生奏疏卷一

侍御稿

三

名之多伏查前奉

諭旨五城揀發人員如有出力者准各城御史呈奏理合遵

旨聲敘案由可否量加鼓勵之處出自

皇上天恩爲此具

奏伏祈

睿鑒訓示謹

奏

嘉慶二十年二月初二日具奏本日奉

旨郝成瑞等交刑部審訊欽此旋經刑部審結郝成瑞擬斬徐七擬徒

請立鄉保獎勵之法摺子

奏爲請立鄉保獎勵之法以專責成而收實效事

竊惟除莠安良莫要於保甲我

皇上夙夜勤求爲閭里計安全屢次

諭地方官實力舉行現在各省因保甲而查出匪類

者頗多如孝義廳截擊盜匪出力之鄉約項三

太范明詳韓興棟等業蒙

恩旨賞給八品頂帶各處聞風鼓舞自不致視爲具

文矣惟是法立弊生必須得人而理始能垂諸

久遠查保甲之法鄉與城不同在城者十家爲

陶雲汀先生奏疏卷一

侍御稿

三三

甲則有甲長在鄉者村自爲保則有保長甲長

所管無幾且在城市耳目較近易於稽察若鄉

保所管常數百戶千戶其距城近者或數十里

遠者或一二百里鞭長莫及全賴保長得人方

能助官爲理向來保長由各鄉公舉殷實老成

者承充額殷實老成之人避此役如蜂蠶而承

充者多係無賴假以耳目往往借端生事甚至

包庇盜賊爲害良民如前年直隸省趙勤一案

因編查而勒索以致釀命是其驗也所以然者

鄉保無庶人在官之食而有終年奔走之勞且

呈冊入城則有費官府下鄉則有費承役脫役

則又有費一切呵謦責辱保長皆先嘗焉彼殷

實老成之家平時畏懼盜賊控諸官官未必理

也及身充保長則官反得加以縱盜之名而遂

其訛索轉不若無賴者當之猶無家可破而有

利可圖也是以每遇新舊更替之際胥役必多

舉殷實老成之家乘其求免情急以邀利而殷

實老成之家亦情願用錢求免不願出而承充

者誠畏其累而賤其役也然則欲奉行得實必

須殷實老成之人爲之欲得殷實老成之人必

陶雲汀先生奏疏卷一

侍御稿

三三

有所勸以忘其勞而後可伏查各衙門書吏五

年役滿得考送爲吏員若鄉保果能得人其勞

績自不亞於書吏合無仰懇

敕下各省地方官除在城之十家牌甲隨時多有更

換無庸議外其鄉村之保長尤關緊要宜酌定

五年爲限以專責成而嚴稽察五年之內其境

內盜賊衰息詞訟稀少者詳明上司給與獎賞

其有分年輪充難限以五年者各聽其便但令

役滿之際諸事妥協亦應量給花紅或將別項

徭役酌免一二年以償其勞各州縣仍當加以

體卹毋輕責辱以養其廉恥而鼓其心志並嚴
禁胥役勒索規費俾殷實老成之人樂充保長
不特奉行得人於鈞稽可期核實而型仁講讓
之風亦由此而興矣臣愚昧之見是否有當伏
祈

皇上睿鑒訓示謹

奏

嘉慶二十年二月初九日具奏本日奉

上諭御史陶澍奏請立鄉保獎勸之法一摺直省各
州縣編排保甲原應慎選保長俾司稽察嚴禁胥

陶澍先生奏疏卷一

侍御稿

三五

役訛索不得視為賤役令無賴之人承充至於城
鄉地方雖遠近不齊其分甲設立門牌甄別良莠
規制則一亦非鄉保之責獨重若比書吏役滿考
選吏員之例給予獎賞不特人數眾多礙難辦理
且此等鄉曲小民亦豈能明習吏事濫登仕籍該
御史所奏迂闊不可行原摺著擲還欽此

緝匪摺子五巡視中城同
滿察院會奏

奏為拏獲入教知情匪犯請

旨交部審訊事據揀發副指揮張效高稟稱帶同眼
線拏獲教匪劉七陳四孫十等由坊詳解前來
據劉七即劉啓武供係宛平縣人年四十歲現
在天宮園居住哥哥劉啓文是劉呈祥徒弟我
拜哥哥為師學念真空家鄉無生父母八箇字
十八年九月十三日我哥哥同杜張五王林王
秀入城滋事令我在太平莊看守王林的家眷
陳四看守杜張五的家眷王五看守王秀的家

陶澍先生奏疏卷一

侍御稿

三五

眷並叫我們接應河南滑縣的人馬見面時彼
此念真空為號後來河南的人未見上來我哥
哥死在城內我於十七日就走開了又據陳四
供係宛平縣太平莊人年二十六歲十四年二
月內有賀文隴的母親賀老媽媽叫我入榮華
會不到三天我就出來了十八年九月十四日
有杜張五說要進城做小買賣叫我與他看家
杜張五的女人是乾媽向我說這兩日河南
的人馬要來了到十五日我乾媽給我刀一把
布一塊叫我進城找尋杜張五等我把刀布裏

在衣內走到南西門城門已關我就走回到新莊地方把刀布拋在荒草地內仍然傭工做活又據孫十供稱年二十九歲住居太平莊在城內作鞋靴我與劉七從前認識會與他拌過嘴因此妄扳我實未入教我哥哥孫九分居已久他入教與否我不知道等供查劉啓武一犯入教知情業據供認不諱惟孫十先據劉啓武供稱係賀文隴徒弟其兄孫九係孫起祥徒弟均曾得受偽封進城滋事等語旋卽翻供自認妄扳陳四所供亦忽認忽翻情詞閃爍臣衙門例

陶雲汀先生奏疏卷一

侍御稿

三

無刑訊應一併請

旨交刑部審訊辦理再據發副指揮張效高自十八年冬揀發來城會同揀發指揮阮文燮拏獲匪犯五起俱經奏交刑部審明定擬在案茲又獨自拏獲一起合並聲明爲此謹

奏伏祈

皇上睿鑒謹

奏

嘉慶二十年八月初九日

夾片一件
再臣等正繕摺間據該揀發副指揮張效高稟稱續將孫九拏獲尙未訊供臣等查孫九係已正法田馬兒供出之犯是否正犯俟該坊訊供後臣等卽咨送刑部審辦理合附片

奏

聞謹

奏

嘉慶二十年八月十二日報到奉

上諭劉七陳四孫十俱著刑部嚴審劉七卽劉啓武

陶雲汀先生奏疏卷一

侍御稿

三

據供稱伊兄劉啓文曾拜劉呈祥爲師隨入禁城滋事劉呈祥現在何處潛匿伊必知情向其嚴切跟究毋任諱飾陳四供出約伊入會之賀老媽媽及給伊刀布之杜張五之妻併著訊明緝拏究辦孫十是否劉啓武妄扳抑係從逆匪犯伊兄孫九續經拏獲一併嚴確訊究副指揮張效高指揮阮文燮前後拏獲各犯著刑部查明是否俱係正犯擬何罪名開單具奏欽此旋又於九月內緝獲逆犯任士貴一名交後任辦理十月十一日奉上諭揀發正指揮阮文燮副指揮張效高前後緝獲

逆案匪犯十餘名茲又拏獲任士貴一犯緝捕尙屬認真阮文燮張效高俱着加恩儘先補用欽此

陶雲汀先生奏疏卷一 侍御稿

奏摺卷二目錄

巡漕稿 巡城稿川東道稿附

安化陶澍

巡視南漕謝

恩摺子

恭報任事日期並江境水勢回空糧船各情形

摺子

恭報回空漕艘出江全竣並預籌新運各事宜

摺子

恭報南糧重運首幫渡江並籌畫催償各緣由

摺子

陶雲汀先生奏疏卷二目錄

敬籌鎮江運河事宜摺子

恭報南漕重運掃數入瓜口摺子

恭報三進漕船全數渡江摺子 同江督漕督河督會奏

恭報漕船重運全數入山東境摺子 同漕督會奏

南漕差竣恭復

恩命摺子

參奏世襲侯爵指欠釀命請交部清算摺子 同滿

察院會奏

查出司坊積欠請交戶部核對追繳摺子 同滿察院

會奏附片一件

查辦土米積欠酌擬分任賠繳摺子 同滿察院會奏

補授川東道謝

恩摺子 履歷夾單附

陶雲汀先生奏疏卷一目錄

二

巡視南漕謝

恩摺子

奏為叩謝

天恩恭請

聖訓事本月二十四日奉

旨巡視淮安漕務著陶澍去欽此竊臣楚南下土由

嘉慶七年庶吉士散館授職編修十五年奉

命典試蜀中上年三月改補御史旋充會試同考官

十一月奉

命巡視中城本年四月蒙

陶雲汀先生奏疏卷一 巡漕稿

一

恩擢授戶科給事中涓埃未報兢惕方深迺荷

洪施稠疊畀茲重任伏念淮揚為糧艘滙遞之區巡

漕有催趨稽查之職安流利運籌畫攸關 臣惟

有勉竭駑駘矢誠辦理以冀仰酬

高厚鴻慈於萬一所有 微臣 感激下忱謹繕摺叩謝

天恩恭請

訓示伏祈

皇上睿鑒謹

奏

嘉慶二十年九月二十六日

恭報任事日期並江境水勢回空糧船各情形
摺子

奏為恭報任事日期並江境水勢回空糧船各情
形仰祈

聖鑒事竊臣於九月二十六日恭請
聖訓仰蒙

皇上誨示諄詳跪聆之下感悚莫名旋即起程於十

月三十日行抵清江浦維時漕臣李奕疇尚在

黃林莊一帶督催尾幫河臣黎世序迎赴途次

跪請

陶雲汀先生奏疏卷一 巡漕稿

二

聖安即同臣赴河口一帶察看水勢及開壩情形現

在黃水漸消洪湖水勢尚旺暢出刷黃裏外河

一律深通回空糧艘已渡黃河七十幫計船二

千六百七十餘隻俱皆暢行無滯惟在後尚有

八幫計船四百餘隻必須趕緊飛催俾得早歸

早兌以速全漕臣謹於十一月初二日在清江

拜印視事一面派員作速迎提後幫一面親自

督趨前船適赴瓜口俟回空將竣臣即赴徒陽

運河查辦挑工一應事宜惟有竭誠辦理斷不

敢蹈因循積習以副我

皇上委用之至意所有臣任事日期並江省水勢回
空船隻各情形理合恭摺具

奏再臣自出京後沿途麥苗均已茁發十月二十

五日臣乍入江境宿遷地方適遇雪澤厚積一

二寸不等次日仍陸續得雪豐年預兆百姓極

為歡忭合併附摺以

聞伏乞

皇上睿鑒謹

奏

嘉慶二十年十一月初二日拜發十一月二十

陶雲汀先生奏疏卷二 巡漕稿

三

五日奉到

殊批覽欽此

恭報回空漕艘出江全竣並預籌新運各事宜
摺子

奏為恭報回空漕艘出江全竣日期並預籌新運
各事宜恭摺具

奏仰慰

聖懷事竊臣自十一月初二日抵清江拜印視事維
時回空漕艘甫經全入江南地界臣一面委千
總周丕福飛提江廣後船一面親押浙江尾幫
日夜進行業將到任並渡黃日期

奏蒙

陶雲汀先生奏疏卷二

巡漕稿

四

聖鑒在案臣於初八日將浙江尾船僱入丹徒運口
因值潮落水枯該境下游猪婆灘一帶淺阻二
百餘艘當即馳往相視督飭署鎮江府知府唐
先甲丹徒縣知縣李景嶧設法幫撈兼用天關
地牛挽曳撫臣張師誠亦即委員一同催辦其
時江廣船在後臣恐稍延或致冰凌凍結敲鑿
費事則渡黃雖早亦屬徒然即於十四日復馳
回揚州迎遣後船而連日西風天寒欲雪十七
日更甚湖水凍結臣奔馳往來正深焦急因念
往時阻凍艱難萬狀俱在高郵邵伯一帶該處

向有露筋

神祠康熙四十六年曾蒙

御賜節媛芳躅四大字匾額舟航往來祈禱多著靈應

臣即日專弁竭誠致禱於十八日狂風頓息天
氣回暖湖水解凍各艘暢行而徒陽阻淺之船
亦因潮水驟長即於是日盡行浮送出境二十
二日煞壩限五晝夜厚水罄盡現同撫臣張師
誠會勘與挑具

奏在案其江廣各船因天氣晴和弁丁歡欣踴躍
不分晝夜絡繹挽行於十一月二十八日尾幫

陶雲汀先生奏疏卷二

巡漕稿

五

釐出瓜口總計六省軍船共七十五幫為數三
十零三隻全行出江完竣伏查上年回空各船
於開年正月初五日始掃數出江本年比較早
至三十七日再查十八年十二月初十日空船
全數出江本年比較亦早至十二日此皆仰賴
聖主福庇潮已落而驟長冰甫結而忽開較之近年
以來事機實為順利臣現在恭錄近奉
上諭咨行各省糧道務須冬兌冬開復還舊制其高
寶揚河一帶緯道每年遲至春間始行修理以
致重運溯流而上無處使用犁緯臣已飛咨河

臣黎世序一體嚴飭廳員趕緊修理至兌漕米色本年南省豐稔收漕較易臣仍飛咨各處總以早兌早開為主則旗丁無暇措索州縣無從和兌米色自更精潔而各省重運及時抵瓜臣得以趕緊督趨源源北上從此年速一年河漕兩利庶稍答我皇上宵旰勤勞之至意所有各船出江完竣及預籌事宜理合恭摺

奏

聞伏祈

陶雲汀先生奏疏卷二

巡漕稿

六

皇上睿鑒訓示謹

奏

嘉慶二十年十一月二十九日拜發十二月二十四日奉到

硃批欣慰覽之欽此

恭報南糧重運首幫渡江並籌畫催償各緣由摺子附片一件

奏為恭報南糧重運首幫渡江日期並籌畫催償各緣由仰慰

聖懷事竊照本年漕船回空較早新漕重運自應冬

兌冬開趕緊催行臣於空船掃數出江後即會

同撫臣張師誠勘挑徒陽運河業於十二月十

七日竣工開壩合詞具

奏在案臣於開壩之先即將鎮江首進重船派弁

押抵華家莊壩門十八日提出江口候風緣丹

陶雲汀先生奏疏卷二

巡漕稿

三

徒江口北對瓜洲在金焦二山之間水深磯偪必得東南風然後糧艘用紅船引帶而過半月以來西北風勁十九日午刻倏轉東南風臣即督押首幫船隻揚帆渡江駛入瓜口行走甚為順利其在後各幫亦即飭令跟接而來惟臣查本年重運係屬全漕船隻比上年多至一千三百有餘兼有搭解緩徵等項米石每船多載米二百餘石船多且重不特與上年減運時情形不同即較之往昔全漕之年亦復加重必須預為籌畫始能迅速運行查糧艘往時延緩之故

每由於脫空積壓而脫空之根雖有風阻水淺
尤多由於兌糧措勒彼此觀望或中途帶貨稽
延臣已迭飭有漕各地方官弁務須隨收隨兌
隨兌隨開並令於某日開兌某日開船某日行
抵某處某日風色若何某地水勢若何一一按
期稟報仍於中庭豎立風幟隨時識載遇有託
故延挨無難查對明確立行叅處其米色過淮
例須盤驗但臨期駁換雖嚴加創懲亦已耽延
時日自不若嚴之於始臣已札飭各糧道認真
核辦務期乾潔並嚴禁幫弁漁利漕委需索有

陶雲汀先生奏疏卷二

巡漕稿

八

犯卽懲總期於漕有益俾得年速一年以仰副
皇上厯注漕儲之至意所有重運首幫渡江日期暨
預籌新漕各緣由理合專摺具

奏伏祈

皇上睿鑒訓示謹

奏

再江蘇一帶麥田望雪臣於二十日寅刻正繕
摺間祥霽適集計厚一寸有餘同雲四布雪意
方殷查本年漕船回空恰在河水未凍之前一
日已掃數出江茲於徒陽運河甫竣之際卽值

順風放渡瑞雪應期此皆我
皇上誠求錫福暘雨依時故得事機順利民情懽
足占豐年預兆爲此附片以

聞伏祈

皇上睿鑒謹

奏

嘉慶二十年十二月二十日拜發

嘉慶二十一年正月十三日奉到

硃批所辦尙妥知道了欽此又夾片奉到

硃批欣慰覽之欽此

陶雲汀先生奏疏卷二

巡漕稿

九

敬籌鎮江運河事宜摺子

奏為敬籌鎮江運河事宜以利漕行而垂久遠仰

祈

聖鑒事竊臣奉

命巡漕刻刻以嚴切催償為要現在首進全幫盤驗

在卽約可早上年十餘日惟因正月內雨少風

多江湖陡落河道間有淺阻雖經設法掃撈各

船相次跟渡江湖亦漸暢旺已可無虞淺滯但

臣查江浙為漕務最多之地而鎮江又為江浙

運道咽喉尤宜慎重未可以目前尚屬暢順卽

陶雲汀先生奏疏卷一 巡漕稿

一

忘遠慮臣因籌催之際親歷該處湖開始知前

人立法原極周詳不可不亟為修復請為我

皇上陳之

一練湖宜濬治也查鎮江運河水無來源惟丹

陽縣西有練湖一所古名曲阿後湖收納長

驪諸山八十四汊之水滯蓄濟運與山東微

山諸湖相似自康熙年間上練湖墾為民田

下練湖亦日見淤塞一望荒烟春夏漲發既

虞其潰堤秋冬水涸又無以濟運查河臣黎

世序於鎮江府任內曾經捐建三閘但湖底

未深水難存蓄能灌田而不能濟運計下練

湖周圍四十里若得挑濬使水有所潴遇潮

枯時湖水開放一寸運河卽可增長一尺不

特丹陽無慮併可以接濟丹徒之上矣

一甘露港宜挑深也鎮江口門寬祇數丈而自

丹徒至常州一百六十里間皆藉此口納潮

未免源少流長查江口稍下有甘露港亦係

納潮之所其水從北固山前流經北水關入

城出南水關長一千三百餘丈便民濟運由

來已久近年淤墊不通江潮聞城中百姓因

陶雲汀先生奏疏卷一 巡漕稿

二

汲飲維艱亦願捐挑若得官為勸勵辦理是

又添一納潮之所也於漕行自更利矣

一閘座宜整理也查丹陽有奔牛呂城等閘所

以收練湖之下瀉丹徒有西門南門等閘所

以防江湖之迴退而丹徒之橫越二閘尤為

旁納江湖要地近因石縫圻裂閘底漏水不

能下板收蓄以致急迫時用氈絮紮貼且閘

底低於河身內寬而外隘潮來既不能暢入

潮退且併底水撤去此因木商捐修利於簞

筏之轉側而不知漕運已因之膠淺尤宜早

爲修整也

一積土宜起除也鎮江河道原係秦隋時鑿山而成岸偏崖高如頭道溝野狗墩猪婆灘諸處兩岸陡立各長四百丈高二三十丈不等出土無路河底之掘挖日深則兩岸之傾側日甚兼之興挑例在隆冬手足瘴瘵一遇雨雪滑跌尤多一夫所挑不過八撬比及山頂已傾灑過半大雨之後仍復衝洗入河此所以旋挑旋淤也爲今之計或將所挑之土運出大江傾棄或設法搬移至荷花塘及邵

陶雲汀先生奏疏卷二

巡漕稿

十一

伯湖西一帶填補堤埂緯道或卽就高處酌抽土巷數條俾得繞至山後出土總之舊土縱難盡除而新土則斷不可再加矣

以上數條皆係前人成法特以廢弛已久故運道日漸艱難臣溯查舊案無歲不有淺阻之事一值江湖陡落百餘里長河無從接濟兼之江湖挾沙而入每日計厚一錢以一年計之厚及尺餘從前猶有二十年一疏五年一挑之說近則五年一大挑一年一小挑而仍不免淺阻總緣人人苟目前之安而不爲遠計置成法不問

而徒恃夫挑工不知挑工及於河底而止而江湖之起落無常是收水之閘座宜先而引潮瀦水之港湖不可不講也臣爲籌復舊制以利漕行起見是否有當伏乞

皇上睿鑒謹

奏

嘉慶二十一年二月二十六日拜發三月二十日奉到

硃批另有旨欽此同日准軍機處知會貴巡漕

條陳鎮江運河事宜一摺已奉

陶雲汀先生奏疏卷二

巡漕稿

十二

旨將原摺交兩江總督百齡查辦矣

三月二十三日准

兩江總督百 咨開三月二十一日承准

軍機大臣 字寄

兩江總督三等男百 嘉慶二十一年三月初

八日奉

上諭據陶澍奏鎮江運河間多淺阻宜濬治練湖甘露港等處以裕來源並修整閘座起除積土各條其言是否可行著百齡勘明核議具奏陶澍原摺並發給閱看欽此

恭報南漕重運掃數入瓜口摺子

奏為恭報南漕重運全入瓜口及督押尾幫赴淮

渡黃緣由仰祈

聖鑒事竊漕糧重運自上年十二月十九日經

臣親押首幫過江開行較早旋因雨雪久稀江潮枯

落自鎮常至蘇松一帶節節淺滯其已抵京口

之船又因風阻不能如期渡江

臣奔馳往來正深焦急當即乘坐小船親詣橫越各閘下板蓄

水並札丹徒縣知縣李景嶧製造鐵箕刮刷河

底較爾撈更為得力復經督

臣百齡派委揚州

同知許文綬金壇縣丞熊祖源揚州營遊擊尹

國均等分駐河干按段籌催一面飭令地方府

縣雇備剝船梭織輸送

臣仍督率漕衛千總周丕福沈世城羅有上胡照廖文源從九品曲星

等無分晝夜設法儻挽仰賴

聖主福庇自三月初旬以來甘膏渥霑各處河水長

足船行順利四月十七日浙船渡竣過揚關

臣即馳抵儀徵黃泥港一帶親押江廣各船東

下數日之間風利行駛絡繹入口統計六省糧

船共九十二幫為船四千四百九十二隻比上

陶雲汀先生奏疏卷二

巡漕稿

十五

年多船十九幫共多船一千三百六十九隻於

四月二十八日全數挽入瓜口接連北上查嘉

慶十九年係二月遇閏糧船於四月十三日全

數入瓜本年比較早十五日再查二十年因緩

徵減運亦於四月二十八日糧船全數入瓜比

較日期僅堪相等而本年船隻較多比上年多

載米一百數十萬石兼各船俱有搭運糧米即

比往常全漕之年亦復加重合計行程尚屬有

早無遲現在運河通暢可省起淺盤剝之累其

丁舵例帶土物亦因水足得沾餘潤彌覺歡欣

踴躍行走奮迅至黃河壩口起落本無一定日

前微有頂滯略須起剝經督

臣百齡河

臣黎世序嚴速料理頃探聞淮水漲發自四月初六以

後六日之間長水一丈三尺五寸湖水日增流

出刷黃足資浮送截至四月二十四日已渡黃

河船六十九幫計三千二百三十三隻比上年

此日多過船一千四百餘隻後船銜尾上開行

走可期順利

臣現押尾幫赴淮會同漕

臣李奕疇隨驗隨行趕緊渡黃入東不任稍有稽延以

冀全漕迅速仰副我

陶雲汀先生奏疏卷二

巡漕稿

十五

皇上宵旰靡勞之至意所有全漕入瓜及赴淮渡黃各情形理合專摺具

奏伏祈

皇上睿鑒再江省近來雨暘時若麥苗暢發臣沿途

察看俱已吐穎結實詢問農民僉稱可望九分

收成似此情形洵足仰慰

聖懷合併奏

聞謹

奏

嘉慶二十一年四月二十九日拜發五月二十

陶雲汀先生奏疏卷二

巡漕稿

共

三日清江舟次奉到

硃批欣慰覽之欽此

恭報三進漕船全數渡黃摺子同江督清督河督會奏

奏為恭報三進漕船全數渡黃日期仰祈

聖鑒事竊照本年重運三進幫船於四月十五日二

進尾幫渡黃之後即跟接償渡臣等因三進多

係江廣重船河口自桃汛以來黃水時形內漾

深恐日久漸形淺滯計惟趕緊提催以期早日

全渡臣百齡分派文武各員弁節節償行不容

片刻停滯臣李奕疇勒限提催各幫到淮加緊

盤驗督令銜尾挽渡臣陶澍在瓜洲提催幫船

全進江口督押上行臣黎世序在河口一帶籌

陶雲汀先生奏疏卷二

巡漕稿

一

催並添築挑束各壩逼刷停沙緩托閘門溜勢

以資浮送四月下旬正因黃水內漾日久河泓

淤淺幫船起剝挽渡將有停滯之虞臣百齡亦

自省趕至清江會商設法提挽適洪水勢連

日陸續增長一尺九寸黃水漸消清水暢出河

口即見刷深江廣極重船隻略為起剝即行挽

渡臣等督飭幫弁催漕各員趁水勢通暢更為

加緊償行於五月二十五日三進船四十一幫

全行渡黃完竣查上年漕船八十一幫於六月

初六日全行渡黃本年漕船一百零一幫並有

硃批

搭運米石比上年多船二十幫多載米一百四十餘萬石即比往常全漕之年亦多米五十餘萬石今渡黃之期比上年較早十一日比十九年有閏之年早至二十一日臣等前因本年船隻米數既重且多而黃水來源又較往年夏初倍形旺盛深恐阻遏清水出路淺滯漕船上煩宸厪正在焦急籌慮而安省正陽關淮水於旬日之間驟長一丈四尺五寸幸匯入洪湖清水大為增長黃河水勢適於是時頓形消落讓出清水河口刷滌見深似此淮水於未應見長之時忽然

陶雲汀先生奏疏卷二

巡漕稿

六

皇上誠格

天神川源助順不但臣等及在事各官目親身親同深感惕即幫丁夫役亦無不歡欣感頌萬口同聲現在邳宿運河東境湖水充足臣黎世序已咨會東河照例加啟湖閘板水接濟三進重船並飭徐州道運河廳將邳宿境內各處水口全行啟放以資添助據報五月十九日止已挽出

江境船八十一幫僅餘在境船二十幫臣李奕疇臣陶澍現即督押尾幫趕赴邳宿運河可期計日出境早達

天庾仰慰

聖懷再本年船多載重臣等深慮不能趕副限期是以派委文武員弁逐節籌催前此春雨久稀多有淤淺迨後水發各閘壩溜逼異常該員等晝夜催儻緯挽不辭勞瘁是以漕船雖多而行走反速於往年現在仍飭令加緊儻挽俟全幫過出江境再行細核各就臣等所派人員內擇其始終奮勉尤為出力者另行

陶雲汀先生奏疏卷二

巡漕稿

一

奏請

恩施量加鼓勵合併陳明所有三進漕船全數渡黃日期謹合詞恭摺由驛奏

聞伏乞

皇上睿鑒謹

奏

嘉慶二十一年五月二十七日拜發六月初八日奉到

硃批另有旨欽此又於匯入洪湖清水句旁奉

硃批幸慰欽此同日奉

上諭百齡等奏三進幫船全數渡黃一摺本年清水於未應見長之時忽然長發暢出清口立將河口刷深江廣重運船隻得以迅渡事機實為順利但清水當四五月之交已驟長一尺九寸此後大雨時行仍必續加漲發倘清水過於旺盛堤堰工程在在喫重更不可不加倍小心從來

天道敬慎則致福滿盈則召咎先憂後樂其理信而有徵該督等當思未雨綢繆慎益加慎本日具奏請撥銀兩以為添備大汛之用江省河工年來甫

陶雲汀先生奏疏卷二

巡漕稿

二十

有起色萬不可稍存大意務將各處堤堰留心相度刻刻隄防應培者培應補者補總期一律堅實穩固保守萬全永慶安瀾為要將此諭令知之欽此

恭報漕船重運全數入山東境摺子

清督會稿

奏為三進尾幫催入東境日期恭摺會

奏仰祈

聖鑒事竊照全漕尾幫於五月二十五日掃數渡黃

臣李奕疇 臣陶澍會摺

奏報後即分投前往緊要各關壩督催緣邳宿一帶自六月初間及十四五等日陰雨連綿上游山水驟然匯入長河陡長一丈餘尺水勢十分溜急當經河 臣黎世序將各關越壩先後啟除而江廣船身笨重打放甚為費力且宿遷以上

陶雲汀先生奏疏卷二

巡漕稿

三

緯道多有淹沒其河清匯澤利運等關面有漫水一二尺不等無從安設關座拉挽維艱 臣等當即分派幹員會同運委各弁察看緩急情形加意保護設法籌催仰沐

皇上洪福上關各幫雖稍有停待船隻並無損壞迨六月十六日以後天氣晴霽水勢漸見消動 臣等親督弁丁節節加關加緯無分晝夜嚴速提催不任稍有觀望兖州鎮總兵 臣劉榮慶先經移駐台莊率同將備弁兵在八關上下來往儻催彈壓茲於六月二十一日將三進之湖南三

尾幫催入東境查上年重運八十一幫亦係六月二十一日入東本年計多二十幫共多船一千四百餘隻時日仍復相同比較十九年七月初十日入東之期是年有閏二月計早四十九日再查東境之彭口十字河為各處山水匯注之所每有噴沙淤墊之慮東漕臣王耀辰現在沿闡迎提臣李奕疇於拜摺後即馳詣十字河會同臣王耀辰督飭儻行一俟各幫全過該處即赴濟寧臨清一帶嚴押聯絡出東務期速益求速以冀上紓

陶雲汀先生奏疏卷二

巡漕稿

三

宸厪臣劉榮慶先馳往臨清闡外督同員弁催押在前各幫跟接北上臣陶澍南漕差竣即由台莊陸路起程恭復
恩命所有三進尾幫全入東境日期臣等謹恭摺會奏伏乞

皇上睿鑒謹

奏

嘉慶二十一年六月二十一日拜發閏六月初二日奉

硃批知道了欽此

南漕差竣恭復

恩命摺子

奏為恭復

恩命事竊臣奉

命巡視淮安漕務業將重運首二三進幫船催儻入

瓜過淮渡黃出境各緣由前後

奏蒙

聖鑒在案臣於六月二十一日將糧艘尾幫全數催

出江南黃林莊境交巡視東漕臣王耀辰接催

臣即由韓莊登陸北上茲於閏六月初十日至

陶雲汀先生奏疏卷二

巡漕稿

三

京理合泥首

宮門叩謝

天恩恭復

恩命伏祈

皇上睿鑒謹

奏

嘉慶二十一年閏六月十一日

叅奏世襲侯爵指欠釀命請交部清算摺子
同滿察院會奏

奏爲特叅指欠釀命審明奉

旨交城清算屢傳抗不赴案之世襲三等侯施彬請
旨飭旗催傳以清積牘而肅功令事竊臣等奉
命巡城惟以清釐案牘隨到隨結用期仰副

聖主整飭城務之至意詎有恃爵藐抗之世襲靖海
侯施彬者前因該欠烟錢鋪之譚林山錢一千
餘串係鋪夥范作棟經手屢討拒不見面范作
棟無可奈何情急服毒身死經刑部審明范作

陶雲汀先生奏疏卷一 巡城稿

三

棟輕生係因施彬負累所致

奏交兵部議處所欠錢文行旗飭追因數目不符
交東城飭令兩造清算於嘉慶二十二年十二
月二十日奉

旨依議欽此曾經前任巡城御史飭司催傳施彬竟
置之不理其家人張姓聲稱伊主身係侯爵不
能錄送口供亦不能遣家人赴司算賬本城無
憑查辦曾於上年十二月本年三月兩次移旗
飭催並無隻字回覆五月內又經送部行催仍
抗違如故臣等於十月內到任後疊據譚林山

以負累衆多死生無路范作棟骸骨不能搬歸
寡母無貲養活施侯爵高祿厚家道充足又有
福建祖遺地租不下千金每年八九月由糖船
寄京人所共知並非無力一味仗勢強橫等情
具控到城復經臣等移文該旗催傳依然置若
罔聞似此指欠釀命之案倚恃侯爵藐抗經年
案懸莫結不特譚林山等生死難甘且係奉

旨交辦之件竟敢任意玩延實屬目無
功令相應據實叅

奏請

陶雲汀先生奏疏卷一 巡城稿

三

旨交鑲黃旗漢軍都統轉飭該佐領速取施彬口供
令伊家人赴司清算以便行旗著追交部給領
庶

功令肅而積案不致久懸矣爲此具

奏伏祈

皇上睿鑒謹

奏

嘉慶二十三年十一月二十八日具奏本日奉
旨施彬著解任交刑部將伊所欠譚林山錢賬質算
明確勒令迅速歸還交完給領奏明開復如仍抗

延不楚卽參奏革職欽此十二月刑部奏施彬所欠譚林山錢賬現已全完給領照例開復完案

陶雲汀先生奏疏卷二

巡城稿

三

查出司坊積欠請交戶部核對追繳摺子

附片一件同滿察院會奏

奏為查出司坊前任積欠請

旨飭交戶部核對以憑追繳而重錢糧事竊查五城司坊領糶各倉成色米豆糶賣錢文係由該指揮具文批差解部戶部據文付庫查收後出具實收本員自行收存向不交給後任是以錢文雖批解有案而已否上庫不特本城無憑查核卽接任之員亦無交代冊籍可查此歷來辦理之情形也本年十一月初四日經戶部都察院會議五城司坊官承賣糧石存留批解及所領實收均於新舊交卸時辦列交代冊籍以備查考奉

陶雲汀先生奏疏卷二

巡城稿

三

旨依議欽此欽遵經都察院轉飭在案臣等到任後卽飭司坊官等嗣後遵照新例辦理務須慎重錢糧卽從前各任未列交代之項如查有轉轄未清之處亦應據實報明以憑查辦隨接都察院劄催上年報銷各冊復經臣等轉飭去後茲據東城指揮徐珍稟稱奉牌遵飭承辦糧吏馬文驤詳細造冊現據開出二十一年歲底前任

尚有舊管存倉土米一萬五千七百六十一石
四斗四升七合五勺黑豆二千七百十七石二
斗五升三合一款查卑司於本年五月接任時
據已故前任指揮朱衍昶之姪朱咸林帶同該
糧吏開出朱衍昶任內應交承糶土米共大錢
九百十六千八百八十二文此外並未開載另
有存倉米石當將朱衍昶任內領米印簿核算
錢文大數相符卑司卽飭糧吏按數投批解部
現在飭辦二十二年報銷忽有此項舊存並無
著落查朱衍昶上年所造二十一年報銷底冊

陶雲汀先生奏疏卷一

巡城稿

三六

亦並無此項存倉米石詰訊該吏語多含混恐
有情弊合將該吏所開原單呈閱稟請查辦前
來查此項承賣米豆爲數既多自非一任一年
之事該司衙門所存上年前任報銷底冊既未
載明舊管尚有積欠無從核對恐數目尙有未
符並恐該書吏等有侵挪情弊相應抄錄該吏
所開前任積欠清單請

旨交戶部速卽逐細查明所領米石等項係何年何
員承領是否數目相符以便著落追繳庶不致
日久益形膠轉而錢糧可期速清矣至該書吏

馬文驥經手多年冊籍皆其所造現交該司看
押俟戶部查明如有弊混應行質訊之處卽送
刑部究辦爲此具

奏伏乞

皇上睿鑒謹

奏

夾片一件

再東城副指揮杜培於上年冬間到任現據開
造嘉慶二十二年報銷清冊其舊管一項內載
二十一年分存大錢四十二千六百一十八文

陶雲汀先生奏疏卷一

巡城稿

三五

係憑前任繆其泰任內舊冊所書但現在查出
前任正指揮衙門積欠甚多則該副指揮衙門
前任各員內積欠恐亦不止此數應一併請

旨交戶部查明歷任各副指揮任內有無積欠多少
是否數目相符以便著追歸款爲此附片

奏

聞請

旨

嘉慶二十三年十二月初八日具奏本日奉
硃批戶部查核具奏又夾片一件奉

殊批戶部知道欽此

查辦土米積欠酌擬分任賠繳摺子同滿察院會奏
奏為遵

旨查辦土米積欠酌擬分任賠繳以清

帑項事竊臣等於上年冬底牌飭司坊辦理二十

二年報銷清冊據指揮徐珍查出前任尙有積

欠土米一萬五千七百餘石黑豆二千七百餘

石並無著落稟請查辦臣等以正廠既有積欠

恐副廠亦有積欠當經奏明奉

旨交部查核旋據戶部奏稱正廠舊存數目核與前

任指揮朱衍昶造送二十二年銷冊相符又副

陶雲汀先生奏疏卷一 巡城稿

三

指揮繆其泰二十一年所造奏銷冊內亦有應

存土米七千二百餘石存豆一千三百餘石是

否存倉有無挪掩情弊應令都察院轉飭各城

御史自行查明奏辦奉

旨依議欽此臣等查存剩米石自應以每年報部印

冊為憑惟現任指揮徐珍副指揮杜培到任未

久均在前任已辦報銷印冊之後在未經奉

旨設立交代冊籍之前此項舊管米豆俱未經手其

為何年何員承領積欠無憑查核當即行文戶

部調取歷任報部清冊茲於開印後據戶部移

陶雲汀先生奏疏卷二

巡城稿

三

送各冊前來正副兩廠均自嘉慶六年報銷五
年起其五年以前印冊據稱因大雨霉爛等語
臣等飭同司坊按照現存各冊連日核對計正
廠米豆數目其積欠在嘉慶五年以後有任可
歸者十之三四在五年以前無冊可查者十之
六七副廠數目均係五年以前所積五年以後
尚無續欠惟舊管久已無存每年印冊仍復虛
存名目臣等細加體訪緣土米土豆本係各倉
氣頭馱底掃土所積不堪貯放之項發交各廠
隨時變價並無定限賤糶則不足交官久貯則

陶雲汀先生奏疏卷二

巡城稿

三

日加徵變從前既不由城核繳又無交代冊籍
辦理原未周密數十年來陳陳相因遞形虧缺
挪新掩舊誠不能保其無弊惟是事閱多年官
更更換存亡不一兼之印冊不全無憑澈究展
轉行查徒滋膠轕伏查各省無著款項原有按
任攤賠之例現在南城土米虧欠業經奉
旨准其按任分賠並將該員等應得處分

加恩寬免欽此欽遵在案東城正副兩廠事同一例
應請照依辦理除自嘉慶五年後正廠各員有
任可歸者應歸各員攤繳其五年以前無冊可

查者亦應著落攤賠至副廠無著各款雖在嘉
慶五年以前既經接任各員出冊報部即應在
該員等名下分賠歸款謹另繕清單恭呈

御覽請

旨敕下戶部按照例限行文追繳如逾限不完即行
嚴參治罪至現任正副指揮到任在後其二十
三年以後新收款項應歸該員等報銷現在陸
續批解勿任逾延俟照例另咨戶部核銷外臣
等惟有飭令恪遵去冬新定章程設立冊籍年
清年款將來交代後任不致稍有含混所有遵

陶雲汀先生奏疏卷二

巡城稿

三

旨查辦緣由理合專摺覆

奏是否有當伏祈

皇上睿鑒謹

奏

嘉慶二十四年正月二十九日具奏本日奉

上諭御史文溥等奏查辦土米土豆積欠請分任賠
繳一摺南城土米土豆虧缺前經降旨准其按任
分賠並將該副指揮等應得處分加恩寬免茲據
文溥等查明東城正廠米豆數目其積欠在嘉慶
五年以後有任可歸者十之三四在五年以前無

冊可查者十之六七副廠米豆數目均係五年以前所積舊管久已無存請一併著落分賠所有該城未解正廠土米制錢四千四百三十九千零土豆銀五百四兩零即責令前任正指揮陳理盛李宗聞謝天樛朱衍昶四員照數分賠該城未解副廠土米制錢二千三百八千零土豆銀一百七十一兩零即責令前任副指揮張瑞雲劉寶符喬集祥蕭昭張希忠周連繆其泰七員照數分賠仍著該部按照例限行文著追如逾限不交嚴參治罪應得處分亦著加恩寬免其二十三年以後新收

陶雲汀先生奏疏卷一 巡城稿

三

米豆價值即飭現任正副指揮按限批解勿任再有遲逾欽此

東城正廠積欠米豆數目

查嘉慶五年以前應舊存土米一萬零三百十二石二斗三升除耗外應解制錢二千四百六十七千七百三十七文應舊存土豆二千一百零七石七斗七升除耗外應解庫平紋銀三百八十二兩六錢一分六釐
嘉慶五年以後至二十二年歲底止應存暨新領共土米七千八百四十七石三斗七升九合

五勺除耗外應解制錢三千零五十一千五百六十文除解過制錢一千零七十九千八百七十三文外淨欠制錢一千九百七十一千六百八十七文應存土豆六百零九石四斗八升三合除耗外應解庫平紋銀一百二十一兩五錢六分一釐通共未解土米制錢四千四百三十九千四百二十四文未解土豆庫平紋銀五百零四兩一錢七分七釐謹將五年以後歷任各員分賠數目開後

陶雲汀先生奏疏卷二 巡城稿

三

前任正指揮陳理盛 李宗聞 謝天樛 朱

衍昶四員每員分賠制錢一千一百九千八百五十六文庫平紋銀一百二十六兩四分五釐
東城副廠米豆積欠數目

查嘉慶五年以前應舊存土米九千八百五十四石四斗除歷任解過外尚存七千二百十九石三升六合四勺除耗外應解制錢二千一百九十五千五百三十一文應舊存土豆一千九百十六石八斗除歷任解過外尚存一千三百二十二石六斗三升四合四勺除耗外應解庫平紋銀一百七十一兩七錢五分

嘉慶五年以後至二十二年歲底止除解過外
尚有未解制錢一百一十二千五百四十一文
通共未解土米制錢三千三百零八千七十二
文未解土豆庫平紋銀一百七十一兩七錢五
分謹將五年以後歷任各員分賠數目開後
前任副指揮張瑞雲 劉寶舒 喬集祥 蕭
炤 張希忠 周連 繆其泰七員每員分賠
制錢三百二十九千七百二十五文庫平紋銀
二十四兩五錢三分六釐

陶雲汀先生奏疏卷二

巡城稿

三六

補授川東道謝

恩摺子

奏為恭謝

天恩叩請

聖訓事嘉慶二十四年閏四月二十五日內閣奉

上諭四川川東道員缺著陶澍補授欽此臣楚南

下士知識庸愚由嘉慶七年進士改庶吉士授

職編修充

國史館纂修典試四川分校會闈十九年改江南

道御史擢戶科給事中游歷吏科掌印給事中

迭奉

陶雲汀先生奏疏卷二

川東道稿

三三

恩命巡視南漕巡視中城巡視東城二十三年四月

俸滿截取奉

旨記名以繁缺道員用涓涘未効兢惕方深迺荷

恩綸補授今職聞

命之下感悚交縈伏念川東為巴蜀鎖鑰之區道員

有督率巡查之責臣自惟駑下深懼弗克勝任

惟有籲求

聖訓敬謹遵循庶於地方一切公務得以認真辦理

仰酬

高厚鴻慈於萬一所有微臣感激下忱謹繕摺恭謝
天恩伏祈
皇上睿鑒

訓示謹

奏

嘉慶二十四年閏四月二十六日具奏

履歷夾單

陶澍湖南長沙府安化縣人年四十二歲由嘉
慶七年壬戌科進士改庶吉士散館授職編修
充

陶澍先生奏疏卷一 川東道稿

三

國史館纂修官十五年奉

命充庚午科四川鄉試副考官十九年三月改江南
道監察御史旋充甲戌科會試同考官十一月
奉

命巡視中城二十年四月轉掌陝西道監察御史蒙
恩擢戶科給事中九月奉

命巡視淮安漕務二十一年八月奉

命充丙子科順天鄉試內監試官十一月

殊筆圈出接查儲濟倉奉

旨補授吏科掌印給事中二十二年三月奉

命充丁丑科會試內監試官二十三年四月奉
旨稽查緞疋庫事務是月科俸報滿截取引
見奉

試巡牆官十月奉

命巡視東城二十四年閏四月二十五日內閣奉
上諭四川川東道員缺著陶澍補授欽此



陶澍先生奏疏卷二 川東道稿

三

奏摺卷三目錄

晉臬稿

安化陶

補授山西按察使謝

恩摺子

恭報到山西按察使任兼署布政使摺子

附片一件

查覆御史梁中靖奏劾陽曲縣介休縣摺子

巡撫

督同會奏

審明京控採買摺子

附奏晉省辦差情形摺片

查訊續控部案究出訟棍摺子

陶雲汀先生奏疏卷三目錄

覆奏京控鹽案摺子

巡撫督同會奏

調任福建按察使謝

恩摺子

補授安徽布政使謝

恩摺子

恭報到安徽布政使任摺子

補授山西按察使謝

恩摺子

奏為恭謝

天恩額請

陛見事竊臣接署督臣行知准吏部咨開本年十一

月初七日內閣奉

上諭山西按察使員缺著陶澍補授欽此伏念臣南

楚菲材由嘉慶七年進士改庶吉士授職編修

典試四川分校會闈改江南道御史洵歷吏科

給事中巡視中城東城巡視淮安漕務上年閏

陶雲汀先生奏疏卷三

晉臬稿

四月奉

旨補授四川川東兵備道到任以來甫經一載方冀

駘自策稍酬

先皇簡畀之

恩豈期犬馬無能驟荷

聖主遷除之

寵聞

命之下感悚難名竊思晉省為

畿近要區臬司乃刑名總匯懲奸剔蠹責重事繁

臣識淺才疎深懼弗克勝任惟有顛懇

聖恩准臣入京瞻仰

天顏親承

訓示敬謹遵循庶免隕越除將川東道印遵照署督

臣檄行移交重慶府知府花杰接護外謹專摺

恭謝

天恩臣卽日起程由川陝陸路迎摺赴

闕跪聆

訓示伏祈

皇上聖鑒謹

奏

陶雲汀先生奏疏卷三

晉泉稿

二

嘉慶二十五年十二月初八日自重慶拜發

道光元年二月初三日平遙途次接奉

硃批准來見欽此

恭報到山西按察使任兼署布政使摺子

奏為恭報微臣到任日期並兼署藩司緣由仰祈

聖鑒事竊臣於二月中旬瞻覲

天顏疊蒙三次

召見跪聆

聖訓剴切周詳倍增感悚旋奉

諭速赴新任於三月初一日馳抵山西准署臬司冀

寧道百貴將

勅印文卷委員齎送前來當卽恭設香案望

闕叩頭謝

陶雲汀先生奏疏卷三

晉泉稿

三

恩祇領任事隨奉撫臣成格札知藩司邱樹棠調任

江西應行赴任新授藩司葉世倬到晉尙需時

日飭臣兼署布政使印務於初七日接篆署理

伏念臣一介庸愚上年冬月首被

寵命擢授臬司特達之

恩非臣夢想所敢期抑豈捐糜所能報迺荷

鴻慈獎勵

訓勉有加臣雖駑鈍敢不凜遵

聖誨加倍出力矢公矢慎以陳臬事至藩司為通省

官員表率於吏治尤關緊要臣斷不敢因暫時

署理稍涉因循惟有隨同撫臣督飭所屬激發
天良努力趨公以冀稍答我

皇上教誨成全之至意所有微臣感激下忱並到任

日期暨兼署藩司緣由理合繕摺恭謝

天恩伏乞

皇上聖鑒謹

奏

道光元年三月初七日拜發十五日山西省城

奉到

硃批汝歷任伊始諸事均宜留心查看毋忘面訓之

陶雲汀先生奏疏卷三

晉臬稿

四

言勉之慎之欽此

夾片一件

再前蒙

欽交案件三起除平遙縣民間尙珏臨汾縣民王本

志尙未解到外其御史梁中靖參奏陽曲知縣

武告成介休知縣陸元鎮一摺現同撫臣密查

確訪俟得有實據卽行核辦覆奏謹附片以

聞

同日奉

硃批秉公審辦欽此

查覆御史梁中靖奏劾陽曲縣介休縣摺子

巡撫督審會奏

奏爲遵

旨確查定擬恭摺覆

奏仰祈

聖鑒事竊臣等接准軍機大臣字寄二月二十二日

奉

上諭據御史梁中靖奏陽曲縣知縣武告成前經丁

憂希圖坐補原缺先具呈告病開缺俟上司批准

始報丁憂現卽坐補陽曲縣又介休縣陸元鎮前

陶雲汀先生奏疏卷三

晉臬稿

五

因河東鹽務有舉報新商之信預傳富戶聲言送

往充商行賄求免者自數百金至數千金不等該

縣得賄至七八萬之多等語官員匿喪贖貨均屬

大干法紀著巡撫成格按察使陶澍秉公確查如

武告成陸元鎮實有前項情弊務卽據實嚴參按

律定擬具奏毋得稍有徇隱該御史摺著發給閱

看將此諭令知之欽此臣成格以該御史所奏關

係人紀官常不可不嚴加切究遵卽率同臣陶

澍連日查辦據御史原摺內稱現任陽曲縣武

告成於嘉慶二十二年四月間在任丁憂因念

服闋後歸入補班銓選無期不若先為告病將來可補原缺且陽曲為晉省首邑坐補後易於陞遷竟匿喪不報先具呈告病開缺歷擱十數日俟上司批准始報明丁憂等語臣等查當日各上司或因陞遷或因事故晉省現俱無從查詢惟檢閱案卷武告成前於嘉慶二十一年四月十二日通詳告病經陞任藩司姚祖同以連日傳見該令面色雖覺憔悴公事應對並無舛錯何至遽請告病批駁旋經陞任太原府葉汝芝據情轉稟委員驗報藩臬兩司於五月初三

陶雲汀先生奏疏卷三 晉臬稿

六

日會詳前撫臣衡齡於初五日具

題開缺至十七日據署陽曲縣邱鳴泰詳報武令

於十四日丁母憂均經咨

題有案其告病年分係二十一年與該御史所奏

二十二年不符自係記憶未真臣等連日密訪

並將該令撤任委當日接署陽曲之現任忻州

知州邱鳴泰嚴查辦理隨據傳到武令家人李

升供稱伊家主於嘉慶二十一年四月初間感

患怔忡延本城馮醫生診視是月十二日詳請

解任伊老主母呂氏夙患痰喘見家主告病五

月初間痰喘轉甚因俗語有衝煞之說預將棺木擡至內署直入大堂伊老主母垂絕復甦者數次延至十四日病故是伊具報等語復傳醫生馮釗陰陽生周興德供亦相符並傳武告成面詢該員涕泗橫流據稱伊母年已八十迎養署中五月初伊已告病伊母舊喘復發垂危數次號泣莫救至十四日丁憂並稱伊於十九年計典卓異服闋赴部例應卽選並非選缺無期之人何肯希圖坐補匿喪不報詰以有無預擡棺木入署據稱因悞聽俗說謂可衝煞實屬一時

陶雲汀先生奏疏卷三 晉臬稿

晉臬稿

一

冒昧等語查該令母故距伊告病日期相隔一

月有餘夏月天氣熱蒸斷難久擱因其預擡棺

木入署致啓人言其非匿喪捏病似屬可信至

該御史摺內所稱介休縣知縣陸元鏞捐納出

身聲名狼藉前撫衡齡在任時河東鹽務有舉

報新商之信其實未有明文該縣乘機差傳閭

邑富戶數十家聲言送往河東充商晉省富民

視鹽商為畏途皆夤緣行賄求免自數百金至

數千金不等該縣得賄至七八萬金之多等語

查該御史所稱富戶數十家並無姓名居址無

憑查訊况事隔數年卽當日富戶已多非其舊若紛紛傳訊轉形驚擾因思摺內既有差傳一語如果屬實當有差票及衙役可查當將該令撤任飭令接署知縣廉九經前往訪查並檢查舊卷解省茲據稟稱遵查復商章程向係舊商消乏舉報新商更替由河東道行文指名提充縣中並無招商之事陸令任內曾有靈石縣商人梁八愷舉報介休縣富民侯生鍊接充引地一案因侯生鍊年老子幼延宕年餘始經解送此外亦無徇庇免送之商又嘉慶二十年十月內前任藩司吳邦慶轉奉巡撫衡齡批飭招選殷實備商旋經出示停止卷內亦無陸令出票傳人稿據嚴訊該令門丁胡三曹升及各班書差併傳殷實之戶李向南等均稱二十年冬季並無票傳充商挾索情事臣等復細加密訪委無受賄確據查陽曲縣知縣武告成患病在先丁憂在後案卷俱存並無捏病匿喪實蹟其坐補原缺係屬照例之事惟該令身為職官當親病危急不思盡心湯藥惑於流俗擡棺衝煞竟昧豫凶非禮之戒殊屬紕繆妄爲應請照不應

陶雲汀先生奏疏卷三

晉臬稿

八

重律杖八十係私罪降三級調用毋庸查級抵銷介休縣知縣陸元鍾招商納賄事無實據惟該令由捐納出身年近六旬漸形衰憊於地方公事未能振作應請勒令休致以免貽誤是否

有當謹將遵

旨確查緣由繕摺覆

奏並將該御史原摺附繳伏祈

皇上聖鑒訓示謹

奏
道光元年三月二十八日拜發初八日接奉

陶雲汀先生奏疏卷三

晉臬稿

九

殊批另有旨欽此同日奉

旨山西陽曲縣知縣武告成著降三級調用介休縣知縣陸元鍾著勒令休致欽此

審明京控採買摺子

奏為遵

旨審明定擬仰祈

聖鑒事竊照山西平遙縣民間向珏赴京呈控該縣

勒派採買支應差務一案於道光元年三月初

十日接都察院劄付二月二十日內閣抄出奉

旨此案著交陶澍提集人証卷宗秉公審訊定擬具

奏原告閆向珏該部照例解往備質欽此又接撫

臣成格行知三月二十四日奉

上諭成格奏發審控案請交臬司併案審辦一摺山

陶澍汀先生奏疏卷三

晉泉稿

十一

西平遙縣民人師萬玉呈控該縣採買勒折一案

與閆向珏控案同係一事著即交陶澍併案審訊

秉公定擬具奏欽此經兵部先後將師萬玉閆向

珏解送前來 臣遵即提齊人証卷宗查得前任

平遙縣知縣沈照於嘉慶十九二十二二十三等

年買補倉穀三次現任知縣楊霖川買補倉穀

二次平糶一次均經

奏咨有案隨督同太原府知府岳良等在 臣署內

隔別虛衷研訊緣閆向珏籍隸平遙曾充該縣

刑書因事革退嗣於縣民李大成與陰王氏通

姦致王氏服毒身死案內得贓問徒嘉慶十九
年援

赦釋回上年十月內見該縣奉文採買起意控告斂錢

使用因事關閭邑難以一人督准商同伊親楊

肇夏哄誘民人師萬玉田盛鄧全德霍冲霄郭

守幅等代斂銀錢以作訟費編砌沈楊二令節

次採買勒折浮收致鄉民賠累等詞在前藩司

暨巡撫衙門具控批查集訊閆向珏楊肇夏情

虛畏審潛逃赴京以採買一事恣意師萬玉先

赴步軍統領衙門呈告閆向珏又自行出名控

陶澍汀先生奏疏卷三

晉泉稿

十二

告併添砌車馬雞鴨等款在都察院遞呈 臣查

閆原呈內所控沈楊二令任內八年派買七次

每次賠銀一二萬兩二十五年四月開倉糶穀

七千餘石每斗糶錢一百八十五文十月採買

穀八千九百三十石每石發銀一兩二錢零門

丁書差層層剋扣交倉時撮穀尖量每石折錢

三千一二百文歷控撫司衙門不為究辦並差

役趙輯瑞等因縣民常明文口出怨言稟縣責

押等情一款訊據師萬玉供稱平遙縣採買倉

穀因城關附近邨莊集場糧粟無多向係四鄉

鄉頭戶長甲催照依市價向有穀之家買運交倉書役並不經手穀戶貼賠運腳鄉頭等領銀交穀貼賠往返盤費相沿已久伊充東南鄉頭該前縣沈令任內六年採買三次伊領買穀九十石至一百餘石不等合穀戶共賠過運腳盤費等錢二十千有零又楊令任內二十四年採買穀三千九百四十餘石交倉及半糧價漸長隨即停止伊只領買穀七十五石合穀戶共賠過運腳盤費等錢六千五百文二十五年四月內青黃不接糧價昂貴楊令因倉內尚有陳穀

陶雲汀先生奏疏卷三

晉泉稿

三

恐致徵變減價平糶民間買穀向用市斗每石比倉石大二斗八升維時每倉石糶錢一千四百四十三文合市斗每石糶錢一千八百五十五文合時估銀數每倉石糶銀一兩三錢秋收後楊令奉文買補并二十四年停買缺穀及兵借穀共八千九百二十九石零照依市價每倉石發銀一兩二錢七分各鄉頭戶甲赴縣當堂領銀有在縣前賣餛飩與閆尙珪素識之常明文帶醉往看經差役攔阻常明文吵鬧不依被楊令查知掌責示懲酒醒後釋放閆尙珪楊肇夏

遂尋向伊說買補倉穀不應令鄉頭們承辦若大家多湊盤費伊卽上控可永免採買伊因採買貼賠雖屬無幾若能永免自然更好隨送錢十千文鄉頭鄧全德也湊送銀五兩田盛湊送銀五兩錢七千文霍冲霄湊送銀十四兩郭守幅不知湊送多少閆尙珪言已將伊等名字寫入呈內原只想圖准不料俱批府嚴查閆尙珪因屢犯有案恐被府縣查出不敢投審只令楊肇夏赴府投到住了兩日就一同上京旋聞該縣要傳人証解府審訊伊不知呈內情節又見

陶雲汀先生奏疏卷三

晉泉稿

三

閆尙珪等逃走心無主意只得趕赴京中要想喚回閆尙珪等了結閆尙珪又欲拉扯車馬號草等事聯名告狀伊未應允閆尙珪稱已湊得銀錢若不遞呈無顏回去令伊只告採買一事代為寫呈伊因從前並無賠銀一二萬兩及每石折錢三千一二百文之事令其改換閆尙珪言無說不能成詞伊一時糊塗就赴提督衙門遞呈將伊解送前來閆尙珪隨後又遞呈詞伊不知情至閆尙珪呈內所稱劉杰武廷弼赴京講和之說劉杰係伊親戚伊家恐其聽信閆尙

珏唆使獲罪令劉杰往喚伊回因武廷弼有買賣在京附件同行亦曾向伊勸過實非楊令指使前往可與閆尙珏對質等語訊之田盛鄧全德郭守幅供各相符臣以師萬玉呈內所控八年七次採買及每次賠銀一二萬兩上年十月派令三十八里採買每里十甲各發銀二十四五兩買穀二十三石零開載數目歷歷如繪如果閆尙珏任意混砌師萬玉焉肯投遞當向駁詰據稱伊先不知閆尙珏希圖斂錢因曾向告知充過刑書熟悉官事只須採買賠過錢文別

陶雲汀先生奏疏卷三

晉臬稿

十四

項情節儘可捏飾於今方知被其愚弄實在後悔等語又查閆尙珏呈控該縣設立公和局派四鄉車馬當差每年賠銀五六千兩沈楊二令分文不發一款訊據工書侯成山并在局辦事之監生馬加猷等供稱平邑衝途常有要差及解送餉鞘人犯過境遇差繁時號馬不敷不得不借資民力向來每車一輛按日發錢二百文馬一匹發錢一百文差役臨時拉雇弊竇叢生乾隆三十四年該前縣蔡令任內四鄉請定章程按月輪值受雇幫差毋許衙役混拉詳准各

衙門並立有碑記設局支應官民兩便所有雇價鄉民因爲數無多數十年來從未領過沈楊二令任內照舊辦理閆尙珏並不在局辦事又不應差本不知情實屬牽控等語又控該縣號內派折鞍屨錢六千文一款訊據馬加猷及號頭史邦俊等供稱向來號內備有鞍屨十副閆因差使不敷向公和局借用差過交還因係四鄉輪值偶預備未及卽租賃支差每租鞍屨一副不過一百餘文係出賃鞍屨之人得受號頭人等無從折錢等語又據控辦差雞鴨未發價

陶雲汀先生奏疏卷三

晉臬稿

十五

值有票可憑一款訊據馬加猷等及禮書李士公等供稱過往官員向無酒席惟喇嘛伯克回日等差到境偶需雞鴨辦差人等搜尋派買每多影射滋擾嘉慶十六年該前縣喬令任內百姓呈請應用雞鴨由縣出票在公和局支應按季赴縣領錢差役不得經手有案可查公和局內已將上季錢文在縣領訖閆尙珏並不在局係屬牽砌妄控等語又據控該縣號馬喂草每千斤只發錢六百文每年百姓賠銀二三千兩一款訊之兵書董嗣增及馬加猷等供稱號內

每月用草三萬觔每觔照例發價銀一釐每月共發銀三十兩按季由公和局具領惟向議章程每月派定四人常川照應月需口食銀十二兩卽在領出草價內扣除以免灘派現有領狀可憑並非縣中短發問尙珏局外之人不知領出草價局裏扣除工食實屬悞控等語以上各款均經督率委員反覆究詰矢口不移提質問尙珏無可置辨惟自認年老糊塗一時混寫後悔莫及臣查問尙珏師萬玉所控各情均關民累必應澈究內中每石折錢三千一二百文致

陶雲汀先生奏疏卷三

晉泉稿

二六

百姓賠累一二萬兩一款尤爲重大雖現據認誣但伊等並非穀戶本因斂錢而起或因畏罪而服所供尙難憑信因思該縣果有折收情弊則存倉穀石必有虧短一經盤查不難水落石出且四鄉戶甲皆係切膚之人必不肯代爲諱飾惟本官若仍在任恐有瞻徇掩飾隨將楊令撤回省垣先委霍州知州劉斯裕前往該縣逐款密查並摘傳戶甲人等查訊據供上年十一月初三日楊知縣甫經開倉問尙珏等卽已赴省於初八日具控尙未收穀焉有淨收勒折之

事其餘各款均與在省原被人等所供相符取具切結並赴該縣常平倉逐款盤量實貯穀石統計動支缺穀及發價採買未交穀數核與原貯數目符合案無遁飾並據紳士梁碩敏等呈稱楊令居官勤明鋤奸愛士又老民范有義等數十人僉稱良宰被控萬民難甘投具公呈前來察看情詞均屬真摯查例載驀越赴京告重事不實者發邊遠充軍等語此案問尙珏以革吏犯案擬徒遇

赦釋回因該縣奉文買補倉穀藉端控告冀圖斂錢牽

陶雲汀先生奏疏卷三

晉泉稿

二七

砌勒派折收及科索車馬等項重情恣惠師萬玉先後赴京分起具控殊屬刁健未便因所控尙屬有因稍從寬縱問尙珏除斂錢輕罪不議外合依驀越赴京告重事不實者發邊遠充軍例發邊遠充軍斂得銀錢照追入官冊報師萬玉聽從問尙珏教唆混控亦有不合但伊承充鄉頭每次採買原有貼賠盤費與無故妄控者有間惟代斂訟費送給應與代斂銀錢之田盛鄧全德郭守幅均請照不應重律杖八十該犯等事犯到官在本年四月初七日欽奉

恩詔以前問尚珏所得軍罪請減為杖一百徒三年
年逾七十照例收贖師萬玉田盛鄧全德郭守
幅各得杖罪請予援免該縣地當孔道里民支
應車馬等項曾於乾隆三十四年立有碑記相
安已久應聽仍照舊章辦理其雞鴨一項雖係
舊章事涉瑣細易於影射應令該縣自行買備
毋許再由公和局支應該縣前任知縣沈照及
現任知縣楊霖川採買填倉穀石次數糧數暨
平糶價值均與歷年

奏咨案據相符並非私行糶買亦無多糶勒折浮

阿雲江先生奏疏卷三

晉泉稿

二八

收情弊應毋庸議該縣不通水路城關市集穀
粟無多不得不向四鄉有穀之家買運交倉惟
運腳等項相沿雖久應令該縣捐廉給發以示
體卹該縣上年採買穀八千九百二十九石零
除已交七百餘石外未交之穀現值青黃不接
糧價較昂已飭令停止俟秋收後察看年歲豐
歉再行酌量辦理常明文酒醉吵鬧業經該縣
掌責示懲請免重科丁役韓三薛光壽等並無
明和暗拏等事監生武廷弼亦非該縣指使進
京均毋庸議應與無干之馬加猷等卽為省釋

楊肇夏霍冲霄緝獲另結未到人証並免行提
以省拖累除將全案供招呈送刑部外理合將
遵

旨審明定擬緣由恭摺覆
奏是否有當伏祈

皇上聖鑒訓示謹

奏

道光元年五月二十九日拜發六月十五日奉
到

硃批刑部議奏欽此

阿雲江先生奏疏卷三

晉泉稿

二九

附奏晉省辦差情形摺片

再查晉省為五省通衢西通新疆暨西藏等處
差務絡繹物價倍於他省向來差務一項借資
民力各出分釐眾擎易舉相安已久沿途各州
縣皆然蓋緣北地不通舟楫力役之征勢所難
免而晉省山區尤甚若車馬等項不出於里民
遇有緊急差事必至紛紛截拉大為行旅之害
且州縣俸廉有數力不能支勢必別假事端巧
取於民是官之累既增而民反益其害也無如
一縣之中良莠不齊一二刁民動輒以地方公

阿雲汀先生奏疏卷三

晉泉稿

三

事與民無涉為辭挾制官長於中取利訐告之
風從此而起臣仰蒙

皇上逾格

鴻慈擢畀重任蒞事伊始整頓為先不特無所用其
迴護且來自田間亦斷不敢稍忘民瘼如有不
肖州縣於常例之外增設陋規賸削民膏婪賊
入已訪查確實必當嚴叅究辦決不姑容若係
沿習章程藉力辦公於官民兩無所損均當各
循其舊庶不致除一弊而轉添一弊以期吏治
民風咸歸整飭臣為通省大局起見理合附片

奏明伏乞

皇上聖鑒

道光元年五月二十九日拜發六月十五日奉

到

硃批所見甚是勉力行之欽此

阿雲汀先生奏疏卷三

晉泉稿

三

查訊續控部案究出訟棍摺子
奏為遵

旨查訊續控情形究出訟棍憑空捏誣誘陷愚民請
救嚴拏解審以戢刁風而除民害事竊照平遙縣民
楊萬山赴京續控勒結撕毀等情一案道光元
年六月十四日接都察院劄付五月二十五日
內閣抄出奉

旨此案前交陶澍審辦尚未審結楊萬山著解往山
西歸案質訊欽此 臣查本年二三月內兩次奉
旨交審平遙縣民閆尙珏師萬玉呈控該縣採買及

陶澍先生奏疏卷三

晉泉稿

三

差務一案經 臣陸續提集人証委員盤查親督
研訊於五月二十六日據閆尙珏等具結完案
業於二十九日恭摺覆

奏奉

殊批刑部議奏欽此欽遵在案茲復經兵部將楊萬
山一起解送前來 臣遵復提集人証督同委員
虛衷研訊除師萬玉等供與前次相同不敘外
訊據閆尙珏供稱平遙縣採買差務章程俱相
沿已久前蒙訊明分別辦理如車馬應存雞鴨
應革鞍屨號內預備採買穀石俟秋後酌辦當

堂吩咐甚明眾目共覩焉有頂嘴及將結扯碎
之事至前年採買止買穀四千石去年止收穀
七百餘石伊前此架辭妄控亦止言二萬餘兩
豈肯自相矛盾忽具科派六萬兩之結况伊於
五月二十六日過堂方始具結不知楊萬山何
時京控就預先捏造撕結的話伊素不相識實
不知情訊據楊永祥供稱賣菜為生家無一畝
從未認識閆尙珏先不知伊子楊萬山京控六
月初七日撞遇楊肇夏之子楊九命說伊子也
能京控以後可不必挑菜不愁沒錢用邀伊至

陶澍先生奏疏卷三

晉泉稿

三

公所上座奉酒時有閆允中亦在旁招呼始知
伊子赴京混告等語提出楊萬山質對始猶狡
飾自稱糧戶迨楊永祥一見卽行哭罵楊萬山
始吐真情供稱伊向在母舅李家喂猪春間受
雇在省做飯四月二十四日閆永中說伊叔父
閆尙珏斂錢捏控怕審虛問罪不能歇手楊肇
夏現匿京師是伊叔父兒女親家他訟筆極巧
又是本案原告若送信去楊肇夏自會設法當
給伊路費銀三兩錢七百元又向師萬玉開寫
住處說楊肇夏潛匿甚密有時在西湖村增福

館有時在內市內天全館忽東忽西並無一定
惟有西直門外接近饅頭村之樹邨地方有平
遙人袁姓麵舖係楊肇夏常匿之所一問便知
伊卽於二十五日起身赴京五月初四日到樹
邨袁姓舖內楊肇夏外出初六日始回見面初
八日楊肇夏做就呈詞念與伊聽令其控告伊
荅言詞內俱是假話伊係事外傭工之人如何
敢告楊肇夏說無謊不成詞令伊捏稱父親楊
永祥與閆尙珏同學地方公事人人可告若遞
呈時審問就捏說是糧戶將附近地畝混指又

陶雲汀先生奏疏卷三

晉泉稿

三四

慮伊記憶不真教供數日始帶至順城門外店
內歇宿十六日帶伊至都察院門首遞呈楊肇
夏旋即避開二十六日起解楊肇夏早在城門
外等候乘空給伊盤費錢一千文說還要糾人
續控他總在暗中主擺管教案不能結閆尙珏
罪名就可拖散又囑咐緊記所教供詞切莫說
出他真住處所於今方知被其愚弄他原告不
到案卻教伊案外人頂替惟求免罪等語行提
楊九命業經逃逸隨將閆允中獲案據稱目擊
楊萬山進京屬實其書信銀兩係楊九命所給

伊不知情自因楊九命在逃是以狡展臣查楊
肇夏係平遙縣生員前經學政陳官俊訪聞該
生劣蹟咨革此案自上年十一月初三日該縣
開倉交收採買穀石初八日該革生與革吏閆
尙珏卽誘同民人師萬玉霍冲霄鄧全德田盛
以浮收勒折賠銀二萬在撫藩衙門具控其時
收穀止七百餘石尙不及應交穀石十分之一
卽使果如所控自應審訊方明乃甫經批府嚴
查而師萬玉已赴步軍統領衙門具控甫經奉
旨交審而閆尙珏又赴都察院衙門具控並未候審

陶雲汀先生奏疏卷三

晉泉稿

三五

何由知其真偽迨臣集訊兩月有餘楊肇夏始
終匿不赴案且溯查原案本係六人聯名及京
控時又分爲數起皆係楊肇夏主使現又誣使
案外之楊萬山具控以全無影響之詞編砌如
繪京控視同兒戲誣捏不啻含沙藐玩
國法忌憚毫無致使愚民無知犯罪彼反置身事
外潛匿無踪若不獲案究懲不特案情反覆拖
累徒滋抑且刁風日長大爲民害除飭太原汾
州各屬踪緝楊九命等務獲外相應請
旨飭下步軍統領順天府五城一體嚴拏楊肇夏解

晉以憑按例懲辦用戢訟源而靖地方為此具

奏伏祈

皇上聖鑒謹

奏

道光元年六月三十日拜發七月十三日臬署

接奉

硃批另有旨欽此同日奉

旨山西革生楊肇夏著步軍統領順天府五城一體

嚴拏務獲解往山西歸案審辦欽此七月十七日

邸抄到晉奉

陶雲汀先生奏疏卷三

晉臬稿

三

旨楊肇夏著即解往山西交成格督同藩司葉世倬

提集原案人証秉公嚴審定擬具奏此案獲犯迅

速番子頭目王鑑著賞戴藍翎李煥著賞給九品

頂戴欽此

覆奏京控鹽案摺子巡撫督同會奏

奏為遵

旨審明定擬恭摺覆

奏仰祈

聖鑒事竊河東鹽商范立德遣家人張升赴京呈控

總商王恒泰將應交歸公銀兩攤派眾商及河

東道張大鏞做壽索要元寶等情經步軍統領

衙門訊供具

奏奉

旨此案著交成格督同臬司陶澍提集人証秉公嚴

陶雲汀先生奏疏卷三

晉臬稿

三七

審定擬具奏務得確情不得稍有徇縱抱告張升

該部照例解往備質欽此將張升咨解前來遵即

行提人卷並調該道張大鏞來省旋據王恒泰

夥商楊應階尉世隆夥商傅世勳呈稱王恒泰

等向在兩淮承辦鹽務其河東引地係伊等夥

商代辦茲來省候質等情臣成格督同臣陶澍

核卷提集人証逐細研鞫緣范立德籍隸平遙

縣捐納布政司經歷職銜承充河東鹽商辦理

河南省宜陽新安並代辦孟津及山西虞鄉四

縣引地伊族中范天德商名夥辦河南盧氏及

山西解州引地因伊曾祖范天錫曾於乾隆初年辦過河南唐縣引地嗣以家道消乏退交郭世濟承辦嘉慶十二年復商之時因唐縣與湖北接壤地方緊要經前撫

奏派王恒泰尉世隆辦理近因河南三十二廳州

縣引地改爲商運民銷不致賠累范立德思佔

唐縣引地先於本年正月間具控經

經藩司河東道會核議駁在案詎范立德圖佔

未遂復捏情遣家人張升抱呈赴步軍統領衙

門具控如所控唐縣歸公銀兩係隨引餘利既

陶雲汀先生奏疏卷三

晉泉稿

三

經攤派衆商應將鹽引隨公項攤出若將唐縣引地賞伊一人承辦情願將歸公銀一萬六千餘兩獨力封繳一款查唐縣引地歸公餘利起於雍正年間原因引鹽運至唐縣可獲餘利今商運民銷鹽運會興鎮同衆商鹽觔一律定價發販並無餘利是以議將此項應解河南藩庫歸公餘利並裕州澗池二處應解歸公共銀一萬七千八百七十八兩零一併在於鹽觔成本內加入每鹽一觔賣銀一分七釐歸公銀兩卽在其內並非格外攤派曾經咨部覆准質之

范立德供稱伊因未經見過章程心疑攤派不

公今已明白係屬妄控又所控廳攤銀兩按鹽

引一名攤銀七兩有零核計每年攤收伊銀一

千四百餘兩王恒泰並不令伊閱看賬目及唐

縣引地因何不出廳攤一款訊據王恒泰夥商

楊應階尉世隆夥商傅世勳並衆商陳疑太等

供稱自有河東鹽務以來卽有此廳攤名目各

省鹽務皆然歷係隨時按引攤派總商經理上

年因各商拖欠不交總商畏於賠累公議於領

引之時先將每年應攤銀兩按數交出存於公

陶雲汀先生奏疏卷三

晉泉稿

三

所支用年終彙算總賬如撥解河工部餉委員盤費鞘木鐵箍領繳引張解京飯食盤費巡緝工食公局心紅紙張等項不下數十餘款每年約需銀肆萬餘兩現有用過底賬可查至唐縣引地向來因有歸公餘利是以不出廳攤公費亦已隨衆攤出惟求查賬質審隨將該商等呈出賬簿令與范立德當堂核算據范立德供稱所開用項悉與歷年款目相同並無弊端唐縣引地亦已隨衆公攤伊再無他說至其京控呈內稱該道於伊所控王恒泰等攤收廳費有無

弊端並未詳咨一語檢閱范立德先在臣成格衙門具控原詞並未告及所攤將原詞飭交閱看范立德無辭可辨又據控運城距茅津渡口雖僅百里山路崎嶇並無行鹽車路伊稟請用駱駝運至會興鎮批駁不准獨准王恒泰用駝直發鄧州一事兩歧一款訊據王恒泰夥商楊應階散商溫和合同供河南引地改爲商運民銷章程內因衆商引日多寡不齊恐爭先過河運至會興鎮發賣易啟爭端議明鹽筋均運至茅津渡店內由該處縣丞按引張多寡分配輸

陶雲汀先生奏疏卷三

晉臬稿

三

流過河至會興鎮發賣以免攙越范立德稟請用駱駝徑運過河至會興鎮冀圖爭先是以張本道批駁至商人等同辦鄧州引地爲三十二州縣最遠之區車路難通民販不前是以遵照續議條款稟請暫充民販在運城駝鹽徑赴鄧州接濟民食與近在會興鎮發賣者不同俟民販增多卽行停止有案可查實非一事兩歧質之范立德自認不知詳細任意砌控又據控上年十一月十一日該道張大鏞之妻生日結綵稱觴該商穿皂衣呈送菲禮頗招無趣各商身

穿吉服呈送壽禮本年三月該道生日吩咐菲禮之外要送元寶二錠該商如數呈送一款訊據楊應階傅世勳陳凝太等供稱嘉慶十二年復商後河東道移駐運城兼辦運司綜理三省鹽務費用浩繁向來均有捐幫辦公銀兩交柬房呈送道署收貯隨時支用上年六月內張本道到任後商人等按照舊規呈送槩不收受上年七月內張本道之母生日曾吩咐不做壽也不許送禮屆期商人等前往叩祝並未進見迨至十一月十一日張本道之妻生日商人等至

陶雲汀先生奏疏卷三

晉臬稿

三

頭門外卽被柬房攔住說本道吩咐國制甫滿百日不許進去焉有結綵稱觴之事彼時范立德因伊夥計失去課銀正在河南宜陽縣結訟未在運城何由穿皂服拜壽並見商人等吉服送禮實係無中生有任意誣捏就是今年三月張本道生日商人等因前兩次不准進見就不復往叩祇用手本在號房掛號其時范立德亦未回運城況張本道並未收禮焉有於水禮之外要送元寶之事惟張本道自到任以來一切緝私懸賞皆係出自捐廉每年僅有養

廉四千兩實不敷用本年二月間衆商再三懇求請將捐幫辦公一項照舊賞收張本道念係以公辦公聽其自便不必勉強商人等當向衆商傳知不知范立德何時送過辦公銀一百兩今捏作壽禮呈控實係影射願與質對等語臣等以該商場應階等雖堅供該道並未做壽收禮恐其或有隱飾因思范立德原呈內載有店役咎文職經手送禮之語咎文職係范立德店役如果送禮併到門拜壽屬實必不肯代爲諱飾當提咎文職詰訊據供上年十一月內范立德因伊夥計丟失課銀在河南宜陽縣構訟未回本年三月內范立德在會興鎮亦不在運城是月不記日期店內管事人曾叫伊送道署辦公銀一百兩係東房接收實非壽禮並據該東房書吏侯庭瑞供認收過范立德捐送本道辦公銀一百兩是實質之范立德先猶狡展迨提咎文職質對始俯首無詞供認上年十一月及本年三月張本道及妻兩次生日伊均未在運城亦未聞有結綵稱觴之事至咎文職所送道署元寶二錠計重一百兩實因總商向伊店內

陶雲汀先生奏疏卷三

晉泉稿

三

管事人告知捐幫本道辦公銀兩照舊呈送是以令咎文職送去伊圖辦唐縣引地經張本道議駁心懷不甘思欲京控因爭引地細事恐難邀准故架捏張本道之妻生日結綵稱觴並將所送辦公銀兩捏爲張本道於水禮之外復向需索始行呈送希冀聳聽又據稱該商應封課銀較別商歷年封納在先一節卷查范立德應交嘉慶二十三、四等年鹽課逾限至二、三月及半年不等惟應交二十五年併本年六、七兩月課銀未經逾限是該商於應交課項屢有遲延並非歷年封納在先范立德自認希圖承辦唐縣引地信筆填砌以上各情節均經臣等反覆究詰各供如一並向該道張大鏞面詢供亦相同案無遁飾查此案范立德因圖佔唐縣引地遂赴京呈控如所告攤派唐縣歸公餘利等款訊由懷疑所致卽其將捐送道署辦公銀兩控作壽禮亦尙屬有因惟控該道於國服甫滿百日後爲妻作壽結綵稱觴如果屬實該道應照違制律革職治罪今審係虛誣應按律反坐范立德應

陶雲汀先生奏疏卷三

晉泉稿

三

請革去職銜並革除商名依誣人杖罪加所誣罪三等律於違

制杖一百罪上加三等杖八十徒二年係鹽商挾私誣告本管鹽道應照胥役誣告本官例再加一等擬杖九十徒二年半至配折責安置河東道張大鏞訊無做壽收禮其所收范立德捐幫銀兩係統綱鹽商公捐緝私等項辦公之用向有成規並非勒派亦非始自該道任內尚無不合請免置議王恒泰尉世隆訊無攤派不公及違背章程情事應與聽從伊主指使赴京抱控之家人張升均毋庸議范立德退出引地另行招商接辦唐縣歸公銀兩暨各商運鹽渡河發賣悉循舊章辦理王恒泰等駝運鄧州引鹽原因商販不前暫請充作民販應飭河東道隨時查察一俟民販增多即行停止除全案供招咨部外謹將審明定擬緣由恭摺具

奏伏乞

皇上聖鑒訓示謹

奏

道光元年八月初五日拜發十六日奉到

硃批刑部議奏欽此

陶雲汀先生奏疏卷三

晉臬稿

三

調任福建按察使謝

恩摺子

奏為恭謝

天恩籲請

陛見事竊臣接巡撫行知准吏部咨開道光元年八

月二十七日內閣奉

上諭陝西布政使員缺著唐仲冕補授福建按察使

員缺著陶澍調補所遺山西按察使員缺著程贊

清調補等因欽此臣聞

命之下感悚交增伏念臣湖湘下士識淺才疎上年

陶雲汀先生奏疏卷三

晉泉稿

三

冬月初間由川東兵備道首被

寵命擢授山西臬司於本年三月到任兼署藩篆半

載以來勉竭駑駘毫無報稱違荷

鴻慈調補俾按全閩地當海澨允涵

聖澤之汪洋天遠長安彌仰

宸階而眷戀查閩屬刑名甲於各省釐奸戢暴整刷

尤難當茲繁劇之區倍切冰淵之凜惟有願懇

恩施准臣入

見庶幾親承

誨示獲有遵循再臣自接印後迭奉

欽交案件俱已隨同撫臣次第查訊

奏結現在惟有王本志陳泰等二起人証已齊數

日內即可全行審結趕緊交代星馳赴

闕請

訓謹先繕摺恭謝

天恩伏祈

皇上聖鑒謹

奏

道光元年九月初七日拜發二十日山西省城

接奉

陶雲汀先生奏疏卷三

晉泉稿

三

硃批准來見欽此

補授安徽布政使謝

恩摺子

奏為恭謝

天恩事本月初二日內閣奉

上諭安徽布政使員缺著陶澍補授欽此竊臣湘楚

庸材毫無知識由道員

特擢晉臬涓埃未効即蒙

簡調閩省繁劇之任當即專摺奏請

陛見奉到

殊批准來見欽此遵即交卸起程茲甫於到京之日

陶澍汀先生奏疏卷三

皖藩稿

三六

即奉

恩綸聞

命自

天感悚無地伏念安省居兩江之上游藩司繫百城

之表率旬宣任重整飭事繁臣由京職數歷外

任僅閱兩年疊蒙

優擢知遇既由於

特簡圖報倍矢於寸衷惟有益勵冰兢實心實力以

冀稍酬

高厚鴻慈於萬一所有微臣感激下忱謹繕摺恭謝

天恩叩請

訓誨伏祈

皇上聖鑒謹

奏

道光元年十月初四日

陶澍汀先生奏疏卷三

皖藩稿

三九

恭報到安徽布政使任摺子

奏為恭報微臣到任日期叩謝

天恩仰祈

聖鑒事竊臣自十月初間抵京欽奉

上諭授臣安徽藩司當經具摺謝

恩連日仰蒙四次

召見備荷

鴻慈獎勵

誨勉有加跪聆之下感悚難名旋經

陛辭就道於十一月初八日馳抵皖城准署藩司安

陶雲汀先生奏疏卷三

皖藩稿

四

徽按察使惠顯將

敕印文卷移送到臣謹恭設香案望

闕叩頭祇領任事伏念臣以菲材首被

寵綸擢授臬司涓埃未報復蒙

簡畀藩司重任

恩施本由於特達

聖訓倍切於恒常臣雖愚鈍敢不敬謹服膺實心實

力矢公勤以率羣察別賢否以端吏治除穰莠

以安良善剔猾蠹以慎勾稽此則區區犬馬之

忱所夙夜兢惕以冀稍酬

高厚於萬一者也至安徽錢糧虧空輻輳甲於各省

從前五次清查仍多不實不盡疲玩因循遂成

纍痼即稍知自愛者亦無以自拔吏治之靡多

由於此業經前撫臣李鴻賓

奏明設局清查一切事宜容臣次第經理恪遵

面諭輕重緩急相機妥辦一俟查明頭緒即當隨同

撫臣分別應參應補應豁務俾舊累一清而新

虧盡杜庶幾正本清源吏治可期整飭再臣自

出京後經過山東江南地境麥田均已播種齊

全而安徽之宿州靈璧鳳陽等州縣凡被水之

陶雲汀先生奏疏卷三

皖藩稿

五

區俱漸次涸退現據辦賑各員查驗被災戶口

察看民情甚為安帖堪以仰副

宸廑所有微臣感激下忱併到任日期謹繕摺恭謝

大恩伏祈

皇上聖鑒謹

奏

道光元年十一月十一日拜發十二月十九日

安徽藩署奉到

硃批知道了欽此

奏摺卷四目錄

撫皖稿

安化陶澍

補授安徽巡撫謝

恩摺子

覆奏查緝豫省餘匪摺子

核正安徽各州縣衛冊報存庫銀兩摺子

覈辦皖省官墊民欠摺子 附片一件

籌撥兵糧借動倉穀摺子

清查皖省倉庫虧缺確數酌議追補章程摺子

附片一件

附錄 阿雲汀先生奏疏卷四目錄

截留暹羅國使臣通事購買內地幼稚子女摺子

子

恭報起程抽查鳳泗等屬春賑催辦埕工查閱

營伍日期摺子

恭謝

欽頒

御論摺子

保奏知縣拏獲鄰境積盜摺子 附片一件

補授安徽巡撫謝

恩摺子

奏為恭謝

天恩仰祈

聖鑒事竊 臣於正月十四日由撫 臣孫爾準行知接

准部咨內開道光三年正月初三日奉

上諭葉世倬年力衰邁著以原品休致孫爾準著調

補福建巡撫陶澍著補授安徽巡撫徐承恩著補

授安徽布政使欽此 臣跪讀之下感悚交增謹即

恭設香案望

附錄 阿雲汀先生奏疏卷四

闕叩謝

天恩伏念 臣樗櫟庸材由道員首被

恩綸擢授山西臬司調任福建未及到任旋擢安徽

布政使莅任以來甫逾一載兢兢釐剔寸效毫

無逮蒙

皇上簡畀封疆重任

鴻施迭被實夢想所弗期駑鈍滋慚豈捐糜之能報

查安徽地方水陸交衝俗兼吳楚大江以南人

文稱盛而刁狡亦多江北各屬民情尙質而瀆

悍難免鳳泗一帶時有湖河之患賴毫諸處交

錯豫境紅鬚捻匪出沒其間加以錢糧糾轉正
在清釐一切民風吏治河務兵防均須整飭臣
知識濇昧深懼弗克勝任惟有勉矢愚誠倍加
策勵以冀稍酬

聖主特達之知再臣初肩鉅任亟應趨叩

丹墀籲求

訓誨庶幾獲有遵循惟現辦春賑埵工兼清查緊要
之際刻須督辦且一時藩臬俱係署事臣應俟
新任藩司徐承恩到皖將巡撫印務暫令護理
即當星馳北上恭覲

天顏跪聆

聖訓所有微臣感激下忱謹摺恭謝

天恩伏祈

皇上聖鑒謹

奏

道光三年正月十七日拜發二月十八日奉到
硃批著於本年十二月封印後來京陛見欽此

覆奏查緝豫省餘匪摺子

奏為遵

旨選派員弁嚴密掩捕豫省餘匪恭摺覆

奏仰祈

聖鑒事竊臣正月十八日接准軍機大臣字寄道光

三年正月初九日奉

上諭前據程祖洛奏虞城縣屬南元村地方有外來
匪徒盧照常廉方成等滋事經該縣會營掩捕當
將盧照常等殲斃並起出紙人刀鎗等件訊據廉
方成之母廉孫氏供稱該犯等籍隸東省曹單等

縣當降旨令楊健嚴密查拏嗣據奏緝獲匪黨邵

大進等多名解赴豫省交程祖洛歸案審辦茲據

孫玉庭奏探明虞城縣審訊張金書李根等供稱

本年七月盧照常起意與廉方成邵大進及該犯

等商量滋事置備黃旗刀鎗等物約有三四十八

定於上年十一月二十一日會齊即被兵役將盧

照常廉方成殲除餘黨俱已逃竄等語與程祖洛

楊健先後奏報相同匪黨傳徒勾結潛圖滋事自

應嚴究夥匪以淨根株江蘇徐州所屬之豐縣碭

山安徽潁州所屬之阜陽亳州等處均與豫省連

界現在首逆雖已伏誅逸犯尚未全獲若此拏彼竄誠恐日久稽誅著孫玉庭韓文綺陶澍各選派員弁帶同勇幹兵役無分畛域嚴密掩捕如有竄入未獲之犯卽行按名擒拏固不可稍涉張皇致滋擾累亦不可稍有懈弛致匪黨潛匿漏網也將此各諭令知之欽此伏查此案於上年十二月內接據鳳陽潁州文武稟報卽經前撫臣孫爾準借臣密商派委員弁前赴皖豫交界分路偵緝一面飛移兩江督臣暨徐壽二鎮一體查辦旋據委員及各府州縣探得首逆就殲及地方救

陶澍先生奏疏卷四

撫皖稿

四

謚情形於正月初十日附摺具

奏在案茲臣欽奉

諭旨遵復遴派署鳳潁同知傅懷江臣標千總戴廷先前往阜陽潁州府同知恒山前往亳州候補知州劉用錫前往宿州同前委員弁在於各路會同地方文武不動聲色逐細訪查如有匪徒竄入卽行會拏究辦勿使一名漏網再臣查盧照常等滋事在南元村之張家樓其地北距廬城縣治十八里東南距陳家店集半里爲赴山東單曹二縣大路北距該二縣均止數十里西

南距亳州一百二十里中隔商邱地面七十餘里與阜陽亳州均非緊接惟查豫省與潁亳交界地方向有匪徒出沒此拏彼竄刻須防範兼聞盧照常等滋事後該處居民多有逃散遷去之家是否懼累潛逃抑或有效匪在內均未可定必須與河南山東江蘇等省彼此知會隨時隨地嚴密訪查掩捕臣固不敢徒事張皇亦斷不敢稍涉大意總期嚴究黨羽淨絕根株以仰副

聖主除莠安良之至意所有臣接奉

陶澍先生奏疏卷四

撫皖稿

五

諭旨派委員弁訪拏匪犯並地方現在靖謐情形合

先恭摺覆

奏仰慰

宸厪伏祈

皇上聖鑒謹

奏

道光三年二月初一日拜發三月初六日奉到硃批不可因地地方靖謐稍形疎懈隨時仍當察訪斷不許養奸貽患誌之欽此

核正安徽各州縣衛冊報存庫銀兩摺子

奏為遵

旨查明安徽省各州縣衛交代冊報存庫銀兩內有
續經提解報撥並已歸清查案內核辦及冊單
銀數互異之處據實分別釐正辦理緣由恭摺
具

奏仰祈

聖鑒事竊照上年接准部咨欽奉

上諭戶部奏請飭催各省州縣徵存未解銀兩開單

呈覽內江蘇省未解銀一百八十六萬六千六百

陶雲汀先生奏疏卷四

撫皖稿

六

七十三兩零安徽省未解銀三百五十四萬三千
三百一十四兩零直省州縣徵存銀兩自應隨時
報撥該二省自上次查催後迄今七年之久尚有
歷任未解銀兩且有乾隆年間徵存未解之款疲
玩已極魏元煜孫爾準俱到任未久無所用其迴
護卽督同藩司迅速查辦勒限嚴催儘數提解司
庫報部備撥將報解遲延及督催不力各職名送
部分別核議如各州縣內查有虧缺挪移情弊卽
著據實叅辦欽此經前撫臣孫爾準行司查辦臣
伏思各州縣衛經徵錢糧既於交代案內報明

存庫何以久延未解積至三百五十餘萬之多

其中顯有舛錯並難免虧缺挪移情弊自宜趁
此澈底清查之際據實根究辦理當卽查照部
提各任銀款與原報交代冊核對除各州縣已
經續解報撥並應行支銷等項外其餘多係已
入歷次清查之款並非實在存庫之項推原其
故蓋從前清查虧數係奉

旨密陳之件並不咨明戶部至五次清查時始行報
部亦未開列細款各屬交代因清查款目未經
到部不得不將虧抵銀數仍列存庫造報以符

陶雲汀先生奏疏卷四

撫皖稿

部中原案在彼時原冀陸續彌補迨歷久愈滋
糾轉名爲存庫而實無銀可解此交代與清查
兩案登報歧異之實在原委也此現在所以必
須澈底清查也臣思此項存庫銀兩既已多非
實貯則冊報原數恐亦難免舛誤自應一體查
明更正以歸核實當經調集各該州縣衛歷任
交代底冊卷宗並開報歷次清查各案據按年
按款叅互勾稽復查有建平縣原報冊內列存
嘉慶十八九兩年丁地正耗銀一千三百五十
七兩零係因前令韓寶鏐交代虧短業經

奏明參革查抄現在勒限監追又望江縣原冊列存十二年併十四十五十六十七十八二十等年丁地魚課蘆課正耗銀三千三百八十五兩零又亳州原冊列存十二年丁地正銀二百四十五兩零共銀三千六百三十兩零查核各款該州縣均有存司銀兩可以劃收清款而冊報尙列存庫應行分別釐正剔除以昭覈實臣於蒙

恩擢任巡撫之際移交署藩司惠顯再細確查核辦茲據該署司督同局員查明各州縣衛交代存

陶雲汀先生奏疏卷四

撫皖稿

八

庫分任分款造冊呈送前來臣覆加酌核查得安徽省奉部行提定遠等六十二州縣衛各交代存庫銀兩按照原單統計共銀三百五十四萬三千三百一十四兩零核對該州縣衛等原報交代款冊數目稍有參差自因各屬交卸月日先後不齊截數未能盡一之故統計實應存庫銀三百四十九萬三千九百九十六兩零內查有該州縣衛等例應支銷並已批解糧道及陸續提解司庫先後報撥共銀四十五萬六千一百五十九兩零應於存數扣除又歷年歷任各員

虧短抵缺已報入歷次清查銀三百一萬九千四百六十五兩零又參革建平韓令虧短現在監追銀一千三百五十七兩零此二款銀兩俱應於存庫數內扣出各歸各案查辦又望江亳州有解存司庫應行劃款銀三千六百三十兩零此款銀兩應即劃收報撥計實在存庫銀九千七百八十五兩零臣現飭藩司趕緊嚴提解司報部備撥毋許玩延惟查州縣交代例重盤查其前任之有無虧短俱以後任造報款冊爲憑豈容稍涉隱混今核各屬從前交冊率將已

陶雲汀先生奏疏卷四

撫皖稿

九

報虧缺之款仍列存庫開造雖因清查款目未經報部所致第同是一款而分登歧異殊非核實辦公之道現已澈底查明自應分別釐正應請嗣後各州縣衛交代倉庫正雜等項銀錢穀米麥豆各款凡在嘉慶二十五年以前者俱以現在清查核定數目爲準其從前報部數目參差之處均各一體釐正開造於各本款下詳細登明至道光元年以後一切正雜錢糧嚴飭該管道府州督令隨徵隨解不准絲毫存留屬庫交代冊內亦不准開列存庫庶辦理核實不致

仍有隱混虧挪之弊所有現在宣城等縣交代各冊前因清查尙未定案致稽造報臣已飭令遵照趕緊覈實查造合併陳明謹將查明各州縣衛交代冊報存庫銀兩分別釐正核實辦理緣由繕具清單恭摺具

奏仰祈

皇上聖鑒訓示遵行謹

奏

道光三年三月十二日具

奏四月十四日奉到

陶雲汀先生奏疏卷四

撫院稿

硃批另有旨欽此並准

軍機大臣 字寄

安徽巡撫陶 道光三年三月二十九日奉

上諭陶澍奏安徽省各州縣衛交代冊報存庫銀兩分別釐正一摺安徽省徵存銀兩延不報解前經諭令該撫藩等迅速查辦勒限嚴催茲據陶澍逐細確核奏稱從前清查虧數至五次清查時始行報部因未開列細款各屬交代輒將虧抵銀數仍列存庫造報日久愈滋糾轄名爲存庫而無銀可解現在分任分款釐正剔除所有該省定遠等六

十二州縣衛統計實應存庫銀三百四十九萬三百餘兩除例應支銷並已批解提解報撥及歷任虧短已入清查款內又建平縣虧缺望江亳州解存司庫等項劃扣外實在存庫銀九千七百餘兩該撫務督飭藩司趕緊提解報部備撥毋任再有延玩嗣後各州縣衛交代倉庫正雜各款其在嘉慶二十五年以前總以現在清查核定數目爲準將前此報部參差之處一體更正開造至道光元年以後著該撫嚴飭該管各官督令隨徵隨解不准絲毫存留屬庫交代冊內亦不准開列存庫以杜虧挪而昭覈實將此諭令知之欽此

陶雲汀先生奏疏卷四

撫院稿

二

覈辦皖省官墊民欠摺子 附片一件

奏為遵

旨覈實查明皖省官墊民欠各案據應請分別辦理

恭摺覆

奏仰祈

聖鑒事竊照安徽省墊完民欠錢漕一案 臣在藩司

任內詳經前撫 臣孫爾準奏請遵照

恩詔代賠條例概予豁免嗣准部咨奏奉

諭旨戶部議駁安徽省官墊民欠銀兩不應援案請

豁各直省應行豁免款項俱當定以案據年月限

陶雲汀先生奏疏卷四

撫皖稿

三

制核實稽查方免輾轉捏報之弊此次安徽省墊

完民欠從前並未奏明有案若概予豁免恐各省

紛紛奏請必致不肖州縣心存冀倖任意侵挪不

可不防其漸所有該省墊完民欠銀四十一萬餘

兩係該撫孫爾準藩司陶澍未經到任以前之事

無所用其迴護著該撫督同藩司核實查明分別

立限嚴追如經手各員仍藉詞懸宕即據實查叅

以重庫項欽此當經前撫 臣孫爾準欽遵行司 臣

復督飭清查局逐細詳核各案據分別立限嚴

追茲據署藩司惠顯詳稱原報各州縣墊完銀

四十一萬三百七十四兩零穀米二萬二百六

十九石零吊齊冊卷逐加稽核內有交代案內

作抵欠解捐款銀九千四百三十三兩零米四

十五石零並非挪動庫款應行剔除計實動墊

庫項銀四十萬九百四十一兩零穀米二萬二

百二十四石零內現在安省服官並候補者計

十七員共墊完銀六萬八百六十五兩零米一

千一百三石零業已陞調外省者計九員共墊

完銀六千三百七十九兩米四千九百四十七

石零告病降革遣戍回籍者計四十八員共墊

陶雲汀先生奏疏卷四

撫皖稿

三

完銀一十五萬四千七兩零米九千六百八十

石其人已故及結報家產者計五十員共墊完

銀一十二萬二千九百五十四兩零穀米四千

四百九十四石零寧國旌德太平三縣奉文墊

辦漕糧者一十員共墊完銀五萬六千七百三

十六兩零均係詳報有案委無事後捏報情弊

分別員名銀數開冊具詳前來 臣伏查此項墊

完銀兩本係實欠在民理應催徵歸款乃因民

欠奉豁無可徵還以致墊款虛懸經部議責令

賠補嚴追原屬咎所應得惟查安徽省前因連

年被災閭閻元氣未復催輸較難每遇奏銷緊迫不得不先為挪款墊解徐圖徵還歸款雖自顧考成究因民力拮据不忍苛逼追呼所致較之別項挪移衡情尚覺可原且寧國旌德太平三縣漕糧因其不通水道

奏明民折官辦每年冬底先令該三縣於蕪湖買米兌運按照時價由府轉詳藩司核定數目給示啓徵至次年始能徵收而漕米例須冬兌冬開其勢更不能不出於墊辦是以歷係由司借款先墊並非擅自挪用細釋部議若不定以案

陶雲汀先生奏疏卷四

撫皖稿

十四

據年月限制則輾轉捏報無難以後任虧短歸併前任等因此誠防微杜漸之道設或墊完之項但憑州縣開報並無案據誠難保無弊混情事今細查原墊銀內有自嘉慶元年起至十九年止共銀二十三萬九千餘兩穀米一萬一千三百八十八石零已據報入二三四五歷次清查原奏抵款數內其二十年起至二十二日止共銀十六萬一千九百四十兩零米一萬一千三百一十石據各屬於二十四年查辦豁免積欠案內造冊詳報並將墊完串票申送道府查對節經各

前藩司彙冊具詳請

奏因各前撫臣恐有捏混批飭藩司移行本管道府覆查取結致稽時日先後均有案據實無捏報情弊伏思各屬墊解情形既有不同辦理宜有分別查原准部議豁免條款凡其人已故及結報家產者無論侵挪概予豁免是病故及結報家產各員本在應免之列又寧旌太三縣係奏明民折官辦次年徵還年復一年致成積欠尤與各屬墊辦情形不同合無仰懇

皇上天恩一體准予豁免其餘各員應遵

陶雲汀先生奏疏卷四

撫皖稿

十五

旨勒限追賠惟究係實欠在民代墊賠累之款與別項挪墊有間若操之過急誠恐有挹彼注茲之虞自應酌寬限期使完補均歸實在應請將數在一千兩以內者限一年完繳其一千兩以上至五千兩限四年五千兩以上至三萬兩者統限八年全完如清查案內本有虧欠應追之員俟虧項追完之日即行起限接追其離安人員咨明旗籍一律照辦在皖各員以奉到諭旨之日起限離省各員以接准皖省咨文之日起限逾限不完照例叅辦庶挪墊者知所懲儆而

帑項亦不致虛懸矣合將應追應免員名銀數謹
繕清單恭呈

御覽伏乞

皇上聖鑒訓示遵行謹

奏

道光三年三月十二日具

奏四月十四日奉到

硃批戶部查核具奏欽此

再墊解一事經此次分別追賠之後各州縣自
知儆畏不致再有挪墊惟寧國太平旌德三縣

同雲汀先生奏疏卷四

撫皖稿

二六

因不通水道例由民折官辦該縣先於甲年買
米墊解乙年徵還與各屬情形不同即將來亦
不能不照舊墊辦若預徵米價又於民情未順
且價值長落亦難懸定辦理殊多窒礙臣查該
三縣漕糧本屬無多莫如改徵折色歸入丁地
併徵實為官民兩便容臣確察情形再行
奏請辦理謹附片

奏

聞

道光三年三月十二日拜發四月十四日奉到

硃批知道了欽此六月初六日准

戶部咨道光三年五月初七日具奏同日奉

旨戶部奏安徽省官墊民欠錢漕一摺著照所議將
該撫單開蘇景眉等十員前在旌德等縣任內應
賠銀五萬六千七百三十六兩俱免其著追其已
故結報家產淨盡之張秉機等四員應賠銀一萬
三千三百八十八兩零米三百三十石零著照例
准其豁免未經結報各員著再行查明報部覈結
所有現任候補告病降革遣戍各員墊完之款著
該撫督同藩司迅速分咨各旗籍任所戍所嚴行
催追務令如限清完毋得再有懸宕至該撫此次
開列各員應賠銀數並未將從前墊用何款確切
指明著該撫詳查將報部之款先行歸清造冊送
部其未報之款亦即自行設法歸清不得以無款
可歸為詞另請籌補嗣後各直省徵收錢糧著該
督撫嚴飭各該藩司將墊完民欠名目永遠革除
以杜流弊欽此

同雲汀先生奏疏卷四

撫皖稿

二七

籌撥兵糧借動倉穀摺子

奏為籌撥緩缺壽右宿州潁州三營兵糧借動緩漕倉穀以濟兵食仰祈

聖鑒事竊照安徽省鳳陽泗州等府州屬道光二年秋禾被水成災及勘不成災應徵新舊地漕銀米經前撫臣孫爾準於情形案內奏奉

諭旨分別蠲緩在案所有壽右營宿州潁州等三營道光三年分兵米例應動支鳳陽府屬之懷遠縣及泗州屬之五河縣道光二年額徵漕米乃該二縣上年被水成災錢糧漕米奉文停緩不

陶雲汀先生奏疏卷四

撫院稿

一六

敷支給臣於藩司任內查得壽右營不敷兵米六百八十九石零宿州營兵米一千五百九十六石零潁州營蒙城汛兵米一石八斗共不敷米二千二百八十七石零計懷遠縣災缺米二千二百三十三石八斗五河縣災缺米五十四石查懷遠縣災缺米內曾據該縣詳報未經被災之先急公花戶預完漕米一百十七石堪敷坐支壽右營懷遠汛兵米外實緩缺兵米二千一百十六石零同五河縣緩缺兵米五十四石均應改撥當經通飭附近州縣將有無徵存緩

漕及常平倉實存穀石查明開報以憑通盤籌

報去後嗣據靈璧縣詳報有徵存道光元年緩

漕米四百三十二石零嘉慶二十三年緩漕

米五百一十三石零又據定遠縣詳報有徵存

道光元年緩漕米二百六石零計共有緩漕米

一千一百五十餘石當即飭令借撥宿州營駐

防靈璧汛兵米一百九石零宿州營本汛兵米

八百三十六石零蒙城汛兵米一石八斗壽右

營駐防鳳陽汛兵米二百五石零解赴宿蒙鳳

陽各汛交收仍不敷壽宿二營兵米一千一十

陶雲汀先生奏疏卷四

撫院稿

一七

七石零據署藩司惠顯詳稱據各屬將常平實貯數目開報到司請借撥存穀較多之六安州常平穀內碾米六百五十石零即令運赴宿州營交收又借撥附近之壽州常平穀內碾米三百一十三石零運赴鳳陽汛交收五河縣災缺兵米五十四石即在該縣倉穀碾米借放除移行遵照趕緊運解照數斛收散放以濟兵食仍飭取具各營收送司另行照例詳咨外查前准部咨嗣後各屬遇有借撥災緩兵米均照動用耗羨之例先期專摺奏明再行動撥等情詳請

具

奏前來 臣覆核無異除飭藩司分飭運解外其所借靈璧定遠二縣嘉慶二十三五年及道光元年緩漕米石以及動碾五河六安壽州常平倉穀統俟懷遠五河二縣緩徵道光二年分漕米限滿啓徵之日照數分別運解還款以實倉儲並於南屯兵馬倉穀各奏銷冊內造報外理合恭摺具

奏伏乞

皇上聖鑒謹

陶雲汀先生奏疏卷四

撫院稿

三

奏

道光三年三月十二日具

奏四月十四日奉到

硃批知道了欽此

清查倉庫虧缺酌議追補章程摺子 附清單又附片一件

奏為遵

旨清查安徽省倉庫虧缺完欠各確數酌議追補章

程恭請

聖訓事竊照道光元年正月欽奉

諭旨安徽省倉庫錢糧虧數甚多著將舊虧實在數

目逐案詳查究其致虧之由或應執法或應著追

或應彌補酌定期限於何時可以辦理完善不得

以一奏塞責等因欽此當經前撫 臣 李鴻賓

奏請派員設局查辦在案道光三年二月又接

陶雲汀先生奏疏卷四

撫院稿

三

廷寄奉

上諭據孫爾準奏皖省六次清查除實係捐賠業經

造冊咨部核辦外其各員虧缺抵缺各款尚有軃

轉款目並隨時追繳應行劃收清款者必須根查

底案沿流溯源得其實在致虧之由然後可以酌

定追補之法以杜續虧之漸所奏甚是著陶澍再

行逐細確查籌定章程核實奏明辦理欽此伏查

此案 臣 於前年冬間蒙

恩簡授安徽藩司

陛見時面承

訓諭輕重緩急相機妥辦跪聆之下敬謹銘心抵任後卽檢閱舊卷從前五次清查俱以州縣開報之數入冊定案其開報數內每有前後任糾轉未清之款並未逐一釐正而開報數外亦未查其有無欠解別款故多不實不盡歷久愈焚迨前撫臣孫爾準蒞任經臣時時稟商熟籌扼要之法因思州縣虧缺或係正雜或係捐賠藩司衙門俱有檔案可稽先應檢核司案將州縣欠款截清界限俾欠款得實而虧數自明隨督率局員將嘉慶二十五年以前凡州縣欠解正雜錢糧並應捐未解各項無論已入清查未入清查按地按員按年按款分晰開出以司庫之檔案核州縣之冊報虛實立見其間有州縣自行立議攤捐及前後任互相糾轉之款司案所不能詳者卽調取交代底冊議單欠據層層考核始得條分縷晰澈底查明凡原報舛錯者悉行釐正遺漏者悉行補出臣次第核定分造款冊隨時呈送前撫臣孫爾準覆核將次齊全值前撫臣調任福建臣蒙恩擢任巡撫當將款冊移交署藩司惠顯接辦並將

陶雲汀先生奏疏卷四

撫皖稿

三

查辦情形備細告知飭令再加稽核茲據該署司督同局員將各州縣倉庫完欠各數造冊呈送前來臣覆加確核查得安徽省倉庫兩項自嘉慶五年九年十四十六至十九年十月止歷五次清查原報虧抵攤捐共銀五百五十一萬四千七百四十三兩零穀米麥豆四萬三千四百三十石零節次追補截至道光元年三月前撫臣李鴻賓奏明設局查辦之日止已完銀二百六萬五千三百二十九兩零又咨交外省查辦銀一百五十五萬五千一十三兩零穀米麥豆六百三十六石零因其人已離皖省存沒未定應追應免聽各旗籍照依部議條款自行辦理其餘尚有未完銀一百八十九萬四千四百一兩零穀米麥豆四萬二千七百九十四石零內除有款可領應由司劃收銀五萬三千五百二十四兩零又查豁案內已奉准免銀二十二萬二千五百六十九兩零穀米麥豆一千七百石零及准部行查詳經前撫臣孫爾準查明覆奏請免銀一百四萬九千五百六十二兩零穀米

陶雲汀先生奏疏卷四

撫皖稿

三

麥豆一萬五千四百九十三石零又原報列抵
墊完民欠一項併林泰增監追無完銀款應歸
另案追賠銀二十六萬一千五百九十八兩零
穀米麥豆一萬一百三十八石零仍未完銀三
十萬七千一百四十八兩零穀米麥豆一萬五
千四百六十三石零自_臣等此次查辦以來復
追完銀二十八萬七千九百五十四兩零穀米
麥豆一萬五千四百六十三石零核實在安各
員仍應追銀一萬九千一百九十四兩零內除
周之桂呈繳房屋作抵銀三千三百九十一兩

陶雲汀先生奏疏卷四

撫皖稿

三

實應追銀一萬五千八百三兩零此十九年以
前虧缺完欠之確數也今自十九年十月以後
至二十五年歲底止除捐賠各款確在二十五
年八月二十七日欽奉

恩旨以前核與部議准免條款相符者業經詳明前
無_臣孫爾準具

奏請豁外現在查出從前滿報及續經虧抵各款
共銀五十七萬六千七百七十七兩零錢一百
九十七千零穀米麥豆二萬七千五百九十九
石零內覈實查明有款可領者一十七萬二千

五十一兩零有物可變者一萬七千一百八十
一兩零又有款可以徵扣歸補者一十萬三千
九百四十四兩零穀豆一千六百七十七石零有款
可以追解歸補者六萬八千九百零錢一百九
十七千零穀米麥豆八千七百五十四石零並
有因公墊用在此縣為抵款在彼縣為捐款應
俟查免案內銷款劃還者九萬八千二百五十
一兩零穀米六千四百一十石零共銀四十五
萬九千四百三十六兩零錢一百九十七千零
穀米麥豆一萬六千七百七十三石零應飭現

陶雲汀先生奏疏卷四

撫皖稿

三

任分別追變領解歸款追變不足著落分賠計
實在十九年以後虧缺倉庫正雜錢糧共銀一
十一萬七千三百四十一兩零穀米麥豆一萬
八百二十六石零併十九年以前應追舊虧未
完銀一萬五千八百三兩零統計嘉慶二十五
年以前虧數共銀一十三萬三千一百四十四
兩零穀米麥豆一萬八百二十六石零此項人
員卽執法嚴辦立子叅革查抄變抵監追治罪
亦屬咎所應得第察其致虧之由多係因公賠
累以及衝途歛區入不敷出輾轉挪墊成虧尙

非侵盜入已合無仰懇

皇上格外

天恩俯予勒限著追請將虧數在一萬兩以上之原
任寧國縣計叅知縣蘇景眉等二員五千兩以
上之原任定遠縣候補知縣任慮衡等七員三
千兩以上之原任六安州潁州府同知恒山等
八員一千兩以上之原任霍邱縣降革知縣李
寶中等十九員同一千兩以內之原署績溪縣
試用通判傅懷江等二十六員一併定限勒追
限滿無完查抄變抵監追治罪至現虧之員兼

陶雲汀先生奏疏卷四

撫皖稿

三

有舊欠者併數勒追不准另起追限致滋懸宕
伏思追補舊欠必先杜絕新虧杜絕之法亦惟
有嚴交代提存庫減捐款禁流攤數端而扼要
尤以有犯必懲俾後來不致效尤臣在藩司任
內已將州縣捐款分別裁減歸提解三成養廉
案內詳

奏遵行並通飭各屬將私議流攤之款永遠禁革
凡遇交代不許混列存庫濫行接受如績溪縣
清愷交代虧短元年錢糧一經查出立即叅辦
以示懲創總不使屬庫有徵存未解銀款以絕

挪掩之弊至安省歷次清查有議捐節省彌補

津貼半廉等項名目在各前撫臣原為籌補無

著調劑苦缺起見惟安省缺多瘠苦往往補於

前而虧於後劑於此而缺於彼有名無實徒資

藉口現在舊虧無著並捐賠各款已奉

恩旨查免無須州縣捐賠至實在衝途苦缺辦公賠

累之潛山鳳陽靈璧三處臣已核定津貼銀數

詳經前撫臣奏奉

諭旨遵行亦可無須再議臣受

恩深重斷不敢以一奏塞責惟有殫竭血誠極力整

陶雲汀先生奏疏卷四

撫皖稿

三

刷務使從前之宿累全清此後之章程悉定清
舊欠即以此杜新虧庶幾錢糧無紊吏治亦可期
澄敘矣臣與督臣孫玉庭往返札商意見相同
謹合詞具

奏並酌擬追補章程查明各員致虧之由繕具清

單恭呈

御覽伏乞

皇上聖鑒訓示謹

奏

謹將安徽省州縣倉庫虧缺酌擬追補章程恭

呈 御覽

一虧數既已查清應立限勒追以重

帑項也皖省此次清查自嘉慶十九年起至二十

五年歲底止凡各州縣挪抵各款並十九年

以前歷次清查未完及漏報之款俱已詳查

案據沿流溯源分晰款數核實登載所有新

虧舊虧自應併計勒追不必再分先後應請

將虧數在一千兩以內者暫免議處勒限一

年全完一千以上至三千者降一級留任勒

限二年全完開復三千兩以上至五千兩者

降二級留任勒限三年全完開復五千兩以

上至一萬有零者革職留任勒限四年全完

開復逾限無完及完不足數革職監追查抄

備抵不足數勒限一年全完免罪如再無

完除本員照例治罪外所有欠項仍照挪移

定例在於從前歷任各上司名下分賠歸款

一追補人員限期應量為區別也查此次虧缺

銀數尙不甚多追限分作四年亦稍寬展原

以追補須有實濟限期稍寬庶得從容彌補

陶雲汀先生奏疏卷四 撫皖稿

三

免使剝肉補瘡又蹈挪移積弊此內有陞任
道府以上者亦有候補試用丁憂告病降革
無缺者情形既有不同追限亦宜區別應請
將陞任道府以上人員照現任限期酌緊一
半候補試用丁憂告病降革無缺人員照現
任限期酌展一半逾限無完照現任章程一
律辦理丁憂病故降革等員如有子孫出仕
係現任知縣以上者亦照現任定限著追如
係候補及知縣以下者均酌展一半限期追
繳在皖各員以奉

陶雲汀先生奏疏卷四 撫皖稿

三

旨之日起限其回籍及陞任各員以接准皖省咨會

之日起限追繳銀兩即解安歸款

一上司分賠銀兩應一體立限追繳也查州縣

經手錢糧挪移虧缺固咎有應得而該管上

司不能認真稽查致倉庫虛懸亦咎無可辭

故例載分賠所以重考覈也應請將該管上

司賠項查明年月久暫一體立限賠繳數在

五千兩以下者限三年五千兩以上者限四

年一萬兩以上者限五年賠不足數奏明請

旨交部分別辦理

一交抵物件應趕緊勒變歸款也查州縣交代本不應將什物作抵乃節次清查均有房屋鋪墊衣物等項作抵此等物件果可移交何難自行售變是其高擡價值以少抵多顯而易見臣在藩司任內業已通飭禁止如此後交代一經查出隨時叅辦外所有此次查出抵款應照上次定限著落現任之員趕緊變繳一千兩以下限半年一千兩以上限一年三千兩以上限二年掃數變價歸款變不足數著落原抵之員與承變之員各半分賠如數著落原抵之員與承變之員各半分賠如

陶雲汀先生奏疏卷四

撫院稿

三

有意延宕全不變繳以致房屋坍塌什物霉爛者咎在承變之員即著落獨賠其承變限內遇有交卸各照在任月日計算分賠勒限一年完繳逾限無完及完不足數照例叅革抵缺銀款著落該管道府州賠補

一書役借欠應分別追賠也各州縣書役承辦案件緝匪解犯一切緊要差使透支工食以爲盤纏紙飯之用在彼時原擬按季扣還及至案件繁多借欠日重一經革故逃亡遂成無著前此五次清查曾議革除此次查出仍

有此項抵缺銀款即嚴叅著賠亦咎所應得惟其中多有歷次清查漏未查出之款且究係因公墊給情非得已如概令官賠置原欠書役於不問轉使奸胥猾吏得計將來更難整飭應仍照五次清查原辦分別勒追賠補無論銀數多寡概限二年在原欠書役名下嚴比追完逾限無完及完不足數照例治罪一面抄產變抵抵不足數著落原借之員名下賠十分之六情追各員名下賠十分之四如接追限內遇有交卸各照在任月日按數分賠其應賠之數在五千兩以內者限三年完繳五千兩以上限四年一萬兩以上限五年如再逾限無完原借及情追各員一併照例叅處追不足數之欠項直隸州在於該管道員名下州縣在於該管府州名下著賠歸補嗣後地方遇有公事應由州縣自行辦理各歸各任不許抵交至差役墊完掣串易致侵蝕尤應嚴禁以除積弊

一倉項宜核實買補也查倉儲原以備緩急之用如有動缺自應隨時歸還不容延緩但從

陶雲汀先生奏疏卷四

撫院稿

三

前採買係按照州縣缺穀之多寡發價買補內中派買較多之處即遇價平之年加以轉運水脚就每石六錢之例價僅敷市價之半設穀價昂貴賸貼更多州縣力不能支往往挪動正雜款項補於倉而缺於庫此亦實在致虧情形臣思與其多買而不能交有名無實莫若稍寬時日分作數次買補遇豐稔之年就各屬情形核定數目發價購買年豐則穀價自平買少則挽運亦易即有賸貼在州縣亦易於為力庶倉項漸以充實而庫項亦不致虧挪矣

陶雲汀先生奏疏卷四

撫皖稿

三

一流攤宜禁革也查各州縣流攤如墊修衙署倉廩監獄驛號橋道歲科修理考棚棹橈緝拏捻匪棍徒設卡巡防及例價不敷各項往往稟求本管府州批准分年流攤或交代之際憑監盤說合立議分攤或以抵款不敷將交項剔出數條歸入攤款或以前攤未交又請展攤以為延宕之計迨收接之後又視為攤款無關緊要並不交出陳陳相因愈積愈多此等名為攤款實即正項誠致虧之一大

端流攤一日不止積弊一日不除臣自到任以來即經剴切通飭應請嗣後不准再有流攤名目違者前後任一併嚴叅究追加該管府州批准流攤或經監盤說合私議流攤查出一併叅處

一捐款應嚴提也查捐款名目不一皆係辦公不可少之件從前各州縣捐款為數甚鉅又有彌補節省津貼等項名目多者數千少者數百各州縣養廉幾何安得而不虧缺臣自到任以來首將此項捐款分別應裁應減核

陶雲汀先生奏疏卷四

撫皖稿

三

數在養廉三成以內詳經前撫臣奏奉

諭旨遵行在案州縣去此大累如釋重負實已無可藉口惟前所定之數僅敷辦公而止本無餘剩若提解不前辦公又必掣肘且係

奏定之款未便稍任延宕計各州縣每年捐數僅在二百兩內外零星批解亦於州縣非宜是以臣經通飭各屬於批解上忙錢糧時隨同解司備用如有未清即於耗羨內劃扣庶得年清年款公私兩益至酌提羨餘一項溯從二次清查彌補無著每年各州縣提銀十五

萬兩皖省虧空之愈積愈多實起於此上年
經臣遞減為一萬兩詳請

奏明辦理專以津貼衝途最苦之潛山鳳陽靈璧
三縣亦係斷不可少之數應按四季提解以
免拖欠

一嚴存庫款目以重交代也查嘉慶二十五年
以前各州縣欠解一切正雜捐款現俱報入
清查已可按冊而稽至道光元年以後各清
各款無許絲粟虧欠第恐考覈不嚴仍蹈虧
挪故轍查從前州縣交代冊內每將前任短

陶雲汀先生奏疏卷四 撫皖稿

言

交之款列作存庫造報彼此商同將無作有
積欠愈多遂成虧缺是前任之得以支飾後
任之敢於通融皆存庫二字為取巧藏拙之
方也臣前在藩司任內即通飭各屬凡前後
任交代務將現存銀兩悉數批解冊內不准
開列存庫故如績溪縣虧缺元年錢糧立即
顯露業經照例奏

奏但必須明定章程以垂久遠應請嗣後州縣交
代冊內不准開列存庫如已報入清查者或
虧或抵均於冊內逐一載明倘有應領銀款

作抵交項者亦於冊內明晰登注俾得核實
稽考即時查辦至於紙張飯食一切無關正
雜額捐之款不得列入交代冊內以免紊雜
一交代案內議單欠票應嚴行禁革也查州縣
交代如果款目清楚何須議立單據倉庫無
虧更無所用其欠票此等名目原係州縣通
融交接之弊此次清查前撫臣李鴻賓因各
州縣開報款冊易致朦混或將本任虧缺捏
報前任是以

奏請調查議單欠票原以鈎稽舊虧之是否確實

陶雲汀先生奏疏卷四 撫皖稿

言

並非交代案內應有此名目也今清查已竣
自宜明定章程俾知遵守應請嗣後州縣交
代責成接任之員據實盤收倘再私立議單
欠票徇情接受一經發覺即將前後任嚴參
治罪該管道府州及監盤各官一併查參懲
辦庶通融之弊既除而續虧自可杜絕矣
道光三年三月十三日具

奏四月十四日奉到

硃批另有旨欽此又章程十條奉
硃批所議十條均係核實辦理亦屬周詳另有諭旨

欽此同日承准軍機大臣 字寄安徽巡撫陶
道光三年三月三十日奉

上諭陶澍奏清查安徽省倉庫虧缺完欠確數酌議
追補章程一摺安徽省倉庫虧缺款目繁多據該
撫查明嘉慶十九年以前除節次追補及豁免外
實應追銀一萬五千八百三兩零十九年以後至
二十五年止有從前漏報及續經虧抵各款共銀
五十七萬六千七百七十七兩零錢一百九十七
千零穀米麥豆二萬七千五百九十九石零所議
追補章程十條朕詳加披閱均係核實辦理亦屬
周詳著照所請虧數在一萬兩以上之蘇景眉等
二員五千兩以上之任應衡等七員三千兩以上
之恒山等八員一千兩以上之李寶中等十九員
同一千兩以內之傅懷江等二十六員均按限著
追現虧各員兼有舊欠者併數勒追不准另起追
限致滋懸宕其各屬私議流攤之款永遠禁革如
遇交代有混列存庫濫行接受者查出立即叅辦
以杜新虧該撫此次奏定章程務即認真核辦實
力整刷毋得稍有瞻徇仍致有名無實也將此諭
令知之欽此

陶澍訂正奏疏卷四

撫皖稿

奏

附片一件

再皖省此次清查因歷年既久冊案紛繁經前
撫臣李鴻賓遴派熟諳款項之試用知縣劉廷
槐涇縣典史沈駢設局勾稽並委原任安慶府
知府申瑤督率辦理

奏明

聖鑒在案嗣劉廷槐奉到補缺部覆飭赴潁上新任
復添派候補知縣陳彥孔昭顯幫同查辦該員
等實心實力不避嫌怨使多年糾葛未清之款
得以分晰查明除陳彥孔昭顯二員補缺在卽

陶澍訂正奏疏卷四

撫皖稿

奏

不敢仰邀敘錄外查原任安慶府知府申瑤係
緣事降調奉

旨降三級調用例應赴部之員經前撫臣

奏留在局兩年久稽赴選該員端方素著督率認
真可否仰懇

皇上天恩俯准以所降應補之班

勅部儘先選用又涇縣典史沈駢專司考覈不辭勞
瘁尤為出力該員本係俸滿保舉應陞之員可
否以縣丞主簿陞補俾微末之員得資鼓勵理
合附片具

奏請

旨

奉

硃批另有旨欽此道光三年三月三十日內閣奉
上諭陶澍奏辦理清查之降調知府及典史請旨鼓
勵等語安徽此次清查該員等實心辦理將多年
鞅鞅未清之款分晰查明原任安慶府知府申瑤
前經緣事降三級調用例應赴部候選著加恩以
所降應補之班儘先選用涇縣典史沈驛係保舉
應陞之員加恩著以縣丞陞補該部知道欽此

陶雲汀先生奏疏四

撫院稿

三

硃批

截留暹羅國使臣通事購買內地幼稚子女摺
子

奏為

奏

聞事竊照暹羅國使前月二十五日由徐州境入安
徽界經臣節飭沿途文武員弁妥為照料一路
行走安靜惟據廬州府宋潢及鳳陽府程懷璟
並委員張連山桐城縣廖大聞等先後稟稱該
使臣通事等入境時攜有幼稚子女詢係前途
所買奴婢稟請查辦等語臣思

陶雲汀先生奏疏卷四

撫院稿

三

國家懷柔遠服備極

恩施重譯之人莫非臣僕若內地人民轉聽其遠攜
役使殊於體制攸關應即截留當派安慶府知
府汪恩同臣標守備李鳳輝迎赴前途查辦旋
據汪恩等稟稱初八日迎赴潛山縣境查出隨
行子女八名均非使臣所買閱對契紙其幼孩
黃添幅一名係通事翁日陞用錢一千七百文
所買幼女劉了頭又名秀姐係通事跟役劉六
用錢十一千所買又伴送夷使之雷州府王文
苑家人帶有幼孩宋東吉朱棟兒高連喜朱秋

兒四名遊擊文泰家人帶有幼孩鄭阿連一名
署高廉道百順家人帶有幼孩徐來喜一名除
朱棟兒鄭阿連未立身契其餘均係價買尚無
別故內劉了頭寄居銅山高連喜係掖縣人餘
俱滕縣人據供實因覓食其父兄將伊出賣質
之通事家丁供亦相同當飭護員妥速照料前
進所有黃添幅等八名現已帶回聽候核辦至
委員王文苑由舒城回伊原籍太平縣省親未
入桐城地界等語臣查該幼孩等偶因覓食隨
其父母轉徙地方官原難一一執途人而問至
護送委員職有官司豈得毫無聞見一任通事
家人等購買役使萬一夷使效尤成何事體自
應截留給屬不令攜往至王文苑因何潛回本
籍除飭太平縣查覆移咨廣東核辦並咨湖北
江西一體迎查外至截留之子女八名現飭汪
恩守暫送留養局擇誠實穩婆妥為存養一面移
查原籍親屬領給完聚以免流離再該使臣等
已於三月十二日出安徽境入湖北境接護合
併陳明謹會同督臣孫玉庭恭摺具
奏伏乞

陶雲江先生奏疏卷四

撫皖稿

四

陶雲江先生奏疏卷四

撫皖稿

四

皇上聖鑒謹

奏

道光三年三月十三日具

奏四月十四日奉到

硃批可見諸事留心查辦甚屬得體而此等妄行之
委員不可不示以懲誡另有諭旨欽此

恭報起程抽查鳳泗等屬春賑催辦墾工查閱

營伍日期摺子

奏為恭報起程前赴鳳泗等屬抽查春賑催辦墾

工並查閱北路營伍順道察看潁屬添兵情形

仰祈

聖鑒事竊 臣 荷蒙

恩命擢任巡撫首以察吏安民整飭營伍為要務查

安徽省鳳泗等屬州縣上年被水較重仰蒙

聖主發帑賑濟復欽奉

恩旨俯念今春青黃不接將宿州鳳陽懷遠靈璧鳳

陶雲汀先生奏疏卷四

撫皖稿

呈

臺泗州五河等州縣成災七八分及勘不成災

之天長盱眙等州縣各保集並鳳陽等衛屯坐

饑軍

賞給一月口糧仰見

皇上惠愛黎元普錫春祺至意 臣 當即飭司刊刻謄

黃遍貼曉諭飭令該管道道府督率各牧令實力

查辦並擬於散放之際前赴抽查即順道察看

潁屬阜陽地方應否添設弁兵附片奏

聞在案茲 臣 謹將本衙門事宜次第清理已到者逐

加核辦未到者立限嚴催清查存庫兩案現亦

查明具

奏 臣 即於本月十三日前赴鳳陽泗州等屬將春

賑戶口按冊抽查務使災黎均沾

渥澤其宿靈兩處挑河築墾為禦黃要工窮民藉資

備趁即可趕緊督催至 臣 職兼提督如潁亳壽

春宿泗等營尤關緊要自應順道校閱驗其勤

惰優劣嚴加訓練俾成勁旅並察看阜陽一帶

情形應否添設兵弁再與督 臣 籌議妥辦約計

週歷回省正屆秋審之期所有 臣 衙門一切日

行事件循例委署藩司惠顯代拆代行如有緊

陶雲汀先生奏疏卷四

撫皖稿

呈

要之事即包封遞至途次隨到隨辦不致貽誤

除校閱查驗事竣再行核實

奏報外合將 臣 起程抽查春賑墾工及查閱營伍

日期恭摺奏

聞伏乞

皇上聖鑒再 臣 於四月回省辦理秋審後即須趕辦

奏銷所有江南徽州等營伍容俟秋操時再行

前往查閱合併附陳謹

奏

道光三年三月十五日具

奏四月十七日奉到

硃批知道了欽此

同治丁丑年奏疏卷四

臣晚稿

四

恭謝

欽頌

御論摺子

奏為恭謝

天恩事頃臣齋摺差弁回皖奉到

欽頌

御論二篇臣謹卽恭設香案叩頭祇領跪誦之下仰

見我

皇上德宇誠正

道闊精微

同治丁丑年奏疏卷四

臣晚稿

三

本治己以治人

揭心法為治法

教宏洙泗衍之為十六字之真傳

盛協唐虞垂之卽千百王之令範蓋惟

聖不自聖而

聖學必極其精因之

心以印心而

心契愈昭其合微臣學慚蠡測識類管窺仰

敷極於

皇謨

訓行彌凜效颺言於

帝世贊頌難名所有微臣感佩下忱理合繕摺恭謝

天恩伏祈

皇上聖鑒謹

奏

道光三年三月二十五日具

奏四月十七日奉到

硃批知道了欽此

陶雲汀先生奏疏

無統稿

三

保奏知縣拏獲鄰境積盜摺子

奏為知縣拏獲鄰境積盜多名遵例專摺保

奏仰祈

聖鑒事竊照當塗縣知縣王正前署全椒縣任內詳

報於道光元年五月初三日獲盜龍四唐燈籠

王小二熊九攷胡山五名訊係行劫江蘇江浦

縣事主田泳旺河南固始縣事主李文榮並舒

城縣事主汪恒發各店案內正盜等情飭司提

省委據懷寧縣等訊明田泳旺錢店被劫一案

係龍四起意為首熊九攷入室搜賊胡山唐燈

陶雲汀先生奏疏

無統稿

三

籠王小二接賊把風李文榮錢店被劫一案熊

九攷胡山係聽從現犯孔廣全糾邀上盜在外

把風汪恒發錢店被劫一案熊九攷係聽從逸

犯周老三糾邀上盜入室搜賊將龍四等均依

強盜得財律擬以斬決聲明龍四起意行劫熊

九攷搜賊把風三次胡山把風接賊二次係法

所難宥唐燈籠王小二接賊把風一次係情有

可原分詳解司勘轉經臣親訊分別恭疏具

題并咨部核覆在案茲據臬司惠顯以該縣王正

才具優長辦事勤慎前署全椒縣任內並無承

緝逃犯未獲之案今獲鄰境罪應斬決巨盜數
在三名以上核與送部引

見之例相符詳請具

奏前來臣查例載地方官拏獲鄰境劫掠巨盜准
該督撫專摺奏請送部引

見又拏獲罪應斬決盜犯數在二名以上准送部引

見各等語今當塗縣知縣王正前署全椒縣任內拏

獲鄰境罪應斬決之積盜龍四熊九孜胡山三

名罪應發遣之夥盜唐燈籠王小二二名洵屬

緝捕勤能該員本任內又無承緝逃盜未獲之

附錄 卷之三 奏議類 無院稿

案核與專摺奏請送部引

見之例相符可否仰懇

皇上天恩准其送部引

見以示鼓勵之處出自

鴻施臣謹會同協辦大學士兩江總督臣孫玉庭遵

例恭摺具

奏伏乞

皇上聖鑒訓示遵行謹

奏

道光三年三月二十五日具

奏四月十七日奉到

硃批另有旨欽此同日奉到四月初九日內閣奉

上諭陶澍奏知縣拏獲鄰境積盜遵例保奏一摺安

微當塗縣知縣王正於署全椒縣任內拏獲鄰境

積盜多名緝捕尚屬勤能准其送部引見以示鼓

勵欽此

附錄 卷之三 奏議類 無院稿

無院稿

四元

附奏嚴緝匪徒摺片

再臣現因巡閱經過潁亳蒙宿等處察看閭閻均屬安靜民情亦俱質實惟西北一帶緊鄰豫省迤東接近徐淮交界處所多有匪徒出沒此等竄刻須防範前據阜陽縣拏獲河南省逸犯王四卽王相如查係回民劉三軒挾嫌刺殺縣丞王慶瀾案內從犯已解歸河南審辦現又據蒙城縣報獲王懷正卽王四老虎強搶民婦拒殺事主一案又謝幅慘殺引差緝匪之保正李時一案又霍邱縣叢四陳全等挾葉連作線

陶雲汀先生奏疏

撫院稿

五

捉拏之嫌殺死伊家七命並殺捕役王爽一案此數案皆因緝捕緊嚴逞兇報復情節尤為可惡經臣嚴飭勒緝已據該縣等緝獲兇犯俟臣回省卽行從嚴辦理現又沿途訪得阜陽縣匪徒李天罡趙四大王張保兒劉八兒鞏三秦照夏五國公張細狗亳州匪徒王甫懷遠縣匪徒褚會明壽州匪徒程茂王天曉蒙城縣匪徒王現王愷王騷崔四蔡五宿州匪徒楊大沅李克盛陳大勝武炳文武中信卽武蟒精卽三張七李寃王周小二姐洪澤湖匪徒張建仁張建

禮卽張三丫頭均係兇惡匪徒有現據地方官拏獲者有尚未緝獲者臣沿途密派員弁不動聲色分路偵查得有踪跡卽知會文武無分畛域立時掩捕並告以如果出力定當據實獎勵總期有犯必獲以靖地方合將沿途密訪嚴緝情形附片具

陳謹

奏

道光三年三月二十五日附

奏四月十七日奉到

陶雲汀先生奏疏

撫院稿

五

硃批所辦甚好知道了欽此



奏摺卷五目錄

撫皖稿

安化陶

校閱營伍查辦春賑墾工情形摺子

御賜藥錠恭謝摺子

相度潁州府應添兵丁無須移改叅遊摺片

寧國旌德太平三縣民折官辦漕糧援案請由

司庫領銀採買徵還歸款摺子

全獲殺死一家七命兇犯審明定擬摺子

附奏獲匪懲辦摺片

再請覆豁皖省銀項摺子

附奏覈辦漕項舛訛摺片

附奏續獲匪犯審辦摺片

潁亳宿三營添兵移駐文武員弁摺子

總督會稿

查勘潛山望江南陵各縣被水撫卹摺子

勘辦銅陵無為繁昌蕪湖當塗被水撫卹情形

摺子

續勘宣城南陵青陽貴池桐城被水分別撫卹

情形摺子

校閱營伍查辦春賑墾工情形摺子

奏為恭報校閱北路營伍回省日期並抽

催辦墾工情形仰祈

聖鑒事竊 於三月十三日起程巡閱省北各屬地

方業經恭摺具

奏在案 即由六安至潁亳轉蒙城歷宿泗經鳳

陽壽春廬州等處一路巡視察訪民情即順道

校閱各營伍叅游都守千把等弁人材弓馬俱

尚可觀馬戰守兵年力精壯並無老弱充數操

演陣式步伐整齊鎗礮聯絡籐牌雜技亦俱趨

捷內箭鎗兩項尤為軍中利器步箭以弓六力

中二矢為及額其五矢全中弓自八力至十力

能持滿者三鎗全著者俱當場獎賞記名拔補

間有弓馬欠調年力尚壯者分別降補記責勒

限勤操點驗軍裝馬匹等項俱係完好朕壯並

無虧缺就 閱過各營而論壽春技藝較優六

安次之潁州亳州宿州泗州廬州各營均屬相

等蒙城鳳陽木係分駐兵丁無多弓馬亦尚嫻

熟 每閱一營即諄飭各將領以整理營務首

在賞罰嚴明尤宜通曉大義俾知兵以衛民而

在賞罰嚴明尤宜通曉大義俾知兵以衛民而

附奏續獲匪犯審辦摺片

撫皖稿

不可擾民其派撥汎地當差者須輪調操演更須嚴拏匪類以靖地方庶幾有勇知方仰副聖主整飭戎行之至意至宿州靈璧鳳陽懷遠鳳臺泗州五河等州縣均已據各委員查明按口加賑沿路抽查尙無遺濫各災黎無不歡欣鼓腹感頌

皇恩其宿州靈璧挑築河埝工程均照原估丈尺挑挖已築埝工亦夯礮堅固辦理尙爲得實且無業貧民藉資傭趁人夫衆多工作亦能迅速合計工程已有六七分挑汎之前自可一律完竣

陶雲汀先生奏疏卷五

撫皖稿

二

俟收工勘驗如有草率偷減自當據實叅辦斷不敢稍存徇隱臣查閱事竣已於四月初十日回省所過地方菜麥漸次登場民情歡豫除省標潛山及南路各營俟秋錄後另行校閱外合將校閱省北營伍回省日期暨查賑催工情形恭摺具

奏伏乞

皇上聖鑒謹

奏

道光三年四月十八日具

奏五月二十一日奉到
硃批知道了欽此

陶雲汀先生奏疏卷五

撫皖稿

三

御賜藥錠謝

恩摺子

奏為恭謝

天恩仰祈

聖鑒事本月十六日摺弁回皖齋奉

御賜藥錠一匣臣當卽恭設香案叩頭祇領伏念臣

材慚苓勃渥荷

甄挺際茲大夏之陽辰

寵賚

上方之珍劑

陶雲汀先生奏疏卷五

撫皖稿

日

頌來

楓陛一絨貯

天上之雲捧出芝泥五色耀江城之露滌靈符而辟

暑懷馨則蓄比仙蘭吹丹粒以團砂投赤則功

逾神肅謹分遺於寮案用宣

惠於黔黎痲癘潛消贊

大造均調之化平康用

錫宏

聖人長養之心所有微臣感激榮幸下忱理合恭摺

奏謝

天恩伏祈

皇上聖鑒謹

奏

道光三年四月二十七日具

奏五月二十八日奉到

硃批知道了欽此

陶雲汀先生奏疏卷五

撫皖稿

五

相度潁州府應添弁兵無須移改叅遊摺片

再者潁州府移改叅遊添設弁兵一事前奉

上諭令臣會同督臣孫玉庭等度情形詳查妥議具

奏茲臣親歷各要隘相度形勢查得潁州府在省

城西北邊境距省幾及千里存城兵丁僅止二

百餘名應添設四五十名以資防守阜陽係附

郭首邑幅輦廣濶其西北鄉之沈邱集距治一

百二十里又西鮑陽城距治二百一十里西南

鄉之艾亭集距治一百七十里稍南方家集距

治一百二十里均屬鞭長莫及現在沈邱集設

有巡檢一員方家集設有縣丞一員惟自鮑陽

經艾亭以達方家集一帶袤延二百餘里與豫

省之沈邱項城新蔡息縣固始等處犬牙交錯

離城既遠地偏俗悍匪徒出沒其間尤易藏奸

應移駐一官就近彈壓查潁州府同知現駐驛

口橋係阜陽腹地距城止九十里尙易照料應

將同知衙門改駐艾亭集督辦竊盜賭博案件

並設把總一員兵四五十名該處爲西南邊界

適中之地可以四路照應再於鮑陽城方家集

各設外委一員兵各三四十名俾聲勢連絡緝

捕尤爲得力又亳州接壤豫省其西北鄉之滅

種店東南鄉之張村鋪離城遙遠亦應添兵二

三十名外委二員所有添設弁兵在於江安各

營酌量裁減移賴招募無須額外增添亦無須

移改叅遊以免紛更除咨會督臣受核辦理外

謹先將相度大概情形附片覆

奏伏乞

聖鑒謹

奏

道光三年四月十八日具

奏五月二十一日奉到

硃批查看明白會奏到時再降諭旨欽此

寧國旌德太平三縣民折官辦漕糧援案請由
司庫領銀採買徵還歸款摺子

奏為安徽省寧國旌德太平三縣民折官辦漕糧
請援照江蘇省成案由司庫領銀採買徵還歸
款以免挪墊而裕

國儲仰祈

聖鑒事竊 於道光三年三月具奏官墊民欠一案

并附片陳明墊解一事經此次分別追賠之後
各州縣自知做畏不致再有挪墊惟寧國旌德
太平三縣因不通水路例由民折官辦該縣先

陶雲汀先生奏疏卷五

撫院稿

八

於甲年買米墊解乙年徵還與各屬情形不同
即將來亦不能不照舊墊辦若預徵米價又於
民情不順且價值長落亦難懸定辦理殊多窒
礙查該三縣漕糧本屬無多莫如改徵折色歸
入丁地併徵實為官民兩便容再確查情形奏
請辦理等因奉

殊批知道了欽此欽遵行司查議詳辦去後茲據藩
司徐承恩詳稱漕糧為

天庾正供支放歲有定額該三縣漕糧共有九千餘
石如改徵折色即於額數不敷另行籌議又多

窒礙惟思江蘇嘉定寶山等處亦俱民折官辦

定有章程隨經咨詢查得乾隆八年江蘇巡撫

陳大受奏請將嘉定寶山二縣漕糧援照江西

省瀘溪縣之例先動藩庫存公銀兩及時購買

兌運如存公不敷即於正項內動支將用過銀

兩按米計算核明每石應輸若干出示徵收又

乾隆五十四年江蘇巡撫閔鄂元以阜寧等七

州縣民折官辦漕糧先經奏定於十月內照產

地時價由司庫領銀採買十一月內啓徵次年

二月徵完解司惟恐各州縣視為無關考成或

陶雲汀先生奏疏卷五

撫院稿

九

致任意拖延奏請定限於次年二月以前徵解
還款如逾限未解即將經徵接徵各職名隨同
地丁正項錢糧奏銷時另造一冊開參按照未
完分數一律議處均經戶部議覆奏奉

諭旨允准歷年遵辦在案茲查安徽省寧國旌德太平

三縣民折官辦漕糧向在司庫匣費項下動借

銀兩先於水次蕪湖縣地方買米交兌一面按

照市價加以應需耗費運腳詳定價值出示曉

諭徵收還款近年以來司庫匣費無存由該三

縣自行籌墊知縣廉俸無多勢不能不挪借利

債暗中已有賠累且民間以銀係官墊與欠納錢糧不同不免拖延因之墊款歲有積壓今查江蘇成案於每年採買時確訪時價先動庫項給發購買兌運定限啓徵還款安徽省寧旌太三縣漕糧民折官辦情事相同似可酌量仿照辦理應請自道光四年新漕爲始仍責成該三縣每年就水次附近一帶產米地方按照時價卽於司庫正項內請領銀兩購買兌運將米價及耗費運腳等項一併按米計算核明每石應輸銀若干出示通諭各民戶攤徵還款惟江蘇

陶雲汀先生奏疏卷五 撫院稿

係十一月內定價啓徵今寧旌太三縣散處山鄉離水次較遠會詳府司層層考核均需時日應請每年於十月初旬卽由司酌發銀兩一面由縣詳查買米地方時價由府核明詳司報院趕緊批定價值以十一月爲限不得有逾以便該三縣遵照出示曉諭按數啓徵俾免遲延仍限次年二月徵完解司還款如逾限未解卽將經徵接徵各職名核明分數隨同丁地錢糧奏銷時另造一冊開叅按照未完分數議處如有虛開侵冒等弊照例嚴叅治罪等因前來 臣查

安徽省寧國旌德太平三縣民折官辦漕糧前因歷有墊欠擬請改徵折色茲經藩司查議漕糧定額難以懸缺另行籌畫復多窒礙若酌量仿照江蘇嘉定等縣現行成例由司庫領銀採辦就產米地方價值及耗費運腳等項核明啓徵立限解司歸款倘有延欠定以處分如此辦理於向來民折官辦之例無所更張而不須賠墊民間亦照常輸納而不慮拖延實爲官民兩便謹會同協辦大學士兩江總督 臣孫玉庭漕運總督 臣魏元煜恭摺具

陶雲汀先生奏疏卷五 撫院稿

奏伏乞

皇上聖鑒勅部核覆施行再該三縣道光三年因被水全行緩徵本年冬間屆限徵兌如蒙俞允請照新定章程畫一辦理合併陳明謹奏

道光三年五月十二日具

奏六月十五日奉到

殊批戶部議奏欽此旋經戶部議覆應如所奏辦理於道光四年六月十八日具奏本日奉旨依議欽此

全獲殺死一家七命兇犯審明定擬摺子
奏為全獲殺死一家七命兇犯審明定擬具
奏仰祈

聖鑒事竊查前據署霍邱縣知縣徐成章詳報道光
二年閏三月二十三日署縣徐豐任內據報
於二十一日夜縣民葉占貴家被匪將其父葉
連母許氏兄占長姪朋孜殺死並將其嫂錢氏
姪東淋春淋用火炙死勘驗嚴緝無獲於二十
六日卸事移交該署縣徐成章接緝訊詳等情
經前撫臣孫爾準以日久未獲一犯會摺奏

奏請

陶雲汀先生奏疏卷三

撫皖稿

三

旨將前署霍邱縣徐豐現署霍邱縣徐成章前代防
霍邱汛朱淮源暫革頂戴分別留任協緝旋准
部咨於道光二年七月十五日內閣奉

上諭孫爾準奏叅疎防接緝協拏之各員弁請革去
頂戴勒緝一摺此案霍邱縣民葉占貴家夤夜被
殺七命兇犯日久無獲實屬緝捕懈弛所有疎防
協緝之前署霍邱縣告病候補直隸州知州徐豐
接緝之現署霍邱縣知縣徐成章協拏之前代霍
邱汛千總効力武舉朱淮源均著革去頂戴徐成

章著暫緩送部引見留任勒緝徐豐朱淮源著留
於該縣地方協緝其本任千總閻光烈於報案一
月後始行回汛著暫免叅處仍飭令協同查緝如
果限內獲犯再將各該員弁奏明分別辦理倘限
滿無獲卽行嚴叅欽此遵卽分飭嚴拏去後旋據
署霍邱縣徐成章會督徐豐家丁及營員朱淮
源閻光烈並道府委員黃承恩等於二年七月
十六八月二十一等日訪獲叢四陳全張要悰
到縣並據壽州知州龔式毅督同霍邱縣兵役
及徐豐家丁道府委員先後訪獲楊二麻孜汪

陶雲汀先生奏疏卷三

撫皖稿

三

東連程敬趙金奉楊三麻孜并查起楊二麻孜
所當贓褲一條到州彼此嚴究均係殺死葉連
等七命案犯錄供通稟經前撫臣孫爾準行提
來省先委安慶府知府汪恩頴州府通判王友
仁等審辦因犯供狡展未克定讞臣到任後又
添委候補知府麟慶署懷寧縣朱士達等會審
明確擬議由臬司惠顯審解前來臣親提犯證
逐細研鞫緣叢四陳全趙金奉楊二麻孜楊三
麻孜汪東連籍隸霍邱縣程敬張要悰卽張耀
悰又名孫老九籍隸壽州均向不安分往來葉

連所住葉家莊地方與葉連見面認識道光元年十月二十五日夜陳全夥同在逃之胡麻孜朱麻孜吳文宇現獲之程敬張要悰行竊事主魯庭貴家牛隻經過葉連屋旁葉連聽聞犬吠點燈開門出看欲行拉奪陳全等趕牛疾走至趙金奉家窩藏次日葉連聞知魯庭貴被竊隨通知魯庭貴將贖牛起獲並囑事主指名控縣經前署縣徐豐飭差嚴拏陳全等俱各潛匿葉連又幫同捕役緝嗣陳全途遇葉連卽向跪求葉連聲言定行拏送爲地方除害當向捉拏

陶雲汀先生奏疏卷五

撫皖稿

五

葉連門首叢四爬牆進內開出大門一齊進院留程敬楊三麻孜張要悰在院看人葉連驚起開出堂屋門喝問陳全聽係葉連聲音喝令動手楊二麻孜趕進卽用扁担毆傷葉連額顛趙金奉用短刀連砍其偏左偏右側倒地擦傷左太陽穴左胎膊左乳左肋左腿葉連翻身欲起被陳全用柳葉尖刀連砍腦後登時殞命葉連之長子葉占長自東房內拏庫刀趕出救護叢四用扁担將刀格落房內射出燈光葉占長認係叢四指名嚷罵叢四因其叫破姓名當稱殺人不死反爲仇不如將伊一家斬草除根免使指名報官喝令各犯動手因葉占長彎身拾刀叢四卽用扁担狠毆一下致傷葉占長左後脇跌地亂滾擦傷右腮腠左胎膊左膝脊背立時殞命葉占長之妻錢氏帶同幼子東淋春淋在東房床上睡臥喊救叢四趙金奉陳全趕入叢四揭起蓋被見錢氏赤身頓起淫心卽按住欲行強姦錢氏掙拒不從詈罵拚命叢四忿極聲稱將其燒死當令趙金奉搬取秫秸亂草置放堂屋地上點燃一面令陳全手揪錢氏頭髮

陶雲汀先生奏疏卷五

撫皖稿

五

叢四捉住兩腳將錢氏擡至火上燒炙錢氏痛極兩手亂抓叢四復令趙金奉將錢氏右手捉住陳全亦用右手夾住錢氏左胳膊將錢氏仰面燒炙復翻身燒其合面錢氏罵不絕口而死其幼子葉東淋年甫五歲躲於房內牆角哭喊叢四將其提出撩入火內葉春淋年甫二歲在牀啼哭陳全又進內將其提出撩入火內均即燒死其時楊二麻攷汪東連於叢四喝令動手後即趕入西房內見葉連之妻許氏在牀披衣起身楊二麻攷放下扁担將其側身按倒汪東

阿雲汀先生奏疏卷三

無皖稿

六

連用木棍打傷許氏右眼并右耳根相連項頸滾跌牀下身死葉占長次子葉朋攷與許氏同牀睡宿被汪東連拖落牀下擦傷左腮腴右肋楊二麻攷接過汪東連木棍毆傷葉朋攷額顛亦即殞命陳全復至西房見有水牛一條觸起葉連幫起賊牛之事用刀將牛戳斃楊二麻攷在房內順取衣被錢文一同逃逸維時葉連之次子葉占貴與葉占長之長子葉法攷在堂外西箱房內同宿陡然驚醒聽聞哭喊殺人聲音又見火光駭暈不能出聲良久始甦未經被害

報經前署縣徐豐會營勘驗嚴緝旋卸事移交該署縣徐成章接緝訊詳經前撫臣孫爾準會摺奏

奏奉

旨將徐豐徐成章及代汛千總朱淮源革去頂戴留緝遵飭嚴拏旋據該員等與壽州知州龔式毅等先後訪獲叢四等八犯訊供起賊通稟行提來省先後飭委安慶府知府汪恩等審擬由司解勘臣親提研鞫據各供認前情不諱詰無起衅別故及另有同謀加功之人賊有起獲給主

阿雲汀先生奏疏卷三

無皖稿

七

認明正兇無疑查律載殺一家非死罪三人者凌遲處死財產斷付死者之家妻子流二千里為從加功者斬不加功者依謀殺人律減等以臨時主意殺三人者為首又載謀殺人造意者斬不加功者杖一百流三千里又例載殺一家三人以上兇犯審明後依律定罪一面

奏

聞一面恭請

王命先行正法又載因他事殺人後偶見財物因而取去者審無圖財之心仍依本律科斷各等語

此案陳全因竊魯庭貴牛隻被葉連通知事主起賊幫同緝捕心懷忿恨起意糾邀叢四等殺死葉連洩忿是該犯陳全初意向止謀殺一人迨致死葉連之後叢四因被葉占長識破臨時起意致死一家滅口復同各犯先後毆死葉占長葉許氏葉朋孜併燒死葉錢氏葉東淋葉春淋六命自應照律以臨時起意之叢四爲首叢四合依殺一家非死罪三人者凌遲處死律凌遲處死該犯造意殺死一家手斃葉占長並因強姦不遂將守正不污之葉錢氏及幼嬰葉東淋燒死實屬窮兇極惡未便稍稽顯戮臣於審明後卽照例恭請

阿雲汀先生奏疏卷五

無院稿

六

殊批

王命飭委臬司惠顯安慶營副將長喜率同文武將該犯叢四可恨之至綁赴市曹先行正法仍傳首犯事地方梟示以昭炯戒陳全起意殺死葉連一人復臨時聽從叢四致死一家在場加功應從重問擬陳全除謀殺葉連罪止斬候不議外應照殺一家非死罪三人爲從加功者斬律擬斬立決該犯幫同燒死葉錢氏後又將年甫二歲之葉春淋撩入火內燒斃慘忍已極應加擬梟示楊

二麻孜於打死葉許氏等之後順便攫取錢衣其初本無圖財之心應與在場加功之趙金奉汪東連俱照殺一家非死罪三人爲從加功者斬律均擬斬立決先行刺字程敬揚三麻孜張要棕卽張耀棕又名孫老九三犯聽從謀殺未經加功惟同惡相濟致成慘毒重案若照謀殺人從而不加功律擬以杖流未免輕縱均請發往新疆給官兵爲奴汪東連張要棕尙有行竊六安州事主楊步路家臨時行強一案俱在院接贓係情有可原汪東連應從重歸於此案擬結張要棕所犯兩案罪名相同亦歸此案擬結惟究係免死減等盜犯仍盡本法面刺強盜字樣葉錢氏猝被強暴守正捐軀洵屬節烈可嘉應附請

阿雲汀先生奏疏卷五

無院稿

七

旌表以維風化叢四訊無妻子亦無財產應毋庸議李上年訊非知情免其置議無干省釋起贓給主未起追賠行竊魯庭貴家牛隻案內逸賊胡麻孜等飭緝獲日另結此案首從八犯業於接緝限內全行拏獲其首犯叢四陳全及從犯張要棕三名係署霍邱縣知縣徐成章會同前署

縣侯補直隸州知州徐豐前代防霍邱汎千總
効力武舉朱淮源緝獲其楊二麻致等五犯亦
係該員等協拏尚知愧奮其原叅暫革頂戴之
處可否仰懇

皇上天恩准其開復如蒙

俞允徐成章陞補霍邱縣知縣應給咨送部引

見徐豐先經告病應給咨回籍調理所有首先獲犯

及協獲應敘各職名咨 臣查明再行分別辦理

除前案供招送部查核並將六安州事主楊步

路家被竊臨時行強一案另辦外謹將獲犯審

陶雲汀先生奏疏卷五

撫院稿

三

擬緣由會同協辦大學士兩江總督 臣孫玉庭

恭摺具

奏伏乞

皇上聖鑒勅部核覆施行謹

奏

道光三年五月十八日具

奏六月二十三日奉到

硃批另有旨欽此同日奉到

上諭一道道光三年六月初五日內閣奉

上諭陶澍奏全獲殺死一家七命之兇犯一摺此案

霍邱縣民葉占貴家黃夜被殺七命前因兇犯日
久無獲降旨將疎防協緝協拏各員革去頂戴勒
緝茲據該撫奏稱首從八犯該員弁等於限內全
行拏獲尚知愧奮前署霍邱縣候補直隸州知州
徐豐署霍邱縣知縣徐成章代防霍邱汎千總効
力武舉朱淮源俱著准其開復頂帶徐成章業經
陞補霍邱縣知縣著即送部引見徐豐先經告病
著給咨回籍餘著刑部速議具奏欽此

陶雲汀先生奏疏卷五

撫院稿

三二

附奏獲匪懲辦摺片

再臣前於巡閱潁鳳一帶訪有積惡匪徒二十
八名附片具

奏在案臣比即密派員弁改裝易服不動聲色分
路偵緝旋據委員候補從九品金應祁把總李
義等會同地方文武將王添曉武炳元即武炳
文部三楊大沅陳茂即程茂王愷即王瑄拏獲
內王添曉武炳文王愷三名接據督臣孫玉庭
來信現在奉

旨查拏當即派員押送江寧歸案審辦又張建禮一

陶雲汀先生奏疏卷五

撫皖稿

三

名亦經署靈璧縣黃光裕會同督臣委員拏獲
解往江寧續又據各屬暨委員主簿何璋從九
張鈞金應祁等拏獲稽會明王甫王騷李寬王
其李克盛劉八兒夏五國公即夏寬張細狗即
趙細狗亦經宿州知州蘇元璐前署宿州劉用
錫阜陽縣知縣孫靈府先後拏獲又據蒙城縣
楊沂派丁赴河南永城縣拏獲蔡五一名惟武
蟒精經宿州拏獲後病死張建仁一名亦先經
病死計臣途次所奏各犯已獲十七名已死二
名尚有李天罡張保兒周二小姐等出入徐豫

各境一俟偵有回籍消息即可立時掩獲此外

又據宿州獲有趙克義周作浩盱眙獲有馬克
簡即馬四長腿梁廷棟石文彩蔣學韜壽州獲
有王天曉打手卞二麻均係積惡匪徒經臣節
飭查拏陸續就獲各員弁頗知奮勉至拏獲各
犯獷悍素著百姓畏其挾嫌報復往往受害不
敢報官現在嚴查究訊或挖人眼睛或庇藏梟
匪或拒捕脫逃實屬兇惡匪徒應照例重辦即
或無案可查亦當嚴行懲押以靖地方其從前
因緝捕被害如葉連一案業已兇犯全獲按律
懲辦尚有蒙城縣范羅村地保李時因捕拏賊
匪謝幅被其慘扎多傷斃命除謝幅業已就獲
另行照例辦理外臣仍酌賞銀兩給李時家屬
俾因公受害者有所獎卹庶良懦之氣獲伸而
匪徒無從託足矣所有現獲匪犯懲辦情形合
併附片以

聞謹

奏

道光三年五月十八日附片具

奏六月二十三日奉到

陶雲汀先生奏疏卷五

撫皖稿

三

硃批所辦甚好知道了欽此

陶雲汀先生奏疏卷五

撫院稿

三

再請覆豁皖省銀項摺子
奏為皖省請豁銀項接准部咨尙多未經議覆之
款奏乞

天恩勅部一體查辦以普

皇仁而杜糾轉事竊照安徽省查豁各官攤捐賠償
等款原報續查共請免銀二百四十七萬一千
七百七十二兩零制錢三千三百七十一串零
米麥豆三萬四千五百石零經前撫臣孫爾準
繕具清單奏懇

天恩一體豁免欽奉

陶雲汀先生奏疏卷五

撫院稿

三

硃批戶部知道欽此欽遵在案茲臣接准部咨除並
無部案年月暨定案在

恩詔以後者均毋庸查辦外其有部案年月在

恩詔以前者共應免銀一百四萬二千六十六兩零

米麥豆九千六百三十八石零開單咨覆到臣

當將部單督同藩司徐承恩與原造底冊逐款

較對仍未免銀一百四十二萬九千七百六兩

零米麥豆二萬四千八百六十二石零錢三千

三百七十一串零內原報五次清查案內各款

銀十四萬一千九百九十九兩零米麥豆五千

八百五十三石零專案著賠銀三百七十七兩零工程核減銀一千三百八十一兩零各員借廉銀一千七十七兩零又服官外省人員彙歸安徽原籍查辦銀五十一萬一千八百五兩零錢二千四百七十四千文零又續查五次清查案內提歸另冊各款銀十七萬五千七百五十五兩零又嘉慶十九年以後各款銀五十九萬七千三百一十二兩零錢八百九十七千文零麥豆一萬九千七石零均未議覆伏查部議以定案年月之先後報部案據之有無分別應免

陶雲汀先生奏疏卷五

撫院稿

三六

應追以杜捏款浮開之弊固屬至當但安徽省

原報五次清查案內款項係嘉慶二十二年十

二月經前撫臣康紹鏞

奏明在案其服官外省人員賠罰銀兩或內有彼

省定案之時未經報部然安徽省接准咨追確

在嘉慶二十五年八月二十七日

恩詔之前案由外省咨歸彙辦更無所容其牽混至

續查請免各款先經前撫臣李鴻賓於籌辦清

查摺內

奏明俟清查核定另行奏辦又經前撫臣孫爾準

以同一免款分別兩案不特辦理參差抑且易滋牽混於上年六月

奏請展限一併趕造入冊請免欽奉

上諭孫爾準奏應豁款項請展限稽核一摺安徽省各員應豁款項人數眾多款目繁雜再須添造更正稽查非易現在已屆六月為期較迫著准其展限三個月務將各款全數查明登造悉心考核毋得牽混舛漏該部知道欽此又在案則是續查添造之款荷蒙

皇上浩蕩之

陶雲汀先生奏疏卷五

撫院稿

三七

恩欽奉

允准而原報款項亦先經

奏明與並無

奏准案據者似屬有間況安徽省倉庫轉轉久邀

聖明洞燭其故皆由於歷次清查均有不實不盡且

攤捐款項較多遂致陋習相沿率難展布此次

查免清查兩案臣在藩司任內欽遵

諭旨全數查明登造督同局員逐款勾稽凡應追應

免均經根查底據絲毫不敢舛漏其清查案內

應追各款現奉

上諭分限追繳而查免案內應豁各款部議猶以並無部案年月未准一例查豁則從前轆轤之款仍不能澈底澄清且同此攤捐賠罰之款追免各異在州縣勢必藉口賠累又啓流攤之漸與臣前次

奏定清查章程及杜絕新虧之法諸多窒礙臣受恩深重斷不敢稍存瞻徇予以寬假然源不截則流不盡亦不敢不據實直陳於

聖主之前合無仰懇

逾格恩施

陶雲汀先生奏疏卷五

撫院稿

三

俯念皖省應豁款項係

奏明奉

旨查辦之件

勅部一體議覆庶幾積累全清新虧永杜除再行造

冊咨部外理合恭摺具

奏伏乞

皇上聖鑒施行謹

奏

道光三年五月十八日具

奏六月二十三日奉到

硃批戶部查核具奏欽此九月初三日准

戶部咨為奏明事江南司案呈本部核覆安徽巡撫陶澍奏續請豁免官員賠項一摺於道光三年七月二十八日具奏本日奉

旨戶部議覆陶澍奏安徽原報請豁銀米各項除業經准免及例不准豁之攤捐部借養廉銀兩外其查有案據在恩詔以前者共銀五萬一千三十三兩零米七百六十四石零俱著准其豁免此外查無案據銀四萬四千六百七十兩零著不准其豁免至續查請豁銀七十七萬三千六十七兩零錢八百九十七串零米麥豆一萬九千七百零該省查報既在恩詔以後仍令該撫妥籌追補以重帑項欽此相應鈔錄原奏清單行文安徽巡撫遵照可也須至咨者

陶雲汀先生奏疏卷五

撫院稿

三

附奏覈辦漕項外訛摺片

再安徽省錢糧舊案如裁減捐款津貼顏料幫

補衝途並車脚毀串等案臣在藩司任內均經

次第查辦分別詳

奏咨覆至清查查免存庫墊經各件亦經臣詳晰

查明奏奉

諭旨欽遵在案此外尚有嘉慶二十二年以前節年

民欠地漕銀米一案經前撫臣姚祖同彙數具

奏仰蒙

恩旨全行豁免接准部咨行令查明准免銀米細款造

陶雲汀先生奏疏卷五

撫皖稿

三

冊

題銷因漕務係糧道衙門經營當據前任江安糧

道祥德將漕項漕糧銀米數目彙同江蘇省准

豁各款先行分案詳

題其准免丁地等款細數亦經藩司衙門分項造

冊詳送當將地漕兩項彙核併計與原奏總數

稍有未符駁飭覆查茲據署藩司惠顯檢齊案

據分年分款逐細查明核計丁地等項銀米各

款與

奏奉

恩旨准免之數悉屬符合惟查糧道前造冊內誤將無

為州毀串銀六千一百二十兩零米一萬四千

四百三十七石零又該州挖廢田畝銀一百二

十九兩零米七十五石零又各屬漏未請豁民

欠銀一千二百三十兩零米一千二百四十七

石零一併列入致有舛誤查無為州毀串並挖

廢田畝二案銀米係屬准豁之款俱已另案請

免惟漏豁民欠銀一千二百三十兩零米一千

二百四十七石零係漏豁在前補造在後按例

自當著賠未便以為數無多誤入准免數內臣

陶雲汀先生奏疏卷五

撫皖稿

三

已嚴飭該管糧道將漏豁銀米詳晰確查容俟

查明漏報員名著落賠補仍歸漕項漕糧本案

咨部核辦除將地丁等項准免銀米各確數照

例具

題外所有查出漕項款數并訛現在核實辦理緣

由謹附片具

奏

道光三年五月十八日具

奏六月二十三日貴池途次奉

硃批悉心明白查辦如有應奏之處具摺奏聞欽此

附奏續獲匪犯審辦摺片

再臣前於巡閱潁鳳時訪有積惡匪徒當即密派員弁會同地方文武分路偵緝獲犯王添曉李克盛等十餘名先後附

奏在案尚有趙四等未獲復督飭嚴拏茲據潁州營遊擊彭鎮川稟據候補外委王梅馬占鰲等督同府縣各役訪至河南鹿邑縣拏獲張保兒一名解交阜陽縣訊據該犯前因楊印窺破伊父竊情隨同病故之竊匪王義將楊義緝縛掠棄河內溺斃被獲擬絞道光元年六月恭逢

陶雲汀先生奏疏卷五 撫院稿

恩赦釋放仍以搶竊為事糾夥王寅馬鎖等屢次竊奪牛隻勒贖各事主畏其兇惡均未報案又據阜陽縣知縣孫靈府稟同候補千總呂秉悅等踴探得趙四鞏三在河南邊界藏匿隨飭兵役拏獲鞏三一名復又追至距阜境三百餘里之項城縣南頓地方設法將趙四誘出同該境兵役圍拏擒獲搜出身帶標刀二把並獲積兇捻夥楊氣一名解經孫靈府究出該犯趙四綽號趙四大王又號趙四老虎會同楊氣及夏五國公即夏寬等二十餘人結捻持刀往來豫省邊

界糾竊勒贖多次並點放擡鎗逞兇糾毆事主多未報案並聽從尹刻榮毆死王東山隨同丁大漢行劫李來泰貨店等情又據阜陽縣役會同新蔡縣役拏獲秦照一名有匪黨黃狗邀人追奪當即繞道至新蔡縣將秦照暫交收管稟請咨題前來臣查趙四係著名捻首楊氣相為狠狽鄉民被害不敢聲張此拏彼竄從未獲案此番追蹤至豫一併就獲必須窮究黨夥無分畛域密拏嚴懲以靖地方除飛咨河南撫臣飭將秦照解潁歸案辦理外所有續獲匪犯審辦

陶雲汀先生奏疏卷五 撫院稿

緣由合併附片以

聞謹

奏

道光三年五月十八日附

奏六月二十三日奉到

硃批所辦甚好設法偵緝務淨根株欽此

穎毫宿三營添設官兵移駐文武摺子總督會稿

奏為穎毫及宿州地方緊要必須酌添官兵移駐文武員弁以重巡防仰祈

聖鑒事竊照安徽省穎州府地處省北邊境附府之阜陽縣幅輳遼瀾袤延五六百里原設兵力單薄經調任撫臣孫爾準

奏請移改參遊添設弁兵一案奉

上諭據孫爾準奏穎州府與豫省接壤為紅鬃捻匪出沒之區防緝宜周兵力尙單現與督臣咨商移改參遊添設弁兵員缺名數並調撥各營分名糧

陶澍先生奏疏卷五

撫豫稿

三

未及會奏移交新任巡撫查辦等語著陶澍會同孫玉庭籌度現在情形是否必須添設再行詳查妥議明白具奏不可徒事更張有名無實也將此諭令知之欽此臣陶澍遵卽

奏明俟查春賑之便順道赴彼熟察情形再與

孫玉庭妥議具

奏在案今臣陶澍由壽鳳宿州前赴穎州觀歷各

要隘用度形勢該府所屬阜陽亳州必須酌添弁兵並移駐文員以資彈壓其鳳陽府所屬之宿州幅輳廣袤亦有應增汛防之處至參將與

遊擊職分不甚相懸且參將所駐之六安州與楚省接壤亦關緊要似不必更張移易咨商臣

孫玉庭會核情形通盤籌計緣穎郡在省城西北邊境距省幾及千里阜陽乃附府首邑與河南之項城沈邱新蔡息縣固始等縣接壤時有豫省紅鬃匪徒竄入滋擾其北界則亳州太和東界則宿州蒙城等州縣距城一二百里不等緝捕巡防護解餉鞘人犯在在均需兵力查穎州營額設遊擊一員守備千總各一員把總四員外委二員額外五員馬步兵丁五百六十五

陶澍先生奏疏卷五

撫豫稿

三

名內除分防蒙城守備把總外委額外各一員兵丁一百六十九名外郡城駐劄遊擊一員千總一員額外二員存城兵二百四十三名其餘一百五十三名分駐阜陽之老鶴巷驛口橋王市集六十里舖方家集鮑陽城劉家集董家集七里舖等九汛多則三四十名少則十餘名察看形勢實覺單薄應請添設存城兵丁五十名以資操防差委至於老鶴巷等九汛所設弁兵原屬多寡適宜然兩省接壤之區扼要尤在邊界如西北鄉之沈邱集距城一百二十里又西

鯛陽城距城二百一十里西南鄉之艾亭集距城一百七十里稍南方家集距城一百二十里均屬鞭長莫及查沈邱集本設有巡檢一員方家集設有縣丞一員惟自鯛陽經艾亭以達方家集一帶袤延二百餘里與豫省之沈邱項城新蔡息縣固始等處犬牙交錯離城既遠地偏俗悍匪徒出沒其間尤難防範從前並未議設弁兵本欠周密且艾亭集地方衝要爲西南邊界適中之地必須大員駐劄方資控馭查該府本有捕盜同知一員駐劄驛口橋距城一百里

陶澍先生奏疏卷五

撫皖稿

三

尙易照料應將該同知移駐艾亭集地方作爲撫民總捕同知凡逃盜逃兇私販私宰賭博打降以及附近民人錢債田土細故所犯在枷杖以下者責成該同知就近分別緝拏審理其罪犯徒流以上一切命盜姦拐等案仍歸有司經理毋庸撥越該處應添設把總一員兵丁四十名以重巡防再鯛陽城本無額駐弁兵係於方家集防兵內分駐五名而方家集只存兵五名均不足以資巡防應每處添兵二十五名共成三十名各添外委一員管帶又亳州接壤豫省

其西北鄉之濺種店僅設防兵九名東南鄉之張村舖僅設防兵四名地方曠野離城遙遠不足以資彈壓應請各添兵十五名增添外委二員管帶巡防又查宿州地方村鎮通境二百一集週圍六百餘里宿州州同駐劄濉溪集分管西北四十四集捕務內有東北鄉二集州判駐劄臨渙集分管西南三十七集捕務並各設有外委一員於分管各集巡緝彈壓尙能周顧惟正西通達豫省及正東東南東北等處一百二十集捕務俱屬吏目分管近城鎮集尙知畏法

陶澍先生奏疏卷五

撫皖稿

三

餘則曠悍成風吏目有管獄之責不能常川赴鄉查緝所管集分較州同州判多至倍蓰而分汛武職又僅止正西之百善驛設有把總一員東南之湖溝集正東之大店集各設有外委一員其東北數十集並無營弁專駐吏目既有鞭長不及之虞而營弁聲勢亦未聯絡會據署宿州知州劉用錫稟請於東北之時村集添設巡檢弁兵以資彈壓經 臣陶澍周歷宿州查看洵係實在情形各屬巡檢既無可裁之員又難額外增設惟查前設南平撫民同知案內曾將鳳

陽府司獄一缺改作南平照磨嗣因南平又改
為捕盜同知無須照磨而府司獄裁改之後亦
未復設此缺尙在空懸司獄與巡檢品級廉俸
均屬相等應請將前裁之司獄改作巡檢駐劄
東北之時村集地方分管六十集並添設外委
一員卽於該營存城兵丁內抽撥兵十名派給
外委駐劄時村集以資巡緝再於北鄉之夾溝
驛添設外委一員並添兵十名駐劄巡防統計
潁州營添設把總一員外委二員兵丁一百四
十名亳州營添設外委二員兵丁三十名宿州
營添設外委二員兵丁十名並於該營移撥兵
十名如此星羅棋布聲勢聯絡兵威既壯緝匪
安民均資得力案查嘉慶十八年海州揚州二
營添兵案內經前督臣百齡奏請於江安各營
內分別裁撥其增添員弁等官俸薪銀兩仰蒙
諭旨准其作正開銷等因欽遵在案今潁郡並亳宿兩
州三營酌請增設官兵其一切俸餉若概請加
增則經費有常難以額外開銷茲亦倣照前辦
成案所有添兵一百八十名卽在於江安各標
營內分別抽裁移撥毋須另外增餉軍裝器械

陶雲汀先生奏疏卷五

撫疏稿

奏

隨糧移解至請添把總一員每年應支俸薪養
廉馬乾等銀共計一百五十一兩二錢又請添
外委六員係在馬兵數內併食馬餉惟每員歲
需養廉銀十八兩為數無多均應請照海揚二
營添設官弁應支俸薪之案作正開銷兵房衙
署由司籌議捐建以歸節省如蒙
俞允所有一切未盡事宜另飭藩司會議詳請分別
題咨辦理臣等因要地須重巡防起見悉心籌
議往返咨商意見相同謹合詞恭摺具
奏伏乞

陶雲汀先生奏疏卷五

撫疏稿

奏

皇上聖鑒訓示謹

奏

道光三年五月二十七日具

奏七月初四日奉到

硃批軍機大臣會同該部議奏欽此九月十五日准
兵部咨會議得安慶潁州等營應添移文武員
弁兵丁以資巡緝等因一摺奉

硃批軍機大臣會同該部議奏欽此臣等伏查云
吏部查定例大小各缺如有實因繁簡不符必
須隨時酌改之處令各督撫分別缺之大小如

丞倅牧令之缺應請改繁者卽於丞倅牧令缺內改簡互換其佐雜之缺卽於佐雜內酌改等語溯查嘉慶八年八月議覆兩江總督費淳等奏稱安徽宿州南平集地方設立撫民同知將寧國府總捕同知裁汰移駐並添設同知照磨兼理獄務鳳陽府司獄裁汰等因奉

旨依議欽此嗣於十三年四月據護理安徽巡撫鄂雲布等奏請將鳳陽府南平集撫民同知改爲鳳潁二府分防捕盜同知原添同知照磨准其裁汰至裁汰鳳陽府司獄毋庸議覆等因奉

陶雲汀先生奏疏卷五

撫皖稿

四

旨依議欽此欽遵各在案今該督等復請將鳳潁二府捕盜同知移駐艾亭集地方作爲撫民總捕同知前裁之司獄改爲巡檢駐劄宿州時村集地方以資巡緝該督等係爲慎重地方起見亦應如所請准其將鳳潁二府捕盜同知移駐艾亭集地方作爲撫民總捕同知仍定爲繁難要缺在外揀選題補至添設巡檢一員查嘉慶十三年該省將同知照磨裁汰後並未復添缺分今宿州時村集地方添設巡檢一員應准其復行添設仍定爲選缺歸於月分銓選至現任鳳潁

陶雲汀先生奏疏卷五

撫皖稿

四

二府捕盜同知張鳳翽是否能勝新移之任應聽該督等分別辦理並武職請添把總外委等弁移撥兵丁之處亦與營汛操防有裨應准於潁州營屬之艾亭集添設把總一員銅陽城方家集併亳州營屬之滅種店張村舖宿州營屬之時村集夾溝驛各添設外委一員分帶兵丁巡防至請添把總外委應支俸薪養廉馬乾等銀應請照海揚二營添設官弁應支俸薪之案作正開銷應如該督等所奏在於司庫正頂耗羨銀內分別動支統於兵馬耗羨各奏銷案內造報戶部查核兵房衙署由司籌議捐建以歸節省應如該督所奏辦理潁州營請添存城兵丁五十名該營屬之艾亭集請添兵丁四十名銅陽城方家集二處每處請添兵丁二十五名亳州營屬之滅種店張村舖二處每處請添兵丁十五名並將宿營存城兵丁內抽撥十名移駐時村集又於艾亭集添兵十名所有添兵一百八十名卽在於江安各標營內分別抽裁移撥毋須另外增餉軍裝器械隨糧移解均應如該督等所奏辦理其餘一切未盡事宜既據

該督等聲明另飭會議詳請分別題咨辦理應
俟題咨到日再行核辦等因於道光三年七月
二十二日具

奏本日本

旨依議欽此相應知照可也

陶雲汀先生奏疏卷五

撫院稿

聖

查勘潛山望江南陵繁昌各縣被水情形親往
撫卹摺子 附片一件

奏為潛山望江南陵繁昌等縣圩壩沖缺低窪田
地被水淹浸親往查勘仰祈

聖鑒事竊照皖省春間暘雨調勻入夏以來安慶府

屬暨大江以南各州縣雨水較多麥收稍歉 臣

已於四月分雨水情形摺內

奏報在案今自五月初八日至十二日又自十六

日至二十四日先後大雨經旬據潛山縣知縣

常景周稟報城北一帶逼近萬山連日雨勢如

陶雲汀先生奏疏卷五

撫院稿

聖

注山水漲發隄壩沖潰漫灌入城低窪處所水
深數尺驛路亦多阻隔現將被水居民在於高
處搭棚棲止散給饑餅以資餬口一面確查有
無淹損人口坍塌房屋另行稟報等情又據望
江縣知縣鄧資報稱縣境西圩妙光岡一帶地
勢稍低山水奔騰圩身沖潰兼上游江廣水發
河湖頂漲水已入城雨尚未止現在多積人夫
將沖潰圩身趕緊修築稟請委勘等情又據南
陵縣知縣劉邦鼎稟報縣境東北兩鄉盡屬圩
田最為低下因大雨連旬所有上洲壩義成圩

隄埂各沖裂二三十丈又西河鎮之管嘴灘隄
埂沖裂一百餘丈以致周圍數十里之圩壩一
片汪洋儼成澤國廬舍漂沒居民避棲高埂隨
經捐給饒餅趕緊設法疏洩但江水盛漲外高
於內即經涸復而葢藏已無實堪憫惻稟請撫
卹等情又據繁昌縣知縣張星煥稟報縣境界
連涇縣旌德陰雨連綿山水下注兼之大江迭
漲無處宣洩最低之永慶圩等八圩南圩保大
等六十三圩稍低之主簿埠等四十二圩隄壩
沖潰積水四五尺不等凡濱江蘆洲及建陽衛

陶雲汀先生奏疏卷五

蘇皖稿

四

屯田亦俱被淹現在督率農佃人等晝夜車戽
以冀涸復請委勘辦等情臣查該縣等所稟被
淹情形均屬急切當飭藩司委員馳往分路查
勘臣即日乘舟順流赴繁昌南陵一帶妥為撫
卹所有臣衙門日行事件照例委藩司徐承恩
代拆代行其潛山望江兩處地居上游離省較
近現已委員往勘俟覆到時如有應需撫卹之
處即由藩司就近遴委大員速往辦理至現在
驛路多淹文報遲滯尚有被水未報到州縣容
當續查妥辦務使復業安廬人皆得所以仰副

硃批

聖主視民如傷之至意再各屬自二十四日以後天
氣漸霽禾苗均已長發青蔥其被水各處節候
甫屆小暑尚可補種除俟查勘切實情形再行
奏辦外合將臣親往撫卹緣由會同兩江總督臣

孫玉庭恭摺具

皇上聖鑒謹

奏

正拜摺聞又接南陵縣稟稱督率農民趕緊修
築沖缺尚未竣工適江水增長溪河頂漲又被

陶雲汀先生奏疏卷五

蘇皖稿

四

沖缺積水汪洋難望即時涸復繁昌稟報情形
亦復相同臣仰體

皇上宵旰痼瘼之意已飭藩司即日發銀四千兩星

速分解南陵繁昌二縣趕辦饒餅撫卹臣仍酌

帶銀四千兩沿路察看情形酌量辦理如有應
行借給籽種或緩徵錢糧之處臨時由驛具

奏以期迅速再本日接到蕪湖縣稟報該處隄圩

間多沖缺當塗縣稟報圩內積水增長無為州

江壩亦有滲漏臣自應一路挨查辦理合併附

聞謹

奏

道光三年五月二十九日具

奏七月初十日奉到

硃批悉心察看妥為撫卹毋致一夫不獲通行勘明
後再行據實奏聞欽此又夾片一件同日奉
硃批查勘明白一併覆奏欽此

陶雲汀先生奏疏卷五

撫皖稿

四六

勘辦銅陵無為繁昌蕪湖當塗被水撫卹情形

摺子

奏為勘辦銅陵無為繁昌蕪湖當塗被水撫卹情

形併順道勘視各屬淹浸仰祈

聖鑒事竊照繁昌南陵潛山望江四縣被水前經

奏明親往查勘併將蕪湖當塗無為三州縣具報

隄圩江壩漫缺情形附

聞在案臣拜摺後連日趕辦奏銷訖即由水路起程

復據無為繁昌等處稟報漫潰更多銅陵縣亦

報圩田蘆地被淹廬舍坍塌臣聞信之下不勝

陶雲汀先生奏疏卷五

四三

惶灼比即順道先由銅陵查勘得該縣之白二
陶村等五耆濱臨大江地勢本低江壩被沖淹
成巨浸其合一等四耆盡係圩田隄堰塌卸積
水亦深大欄等三耆與十四蘆洲亦均被淹復
赴無為州查勘該州三面臨江惟西北近山其
餘皆圩專藉江隄為保障自大雨以來江湖泛
溢官民竭力堵築日夜防守五月二十五日雨
止風起由劉家渡漫溢七八丈張家灣同時漫
口十餘丈以致襄一銅一等里共三百六十五
圩田禾盡沒又南三太七等二百餘圩亦被淹

浸尚有義成青山畢新等二十九圩勢亦危險
 現在竭力搶護隨赴繁昌縣地界登山觀望水
 勢已深旋查得該縣東鄉之護城埠西鄉之義
 興圩南鄉之湖莊埠北鄉之萬家圩等共一百
 四十五圩埠因連次江河水溢田禾俱被淹損
 衛地蘆州亦俱被淹尚有濱江數圩現在竭力
 保護又勘得蕪湖縣境東鄉之陶辛圩西鄉之
 邊江埠南鄉之鳳林圩北鄉之博望圩等共一
 百二十六圩埠均瀰漫一片關署亦被淹浸又
 勘得當塗縣境西南北三鄉臨江東界丹陽湖

陶雲汀先生奏疏卷五

撫皖稿

聖

地處下游因雨水過多江湖並漲以致田畝最
 多之大官圩被頂溢潰其先淹各圩受水更加
 計東鄉之范家埠西鄉之李家埠南鄉之泥山
 圩北鄉之前後陶莊等處共三百五十二圩埠
 盡被淹浸以上各處經臣率同府州縣暨委員
 等逐一親勘亦有隔水不能指出隄埂者詢問
 耆民僉稱本年雨水既多加上游江廣之水
 漲注不休被淹情形與乾隆五十三年相等幸
 水勢尚緩傷損人口無多均經打撈掩葬居民
 避居土埂亦經地方官搭蓋蓬蓆散給饜餅暫

資餬口惟蓋藏已少臣於履勘之下慘惻萬分
 一面宣播

皇恩將被水軍民給與撫卹一面飭令各州縣減價
 平糶俟水勢稍退即設法疏通趕緊補種秋糧
 倘或補種無望再當顯請

恩施務俾被水貧民俱各得所以副

宸厯再現在上游之懷寧桐城東流績溪均報被水

業經藩司徐承恩星速遴員往勘其望江潛山

二處亦經藩司酌給撫卹至下游各處撫卹如

有未敷即由蕪湖關就近放給以歸迅速事後

陶雲汀先生奏疏卷五

撫皖稿

聖

由司解還仍飭該管道府嚴查確核事竣報銷
 日來天氣已晴地方安謐臣即改由陸路赴南
 陵並將續報被水之宣城涇縣青陽貴池等處
 一路挨查合將勘辦撫卹情形由驛具

奏伏祈

皇上聖鑒謹

奏

道光三年六月初十日蕪湖舟次由驛具

奏七月初二日准

兵部火票遞到欽奉

硃批卽有旨欽此同日奉

上諭一道內開道光三年六月二十一日內閣奉

上諭陶澍奏勘辦被水州縣情形一摺安徽銅陵無

爲繁昌蕪湖當塗五州縣因本年雨水過多加以

上游江水漲發以致圩埠漫溢民田廬舍被淹經

該撫親往履勘損傷人口無多業經飭令掩葬居

民避居土埂亦經地方官搭蓋蓬蓆散給饘餅窮

黎食息有資惟戶鮮蓋藏殊堪憫惻著加恩將被

水軍民一體給予撫卹一面飭令各州縣減價平

糶俟水勢稍退卽設法疏通消淨盡俾得補種秋禾

倘一時不能疏通難資耕作卽據實奏請恩施其

上游之懷寧桐城東流績溪均報被水著迅速遴

員履勘望江潛山二縣並著加恩酌給撫卹至下

游各處撫卹如有未敷卽由蕪湖關就近迅速放

給再由司庫解還仍飭該管道府認真查辦核實

報銷其續報被水之宣城涇縣青陽貴池等處並

著該撫親往挨查奏明辦理毋令一夫失所用副

朕乘時布澤至意該部知道欽此

陶雲汀先生奏疏卷五

撫皖稿

五

續勘宣城南陵青陽貴池桐城被水分別撫卹

情形摺子

奏爲續勘宣城南陵青陽貴池桐城暨委勘各屬

被水分別撫卹情形仰祈

聖鑒事竊臣前於六月初五日自省起程查勘下游

被水各州縣業將銅陵無爲當塗蕪湖繁昌五

處撫卹情形於初十日由驛馳

奏在案臣比卽由宣城至南陵勘得宣城縣金寶

圩等處冲破者一百三十圩漫沒者三十四圩

被淹者十七圩南陵縣上洲壩等處最重者七

十五圩次重者三十六圩稍輕者二十四圩廬

舍被淹人口間有漂沒俱經打撈棺殮惟外江

內河處處漫溢尙難宣洩又勘得青陽縣被水

村莊已漸消退補種惟近江之十八九等四都

尙未涸復情形較輕又勘得貴池縣之下一等

二十四保及牛頭等三十八洲全被淹沒仁一

等十餘保亦間段被淹又過江勘得桐城縣被

水共一百四保內湯家溝等四十七保最重掛

車河等四十六保次重樺陽岡等十一保稍輕

以上各屬均經臣順路親勘又涇縣前報被水

陶雲汀先生奏疏卷五

撫皖稿

五

現已涸退經委員張鳳翽等會稟勘得該縣之禮辭都等二十七處因蛟洪驟起被沖較重花林都等三十餘處被沖較輕坍倒房屋漸次修復惟山間浮厝之棺被水沖去者極多現經印委各員督飭撈葬至附近省城各縣先經_臣飭令藩司徐承恩委員勘辦茲據藩司督同查明並據委員安慶府汪恩等具稟懷寧縣之堯年涿水等鄉潛山縣之貞固作肅等里望江縣之西圩妙光等圖東流縣之雁汊等保俱被淹十之七八情形亦重現在多未涸出補種較難此

陶雲汀先生奏疏卷五 撫皖稿

三

外尚有績溪縣前報驟被山水現據委員顏爾楫等會稟水已消退淹斃男婦十餘口業經捐資撫卹又廬江和州含山三州縣續報於六月初旬隄埂漫裂多被水淹其時_臣已渡江而南即飛飭委員蔡士楷龔式毅趙梅等分路查勘據稟廬江縣東南鄉之十六保與北鄉七保和州東南鄉之一坊十二都南鄉之一坊九都含山縣南鄉之十都九十圩均因江湖漫漲被淹現在水深七八尺不等惟該三處被淹稍緩民間蓋藏未盡漂失目下尙可支持又太湖宿松

歙縣建德石埭旌德寧國太平巢縣等處亦俱陸續稟報被水飭據該府縣查勘因地勢較高被水之處無多俱已補種通計_臣親赴查勘及委員所勘內銅陵無爲繁昌蕪湖當塗宣城南陵涇縣潛山望江懷寧東流桐城貴池十四州縣情形尤重流離顛沛實堪憫惻_臣仰體聖主宵旰如傷之意業經動項撫卹或本色或折色隨地酌給俾極苦貧民暫資果腹一面平糶倉穀並將錢糧照例暫行停徵其餘被水稍輕各處亦一律平糶倉穀用資接濟現在晴霽多日

陶雲汀先生奏疏卷五 撫皖稿

三

山田久經涸出惟濱江各州縣隄埂盡破一片汪洋兼江廣上游之水建瓴而來以致彌月未能消退能否補種雜糧尙難預定統俟秋成後將被水各處及屯坐各衛軍田察看情形再行分別辦理至_臣履勘各處凡高阜田禾俱長發青葱地方亦均安靜即於二十六日回省辦事所有勘辦被水各處情形事關民瘼謹由驛具奏仰慰宸厯伏乞皇上聖鑒謹

奏

道光三年六月二十七日由驛具

奏七月十八日准

兵部火票選到欽奉

硃批所辦甚是俟秋成後再行明白查勘應如何辦理之處據實奏聞欽此

陶雲汀先生奏疏卷五

無宛荷

五

奏摺卷六目錄

撫皖稿

安化陶澍

會奏籌議皖省各屬被水事宜摺子 總督會稿

續報被水各屬查辦情形摺子

安省米價增昂委員分赴鄰省採買接濟暨勸

諭捐賑摺子

附奏嚴緝匪徒地方靖謐摺片

奏委藩司勘災並酌議捐粥事宜摺子

查明被水被旱各屬分別蠲緩給賑摺子

耗羨不敷請撥款支用摺子

陶雲汀先生奏疏卷六目錄

一

附奏被冲應修圩壩要工查明辦理摺片

奏學政因病出缺摺子 附片一件

查覆災屬貧民來春接濟摺子

附奏趕辦要務於封印後入

覲摺片

附奏應修工程分別辦理摺片

會奏籌議皖省各屬被水事宜摺子 總督會稿

奏為籌議安徽省各屬被水事宜恭摺覆

奏仰祈

聖鑒事竊照繁昌無為等各州縣具報被水經 臣陶

澍

奏明親往查勘併兩次由驛覆

奏勘辦撫卹情形 臣孫玉庭亦將皖省沿江州縣

被災各情形附片具

奏在案茲於七月初二日由驛奉到

上諭陶澍奏勘辦被水州縣情形一摺安徽銅陵無

陶澍汀先生奏疏卷六

撫皖稿

一

為繁昌蕪湖當塗五州縣因本年雨水過多加以

上游江水漲發以致圩埠漫溢民田廬舍被淹經

該撫親往履勘損傷人口無多業經飭令掩葬居

民避居土埂亦經地方官搭蓋篷席散給饔餅窮

黎食息有資惟戶鮮蓋藏殊堪憫惻著加恩將被

水軍民一體給予撫卹一面飭令各州縣減價平

糶俟水勢稍退即設法疏消淨盡俾得補種秋禾

倘一時不能疏消難資耕作即據實奏請恩施其

上游之懷寧桐城東流績溪均報被水著迅速遴

員履勘望江潛山二縣並著加恩酌給撫卹至下

游各處撫卹如有未敷即由蕪湖關就近迅速放

給再由司庫解還仍飭該管道府認真查辦核實

報銷其績報被水之宣城涇縣青陽貴池等處並

著該撫親往挨查奏明辦理毋令一夫失所用副

朕乘時布澤至意該部知道欽此又於七月初十

日 臣陶澍差弁齎回初次原摺一件欽奉

硃批悉心察看妥為撫卹毋致一夫不獲通行勘明

後再行據實奏聞欽此又夾片一件奉

硃批查勘明白一併覆奏欽此又於發銀四千兩星

速分解句旁奉

陶澍汀先生奏疏卷六

撫皖稿

二

硃批甚好欽此仰見

聖主痛癢在抱軫卹民依之至意跪讀之下欽感難

名伏查本年五月內雨水較多近山各處蛟洪

驟發濱江州縣圩堤沖破如安慶徽州寧國池

州太平廬州所屬州縣多被水淹其間太湖宿

松歙縣休寧黟縣婺源祁門績溪石埭建德旌

德寧國太平舒城巢縣等處地勢較高間段被

水隨即涸退補種齊全青陽雖有濱江之處為

地無多惟銅陵無為繁昌蕪湖當塗宣城南陵

望江懷寧東流桐城貴池等十二州縣被淹最

重潛山涇縣水冲亦重均經辦理撫卹以濟極苦貧民_臣等嚴飭印委各員毋許稍有浮漏其續報被淹之和州廬江含山等處亦一律平糶倉糧各災民感沐

皇恩無不同聲歡頌惟沿山各處水久消退而濱江州縣因上游江廣諸水勢如建瓴迄今兩月消水不及三尺受淹田畝仍未涸出現交處暑無由補種_臣等察看情形委係災象已成秋收失望各災民家無蓋藏米糧漸貴平糶倉穀究有不敷且濱江各屬皆係徵解兵米之區短缺兵

陶雲汀先生奏疏卷六

撫院稿

三

糶所關匪細若由陸路各屬暫行借撥不特挽運爲難亦且費用甚鉅異日歸還殊多周折_臣等往返札商惟有採買米石庶可以安待哺之民心平商販之市價而於兵糶亦爲簡捷現據藩司徐承恩援照嘉慶十九年採買成案具詳前來擬卽於藩庫動項遴委幹員前赴四川湖廣江西等省探價購買米十萬石其價值如有不敷_臣等一面咨明採買省分就近動借一俟運回到皖先約計災缺兵糧儘先提貯餘卽分運災區減價平糶其動用銀兩若干及將來如

何歸還庫款統俟事竣後再行核實辦理一轉移間於民食兵糧均屬有濟實爲目前第一要務再各屬災分輕重須俟水退後方能定準而蠲緩賑卹勢所必需且圩堤冲破民間多無力修築亟須借帑興修俾資保障凡此諸務自應將庫貯先爲籌畫茲現據藩司查明安徽藩庫貯存正項銀一百三十餘萬兩曾經咨部報撥_臣等商酌以此項存款自應暫留備用擬卽咨明戶部免致撥協他省轉滋往返除俟各屬水退確查被災分數另行籲請

陶雲汀先生奏疏卷六

撫院稿

日

恩施外謹合詞將現籌被水事宜先行覆

奏伏乞

皇上聖鑒訓示謹

奏

道光三年七月十三日具

奏八月二十三日奉

硃批另有旨欽此同日奉

上諭一道內開道光三年八月初四日內閣奉

上諭孫玉庭等奏籌議安徽省各屬被水事宜一摺

本年安徽省濱江各州縣被水較重米價漸昂民

食兵糈攸關自應預為籌備著照所請准其援照嘉慶十九年採買成案於安徽藩庫動項委員前赴四川湖廣江西等省探價購買米十萬石如價值不敷卽于採買省分就近動借一俟運回到皖先約計災缺兵糧儘先提貯餘卽分運災區減價平糶其動用銀兩若干及將來如何歸還庫款統俟事竣後核實辦理至安徽藩庫貯存正項銀一百三十餘萬兩前曾咨部報撥該省將來辦理蠲緩賑卹及借帑興修圩堤諸務需項較多著戶部卽將此項存款暫留皖省備用毋庸撥協他省該

部知道欽此

陶雲汀先生奏疏卷六

撫皖稿

五

續報被水各屬查辦情形摺子

奏為廬江無為等州縣復報被水現在馳委勘辦

仰祈

聖鑒事竊照安徽各屬被水情形經臣節次奏報在

案兩月以來積水未消正深焦灼茲又據先經被水之廬江無為含山和州巢縣當塗繁昌銅陵蕪湖太湖宿松南陵潛山桐城宣城各州縣具報於七月初九初十十一等日風雨大作水勢加長未破圩堤多遭潰缺高阜禾苗甫當吐穗亦多被風雨摧傷內中無為州因西北諸山

陶雲汀先生奏疏卷六

撫皖稿

六

發蛟水勢陡長廬舍墳墓沖壞甚多人口亦有淹斃廬江縣亦因蛟水暴發以致監獄城垣均有坍塌倉穀亦被水受潮與和州含山所報情形均重又全椒縣亦報是日風雨過猛城垣獄牆均遭損壞堤埂被淹人口損傷民房倒坍被災情形亦重當飭藩司將無為州加發撫卹廬江巢縣和州含山全椒亦酌發銀兩委員馳往勘辦併飭廬江縣將被水潮濕之倉穀趕緊平糶俾免朽腐而資接濟統俟水勢消退確勘災分重輕彙同原報各州縣一律辦理至滁州合

肥建平來安亦稱雨後低田被淹情形較輕飭令趕緊疏濬滁州城牆間有被水野卸與廬江全椒各城垣併飭確勘再行核辦所有各屬續報被水現在查辦綠山謹會同協辦大學士兩江總督臣孫玉庭合詞具

奏伏祈

皇上聖鑒謹

奏

道光三年七月二十七日具

奏道光三年九月初四日奉到

陶雲汀先生奏疏卷六

撫院稿

七

殊批明白查看據實奏聞不可緩者一面相機妥辦一面具奏可也欽此

安省米價增昂委員分赴鄰省採買接濟暨勸諭捐賑摺子

奏為奏

聞事竊照安徽省各屬被水米價增昂經臣與督臣酌議請動項赴川廣等省買米接濟併預備兵糈之用於七月十三日合詞具

奏在案茲據藩司徐承恩詳報遴委安慶府同知陳其松前赴四川六安州州同萬年淳前赴湖廣鳳陽府同知曹攀華前赴江西俱酌帶得力佐雜一員各領銀二萬兩分投採買其短少銀

陶雲汀先生奏疏卷六

撫院稿

八

兩卽於各該省借支以歸簡捷等情臣查該委員等均屬勤明穩實堪以委任當卽催飭起程臣一面飛咨採買省分各督撫飭令地方官如遇安省委員到境卽令照時價購買毋任牙行阻遏並咨明經過關津照米船赴災區售賣之例給票免稅俟運米到皖將關票鈐印移還銷號以免阻滯一俟運回先約計災缺兵糧應需若干儘先提貯餘卽分運災區減價平糶均各按委員採買市價援照嘉慶十九年成案就款作正開銷平糶價銀儘數提解歸款統俟事竣

後將採買價腳銀兩及兵米平糶細數分別咨部報銷再各屬災分輕重須俟水退後方能勘定為日尚遙委員採買往回亦尚需時日各災民嗷嗷待哺實堪憫惻臣已剴切出示勸諭紳士商民如有能誼敦任卹好善樂施或散給銀錢米粥或自行減價平糶或雖非富戶殷商能量力以贍其一村一族者均查照嘉慶十九年捐賑成案於事竣後分別請

旨賞給議叙頂帶庶幾好義之士聞風而起於災區可資接濟再各州縣紳商有願赴隣省買米平

陶雲汀先生奏疏卷六

撫皖稿

九

糶者亦應聽從其便照例免稅臣一併咨明經過各關驗照放行以期迅速合併陳明所有委員分赴隣省採買及勸諭捐賑緣由謹會同協辦大學士兩江總督臣孫玉庭合詞恭摺具

奏伏乞

皇上聖鑒謹

奏

道光三年七月二十七日具

奏道光三年九月初四日奉到

硃批隨時妥辦勿使災黎失所勉之欽此

附奏嚴緝匪徒地方靖謐摺片

再臣前於北閩時訪有穎鳳泗等處積惡匪徒

當派員弁設法偵緝業已陸續獲犯趙四老虎

王添曉等二十餘名節次附

奏在案尚有李天罡等在逃臣以該犯係著名擒

匪必須嚴緝務獲復催飭勒緝並飭此外如有

匪徒竄入一併嚴拏究辦以靖根株茲據署穎

州府牛映奎阜陽縣孫靈府具稟於七月二十

九日訪得李天罡潛回家內當卽會同千總甯

樹琪飛往緝捕詎該犯兇惡異常聲稱扎死數

陶雲汀先生奏疏卷六

撫皖稿

一

人死亦甘心卽口銜攘刀手執庫刀撲出拒捕

被縣役格傷項頸兵役四面圍拏該犯料難脫

身用刀自扎臍肚當被擒獲併起獲擡鎗二杆

刀四把長鎗十八根訊據該犯供認結捻逞兇

情急自戕屬實詰以捻夥何人該犯恃傷聲嘶

現在撥醫敷治一面查案研鞫等情又據盱眙

縣知縣周士銓稟稱會營拏獲朱圭孜一名係

江蘇沐陽縣拒傷事主逸犯有沐陽縣役協拏

又獲張二卽顧發才一名據供曾在山東博興

縣拒殺捕役又據署靈璧縣黃光裕同千總侯

硃批

正陞拏獲江蘇睢寧縣刦犯拒捕案內逸匪胡元忠及苟添鳳二名又獲江蘇銅山縣拒捕傷人案內逸盜常二王和尚趙套王黑四名俱有各該縣原役協拏押歸犯事地方審辦臣查皖省近北一帶接連徐豫匪徒出沒最爲閭閻之害現據各該屬所稟匪徒竄入俱卽就獲緝捕尙無鬆懈至大江兩岸被水之處甚多誠恐有竊盜潛滋爲害商旅臣已嚴飭巡江文武梭織稽查並又添派幹員併力嚴巡地方均各救謐所有飭屬緝捕情形合併附片以

陶雲汀先生奏疏卷六

撫院稿

十二

聞謹

奏

道光三年八月二十二日附片具

奏道光三年九月二十七日奉到

硃批所辦甚好隨時認真嚴密督緝除暴安良地方靖謐方爲不負委任也勉之欽此又於被縣役格

傷句旁奉

硃批應獎賞欽此

奏委藩司勘災並酌議捐粥事宜摺子

奏爲恭報現委藩司督勘災分並酌籌捐粥事宜

以資接濟仰祈

聖鑒事竊皖省被水各屬仰蒙

皇上一體給予撫卹各災黎得以出沉溺而登衽席

莫不感沐

鴻施民情極爲安帖惟連月水勢尙未全退其成災

輕重情形臣已飭印委各員分路查勘並因廬

江和州全椒等處前月猝被蛟水城署倉監多

有坍塌藩司徐承恩現往勘視臣卽飭令順道

陶雲汀先生奏疏卷六

撫院稿

十三

督查各屬災分至目下節候漸寒乏食貧民亟

須接濟前經臣查照嘉慶十九年成案出示勸

諭紳士捐輸並同藩臬道府各員捐廉倡率茲

據各屬陸續具報捐項已有成數臣以此事須

隨地制宜或錢或米聽其酌量散給而開設粥

廠尤爲得濟已酌籌章程簡要易行者數條通

飭各屬令其擇地分廠男女各別以免擁擠散

籌之後務須同時並放魚貫出入不使爭競開

廠時卽計算停止之期預爲曉示仍於停止之

時酌給數日之糧俾各還家庶幾聚而能散不

致驟失所依一切器具米薪如法預備以九月初旬為始各屬一體舉行或一月或兩月各按捐數之多寡為賑期之久暫聽各紳士自行經理不令吏胥假手仍飭藩司於經過各屬逐細查察其不能設粥之處或以錢米散給亦聽從其便一俟水勢全退圩畝涸出即可各歸田里補種蕎麥除勘定災分另行照例

題

奏籲請

恩施外所有藩司現往查勘及酌籌接濟情形謹會

陶雲汀先生奏疏卷六

撫皖稿

三

同協辦大學士兩江總督臣孫玉庭合詞具

奏仰慰

宸廑伏乞

皇上聖鑒謹

奏

道光三年八月二十二日具

奏九月二十七日奉到

硃批妥為辦理知道了欽此

查明被水被旱各屬分別蠲緩給賑摺子
奏為查明被水被旱已未成災各屬恭摺籲懇
天恩分別蠲緩給賑

賞給口糧仰祈

聖鑒事竊照安徽省本年無為銅陵等州縣因五六

月間大雨連旬山洪下注江湖漲發河湖頂阻

接據各州縣先後稟報堤壩沖潰田廬被淹當

經臣親往勘撫併飭藩司委員分路查勘一面

發銀分解各屬趕辦饒餅撫卹臣仍酌帶銀兩

沿途察看情形酌量辦理會同督臣孫玉庭恭

陶雲汀先生奏疏卷六

撫皖稿

十四

摺具

奏七月初十日奉到

硃批悉心察看妥為撫卹毋致一夫不獲通行勘明

後再行據實奏聞欽此又附片奉

硃批查勘明白一併覆奏欽此臣將勘辦銅陵無

為繁昌蕪湖當塗被水撫卹情形由驛具

奏欽奉

上諭陶澍奏勘辦被水州縣情形一摺安徽銅陵無

為繁昌蕪湖當塗五州縣因本年雨水過多加以

上游江水漲發以致圩埧漫溢民田廬舍被淹經

該撫親往履勘損傷人口無多業經飭令掩葬居民避居土埂亦經地方官搭蓋篷蓆散給饘餅窮黎食息有資惟戶鮮蓋藏殊堪憫惻著加恩將被水軍民一體給予撫卹一面飭令各州縣減價平糶俟水勢稍退卽設法疏通淨盡俾得補種秋禾倘一時不能疏通難資耕作卽據實奏請恩施其上游之懷寧桐城東流績溪均報被水著迅速遴員履勘望江潛山二縣并著加恩酌給撫卹至下游各處撫卹如有未敷卽由蕪湖關就近迅速放給再由司庫解還仍飭該管道府認真查辦核實

陶雲汀先生奏疏卷六

撫皖稿

十五

報銷其續報被水之宣城涇縣青陽貴池等處並著該撫親往挨查奏明辦理毋令一夫失所用副朕乘時布澤至意該部知道欽此又將續勘宣城南陵青陽貴池桐城暨委勘各屬被水分別撫卹情形由驛奏

聞欽奉

硃批所辦甚是俟秋成後再行明白查勘應如何辦理之處據實奏聞欽此續據先經被水之廬江無爲含山和州巢縣當塗繁昌銅陵蕪湖太湖宿松南陵潛山桐城宣城各州縣具報於七月初

九初十十一等日風雨大作水勢加長未破圩堤多遭潰缺並據全椒滁州合肥建平來安各州縣具報亦因雨後低田被淹當卽委員馳往查辦經臣會同督臣孫玉庭恭摺奏奉

硃批明白查看據實奏聞不可緩者一面相機妥辦一面具奏可也欽此欽遵又於

奏報七月分雨水摺內將靈璧懷遠定遠壽州鳳臺泗州盱眙五河天長等州縣稟報高阜田禾望雨滋培低窪地畝因淮水加長間有被淹亳州舒城稟報雨後低田積水未消鳳陽縣稟報

陶雲汀先生奏疏卷六

撫皖稿

十六

成熟秣藉因風吹折各緣由聲明併又會同督臣孫玉庭

奏明飭委藩司前赴各屬督勘災分並酌籌捐粥事宜以資接濟等因各在案今據藩司徐承恩詳稱週歷沿江一帶勘明旋省并據委員會同各該州縣衛先後勘報內除休寧黟縣婺源祁門石埭建德歙縣績溪等八縣地勢稍高被水之處早經涸復補種可望有收毋庸辦理惟無爲銅陵當塗宣城南陵蕪湖繁昌望江桐城和州懷寧宿松貴池青陽東流廬江巢縣含山等

十八州縣並屯坐各衛因大雨連旬山洪湧匯
江湖泛漲蛟水下注或濱臨大江或逼近河湖
均被淹浸立秋以後江湖雖漸次消退至今積
水尚深情形較重成災五六七八九分及勘不
成災不等又全椒潛山來安等三縣亦因雨水
過多山洪下注河湖泛漲以致低窪田畝均被
淹浸又鳳陽縣秋糧被旱成熟秫稻遭風吹折
盱眙天長二縣岡阜高田未得透雨禾苗受旱
沿河低田上年積水本未全涸本年又因水漲
致被淹漫以上六縣並屯坐各衛情形次重成

陶雲汀先生奏疏卷六

撫院稿

七

災五六分及勘不成災不等以上被水受旱成
災及勘不成災二十四州縣及屯坐各衛地方
貧民飢軍應請照例給賑及

賞給口糧分別蠲緩錢漕以廣

皇仁又壽州鳳臺滁州合肥舒城建平太湖涇縣等
八州縣亦因雨水稍多河湖漫溢又靈璧泗州
五河懷遠等四州縣高岡田地因雨澤愆期受
旱黃萎低窪地畝因淮河頂阻間被淹浸又寧
國旌德太平三縣先經被水消退嗣又連陰復
被風雨傷損兼多沙壓未復之處一時難以挑

復補種以上十五州縣並屯坐各衛被水被旱
情形較輕均係勘不成災毋庸請

賞口糧等情具詳前來 臣 覆加體察均屬實在情形
查定例成災九分極貧應賑三個月九分災次
貧同七八分災極貧各賑兩個月七八分災次
貧並六分災極貧各賑一個月其六分災次貧
同五分災貧民例不給賑所有本年被水被旱
成災六七八九分之無為銅陵當塗宣城南陵
蕪湖繁昌望江桐城和州懷寧宿松貴池青陽
東流廬江巢縣含山全椒等一十九州縣及屯

陶雲汀先生奏疏卷六

撫院稿

八

坐各衛災民災軍仰懇

皇上天恩均按成災分數照例分別給賑應領賑銀
併作一次散放其坍塌瓦草房間勘明照例辦
理又例不給賑之廬江縣成災六分之十保次
貧桐城縣六分災之十四保次貧全椒縣六分
災之五十二圩次貧和州六分災之九都次貧
含山縣六分災之三都計十八圩二灘次貧同
宿松縣五分災之六莊貧民青陽縣五分災之
上下圖貧民巢縣五分災之三十五處貧民來
安縣五分災之十八圩貧民懷寧縣五分災之

十二保貧民潛山縣成災五分以上之三十三保貧民鳳陽縣成災五分之八十一保貧民盱眙縣成災五分之一一百保貧民天長縣成災五分之三十八鎮貧民同屯坐各衛乏食貧軍均請格外

恩施賞給一月口糧以資接濟所需賑賞銀兩在於司庫春撥留協銀內動給其成災之無爲銅陵當塗宣城南陵蕪湖繁昌望江桐城和州懷寧宿松貴池青陽東流廬江巢縣含山全椒潛山來安鳳陽盱眙天長等二十四州縣並屯坐各

陶雲汀先生奏疏卷六

撫皖稿

一

衛民屯蘆洲及馬學藉四等田更名場租等項應徵本年民衛丁驛屯折本色米麥豆折蘆課省外衛等項錢糧查照成災分數另請按分蠲免蠲剩銀米照例分年帶徵其應徵道光四年上忙民屯新糧等項同應徵嘉慶二十三四年等三年及道光元二兩年丁地屯衛米麥豆折蘆課省外衛借欠籽種口糧俸工驛站修船運贍河帑等項均請照例緩至來年秋後啓徵所有成災州縣內成熟村莊亦遵例一體停緩又成災州縣內之勘不成災田地同勘不成災之

壽州靈璧泗州鳳臺五河滁州合肥舒城建平太湖涇縣寧國旌德太平懷遠等十五州縣及屯坐各衛本年應徵新舊一切丁地省外衛屯衛米麥豆折及災借籽種口糧驛站俸工學租河帑等項錢糧均請照例緩俟來年秋成後啓徵其勘不成災州縣內涇縣寧國旌德太平泗州五河六州縣係全境勘不成災應徵新舊錢漕銀米應一律緩徵又太湖縣帶徵嘉慶二十四五兩年災緩錢漕懷遠縣節年積欠及應帶徵銀米均請隨同勘不成災田地一律緩徵以

陶雲汀先生奏疏卷六

撫皖稿

三

紓民力外所有該二縣及屯坐各衛熟田應徵本年新賦錢漕仍應照常徵收其壽州靈璧鳳臺滁州合肥舒城建平等七州縣並屯坐各衛未經被水被旱之成熟村莊應徵本年新賦並嘉慶二十三四年等三年及道光元二兩年舊欠各項錢糧應請照常徵輸又無爲銅陵當塗宣城南陵蕪湖繁昌望江桐城和州懷寧宿松貴池青陽東流廬江巢縣含山全椒潛山來安鳳陽盱眙天長等二十四州縣並屯坐各衛應徵本年漕糧漕項銀米請照丁地錢糧之例一

律按分蠲免蠲剩銀米及帶徵舊欠災緩之項分別緩帶其勘不成災之壽州靈璧泗州鳳臺五河滁州合肥舒城建平太湖涇縣寧國旌德太平懷遠等十五州縣並屯坐各衛本年應徵漕糧漕項銀米並帶徵嘉慶二十三、四、五等三年及道光元、二兩年災緩銀米均請分別緩帶漕項銀兩緩至來年麥熟後啟徵漕糧緩至來年秋成後啟徵與新漕一併搭運其勘不成災州縣內除涇縣寧國旌德太平泗州五河等六州縣並屯坐各衛錢漕通境全緩又太湖縣帶徵災緩二十四、五兩年錢漕懷遠縣節年積欠及帶徵銀米請隨同勘不成災田地一律緩徵外所有該二縣及屯坐各衛熟田應徵本年漕糧漕項仍應照常徵收其壽州靈璧鳳臺滁州合肥舒城建平等七州縣並屯坐各衛成熟田地應徵漕糧漕項銀米應請照常徵輸毋庸請緩其各衛屯田悉照坐落州縣一律辦理又成災及勘不成災各州縣衛屯運田地額徵本年津貼銀兩同舊欠災緩津銀應請緩至來年麥熟後啟徵又宿州定遠亳州三州縣或因雨澤

陶雲汀先生表疏卷六

撫皖稿

三

稀少秋糧被旱或因淮水頂漲低窪田地間被淹漫雖不致成災而積歉之後元氣未復若以一年收成而納數年銀米力有未逮應請將宿州上年勘不成災及停緩各里集道光二年銀米隨同本年新賦一律徵收其上年成災田地蠲剩道光二年銀米同遞緩嘉慶二十五年暨道光元年銀米緩至道光四年帶徵嘉慶二十三、四、五年銀米緩至道光五年帶徵定遠縣北爐橋等四保請祇徵本年錢漕其帶徵嘉慶二十三、四、五年及道光元、二兩年遞緩錢漕緩至來年秋後啟徵亳州請祇徵道光二年舊欠及本年新賦錢漕並二十四年漕糧其嘉慶二十三、四、五年及道光元、二年錢糧並二十五年漕糧緩至來年秋後啟徵各衛屯田悉照坐落州縣辦理以紓民力感戴

鴻恩實無既極臣現飭藩司徐承恩將各屬應賑及請給口糧各戶口督令印委各員妥速確查務使無遺無濫以期實惠及民仰副

聖主惠愛黎元有加無已之至意除照例題報外所有一切應行未盡事宜並再確查成災

陶雲汀先生表疏卷六

撫皖稿

三

及勘不成災各州縣衛來春青黃不接時是否民力難支應行調劑之處另行照例查辦所有查明被水受旱已未成災酌議請

旨分別辦理緣由理合恭摺具

奏伏乞

皇上聖鑒訓示施行再泗州衛坐落江蘇之高郵寶應二州縣境內屯田被水受旱據該衛具報勘不成災現已飭令江寧藩司核查請俟查覆至日於

題報被災各屬村莊保分頃畝案內分別聲叙合

陶雲汀先生奏疏卷六

撫院稿

三

併陳明謹

奏

道光三年九月二十八日具

奏十一月初一日奉到

硃批另有旨欽此同日奉到

上諭一道道光三年十月十四日內閣奉

上諭陶澍奏查明被水被旱各州縣請分別蠲緩給賑並賞給口糧一摺本年安徽省夏雨連旬江潮漲發除休寧黟縣婺源祁門石埭建德歙縣績溪等八縣被水之區早經涸復毋庸調劑外其無為

等三十二州縣並屯坐各衛被淹盱眙等六州縣高田被旱低田被淹又鳳陽縣被旱經該撫查勘災分輕重分別蠲懇恩施著照所請加恩將被水被旱成災六七八九分之無為銅陵當塗宣城南陵蕪湖繁昌望江桐城和州懷寧宿松貴池青陽東流廬江巢縣含山全椒等十九州縣及屯坐各衛災民災軍均按成災分數照例分別給賑應領賑銀併作一次散放其坍塌瓦草房間勘明照例辦理其成災六分例不給賑之廬江縣十保桐城縣十四保全椒縣五十二圩和州九都含山縣三

陶雲汀先生奏疏卷六

撫院稿

五

都計十八圩二灘次貧同成災五分之宿松縣六莊青陽縣上下圖巢縣三十五處來安縣十八圩懷寧縣十二保鳳陽縣八十一保盱眙縣一百保天長縣三十八鎮及潛山縣成災五分以上之三十三保貧民同屯坐各衛乏食貧軍俱著賞給一月口糧所需銀兩在於司庫春撥留協銀內動給其成災之無為銅陵當塗宣城南陵蕪湖繁昌望江桐城和州懷寧宿松貴池青陽東流廬江巢縣含山全椒潛山來安鳳陽盱眙天長等二十四州縣並屯坐各衛民屯蘆洲及馬學藉囚等田更名

場租等項應徵本年民衛丁驛屯折本色米麥豆折蘆課省外衛等項錢糧著查照成災分數按分蠲免蠲剩銀米照例分年帶徵其應徵道光四年上忙民屯新糧等項同應徵嘉慶二十三四五等三年及道光元二兩年丁地屯衛米麥豆折蘆課省外衛借欠籽種口糧俸工驛站修船運贍河帑等項俱照例緩至來年秋後啟徵所有成災州縣內成熟村莊亦著一體停緩又成災州縣內之勘不成災田地同勘不成災之壽州靈璧泗州鳳臺五河滁州合肥舒城建平太湖涇縣寧國旌德太平懷遠等十五州縣及屯坐各衛本年應徵新舊一切丁地省外衛屯衛米麥豆折及災借籽種口糧驛站俸工學租河帑等項錢糧俱緩俟來年秋成後啟徵其勘不成災州縣內涇縣寧國旌德太平泗州五河六州縣係全境勘不成災應徵新舊錢漕銀米著一律緩徵又太湖縣帶徵嘉慶二十四五兩年災緩錢漕懷遠縣節年積欠及應帶徵銀米均著隨同勘不成災田地一律緩徵所有該二縣及屯坐各衛熟田應徵本年新賦錢漕仍著照常徵收其壽州靈璧鳳臺滁州合肥舒城建平

陶雲汀先生奏疏卷六

撫院稿

三

等七州縣並屯坐各衛未經被水被旱之成熟村莊應徵本年新賦並嘉慶二十三四五等三年及道光元二兩年舊欠各項錢糧仍著照常徵輸又無爲銅陵當塗宣城南陵蕪湖繁昌望江桐城和州懷寧宿松貴池青陽東流廬江巢縣含山全椒潛山來安鳳陽盱眙天長等二十四州縣並屯坐各衛應徵本年漕糧漕項銀米著照丁地錢糧之例一律按分蠲免蠲剩銀米及帶徵舊欠災緩之項分別緩帶其勘不成災之壽州靈璧泗州鳳臺五河滁州合肥舒城建平太湖涇縣寧國旌德太平懷遠等十五州縣並屯坐各衛本年應徵漕糧漕項銀米並帶徵嘉慶二十三四五等三年及道光元二兩年災緩銀米均著分別緩帶漕項銀兩緩至來年麥熟後啟徵漕糧緩至來年秋成後啟徵與新漕一併搭運其勘不成災州縣內除涇縣寧國旌德太平泗州五河等六州縣並屯坐各衛錢漕通境全緩又太湖縣帶徵災緩二十四五兩年錢漕懷遠縣節年積欠及帶徵銀米均隨同勘不成災田地一律緩徵外所有該二縣及屯坐各衛熟田應徵本年漕糧漕項仍著照常徵收其壽

陶雲汀先生奏疏卷六

撫院稿

三

州靈璧鳳臺滁州合肥舒城建平等七州縣並屯坐各衛成熟田地應徵漕糧漕項銀米仍著照常徵輸其各衛屯田悉照坐落州縣一律辦理又成災及勘不成災各州縣衛屯運田地額徵本年津貼銀兩同舊欠災緩津銀著緩至來年麥熟後敢徵又宿州定遠亳州三州縣或秋糧被旱或窪地被淹且係積歉之區著將宿州上年勘不成災及停緩各里集道光二年銀米隨同本年新賦一律徵收其上年成災田地蠲剩道光二年銀米同遞緩嘉慶二十五年暨道光元年銀米緩至道光四年帶徵嘉慶二十三四年銀米緩至道光五年帶徵定遠縣北爐橋等四保著祇徵本年錢漕其帶徵嘉慶二十三四年及道光元年二年遞緩錢漕緩至來年秋後敢徵亳州著祇徵道光二年舊欠及本年新賦錢漕並二十四年漕糧其嘉慶二十三四五年及道光元年錢糧並二十五年漕糧緩至來年秋後敢徵各衛屯田悉照坐落州縣辦理以紓民力其泗州衛坐落江蘇之高郵寶應二州縣境內屯田被水被旱著俟該藩司查覆到日照例核辦該撫卽飭屬認真經理務期實惠及民毋

陶雲汀先生奏疏卷六

撫皖稿

三

令一夫失所用副朕軫恤災黎有加無已至意該部知道欽此

陶雲汀先生奏疏卷六

撫皖稿

三

耗羨不敷請撥款支用摺子

奏為耗羨不敷請於本省鳳陽關稅課及續收捐

監款內湊撥以濟支放仰祈

聖鑒事竊據安徽布政使徐承恩詳稱安徽省各州

縣每年額徵耗羨銀一十九萬餘兩乾隆五十

一年奉文漕項耗羨劃歸江安糧道支用銀二

萬一千餘兩實徵解司庫銀一十六萬九千餘

兩支放各官養廉及各部科飯食並一切額設

公費歲共計需銀一十七萬餘兩是各屬額徵

耗羨銀兩即全數完解尚不敷用如遇水旱

偏災耗羨隨正蠲緩加以額外應支災賑公費

等項更形短絀是以嘉慶十二年前藩司鄂雲

布詳經前撫臣初彭齡

奏准每年在於本省正項銀內撥提銀五萬兩歸

入耗羨動用嗣因安徽省連歲偏災正耗蠲緩

仍不敷支放於嘉慶十七年經前司李奕疇詳

請

奏明於正款內酌撥銀一十五萬兩歸還借款當

准戶部議覆在於河南江蘇二省實存耗羨銀

內酌撥銀一十五萬兩解交安徽省濟用至嘉

慶二十年

前司康紹鏞又因十九年被災較廣耗羨不敷詳經前撫臣胡克家

奏明請將本省正賑餘剩銀一十六萬七千餘兩

撥入耗羨款內濟用道光二年臣於藩司任內

湖查各屬欠解未徵嘉慶二十二年以前民欠

耗羨等項共銀三十一萬一千餘兩欽奉

恩旨全行豁免又兩淮鹽運司欠解匣費銀十餘萬兩

業奉兩淮鹽政奏准緩帶未經解司兼之安徽

省又疊被偏災耗羨蠲緩一切動用短絀甚多

詳經前撫臣孫爾準

奏明在於本省司庫正項銀內酌撥銀十萬兩歸

入耗羨款內濟用各在案茲查本年各屬被災

較廣耗銀隨正蠲緩者四十餘州縣現在文武

各官養廉及災屬公費一切支用愈形短絀應

請在於本省鳳陽關稅課及續收捐監款內湊

撥銀十萬兩歸入耗羨款內以濟支放等情詳

請具

奏前來臣查安徽省額徵耗羨銀兩本不敷用若

遇災款之年更形支絀歷經

奏請撥濟仰蒙

恩旨全行豁免

陶雲汀先生奏疏卷六 撫院稿 三

陶雲汀先生奏疏卷六 撫院稿 三

恩准在案今據該司查明耗羨因災蠲緩缺額一切應支緊款在所必需不得不量為籌撥濟用相應援照歷次

奏案請

旨在於本省鳳陽關稅課及續收捐監款內湊撥銀十萬兩歸入耗羨款內支用實於公事有濟臣謹會同協辦大學士兩江總督臣孫玉庭恭摺具

奏伏乞

皇上聖鑒謹

陶雲汀先生奏疏卷六

撫院稿

三

奏

道光三年九月二十八日具

奏十一月初一日奉到

硃批另有旨欽此同日奉到十月十四日內閣奉

上諭陶澍奏耗羨不敷請撥款支用一摺本年安徽省被災較廣額徵耗羨銀兩多係隨正蠲緩該撫查明文武各官養廉及災屬公費一切支用短絀援照成案奏請籌撥濟用自係實在情形著照所請准其於該省鳳陽關稅課及續收捐監款內湊撥銀十萬兩歸入耗羨款內核實支用該部知道

欽此

陶雲汀先生奏疏卷六

撫院稿

三

附奏被冲應修圩壩要工查明辦理摺片

再安徽省被水各州縣坍塌城垣倉監衙署等項應行修整以資捍衛現飭確查分別緩急另行辦理至各屬冲破圩壩尤關緊要除工費較少之處應飭民間自行設法修築其被災極重如無為州江壩之類工程浩大民力難支自非借項不能興修轉瞬冬盡春初必應及早綢繆已飭屬於水退後迅速確勘俟查覆至日再行

奏請辦理合先附片具

陶雲汀先生奏疏卷六

撫院稿

三

問謹

奏

道光三年九月二十八日拜發十一月初一日奉到硃批知道了雖係應修之工亦須分別緩急不可一時並舉濫從屬員之請也欽此

奏學政因病出缺摺子 附片一件

奏為學 臣因病出缺恭摺奏

問請

旨簡放事本年十月十一日據太平府稟報安徽學政 臣徐頌因瘧疾未痊於十月初一日奏請開缺調理茲於十月初五日在太平院署因病出缺將學政關防委員齎送來省等因 臣查學 臣徐頌按試各屬安詳不苟甚屬認真安慶徽州池州太平四府屬歲試業經竣事 臣於六月間赴太平查勘水災面晤該學政見其容色臞黝

陶雲汀先生奏疏卷六

撫院稿

三

詢因積勞所致緣寧國廬州被水擬即先赴鳳陽等處考試嗣准咨會因染疾尚未起程茲據具報出缺前來查學政衙門此時尚無應辦緊急事件惟四府五州未經歲試俟新任學政抵任開考為日尚屬從容除將學政關防 臣敬謹接收暫理外所有安徽學政出缺日期理合

奏

問請

旨簡放為此恭摺循例由驛具

奏伏乞

皇上聖鑒謹

奏

再據學政臣徐頌家屬呈到遺摺一扣聲請代遞相應恭呈

御覽至徐頌止有一子尙在成童身後一切臣已令

奏 太平府妥為照料部署回籍合併附陳謹

道光三年十月十一日由驛具

奏十一月初一日奉到

硃批已有旨欽此

陶雲汀先生奏疏卷六

撫院稿

三三

查覆災屬貧民來春接濟摺子

奏為欽奉

諭旨查明災屬貧民來春應否接濟現在欽遵查辦

先行覆

奏仰祈

聖鑒事竊臣承准軍機大臣字寄道光三年十月初

三日奉

上諭本年黑龍江莫爾根城呼蘭布特哈等四處被

雨被霜齊齊哈爾被旱直隸元氏贊皇成安等縣

被雹大興等一百二十州縣被水山東郟城等八

陶雲汀先生奏疏卷六

撫院稿

三三

縣被雹臨清等十六州縣衛被水河南永城等七

縣被雹蘭陽等五廳縣歉收武陟等十五縣被水

浙江建德淳安二縣被水江西德化等十三縣被

水湖北黃梅縣被水節經各該省奏到均已隨時

降旨加恩分別蠲緩賑卹小民諒可不至失所惟

念來春青黃不接之時民力不免拮据著傳諭該

將軍督撫等體察情形如有應需接濟之處卽查

明據實覆奏務於封印前奏到候朕於新正降旨

加恩再江蘇東臺縣被雹上元等二十七廳州縣

並常州府屬被水淮徐二府屬被旱被水安徽銅

陵等三十八州縣被水陝西麟遊縣被雹蓋屋縣
被水甘肅狄道等二十六廳州縣被水被旱被雹
浙江桐廬等二十四州縣被水湖北江陵等十
六州縣被水湖南武陵等五州縣被淹四川涪州
銅梁被水廣東連州等三州縣被水雲南永善等
十一州縣並黑鹽井五屬地方被水貴州都勻縣
被水長蘆竈地鹽灘被衝兩淮通泰兩屬被淹兩
浙橫浦等六場被水已據該督撫鹽政等奏明隨
時撫恤及委員查勘亦著迅速辦理並將來春應
否接濟之處一併查明於封印前奏聞將此諭知

海雲汀先生奏疏卷六

撫院稿

三

各該將軍督撫並傳諭長蘆兩淮鹽政知之欽此
仰見我

皇上垂慮災黎

恩施優渥有加無已跪誦之下欽感難名臣遵查銅

陵無為當塗宣城南陵蕪湖繁昌望江桐城和
州懷寧宿松貴池青陽東流廬江巢縣含山全
椒潛山來安鳳陽盱眙天長等二十四州縣均
因水旱成災五六七八九分及勘不成災不等
又壽州鳳臺滁州合肥舒城建平太湖涇縣靈
璧泗州五河懷遠寧國旌德太平等十五州縣

亦因水旱勘不成災以上各屬飭據印委各員
勘明稟報臣當即確核情形於九月二十八日
恭摺奏懇

聖恩分別蠲緩給賑併請

賞給口糧祇候

訓示遵行伏查臣前奏勘辦被水情形奉

硃批明白查勘據實奏聞不可緩者一面相機妥辦

一面具奏可也欽此臣凜遵

聖訓於具奏災分情形之後即飭各屬將災區戶口

迅速確查一俟接奉

海雲汀先生奏疏卷六

撫院稿

三

恩綸即可發銀散放免致災黎守候並因本年被災
請賑之處較多恐各屬同時散放銀多錢少飭
令將來或銀或錢酌量時勢辦理總以有益災
黎為主其被災較重之無為州等處飭令藩司
先行酌發銀兩令該屬預為易錢以備臨時濟
用免致市僧聞風居奇致長錢價其無為州江
壩工程甚鉅水勢尚未全涸惟水退之後聽候
詳勘具

奏輾轉需時既恐沍寒冰凍難以動工並恐春水
發生不能趕辦臣已飭司札催該州速為勘估

一面具詳請

奏一面借項發給俾歸迅速而藉工代賑於災黎亦不無裨益至來春應否接濟臣已飭各屬於查辦戶口之際留心訪察今蒙

恩旨飭查道即行催一俟稟覆由臣逐細體察於封印前據實奏

聞以仰副

聖主恩施靡既之至意所有欽遵查辦緣由合先恭摺覆

奏伏乞

陶雲汀先生奏疏卷六

撫皖稿

三

皇上聖鑒謹

奏

道光三年十月二十日具

奏十一月二十一日奉到

殊批知道了欽此

附奏趕辦要務於封印後入

覲摺片

再臣於本年正月仰蒙

皇上簡任安徽巡撫當即具摺奏謝並懇入覲

天顏跪聆

訓示奉

殊批著於本年封印後來京陛見欽此現距封印之

期僅及兩月查皖省州縣大半被災將來接奉

恩旨核放賑銀稽查戶口以及籌畫兵糧督修江壩

各屬被水後城垣倉監營汛報有坍塌須委勘

陶雲汀先生奏疏卷六

撫皖稿

四

興修且本年冬間

計典屆期考察各官關繫九重臣現在次第辦理

務歸迅速亦不敢草率從事致有舛誤除俟封

印後束裝起程躬詣

闕廷跪請

聖訓外合將應辦事務趕緊查辦至期北上緣由附

片陳明伏乞

聖鑒謹

奏

道光三年十月二十日附

奏十一月二十一日奉到

硃批另有旨欽此同日承准軍機大臣字寄

上諭一道道光三年十一月初五日奉

上諭本日據陶澍奏現將應辦事務趕緊查辦遵旨

於封印後來京陛見等語本年安徽省州縣大半

被災現在挨放賑銀稽查戶口以及籌畫兵精督

修江壩事務較繁且係大計年分考察各官關係

尤重著該撫督率認真辦理毋庸來京俟明年封

印後再來京陛見可也將此諭令知之欽此

陶澍先生奏疏卷六

撫皖稿

四二

附奏應修工程分別辦理摺片

再臣接到前次摺片欽奉

硃批雖係應修之工亦須分別緩急不可一時並舉

濫從屬員之請也欽此仰見我

皇上教誨提撕之至意曷勝悚佩伏思工程一項原

應分別緩急

國家經費有常即平時亦應力為節省況本年被

災較廣仰蒙

聖德如天給賑給撫所費不貲何敢更滋工費惟查

皖省本年夏秋間雨水太多衝卸過甚有必不

陶澍先生奏疏卷六

撫皖稿

四三

可緩者經理愈遲所費愈重且恐貽誤別生意

外之虞臣與藩司逐加細核如城垣一項各處

雖有塌卸工程較大自應緩辦衙署倉廩應各

設法捐廉修補其力難捐辦者亦應緩至來年

秋後再議至監獄一項關係最重其坍塌之處

自不得不趕緊修理統計各屬中應修之費為

數尚屬無多至皖省江面甚長刻防盜賊臣自

十月內即選派文武員弁分段酌帶兵役梭織

巡查一切船隻食用由臣衙門抽撥公費給發

惟兩岸防兵汛卡被水後竟有房屋倒塌僅存

空地併風浪所激基址全沖之處此臣前次勘
災時親所目擊現當冬底宵小易生自不能不
一面的款興修一面再行彙

奏至隄圩一項前已分飭各屬設法修築其萬不
能不惜項者如無爲州江壩綿長百餘里不特
爲該州全境保障卽旁境之巢縣廬江和州等
處亦因內逼巢湖外臨江險同藉此隄爲之捍
禦本年雨淋潮漲沖缺甚多轉瞬春水發生攸
關民命而積水難消尙稽勘估臣實不勝焦慮
已飭署任知州申汝慧專辦賑務其江壩工程

陶雲汀先生奏疏卷六

撫院稿

聖

專交新任知州劉用錫督同委員鳳陽主簿屠
慕曾設法趕辦其所借之銀將來由民田分年
徵還不致虛糜一俟勘估定數卽當酌量借給
趁此冬晴趕緊修築一面恭摺

奏報至皖省庫項臣數年以來競競釐剔尙無短
絀此次賑務隄工借項卽在前次扣留報撥銀
內動用堪以仰副

宸厪所有分別工程緩急情形謹附片仰祈

聖鑒謹

奏

道光三年十一月十九日附
奏十二月二十一日奉到
硃批知道了欽此

陶雲汀先生奏疏卷六

撫院稿



奏摺卷七目錄

撫皖稿

安化陶

謝

查覆皖省被水各屬來春應需接濟額請加賑

摺子

潛山宣城紳士捐賑請免動

帑摺子

附奏遵

旨暫緩入

覲摺片

皖省試用佐雜人員壅滯請暫停分發摺子

陶雲汀先生奏疏卷七目錄

一

附奏嚴飭緝獲盜匪摺片

御賜福字暨鹿內鹿腿謝

恩摺子

恭謝

頒賜

欽定大清會典全部摺子

恭謝

頒賜

御製養正書屋全集摺子

議覆蕪湖鳳陽兩關權務分賠章程摺子

請借

帑興修無為州江壩摺子

查勘靈璧縣減黃引河借項興挑摺子

江督河督會稿

請將鳳潁泗三府州屬遣軍流徒秋審各犯酌

歸巡道審轉摺子

總督會稿

續查未結賠款遵議追補摺子

陶雲汀先生奏疏卷七目錄

二

查覆皖省被水各屬來春應需接濟

摺子

奏為遵

旨查明安徽省懷寧桐城等十七州縣被水各保來

春應需接濟情形恭摺懇

天恩加賑事竊臣承准軍機大臣字寄道光三年十

月初三日奉

上諭安徽銅陵等三十八州縣被水已據該撫奏明

隨時撫卹及委員查勘亦著迅速辦理並將來春

應否接濟之處一併查明於封印前奏聞將此諭

陶雲汀先生奏疏卷七

無皖稿

一

知等因欽此仰見我

皇上垂厯災黎

恩施優渥有加無已跪誦之下欽感難名伏查安徽

省夏秋被水被旱勘明銅陵無為當塗宣城南

陵蕪湖繁昌望江桐城和州懷寧宿松貴池青

陽東流廬江巢縣含山全椒潛山來安鳳陽盱

眙天長等二十四州縣并屯坐各衛成災五六

七八九分及勘不成災不等經

奏蒙

聖慈分別蠲緩按分給賑并



賞給口糧其壽州鳳臺滁州合肥舒城建平太湖涇

縣靈璧泗州五河懷遠寧國旌德太平等十五

州縣分別請緩新舊錢漕遍貼謄黃曉諭各災

區普被

恩施無不同聲感頌茲復欽奉

諭旨垂詢來春應否接濟臣與藩司徐承恩督屬詳

加體察除勘不成災之壽州鳳臺滁州合肥舒

城建平太湖涇縣靈璧泗州五河懷遠寧國旌

德太平等十五州縣被災本輕毋庸查辦又成

災之潛山宣城二縣現據紳士丁耆捐銀助賑

陶雲汀先生奏疏卷七

無皖稿

二

請免動項經臣另摺具

奏亦可毋庸接濟又青陽縣祇有六處成災現已

給賑民間不至拮据又懷寧縣五分災十二保

桐城縣勘不成災四十一保宿松縣五分災六

莊望江縣勘不成災一寺當塗縣勘不成災一

百五十九村莊蕪湖縣勘不成災四圩埠繁昌

縣勘不成災四十二冲壩廬江縣勘不成災五

保巢縣五分災三十五處全椒縣勘不成災三

圩來安縣五分災十八圩和州勘不成災五都

鳳陽縣五分災八十一保勘不成災三十五保

盱眙縣五分災一百保勘不成災二十七保天
長縣五分災三十八鎮勘不成災九鎮皆被災
較輕所有新舊銀米業已蒙

恩分別蠲緩並蒙將五分災貧民

賞給一月口糧民力已紓來春青黃不接之時皆毋

須接濟至懷寧桐城宿松望江南陵貴池銅陵

東流當塗蕪湖繁昌無為廬江巢縣全椒和州

含山等十七州縣之成災六七八九分各區情

形本重各災民及屯坐各衛軍丁今冬得有賑

卹口糧足資果腹但恐來春青黃不接相距麥

秋尚遠仍不免有乏食之虞合無仰懇

皇上逾格

鴻慈俯將懷寧縣成災七八分四十四保極次貧桐

城縣成災七分九分九十保極次貧并六分災

十四保極貧宿松縣成災七八分二十莊極次

貧望江縣成災七八九分十六寺圖極次貧南

陵縣成災七八九分一百三十五圩埠極次貧

貴池縣成災七八分二十五保並牛頭等三十

八洲極次貧銅陵縣成災七八九分十四耆並

荷葉等十四洲極次貧東流縣成災七八分三

三

陶雲汀先生奏疏卷七 撫院稿

三

十七保極次貧當塗縣成災七八九分三百八
十三圩埠極次貧蕪湖縣成災八九分一百二
十二圩埠極次貧繁昌縣成災七八九分一百
四十七圩埠極次貧無為州成災七八九分四
十五里集極次貧廬江縣成災七八分十六保
極次貧并六分災十保極貧巢縣成災七八分
二百二十七圩極次貧全椒縣成災六分五十
二圩極貧和州成災七八九分二十都二坊極
次貧并六分災九都極貧含山縣成災七八分
十三都共一百六圩三灘極次貧并六分災三

陶雲汀先生奏疏卷七 撫院稿

四

都共十八圩二灘極貧並屯坐各衛飢軍均於
來春青黃不接之時

加恩展賞一月口糧以資接濟如蒙

俞允所需賑糧以銀折給在於司庫正項銀內動支

各衛飢軍貧生兵屬悉照正賑之例一律辦理

仍飭各州縣覆查確實按數散放務期

帑不虛糜民沾實惠以仰副

聖主惠愛黎元

恩施靡既之至意所有遵

旨查明來春接濟情形據藩司徐承恩議詳前來 臣

覆查無異謹會同協辦大學士兩江總督臣孫
玉庭恭摺具

奏再泗州衛有坐落高郵寶應二州縣田地本年
係勘不成災來春應否接濟俟江蘇省知照到
日一體辦理合併陳明伏乞

皇上聖鑒謹

奏

道光三年十二月初四日具

奏四年正月初八日奉到

硃批候旨行欽此

陶雲汀先生奏疏卷七

撫皖稿

五

潛山宣城紳士捐賑請免動

帑摺子

奏為潛山宣城兩縣紳士捐貲助賑援案請免動
帑恭摺具

奏仰祈

聖鑒事竊照安徽省本年雨水過多江湖泛漲被淹

各處田廬蕩析情形困苦業經臣

奏請撫卹一面通飭各屬勸捐賑濟嗣據各州縣

勘報災分復經臣按被災輕重分晰具

奏仰蒙

陶雲汀先生奏疏卷七

撫皖稿

六

恩旨賞給賑銀口糧俾災區人人得所現已刊刷謄

黃通行各屬正在詳查戶口領銀散放間接據

潛山縣知縣常景周稟稱據生員許世洙黃仁

夫等呈稱縣境夏秋被水泛溢入城仰荷

皇恩撫卹今又奉查戶口

賞給口糧人心歡定閭里帖然感沐

恩膏莫知所報惟自奉飭勸捐之後城鄉感動其稍

有力之家莫不義形於色圖報

聖恩共致桑梓截至十月底已捐銀二萬餘兩計潛

邑成災三十三保大小飢口五萬有零以捐項

買米散放大口每日給米三合小口折半冬春兩賑足敷濟用未敢再陳

帑項伏乞轉稟等情察其詞言懇切似可俯順輿情請免動

帑又據宣城縣知縣朱錦琮稟稱據歲貢生張其錦生員徐兆蘭沈驥張正及耆老商民等呈稱生逢

盛世久沐

皇仁豐稔之年貢賦厥有定則災歉之歲

恩施惟恐不周今夏水潦成災仰荷

陶雲汀先生奏疏卷二

撫院稿

七

聖恩撫卹又奉倡捐現在詳查戶口蒙

恩賜賑

仁施所被無不觀感解囊查四鄉災口共一十二萬

有奇公捐之項已有七萬餘兩計易錢勻放冬

春二賑每大口給錢六百文小口折半足敷賑

濟之需捐雖出於下情

恩實得之自

上小民既得公捐豈可復糜

帑項不揣冒昧瀝陳下悃等情查該紳耆等紛紛

具稟出自至誠伏乞俯順輿情免動

帑項等語又據宣州衛守備蔡廷元以該衛屯坐

宣城縣貧軍亦經衛籍紳丁捐助銀兩稟請歸

宣城縣一律捐辦等情並據藩司徐承恩轉據

安慶府知府汪恩寧國府知府郭承恩詳稱潛

山縣成災五分以上及勘不成災宣城縣成災

七八九分茲以公捐之項足敷賑濟具見各紳

士急公好義該令等勸諭有方詳請具

奏前來臣查潛山宣城兩縣均被水災一聞勸諭

捐輸俱各爭先恐後茲潛山縣已捐銀二萬餘

兩宣城縣已捐銀七萬餘兩屯坐衛丁亦有捐

陶雲汀先生奏疏卷七

撫院稿

八

輸均足敷賑濟之用該紳士等誼敦任卹好義

可風仰維

聖主念切民依如傷在抱

洪慈所被草野從風以故觀感奮發各出其胞懇之

意以惠鄉里而廣

皇仁竊以為安貧保富助賑之費雖微而講讓型仁

向善之心足取伏查嘉慶十九年六安州紳士

捐貲助賑請免動

帑曾經奏奉

諭旨允行有案今潛山宣城紳士懇求捐貲助賑臣不

敢寢於

奏

聞惟有仰願

天恩俯如所請辦理邀免動

帑恭候

命下之日飭令藩司將潛山宣城二縣及屯坐宣城

縣衛軍賑需扣除動項至該紳士等所捐銀兩

現當辦賑之際未便遲延臣已一面飭令該縣

等妥為督率稽查聽各紳士自行挨名散放毫

不假手吏役惟事由捐辦應請免其造冊報銷

陶雲汀先生奏疏卷七

撫院稿

九

以歸簡便其捐輸銀數姓名統俟事竣查明照

例奏請

旌敘潛山縣知縣常景周宣城縣知縣朱錦琮撫綏

得宜民心悅服開誠勸捐同聲踴躍應俟督辦

賑務完竣暨各屬中辦災認真出力之員一并

查明另請

恩獎以示鼓勵所有潛山宣城兩縣紳士丁耆稟求

捐賑請免動

帑緣由謹會同協辦大學士兩江總督臣孫玉庭

合詞恭摺具

奏伏乞

皇上聖鑒訓示謹

奏

道光三年十二月初四日具

奏四年正月初八日奉到

硃批如所請行欽此

陶雲汀先生奏疏卷七

撫院稿

十

附奏遊

旨暫緩入

觀摺片

再 臣前將趕辦要務俟封印後遵

旨入

觀緣由附片具

奏十一月二十一日承准軍機大臣字寄道光三年十一月初五日奉

上諭本日據陶澍奏現將應辦事務趕緊查辦遵旨於封印後來京陛見等語本年安徽省州縣大半

陶澍先生奏疏卷七

撫皖稿

十一

被災現在挨放賑銀稽查戶口以及籌畫兵精督修江壩事務較繁且係大計年分考察各官關係尤重著該撫督率認真辦理毋庸來京俟明年封印後再來京陛見可也將此諭令知之欽此跪誦之下仰見我

皇上慎重災區整飭吏治

訓誨周詳莫名欽感伏查本年皖省三十九屬被災內中應行給賑及散放口糧之處稽查戶口實為目前至要之務稍有疎率即難免遺漏混冒臣屢次嚴飭印委各員務須戶必親到口必親

驗極貧次貧細為體察於查竣一保之後即將

通保飢口姓名及應領銀數張榜曉示俾災黎

共見共聞刁民猾吏自無從染指現據各屬陸

續領銀散放 臣與藩司徐承恩商酌即飭該管

道府就近抽查將榜示與災冊按地按人細為

核對稍有混冒無難立時查出仍一面密加察

訪如果印委各員實心實力弊絕風清即分別

存記留俟保薦倘辦理不善即撤省

奏參另行委辦至來歲緩缺兵糧已據委員曹崇

華萬年淳等將採買江楚米石陸續載回分撥

陶澍先生奏疏卷七

撫皖稿

十二

本省及江寧等處兵匠之用足供支放其江壩工程亦已催飭勘估迅速動工至本年計典現據各道府將所屬各員賢否密函開報 臣復就其平日之辦事官聲細為參考務當一秉至公明昭激勸使觀感傲畏共勉循良以仰副聖主澄敘官方之至意所有接奉

諭旨欽遵辦理緣由理合附片覆

奏伏乞

皇上聖鑒謹

奏

道光三年十二月初四日片

奏四年正月初八日奉到

硃批知道了欽此

陶雲汀先生奏疏卷七

撫院稿

七

皖省試用佐雜人員壅滯請暫停分發摺子

奏為安徽省試用佐雜人員現在壅滯請

旨敕部將各項捐納人員暫停分發以期疏通事竊

照捐納佐雜人員分發各省試用輪班補缺既

可試其才能該員等亦得藉資練習原於公事

有益推缺有定額人無定數如皖省佐雜補缺

或四五年或八九年甚有遲至一二十年未能

輪補者人數本屬不少近因各省請停分發以

致續發來皖人員日多倍形擁擠不特補缺無

期即輪班委署亦非四五年不能一次旅費乏

貲無從調劑更恐日久累深偶遇派委或致藉

事生端殊於吏治攸關查安徽省布政司經歷

庫大使按察司司獄及直隸州州判府屬州同

府經歷照磨縣丞主簿吏目巡檢典史等項共

一百六十四缺現在各班除已咨補並丁憂告

假等項離省人員不計外現在省試用者共有

一百九十一員約計十數年內難以補竣伏查

直隸等省前因佐雜人數過多

奏請暫停分發均蒙

俞允在案現在安徽省試用佐雜人員過於壅滯似

陶雲汀先生奏疏卷七

撫院稿

七

應量為疏通據兩司會詳前來臣細加察核係屬實在情形相應請

旨敕下吏部將捐納布政司經歷庫大使直隸州州判府屬州同府經歷縣丞主簿吏目從九品未入流十項人員暫停分發安徽俟現在試用人員稍為疏通內中何項人員將次補竣即將何項人員仍請照常分發庶在省試用人員得以漸次挨補而各該員補缺有期益知謹飭自守於地方吏治均有裨益至各項議敘分發人員人數無多補缺各有班次仍請照常分發於選

陶澍江先三奏疏卷七 撫皖稿

五

政並無窒礙臣謹會同協辦大學士兩江總督

臣孫玉庭合詞恭摺具

奏伏乞

皇上聖鑒訓示謹

奏

道光三年十二月初九日具

奏四年正月十一日奉到

殊批另有旨欽此同日奉到道光三年十二月二十

六日內閣奉

上諭陶澍奏試用佐雜人員壅滯請暫停分發一摺

安徽省現在佐雜人員在省試用者共有一百九十一員補缺實形壅滯著照所請交吏部將捐納布政司經歷庫大使直隸州州判府屬州同府經歷縣丞主簿吏目從九品未入流十項暫停分發安徽俟現在試用人員稍為疏通內中何項人員將次補竣即奏明照常分發至各項議敘分發人員人數無多補缺各有班次著仍照常分發欽此

陶澍江先三奏疏卷七

撫皖稿

十六

附奏嚴飭緝獲盜匪摺片

再前次訪有穎鳳等處積惡匪徒當派員弁拏獲趙四老虎等二十餘名節次附

奏在案尚有張七等在逃復嚴飭勒緝茲據宿

州知州蘇元瑤稟稱將張七拏獲訊認為匪屬

實又訂期會同亳州在於交界處所巡哨另獲

匪犯張六王破趙年趙萬劉狗范生王五曹經

曹明志曹景沅張尿管等十一名現在嚴審究辦

並據亳州知州任壽世稟獲趙西城一名訊係

行劫碭山縣事主董發祥案內逸盜又獲王二

一名訊係行劫太和縣事主王同聚案內盜犯

均有各該縣緝役協拏已解歸犯事地方審辦

又據泗州州判宋盛麟稟同州役營兵盤獲匪

犯沈魁曹二劉潮金顯大顧三王起盈王老漢

等七名並搜獲鐵銃長鎗鐵尺鐵鑿等具訊係

向在淮湖等處乘船滋擾現俱嚴審究辦至皖

省江面延袤六百餘里時屆嚴冬宵小易生經

嚴飭沿江州縣設卡巡緝並添派幹員分段

巡查現據委員劉際昌稟弁王應魁等稟稱沿

江上下晝夜梭巡並無失事惟巡至和州鮎魚

嘴地方時近昏黑有盜潛上客船持刀扭砍客

商該員弁等當同該州兵役趕往圍拏盜匪持

刀逃走追陷泥中當被擒獲查詢該犯名胡和

尚又名胡高腳其同夥奚義全朱升等攜帶妻

室詭易姓名逃至鳳陽縣界亦經和州丁役協

同該縣盤獲解審其餘各屬均屬安靜仍嚴

飭各員弁始終勿懈以除稂莠而靖地方合併

附片以

聞謹

奏

陶雲汀先生奏疏卷七

無曉稿

一六

道光三年十二月初九日具

奏四年正月十一日奉到

殊批查拏甚屬認真知道了欽此

御賜福字暨麕肉鹿腿謝

恩摺子

奏為恭謝

天恩事道光三年十二月二十一日摺并回省齋奉

恩賞

御書福字一幅暨麕肉鹿腿等件謹即出郊跪迎至

署望

闕叩頭謝

恩祇領欽惟我

皇上昭景延釐

陶雲汀先生奏疏卷二

撫院稿

二

撫辰納祿

鴻疇嚮五

福錫而

帝範平康鹿惟歌三

德飽而人情和樂迎年

履吉

璇臺標百順之名隔歲

頌春

嘉貺表四靈之瑞臣親依

聖世渥荷

稠思每念歷祿於庸材策駑而慚方穀況聽啓音於

中澤懸貍而凜素餐

福祿同沾竊共皖民而拜

賜

升恒共祝欣同僚案以向

榮從茲彩溢

龍鸞五色煥圖書之府更卜祥呈慶應八方瞻

仁壽之符所有臣感忭下忱謹繕摺恭謝

天恩伏乞

皇上聖鑒謹

陶雲汀先生奏疏卷二

撫院稿

三

奏

道光三年十二月二十四日具

奏四年正月二十二日奉到

硃批知道了欽此

恭謝

頒賜

欽定大清會典全部摺子

奏為恭謝

天恩事頃由提塘遞到

頒賜

欽定大清會典全部臣謹即出郊跪迎至署望

闕叩頭祇領欽惟我

皇上紹

庭出治績

陶雲汀先生奏疏卷一

燕院稿

三

聖綏猷始和懸象魏之書陳常時夏無逸式康田之

訓敷錫庶民

直聰明而作之

君

師政惟由

舊觀會通以行其典禮善必稱

親仰惟

仁宗睿皇帝拊本引綱斟元

立極

大廷

授璽

一心孚

六聖之傳冊府鑄珍四輯會

三朝之典百九十餘年之掌故咸搜採而入

裁成千一百餘卷之牙籤悉緝而歸

折衷規模既富典則咸昭

謨不顯而

烈丕承聿著

經綸於

駿造

陶雲汀先生奏疏卷七

燕院稿

三

述者明而

作者聖爰徵

佑啟於

鴻圖臣獲覩

崇編欽承

渥賜安上治民莫如禮體本

心精經天緯地謂之文粲如眉列嚮以福威以極敷

彝教而是訓是行遠乃猷裕乃民紹

德音而用康用保變而通之盡利損益可知識其大者

為賢方策具在若稽古重華協于帝迪乃

前光繼自今立政用以人

聖惟時憲所有 臣 欽誦感忭下忱理合繕摺叩謝

天恩伏乞

皇上聖鑒謹

奏

道光四年正月二十四日具

奏二月二十五日奉到

硃批知道了欽此

陶雲汀先生奏疏卷七

撫院稿

三三

恭謝

頒賜

御製養正書屋全集摺子

奏為恭謝

天恩仰祈

聖鑒事竊 臣 齋摺差弁回院捧到

頒賜

御製養正書屋全集謹郊迎至署望

闕叩頭焚香跪讀欽惟我

皇上德秉生知

陶雲汀先生奏疏卷七

撫院稿

三四

學承

彝訓嘉名

肇錫

元良孚

默簡之心養正

親題

聖教揭誠存之本迪

心傳而

念典紹

皇極以

敷言

廣和

天章復旦著星雲之燄

闡揚經義為章垂日月之華論世知人義歸懲勸因

文見道體貫箴銘蓋游藝所以

養心聿徵志道據德依仁之效而

作聖必先正已爰括典詩立禮成樂之全

盛德備極其形容

雅化宏敷夫

聲律竊幸

陶雲汀先生奏疏卷七

無說稿

三

鴻文先覩勝誦湯盤禹鼎之詞伏願

聖敬日躋彌光

樂善

味餘之盛所有臣忭誦欽感下忱理合恭摺叩謝

天恩伏乞

皇上聖鑒謹

奏

道光四年正月二十四日具

奏二月二十五日奉到

硃批知道了欽此

議覆蕪湖鳳陽兩關權務章程摺子

奏為遵

旨查議蕪湖鳳陽兩關權務情形併分賠章程請照

舊勻攤恭摺覆

奏仰祈

聖鑒事前准部咨欽奉

上諭本日軍機大臣會同戶工二部議奏徵收關稅

一摺各關稅課之盈絀由商貨之多寡而裕課必

先卹商卹商必先除弊乃近聞各關奸丁蠹吏勒

徵賣放及以正作罰上下分肥加之奸商偷漏繞

陶雲汀先生奏疏卷七

無說稿

三

越糧船包攬夾帶百弊叢生虧短日甚轉藉口年

歲歉薄商貨短少試思商民貿通有無往來絡繹

斷不致逐年大相逕庭總由經徵各員任聽丁胥

人等例外橫徵通同舞弊以致商人裹足不前於

權務大有關係著各省督撫將各關因何虧短及

商貨如何流通查明妥議章程具奏並著漕運總

督嚴禁糧船夾帶毋致有妨正課各關監督務須

激發天良毋得假公濟私盡飽囊橐即將各口岸

家人大加裁減嚴行約束如有仍前耗費藉端擾

累情事由該督撫據實嚴參毋稍徇縱如奸商有

偷漏之弊亦即懲辦以儆刁風至另片奏各關分
 賠章程並著各督撫就近察看情形應否照舊勻
 攤或仍遵新例各按各任賠補之處一併妥議具
 奏欽此遵查安徽省設立蕪湖鳳陽兩關向來收
 稅均有定則刊載木榜通行曉諭凡貨物到關
 隨到隨驗按則稽徵尙無留難勒索及以正作
 罰之事其奸商偷漏繞越與糧船夾帶亦俱隨
 時隨地相機整飭俾知斂戢家人一項蕪關地
 近無須派查鳳陽關地方遼闊間須派往亦尙
 無多惟兩關書吏除額設經制外其餘書舍及

陶雲汀先生奏疏卷一 撫皖稿 三

清繕等書歷因辦事差遣不敷逐漸增添此輩
 多一人即多一家之累自應隨時澄汰前經
 飭令關員除經制額缺應補外其餘書舍清繕
 等缺出以一缺遞行拔補以一缺裁汰庶人數
 減少漸復舊額而弊源亦塞矣又包攬之弊惟
 鳳潁一帶往往有奸牙盤踞假過載為名勾串
 包攬遇有不願投行之客亦強令包攬併有預
 支商人銀兩臨關不能交還以致商人坐待需
 時此等奸牙實為關蠹間有生監違例冒充者
 現在迭飭訪查究辦務令商人自封投櫃免滋

擾累至兩關耗費近來均加裁省如每歲解存
 安慶府庫辦公銀兩即係節省關上酒食鋪墊
 一切浮費以為巡撫及臬司衙門書吏工食併
 心紅紙張差盤巡江等項之用歷經前撫
 元章陳大受納敏衛哲治奏明並經前撫
 克家飭議定數蕪關計七千餘兩鳳關計二千
 餘兩但取辦公而止並無浮濫其撫署公費亦
 經前撫 李鴻賓奏明劃出銀四千兩解交藩
 庫為緝捕經費歷年以來均屬有減無增惟當
 督率經徵道員力敦節儉杜絕虛耗併體卹商

陶雲汀先生奏疏卷一 撫皖稿 三

情嚴防滋擾一切凜遵
 諭旨實力奉行關務自更有起色應毋庸另議科條
 至分賠一節查鳳陽關近臨淮河上通豫省惟
 冬底春初水淺易水間有阻滯蕪湖關木稅出
 自川廣上游谿水發生始能浮送出江是以冬
 春之交抵關較少其餘時月兩關均有參差衰
 旺不一向係以贏補絀通年牽算亦未有缺額
 之事祇上年蕪湖因水災稍歉乃不經有之事
 未可以為比例也惟查兩關經管道員非如他
 處鈔關監督必屆一年期滿方行更換者可比

如一年之內迭遇交代則所值之時候不一即
稅務之盈縮攸分此贏彼絀勢亦難免若照各
歸各任之例恐苦樂不均即欲就月分定以衰
旺而風色無定雨水或歧衰旺亦難以預定兼
之偶遇閏月即難分派臣再四思維一經更改
章程諸多窒礙應請照舊辦理萬一稍有短缺
即仍照通年考核舊例著落經徵之員按月日
勻攤著賠以歸平允所有臣遵

奏伏祈

旨籌議緣由謹會同兩江總督臣孫玉庭恭摺覆

陶雲汀先生奏疏卷七

撫院稿

无

皇上聖鑒謹

奏

道光四年二月十八日具

奏三月二十三日奉到

硃批依議認真妥辦欽此

請借

帑興修無爲州江壩摺子

奏爲無爲州江壩工程緊要援案借

帑興修以衛田廬而重民命仰祈

聖鑒事竊查上年皖省沿江被水無爲一州地勢最

低被災尤重經臣勘明具

奏並將該州江壩工程浩大民力難支即須借項

興修情形附片陳明又請將工程專交新任知

州劉用錫督同委員鳳陽縣主簿屠慕會勘估

酌量借項興修一面恭摺

陶雲汀先生奏疏卷七

撫院稿

三

奏報奉

硃批知道了欽此經臣飭行藩司轉飭該州俟圩水

消退即趕緊勘辦茲據藩司徐承恩詳稱親抵

該州督同劉用錫屠慕會逐一履勘並添委試

用縣丞王澄張聘之未入流楊應甲幫同辦理

隨勘得無爲州南臨大江地勢低窪所屬五百

九十餘圩全賴一線江堤爲之捍禦每遇江水

盛漲時設有冲缺不特該州全境受害即毗連

之廬江巢縣和州含山難免波及兼以西北濱

近巢湖及黃白二湖附城各水均由泥汊口東

南入江一經淤塞則內水停積而江水不無倒漾之虞上年江湖異漲州境全淹數月始退皆因江壩被沖併下河水口淤塞以致瀰漫四潰自應趕緊興修查自青岡山三壩起至劉家渡攔河止擇其卑矮殘缺間段修補加培其王家渡以下至張家灣一帶江溜頂沖應內由陸家墩接楊灣長堤至老河埂攔河壩止一律修殘補缺幫厚加高以下自永成圩達太湖圩至界溝碑止亦間段修補共計工長八千六百二十三丈內估修工長二千六百六十三丈又勘估

陶雲汀先生奏疏卷七

撫皖稿

三三

修築古家磯蔣公堤張公堤古家圩張謝圩楊青圩方家橋張家灣陳家圩永成圩六壩尾等處各缺口共計工長三百九十三丈又勘估修築黃絲灘殘缺舊壩並於頂沖處所添築月壩一道共計工長二千六百八十二丈又勘估挑挖引河一道自下河口河埂起至姚家溝止共計工長八百十九丈總共需土方銀四萬七千六百三十四兩三錢五分四釐查乾隆二十九年三十四年該州被水沖堤及五十二年閘河築壩均經

奏請借項興修分年攤徵還款在案應請援案借帑興修在於該州通境民田項下分作六年照糧攤徵還款等語臣查該州田畝甚多工程緊要轉瞬春水發生攸關民命業經藩司勘定擇要興修均係刻不可緩之工相應懇

天恩俯准借項興修以資保衛所有估計土方銀兩

臣因為時已迫仰體我皇上厯念民生之至意即於前次

奏明扣留報撥銀內飭司發給該州督令董事紳

耆等作速分領興修所借

三三

帑項應由該州通境民田項下分限六年照糧攤

徵歸款其河壩各工壓估挖廢田畝工竣查明

照例

題豁至此項借

帑挑築江壩引河係民借民辦攤徵還款並請免

其造冊報銷以省案牘謹會同協辦大學士兩

江總督臣孫玉庭恭摺具

奏伏乞

皇上聖鑒謹

奏

道光四年三月初十日具

奏四月十一日奉到

硃批另有旨欽此同日奉到道光四年三月二十六

日內閣奉

上諭陶澍奏江壩工程緊要援案借帑興修一摺皖省無為州濱江臨湖地勢最低上年江壩被衝並下河水口淤塞以致州境均被淹浸自應趕緊興修俾資捍禦據該撫委員逐段勘丈估計分別修補加培並添築月壩挑挖引河共需土方銀四萬七千六百三十四兩零此項工程浩繁若責令民

陶雲汀先生奏疏卷七

摺稿

三

修誠恐力有未逮加恩著准其援照歷屆成案借項興修即於前次奏明扣留報撥銀內飭司如數發給該州督令紳耆等分領作速興辦毋任稍有草率偷減所借銀兩著於該州通境民田項下分限六年照糧攤徵還款並免造冊報銷其河壩各工壓佔挖廢田畝該撫於工竣時查明照例題豁以紓民力該部知道欽此

查勘靈璧縣減黃引河借項興挑摺子總督會稿

奏為查勘靈璧縣減黃引河仿照上游抽溝估需

土方銀數借項攤徵奏祈

聖鑒事竊查江安兩省天然峯山開下引河由睢寧

靈璧泗州以達於洪湖為減洩黃流要區前經

臣孫玉庭等查勘睢邑自開壩起至靈璧界止

河身淤墊

奏請於緊要各段逐一估挑抽溝以順溜勢其下

游安徽靈璧縣境內河道高仰處所亦應仿照

徐屬河埝一律抽溝以免壅遏當經移會臣陶

陶雲汀先生奏疏卷七

摺稿

三

澍并飭委睢南營守備秦盛會同護廬鳳道程懷璟確勘稟辦去後茲據該道等稟稱勘得減黃引河自睢靈交界郭家莊起至靈泗交界大王廟止計河長四千六百餘丈河身多被淤墊高仰不一兩岸隄埝及睢河南岸亦多被水冲刷單薄殘缺之處就河道中擇其緊要必不可緩者逐加勘估仿照上游辦法分作七段挑挖前四段高仰處所計長一千四百九十丈後三段地勢亦高有礙宣洩必得一律挑挖計長八百七十丈自第一段郭家莊起至第七段王家

場止共估需銀五千九百九十六兩六錢六分四釐至東西南三岸隄埝單薄殘缺之處此次挑挖淤土即可就近擇要酌加培築以為目前權宜之計所需土方銀兩該縣素稱積歉之區民力實有不逮應請借

帑興修分年攤徵歸款等情併飭據安徽藩司徐承恩查明所估工需均屬樽節請照歷次借帑成案借給興工等情前來 臣等覆查靈璧縣境處睢寧下流睢寧引河業經挑挖靈璧境內自須一律勘辦俾水勢無所壅阻委據該道等就河身高仰擇其緊要必不可緩者勘明估計自應仿照上游迅速舉工所需土方銀兩原應勸諭居民捐辦惟該縣係積歉之區體察情形民力實有不逮合無仰懇

皇上天恩俯准借

帑挑挖分年攤徵歸款瞬屆麥熟農忙若由司庫動給往返需時即就近在鳳陽關庫先行發辦再由司庫撥還較為便捷除飭司移行動給飭令該府縣乘時趕緊照估如式挑挖尅期完竣報候驗收不使稍有草率虛冒飭取勘估冊結

陶鑒汀先生奏疏卷一

撫皖稿

三

聲明分攤年限照例
題報外所有靈璧縣減黃引河借
帑挑挖抽溝緣由 臣等謹會同河道總督 臣張文
浩恭摺具

奏伏乞

皇上聖鑒謹

奏

道光四年四月初一日具

奏五月初二日奉到

硃批另有旨欽此同日奉到道光四年四月十六日

陶鑒汀先生奏疏卷一

撫皖稿

三

內閣奉

上諭孫玉庭等奏靈璧縣減黃引河請借項興工一摺江安兩省天然峯山闌下引河為減洩黃流要區江蘇雖邑境內業經奏准挑挖安徽靈璧地處下游自應一律興辦俾水勢無所壅阻據該督等委勘河身高仰處所仿照上游逐段挑挖抽溝並將挑出淤土培築隄埝估需土方銀五千九百九十六兩零該縣係積歉之區若責令民修誠恐力有未逮著准其借項興辦就近由鳳陽關庫先行如數發給仍由安徽司庫即行撥還該督等飭令

該府縣乘時趕緊如式挑挖尅期完竣核實驗收
毋使稍有草率偷減所借銀兩著分年攤徵還款
該部知道欽此

陶雲汀先生奏疏卷七

撫院稿

三

請將鳳潁泗三府州屬遣軍流徒秋審各犯酌
歸巡道審轉摺子 總督會稿

奏為請將皖省鳳潁泗三府州屬尋常遣軍流徒
及秋審各犯酌歸該管巡道審轉以免拖延而
昭矜卹仰祈

聖鑒事竊照安徽一省刑名事體夙稱繁劇其鳳陽
潁州泗州三屬接近徐豫濱臨洪湖離省均各
千里民俗犷悍最難馴伏 臣孫玉庭每因公事
節加整飭 臣陶澍前因北閩周歷遐隅逐加體
察訪得匪棍數十名先後附片

陶雲汀先生奏疏卷七

撫院稿

三

奏摺懲辦地方稍資救輯因思該三屬一切案件
較之別屬為多各犯每於解司提審時或畏罪
狡展或挾仇妄扳在該犯等明知長路迢迢對
質無人遂爾任意刁噬而犯供既翻例應提証
質訊彼良善之民慮及長途跋涉往往畏累潛
藏累月經年始得傳案解質比及訊結無辜獲
雪而千里往返已不勝其苦累矣又况解犯路
費均係仰給有司該三屬案繁累重實已不支
各牧令既虞賠墊卽難保無化大為小之見彼
鄰証又苦拖累更不免有私和匿報之事究其

流弊適以啟刁長奸於治理大有關係至秋審人犯解省來往每須月餘日久則防範難周路遠則貲費尤重種種情形實多未便伏查距省寫遠之秋審人犯定例責成巡道研鞠遣軍流徒應行吞結之案巡撫例不提審今鳳潁泗三屬各犯解省情形諸形掣肘似應量為變通以歸便益應請

旨將鳳陽潁州二府泗州一州所屬人犯除罪應斬絞及命案內應擬徒軍流等罪者仍解省由司勘轉外其尋常遣軍流徒並人命僅祇擬徒案

陶雲汀先生奏疏卷七

撫院稿

五

犯均歸該管盧鳳道審勘徑詳督撫衙門分別核辦一面移明臬司備案毋庸解犯至省以免拖延而清庶獄其一切限期及出入處分均照臬司之例辦理設或翻供即就近提証質結其秋審人犯亦即解道審錄發回移知臬司核定實緩詳辦倘有鳴冤翻易者即由道解省復審以昭核實 臣等仍隨時察核如該道審斷不公立即據實劾參不敢稍有徇隱如此分別辦理庶案可速結犯無疎虞官民均有裨益 臣等往返札商意見相同並據臬司具詳前來謹合詞

恭摺具奏伏乞

皇上聖鑒

訓示謹

奏

道光四年四月二十二日具

奏五月二十二日奉到

硃批另有旨欽此同日奉到道光四年五月初八日

內閣奉

上諭孫玉庭等奏尋常遣軍流徒及秋審各犯請歸

陶雲汀先生奏疏卷七

撫院稿

五

巡道審轉一摺皖省鳳潁泗三府州屬距省均各千里招解人犯長途防範難周該督等奏請量為變通著照所請嗣後鳳陽府潁州府泗州所屬人犯除罪應斬絞及命案內應擬軍流等罪者仍解省由司解轉外其尋常遣軍流徒並人命僅祇擬徒案犯均歸該管盧鳳道審勘徑詳督撫衙門分別核辦一面移明臬司備案毋庸解犯至省以免拖延一切限期處分均照臬司之例辦理設或翻供即就近提証質結其秋審人犯亦即解道審錄發回移知臬司核定實緩詳解倘有鳴冤翻異者

著卽由道解省覆審該督撫仍隨時察核如該巡道審斷不公卽據實劾參毋稍徇隱欽此

陶雲汀先生奏疏卷七

撫皖稿

四十一

續查未豁賠款遵議追補摺子

奏爲安徽省續查未豁賠款遵

旨籌議追補仰祈

聖鑒事竊照皖省各員賠罰銀兩經前撫臣孫爾準

暨臣節次詳查具

奏接准部咨欽奉

諭旨戶部議覆陶澍奏安徽省原報請豁銀米各項除業經准免及例不准豁之攤扣部借養廉銀兩外其查有案據在恩詔以前者共銀五萬一千三十三兩零米七百六十四石零俱著准其豁免此

陶雲汀先生奏疏卷七

撫皖稿

四十二

外查無案據銀四萬四千六百七十兩零著不准其豁免至續查請豁銀七十七萬三千六十七兩零錢八百九十七串零米麥豆一萬九千七石零該省查報旣在恩詔以後仍令該撫妥籌追補以重帑項欽此臣當卽欽遵將原報請豁數內已免未免及應行查覆各款照依部議飭司分別查明造冊咨部核辦至續查請豁各款前因確核案據均在嘉慶二十五年八月二十七日欽奉恩詔以前與部議准免條款相符經前撫臣孫爾準奏奉

諭旨添造入冊茲部議以查報在
恩詔以後未便援免行令妥籌追補等因 臣遵復督
同藩司徐承恩檢核全案通盤合計竊思籌補
舊欠必須兼杜新虧從前籌補之法惟藉攤捐
而攤捐卽爲展轉增虧之根現在裁減捐款禁
止流攤以清交代而嚴存庫甫經
奏定章程自未便遽有更張又滋糾蔓且清查墊
解兩案各員應追銀兩已多如將此次捐賠銀
款同時併追誠恐操之太急勢必挹彼注茲轉
啟虧挪之漸自應分別款項追補兼施庶於

陶雲汀先生奏疏卷七

撫皖稿

聖

帑項有裨查原冊開報因公挪移項下請免銀二
萬九千四十九兩零從前查辦時因各員俱經
結報家產核與准免條款相符是以續經彙造
入冊今核各員欠繳各款究係本身虧缺與捐
賠有間且其中如韓寶鏐一員前因建平交代
另案抄追業已限內全完例應開復此時自當
仍行勒追所有各款銀兩應請查照各員欠數
按六次清查追補章程依限追繳又子孫代賠
項下請免銀四萬二千五百七十三兩零錢三
百五十七兩零米一百四十二石零核查原案

亦係虧缺應一併追繳請將各員欠數仍按章
程分別子孫有無出仕依限著追均不准另起
追限致滋延宕又代賠民佃等欠項下請免銀
一十一萬六千二百八十八兩零錢一百五十
八千零穀一萬二千三十五石零米麥豆三千
三百一十七石零又賠償承變項下請免銀一
萬八千四百八十七兩零又按日分賠項下請
免銀一十萬五千九百二十八兩零米四百七
十七石零又因公罰賠項下請免銀二十七萬
五千七百四十三兩零米三百六十六石零又

陶雲汀先生奏疏卷七

撫皖稿

聖

上司同官分賠項下請免銀五萬四千一百二
十八兩零穀一千六百石米一千六十七石零
以上五款內中本有十九年以前各員開報之
件因五次清查時提歸另冊未及彙報茲部議
亦以查報在後與續查各款均未援免 臣等細
加覆核所有前五款銀錢米穀或因書役辦公
借欠無著或因前任抵交變價不敷或捐攤前
任或代賠他人均事非經手人非同案實係牽
連著賠若與本身虧缺之項一體依限勒追不
特輕重無別且追項更多力難同繳仍屬有名

無實自應另酌期限措繳俾歸實濟應請將以上五款銀兩併數核計俟清查正款追完起限接追數在一千兩以內者限一年完繳一千兩以上至三千兩者限二年三千兩以上至五千兩者限三年五千兩以上至一萬兩者限五年一萬兩以上者統限八年全完至追賠勻捐項下請免銀一十二萬五百七十五兩零錢三百八十二千零查核此項銀錢係因地方隨時應辦公事例無開銷由司飭令州縣捐貲辦理間有飭捐未繳之處交代時因有飭捐文書不得不

陶雲汀先生奏疏卷七

推院稿

聖

列款移交其實祇係虛欠並未挪缺錢糧其隨時捐辦之公事亦早經辦竣毋須追補歸款本應汰除留於交代冊內徒滋膠葛應將此項欠捐各款仍請

旨全行豁免庶款項不致分歧交案胥歸核實又因公核減項下請免銀一萬二百九十一兩零此項係該州縣等挪款辦公因什物昂貴例價之外不無賠貼歷年既久積數成鉅以致挪款無歸究屬因公賠累且各員中多有早經物故者若再向子孫名下著追勢必往返咨查致滋懸

宕自應酌籌彌補以省滋擾查五次清查案內有各員繳存捐款無關正雜錢糧者共銀一萬三百一十六兩零現存司庫應留為通省辦公之用請將前項因公核減銀兩即於捐存辦公銀內劃數彌補以公濟公實有裨益至院省清查前經五次尙多未實未盡此次接奉

陶雲汀先生奏疏卷七

撫院稿

聖

上諭嗣後交代各款其在嘉慶二十五年以前總以現在清查核定數目為準將前此報部參差之處一體更正等因欽此從此糾葛全清祇須按照章程辦理毋庸再有清查其前次

奏明設局業已裁撤日後倘有不肖州縣隱匿侵吞惟當隨時隨事據實參辦按律懲治自足以儆貪劣而廉善之員不致因人受累庶益濯磨以仰副

聖主澄飭吏治之至意所有遵旨妥籌追補緣由謹會同協辦大學士兩江總督臣孫玉庭合詞恭摺覆

奏伏乞

皇上聖鑒

訓示遵行謹

奏

道光四年五月十二日具

奏六月十五日奉到

殊批另有旨欽此同日奉到道光四年五月二十八

日內閣奉

上諭陶澍奏安徽省續查未豁賠款遵旨籌議追補

一摺著照所議原冊開報因公挪移項下銀兩俱

陶澍江先生奏疏卷一

撫院稿

聖

係各員本身虧缺與捐賠有間該撫卽查照各員

欠數按六次清查追補章程勒限追繳子孫代賠

項下銀米各款分別各員子孫有無出仕依限著

追不准另起追限致滋延宕代賠民佃等五款銀

錢米穀俟清查正款追完起限接追數在一千兩

以內者限一年一千兩以上至三千兩者限二年

三千兩以上至五千兩者限三年五千兩以上至

一萬兩者限五年一萬兩以上者統限八年全完

至追賠勻捐項下銀一十二萬五百七十五兩零

錢三百八十一千零係因飭捐未繳列款虛欠無

須追補著卽全行豁免其因公核減項下一萬二
百九十一兩零實因該州縣等辦公賠累著卽於
捐存辦公銀內劃數彌補以省滋擾該部知道欽

此

陶澍江先生奏疏卷一

撫院稿

聖

奏摺卷八目錄

撫皖稿

安化陶澍

查明通省二麥約收分數摺子

附奏麥收足資接濟摺片

查明審議六安州阻考案摺子

御賜藥錠謝

恩摺子

恭謝

頒賞

欽定春秋左傳摺子

陶澍汀先生奏疏卷八目錄

附奏水退災區間有蝻子萌生現飭搜撲務淨

摺片

訪獲捻匪兇徒審辦摺子

附奏查辦皖省棚民編設保甲摺片

皖省紳民捐賑籲請獎勵摺子 總督會稿
附清單

附奏省城建造育嬰堂摺片

全獲越獄人犯摺子

據道員代謝摺子

查明通省二麥約收分數摺子

奏為查明通省二麥約收分數恭摺奏

聞仰祈

聖鑒事竊照本年安徽省各屬二麥情形先經飭查

約收分數去後茲據布政使徐承恩查明大麥

現已陸續登場小麥漸次成熟據各屬具報約

收分數彙摺呈報前來 臣覆加查核安徽通省

五十九州縣內約收八分有餘者黟縣一縣約

收八分者婺源祁門二縣約收七分有餘者太

湖宿松歙縣寧國旌德石埭建德宿州霍邱五

陶澍汀先生奏疏卷八

撫皖稿

河等十州縣約收七分者休寧績溪青陽舒城

廬江壽州鳳陽鳳臺潁上亳州蒙城太和霍山

盱眙建平等十五州縣約收六分有餘者桐城

潛山涇縣太平貴池銅陵東流合肥懷遠定遠

靈璧阜陽六安英山泗州滁州來安等十七州

縣約收六分者懷寧巢縣天長全椒含山廣德

等六州縣約收五分有餘者望江宣城南陵當

塗蕪湖繁昌和州等七州縣約收四分有餘者

無為一州統計通省二麥收成約六分有餘除

俟收穫完竣查明實收分數另行恭疏

題報外謹將約收分數繕具清單敬呈

御覽伏乞

皇上聖鑒謹

奏

道光四年五月十二日具

奏六月十五日奉到

硃批知道了欽此

陶澍汀先生奏疏卷八

撫皖稿

二

附奏麥收足資接濟摺片

再皖省上年沿江各州縣被水成災緣陰雨既多而上游川陝兩湖江西各省之水同時並發皆以皖江一處為之門戶是以消退甚遲被災尤重仰蒙

天恩給與撫卹即經臣

奏派幹員分赴川楚江西買米運糶以供民食旋

經臣督同司道府縣各員捐廉倡率各處民情

感動據懷寧桐城等數十州縣先後具報各紳

士商耆或捐米煮粥或散錢給米或各贍本族

陶澍汀先生奏疏卷八

撫皖稿

三

本村或捐貲修築圩埂或以所捐之銀買米平糶更番迭運至金盡為止並有未經被災之區如太和黟縣亦復聞風捐貲解備災區之用各屬紳士所捐自數十兩以至千兩其最多者如廬江紳士章姓以一家捐粥四箇月併棉衣數千件其餘義捐尙多統俟各屬查明彙集即會同督臣奏請

旌獎通計三十餘州縣災民不下百數十萬仰沐

皇仁賑撫兼施佐以倉穀及採買平糶

聖恩廣被至優極渥百姓感仰咸知興起各敦任卹

之風是以災雖重而民情安帖茲幸麥田已獲
足資接濟災黎紛紛回家就食人心歡欣叨荷
福慈曷勝額慶其川省買米前因水險途遙暫於江
楚兩省購買咨明俟今夏察看情形再辦茲既
麥收可接毋庸赴川採買復卽咨明停止日來
雨暘順序禾苗栽插已畢閭閻無虞失所合併
縷細附

聞仰慰

聖懷謹

奏

陶雲汀先生奏疏卷八

撫院稿

四

道光四年五月十二日附片具

奏六月十五日奉到

硃批覽奏稍慰欽此

查明審議六安州阻考案摺子

奏爲遵

旨查明審議仰祈

聖鑒事竊照六安州捐職州同余蟠赴部呈控廩生
周合等阻考等情一案奏奉

諭旨安徽捐職州同余蟠由定遠遷居六安伊子應
試廩生周合等阻撓該州仍飭回原籍考試該職
員在部呈請歸入寄籍等情著交陶澍親提人証
卷宗秉公確查照例辦理職員余蟠飭令回籍聽
候查辦欽此臣遵卽飭提人卷來省委員審辦茲

陶雲汀先生奏疏卷八

撫院稿

五

據安慶府同知陳其松審議由藩司徐承恩解
勘前來臣親提研鞫緣余蟠原籍定遠縣其曾
祖余漢功於康熙五十四年遷居六安州生子
余通海孫余光前置有田房產業乾隆四十六
年余光前呈請入籍當有紳士李杰等數十人
以余光前之祖母繆氏在州花鼓唱歌其父余
通海擡轎營生其母單氏受雇與人服役事業
卑賤請飭回原籍以杜朦考等情赴州許告余
光前隨以將相無種人貴自立古有屠狗賈奕
卽身卿相等詞具訴經該前州飭俟移查核辦

旋據余光前呈明願歸定遠縣原籍結請備案
詳經前學臣以余光前回籍應否准考批飭查
議各前州均未詳覆余光前亦未遷回至六十
年間余光前長子余雲即余虬將屋租與縱妻
賣姦之合肥縣人殷恒沅居住致蕭奉年藉詐
爭毆經州訪獲將余雲等杖責飭逐迨余光前
故後余虬與弟余步蟾於嘉慶三年及十五年
間先後請入州籍並邀生員吳麟標等具結投
呈均匿未聲敘余光前被許原案經該前州查
出批飭不准余步蟾遂赴藩司暨學臣衙門控

陶雲汀先生奏疏卷八

撫皖稿

六

告委據候補縣趙樽會同該前州吳永綏以余
步蟾遷居已在六十年之外州紳士稟其身家
不清並無証據似應准其入籍捐考等情詳經
前撫臣胡克家飭取印甘各結未據申送余步
蟾即與兄余蟠先後赴部報捐職監行取族鄰
供結飭催亦未送呈二十五年間余步蟾子弟
出應州試州眾童生以其出身卑賤聲言不願
為伍廩生周合等均不敢承保余步蟾即以違
例阻考上控飭據前署州吳箴通詢與考生童
及合學廩生僉稱余繆氏花鼓賣唱屬實議請

不准捐考余蟠復赴前撫臣衙門呈控行州查
訊據廩生江壩等七十餘人先後遞呈攻訐如
前經該州牛映奎查訊僅有張蓋臣等願具保
結訊係余蟠姻親其餘貢廩增附生員僉稱余
姓身家實不清白牛映奎以張蓋臣等具結由
於迴護姻親不足為憑仍照原議詳覆余蟠遂
以周合等阻考等情赴禮部具呈奏奉

諭旨交查行提人証來省訊悉前情案無遁飾查例
載遷徙六十年以外即與土著無異不必補行
呈明准其在寄籍報捐應考又載削籍之樂戶

陶雲汀先生奏疏卷八

撫皖稿

七

丐戶以報官改業之人為始下逮四世本族親
支皆係清白自守方准報捐應試各省凡有似
此者悉照此辦理又載律無正條應援引他律
他例比附於疏內聲明恭候

聖裁各等語此案六安州紳士先後許告余蟠之祖
余通海擡轎營生及余單氏與人帮工之處均
係貧民謀食之常例不禁其捐考惟所稟余蟠
曾祖母繆氏在州花鼓賣唱一節當乾隆四十
六年間其父余光前呈請入籍時相距繆氏身
故未久該紳士等自必確有見聞因而羣起攻

許如繆氏果無其事奈光前應即逐細剖白何以訴詞內轉稱將相無種併以屠狗賭奕自居即行結請回籍厥後嘉慶三年及十五年間奈雲與奈步蟾先後請入州籍均不敘前案一字即此次奈蟠京控詞內亦未將被控身家不清之處明晰聲辨其自知繆氏花鼓賣唱之非誣意圖隱諱已可概見前州吳永綏等以並無証據議請捐考不知婦女花鼓賣唱非若娼優隸卒之確有冊據可稽檢查嘉慶二十五年十二月內掌福建道監察御史臣朱鴻條奏捐納各員其身家清白與否一以鄉里之公評為據並以捐納職銜例應出結請令官員確查以重名器欽奉

上諭著各省督撫轉飭各州縣於捐納各員應取冊結時訪查確實如有身家不清白者照例斥革其由寄籍報捐者若無憑考核即移歸原籍確查其捐納職銜者並著出結官詳查確核毋任冒濫以重名器等因欽此經吏部抄摺通行在案是身家之是否清白應即遵照部行以鄉評為據今奈繆氏之花鼓賣唱自乾隆四十六年該州紳上

陶雲汀先生奏疏卷八

撫院稿

八

紛紛控許迄今數十年不特現訊之周合等各供如繪即前署州吳篋查詢時徧集與考童生及合學廩生無不異口同聲稱為實有其事鄉評如此自未便以奈蟠翻控致任冒濫且奈蟠等報捐已久各前州總未出結申送其為礙於輿論尤屬顯然自應據以定斷惟查禮部及科場各例並無花鼓賣唱之子孫應否准予捐考明文第以婦女而行歌賣唱其托業已屬卑賤若使其子孫竟得濫廁士林似無以別流品如即照娼優隸卒之例子孫永遠不准捐考究與實在娼優不同衡情亦未平允臣詳加察核奈繆氏之花鼓賣唱比之樂戶丐戶事屬相類應請比照辦理奈蟠請照削籍之樂戶丐戶例以改業之人為始下逮四世清白自守准予報捐應試奈蟠係奈繆氏曾孫其祖奈通海即經改業現在本族親支亦俱清白自守逮至奈蟠尚止三世應與其弟奈步蟾等均不准其捐考所有原捐職員監生均請斥革飭州追照詳銷其奈蟠之子姪已逮四世寄籍六安又在六十年以外年例相符應准其即在該州入籍捐考如

陶雲汀先生奏疏卷八

撫院稿

九

該州士民再有混阻卽行照例懲辦再此案律無正條係援引他例比附相應遵例聲明恭候聖裁奈蟠等前次報捐訊因該州曾經詳請入籍尙非有心朦捐其赴京呈控亦因各前州並未查議明確先後詳辦不符所致請免置議貢生周合等因奈姓身家不清不敢承保並非違例阻考其訐告亦非始自該生等委無圖詐情事應毋庸議前六安州知州吳永綏與候補知縣趙樽前詳准其入籍捐考由於查無証據拘泥誤議旋經批取印甘各結並未申送應與奈蟠等

陶雲汀先生奏疏卷八

撫院稿

一

報捐監職俱未出結之前任各州均免開除全案供招咨部外謹將查明審議緣由恭摺具奏伏乞

皇上聖鑒

訓示遵行謹

奏

道光四年五月十二日具

奏六月十五日奉到

硃批另有旨欽此同日奉到道光四年五月二十八日內閣奉

上諭陶澍奏查審安徽捐職州同奈蟠呈控廩生等阻考定擬請旨一摺此案奈蟠曾祖奈漢功於康熙年間由定遠縣遷居六安州至奈蟠奈步蟾子弟出應州試該州生童均以奈姓家世卑賤不敢承保先後遞相攻訐奈蟠復赴禮部呈請歸入寄籍當經發交陶澍親提查辦茲據該撫詳加察核比例定擬所有奈蟠等入籍捐考著准其照削籍之樂戶丐戶以報官改業之人爲始下逮四世清白自守方令報捐應試惟奈蟠奈步蟾等距伊祖奈通海改業尙止三世著仍不准捐考所捐職員監生卽行一併斥革其餘奈蟠之子姪現已年例相符著准在六安州入籍報捐考試毋許該士民再有阻撓該部知道欽此

陶雲汀先生奏疏卷八

撫院稿

二

御賜藥錠謝

恩摺子

奏為恭謝

天恩事頃臣齋摺差弁回院奉到

御賜藥錠一匣謹卽恭設香案望

闕叩頭祇領伏念臣荅通抱質葵藿抒誠際茲懸

艾之良辰倍仰調薰之

郵治澤下尺而苗上尺芳腴正沐夫

釀膏乾大生而坤廣生

嘉胤更邀夫珍劑秘馥襲二霄之露潤帶花泥葳蕤

陶雲汀先生奏疏卷八

撫院稿

三

纏五色之絲蒸餘石火分馨寮案勝六壬六癸

以佩符宣

惠黔黎比一粟一絲而戴

德欣

聖世人無疵癘

錫福而象協威和擬周官書上安平

養化而

功宏大造所有臣感激忭幸微忱理合繕摺恭謝

天恩伏祈

皇上聖鑒謹

奏

道光四年五月二十四日具

奏六月二十四日奉到

硃批知道了欽此

陶雲汀先生奏疏卷八

撫院稿

三

恭謝

頌賞

欽定春秋左傳摺子

奏為恭謝

天恩事竊臣奉到

頌賞

欽定春秋左傳讀本一部當即恭設香案望

闕叩頭祇頌欽惟我

皇上寬聰懋學

稽古同文

陶雲汀先生奏疏卷八

撫院稿

一四

道闢麟符既擴元苞於

景命模垂

鴻則更傳

鉅製於儒林緬春秋本經世之書獨左氏得屬辭之

要軼公羊穀梁之曲說所見各殊紹

彙纂

直解之遺編其文具在由古哲敷求古哲

君本兼

師惟

聖人能知聖人作仍善述元元本本列眉而傳自為

篇是是非非綴尾而篇皆有注抉地志山經之
奧道里無遺訂別風淮雨之譌形聲必協尊王

之義大一統敷施悉載於

皇言良史之職備三長折衷爰歸於

至教臣質慚抱蠢識等測蠡幸窺

乙覽之精微獲奉

宸編而肄誦願書萬本用識中心悅服之誠莫贊一

辭彌仰

盛世觀文之化所有臣感佩欣忭下忱謹繕摺恭謝

天恩伏乞

陶雲汀先生奏疏卷八

撫院稿

十五

皇上聖鑒謹

奏

道光四年五月二十四日具

奏六月二十四日奉到

殊批知道了欽此

附奏水退災區間有蝻子萌生現飭搜撲務淨

摺片

再皖省上年被災各屬水退較遲誠恐春夏間
濕熱鬱蒸潛生蝻孽經 臣 札飭加意搜查茲據
天長台山兩縣先後具報湖厥灘地萌生蝻子
旋即撲滅無存又據鳳陽懷遠靈璧三縣會稟
該三縣接壤之太平崗蘆葦地內生有蝻子現
在趕緊撲捕 臣 當即飛飭廬鳳道戴聰督同該
府縣等文武員弁督率人夫迅速搜捕務令淨
盡勿致滋害田苗合併附片具

陶雲汀先生奏疏卷八

撫皖稿

二

聞謹

奏

道光四年五月二十四日片

奏六月二十四日奉到

硃批認真督飭捕除慎勿貽害欽此

訪獲搶匪兇徒審辦摺子

奏為訪獲搶匪兇徒審明懲辦仰祈

聖鑒事竊照安徽省西北一帶毘連徐豫其交界處
所每有匪徒出沒為害間閭 臣 於上年巡閱鳳
穎營伍沿途留心查察訪有匪徒趙四大旺李
添罡及張保兒張建禮等多人結夥行兇擾害
良民當即遴委員弁會同各地方文武嚴密查
拏節據各員稟獲王添曉武炳文王愷張建禮
及夏五幅公王甫王騷張細狗蔡五等旋接督
臣 孫玉庭來信以張建禮王添曉武炳文王愷

陶雲汀先生奏疏卷八

撫皖稿

二

現奉

諭旨查拏 臣 當將該犯等派員解赴督 臣 衙門歸案

審辦一面附片奏

聞欽奉

硃批所辦甚好知道了欽此又據續獲趙四大旺楊
氣張保兒鞏三等究出多案錄供具報經 臣

奏奉

硃批所辦甚好設法偵緝務淨根株欽此遵復勒緝
李添罡到案同前獲之趙四大旺等解省飭委
安慶府確究由司解勘前來 臣 親提各犯逐案

研鞠緣趙四大旺夏五幗公楊氣李添罡張保
兒張細狗鞏三均籍隸阜陽縣王騷蔡五均籍
隸蒙城縣王甫籍隸亳州俱非善類趙四大旺
一名趙四老虎於嘉慶二十五年五月間起意
糾眾結捻有前犯命案擬杖援免之夏五幗公
及楊氣併在逃之周正誼鄭在田楊逢時鄒應
傑馬鎖郭羣楊鰲王在良丁大漢王大立劉淋
張二汪山劉克正趙皂唐鷄何小鬼等投入捻
內向鄉民訛索酒食錢文不計次數是年十一
月初七日趙四大旺見沈邱集鎮上彭奉英門

陶雲汀先生奏疏卷八

無院稿

二

首控有牛馬起意搶奪於中午時糾同周正誼
鄭在田楊逢時鄒應傑各執刀棍前往將牛馬
搶回十二月初三日午後趙四大旺又起意邀
同夏五幗公楊鰲王在良馬鎖郭羣持械齊至
牧場野地將趙百益收放牛驢搶奪回家勒令
各事主贖贖債分花用李添罡於嘉慶十七年
間起意結捻有族人李平玉李大山李大順李
先李贊李龐李拐李磨李老軒李老鈇李亂攷
等投入捻內該犯等恐兵役查拏攜帶鎗鎗刀
鎗防護並訛詐鄉民飯食錢文不記次數李添

罡先與同姓不宗李豆之妻劉氏有姦李豆知
情縱容嗣方六亦與劉氏姦好李添罡撞遇不
依爭毆因方六仍往姦宿心生妬恨於十九年
三月十七日攜帶尖刀糾同李平玉李大山李
大順李先李贊李龐尋毆途遇方六李添罡即
上前扭住令李平玉等架至空地按倒用刀砍
傷其左胎膊方六嚷罵聲稱報復李添罡忿極
起意致死用刀狠戳方六兩眼將其眼睛挖出
方六立時殞命屍母方李氏欲控被李添罡持
刀嚇禁私埋隨將李劉氏強行霸佔李豆未敢

陶雲汀先生奏疏卷八

無院稿

三

與較道光三年三月初二日李添罡約戲班姚
萬倉唱戲姚萬倉因事回覆李添罡生氣於初
四日傍晚糾同李平玉李大山李大順李先李
龐李磨李老軒李老鐵趕至楊家集北野地將
姚萬倉攔住搶得戲箱兩隻用火燒燬各散張
保兒即張保先因楊印窺破伊父窩竊聽從病
故之竊匪王義謀溺楊印身死犯案擬絞恭逢
嘉慶二十五年八月二十七日

恩詔援免責釋道光二年間張保兒復起意窩匪糾
竊勾藏在逃之王寅張奉錄戎協和張庭合張

二羣馬鎖王儀等於正月十一月及三年二月
內先後帶同竊得程繼悌程繼畧段有章等家
驢頭牛馬經各事主查獲張保兒勒令出錢將
贖贖回張細狗於道光元年四月間起意窩竊
分贓勾引在逃之趙東振盧二騰趙和尚劉上
科趙多白士魁趙雙侯五趙二得趙大道侯柳
樹精至家窩藏是年五月六月及八月內張細
狗先後起意令趙東振等竊得崔媽呼彭龔孜
李本畏等家牛驢馬匹被崔媽呼查獲張細狗
勒令出錢贖贖並嚇稱如敢控告定行殺害餘

陶雲汀先生奏疏卷八

無完稿

三

贖賣錢債分王騷先因犯竊杖柳責刺嘉慶二
十五年十二月二十四日有在逃之王虎因賒
欠馬建文魚錢口角被罵不甘諗知王騷兇惡
糾往尋毆王騷允從遂同王成往尋途遇馬建
文被王虎用庫刀砍傷左手指稟縣差拘未獲
道光元年四月初五日該前府訪聞王騷爲匪
飭差趙洪等查拏王騷起意拒捕糾同高占魁
盛連劉江分持刀械嚇稱如敢捕拏卽行殺死
趙洪等因寡不敵眾邀人幫捕王騷卽乘間逃
逸鞏三向無恒業於道光二年十二月十四日

起意開場聚賭同伊兄鞏懷寶鞏懷魯族人鞏
三妮孜在集搭廠經鄉保車懷占往阻扭住鞏
三欲行送究鞏三不服拘拏用擲子刀扎傷車
懷占左腿嚇稱如敢控告定行殺害各散蔡五
卽蔡洋先充縣役因毆張萬倉身死擬絞滅流
在配脫逃回家道光二年十月初十日有與素
好開酒店之于五因陸貫金賒酒未允將伊店
夥李庭辱罵前往評理途遇陸學希向訴陸學
希庇護同族村斥于五致相爭吵蔡五瞥見拉
勸陸學希斥其幫護蔡五生氣順拔身帶鐵柄

陶雲汀先生奏疏卷八

無完稿

三

手鐮砍傷陸學希脊背陸學希欲控經蔡五懇
息王甫先因藏匿紅鬍要犯王妮孜犯案擬流
成篤收贖道光元年冬間王甫起意販私漁利
糾允在逃之王道鞏其淋張沅鞏漢入夥恐兵
役捕拏各帶腰刀小刀防身在河南邊境向不
識姓名私鹽擔上買得鹽助在亳州村莊陸續
銷賣先後販過四次獲利均分此趙四大旺等
十犯歷次犯事之原委也以上各事主及屍親
人等均畏趙四大旺等兇惡未敢呈報經 臣訪
聞飭拏獲案其李添罡一犯當追拏時猶逞兇

拒捕被縣役李祥格傷料難脫逃自用攘刀戮傷臍肚亦即就獲並在王甫家起獲鹽斤趙四大旺身邊搜出標刀二把李添罡家內起出擡第二桿刀二把長鎗十八根由該州縣傳証補報勘驗訊詳解審據各供認前情不諱案無遁飾查例載安徽省紅鬍子在於場市搶劫如糾夥五人以上為首斬立決其在野攔搶如四人以上至九人者不分首從發伊犁分給該處察哈爾及駐防滿洲官兵為奴又律載故殺者斬監候又例載窩藏竊盜五名以上坐家分贓者

陶雲汀先生奏疏卷八

無統稿

三三

發近邊充軍又安徽潁州府屬兇徒預謀結夥三人以上執持兇器傷人不分首從實發雲貴兩廣極邊煙瘴充軍又兇徒因事忿爭執持兇器傷人發近邊充軍又律載犯罪拒捕於本罪上加二等又例載與販私鹽十人以下帶有軍器為首杖一百流二千里各等語此案趙四大旺聚眾結捻訛詐鄉民並糾同捻夥夏五囑公等搶奪牲畜勒贖兇橫已極其在野夥搶趙百益牧放牛驢罪止擬遣惟糾槍彭奉英家牛馬係在集鎮糾夥已至五人應從重問擬趙四大

旺合依安徽省紅鬍子在於場市搶劫糾夥五人以上為首斬立決例擬斬立決刺字留省夏五囑公聽從趙四大旺搶奪趙百益在野牛驢夥止六人合依在野攔搶四人以上至九人者不分首從例發伊犁給該處察哈爾及駐防滿洲官兵為奴照例刺字該犯趙四大旺夏五囑公尙有共毆王東山身死各案罪名較輕均應歸此案從重擬結楊氣入捻訛索並未隨同搶奪該犯尙有夥劫河南事主陳虔元錢鋪等案疑罪較重應歸彼案完結李添罡糾眾結捻在

陶雲汀先生奏疏卷八

無統稿

三三

野攔搶姚萬倉戲箱罪止擬遣其因妬姦故殺方六身死罪應擬斬應從重科斷李添罡合依故殺者斬律擬斬監候先行刺字該犯於三年後始行就獲例應改為立決惟事犯脫逃在嘉慶二十五年八月二十七日欽奉

恩詔以前例得免其逃罪其原犯係屬故殺仍請不准援免入於秋審情實辦理張保兒張細狗窩留賊匪糾竊分贓均在五名以上應依窩藏竊盜五名以上坐家分贓例發近邊充軍該犯張保兒先因謀斃人命擬絞援免復敢窩竊勒贖

實屬怙惡該犯張細狗窩賊至十一名之多疊
次肆竊並嚇禁事主控告勒令贖贖尤為地方
之害未便存留內地致令脫逃滋事均請發往
新疆酌撥種地當差據供母老丁單均不准其
查辦王騷係類屬兇徒與王成聽從王虎糾毆
馬建文致傷迨奉差拏復敢糾眾持械拒捕應
加等問擬王騷應於穎州府屬兇徒預謀結夥
三人以上兇器傷人不分首從實發雲貴兩廣
極邊煙瘴充軍例上照律加拒捕罪二等改發
新疆酌撥種地當差與張保兒等分別刺字鞫

陶雲汀先生奏疏卷八 撫院稿

三起意開場聚賭本屬罪人因鄉保車懷占欲
行送究輒用兇器攬子刀將車懷占拒傷亦應
照律加等鞫三應於兇器傷人發近邊充軍例
上加拒捕罪二等發極邊充軍蔡五用鐵柄手
鑷砍傷陸學希背手鑷非民間常用之物應
照兇器傷人例發近邊充軍該犯前次犯案在
配脫逃係在
恩赦以前並非釋放毋庸加等王甫起意販私糾夥
五人帶有腰刀係屬軍器應照與販私鹽十人
以下帶有軍器例擬流二千里該犯業已成篤

惟前次犯案收贖後仍糾眾疊次販私實屬怙
惡不悛應不准其再贖與鞫三等各杖一百分
別發配折貴安置李豆縱妻劉氏與李添昱通
姦均應擬杖事犯
赦前應請援免劉氏仍行離異李豆免其提質各犯
此外訊無另犯不法其不能約束之父兄及失
察之牌保飭提責懲各事主及屍親人等因畏
各犯兇惡未經具報情屬可原車懷占等各傷
俱已平復均毋庸議搶竊勒贖各賊飭追給主
起獲鎗刀私鹽飭令分別貯庫給賞再查嘉慶

陶雲汀先生奏疏卷八 撫院稿

二十年十一月豫省拏獲紅鬍匪徒奏請將失
察文武處分寬免一摺欽奉
上諭紅鬍匪徒久為地方之害前經降旨令該州縣實
力剪除不復咎其既往若該省因現獲匪犯究出從
前搶劫斃命並私造私藏違禁兇器販私賭博等案
歷年未經報官一一追溯叅處則緝捕各員多所瞻
顧轉致心生懈弛所有報獲各案從前失察之地方
文武員弁著加恩免其處分等因欽此欽遵在案此
案搶匪趙四大旺等均係該地方文武員弁偵
緝獲案所有從前失察處分仰懇

皇上天恩俯賜寬免其出力幫緝各委員容臣查明

記名鼓勵現在安省西北一帶經此次訪拏懲

辦之後匪徒稍知斂戢臣仍嚴飭各屬緝拏餘

匪務獲以淨根株而安地方除供招咨部外並

將事主陳虔元被劫各案另行

題咨外合將訪獲匪徒審辦緣由恭摺具

奏伏乞

皇上聖鑒

敕部核覆施行謹

奏

陶雲汀先生奏疏卷八

無窮廣

三六

道光四年五月二十四日具

奏六月二十四日奉到

硃批刑部速議具奏欽此

附奏查辦皖省棚民編設保甲摺片

再臣於五月二十日接奉

廷寄道光四年五月十六日奉

上諭本日御史郎葆辰奏請飭查棚民保甲以重地

方據稱會典內載乾隆四年戶部議准江南福建

浙江各府州縣內棚民照保甲例編排戶口近聞

浙江江蘇安徽等省州縣凡深山窮谷之區棚民

曼衍殆遍租典山地墾種山諸大半皆溫台一帶

沿海之人其聲氣相通倘有奸宄藏匿不可不預

為防範等語向來各省地方有棚居士著山民往

陶雲汀先生奏疏卷八

撫皖稿

三七

往以種植麻靛煽鐵造紙等項藉資生計其外來

無業游民前赴該處工作者亦一體編入保甲選

立保長甲長專司巡察責成州縣官據冊稽查誠

以該棚民等良莠不齊往來靡定若任其占踞山

場不加約束勢必愈聚愈多無從究詰是以照例

編排立法極為周密惟行之日久懈弛相沿自應

亟為整頓著各該督撫等嚴飭該府州縣將棚民

逐細查察按十戶設立甲長每年遞換門牌隨時

抽驗禁止匪類潛匿勾串滋事如查有不安本分

鬪狠健訟之徒立即嚴拏示懲務當實力奉行不

可視為具文並不准書役藉端擾累以靖地方將此各諭令知之欽此遵

旨寄信前來臣伏思編查保甲為弭盜詰姦要法院

省向係遵照章程飭令各州縣於秋後確切編查年底循例具

奏至徽州寧國池州廣德四府州屬境內深山峻

嶺甚多往往有外來民人租山墾種搭棚棲止

緣本境多將山地出租此等無業窮民因之攜

老挈幼刀耕火種就地謀生

國家休養生息生齒日繁勢不能分畛域而阻其

生路惟聚處眾多良莠不齊即難保不滋生事

端是以向係一體編入保甲辦理在案通計徽

州寧國池州廣德四屬此項棚民有由江廣遷

往者亦有由本省桐城潛山宿松太湖舒城霍

山等處遷往者非盡溫台沿海之人現在均屬

安靖間有鬪狠健訟之徒亦俱隨時隨事嚴行

懲辦不令縱恣今奉

諭旨逐細查察自應欽遵飭辦其棚民較多之處應

即按十戶另設牌甲稽查倘係零星三兩戶雜

在土著之內即歸入附近保甲內照舊辦理務

俾奸民絕迹亦毋任書役藉端滋擾仰副我

皇上除莠安良之至意除飭行藩臬兩司並該府州

實力查辦外謹附片覆

奏伏乞

聖鑒謹

奏

道光四年六月十三日片

奏七月十四日奉到

硃批認真稽查辦理不可有名無實欽此

陶雲汀先生奏疏卷八

撫院稿

三

皖省紳民捐賑額請獎勵摺子

附清軍總督會稿

奏為皖省紳民捐貲助賑請將銀數較多各戶開

單仰懇

恩獎以敦任卹事竊查上年安徽沿江各州縣被水

成災情形甚重節經臣陶澍會同臣孫玉庭奏

蒙

恩旨賑卹臣陶澍於履勘後卽一面出示勸捐率同

本省藩臬道府州縣等捐廉為倡當將辦捐情

形於派員採米摺內聲請照嘉慶十九年捐賑

成案將樂捐人數事竣分別請

陶澍丁先生奏疏卷八 撫皖稿

三

旨賞給議敘頂帶在案旋據各屬陸續具報各紳士

商耆或捐米煮粥或散錢給米或各贍本族或

捐貲修築隄圩或以所捐之銀買米平糶更番

迭運至金盡為止兼有隔屬並非災區如黟縣

太和等處亦聞風捐助解備災區之用其潛山

一縣先後捐銀二萬七千餘兩宣城一縣併衛

籍先後捐銀至九萬餘兩經該令等轉據紳士

稟稱足敷賑用請免動

帑復經臣陶澍會同臣孫玉庭具奏並聲明捐輸

姓名統俟事竣查明照例彙請

旌敘茲各屬辦理捐賑事宜均已完竣通計懷寧桐

城等二十七州縣衛每處所捐多者八九萬兩

少者數千兩至一二萬兩不等災民獲濟不下

百萬餘人現在災黎復業各歸井里且因捐助

施濟鄰黨之間倍形雍睦此皆我

皇上念切如傷

湛恩汪濊

鴻慈所被惟恐一夫不獲卽惟恐一善或遺該紳民

等觀感所孚爭先恐後揆諸周禮勸分之政與

尚書彰善之文義實同符自應彙請

陶澍丁先生奏疏卷八 撫皖稿

三

聖恩獎敘以昭激勸查各屬勸捐紳士如原任知府

王澤原任御史吳賡枚原任同知葉灼等均係

職官不敢仰邀議敘其餘出力紳士尚多均由

臣等飭加獎勵毋庸列請

恩施內有張瑞庚一名係當塗縣廩生前經保舉孝

廉方正接准部咨給予六品頂帶該生前於盛

漲時捐修南門浮橋首先倡捐銀米辦理平糶

最為踴躍查該生居心淳厚文行夙敦可否

賞給訓導補用之處出自格外

天恩又望江縣孀婦甯王氏年老無嗣獨力捐施應

請照例

賞給樂善好施坊額此外捐施各紳民據藩司徐承恩查照嘉慶十九年成案將銀數在千兩以下者照例咨部辦理其在千兩以上者開單詳請具奏前來臣等核查無異謹恭摺會

奏請

旨敕部給與議敘頂帶尚有續捐及行查未到各戶容臣另行咨辦再捐輸助賑銀米均歸實用係各紳士自行經理並未經書吏之手應請免其造冊報銷以歸簡便合併陳明謹

陶雲汀先生奏疏卷八

撫院稿

三

奏

謹將安徽省道光三年被災各屬紳士捐賑在千兩以上開具姓名銀數清單恭呈

御覽

計開

懷寧縣生員姜昌壽捐錢合銀一千兩

桐城縣試用訓導劉宗向捐銀二千兩

原任雲南永昌府劉彰寬捐銀一千五百

兩

監生吳厥華捐銀一千五百兩

候選部主事劉宗齡捐銀一千兩

潛山縣童生王培滋捐銀一千一百兩

童生徐瑄捐銀一千兩

童生石光前捐銀一千兩

監生儲潛發捐銀一千兩

監生儲光綬捐銀一千兩

宣城縣童生貢世哲捐錢合銀二千七百三十

兩

武舉王元勳捐錢合銀一千六百二十五

兩

陶雲汀先生奏疏卷八

撫院稿

三

捐職理問貢達捐錢合銀一千五百七十

五兩

監生後伸捐錢合銀一千四百五十四兩

生員徐兆蘭捐錢合銀一千三百一十二

兩

生員陳明棟捐錢合銀一千一百五十五

兩

監生許鳳五捐錢合銀一千一百兩

監生吳冠實捐錢合銀一千一百兩

監生徐玉實係涇縣人寄居宣城縣捐錢

合銀一千一百兩

監生徐殿臣係涇縣人寄居宣城縣捐錢

合銀一千一百兩

監生翟成德係涇縣人寄居宣城縣捐錢

合銀一千一百兩

監生蘇榮捐錢合銀一千五十兩

監生陳佑啟捐錢合銀一千五十兩

生員陳紀捐錢合銀一千五十兩

監生施澀捐錢合銀一千五十兩

監生施桐捐錢合銀一千五十兩

陶雲汀先生奏疏卷八 撫皖稿

三

涇縣監生丁廷秀捐銀米合共銀一千五百四

十兩

旌德縣捐貢生朱則班捐銀二千五百兩

布經歷銜汪調元捐銀一千五百六十三

兩

州同銜江懋泐捐銀一千兩

民人江懋泐捐銀一千兩

當塗縣孝廉方正張瑞庚捐銀米及捐修浮橋

共合銀二千二百六十三兩

蕪湖縣捐職布理問孫元鍾係休寧縣人寄居

蕪湖縣捐銀一千二百兩

廬江縣前任湖北武昌道章廷樑捐銀併煮賑

共銀五千二百五十兩

候補道章廷榜捐銀併煮賑共銀五千二

百五十兩

監生洪翊贊捐銀一千五十兩

巢縣議敘主簿陳賢淇捐錢合銀一千兩

和州商民朱玉成捐錢合銀三千一百兩

監生張鍾捐錢合銀二千五百兩

捐職布理問陳康捐錢合銀一千兩

陶雲汀先生奏疏卷八 撫皖稿

三

捐職布理問夏卓捐錢合銀一千兩

望江縣孀婦寧王氏捐銀一千一百兩

道光四年六月二十八日具

奏閏七月初七日奉到

硃批該部議奏欽此

附奏省城建造育嬰堂摺片

竊安徽省上年被水成災各屬窮黎因歲歉攜眷謀食中途不無遺棄嬰孩臣仰體

聖主好生之德與藩司徐承恩倡議捐廉於省城北門內擇地建造育嬰堂置列房屋六十餘間招雇乳婦遇有遺棄嬰孩卽行收養緣省垣舊有育嬰堂一所在南門外江岸邊地偏而隘收養無多兼以堂內費用不敷經臣於藩司任內率屬捐買望江縣海京二號歸公洲地以資乳哺之需業經咨部覆准在案茲復與藩司徐承恩

陶雲汀先生奏疏卷八

撫皖稿

三六

議加擴充立定章程以垂久遠一面飭令各屬仿照辦理又傍山沿河各州縣前因江湖漲潰兼山洪驟發浮厝棺骸多遭衝漂當卽飭各地方官設法打撈令各親屬作速認埋其親屬外出者示諭清明爲期一律葬訖屆期無親屬承認者卽購買義地官爲掩瘞俾免暴露嗣據寧國府知府郭承恩稟報所屬宣城縣浮棺經紳民等捐葬四百餘具該府縣同委員通判顏爾楫等復捐置義地續葬八百餘具又南陵縣劉邦鼎率同教諭王熙績及紳民等捐地掩葬五

百餘具又涇縣紳士等捐葬一百餘具又據太平府知府高澤履稟同通判陳萬森率同當塗縣紳士十數人捐貲購地共葬一千六百餘具又蕪湖縣體仁局收葬亦有數百具其餘無爲懷寧宿松望江繁昌含山全椒等暨各州縣稟覆有親屬者飭卽歸葬無親屬者卽官爲捐置義塚亦有紳士捐地掩埋者俱皆遵照辦理一律葬埋完竣所有省城建造育嬰堂收養遺嬰并通飭掩埋浮棺緣由理合附片以

聞謹

奏

陶雲汀先生奏疏卷八

撫皖稿

三七

道光四年六月二十八日附
奏閏七月初七日奉到
硃批知道了欽此

全獲越獄人犯摺子

奏為越獄重囚限內全獲請照例辦理仰祈

聖鑒事竊照安慶府監斬犯馬長會等九名於上年

九月二十七日夜間乘間越獄脫逃當據代理

府照磨楊芳潤追獲陳堂一名並經該府汪恩

移會文武員弁督同該照磨丁役連夜出城追

捕王傑亞閻志高因追迫跳江淹斃張忝行拒

捕卽被格殺首犯馬長會亦據署懷寧縣朱士

達帶同各兵役拏獲經臣審明恭請

王命將馬長會等正法其逃犯鄭添保等四名當委

陶雲汀先生奏疏卷八

撫院稿

奏

潁州府通判王友仁購線偵緝並咨會鄰省督

撫一體飭拏一面會摺參

奏奉

旨代理安慶府照磨候補主簿楊芳潤著革職留緝

限滿能否全獲分別辦理安慶府知府汪恩著革

職留任先行摘去頂帶統限一年緝拏限內全獲

照例辦理逾限不獲卽著革任在逃未獲各犯飭

屬嚴拏務獲毋任一名漏網等因欽此遵復勒催

嚴緝旋據委員王友仁督率安慶府兵役及參

員楊芳潤家丁於十一月十七日在霍邱縣地

方會同該署縣劉溥拏獲鄭添保二十二日緝

至河南固始縣地方會同該縣兵役拏獲陳三

麻孜一併解省又於十一月十八日據委員安

慶府經歷羅煥奎會同豫省鹿邑等縣在勞岡

集地方將逸犯張三旺獲案臣當提鄭添保陳

三麻孜審明正法一面奏

聞並聲明張三旺一犯因長途跋涉恐有疎虞飛咨

河南撫臣就近審辦尚有趙春一名在逃復嚴

行飭緝嗣據該府汪恩具稟本年三月三十日

府役楊文及楊芳潤家丁緝至河南濬縣地方

陶雲汀先生奏疏卷八

撫院稿

奏

協同該縣兵役追捕趙春至衛河北岸該犯被

迫情急跳入河內撈獲業已淹斃等情當經據

稟咨查茲准河南撫臣程祖洛咨覆飭提安慶

府禁卒方華來豫辨認確係趙春屍身照例戮

屍梟示原參各員應由安省查辦等因並據藩

臬兩司具詳請

奏前來查例載斬絞重犯越獄不論名數多寡卽

時題參將管獄官革職拏問有獄官革職留任

如四個月限內不能全獲有獄官仍留任一年

戴罪督緝全獲者自拏獲之日起扣限一年無

過開復等語此案越獄人犯九名經該府汪恩等會督員役當時捕獲五名又於欽奉

諭旨統限一年之內將逃犯四名全行拏獲雖疎防於前尚能愧奮於後安慶府知府汪恩應請照例自拏獲之日起扣限一年無過再行開復其原參摘去頂戴之處可否仰懇

天恩先行給還之處出自

鴻施該參員楊芳潤先經獲犯一名復於留緝限內

將全案逃囚悉數協獲業已革職應毋庸議其首先獲犯及疎防應敘應參各職名容

陶雲汀先生奏疏卷八

撫院稿

單

另行分別核辦所有越獄重囚全獲緣由謹會

同協辦大學士兩江總督臣孫玉庭恭摺具

奏伏乞

皇上聖鑒

訓示遵行謹

奏

道光四年六月二十八日具

奏閏七月初七日奉到

硃批另有旨欽此同日奉到七月十九日內閣奉

上諭陶澍奏越獄重囚限內全獲請照例辦理一摺

安徽安慶府知府汪恩前因府監斬犯越獄革職留任先行摘去頂帶茲據該撫查明此案越獄人犯業經該府等於限內全行拏獲尚知愧奮汪恩著加恩給還頂帶其革職留任之處照例自拏獲之日起扣限一年無過再請開復至首先獲犯及疎防應敘應參各職名著查明分別核辦欽此

陶雲汀先生奏疏卷八

撫院稿

單

據道員代謝摺子

奏為據情代

奏叩謝

天恩事竊臣於本年五月二十四日欽奉

上諭

皇考仁宗睿皇帝聖訓實錄慶成該管提調等官盡心

編輯均屬奮勉可嘉總纂官現任安徽徽州府知

府麟慶著賞加道銜等因欽此欽遵恭錄轉行遵

照茲據徽州府知府麟慶稟稱接奉

恩旨當即恭設香案望

陶雲汀先生奏疏卷八

無號稿

四三

闕叩頭謝

恩伏念麟慶猥以菲材毫無學識前因備員中允得

隨總裁大臣恭輯

仁宗睿皇帝實錄幸廁簪筆之班仰讀

典謨之富

堯文巍煥

舜孝祇承允曠古所獨隆實寸長之未效茲屆

全書告蒞奉

旨賞加道銜聞

命自

天感

恩無地惟有矢慎矢勤黽勉供職以期仰報

皇上高厚鴻慈於萬一所有感激下忱稟請代為

奏謝

天恩等情據此理合據情恭摺代

奏伏乞

皇上聖鑒謹

奏

道光四年六月二十八日具

奏聞七月初七日奉到

陶雲汀先生奏疏卷八

無號稿

四三

硃批知道了欽此



奏摺卷九目錄

撫皖稿

安化陶

謝

保奏辦賑勸捐採米修堤出力各員籲請鼓勵摺子

摺子

附奏撲除蝗蝻仍飭搜捕淨盡摺片

附奏鳳類蝻孽撲捕淨盡摺片

覆奏奉到

御書

劉猛神廟扁額摺子

附奏捕蝗尤為出力各員籲懇鼓勵摺片

陶雲汀先生奏疏卷九目錄

遵

旨出考保舉賢員摺子

附奏訪拏兇徒懲辦摺片

酌改題調知縣併佐雜簡要各缺摺子總督會稿

查明各屬秋禾間被水旱請給口糧摺子

訪獲謀殺一家三命兇犯審擬摺子附片一件

南河堰圩堤工被風掣通委員勘辦被水地方

撫卹情形摺子附片一件

查覆皖省徵收漕糧請循舊章摺子

保奏辦賑勸捐採米修堤出力各員籲請鼓勵摺子

摺子總督會稿

奏為查明皖省辦賑勸捐及採米修堤出力各員

籲懇

天恩陞用甄敘以資鼓勵仰祈

聖鑒事竊照上年五六月間皖省雨水過多山洪陡

發兼以上游江廣川湖之水建瓴而下以致安

慶徽州寧國池州太平廬州和州滁州等屬地

方多被衝決成災之處甚廣甚至田廬漂沒堤

埂全無彌望汪洋儼同澤國節經臣陶澍會同

臣孫玉庭據實奏報仰蒙

聖主賑撫兼施

加恩蠲緩並撥銀採米接濟百數十萬生靈莫不渥

被

鴻慈同登衽席其時災出倉猝各牧令目擊流離頓

增惻隱因事體重大詢之耆民僉云百餘年來

所未經自非各矢天良設法拯救難以悉臻妥

善先經臣陶澍於會奏潛山宣城捐賑案內聲

明各屬中辦災認真出力之員應俟督辦賑務

完竣一併查明另請

恩獎奉

硃批如所請行欽此在案伏思地方官承辦災務乃分內應為之事委員亦係奉公差遣原無勞績可言惟上年水災實異尋常是以陶澍於前次勘災時察看牧令中有難以勝任災區者當即會同孫玉庭分別撤任改委以故人心整刷不敢稍存疎懈茲幸麥收以後雨暘順序早稻將登民心安帖閭閻之間竟似未曾被災叨荷

福慈實深慶忭所有尤為出力各員自應照依前奏

陶澍訂元生奏疏卷九

撫皖稿

二

顯懇

恩施查得現任潛山縣知縣常景周惻惻無華居心誠實勸捐助賑最為得法不特絲毫未動帑項并能於捐賑餘存為修理驛路堤壩及量備渡船橋梁之用實屬經理得宜盡心民事又宣城縣知縣朱錦琮安詳明白能得民心勸捐最多該縣災民十二萬有奇即以捐項散放冬春兩賑又於春賑之後接續散放督築堤圩井井有條又前署懷寧縣霍山縣知縣朱士達勤明諳練有守有為辦理災務撙節周詳竭力勸捐

於省城設立粥廠四處就食男婦幾及三萬自始至終毫無貽悞又蕪湖縣知縣張文鳳人本淳明辦事穩協該縣地居繁要飢民就食者多辦賑外繼以捐施按戶散給實惠及民又署廬江縣知縣涇太縣丞華浩居心慈厚輿情愛戴前署縣篆官聲素好士民間其重來咸樂捐輸煮賑經四月之久諸凡周妥該員本係保舉應陞知縣之員應請同常景周朱錦琮朱士達張文鳳均以應陞之缺請

旨加恩儘先陞用又鳳陽縣主簿屠慕曾來安縣典

陶澍訂元生奏疏卷九

撫皖稿

三

史楊應甲查辦災務并修築無為州江壩實心實力安速蒞功該二員人俱誠實諳悉水利屢次幫辦賑務工程均極出力實為佐雜中得力之員屠慕曾應請以縣丞儘先陞用楊應甲應請以主簿儘先陞用此外辦災出力人員如青陽縣知縣李曉林南陵縣知縣劉邦鼎桐城縣知縣廖大聞銅陵縣知縣孫榮來安縣知縣符鴻旌德縣知縣李復慶署巢縣知縣劉虎文署東流縣知縣時功旃又宣州衛守備蔡廷元又寧國府經歷張金誥安慶府照磨劉珍及宣城

縣訓導楊楷南陵縣教諭王熙績暨買米委員
安慶府同知陳其松六安州州同萬年淳以上
十五員或辦災捐賑或奉委出力均係竭力辦
公不辭勞瘁應請

旨交部從優議敘伏查上年被水三十餘州縣成災
二十四屬大小印委各員共計二百數十人均
能激發天良盡心民瘼茲 臣等擇其尤爲出力
者量請

聖恩鼓勵其餘出力各員容 臣等分別存記隨時獎
勵並據藩臬兩司查詳前來 臣等謹會詞具

陶雲汀先生奏疏卷九

撫院稿

四

奏伏乞

皇上聖鑒謹

奏

道光四年六月二十八日具

奏閏七月初七日奉到

硃批另有旨欽此同日奉到道光四年七月十九日

內閣奉

上諭孫玉庭等奏查明皖省辦賑勸捐及採米修堤
出力各員懇恩陞用甄敘一摺上年安徽省雨水
過多成災之處甚廣經該督撫督率地方官及委

員等認真經理悉臻妥善所有出力各員自應施

恩量予鼓勵著照所請潛山縣知縣常景周宣城

縣知縣朱錦琮前署懷寧縣霍山縣知縣朱士達

蕪湖縣知縣張文鳳署廬江縣知縣涇太縣丞華

浩俱著加恩以應陞之缺儘先陞用鳳陽縣主簿

屠慕曾著以縣丞儘先陞用來安縣典史楊應甲

著以主簿儘先陞用青陽縣知縣李曉林南陵縣

知縣劉邦鼎桐城縣知縣廖大聞銅陵縣知縣孫

榮來安縣知縣符鴻旌德縣知縣李復慶署巢縣

知縣劉虎文署東流縣知縣時功旃宣州衛守備

陶雲汀先生奏疏卷九

撫院稿

五

蔡廷元寧國府經歷張金誥安慶府照磨劉珍宣

城縣訓導楊楷南陵縣教諭王熙績安慶府同知

陳其松六安州州同萬年淳俱著交部從優議敘

以示鼓勵該部知道欽此

附奏撲除蝗蝻仍飭搜捕淨盡摺片

再前據鳳陽懷遠靈璧三縣會稟該三縣接壤之太平岡蘆葦地內生有蝻子當經臣飛飭廬

鳳道戴聰率同知府程懷璟及該州縣文武員弁等督率人夫迅速搜捕附片具

奏欽奉

硃批認真督飭捕除慎勿貽害欽此查該境太平岡

綿長數十里前次蝗蝻猝起經署懷遠縣知縣

尹作翰首先督集民夫二千餘人晝夜撲打掘

坑掩埋靈璧鳳陽兩縣三面會撲該道府率同

陶雲汀先生奏疏卷九 撫院稿

六

文武竭力撲燒併懸賞購捕業已掃除淨盡現

又據該道府轉據宿州具稟六月十七日有飛

蝗過境自東北向南飛去並未停落又於十八

日仍有飛蝗自東北而來停落夾溝等處已會

同員弁兵役登時撲滅淨盡在田禾稼並無傷

損又據蒙城縣具稟於六月十四日飛蝗過境

自東南飛往西北並未停落各等情臣當卽飭

令該道府併派委巡捕樊佩恩等馳往會同各

牧令嚴督鄉農逐細確查倘有遺蝗停落併卽

搜捕淨盡勿許稍存大意貽害田禾以副

宸廑謹

奏

道光四年七月初八日附

奏聞七月十三日奉到

硃批知道了欽此

陶雲汀先生奏疏卷九

撫院稿

七

附奏鳳頰蝻孽撲捕淨盡摺片

再皖北鳳頰一帶前因蝻孽間段萌生業將飭屬撲捕情形先後具

奏在案其懷遠鳳陽靈璧三縣交界之處早經捕盡續後靈璧縣接連江蘇睢寧縣之馬山湖內又有蝻生因湖水較深難於撲打經該署令黃光裕雇鴨四千餘隻連日啖食無遺惟宿州接壤徐州府屬之石相閔賢等處有飛蝗入境隨撲隨至臣在省城率屬徐承恩劉斯媚等於

救建劉猛驅蝗神前虔誠叩禱一面飛飭該道帶同委

員徐湘王澄樊佩恩金鰲等馳赴督捕經盧鳳道戴聰率同宿州知州蘇元璐約集民夫三千餘人挨處撲打罄盡其時該州之灰古堆地方蝻子最多該州蘇元璐分帶民夫馳往但見青蛙無數食蝗全盡又有鳥雀數萬在懷遠西界啄蝗一日而盡叨荷

聖主福慈

神貺昭然彌深欽凜各鄉民夫咸加踴躍該州因蝗已淨盡遂帶同民夫撲入徐屬蕭縣界內不分畛域代為撲捕現在該境官弁兩面合撲計

陶雲汀先生奏疏卷九 撫皖稿 八

日可淨諒不致再有飛蝗攔入又蒙城縣之四堡村亳州之譚家集等處與阜陽鳳臺接界處所間有蝻子萌生均經地方各員隨時捐貲收買撲打無遺惟懷遠鳳陽靈璧三縣前此蝻孽初起時勢甚緊急經該道戴聰稟請就近於關務開款內借銀二千兩分路收買併為民夫掘坑撲捕之費事竣後已由該道暨府縣均勻賠補查各屬蝗蝻現俱淨盡並未損傷禾稼臣仍飭令該道巡歷各屬確切搜查毋許稍留遺孽所有皖省蝗蝻撲捕淨盡緣由謹附片具

奏仰慰宸厯謹奏

道光四年閏七月初十日拜發八月十二日奉到

硃批知道了欽此同日奉到閏七月二十六日內閣奉

於

上諭陶澍奏撲捕蝗蝻情形據稱在省城率屬虔禱

救建劉猛驅蝗神廟並飛飭委員督捕時宿州等處蝻

於

陶雲汀先生奏疏卷九 撫皖稿 九

子最多該道督同州縣分帶民夫馳往一日全盡
神貺昭然覽奏實深欽感朕親書扁額發交該撫
敬謹摹泐製扁在省城

神廟懸掛以答

靈佑欽此同日奉到

御書扁額 神參秉界

陶雲汀先生奏疏卷九

撫院稿

十

覆奏奉到

御書

劉猛神廟扁額摺子

奏為恭摺覆

奏仰祈

聖鑒事道光四年八月十二日齋摺差弁回皖奉到

欽頒劉猛神廟扁額

御書神參秉界四大字臣謹即率同文武跪迎恭設

香案叩頭祇領同日並接到閏七月二十六日

內閣奉

陶雲汀先生奏疏卷九

撫院稿

十一

上諭陶澍奏撲捕蝗蝻情形據稱在省城率屬虔禱
於

敕建劉猛驅蝗神廟並飛飭委員督捕時宿州等處蝻

子最多該道督同州縣分帶民夫馳往一日全盡

神貺昭然覽奏實深欽感朕親書扁額發交該撫

敬謹摹泐製扁在省城

神廟懸掛以答

靈佑欽此欽惟我

皇上念切田功

心殷民瘼金穰預祝

九重塵稼穡之艱

寶墨

親揮五色煥江城之采禮先嗇而迎貓虎薊升則典

繫民依迓田祖以去螟螣桴應則契孚

宸覲伏查

大清會典載

神能驅蝗雍正二年欽奉

諭旨各直省建劉猛將軍廟皖城

神廟向在東門外濱近大江前年為水所圯經

率屬重建遷基於後岸山麓茲以

陶雲汀先生奏疏卷九

撫皖稿

三

神佑載荷

天題謹卽摹泐如式製扁仰

星日之齊輝實叟蒙之同慶幸民和而降之福

帝德攸昭惟謀長以思乃災臣心彌勵除俟扁成擇

吉懸掛

神廟所有接奉

御書敬謹摹泐製扁緣由合先繕摺覆

奏伏乞

皇上聖鑒謹

奏

道光四年八月二十六日具

奏九月二十八日奉到

硃批知道了欽此

陶雲汀先生奏疏卷九

撫皖稿

三

附奏捕蝗尤為出力各員量加鼓勵摺片

查本年安徽省北一帶蝻子滋生所有鳳陽靈璧懷遠亳州蒙城等處均經臣飛飭印委各員立即撲滅懷遠鳳陽靈璧三縣辦理尤速惟有宿州接近徐屬蝗蝻攔入較多仰荷

聖主福庇

神應昭然一時淨盡該州因得以所集人夫撲入隔省地方無分畛域實力捕除罄盡查定例凡有蝗蝻地方文武官弁有能合力搜捕應時撲滅者確查具題等語又查乾隆十八年七月十

陶雲汀先生奏疏卷九

撫皖稿

十四

九日欽奉

上諭嗣後州縣官遇有蝗蝻不早撲除以致長翅飛騰貽害禾稼者均革職鞫問其有用費無多自行捐辦而實能去害利稼者該督撫據實奏請議敘等因欽此欽遵在案茲查鳳穎各屬捕蝗均係該道府率同州縣自行捐辦並未損傷禾稼應行查明照例辦理惟委員一項均係微員雖未出賞捐辦而奔馳往來奮勉從事不辭勞瘁前據該道府稟報業將出力各員分別記功超委內有試用縣丞王澄徐湘試用主簿樊佩恩三人尤為出力

經該司道確查詳請獎敘可否邀

恩准予儘先補用以示鼓勵之處出自

逾格

鴻施合併附陳伏乞

皇上聖鑒謹

奏

道光四年八月二十六日附

奏九月二十八日奉到

硃批另有旨欽此同日奉到九月十四日內閣奉

上諭陶澍奏查明安徽省捕蝗尤為出力之委員懇

陶雲汀先生奏疏卷九

撫皖稿

十五

恩鼓勵等語試用縣丞王澄徐湘試用主簿樊佩恩俱著准其以本班儘先補用該部知道欽此

遵

旨出考保舉賢員摺子

奏為遵

旨保舉出具考語仰祈

聖鑒事接准吏部咨抄道光四年七月十二日內閣奉

上諭直省道府廳州縣人員平日立品居心官聲輿論該督撫見聞所及隨時察看自必知之最悉著各於所屬道府廳州縣中有實在潔已愛民誠心辦公眾口交稱者由該督撫出具切實考語秉公

陶雲汀先生奏疏卷九

撫院稿

二六

具摺保奏數員候朕簡用該督撫務當各矢公忠據實保舉勿許稍有瞻徇冒濫用副朕求賢佐治之至意欽此伏查安徽一省道府廳州縣共計七十餘員頻年以來仰荷

聖主澄敘官方旌別淑慝微臣恪遵

訓誨兢兢釐剔雖不敢謂遂有起色而人心黽勉知

以防檢為重者亦尚不乏人惟是材質不齊有可小用不可大受亦有宜於此不宜於彼者才全德備自古綦難大率才由天分居多德則人力可勉果能精進不已神智自生是有德固不

患無才也惟在實心而已臣所屬各員以州縣

為最多每以此遞相策勵現在如蒙城縣楊忻

南陵縣劉邦鼎體用較優又旌德縣李復慶霍

山縣朱士達鳳陽縣謝時和來安縣符鴻蕪湖

縣張文鳳穎上縣劉耀椿青陽縣李曉林合肥

縣祥齡潛山縣常景周宣城縣朱錦琮宿州蘇

元璐政蹟亦頗有可觀但係州縣應為之事先

勞之後要以無倦未便遽膺特保且州縣陞途

較廣自可酌量人地隨時陞調又糧道鹽道駐

江寧應由督臣就近察看茲臣謹就見聞所及

陶雲汀先生奏疏卷九

撫院稿

二七

於立品居心官聲輿論尤為切實者遵

旨出具考語另繕清單恭

呈

御覽是否有當伏候

皇上聖裁謹

奏

謹將安徽省堪勝保舉各員出具切實考語恭

呈

御覽

廬鳳道戴聰年六十歲浙江進士

人淳正辦事勤明有守有為輿論咸孚可期
重任

安慶府知府汪恩 年五十七歲江蘇進士

老成端重心地淳明堪勝道員之任

道銜潁州府知府麟慶 年三十三歲滿洲進士

年富才明辦事勤幹加以歷練可期重任

六安州知州牛映奎 年五十九歲山西舉人

人淳厚辦事實心潔已勤民輿情愛戴堪勝
道員之任

道光四年九月十一日具

陶雲汀先生奏疏卷九

崑崙稿

末

奏十月初十日奉到

硃批單留覽欽此

附奏訪拏兇匪懲辦摺片

再 臣前次飭屬訪拏兇匪趙四老虎等先後緝
獲五十餘名節次附

奏審擬懲辦並飭此外如有兇盜入境立即嚴拏
究治以絕根株毋許始勤終怠連月以來據鳳
陽縣知縣謝時和稟獲張世陳大陳二王學傳
王學維闕喜孜李吉倉劉正起劉正魁馬禿孜
孫繞孜等十一名訊係疊次劫竊鄰境滁州過
客程世澤等並江蘇東臺縣事主許坤生等家
案內逸犯又據巢縣知縣舒夢齡稟獲吳萬青

陶雲汀先生奏疏卷九

崑崙稿

十九

吳從仲吳從然吳義洪等四名訊據供認曾在
含山等處糾搶婦女嚇詐錢文不諱吳萬青於
圍拏時持刀拒捕當被差保格傷旋即身死又
據署懷遠縣知縣尹作翰詳報該縣訪有船婦
胡鈕氏及其幼女轉姐雇工蘇四被人謀害並
將鈕氏之媳趙氏賣給定遠人趙姓隨密提趙
氏到案訊明胡鈕氏等三命係被鈕四胡二撩
入河內淹斃該氏被鈕四強姦後轉賣與趙金
城為妾當即會同穎上五河等縣先後拏獲胡
二鈕四究出鈕四在淮河駕船見趙氏少艾起

意佔奪商同水手胡二將胡鈕氏蘇四用酒灌
醉暨其幼女轉姐一併倒撩入河淹死鈕四持
刀將趙氏嚇禁姦污轉賣屬實又據太和縣稟
獲聽從孫牛等在豫省行劫之辛四高二卽瞎
眼刀解歸淮寧縣審辦有睢寧差役協獲又據
宿州壽州歙縣五河暨懷遠鳳陽等屬獲犯趙
長義楊二元鄭崑山吳順德程元張小四孔保
僮攷葉六幅攷馬亮穆洪元等詳稟究審以上
各犯或係極兇巨盜或係棍徒梟匪除分別提
審嚴行究辦外臣仍飭各屬實力查拏期於有

陶雲汀先生奏疏卷九

撫院稿

三

犯必獲勿稍懈弛以靖地方合併附片以

聞謹

奏

道光四年十月初一日拜發十一月初一日奉
到

硃批知道了欽此

酌改題調知縣併佐雜簡要各缺摺子總督會
稿
奏爲酌改題調知縣併佐雜簡要各缺以歸覈實
而重地方仰祈

聖鑒事竊照知縣繁要各缺例應分別題調俾治理
得人各適其宜向例應調知縣出缺於現任人
員內揀選調補不准以應陞人員題陞其並無
題缺省分及題缺僅止二三者亦准以應陞人
員題請陞用其有應題出缺只准以應陞人員
題陞概不准以初任試用人員請補誠以治理
必資練達之才而揀用尤貴人地相宜也現在
定例應調出缺必於現任人員內揀調如現任
實無堪調之員准於候補人員內揀補不准以
佐貳請陞應題出缺先儘候補正途題補如正
途無人方准以佐雜題陞其候補一項無論何
項出身凡有應歸候補者俱爲正途等語是遇
有題調出缺自應於現任及候補人員內分別
揀調題補惟是地方情形不一人材優絀不齊
必須因才任使方克收治理之效免致貽悞地
方是以

國家定制如人地實在相須卽與例稍有未符准

督撫專摺

奏請於限制之中仍寓變通之道立法實為盡善
茲查安徽省懷寧縣知縣係衝繁難兼三要缺
於乾隆十三年議定在外揀選題補查該縣地
當省會水陸交衝為通省州縣領袖時有發審
案件且附郭僅止一縣較之尋常要缺政務尤
為殷繁非精明歷練賢能兼擅之員不足以資
治理必須於通省現任人員內揀選調補檢查
嘉慶元年以後歷次出缺均以現任人員
奏請調補並無以應陞人員題陞之案是該縣之

陶雲汀先生奏疏卷九

恭疏稿

三

為題缺係屬有名無實又靈璧縣知縣係沿河
兼三要缺本係在外揀選題補嗣於嘉慶十九
年奉部定為調缺查皖省沿河沿湖知縣除靈
璧盱眙要缺外並無沿河中簡之缺無可揀調
各屬現任人員堪膺繁劇而又兼諳河工者實
難其人臣等酌核地方情形往返札商應請將
懷寧縣知縣改為調缺於對品現任人員內揀
選請調靈璧縣知縣改為題缺先儘候補知縣
人員擇其才堪繁劇兼諳河務者題請補用如
候補知縣內實無人地相宜之員似應量為變

通於曾經保薦應陞人員內揀選賢能題請陞
補仍遵人地相須之例於疏內分晰聲明恭候
聖裁如此則題調名實相符而因才任使不拘一途
亦足收治理得人之益再懷寧縣典史一缺本
係選缺惟地處省會其所管監獄不止本邑罪
囚凡各屬解省審轉併提省發審案犯均須分
發監禁人數眾多迥非外縣囹圄可比一切稽
查防範尤關緊要實非初任人員所能勝任應
請改為要缺於現任對品人員內揀選調補惟
選缺改調應以調缺改抵安省典史並無調缺

陶雲汀先生奏疏卷九

恭疏稿

三

惟有舒城縣曉天鎮巡檢向係調缺該處地非
衝要並無餉鞘及遞解人犯事件居民亦不甚
多易於稽查彈壓應請改為選缺一轉移間各
得其宜洵於公務有裨據藩臬兩司會詳前來
臣等因慎重地方起見謹會同河臣張文浩合
詞恭摺具

奏伏乞

皇上聖鑒訓示

敕部議覆施行謹

奏

道光四年十月二十一日具

奏十一月二十一日奉到

硃批吏部議奏欽此 部議覆准

陶雲汀先生奏疏卷九

撫院稿

三

查明各屬秋禾間被水旱請給口糧摺子

奏為查明安省本年秋禾間被水旱勘不成災各

屬情形恭摺籲懇

天恩緩徵錢漕銀米並請

賞給口糧仰祈

聖鑒事竊照安徽省各屬本年二麥均屬有收秋成

亦稱中稔惟鳳陽泗州二府州屬因秋間連得

大雨兼之啟放天然峯泰龍虎十八里屯等開

壩減黃下注以致河湖漫溢低窪田地被水淹

浸廬州府屬之巢縣高岡田禾間被旱傷據各

陶雲汀先生奏疏卷九

撫院稿

三

屬先後稟報經 臣 飭司委員分赴該州縣會同

確切查勘業於閏七月八月

奏報雨水情形摺內陳明勘辦在案茲據印委各

員週歷查勘宿州靈璧鳳陽懷遠泗州盱眙鳳

臺五河天長壽州定遠等州縣濱臨河湖低窪

田畝各被水淹其中五河一縣高岡田地兼有

缺雨之處又巢縣高田亦因缺雨歉收均係勘

不成災統計宿州靈璧二州縣情形稍重鳳陽

懷遠泗州盱眙鳳臺五河天長壽州定遠巢縣

等十州縣情形較輕其鳳陽長淮泗州三衛坐

落各州縣屯田均與民田相同以上各州縣衛應請緩徵錢漕併分別

賞給口糧等情由藩司徐承恩核明詳請具

奏前來 查本年安省被水被旱州縣各止一隅

中之一隅惟宿州靈璧二州縣及屯坐各衛係

連年積歉之區戶鮮葢藏誠恐隆冬沍寒之際

口食維艱合無仰懇

聖主格外恩施俯將宿州勘不成災較重之界河集

等六十五集靈璧縣三村里等六十一里集及

屯坐各衛乏食貧黎於隆冬

陶雲汀先生奏疏卷九

撫院稿

三

賞給一月口糧俾資接濟所有勘不成災之宿州靈

璧鳳陽懷遠泗州盱眙鳳臺五河天長壽州定

遠巢縣等十二州縣及屯坐鳳陽長淮泗州三

衛被水被旱田地本年應徵新舊一切丁地省

外衛屯衛米麥豆折及災借籽種口糧驛站俸

工學租河帑等項錢糧均請照例緩俟來年秋

成後啟徵其未經被水被旱之成熟村莊應徵

本年新賦及帶徵節年災緩舊欠各項錢糧應

請照常徵輸內宿州五河天長靈璧巢縣等五

州縣連年疊被災傷本係積歉之區民情困苦

今復被水被旱雖將勘不成災田地照例停緩

而成熟田地新舊錢漕銀米若令一律催徵民

力實有不逮除天長五河巢縣三縣請將道光

三年災緩錢糧漕米等項隨同本年新賦照常

徵輸外其天長五河二縣應帶徵嘉慶二十三

四五等三年及道光元二兩年積欠災緩錢糧

等項又巢縣嘉慶二十四五兩年及道光元年

舊欠民衛錢糧及屯學等租隨同本年被水被

旱各堡一併遞緩至來年秋後啟徵又宿州請

將道光二年被災之相義等八十二集應徵道

陶雲汀先生奏疏卷九

撫院稿

三

光二年初限銀米及開縣等集應徵道光元年

舊欠銀米隨同本年新賦照常徵輸其餘相義

等八十二集應徵道光元年銀米同通境嘉慶

二十五年緩欠錢糧請緩至道光六年帶徵嘉

慶二十三四年銀米請緩至道光五年帶徵又

靈璧縣請將成熟各里集應徵本年丁漕銀米

照常徵輸其應徵嘉慶二十三四五等年及道

光元二三等年各項錢糧銀米請緩至來年秋

後啟徵各衛屯田悉照坐落州縣一律辦理其

勘不成災之宿州靈璧鳳陽懷遠泗州盱眙鳳

臺五河天長壽州定遠巢縣等十二州縣並屯坐鳳陽長淮泗州三衛本年應徵漕糧漕項銀米並帶徵節年舊欠災緩之項俱請分別展緩漕項銀兩緩至來年麥熟後啟徵漕糧緩至來年秋成後啟徵與道光五年新漕一併搭運其勘不成災各屬成熟田地應徵漕糧漕項銀米俱請照常徵輸內天長五河巢縣三縣請將道光三年災緩銀米隨同本年新賦照常徵輸外其天長五河二縣應帶徵嘉慶二十三十四五等年及道光元二兩年積欠災緩銀米又巢縣嘉慶二十四五及道光元年舊欠銀米隨同本年

陶雲汀先生奏疏卷九 撫皖稿

三

被水被旱各堡一併遞緩至來年秋後啟徵又宿州請將道光二年被災之相義等八十二集應徵道光二年初限銀米及開縣等集應徵道光元年舊欠銀米隨同本年新賦照常徵輸其餘相義等八十二集應徵道光元年銀米同通境嘉慶二十五年舊欠銀米請緩至道光六年帶徵嘉慶二十三四年銀米緩至道光五年帶徵又靈璧縣請將成熟各里集應徵本年丁漕銀米照常徵輸其應徵嘉慶二十三十四五等三

年及道光元二三等三年銀米緩至來年秋後啟徵又泗州請將舊虹鄉熟田應徵道光元二三等三年漕米隨同本年新賦照常徵輸外其餘嘉慶二十三十四五等三年漕米緩至來年秋成後帶徵至各衛被災屯田悉照坐落州縣一律辦理又勘不成災之宿州靈璧鳳陽懷遠泗州盱眙鳳臺五河天長壽州定遠巢縣等十二州縣並鳳陽長淮泗州三衛屯運田地額徵本年津貼銀兩同節年舊欠災緩津銀應請緩至來年麥熟後啟徵以紓民力惟現屆冬令為時

陶雲汀先生奏疏卷九 撫皖稿

三

已迫 臣 仰體 聖主惠愛黎元有加無已之至意已飭藩司將請賞口糧之宿州靈璧二州縣乏食民屯戶口督令印委各員趕緊確切查明毋稍遺濫以期早沾恩惠不令一夫失所再據藩司詳稱無為繁昌桐城潛山和州當塗含山亳州等八州縣並寧國旌德太平涇縣四縣均係上年被水成災及勘不成災之屬本年秋季成雖有六七分不等究非十分豐足兼有歷被災傷之區今據該州縣各按地方情形稟請將各年銀米分別展緩前來查

係實在情形應請將無爲繁昌和州當塗含山五州縣應徵道光三年初限錢漕及節年帶徵加津銀兩隨同本年新賦徵收外其餘無爲繁昌和州含山四州縣道光二年以前舊欠又當塗縣道光元年以前舊欠各項銀米均請遞緩至來年秋成後再行徵收又潛山縣吳塘堰等十二里堡帶徵道光三年以前災緩錢漕銀米遞緩至來年秋後徵收其餘各保應徵道光三年以前銀米及節年舊欠隨同本年新賦一律徵收又桐城縣帶徵嘉慶二十四五兩年漕南等米遞緩至來年秋後徵收其道光三年初限漕南等米及節年舊欠隨同本年新賦一律徵收又亳州應徵嘉慶二十三年及道光二三年各項銀米并二十五年漕糧隨同本年新賦照常徵收其嘉慶二十四五年及道光元年舊欠錢糧緩至來年秋後徵收又寧國旌德太平三縣漕糧向係民折官辦自上年濱江各屬同時被災之後不惟本境民力不逮兼恐採買維艱應請將道光三年原緩漕米自本年秋成起分作兩年帶徵又涇縣麥秋兩季均非豐稔所

陶雲汀先生奏疏卷九

無曉稿

三

有道光三年原緩漕米亦請自本年秋成起分作兩年帶徵以紓民力等情臣覆加確核均屬實在情形應請一律分別遞緩帶徵俾民力益增舒展至勘不成災各州縣衛來春青黃不接之時是否應行調劑容臣察看情形另行具奏所有查明各屬被水被旱勘不成災請旨分別辦理緣由理合恭摺具奏伏乞皇上聖鑒訓示施行謹

陶雲汀先生奏疏卷九

無曉稿

三

奏

道光四年十月二十一日拜發十一月二十一日奉

日奉

硃批另有旨欽此同日奉到道光四年十一月初七日內閣奉

上諭陶澍奏查明秋禾間被水旱勘不成災各屬情形一摺安徽省本年被水被旱州縣各止一隅中之一隅惟宿州靈璧二州縣及屯坐各衛係連年積歉之區口食維艱加恩著照所請將宿州界河集等六十五集靈璧縣三村里等六十一里集及

屯坐各衛乏食貧民於隆冬賞給一月口糧俾資接濟所有勘不成災之宿州靈璧鳳陽懷遠泗州盱眙鳳臺五河天長壽州定遠巢縣等十二州縣及屯坐鳳陽長淮泗州三衛被水被旱田地本年應徵新舊一切丁地省外衛屯衛米麥豆折及災借籽種口糧驛站俸工學租河帑等項錢糧均緩俟來年秋成後啓徵其未被水旱成熟村莊應徵本年新賦及帶徵節年災緩舊欠各項錢糧仍照常輸納內宿州五河天長靈璧巢縣等五州縣連年被災今復被水被旱雖將勘不成災田地照例

陶雲汀先生奏疏卷九

撫院稿

三

停緩而成熟田地新舊錢漕銀米若令一律催徵民力實有不逮除天長五河巢縣三縣將道光二年災緩錢糧漕米等項隨同本年新賦照常徵輸外其天長五河二縣應帶徵嘉慶二十三四五等三年及道光元二兩年積欠災緩錢糧等項又巢縣嘉慶二十四五兩年及道光元年舊欠民衛錢糧並屯學等租隨同本年被水被旱各堡一併遞緩至來年秋後啓徵宿州道光二年被災之相義等八十二集應徵道光二年初限銀米及開縣等集應徵道光元年舊欠銀米隨同本年新賦照常

徵輸其餘相義等八十二集應徵道光元年銀米同通境嘉慶二十五年緩欠錢糧著緩至道光六年帶徵嘉慶二十三四年銀米緩至道光五年帶徵靈璧縣將成熟各里集應徵本年丁漕銀米照常徵輸其應徵嘉慶二十三四五等年及道光元二二三等年各項錢糧銀米緩至來年秋後啓徵各衛屯田悉照坐落州縣一律辦理勘不成災之宿州靈璧鳳陽懷遠泗州盱眙鳳臺五河天長壽州定遠巢縣等十二州縣並屯坐鳳陽長淮泗州三衛本年應徵漕糧漕項銀米暨帶徵節年舊欠災

陶雲汀先生奏疏卷九

撫院稿

三

緩之項俱分別展緩漕項銀兩緩至來年麥熟後啓徵漕糧緩至來年秋成後啓徵與道光五年新漕一併搭運其勘不成災各屬成熟田地應徵漕糧漕項俱照常徵輸內天長五河巢縣三縣將道光三年災緩銀米隨同本年新賦照常徵輸外其天長五河二縣應帶徵嘉慶二十三四五等年及道光元二兩年積欠災緩銀米又巢縣嘉慶二十四五年及道光元年舊欠銀米隨同本年被水被旱各堡一併遞緩至來年秋後啓徵宿州道光二年初限年被災之相義等八十二集應徵道光二年初限

銀米及開縣等集應徵道光元年舊欠銀米隨同本年新賦照常徵輸其餘相義等八十二集應徵道光元年銀米同境嘉慶二十五年舊欠銀米著緩至道光六年帶徵嘉慶二十三四年銀米緩至道光五年帶徵又靈璧縣成熟各里集應徵本年丁漕銀米照常徵輸其應徵嘉慶二十三四五等年及道光元二三年銀米緩至來年秋後啓徵又泗州舊虹鄉熟田應徵道光元二三年漕米隨同本年新賦照常徵輸外其餘嘉慶二十三四五等年漕米緩至來年秋後帶徵各衛被災屯

陶雲汀先生奏疏卷九

撫院稿

三

田照坐落州縣一律辦理勘不成災之宿州靈璧鳳陽懷遠泗州盱眙鳳臺五河天長壽州定遠巢縣等十二州縣並鳳陽長淮泗州三衛屯運田地額徵本年津貼銀兩同節年舊欠災緩津銀著緩至來年麥熟後啓徵又無爲繁昌和州當塗含山五州縣應徵道光三年初限錢漕及節年帶徵加津銀兩隨同本年新賦徵收外其餘無爲繁昌和州含山四州縣道光二年以前舊欠並當塗縣道光元年以前舊欠各項銀米均遞緩至來年秋成後啓徵潛山縣吳塘堰等十二里保帶徵道光三

年以前災緩錢漕銀米遞緩至來年秋後啓徵其餘各保應徵道光三年以前銀米暨節年舊欠隨同本年新賦一律啓徵又桐城縣帶徵嘉慶二十四五兩年漕南等米遞緩至來年秋後啓徵其道光三年初限漕南等米及節年舊欠隨同本年一律啓徵亳州應徵嘉慶二十三年及道光二三年兩項各項銀米併二十五年漕糧隨同本年新賦照常徵收其嘉慶二十四五年及道光元年舊欠錢糧緩至來年秋後啓徵寧國旌德太平三縣漕糧道光三年原緩漕米涇縣道光三年原緩漕米均

陶雲汀先生奏疏卷九

撫院稿

三

自本年秋成後分作兩年帶徵以紓民力該部知道欽此

附奏截止流攤核實款日摺片

再臣查安徽從前清查案內各員應完虧項向俱勒追本員自行完繳司庫隨時報撥其流抵流攤各款應歸本款銀兩係由現任之員查扣追解查流抵之款本係以款抵款尙難淆混至於流攤之款係應後任分年攤認往往託故遷延更有取巧之員因前任流攤遂亦立爲攤案轉攤後任以抵其應攤前任之款展轉效尤愈積愈多非特原款歸補無期並交代案內亦多虛款作抵此從前之所以膠葛也是以臣於上

陶雲汀先生奏疏卷九

撫皖稿

三

年辦理六次清查首先截止流攤減定捐款不准以什物等項作抵流交其已入五次清查案內攤捐各款總以銀兩解交司庫者登爲完數其交代案內僅以虛款作抵而銀未解司者概不列入完數以歸核實並飭此後銀兩一概解司不得混列存庫字樣以杜取巧作弊之端並欽奉

上諭嗣後交代各款總以現在清查核定數目爲準等因欽此欽遵在案從此糾轉全清祇須按限著追自可漸歸完善現在皖省初限人員均已一

律完繳倘後有執五次以前交代舊案飾詞糾

繞及以從前虛抵之款捏爲已交銀兩藉詞狡宕者定當執法嚴參懲辦以期錢糧歸於核實一流虛巧作偽之習俾劣員無可藉口而追款不致虛懸矣所有按限著追緣由合併附片具奏伏乞

聖鑒謹

奏

道光四年十二月初三日奉到

硃批秉公辦理斷不可爲劣員所愚欽此

陶雲汀先生奏疏卷九

撫皖稿

三

訪獲謀殺一家三命兇犯審擬摺子 附片一件
奏為訪破謀殺一家三命強姦婦女重案將首兇
及同謀加功各從犯全行拏獲審明照例辦理
仰祈

聖鑒事據署懷遠縣知縣尹作翰稟詳該縣於道光
四年正月十八日抵任訪有民婦胡鈕氏及其
女轉姐雇工蘇四等在船被人謀害並將其媳
胡趙氏賣給趙姓之事隨訪得胡趙氏在定遠
縣人趙金城家內密提到案據趙氏供出胡鈕
氏等三命係被鈕四胡二倒撩入河淹斃鈕四

陶雲汀先生奏疏卷九

撫院稿

奏

復將該氏強姦賣與趙金城為妾等語當獲趙
氏之兄趙四訊認與鈕四等同謀並未加功又
會同賴上五河等縣先後將胡二鈕四拏獲究
出鈕四因圖佔趙氏起意商同胡二等將胡鈕
氏等致死嚇逼趙氏成姦轉賣屬實勘明被害
處所水深一二丈不等飭差打撈屍骨因溜急
漂失日久無從撈驗等情 臣以案關重大批飭
該署縣押犯來省委據安慶府知府汪恩等督
同審明按律定擬由臬司劉斯媚解勘前來 臣
親提犯証逐一研鞫緣鈕四籍隸鳳陽縣胡二

陶雲汀先生奏疏卷九

撫院稿

奏

籍隸五河縣趙四籍隸泗州鈕四趙四向在淮
河合夥捕魚度日雇胡二在船幫工趙四之妹
趙氏經其父趙茂升許與賴上縣民婦胡鈕氏
之子胡萬幅為妻過門童養因胡萬幅在家染
患癆症尙未成婚胡鈕氏向駕划船營生帶同
趙氏及幼女轉姐雇工蘇四在懷遠縣河下攬
載生意其母家夫家與鈕四胡二俱不同宗道
光二年六月間趙茂升夫婦先後物故趙四以
胡萬幅係屬病軀意欲將其妹趙氏另許圖得
聘禮曾向鈕四等談及七月二十九日傍晚胡
鈕氏船隻在懷遠縣七里廟河下停泊並無鄰
船鈕四遇見趙氏少艾憶及趙四前有將妹另
許之語欲搶為妻向趙四相商趙四恐胡鈕氏
控告未允鈕四即起意將胡鈕氏母女並雇工
蘇四致死滅口央胡二趙四相幫胡二等先未
允從鈕四許將胡鈕氏船隻賣錢給與胡二並
許給趙四財禮銀三十兩胡二趙四貪利應允
約定是夜下手一更時分趙四在岸上瞭望鈕
四與胡二偕至胡鈕氏船上適蘇四酒醉踉在
船旁出恭鈕四乘勢將其推入河內胡鈕氏見

而喊嚷鈕四與胡二卽倒提胡鈕氏兩腿拖入河內時轉姐與趙氏睡在後艙趙氏卽起身喊救胡二又進艙搶抱轉姐撥入河心與胡鈕氏蘇四均各淹斃趙氏不依哭喊鈕四持刀嚇禁將船開至僻處趙四先已走避胡二亦卽上岸當晚鈕四強逼趙氏成姦旋將胡鈕氏原船賣與靈璧縣人顧咬孜得錢給與胡二趙氏因伊姑等被害時在船上吵鬧鈕四恐事敗露隨將趙氏帶至定遠縣地方捏稱孀居弟媳憑媒柏尙高賣與趙金城爲妾得錢花用臨行時鈕四

陶雲汀先生奏疏卷九

撫院稿

早

向趙氏嚇稱如說出真情被人退回定行殺死趙氏因鈕四兇惡恐遭毒手不能爲伊姑等伸冤勉強隱忍希圖遇見素識之人通知夫家首告旋經署懷遠縣知縣尹作翰訪聞密提趙氏到案供出各兇姓名先行稟報嗣據獲犯訊認並起獲胡鈕氏原船給主認領錄供通詳提省屢審據各供悉前情如繪詰無另有同謀加功之人臣以謀斃三命屍身無獲恐有不實不盡復向研究不特胡趙氏指証確鑿胡二趙四供認不諱卽該犯鈕四亦自認將胡鈕氏等三人

撥入河內淹斃屬實其屍骨委因水深溜急日久漂失無存且胡鈕氏等原船業已起獲認明其爲鈕四等致死毫無疑義查律載殺一家非死罪三人者凌遲處死注云同居雇工人皆是爲從加功者斬注云不加功者依謀殺人律減等又載謀殺人從而不加功者杖一百流三千里又例載殺一家三命以上兇犯審明後依律定罪一面奏

問一面恭請

王命先行正法各等語此案鈕四欲搶胡鈕氏之媳

陶雲汀先生奏疏卷九

撫院稿

早

趙氏爲妻輒起意商同胡二趙四將胡鈕氏轉姐蘇四三人一併致死復將趙氏強姦轉賣實屬兇淫不法查胡鈕氏轉姐係屬母女蘇四係胡鈕氏同居雇工應以一家論鈕四合依殺一家非死罪三人者凌遲處死律應凌遲處死臣於審明後卽照例先行恭請

王命飭委臬司劉斯媚臣標中軍參將湯占先督同文武將該犯鈕四綁赴市曹凌遲處死訖仍飭傳首犯事地方示衆以昭炯戒胡二聽從鈕四在場加功合依殺一家三人爲從加功者斬律

擬斬立決先行刺字留禁省監趙四聽從同謀並未加功合依不加功者依謀殺人律減等謀殺人從而不加功者杖一百流三千里律擬杖一百流三千里到配折責安置胡趙氏被鈕四嚇逼姦污嫁賣希圖為伊姑胡鈕氏等伸冤暫時隱忍迨經到官即行供明指拿逃兇全獲並非忘讎應與不知情之娶主趙金城及買船之顧咬孜均毋庸議趙金城等並免提質鈕四訊無妻子財產媒人栢尙高業已病故亦無庸議胡二所得船價飭追給主趙氏給屬領回胡鈕

陶雲汀先生奏疏卷九

撫院稿

三

氏等屍骨漂失無存免其撈驗所有罪應斬決之胡二係賴上縣知縣劉耀椿首先拏獲例應議敘相應聲明聽候部議其首犯鈕四係署五河縣知縣黃應昫首先訪獲惟係該縣前署懷遠縣任內之事功過相抵毋庸議敘該兇匪等均係營縣協獲失察職名請免查叅除供招咨部查核外合將審擬緣由恭摺具

奏伏乞

皇上聖鑒

敕部議覆施行謹

奏

道光四年十一月十八日具

奏十二月十七日奉到

硃批刑部速議具奏欽此

陶雲汀先生奏疏卷九

撫院稿

四

再皖省鳳潁泗三屬濱近淮河之處間多荒僻
匪徒最易潛蹤節經臣督飭沿河各州縣隨時
嚴密查拏以期有犯必獲茲署懷遠縣知縣尹
作翰甫經抵任即訪破從前胡鈕氏等三命被
害重案並訪得屍媳胡趙氏蹤蹟密提到案訊
明各兇鈕四等姓名會同速獲究出實情使全
案匪兇不致漏網三命沉寃得以昭雪實屬勤
能明幹兼查該員自署事以來勸修水利查拏
匪棍輿情翕然實能除莠安良現當整飭捕務
之際相應仰懇

陶雲汀先生奏疏卷九 撫皖稿 呈

皇上天恩

俯准將前署懷遠縣事現補望江縣知縣尹作翰交
部從優議敘以示鼓勵俾各屬知所激勸於緝
捕更為得力謹附片請

旨伏乞

聖鑒訓示謹

奏

道光四年十一月十八日具

奏十二月十七日奉到

硃批另有旨欽此同日奉到道光四年十二月初三

日內閣奉

上諭陶澍奏知縣緝捕出力懇請鼓勵等語安徽望
江縣知縣尹作翰於前署懷遠縣任內訪獲謀害
三命重案內各犯究出實情使兇徒不致漏網尚
屬勤能尹作翰著交部從優議敘以示鼓勵該部
知道欽此

陶雲汀先生奏疏卷九 撫皖稿 呈

南河堰盱堤工被風掣通委員勘辦被水地方
撫卹情形摺子 附片一件

奏為南河堰盱堤工猝被風暴掣刷安徽之盱眙
天長縣境間有被淹之處現在委員查勘幫辦
撫卹情形恭摺具

奏仰祈

聖鑒事 前據盱眙縣稟報十一月十一十二日風暴
異常高逾之十三堡及山盱之息浪菴五壩橋
等處均有刷掣過水處所幸山盱缺口地近五
壩向係洩水之區縣境人民田廬均無損傷惟

陶雲汀先生奏疏卷九

撫皖稿

吳

石工被風浪撞擊殘破可虞等情當飭該縣周
士鈺幫同河員竭力防守旋准督 臣 咨會高逾
十三堡等處堤工損破業經由驛具

奏惟該境居民被水間多奔避南岸接近盱眙之
蔣家壩一帶現已委員馳往撫卹並盱眙天長
境內亦有被水之處等語 臣 查此次高堰堤工
塌卸淮揚所屬猝被水淹誠恐災民避入泗屬
境內多有失所未便稍分畛域自應設法安置
兼之盱眙天長地段間在五壩下游此時田禾
雖已登場而居民被水遷移不無勞損該二縣

接近淮揚為安徽東北邊境距省幾及千里驛
路難通 臣 已飭藩司即日遴委同知張鳳翽帶

同委員劉德紳林甘霖楊士琳等星飛馳往並
札廬鳳道戴聰泗州知州豐紳圖馳赴該境督
同查勘如有應需撫卹之處自就近在鳳陽關
為安頓以奠災區仰副

宸厪所有委員勘辦被水地方併幫辦撫卹情形理
合恭摺具

奏伏乞

陶雲汀先生奏疏卷九

撫皖稿

吳

皇上聖鑒謹

奏

道光四年十二月初五日具

奏五年正月初七日奉到

殊批另有旨欽此同日奉到道光四年十二月十九
日內閣奉

上諭陶澍奏委員查勘被淹地方幫辦撫卹一摺安
徽省盱眙天長等縣境接近高堰因堤工塌卸猝
被水淹災民多有失所自應設法安置茲據該撫
委員前往查勘著飭令認真經理如有應需撫卹

之處准其就近在鳳陽關庫項下動支借給俟事竣由司庫解還歸款務使窮黎均霑實惠毋任虛言欽此

陶雲汀先生奏疏卷九

撫院稿

吳

再臣正拜摺間接據天長縣知縣陶登瀛稟報十一月十六日後縣境因高郵湖水漫入沿河各鎮圩田間有被淹居民遷移高岡搭棚栖止尙未損傷人口現在置備餅餠分運散給以資餬口幸二十三日後水已稍緩二十六日後漸次消落連日督率農佃趕緊設法宣洩俟逐細查看再行具稟等語臣查該境在五壩下游爲湖水必經之區被淹較易現經該縣搭棚給餠水勢漸退人口並無傷損惟圩田被淹轉瞬東作方興尤關係要盱眙地勢情形亦復相等有無應需接濟之處統俟該道暨委員等確切查覆另行

陶雲汀先生奏疏卷九

撫院稿

吳

奏辦外台先附片以

聞謹

奏

同日奉到

硃批知道了欽此

查覆皖省徵收漕糧請循舊章摺子
奏為遵

旨查明安徽省徵收漕糧請仍循舊章辦理恭摺覆
奏仰祈

聖鑒事道光四年九月二十五日接准戶部咨奉

上諭御史陳肇奏請飭禁徵收錢漕積弊一摺各省
漕務積弊相沿土豪蠹役壟斷把持遂有以完作
欠之弊又收漕時委員以查漕為名實為調劑候
補人員起見不過勒索陋規均不可不嚴行飭禁
著各省督撫嚴飭所屬州縣每季徵收完解時將

陶雲汀先生奏疏卷九

撫皖稿

五

實欠花戶姓名送該管道府用印仍發回本地張
貼如有以完作欠者許該花戶指控究辦其各省
查漕委員概行停止毋許仍沿積習至該御史奏
按鄉分徵一條據稱州縣開倉三五日即封厥折
價所完者皆包攬之戶遠鄉窮民守候苦累另行
折價完納轉致拖欠嗣後州縣收漕時預貼告示
計日按鄉分徵並令每日辰開酉封是否可行著
有漕各省督撫查明妥議具奏欽此當經 臣 恭錄
檄行藩司糧道通飭查議茲據藩司徐承恩署
江安糧道朱潢會議得安徽省各州縣徵收錢

糧自

奏定分忙截數之後每屆停徵由該管道府提齊
申根徵冊詳加稽核花戶完欠本可按冊而稽
惟胥吏有無私收侵用尚難稽核今欽奉

諭旨飭令嚴飭所屬州縣每季徵收完解時將實欠
花戶姓名送該管道府用印仍發回本地張貼
如有以完作欠者許該花戶指控究辦則花戶
之完欠無不家喻戶曉倘有胥吏侵收即可立
時查究實為整飭催科杜漸防微之良法自應
遵奉

陶雲汀先生奏疏卷九

撫皖稿

五

諭旨嚴飭所屬欽遵辦理至應徵漕米均係州縣親
自駐倉徵收照額交幫兌運安徽省向不委員
分查尚無以查漕為名勒索陋規情事第恐日
久弊生亦應欽遵

諭旨永禁委員以杜流弊惟按鄉分徵一條查州縣
建設漕倉各在通境適中之地便民輸納向視
額徵米數多寡按戶散給由單於十月底或十
一月初開倉至十二月中封閉計有四五十日
為期甚寬歷係辰刻開收薄暮封閉並無擁擠
之虞凡花戶運米到倉無分遠近均係隨到隨

收亦無守候之累無從勒措留難每屆開倉均由藩司給發告示嚴禁包攬飭令花戶親自赴倉完納不許私折代交歷久相安官民稱便若令預貼告示計日按鄉分徵在急公花戶於應納

天庾正供自必爭先償運以待屆期交納疲玩之戶勢難必其循序而來況時值隆冬雨雪凍阻事所常有設輸徵之戶屆期不能趕到則先至者轉不免於守候並恐胥吏人等藉此措難需索轉致滋生事端應請仍照舊章辦理較為妥善

陶雲汀先生奏疏卷九

撫院稿

五

等情議詳前來臣覆加查核所議係屬實在情形理合會同大學士兩江總督臣孫玉庭漕運總督臣魏元愷合詞恭摺覆

奏伏乞

皇上聖鑒謹

奏

道光四年十二月初五日具

奏五年正月初七日奉到

硃批知道了欽此

奏摺卷十目錄

撫院稿

安化陶澍

查辦盱眙天長被水情形請給口糧摺子

奏報琉球國使臣改道過境日期摺子

御賜福字鹿肉鹿腿謝

恩摺子

皖省各屬居民及附住棚民分別編查保甲摺子

子

恭報交卸撫篆入

親摺子

陶雲汀先生奏疏卷十目錄

一

恭報回任接印日期摺子

查勘淮河情形設法籌辦摺子 附片二件

創修安徽省志摺子

附奏委弁彈壓採運石工夫役摺片

附奏勸修水利摺片

知州實力辦公請加陞銜獎勵摺子

附奏拏獲結盟匪犯多名移交新撫審辦摺子

調補江蘇巡撫謝

恩摺子

御賜藥錠謝

恩摺子

籌款飭繳兇器摺子

附奏裁汰里書摺片

勸設豐備義倉摺子 附片一件

阿雲江先生奏疏卷一 目錄

二

查辦盱眙天長被水情形請給口糧摺子

奏為查明盱眙天長二縣被水情形及天長縣災民應需接濟恭摺籲懇

天恩緩徵錢糧並請

賞給口糧仰祈

聖鑒事竊照南河堰盱隄工猝被風暴掣刷安徽省盱眙天長境內間有被淹飭委查勘情形經臣恭摺具

奏並將天長縣有無應需接濟之處統俟委員等確勘再行辦理緣由奏

阿雲江先生奏疏卷一

查驗稿

一

聞在案茲據廬鳳道戴聰泗州知州豐紳圖督同委員及盱眙縣知縣周士鈺勘明縣境人民田廬均無損傷其下江被災男婦均在山陽縣所轄之周橋息浪庵迤南地方搭棚棲止與盱眙之蔣家壩一帶接壤先經該縣周士鈺不分畛域會同山陽縣放散餼餅復經江蘇省委員帶銀在彼撫卹現無災黎奔避盱境惟天長縣地勢較低因高郵湖水漫入境內以致耿家尖等八鎮積水汪洋多遭漂洶被災較重寶家河等十五鎮水深一二尺不等被災次重經該縣陶登

瀛分途搭蓋蓆棚散給餅餠餬口有資今冬尙可支持惟來年麥收失望困苦情形應需接濟稟請於來春

賞給口糧一月等情由藩司徐承恩核明詳請具

奏前來臣覆加體察係屬實在情形仰懇

聖主格外恩施俯將天長縣被水之耿家尖等八鎮

寶家河等十五鎮災民於來春

賞給一月口糧以資接濟屯坐泗州衛饑軍一律辦

理所需口糧照例在於司庫正項銀內折色支

給搭棚餠餅等項亦於正項銀內支放應用查

陶雲汀先生奏疏卷十

撫院稿

二

災及辦理撫卹口糧公費銀兩循例於耗羨項

下動用事竣核實報銷坍塌房間俟水退時驗

明基址照例辦理至天長縣應徵道光五年上

忙新賦及道光四年併帶徵道光三年民欠民

衛錢糧津租等銀均請緩至道光五年秋後啓

徵以紓民力又泗州衛屯坐高郵寶應被水災

軍應隨同下江情形一律辦理所有查明盱眙

天長二縣被水情形分別辦理緣由謹會同大

學士兩江總督臣孫玉庭恭摺具

奏伏乞

皇上聖鑒

訓示施行謹

奏

道光四年十二月十八日具

奏五年正月二十五日奉到

硃批另有旨欽此同日奉到道光五年正月初七日

內閣奉

上諭陶澍奏查明盱眙天長二縣被水情形請分別

施恩一摺安徽省盱眙天長等縣境接近高堰因

隄工塌卸猝被水淹據該撫查明盱眙縣境人民

陶雲汀先生奏疏卷十

撫院稿

三

田廬均無損傷惟天長縣地勢低窪被災較重懇

請撫卹著加恩將天長縣被水之耿家尖等八鎮

寶家河等十五鎮災民於今春賞給一月口糧屯

坐泗州衛饑軍一律辦理所需口糧照例於司庫

正項銀內折色支給其搭棚餠餅等項亦於正項

銀內支放應用查災及辦理撫卹口糧公費銀兩

照例於耗羨項下動用事竣核實報銷坍塌房間

俟水退時驗明辦理至天長縣應徵道光五年上

忙新賦及道光四年併帶徵道光三年民欠民衛

錢糧津租等銀均著緩至道光五年秋後啓徵以

紆民力泗州衛屯坐高郵寶應被水災軍並著隨同下江情形一律辦理該部知道欽此

陶雲汀先生奏疏卷一

撫院稿

四

奏報琉球國使臣改道過境日期摺子

奏為恭報琉球國使臣改道進京委員護送過境日期仰祈

聖鑒事竊准江蘇撫臣張師誠咨會琉球國遣使入

貢行抵丹徒縣境因高堰隄工被風掣卸湖水下

注水湧湏急十分危險運河繹道多被淹沒水

陸均難行走即在丹徒起旱改道由安徽之滁

州鳳陽等屬前進等因當經檄行藩臬兩司轉

飭沿途道府州督飭各州縣預備照料並委候

補通判朱註浦口營都司慶福等接護去後茲

陶雲汀先生奏疏卷十

撫院稿

五

據陸續具報琉球國使臣於本年十一月三十日入安徽首站滁州境內該文武委員接護前進逐程護送十二月初六日出宿州境交替江蘇銅山縣接護前進沿途經過州縣照例應付並無延誤該使臣行走亦甚安靜除移咨山東直隸一體照料前進如期到京外所有琉球國使臣過境日期理合恭摺奏

聞伏乞

皇上聖鑒謹

奏

道光四年十二月十八日具

奏五年正月二十五日奉到

硃批知道了欽此

陶雲汀先生奏疏卷一

撫院稿

六

御賜福字麇肉鹿腿謝

恩摺子

奏為恭謝

天恩事頃臣摺弁回皖齋奉

頒賞臣

御書福字一幅麇肉鹿腿等件謹卽出郊跪迎至署

望

闕叩頭謝

恩祇領欽惟我

皇上錫羨延釐

陶雲汀先生奏疏卷十

撫院稿

七

膺禘布闔疇開五福平康胥近乎

龍光

天保九如霰穀式符乎鹿雅九有鬯

均禧之化

軒管頒春百僚飫

推食之

恩

堯廚飽德臣珍承

嘉貺渥荷

隆施幸豈樂之攸宜令德惟廣燕譽沐

寵榮之迭被素餐倍凜豺豕懸

錫本同民喜共子黎而拜

賜膏先正席爰借寅案以分甘欣瞻

御墨高懸鳳翥仰

鴻題之煥計日

宸階展

觀鸞鏘隨豹尾之班所有臣感竹下忱謹繕摺恭謝

天恩伏乞

皇上聖鑒謹

奏

附錄先生奏疏卷十

撫皖稿

八

道光四年十二月十八日具

奏五年正月二十五日奉到

硃批知道了欽此

皖省各屬居民及附住棚民分別編查保甲摺

子

奏為皖省各屬居民及附住棚民分別編查保甲

仰祈

聖鑒事嘉慶二十年正月欽奉

上諭那彥成奏酌定覆查保甲章程一摺所奏每年秋

收無事後外出耕作及各項傭工人眾歸里之時再

行稽核一次免致匪徒涸跡所奏甚為核實著各直

省通行照辦督撫於歲底彙奏一次等因欽此又於

道光四年五月欽奉

陶雲汀先生奏疏卷十

撫皖稿

九

上諭著各該督撫等嚴飭該府州縣將棚民逐細查

察按十戶設立甲長每年遞換門牌隨時抽驗禁

止匪類潛匿勾串滋事如查有不安本分鬪狠健

訟之徒立即嚴拏示懲務當實力奉行不可視為

具文等因欽此遵查安徽一省濱帶江湖繁連淮

泗省北各屬接壤徐豫地偏人悍匪徒出沒其

間夙稱難治省南一帶居民較為團聚守望易

於聯絡而深崖幽谷亦頗藏奸稽查均應嚴密

至棚民一項則徽州寧國池州廣德四府州往

往有之緣該境山嶺較多外來民人搭棚棲止

租種山地雖係貧民謀食之常與川陝等省山佃情形無異但人數既多即良莠不齊難保不滋生事端是以向同土著民人一體編入保甲俾資查考本年欽奉

諭旨飭查當經督_臣及_臣先後將查辦緣由恭摺具

奏並飭藩臬兩司於秋後委員會同各該州縣逐

一編查去後茲據藩司徐承恩臬司劉斯媚詳

據各州縣於秋收後遵照章程將各屬編造門

牌冊籍情形稟報並經道府直隸州覆稱就近

挨查無異其棚民一項飭委候補知府劉湜前

陶雲汀先生奏疏卷十

撫皖稿

十

往查辦據稱會同各州縣親履山場按戶編排

查明一處即就中選擇誠實棚民作為棚頭通

計徽州府屬之歙縣共有棚民一百五十六戶

選充棚頭十七名休寧縣共有棚民二百三十

一戶選充棚頭十三名祁門縣共有棚民四百

三十二戶選充棚頭二十四名黟縣僅有棚民

十戶選充棚頭一名績溪縣共有棚民十二戶

俱散住各保不便編設棚頭仍令各地保兼管

寧國府屬之寧國縣共有棚民四百九十一戶

選充棚民二十三名池州府屬之銅陵縣共有

棚民十八戶選充棚頭二名建德縣共有棚民

一百二十二戶選充棚頭十二名廣德州共有

棚民一千二百七十九戶選充棚頭四十四名

其保內僅有棚民數戶者仍令鄉保兼管均已

繕造門牌底冊分別懸掛存案飭令所選棚頭

時加查察現在各處棚民均屬安靜等情由該

司等逐加查核詳請具

奏前來_臣查編查保甲為除莠安良要法必須辦

理認真庶使匪類胥除閭閻安輯其棚民一項

經此次編查之後即以現造戶口冊籍立案毋

陶雲汀先生奏疏卷一

撫皖稿

二

許任意增添各業主亦不得再行私租以致日

益加多莫可究詰遇有遷移隨時更換申嚴約

束實力奉行並不准書役藉端擾累以仰副

聖主除暴安良之至意所有道光四年各屬居民及

附住棚民分別編查保甲緣由謹會同大學士

兩江總督_臣孫玉庭合詞具

奏伏乞

皇上聖鑒謹

奏

道光四年十二月十八日具

奏五年正月二十五日奉到
硃批知道了欽此

陶雲汀先生奏疏卷十

撫院稿

十三

恭報交卸撫篆入

觀摺子

奏為恭報交卸撫篆併起程日期仰祈

聖鑒事竊臣於本年十一月初五日將封印後入

覲緣由先期奏

聞奉到

硃批知道了欽此聞

命之下欽感難名現屆封印所有一切年例

題奏事件均已次第辦竣於十二月二十日將安

徵巡撫印務交藩司徐承恩暫行護理其藩司

陶雲汀先生奏疏卷一

撫院稿

十三

印務飭令臬司劉斯媚兼署臣即於二十一日

由院起程北上叩覲

天顏跪聆

恩訓除恭疏

題報外所有臣交卸撫篆及起程日期理合恭摺

奏

聞伏乞

皇上聖鑒謹

奏

道光四年十二月二十日具

奏五年正月二十五日奉到

硃批知道了欽此

陶雲汀先生奏疏卷一

撫院寄

十四

恭報回任接印日期摺子

奏為恭報微臣回任接印日期叩謝

天恩仰祈

聖鑒事竊臣前奉

硃批准令

陛見遵於封篆後北上本年正月十九日趨詣

闕廷恭覲

天顏

召見四次

訓勉有加欽感微衷莫名依戀比蒙

陶雲汀先生奏疏卷一

撫院寄

十五

恩命回任於二月二十四日行抵安徽省城准護理

撫篆布政使臣徐承恩委安慶府知府汪恩撫

標遊擊趙承德齋送巡撫兼提督關防一顆兼

湖關關防一顆暨

王命旗牌桿文卷等項前來臣恭設香案謝

恩祇領訖伏念臣以川東道員荷

皇上特達之知甫一載間由臬司擢授藩司旋蒙

簡畀封疆重任受事以來始則辦理清查剔釐數十

年之糾轄繼因沿江被水流離載道專意拊循

既知之不可一日釋勉竭庸愚兢兢補救於一切吏治民風尙未能

語也勉之又勉以

副委任 極意整頓茲承

溫諭回蒞皖疆倚裳稚齒欣載

德以南來鏤版臣心益瞻

天而北企惟有凜遵

聖訓彌矢精誠期駕策之毋忘冀

鴻慈之稍答所有微臣感激下忱理合繕摺恭謝

天恩再臣經由直隸山東地方民氣牧恬自入安徽

省界雨澤較多菜麥俱已茁秀近省一帶尤極

青葱茂豫糧價中平人情歡悅足慰

宸厪合併附陳伏乞

陶雲汀先生奏疏卷一

撫皖稿

二六

皇上聖鑒謹

奏

道光五年二月二十七日具

奏四月初二日奉到

硃批所奏俱悉欽此

查勘淮河情形設法籌辦摺子 附片二件

奏為履勘淮河併設法籌辦情形仰祈

聖鑒事竊臣前月入覲

天顏仰蒙

垂詢淮河淺阻情形並

諭回皖時順道查勘等因臣於

陛辭後馳抵鳳陽府境遇廬鳳道戴聰詢悉前此洪

湖直瀉淮流逐段淺阻窒礙漕行業於正月內

率同鳳陽府程懷璟及各州縣設法疏濬並經

大學士臣孫玉庭札飭疏濬沿淮各湖茲臣帶

陶雲汀先生奏疏卷十

撫皖稿

十二

同該道親往勘得淮河正身現已流通船行無

滯惟洪澤一湖必藉淮源旺盛方資收蓄敵黃

自應多方導引以助其勢遍歷濱淮各處有鳳

陽縣境之花源湖壽州境之城西湖鳳臺縣境

之蕉岡湖均可抽溝引導入淮此三湖皆周圍

數十里本係民田久淹成浸其城西湖焦岡湖

兩處抽溝約需經費數千兩現經該州縣勸民

辦理毋庸另籌經費惟鳳陽縣境之花源湖該

境民多窮乏勢難捐辦查得道庫有舊存水利

平餘銀兩係不報撥之閒款堪以動用擬提用

銀二千兩交鳳陽縣剋期興辦又懷遠縣荆山口之南因嘉慶年間黃河南潰新漲沙洲名曰葫蘆繫東西橫長十餘里阻遏茨河淮水自西南而北繞越此洲倍形迂曲以致水勢倒漾爲上游各州縣之患前經抽溝一道必須再開引河數道將葫蘆繫鑿斷俾茨河口門通暢而淮水亦得建瓴直下所需工費查司庫有積存宿靈抽溝利息銀兩擬提用銀一千二百兩交懷遠縣趕緊疏挑以上花源湖葫蘆繫兩處動用工費無多均非正項錢糧應俟事竣由道驗收

陶雲汀先生奏疏卷十

撫皖皖

十一

毋庸造冊報銷以歸簡捷所有查勘淮河情形並酌籌辦理緣由理合恭摺覆

奏伏乞

皇上聖鑒訓示施行謹

奏

道光五年二月二十七日具

奏四月初二日奉到

硃批所辦甚好務要認真查驗另有旨諭欽此同日奉到

上諭陶澍奏籌辦淮河情形一摺洪澤湖藉淮敵黃

自應多方導引以資收蓄經該撫勘明各處情形除壽州境城西湖鳳臺縣境焦岡湖兩處抽溝係該民人自辦毋庸另籌經費外惟鳳陽縣境花源湖民多窮乏勢難捐辦著准其將道庫舊存水利平餘閒款內提銀二千兩交鳳陽縣剋期興辦又懷遠縣荆山口南新漲沙洲葫蘆繫須再開引河數道著准其在司庫積存宿靈抽溝利息內提銀一千二百兩交懷遠縣趕緊疏挑該兩處動用工費均非正項錢糧工竣由道驗收毋庸造冊報銷該撫務須認真查驗如有草率偷減卽行叅辦毋

陶雲汀先生奏疏卷十

撫皖稿

一九

稍徇隱該部知道欽此

再臣查淮水為洪澤湖之源出自豫省桐柏縣流經固始入安徽阜陽境至霍邱縣之溜子口而南納淝水至潁上縣之八里塚而北納潁水地勢建瓴尚無阻滯迨壽州之正陽關以逮懷遠至鳳陽之蚌埠一帶河流曲折時東時北以次納東淝西淝裔溝黑濠洛碭及汭河芡河天河渦河北淝河大小數十水兼之西有鳳臺之峽石山東有懷遠之荆塗山重重鈐柙淮流其間水勢本屬紆回自嘉慶年間黃河南潰夾帶泥沙淮流淤墊成高以致左右收納各水不能

陶澍先生奏疏卷十

撫皖稿

三

暢入節節壅滯迴漾成湖不一而足臣此次履勘親登塗山絕頂復登壽州城北之八公山數百里長河支汊瞭然在目此時春水方生勢已瀾漫一交伏汛每汪洋一片橫溢民田歲歲偏災耗費

帑項自應設法補救以奠災區惟查洪澤一湖近年因啓放黃流其西岸已多淤灘若將淮水疏刷不特水深泥滑之處難以興工兼恐沙泥直下更益洪湖之患祇有築隄東水俾清流暢入湖心既可蓄以敵黃而於兩岸民田即可藉隄

保衛但經費浩大無從籌措必須地方官實心實力為民信服者隨時督勸百姓設法辦理日計不足月計有餘自可漸著成效查現在各州縣中已有數處勸民修利隄防開通溝洫俟辦竣核實奏請

奏

陶澍先生奏疏卷十一

撫皖稿

三

恩獎以資鼓勵此外如壽州之芍陂懷遠之郭陂塘等處皆水利最鉅之區日久蕪廢容臣督率各屬次第整理以興民利合併附陳伏乞訓示謹

道光五年二月二十七日附

奏四月初二日奉到

硃批興水利除水患莫大之善政也總要督率認真勸導有方固不可徒費周章亦不可始勤終怠詳慎勉之欽此

再淮河水勢業已流通春水方生宿州頭二兩幫漕船由淮達湖可無阻滯惟現在借黃濟運洪湖東清壩口門早經堵築須俟啓壩之後始能出口至鳳陽關稅先因淮河淺涸貨舟不通頓形缺短茲據管關道戴聰稟稱入春以來疏挖各處淤淺船行漸順趕緊補苴缺額尙屬無多除俟該關截數開報再行核辦外謹附片以聞謹

奏

道光五年二月二十七日附

陶雲汀先生奏疏卷十

撫院稿

三

奏四月初二日奉到
硃批知道了欽此

創修安徽省志摺子

奏爲創修省志仰祈

聖鑒事竊查江南通志自雍正七年欽奉

諭旨修輯其時安徽藩司駐劄江寧尙未分移安慶一

切文獻每多簡畧前因纂輯

大清一統志經國史館催取志書各州縣無所承

藉造送稽遲迄今數年之久仍未能詳備臣思

致治固宜於因地設教尤重於觀民古者小史

掌邦國之志外史掌四方之志而土訓誦訓皆

得以地圖地事地俗入告以施其政誠以一方

陶雲汀先生奏疏卷十

撫院稿

三

之掌故卽一方之人心風俗所係經緯布置藉
資考鏡固非徒以備冊府之守已也我

國家承平數百載

列聖累洽重熙休養生息安徽夙稱文物之區涵濡

德化不特名臣循吏儒林文苑志行多有其人卽巖鄉僻

壤孝子順孫貞女節婦例邀

旌典者亦復比比皆是願聽其歲久湮沒非所以廣

聖化而昭來許也臣與藩臬兩司公餘籌議以爲安

徽自分省以來未有志書卽上下江合修之志

於乾隆元年告成迄今已閱九十載愈久則事

愈積而搜訪愈難若田賦水利學校兵制等項
尤關重大未可聽其散佚爰即酌定章程督飭
道府州縣博加採訪妥籌經費於省城設局纂
修勒限一年歲事務俾吏治民風士習咸歸蒼
萃用備
國家典章之採除俟書成恭
進外所有設局創修省志緣由謹繕摺具
奏伏乞
皇上聖鑒訓示謹

奏

陶澍先生奏疏卷一

撫皖稿

三

道光五年四月十三日具

奏五月十三日奉到

硃批另有旨欽此同日奉到道光五年四月二十八

日內閣奉

上諭陶澍奏創修省志一摺江南通志成於乾隆元
年安徽自分省以來未輯通志於掌故難免闕漏
茲據該撫奏明在省城設局纂修著即酌定章程
督飭所屬博加採訪毋濫毋遺並著予限一年纂
輯成書以重文獻而資考鏡欽此

附奏委弁彈壓採運石工夫役摺片
再本年漕艘欽奉

諭旨趕緊前進經_臣迭飭嚴催現在江西湖廣幫船
均已掃數出安徽境並無逗留其舵工水手等
項人役亦均彈壓安靜惟查本年南河隄工石
料均在盱眙縣之河稍橋仇家集打石山等處
採辦運送石匠夫役及貿易人等不下萬餘良
竄雜聚誠恐滋生事端該處距省千里鞭長莫
及即該縣亦難以分身照料_臣已遴委泗州營
候補千總羅旭東帶兵十名就近前往梭織巡
查彈壓仍於_臣衙門劃存緝捕公費內提銀二
百兩給作工食俾不致枵腹從事稽查可期得
力合併附片具陳仰慰

宸厯謹

奏

陶澍先生奏疏卷十

撫皖稿

三

道光五年四月十三日拜發五月十三日奉到

硃批知道了欽此

附奏勸修水利摺片

再臣前奏勸辦淮河情形一摺接奉

硃批興水利除水患莫大之善政也總要督率認真勸導有方固不可徒費周章亦不可始勤終怠詳慎勉之欽此捧誦之下仰見我

皇上勤求民莫

訓示周詳之至意曷勝感悚欽佩伏查皖省南介大江北近黃河西引長淮東瀆洪澤低窪之區最易受淹臣前因查辦水災節飭各州縣設法修利隄防藉資捍衛其時沿江各圩垸不下數百

陶雲汀先生奏疏卷一

撫皖稿

三六

所成卽勸民興築宣城南陵繁昌等縣被沖尤多如金寶圩周圍至一百七十餘里如養賢圩葉村灣管嘴灘等處缺口各長五六百丈高至二三丈不等經臣督飭該府郭承恩高澤履該縣朱錦琮劉邦鼎張星煥等勸諭捐修均已次第竣工其銅陵縣之邊江老壩綿長六十餘里共需土方一萬七千有餘亦經督飭該縣孫榮勸令紳士等計畝攤修現在又據望江縣尹作翰稟報該縣之妙光圖等圩周圍三十餘里內有田三萬七千餘畝一經夏漲卽虞淹沒該縣

接到通飭卽勸令紳民計畝出夫通力合作以

種田之多寡定築隄之丈尺間有田多而人力

未逮卽於田少人多之戶捐償銀錢令其幫同

挑築俾田多者不致偷安取巧田少者亦無舍

己芸人之病興工兩月一例報竣統計隄長三

千三百餘丈高廣各二丈五尺驗收之後經臣

飭司記功併飭將紳士等給匾獎勵其鳳陽花

源湖現已興挑復查得花源湖之北有牟家湖

一處亦可引水入淮自黃水停淤每逢盛漲水

無宣洩田多漫淹飭據署鳳陽縣候補通判洪

陶雲汀先生奏疏卷十

撫皖稿

三七

大鏞稟勘湖長二十餘里西有舊溝一道直抵淮河長五百八十餘丈應行挑濬有該境耆民陳姓刁姓牟姓等僉請照業食佃力之法捐資集夫挑辦如捐款不敷該通判自願捐廉資助臣已批飭如稟辦理其餘各處容臣逐漸督率興修斷不敢徒爲周章亦不敢稍有怠弛以副宸厪所有現在勸修水利各情形合併附片以聞謹

奏

道光五年四月十三日具

奏五月十三日奉到
硃批知道了欽此

知州實力辦公請加陞銜獎勵摺子
奏為知州實力辦公著有成效請
旨賞加陞銜以重地方仰祈

聖鑒事竊照鳳陽府屬之宿州地方離省最遠為入
境首站與江蘇之銅睢蕭碭河南之永城等處
犬牙相錯向為匪徒出沒之所兼以幅員遼闊
民風曠悍動輒爭鬪每年命案不下百數十起
夙稱難治茲查該州知州蘇元璐係山西舉人
道光二年冬由銅陵縣知縣陞補今職該員自
抵任以來將及三載於地方一切頗能整頓選
置約長勸民息訟除莠安良匪棍多經就獲兇
暴之徒均知斂迹命案漸少又因民間知書者
少勸設義學二百餘所延師教授貧民子弟得
以入塾讀書臣於今年正月入

覲經由該境見其誦讀相聞沿途長幼漸知禮節察
看輿情咸形愛戴又該州為九省通衢減黃灌
注行路維艱該牧勸民修理二百里驛道一律
坦平並未絲毫請動公項並勸民開濬溝渠俾
資蓄洩行旅農田均稱便益據廬鳳道戴聰鳳
陽府程懷璟詳請鼓勵並據兩司會詳前來臣

陶雲汀先生奏疏卷十

撫皖稿

陶雲汀先生奏疏卷十

撫皖稿

查宿州知州蘇元璐辦事實心勤求治理與情相安實屬地方得力之員合無仰懇

皇上逾格

鴻施賞加同知直隸州陞銜仍暫留宿州之任在該

牧感激

特恩自更始終勤奮而於衝途疲曠之區可收得人

之效臣為地方起見謹會同兩江總督臣魏元

煜恭摺具

奏伏乞

皇上訓示謹

陶雲汀先生奏疏卷一

撫皖稿

三

奏

道光五年五月二十九日具

奏七月初五日奉到

硃批另有旨欽此同日奉到道光五年六月二十日

內閣奉

上諭陶澍奏知州實力辦公著有成效請加陞銜一

摺安徽宿州知州蘇元璐自抵任以來選置約長

勸民息訟緝拏匪棍兇暴斂跡又復勸設義學修

理驛道開濬溝渠在在均有成效洵為地方得力

之員著加恩賞加同知銜仍留宿州之任以示獎

勵該部知道欽此

陶雲汀先生奏疏卷一

撫皖稿

三

附奏拏獲結盟匪犯多名移交新撫審辦摺片
再鳳潁一帶與徐豫毘連向為匪徒出沒之所
經臣節次飭拏獲有兇盜匪棍百數十名嚴行
懲辦地方稍資安戢誠恐各牧令始勤終怠復
飭隨時訪查勿稍鬆勁茲據宿州知州蘇元璐
具稟訪得巨匪管希文等有異姓結盟聚匪滋
害之事當即會營先獲韓起分王合僧原青三
名究出管希文起意結拜弟兄首從共三十餘
人飭差嚴拘又獲高得芳高得茂二名被管希
文帶領多人在途劫去等情臣查管希文前曾

陶雲汀先生奏疏卷十

撫院稿

三

共毆梁得金身死並糾同賈孟西等二十二
人結拜弟兄犯案從重擬流恭逢

恩詔免罪今復結盟奪犯實屬怙惡兇橫其聽糾黨

夥亦均係匪徒必須嚴拏懲治以絕根株當飭

各屬文武會同堵緝即據亳州知州任壽世密

偵得首犯管希文在雉河集藏匿星夜馳往率

同巡檢余桂森候補府經歷陸耀如外委郝凌

雲等各帶兵役四面圍拏該犯管希文膽敢率

夥執持刀械拒捕被兵役打倒捆住併獲夥犯

姚進禮黃金梅陳幅謝宜鄭炳雪等五名復協

同河南永城縣四面掩捕又獲夥犯李合正劉
希珠江有富高得強高福齊高得芳申尙有王
應沅朱炳照朱彩彰孫宏進朱鳳淋賀立本劉
思樹李二呼山宋傳經陳懷璧高得茂英九思
胡心朋等二十名就近交永城縣研訊並據該
州蘇元璐拏獲董思渠江有序張悅秦崇堯陳
連董廷桂相景度謝光得張禿匠董玉琢等十
名又據潁上縣知縣劉耀椿拏獲丁四歪孜楊
二泮等二名隔別研究俱供結盟奪犯係管希
文造意為首惟同夥人數間有參差並究出僧

陶雲汀先生奏疏卷一

撫院稿

三

原青尙有搶佔婦女情事先後錄供稟報前來

臣查管希文等甫經聚眾結盟即經該州等訪

聞拘獲首從四十餘名緝捕尙屬認真此等匪

徒愍不畏法必須提省嚴究盡法處治以除地

方之害當即飛提並咨會河南撫臣飭緝各犯

來皖歸案審辦現據陸續解犯到省尙未齊全

正在提審間臣奉

諭旨調任江蘇巡撫即行起程除移交新任安徽撫

臣張師誠催提未到各犯一併嚴審究辦外合

將拏獲結盟匪犯情形附片奏

聞伏乞

聖鑒謹

奏

道光五年五月二十九日附

奏七月初五日奉到

硃批查拏甚好知道了欽此

陶雲汀先生奏疏卷十

撫院稿

三

調補江蘇巡撫謝

恩摺子

奏為恭謝

天恩事竊臣接准部咨道光五年五月十八日內閣

奉

上諭張師誠著調補安徽巡撫陶澍著調補江蘇巡

撫該撫等俱各帶印起程於途次交代即赴新任

毋庸來京請訓欽此當即恭設香案望

闕叩頭謝

恩伏思臣蒙

陶雲汀先生奏疏卷一

撫院稿

三

皇上特達之知

簡畀封疆重任勉竭庸愚涓埃莫効本年正月內趨

詣

闕廷仰蒙

訓勉有加莫名欽感茲復渥荷

恩綸調補江蘇巡撫聞

命自

天感悚無地查蘇省為江河要區政務殷繁財賦甲

於他省目下議籌海運及漕米事宜尤關緊要

責任綦重報稱尤難臣現將經手事件趕辦完

竣卽遵

旨帶印起程於途次迎交調任撫臣張師誠接收臣
卽由彼迅速赴任所有感激下忱理合恭摺

奏謝

天恩伏祈

皇上聖鑒謹

奏

道光五年五月二十九日具

奏七月初六日奉到

硃批勉力爲之以副委任欽此

陶雲汀先生奏疏卷一

撫院稿

三

御賜藥錠謝

恩摺子

奏爲恭謝

天恩事頃臣齋摺差弁回院奉到

御賜藥錠一匣謹卽恭設香案望

闕叩頭祇領伏念臣質愧荅黃心輸葵赤際此蒼

蘭之令序欣承保艾之

隆施九穗麥而六穗禾

福疇告慶五日風而十日雨

壽寓延釐

陶雲汀先生奏疏卷十

撫院稿

三

醴膏已遍乎寰區

珍劑更承夫

渥貺迎風解愠金泥纏五色之絲啓篋懷馨丹粒襲

三霄之露謹分遺于寮案共沐

甄挺用宣

惠于蒸黎潛消疵癘

對時育物敬仰

聖人長養之心食

德飲

和益宏

大造均調之化所有臣感激忭幸下忱理合繕摺

奏謝

天恩伏乞

皇上聖鑒謹

奏

道光五年五月二十九日具

奏七月初六日奉到

硃批知道了欽此

陶雲汀先生奏疏卷十

撫院稿

三

籌款飭繳兇器摺子附片一件

奏為籌款飭繳兇器以重民命而靖地方仰祈

聖鑒事竊皖省鳳潁泗州等屬界連徐豫民情好

鬪動輒傷人其傷人之具鳥鎗而外多屬金及

綠該境愚民久沿惡習往往藏置例禁刀鎗以

為保衛身家之用迨藏之既久日與器習偶然

爭角順手取攜鬪無不傷傷無不死為禍之烈

與鳥鎗等此而不設法以籌之非所以重民命

而靖地方也臣以為嚴查飭禁或致滋擾不若

因勢利導使民易從恭查前奉

陶雲汀先生奏疏卷一

撫院稿

三

諭旨民間私藏鳥鎗積習相沿一旦搜拏治罪未免

有滋擾累著通諭各省出示曉諭准其呈繳給價

等因欽遵在案敬繹

訓示實為良法美意臣推廣

聖訓屢諭鳳潁泗三屬民人將刀鎗等項違禁器物

同鳥鎗一併繳官給價然非籌款發給價銀恐

小民顧惜薄值難期踴躍查蕪關有解交撫署

公用銀兩經前撫臣李鴻賓奏明每歲酌撥銀

四千兩解存藩庫以為緝捕公費除連年因公

動用外截至本年五月底尚存銀六千四十五

兩零前項銀兩本由巡撫衙門劃出為緝捕之用自可以公濟公臣業於前款內飭司撥銀二千兩解交盧鳳道戴聰酌量分給各屬為呈繳各器械價值並飭各牧令廣為勸諭務令小民咸知將烏鎗刀鎗等項兇器悉數繳官一俟繳到即隨時發價俾知踴躍仍飭不得假手書役致滋擾累並將收繳件數按月一報期於盡淨而後已如此辦理庶收繳不託空言帶刀或能衰息於飭整民風似有神益合將籌辦緣由恭摺奏

陶雲汀先生奏疏卷十

撫院稿

甲

聞伏乞

皇上聖鑒謹

奏

道光五年六月初四日具

奏七月初十日在吳江舟次奉到

硃批知道了欽此

再臣自到任後審結京控奏咨各案共八十餘起尚有人證未齊數案現在奉

旨調任江蘇巡撫業已起程不及審辦該臬司劉斯喟前奉

諭旨調赴山東因委署乏員經臣奏請暫留蒙

恩允准臣現將未結各案飭交該司劉斯喟暨藩司

徐承恩分別催提研審以期速結合併附片以

聞伏乞

聖鑒謹

奏

陶雲汀先生奏疏卷十

撫院稿

甲

奉

硃批知道了欽此

附奏裁汰里書摺片

再查里書名目久奉禁革今亳州相沿陋習仍未革除亦不知始自何年無從追溯推原其故緣里書多係世守凡地糧科則及推收順莊等冊均收藏在家不以示人其花戶散處各方戶名多屬堂名祖號本難稽查其買賣田宅又月異而歲不同非經手冊籍之人按戶勾稽隨時登注必致互異若遽行革除而各里書藏匿底冊他役即無從稽查於應徵糧戶難免舛錯歷久因循實由於此臣現已飭司確查妥籌辦理

陶雲汀先生奏疏卷十

撫院稿

四三

硃批

甚是

務將里書照例裁汰並期無誤催科以免把持而杜流弊合併附片以

聞伏乞

聖鑒謹

奏

道光五年六月初四日附

奏七月初十日奉到

硃批覽欽此

勸設豐備義倉摺子

奏為敬陳勸設豐備義倉章程請

旨永遠遵行以防荒歉而厚民生仰祈

聖鑒事臣惟民以食為本事須豫則立前年皖江被

水哀鴻遍野仰蒙

恩旨賑撫兼施並經臣勸諭有力之家捐輸助賑流

離數十萬獲就安全事後猶深憫惻因思博施

濟眾自古綦難徹土綢繆宜先陰雨常平之制

善矣然待惠者無窮至社倉春借秋還初意未

始不美而歷久弊生官民俱累變而通之惟有

陶雲汀先生奏疏卷十

撫院稿

四三

於州縣中每鄉每村各設一倉秋收後聽民間

量力捐輸積存倉內遇歲歉則以本境所積之

穀即散給本境之人一切出納聽民間自擇殷

實老成管理不經官吏之手以冀圖匱於豐簡

便易行自上年酌議章程通飭各屬出示勸行

已據青陽銅陵望江太平懷遠婺源等處捐有

成數各屬亦皆踴躍擬俟今年秋熟後一律辦

理臣於正月入

覲曾經縷達

天聽茲臣蒙

恩調任江蘇念此垂成之緒必須奏奉
諭旨庶可久遠遵行謹將所議章程十二條敬爲我
皇上陳之

一鄉村無論百餘家十數家總以里居聯絡者
公設一倉每年秋收後各量力之盈絀捐穀
存倉出者毋吝勸者毋勒或數十石或十數
石多則一二百石少卽數石數斗數升均無
不可收穀時公同立簿登記擇一老成殷實
人總管再擇一二人逐年遞管仍設立四柱
交冊分別舊管新收開除實在明晰登載互
相稽查連年豐稔日積日多則穀不可勝食
矣

陶澍江先三奏疏卷十

無統稿

四

一鄉村零戶有難於聯絡者或每族各爲一倉
或一族中每房各爲一倉或以散戶歸入附
近鄰保共爲一倉均聽民便總在隨地制宜
多多益善果能一處行之有效久而他處自
仿照行之矣

一設倉宜擇善地不宜近水不宜近市以防不
虞建議之初倉廩未立或神廟或公祠或老
成殷實之家倉屋有餘者均可借儲但須本

人情願不得強借一俟穀石稍充卽可另自
置倉

一倉穀由於樂捐間或有濕有糝不能拘泥盡
一應於收倉時先爲曬乾車淨公同登記耗
蝕若干或收貯年久又須公同出曬一次覆
量上倉再逐一登記實數以便查考

一設倉本係義舉司事之人不容稍有侵蝕亦
不許藉端開銷惟看守倉廩之人係屬僱覓
常川在倉不能不給予工食責令巡查遇有
風摧雨漏倉板損破之處立卽告知經管之
人及時修理其鎖鑰等項不得交守倉人佩
帶

陶澍江先三奏疏卷十

無統稿

五

一捐穀既有成數卽赴地方官呈明立案以免
匪徒阻撓擾亂章程以後捐多捐少收放出
入官吏概不與聞卽里長甲長亦無許越俎
倘有吏役託名稽查藉端需索查出照詐贓
例從重懲治

一積穀既饒止須添建倉廩不必推陳出新以
求滋長亦不必春借秋還以權利息戢爭杜
紛此爲最要惟餘穀置田收租尙可並行不

惇然必積穀實在充裕有餘以少半置田乃
可否則不必蓋此穀原爲備荒而設至捷至
便推陳出入易滋朦混借出難歸漸歸烏有
置買產業雖屬經久之計然不能救濟目前
亦非急務也

一每遇災荒總管分管外添擇公正司事計穀
之多寡先儘本村中鰥寡孤獨無告之人次
及極貧又次及次貧或五日一散或十日一
散事竣憑衆確算至家計稍可支持者不必
分給卽小歉之年亦不必動用以歸實濟

陶雲汀先生奏疏卷十

撫院稿

呈

一捐穀之家此穀既捐卽係公物遇有災歉不
得以從前甲多乙少致啟爭端或先在此村
捐穀之家其後移居他處遇此村散放不得
以曾經捐穀回向轉索新來之戶從前雖未
捐穀遇有散放亦應酌給些須不得獨任向
隅蓋各保各境以鄉村爲斷雖救卹無分彼
此而穀少人多亦不得不稍爲限制其各族
各房積穀者則不必以鄉村爲斷

一年豐時和勸捐較易果能積有三年五年之
蓄又不妨略爲變通邀同衿耆劃分若干於

鄉間添設卹發育嬰等會或於冬間就村莊
中鰥寡孤獨與外來無告窮民量爲賑濟亦
所以廣任卹也

一鄉村紳士克知大義者多自必首捐爲倡如
有能捐穀千石者或捐銀千兩以上買穀歸
倉者或捐置基產倉廩及斗斛諸器物用銀
千兩以上者均當照例請
旌以資鼓勵倘書吏索費卽逕赴院司衙門呈明
捐數以便行查確實立予請
旌斷不令善舉稍有阻格

陶雲汀先生奏疏卷十

撫院稿

呈

一勸捐之外尙有因事樂施一節如民間演戲
酬神及嫁娶喜期慶祝生日儘可將糜費折
穀捐入義倉擴而充之不特安貧卽以保富
將型仁講讓之風亦由此而興起矣

以上各條積少成多衆擎易舉所以圖便民也
各保各境人心易齊耳目亦周所以免牽掣
也擇人經管立冊交代所以防侵蝕也紳民
自理不經官員吏役之手所以杜騷擾也不
減糶不出易不借貸專意存貯以備歉時所
以斷糾轉而弭爭端也凶年不妨盡用樂歲

仍可捐輸以一鄉濟一鄉之衆而不患其不均以數歲救一歲之荒而不虞其不給可小可大無窮匱也取錙銖於狼戾之時求水火於至足之地捐穀者不以爲難司事者不以爲累行所無事不求其利而弊自除預防其弊而利乃久也臣爲此章程籌思經歲簡便直捷似可爲備荒之一助如果各州縣能實心實力勸導有成是亦不費之惠也再臣所議章程與社倉之法有異本以豐歲之有餘備荒年之不足可否卽以豐備二字仰懇

陶雲汀先生奏疏卷一

撫院稿

吳

天恩

賜爲倉名俾垂永久所有勸設義倉緣由謹繕摺具奏伏乞

皇上聖鑒

訓示遵行謹

奏

夾片一件

再勸捐義穀各保各境原係使民自養之意惟小民難與圖始必須地方官善爲勸導始能有成臣於上年發劄通飭之後卽據青陽縣稟稱

邀集紳耆勸捐穀石有東鄉之賀倪等姓二十六祠東南鄉之孫徐等姓三十六祠南鄉之王吳等姓十七祠西鄉之陳羅吳等姓三祠情願將祠田餘租捐出備荒自一二十石至四五十石不等共計收穀二千餘石始基已立無難逐漸增添等語又據銅陵縣稟稱勸諭紳耆布發章程卽有廩生周充之母周陳氏捐銀易穀一千二百石併將祠旁餘屋基址改建倉廩又職員仇殿選貢生胡有容等呈報捐穀三四百石不等已陸續收貯公倉其餘按畝捐穀者尙多

陶雲汀先生奏疏卷一

撫院稿

吳

又據望江縣稟稱勸導各鄉有舉人周錫元貢生龍士琦等捐穀六百餘石並捐錢置倉現在各鄉鼓舞陸續捐輸又據太平縣稟報附貢生杜寅捐銀千兩買穀建倉爲伊本支房下濟荒之用其餘捐者尙多又據懷遠縣稟稱集衆勸捐有紳耆宋汝金孫汝琪馬恒利宋士傑等十餘人倡捐糶穀千數百石以後儘可續捐等語餘如旌德縣姚繩武之故祖姚鳳岐捐銀千兩獨設義倉婺源縣職員俞鎮璋等閭族共捐銀一萬餘兩置買義田三百餘畝先有成議因臣

勸設義倉呈明備案請獎此外懷寧黟縣等二
十一州縣亦稱陸續遵辦可冀有成除樂捐各
姓名容再查明銀數照例題咨請
旌外所有勸捐義倉最爲得力之青陽縣知縣李曉
林銅陵縣知縣孫榮望江縣知縣尹作翰太平
縣知縣續瑞懷遠縣知縣周天爵可否仰懇
天恩將該五員交部議敘以爲留心民瘼者勸臣爲
地方起見謹附片具陳伏乞

聖鑒謹

奏

陶雲汀先生奏疏卷十

撫院稿

五

道光五年六月初四日在安慶拜發七月初十

日江蘇吳江舟次奉到

硃批另有旨欽此又夾片一件亦奉

硃批另有旨欽此同日奉到道光五年六月二十三

日內閣奉

上諭陶澍奏勸設義倉章程一摺國家養民之道足
食爲先而裕民之原積貯尤重前年安徽偶遇荒
歉賑撫兼施該撫請設立義倉爲未雨綢繆之計
所議章程如州縣中每鄉村公設一倉秋後聽民
捐輸歲歉酌量散給出納悉由民間經手不假官

吏防侵蝕以禁騷擾矜貧寡而杜爭端各條著卽
移交新任巡撫照議妥爲經理仍督飭各州縣實
心實力勸導有成總期經久無弊不必另立倉名
至另片奏青陽等縣紳耆克知大義捐輸穀石查
明請旌等語著俟捐有成數查開姓名銀數照例
題咨量予旌獎以示鼓勵其勸捐出力之青陽縣
知縣李曉林銅陵縣知縣孫榮望江縣知縣尹作
翰太平縣知縣續瑞懷遠縣知縣周天爵俱著卽
恩交部議敘該部知道欽此

陶雲汀先生奏疏卷一

撫院稿

三



奏摺卷十一目錄

撫蘇稿

安化陶

恭報行抵江蘇鎮江接印日期摺子



籌議海運及暫收折色停運治河各情形摺子

附片一件

恭報進省任事並陳地方情形摺子

附片一件

覆奏糧船水手歛錢恃眾大概情形摺子

附片一件

附奏查議商販分別滄關海關納稅大概情形摺子

摺片

附奏先生奏疏卷二目錄

查看海口運道並曉諭商船大概情形摺子

覆勘黃浦水利工程覈定辦工各員獎勵摺子

附奏擬續辦吳淞水利並拆除石閘摺片

請陞要缺同知摺子 總督會稿

恭報起程辦理監臨文閣摺子

附奏感受積暑調治痊愈夾片

附奏房官病重扶出闕外將卷分派各房摺片

鄉試三場完竣年老諸生循例奏聞摺子 附請

江淮等屬被水分別蠲緩摺子 總督會稿

恭報行抵江蘇鎮江接印日期摺子

奏為恭報 微臣 行抵江蘇鎮江地方接印

期仰祈

聖鑒事竊 臣 恭承

恩命調補江蘇巡撫業將經手應辦事件趕緊料理

完竣隨即遵

旨帶印起程由水路赴任於六月十五日行抵江蘇

鎮江府丹徒縣地方准前撫 臣 張師誠將江蘇

巡撫關防并

上諭書籍文卷移交前來 臣 即恭設香案望

闕叩頭祇領任事伏思 臣 才質庸愚受

恩深重值此河漕棘手之際尤不敢不勉竭駑駘冀

酬

高厚於萬一 臣 接印後即順路赴清江浦察看漕運

情形與督 臣 漕 臣 河 臣 面商一切然後赴蘇除

到任日期另行恭疏

題報外所有 臣 行抵江蘇鎮江地方接篆任事日

期暨感激下忱理合繕摺具

奏叩謝

天恩伏乞



皇上聖鑒謹

奏

道光五年六月十五日在揚州途次具

奏七月十五日在上海途次奉到

硃批盡心盡力以副朕簡調之意欽此

陶雲汀先生奏疏卷一

撫蘇稿

二

籌議海運及暫收折色停運治河各情形摺子

附片一件

奏為遵

旨籌議海運及暫收折色停運治河各情形分別可

行不可行恭摺覆

奏仰祈

聖鑒事竊臣於五月二十九日承准軍機大臣字寄

道光五年五月二十二日奉

上諭前據英和奏通籌漕河全局請暫雇海船以分

滯運酌折額漕以資治河富降旨交魏元煜等悉

陶雲汀先生奏疏卷一

撫蘇稿

三

心計議尚未據該督等覆奏本日復據英和奏雇

商分運及折漕治河各章程據稱雇商船海運應

令兩江總督江蘇巡撫專委幹員先期剴切曉諭

每官糧一石給運脚銀若干淨照漕斛兌交仍令

該委員親身押運抵津時分出倉場侍郎一人並

派戶部堂官一人赴津按官給執照米數漕斛兌

收應給商船脚價銀兩由該委員具結承領漕標

員弁酌撥河標差委津貼旗丁按照減歇之例辦

理安插航工水手人等援照江浙成案給與盤費

歸籍當上海交代時由該督撫等先期咨照江南

浙江山東提鎮會哨以資彈壓明歲除豫東照常
徵運外江浙漕糧或海運一百萬石或一百五十
萬石其餘按照時價暫收折色以濟工需至改收
折色酌照市價由該督撫奏定藩司出示曉諭不
許科索其隨漕輕齋席木贈截等項亦應折徵併
數彙解協濟工需等語治河所以利漕裕國尤當
便民英和所奏係屬一時權宜之計朕周諮博訪
擇善而從並不預存成見着各該督撫等查照英
和原奏章程是否可行悉心妥議奏毋得遷就
游移致多窒礙務須計出萬全期於公事有濟或

陶雲汀先生奏疏卷二 無蘇稿

4

此外更有良法美意可以利漕濟運者並着該督
撫各抒所見據實奏聞不可徒以空言塞責也英
和摺並着抄給閱看將此由四百里各諭令知之
欽此仰見我

皇上廑念河漕勤劬宵旰屬在臣工孰不感凜交增
况臣渥蒙

簡畀調任江蘇為錢糧最重之區當河漕棘手之際
發縱所由責無旁貸更何敢遷就游移致滋貽
誤竊以為漕米關係
國家根本重計而治河即所以治漕上年洪湖決

口一瀉無餘其始祇因堵壩稍遲遂致諸事牽
掣及今歲而借黃不足繼以開挑開挑不足繼
以剝船剝船不已繼以車運現在時日已迫而
漕米之在淮南者尚有一百數十萬石勞勞半
載竭蹶倍形然則變通之方奚可以不豫也查
海運之法自元逮明行之有效止以閱時既久
章程難復協辦大學士臣英和前摺所陳四難
之說言之甚詳然全漕由海運則不可而商船
未嘗不可分載臣細閱英和條議誠識時之要
着目前籌運之策無踰於此自屬可行惟現交

陶雲汀先生奏疏卷二 無蘇稿

三

秋令西北風多船行不便止可預為布置以運
新漕其章程一切則摺內所舉照斛兌交官給
運脚及派委大員赴津兌收各條均極周密臣
甫莅蘇境與督漕諸臣尚未晤面倘條款猶有
未盡自當隨時妥商辦理以期行之有益至折
漕一事向值歉歲偶一行之或山區米少離水
次太遠之地意在便民為

朝廷格外之恩今若徧行各屬則格礙甚多所難者
尤在銀無所出蓋米為民間所自有而銀則不
能盡有惟待於穀米之糶售漕米改徵折色即

與丁地無異以江蘇一省言之額漕幾及二百萬倘以百萬徵米由海運而百萬折色約計應折銀二三百萬平時一百數十萬之丁地分爲上忙下忙官有惰徵之處分民有抗糧之責罰猶且催徵不前積爲民欠矧於數月之內頓加逾倍之正銀勢必穀賤傷農有糶無售比戶需銀而銀不可得閭閻之氣騷矣況一省之漕或徵或折辦理參差尤多掣肘竊意漕米折色他省情形不一若江蘇則勢在難行至停運治河一勞永逸最爲上策惟在去冬洪湖初決時行

陶雲汀先生奏疏卷二

無蘇稿

六

之則甚易此時石工將竣蓄水漸深沙泥在底挑挖難施如微山湖則現在本能蓄水又未便涸洩其水以施挑挖也至於漕運渡黃喫緊惟在禦黃壩一處其餘工段均不與運道相連不必停運而始能興工況京師萬方輻輳漕米而外需用甚多若停運一年將南方之貨物不至北方之棗豆難消物情殊多未便是折色與停運二者均有不可行也竊思來歲當以海河並運爲宜廣招商船分作兩次裝載計可運米百五六十萬石其餘俱由運河而行秋冬之間卽

由河臣派員將運河挑挖深通俾資順利計來春湖水益增自可引導濟運不至如借黃之累矣大抵專辦海運則恐商船之不足專辦河運又恐清水之難恃惟有兩者相輔而行可期無悞且米運旣分則運道舒而治河亦易於

天儲仍可擴充揆之有備無患之道更屬相宜所有臣遵

旨籌議河漕大概情形謹據實分別可行不可行恭

摺覆

奏伏乞

陶雲汀先生奏疏卷二

無蘇稿

二

皇上聖鑒訓示謹

奏

道光五年六月十五日具

奏七月十五日奉到

硃批另有旨欽此

先於道光五年七月初九日准

兵部火票遞到

軍機大臣字寄

兩江總督琦 江蘇巡撫陶 道光五年六月

二十九日奉

上諭陶澍奏籌議海運及暫收折色停運治河各情形據稱折色與停運二者均不可行來歲當以海河並運為宜廣招商船分作兩次裝載計可運米百五六十萬石其餘仍由運河而行秋冬之間即由河督派員將運河挑挖深通計來春湖水益增自可引導濟運等語太倉儲蓄本應陳陳相因停運之說原未可輕為議及至漕糧改徵折色即與丁地無異以江省額徵漕糧覈計應折之銀為數甚鉅民間以米易銀遠難出糶必致穀賤傷農是折漕一節江省尤難施行此事竟無庸置議海運

陶澍先生奏疏卷二

撫蘇稿

八

一事既據該撫奏稱目前籌運之策無踰於此與琦善意見相同着俟藩司賀長齡赴海口查勘情形籌畫到日即將一切章程會同妥議具奏惟明歲海運漕米不過一百五六十萬石其餘漕糧亦應及早籌蓄清水仍由河運方為盡善昨琦善所議將海運餘剩米石酌量變價存貯亦非萬全之策着與陶澍從長定議相機妥辦勿存成見總期於國計民生實有裨益用副委任其另片奏仿照唐代轉運之法於沿淮沿河一帶建置倉廩一節現在既籌河海並運此事暫緩籌辦該督等總當

先其所急也將此諭令知之欽此遵旨寄信前來

陶澍先生奏疏卷二

撫蘇稿

九

再海運係暫時試行將來河道全通自應仍由河運萬一淺阻亦事所時有應請仿照唐代轉運之法於沿淮沿河一帶建置倉廩遇有阻滯暫為存貯俟水足時或由剝船載運或由原船次年搭運即使存貯稍久而距京較近緩急究有可恃惟建倉之初所費頗多但以搬運各策計之其所費差足相等而倉廩歷久尚在其利較長似亦轉漕之一法可以濟運道之窮緣奉諭旨此外有利漕濟運者各抒所見謹就臣管見所及附片具陳伏乞

陶澍先生奏疏卷二

撫蘇稿

十一

訓示謹

奏

道光五年六月十五日附片具

奏七月十五日奏到

硃批另有旨欽此

恭報進省任事並陳地方情形摺子附片一件

奏為恭報進省任事並陳地方情形仰祈

聖鑒事竊臣欽奉

恩命調補江蘇巡撫於本年六月十五日在鎮江途次接印當將接印日期並順道赴清江緣由恭摺奏

聞在案茲臣由清江起程於六月二十五日抵蘇任

事除河漕二項及現議海運各務事體重大容

臣同督臣及河漕諸臣次第妥籌辦理外至通

省吏治民風尤臣專責臣由皖來吳接見各屬

陶澍先生奏疏卷二

撫蘇稿

二

非無留心實際之人而才猷超出者頗少即如州縣為親民之官必須得人而理乃蘇省因有河工其大挑等班知縣每以輪補無期借補縣丞州判而捐納之縣丞主簿反以保薦應陞驟膺繁劇現在六十八州縣中由捐班補由佐貳陞者已屬不少沿河各縣以縣丞署理者竟十居其七雖甲科捐納人才原無區別然進階太雜即難免無倖進之輩濫廁其間始基未立安望其留心民事有益地方此吏治之不可不亟為整頓者也臣往來淮揚及江鎮蘇常一帶聞

閭非不稠密民物非不安恬然淮揚被水之後民氣未舒江鎮蘇常等處小民生計外雖見其有餘內實形其不足衣冠文物燦然可觀而浮靡之餘漸流詐偽以致市井訛騙則有搭臺之日生監把持則有破靴之稱良楛難齊日滋獄訟此民風之不可不亟為整頓者也臣材質庸庸膺茲重任惟有勉竭愚誠與督臣悉心商辦隨時隨地督率兩司極力整頓務在綜覈名實分別賢否並諄諭司道府廳州縣力崇節儉盡心勸導以期吏治民風漸有起色所有臣抵蘇

陶雲汀先生奏疏卷二

無蘇稿

三

任事日期及地方大概情形理合恭摺具

奏伏乞

皇上聖鑒訓示謹

奏

道光五年七月初六日具

奏八月初十日貢院奉到

硃批朕所以調任江蘇者觀汝頗可幹濟藉資整頓汝其實力實心以漸而入通省吏治民風全繫於汝一身而用人更為當事之急勉之慎之欽此

再臣於六月二十九日接准督臣琦善咨會承准軍機大臣字寄道光五年六月十八日奉上諭江蘇興辦太湖水利據魏元煜等奏稱驗收黃浦一路挑工完竣著琦善等再行詳加勘驗是否工歸實用其所保各員是否允協覆覈定議等因欽此並准督臣以現在清江督辦河漕事務未克分身移咨臣就近親往勘驗臣查此項工程關係江浙兩省水利明年擬試行海運黃浦一帶為漕艘經由之路尤須興挑深通免致臨事周章其各員功過亦俟確勘工程始能定其優

陶雲汀先生奏疏卷二

無蘇稿

三

劣臣甫抵省垣公務叢集俟趕緊清釐數日內即當起程前往查勘所有接奉

諭旨及臣親往勘驗挑工緣由合先附片覆

奏伏乞

聖鑒謹

奏

道光五年七月初六日附片具

奏八月初十日奉到

硃批知道了欽此

覆奏糧船水手斂錢恃眾大概情形摺子 附片

一件

奏為查明糧船水手斂錢恃眾大概情形恭摺覆

奏仰祈

聖鑒事竊 臣於本年六月十四日承准軍機大臣字

寄欽奉

上諭御史王世綬奏糧船舵水設有三教一曰潘安

一曰老安一曰新安所祀之神名曰羅祖每教內

各有主教名曰老官各船水手聯名資助不下四

五萬人沿途繚手尚不在此數挾制旗丁索添價

陶雲汀先生奏疏卷十一

撫蘇稿

一四

值旗丁不敢不從水手滋事必送老官處治輕則

責罰重則立斃沉入河中沿途招雇繚手必推會

經械鬪受傷者為頭目遇有爭鬪以紅箸為號人

即立聚新安一教尤多匪徒明年倘暫行海運此

數萬人安保不滋生事端尤宜妥為安插等語糧

船水手膽敢設立教名斂錢聚眾不法已極本年

水手因爭船起衅械鬪至四日之久肆行無忌若

不嚴行懲辦將來藐法之徒何所底止除此案在

逃逸犯著程含章嚴挈務獲重辦外並着漕運總

督及有漕各省督撫細心察訪應如何示以懲創

分其黨羽俾運官旗丁不受挾制及地方官不至
規避處分有心消弭並兩岸奸民不至互相鉤結
悉心籌議弭患未然將此各諭令知之等因欽此

仰見我

皇上隨事提撕思患預防之至意查糧船雇用水手

率多無業之民一經集聚即不免恃眾滋事遇

有匪徒乘機誑煽設立教名藉資斂費其勢尤

張甚至有老庵新庵等名目其頭目則稱老管

猶乞丐之有丐頭也至老官之稱則凡丁舵水

手之年長者彼此相呼均稱某老官乃指年老

陶雲汀先生奏疏卷十一

撫蘇稿

三五

之意非謂頭目也聞老管所司每水手所得雇

值按名提出若干收存生息遇水手患病醫藥

或身故買棺則老管即於此項內酌量資助其

平時未經出錢者即無人為之照管是以頑蠢

之輩利其緩急有恃樂於從事當角力鬪狼時

執箸傳呼挺身相助竟敢勒索旗丁目無官長

皆由恃眾之故定例糧船水手夥眾十人以上

搶奪首犯即行斬決從犯一併擬流正以破其

聚黨之習俾知畏懼 臣昨抵清江適有湖北幫

水手滋事之案業經挈獲與督 臣商及應即嚴

辦以示儆惕現在幫船水手停泊甚多倍覺安帖卽浙江幫滋事水手在蘇省拏獲已百餘名亦無敢拒捕者蓋此輩有利則趨聞拏則散非如教匪之迷溺邪經至死而不悟者也惟來歲暫行海運歇業甚多難保不流爲匪類自應先事綢繆設法防範免致稍釀事端除俟細察情形會商督臣琦善另

奏辦理外合將接奉

諭旨查明大概情形謹先覆

奏仰答

陶雲汀先生奏疏卷二

三蘇稿

二

宸厪伏乞

皇上聖鑒謹

奏

道光五年七月初六日具

奏八月初十日奉到

硃批知道了欽此

再臣於七月初三日承准軍機大臣字寄六月二十三日奉

上諭本日都察院奏浙江嘉興白糧幫水手李成益等呈控匪徒糾衆行兇一案已明降諭旨交程含章嚴訊矣此案前據魏元煜等奏陸續拏獲滋事水手李明秀等七十三名又據納爾經額奏拏獲劉五等七名先後解浙審辦茲據該幫水手李成益等呈控李明席等聚衆結拜老官自稱錢安教名目計一百零二名之多琦善等接奉此旨不可等候糧船歸次卽按照單開名姓除已獲各犯解

陶雲汀先生奏疏卷二

撫蘇稿

三

浙審辦外尚有未獲逸犯若干按名緝拏迅解浙江歸案究辦勿任一名漏網尤當不動聲色密速掩捕毋致激生事端程含章將現獲解到各犯詳細研鞫並飭屬嚴拏逸犯務獲按律定擬具奏毋枉毋縱李成益等原呈名單並着抄給閱看將此各諭令知之欽此臣查浙江糧船水手滋事傷斃多命案犯先經蘇省員弁拏獲李明秀等七十三名經前督臣魏元煜等奏明解歸浙省審辦在案臣於接印後順赴清江浦經過淮揚鎮常各屬復面飭文武各員不動聲色嚴密查拏現

據河標副將裘安邦京口副將湯攀龍元和縣知縣許乃大甘泉縣知縣朱勃昭文縣主簿李維墀會同浙江糧道李宗傳押運通判袁樹督率兵役又經緝獲陳榮貴卽陳大漢杜二海卽杜明正劉四瞻卽劉永明韓汶工摸骨相李瞻子獨眼龍馬老劉五馬第五秦鬍子大劉子卽稀屎劉使大刀黃皮臉徐三等十二名係浙省咨緝之犯有該省僕役協獲並獲王寶昌王義程貴周四拉彭老郝富貴李忠杜志恒蔣明高徐振其袁連登劉文張亮卽張勝子陳得林卽

陶雲汀先生奏疏卷二

無錄

二

陳老陳大漢又名飛刀陳四陳得茂卽戲法陳呂貴卽呂老顧盡忠卽顧老西兒等十八名係眼線指拏之犯又據趙文義赴清河縣投首各供俱係嘉白等幫糧船水手或認習教互鬪或稱並未幫毆等情先後錄供稟報前來查閱犯供多有爛燻顯係恃無質証飾詞狡卸應卽解歸浙江提同前獲之李明秀等質訊以期水落石出至現在單開各犯自係同夥助兇之人該犯等自知罪重難追多已聞拏逃散不能聚在船幫滋事黨羽旣散掩捕更易無須俟浙船歸

次_臣與督_臣現復添派文武員弁無分畛域迅速訪拏務期按名全獲仍飭各員慎密妥辦不得張皇激生事端以仰副

皇上諄諄告誡之意除飭將現獲各犯分起解浙歸案審辦外合將奉到

諭旨密速查拏逸匪緣由附片覆

奏伏乞

聖鑒謹

奏

道光五年七月初六日具

陶雲汀先生奏疏卷二

無錄

二

奏八月初十日奉

硃批查拏此案要犯貴在速密切不可令其遠颺漏網勉之欽此

附奏查議商販分別許關海關納稅大概情形摺片

再臣於七月初四日承准軍機大臣字寄道光五年六月二十四日奉

上諭延隆奏客商製販南雜布茶等物赴上海出口者除實在行銷關東登萊青等處字號婁齊門掛號舊冊有名者照舊免稅驗放外其舊冊無名係影射關東等處者將各貨按許關則例完納錢糧聽其繞走海關給照出口其北貨南銷皆許關應徵之稅如有越漏於太倉劉河一帶查拏補稅延

陶澍先生奏疏卷十一

撫蘇稿

三

隆所奏自係為關課足額起見惟設關收稅所以裕國通商國課固宜充盈而商販亦不可紊亂著陶澍會同該織造查照所奏各條秉公妥議是否可行據實奏聞再降諭旨該撫等雖各有職守總期彼此兩有裨益勿得稍存私見將此諭知陶澍並傳諭延隆知之欽此欽遵寄信前來承准此當即遵

旨傳諭織造延隆欽遵知照伏查蘇州為百貨叢萃之地許墅關設立城西上年織造臣延隆因商船多由海關出口本關稅額有虧請將冊內有

名舊商照常行運其新立字號概行截留奏奉諭旨此案旋因御史熊遇泰條奏商船出口請照定例納稅放行奉

上諭商販貨船除例禁出洋者向准其納稅放行不必概由內河原以體卹商旅茲嘉善松江一帶有織造衙門胥吏人等藉端訛索遇有重載商船逼令內河行走著該督撫等詳加確訪等因欽此又在案茲延隆又以商人趨利若鶩若強令由內地行走於商情不順若概聽混越又於課稅有妨請將實在行銷關東等處字號舊冊有名者

陶澍先生奏疏卷十一

撫蘇稿

三

照舊免稅其舊冊無名本係影射者按許關則例完納錢糧聽其繞走海關其北貨南銷請於太倉劉河一帶巡拏偷漏等情查例載內地米穀麥豆雜糧准在內河販運有偷渡出洋者分別治罪又內地頭蠶湖紗及紅黃銅器鐵觔鐵貨等物令海關嚴禁出洋又載本省通州貨物由海對渡者均進劉河上海等口歸江海關報稅等語是劉河一帶稅歸海關例有明文而貨物行銷關東等處不論新舊字號總以例禁之應否出洋為斷今若捨舊徵新由許關納稅海

關給照似與戶部定例未符卽恐於商販有紊
惟蘇省自去冬以來黃運淺阻內河貨船行走
維艱揚准各關均有缺額計關亦短至七萬有
餘在延隆職司關榷勤慎有素實心實力思裕
國課兼值河工需用之際錢糧尤宜慎重不敢不
竭力籌畫臣甫蒞江蘇地方情形尙未深悉是
否可行容再細爲體察會同延隆秉公妥議再
行具

奏外所有臣奉到

諭旨緣由合先附片覆

陶雲汀先生奏疏卷二

撫蘇稿

三

奏伏乞

聖鑒謹

奏

道光五年七月初六日附奏八月初十日貢院
奉到

硃批悉心妥議毋爲屬員所惑欽此

查看海口運道並曉諭商船大概情形摺子
奏爲查看海口運道並曉諭商船大概情形恭摺
具

奏仰祈

聖鑒事竊臣前於揚州途次承准軍機大臣字寄六
月初六日奉

上諭魏元煜奏籌議漕河全局一摺海運原因運道
淺阻爲一時權宜之計朕周諮博訪志在擇善而
從是以諭令諸臣悉心妥議計出萬全不爲選制
至折色一層各省情形不同着琦善魏元煜陶澍

陶雲汀先生奏疏卷二

撫蘇稿

三

程含章遵照前旨悉心議奏務須盡善無弊期於
公事有裨等因欽此在案查海運折色二事臣於
未經奉到

廷寄之先業已分別可行不可行恭摺覆

奏現在欽奉

諭旨海運一事旣據該撫奏稱目前籌運之策無踰
於此與琦善意見相同著俟藩司賀長齡赴海口
查勘情形籌畫到日卽將一切章程會同妥議具
奏等因欽此又在案伏查漕米一項關係
天庾正供數百年來由內河行走最爲穩妥惟現

當淮黃阻滯漕運維艱仰勞

聖主宵旰焦思臣等敢不竭力圖維於不得已之中

勉籌濟運之道以冀仰紓

宸注惟海運事屬創始一切辦理之法宜豫而尤以

雇覓海船為第一要務蓋必船定而後一切章

程始可得而詳議也臣因漕事重大必須身親

查驗始能得其確實茲以覆勘蘇松等處水利

工程由華亭順赴上海勘得上海縣東南門外

黃浦江一道闊五六里距海口五十餘里為各

商船聚泊之所臣徧歷江干現有大小沙船一

陶澍先生奏疏卷七

撫蘇稿

三

百餘隻當即登船查看見大中沙船均係桅板

堅固艙底平整大者約可裝米一千四五百石

中號可裝八九百石小者可裝四五百石據船

戶牙行僉稱各船常年載貨北行轉輸轉運至

十冬臘三個月內各號船隻始能收幫歸次約

計大中兩號沙船堅固可用者共有九百餘隻

若分作兩次陸續趕運共可運正耗米一百五

六十萬石其小號沙船裝米無多不如大中兩

號之平穩該船等年常往來北洋沙線是所諳

歷間有失事不過百中之一二由上海駛往天

津順風旬日可到至遲不過一月等語惟該船

等向來受載商貨從未裝運官米交兌事宜非

所熟悉恐有稽留措勒不無畏累之心臣當即

出示曉諭復傳集現到沙船商戶舵水人等面

加開諭告以給價運糧毫無苦累一至天津隨

到隨卸並無稽延況

聖恩寬大上年臺灣運米各商得邀獎敘沙船果能

妥速運津亦當

奏懇

聖恩向其剴切指示一面飭令現到各船商出具承

陶澍先生奏疏卷七

撫蘇稿

三

攬領運切結存案此時仍聽裝貨北行但限冬

初回南毋許逗留他處並飭上海道縣查明此

後續到各船均即預寫攬運切結催令早去早

回不得封留滋累該商船經此一番曉諭咸知

踴躍急公其餘一切章程臣因文闕屆期應赴

江寧監臨仍飭藩司賀長齡即行馳往上海將

商船脚價並帶備耗米及酌派將弁押運委員

交兌各事宜妥籌具詳再由督臣與臣會核入

奏所有臣查看海口曉諭商船大概情形理合恭

摺具

奏伏乞

皇上聖鑒謹

奏

道光五年七月二十三日具

奏八月二十九日奉到

硃批知道了欽此

陶雲汀先生奏疏卷十一

撫蘇稿

三

覆勘黃浦水利工程覈定辦工各員獎勵摺子

奏為遵

旨覆勘黃浦一路水利工程查驗如式併將辦工各

員覆覈定議仰祈

聖鑒事竊 臣等承准軍機大臣字寄道光五年六月

十八日欽奉

上諭江蘇興辦太湖水利前經該督等奏派司道並

降調道員沈惇彝等逐細勘估分飭委員興挑茲

據魏元煜等奏稱驗收黃浦一路挑工完竣請將

降調道員沈惇彝留於南河差委承辦遲延之婁

陶雲汀先生奏疏卷十一

撫蘇稿

三

縣知縣徐夢熊交部議處並請將在工出力之同

知范博文等五員分別陞補知府額騰伊等五員

交部從優議敘此項工程關係江浙兩省水利最

為緊要現在興挑完竣必須一律如式方資利賴

着琦善等再行詳加勘驗是否工歸實用帑不虛

糜其所保各員是否允協降調道員沈惇彝應否

留於南河差委及知縣徐夢熊辦工遲延之處覆

核定議據實具奏到日再降諭旨將此諭令知之

欽此欽遵 臣琦善因督辦河漕正當喫緊之際

未克分身當經移咨 臣陶澍就近親往勘驗於

七月初九日自蘇州起程先赴吳江震澤縣境
察看太湖水勢旋由青浦泖湖至華亭婁縣滙
送黃浦之處逐細履勘所有估挑各工其誌椿
灰印業經前撫臣張師誠暨藩司賀長齡於赴
工驗收時照例起除此時已無從查對而兩岸
水痕及口底寬深丈尺併岸旁挑積之土仍屬
確有可憑隨即按冊探量牽繩較驗與原估俱
屬相符測量水勢自四五尺至八九尺不等從
太湖下注黃浦一路悉屬流通工歸實用並無
偷減虛糜情弊復遍加察訪上年承辦各員於

陶雲汀先生奏疏卷上

無蘇稿

三

嚴寒風雪之際趕緊集夫挑挖周歷催查不辭
勞瘁尚屬認真出力惟臣等查此項工程初議
將吳淞江等處一併辦理嗣因經費浩大僅辦
黃浦一路較原估工程祇四分之一銀數亦止
七萬有餘工段無多司道大員固不敢仰邀
恩施卽蘇州府知府額騰伊松江府知府楊樹基亦
屬分內應辦之事應與前署青浦縣李宗穎前
署華亭縣王青蓮及隨同辦工之嘉定縣縣丞
姚大成皆毋庸議敘至總催工程之蘇州府總
捕同知范博文專司總局之知州銜長洲縣知

縣現請陞補蘇州府督糧同知俞德淵實心實
力經理尤為得宜應請

旨交部從優議敘又咨補靖江縣巡檢周恭壽青浦
縣巡檢方景雯候補主簿陳德培均係微員兩
載以來隨同估濬跋涉辛勤始終竭力應請照
前督臣魏元煜等原奏將周恭壽方景雯二員
儘先陞用陳德培一員前於辦賑案內

奏准儘先補用應請無論繁簡遇缺卽補至降調

原任淮海道沈惇彝經前督臣等聲請留於南

河差委查該員應赴部選現在工次人員尙堪

陶雲汀先生奏疏卷上

無蘇稿

三

敷用無須留工差委惟該員自前年奏調來蘇
疏消積水估催工段兩款江干其勞績亦不可
泯可否同現任人員一併交部議敘之處出自

聖主格外

天恩又婁縣知縣徐夢熊因承辦工段稍長適值陰
雨完竣在後查明尙無貽悞究屬辦理稽延應

請

旨交部察議至原估各工前督臣等因經費不敷摺
節減辦以之疏利農田原有裨益惟明年試行
海運各州縣漕剝船隻不下數千經行塘浦湖

漢甚多已飭各屬將從前未經估挑處所逐細相度倘或有礙漕行即須設法疏通免致臨期周章其餘善後事宜並借動工價應否俟吳淞等處續辦工竣再行分年攤徵歸款之處業經前督撫臣飭令司道妥議章程俟詳覆至日臣等另行核奏所有遵

旨覆勘覈議緣由謹合詞恭摺覆

奏再臣陶澍勘竣工程業於七月十六日回省辦事合併聲明伏乞

皇上聖鑒謹

陶澍先生奏疏卷一

撫蘇稿

三

奏

道光五年七月二十三日具

奏八月二十九日奉到

硃批另有旨欽此同日奉到道光五年八月十三日

內閣奉

上諭琦善等奏覆勘水利工程查驗如式併將辦工各員覆覈定議一摺江蘇興辦太湖水利前據魏元煜等奏驗收黃浦一路挑工完竣請將辦工各員分別留工議處議敘降旨交琦善等覆覈具奏茲據該督等奏查驗各工並無偷減虛糜情弊訪

察承辦各員尚屬認真惟所辦工程較原估祇四分之一工段無多所有蘇州府知府額騰伊前任松江府知府楊樹基前署青浦縣李宗穎前署華亭縣王青蓮及隨同辦工之嘉定縣縣丞姚大成均着毋庸議敘至總催工程之蘇州府總捕同知范博文專司總局之知州銜長洲縣知縣現陞蘇州府督糧同知俞德淵經理均屬得宜俱着交部從優議敘其咨補靖江縣巡檢周恭壽青浦縣巡檢方景雯俱着儘先陞用陳德培無論繁簡遇缺即補降調道員沈惇彝估催工段尚為出力亦着交部議敘無庸留工差委即飭令該員赴部候選婁縣知縣徐夢熊承辦工段尚無貽悞惟辦理稽延著交部察議該部知道欽此

陶澍先生奏疏卷一

撫蘇稿

三

附奏擬續辦吳淞水利並拆除石閘摺片

竊臣查江浙水利莫大於太湖其分洩入海之路有三一曰吳淞江即太湖正流也一曰黃浦即東江也一曰瀏河即婁江也吳淞最大自分流南入黃浦而吳淞日微瀏河亦逐漸增淤矣每遇霖潦水無所歸滯而成災議者但咎水利不修由於上流不疾下流遂淤之所致欲舉全省之湖塘浦汊而挑之濬之無論工費浩大亦無如許人力就使挑空全通建甌直下而水無儲蓄一瀉無餘豈民田之利哉夫太湖號稱三百餘里其實祇係藪澤寬而不深所收江浙及宣歙諸水發源不遠不過三五百里而止東及海濱亦止二三百里源短而流亦短非如洞庭彭蠡有千數百里之來源也而所灌蘇松常太杭嘉湖數府州之田畝以億萬計漕糧居天下之大半皆恃太湖為之潤漑此不徒憂澇而並宜防旱也其間縱浦橫塘十灣九曲皆天然之溝洫所以資蓄洩而猶不免於偏災偶見者其來有漸殆非一朝夕之故究其弊端多由民田侵占爭及尺寸而江流日隘兼自明代以

陶澍先生奏疏卷一

撫蘇稿

三

來言水利者往往不顧全局遇有壅滯不治其本而別開津汊以苟一時之利以致支流愈分正流日塞然此二者之為害猶顯而易見惟吳淞江口建閘一事則不但不究其害而羣且議以為利謂潮來下版可以遏沙潮退啟版清水仍可暢出其說似是而實非夫吳淞為禹貢三江之一與岷江浙江並列乃天地所以吞吐陰陽之氣非如無源之港汊可以扼其吭而為之節也海潮既能挾沙而來即能挾沙而去如岷江浙江其委未嘗置閘而沙固未嘗淤也況江

陶澍先生奏疏卷一

撫蘇稿

三

身亦自有淤泥尚欲藉潮退之勢推卸以入海一經置閘內外隔絕潮水之挾沙而上者無江水為之回送而沙停於閘外矣江水之挾泥而下者無潮水為之掣卸而泥停於閘內矣臣此

次遵

旨覆勘工程由青浦華亭至上海親見黃浦無閘而海潮鼓盪江面濶深吳淞江有老閘又有金家灣新閘而沙泥停積數十里水小如溝船隻往來反俟潮水為之浮送詢問土人僉稱老閘建自康熙年間甫成即圯新閘成於乾隆二年亦

止虛設難於下版緣闢距吳淞黃浦合流之處僅六七里全潮灌入非闢所能禦該處沙土鬆浮一經下版闢身震動是以徒有歲給闢夫銀兩毫無實濟轉足以阻礙船行停滯沙泥幸上年估工未修並未糜費臣思吳淞江爲江浙水利第一樞紐其上源不宜直瀉所以蓄水勢而口門則斷不可梗塞以致停淤也石闢有害無利應行拆除其闢前闢後所積沙泥併沿江灣曲淺灘均應設法疏挑俾資通順以利全省似未可以經費未充遂爲停歇容臣與督臣再細

陶雲汀先生奏疏卷十一

撫蘇稿

三

確商飭司妥議一俟籌有成局另行確估興工至三吳農田絕少堤圩每虞潦澇惟有照業食佃力之法於隆冬閒暇時按畝出夫一二名挑淺浚深卽因出土以爲圩圍每歲通力合作以三日爲率約計出土可高一二尺越三四歲而圩圍可成矣但須良有司久任而民信從者始能爲之此則微臣目前所未逮而有志焉者也所有勘視水道並擬續辦吳淞水利緣由謹附片具陳伏乞

聖鑒訓示謹

奏

道光五年七月二十三日具

奏八月二十九日奉到

硃批另有旨欽此同日奉到道光五年八月十三日

奉

上諭陶澍奏吳淞江口所建石闢有害無利老闢甫成卽圯新闢亦止虛設難於下版徒有歲給闢夫銀兩毫無實濟應行拆除等語吳淞江爲江浙水利關鍵原建闢座本爲禦潮而設若果如該撫所勘情形不但不能禦潮轉足以阻礙船行停滯沙

陶雲汀先生奏疏卷十一

撫蘇稿

三

泥自應拆除以利水道惟當時屢次建闢自非無因且現有議以爲利者亦未可遽行拆去著該撫與琦善再行詳勘情形細心商榷如果必應拆除另行飭司妥議確估辦理此闢經歷有年且現在南河興舉要工卽從緩辦亦無不可也將此諭知陶澍並諭琦善知之欽此

請陞要缺同知摺子總督會稿

奏為要缺同知需員恭懇

聖恩俯准陞補以裨地方事竊照蘇州府督糧同知

福隆阿患病回旗業經前撫臣張師誠恭疏具

題開缺在案所遺蘇州府督糧同知員缺係衝繁

難兼三要缺例應在外揀選調補臣等查該同

知駐劄蘇州城外楓橋地方有准理商賈控訴

事件併彈壓染坊踰匠之責最為繁劇非精明

幹練之員不足以資治理據蘇州藩司賀長齡

會同署江蘇臬司梁章鉅詳稱於通省同知內

逐加遴選非現居要缺即人地未宜實無堪調

之員惟查有長洲縣知縣俞德淵現年四十八

歲甘肅平羅縣人由嘉慶丁丑科進士改庶吉

士散館以知縣用選授安徽建平縣引

見奉

旨調補江蘇荆溪縣知縣

奏調長洲縣知縣道光二年六月初一日到任三

年

大計卓異接准部覆行令送部引

見緣興辦三江水利勘估工程咨部展限又因查辦

賑務出力奏奉

上諭著賞加知州銜該員通達治體器識遠大以之

請補蘇州府督糧同知實堪勝任該員歷俸已

滿三年任內叅罰除飭完繳俸銀咨部銷案及

已叅未議之案不計外惟尚有接徵道光二年

漕項未完一分以上降職一級戴罪徵收又前

在荆溪縣任內經徵道光元年漕項未完二分

以上降職二級戴罪徵收兩案與陞補之例稍

有未符但員缺緊要人地實在相需會詳請

奏前來臣等往返札商意見相同理合循例專摺

具

奏仰懇

聖恩俯准將現任長洲縣知縣俞德淵陞補蘇州府

督糧同知於省會要缺洵有裨益如蒙

俞允該員於

大計卓異案內應行赴部引

見仍俟部覆至日併案給咨送部引

見恭候

欽定其所遺長洲縣知縣係衝繁疲難四項相兼最

要之缺容另遴員請調臣等謹合詞恭摺具

奏伏乞

皇上聖鑒訓示遵行再臣等到任未及三月例不出
考合並陳明謹

奏

道光五年七月二十三日具

奏八月二十九日奉到

硃批另有旨欽此同日奉到道光五年八月十三日
內閣奉

上諭琦善等奏揀員陞補要缺同知一摺着照所請

江蘇蘇州府督糧同知准其以俞德淵陞補併案

陶雲汀先生奏疏卷二 撫蘇稿

送部引見該部知道欽此

恭報起程辦理監臨文閣摺子

奏為恭報起程辦理監臨事務仰祈

聖鑒事竊照本年乙酉科江南鄉試輪應江蘇巡撫

監臨闈務並例於場前會考選拔貢生及優行

生員應須先期前往臣現將緊要案件趕緊清

理於七月二十三日自蘇州起程前往江寧遵

照章程督率提調各員詳慎辦理臣衙門日行

事件循照向例委蘇州藩司賀長齡代拆代行

臬司招解命盜案件亦委藩司代勘發回由臣

核明分別

陶雲汀先生奏疏卷二 撫蘇稿

題咨以免積壓此外如有緊要事件仍令包封送

至行署核辦所有臣起程辦理闈務緣由理合

恭摺具

奏伏乞

皇上聖鑒謹

奏

道光五年七月二十三日具

奏八月二十九日奉到

硃批知道了欽此

附奏感受積暑調治痊愈摺片

再臣於七月二十三日前往江寧辦理文闈事務業經恭摺具

奏在案今於八月十六日三場完竣併將試卷陸續彌封全解內簾一切均稱妥順惟臣於夏間赴蘇之後適值酷暑往來清江上海旋即行抵江寧兩月以來受有積暑入闈之後寒熱交作轉成瘧瘧以時值科場

大典且正當籌商海運事宜在在均關緊要未敢遠請

陶澍先生奏疏卷七

撫蘇稿

臣

賞假勉力支持查向例於試卷彌封全送內簾後即出闈辦公臣現已循例出闈即在行館醫治漸就輕減一切公事照常力疾辦理不敢稍滋懈怠所有闈場安靜及臣患病現在調治緣由理合附片以

聞伏乞

聖鑒謹

奏

道光五年八月二十八日附

奏九月二十八日奉到

硃批知道了欽此

陶澍先生奏疏卷七

撫蘇稿

臣

附奏房官病重扶出闈外將卷分派各房摺片
再本年江南鄉試闈內均屬安靜惟據提調鹽
巡道德啟監試候補道錢俊轉據內簾監試太
湖同知陳何龍申報內簾同考官奉賢縣知縣
劉佳入闈卽病未能閱卷移居闈內空屋當將
分掣硃卷派令其餘十七房閱看一面調治以
冀就痊今病勢日益沉重萬難支持只得稟明
主試於八月二十三日扶出闈外等情由該提
調官等轉詳前來查該令劉佳入闈卽病居住
空屋尙未披閱試卷於文字去取全未干涉據
報病重業經扶出調治所有該房應派硃卷歸
併十七房分閱緣由理合附片奏

陶雲汀先生奏疏卷七

撫蘇稿

四三

聞伏乞

聖鑒謹

奏

道光五年八月二十八日拜發九月二十八日

奉

硃批知道了欽此

鄉試三場完竣年老諸生循例奏聞摺子附清單
奏爲查明鄉試年老諸生三場完竣年歲符合循
例恭摺具

奏仰祈

聖鑒事竊照本年乙酉科江南文闈鄉試輪屆臣辦
理監臨茲准江蘇學政臣辛從益安徽學政臣
張麟各將應試年老諸生造冊咨送到臣當於
點名時留心察看該老生等均各雇眉皓齒鬚
躍觀光今已揭曉查有年老士子三場完竣未
經中式者除前奉

陶雲汀先生奏疏卷二

撫蘇稿

聖

恩賞副榜此次仍在八十以上例應扣除外查有江
蘇省八十以上附生孔廣泗張汝淇戴禮強克
中張金鏞明濟均余壽增歲貢生王瑤光等八
名安徽省年登九十以上之副貢生丁茂燦郭
得元八十以上之增生汪文芷韓珩歲貢生項
勛附生李元奐趙勿李森余滙泉張應溶監生
方德溥王希賢等十二名臣查閱試卷文理尙
屬明順合計江蘇安徽兩省年老諸生共二十
名飭據江寧藩司張志緒會同提調鹽巡道德
啟查明該老生等年歲及入學年分均屬相符

詳請具

奏併聲明監生方德溥王希賢二名現在覆查取

結另請咨部等情前來臣查該老生等青年銳

志皓首窮經允為

聖世之庶徵洵屬士林之盛事宜沐

恩榮以彰

雅化臣謹會同兩江總督臣琦善安徽撫臣張師誠

恭摺具

奏並開列清單敬呈

御覽伏乞

附雲汀先生奏疏卷上

撫蘇稿

聖

皇上聖鑒敕部核覆施行謹

奏

謹將江蘇安徽兩省乙酉科鄉試八十九十以

上三場完竣諸生開列名單敬呈

御覽

計開

江蘇省八十以上老生八名

孔廣泗江寧府學附生實年八十歲

張汝洪震澤縣附生實年八十一歲

戴禮荆溪縣附生實年八十歲

強克中溧陽縣附生實年八十一歲

張金鑣沛縣附生實年八十一歲

明濟均通州附生實年八十歲

奈壽增如臯縣附生實年八十二歲

王瑤光清河縣歲貢生實年八十歲

安徽省九十以上老生二名

丁茂燦廬江縣副貢生實年九十一歲嘉慶

十八年

欽賜副榜

郭得元懷遠縣副貢生實年九十歲道光元

附雲汀先生奏疏卷上

撫蘇稿

聖

年

欽賜副榜

安徽省八十以上老生十名

汪文芷安慶府學增生實年八十一歲

韓珩蕪湖縣增生實年八十一歲

項勛太平縣歲貢生實年八十一歲

李元奐歙縣附生實年八十四歲

趙勿涇縣附生實年八十九歲

李森池州府學附生實年八十二歲

奈滙泉銅陵縣附生實年八十一歲

張應溶阜陽縣附生實年八十三歲

方德溥桐城縣監生實年八十一歲

王希賢涇縣監生實年八十一歲

道光五年十月初一日具

奏十一月初三日奉到

硃批禮部議奏單併發欽此

陶雲汀先生奏疏卷上

撫蘇稿

四

江淮等屬被災分別蠲緩摺子 總督會稿

奏為查明江淮等屬各州縣衛被旱被水成災分數及收成歉薄情形恭懇

聖恩分別蠲緩以紓民力仰祈

聖鑒事竊照本年江蘇省江寧淮安揚州徐州等各

府屬或因夏秋缺雨高田受旱或因夏雨過多

低窪積水據各屬先後稟請勘辦均經飭令江

寧藩司委員確勘業將查辦情形於六七兩月

雨水糧價摺內奏

聞在案嗣據阜寧縣稟報積水漸消晚禾有收贛榆

陶雲汀先生奏疏卷上

撫蘇稿

五

縣稟報晚禾續得雨澤滋培不致歉收均毋庸

勘辦應行扣除又甘泉高郵寶應睢寧四州縣

及淮安大河二衛續報歉收即經飭催江寧藩

司暨各該府督同印委各員速即查勘由司覆

核詳辦去後茲據江寧布政使張志緒詳稱該

司因辦理文武闈一切公務不克分身親往履

勘移委徐州道吳耆德前赴沛縣復加查勘計

被旱情形較重之處成災五分其餘勘不成災

又江寧府屬之六合淮安府屬之山陽清河桃

源安東鹽城揚州府屬之高郵泰州甘泉寶應

徐州府屬之銅山豐縣蕭縣碭山邳州宿遷睢
 寧及淮安大河徐州等二十州縣衛被旱被水
 田地據印委各員勘明實係收成歉薄勘不成
 災均請毋庸撫恤照例分別蠲緩等情詳請核
 奏前來 臣等覆查江寧淮安揚州徐州各府屬具
 報被旱被水情形已據道府州縣印委各員查
 勘明確所有沛縣成災五分地畝現據查明毋
 需撫卹惟秋禾失收民力不無拮据仰懇
 皇上天恩俯准將本年地丁漕糧漕項銀米按分蠲
 免蠲剩銀米照例分別帶徵所有該縣歉收之

陶雲汀先生奏疏卷十一

無蘇稿

四

區同六合山陽清河桃源安東鹽城高郵泰州
 甘泉寶應銅山豐縣蕭縣碭山邳州宿遷睢寧
 淮安大河徐州等二十州縣衛勘不成災田地
 應徵本年地漕各項銀米一併緩至來歲秋成
 後分作二年帶徵又成災及勘不成災項下應
 徵丙戌年新賦亦請緩至該年秋成後啟徵至
 以上各州縣應行帶完嘉慶二十三年起至道
 光二年止舊欠地漕等項錢糧米麥豆石因係
 頻年積歉之區經前撫 臣韓文綺會摺
 奏准從道光三年並四年秋成後起各就最遠年

分帶徵一年欽奉

俞允在案除本年成熟之區遵照

奏案帶徵外其坐落災區者應請從道光六年秋
 成後起各就最遠年分帶徵一年由遠而近以
 次遞及至應徵道光三年四年災緩各項錢糧
 米麥豆石亦遵定例熟田按限帶徵災田分別
 遞緩其本年各災屬熟田應徵現年錢糧仍令
 照常輸納又揚徐等屬減則田地歉收並懇
 聖恩准循歷屆災案一體緩至來年秋收後帶徵以
 紓民力其成災及勘不成災各州縣衛無力貧

陶雲汀先生奏疏卷十一

無蘇稿

四

民軍丁來春應否接濟容俟察看情形分別辦
 理鹽場竈地應由鹽政衙門查辦再查清河桃
 源宿遷三縣漕糧向係民折官辦本年各該縣
 均報歉收應請查照嘉慶十五年秋災情形案
 內
 奏准章程將災田米麥緩俟成熟之年再行採辦
 熟田應辦米麥仍行分別辦運所有應緩漕價
 各數統於
 奏銷案內照數登報除飭將應蠲應緩確數核實
 造冊咨部並將各屬災歉情形另行恭疏

題報外所有臣等查明分別辦理緣由謹合詞恭

摺循例由驛具

奏伏乞

皇上聖鑒訓示謹

奏

道光五年十月初八日由驛具

奏二十六日奉到

硃批另有旨欽此同日奉到道光五年十月十七日

內閣奉

上諭琦善等奏查明被旱被水成災等屬請分別蠲

陶雲汀先生奏疏卷七

撫蘇稿

三

緩一摺江蘇江寧等府屬被旱被水收成歉薄民
力不免拮据著加恩將成災五分之沛縣本年地
丁漕糧漕項銀米按分蠲免蠲緩銀米照例分別
帶徵所有該縣歉收之區同六合山陽清河桃源
安東鹽城高郵泰州甘泉寶應銅山豐縣蕭縣礪
山邳州宿遷睢寧淮安大河徐州二十州縣衛勘
不成災田地應徵本年地漕各項銀米一併緩至
來歲秋成後分作二年帶徵又成災及勘不成災
項下應徵道光六年新賦亦著緩至來年秋成後
啟徵以上各州縣應帶完嘉慶二十三年起至道

光二年止舊欠地漕等項錢糧米麥豆石前經奏

明從道光三年並四年秋成後起各就最遠年分

帶徵一年除本年成熟之區仍行帶徵外其坐落

災區者著自道光六年秋成後起各就最遠年分

帶徵一年至應徵道光三年四年災緩各項錢糧

米麥豆石熟田按限帶徵災田分別遞緩其本年

各災屬熟田應徵現年錢糧仍照常輸納又揚徐

等屬減則田地歉收並著一體緩至來年秋收後

帶徵以紓民力其各州縣衛無力貧民軍丁來春

應否接濟著該督等察看情形辦理鹽場竈地著

陶雲汀先生奏疏卷七

撫蘇稿

三

該鹽政查辦其清河桃源宿遷三縣漕糧向例民
折官辦本年均屬歉收所有災田米麥緩俟成熟
之年再行採辦熟田應辦米麥仍著分別辦運該
部知道欽此

奏摺卷十二目錄

撫蘇稿

安化陶澍

請遞展應徵災緩銀米以紓民力摺子 總督會

會籌海運事宜摺子 江督河督會 稿附片一件

勘估徒陽運河工段銀數摺子

附奏緝獲匪犯懲辦摺片

覆查沛縣成災五分請給口糧摺子 總督會 稿

驗收運河挑工啟壩催漕摺子

蘇糧現由海運請將例帶蓆竹酌解銀兩交倉

摺子 江督漕督 會稿

陶澍先生奏疏卷三目錄

句容漕糧請照舊抽梗並納摺子

請緩攤徵華亭民修土塘原借

帑銀摺子

查明各屬捐賑紳商請分別獎勵摺子 總督會 稿

附奏請緩攤徵前借興辦黃浦水利

帑項摺片

御賜福字鹿鹿謝

恩摺子

親赴上海督辦海運摺子

海運初兌米船陸續開出十激摺子 附片一件

沙船加裝米石摺子 附片二件

陶澍先生奏疏卷三目錄

請遞展應徵災緩銀米以紓民力摺子

總督會稿

奏為應徵道光三年災緩二三兩限銀米懇

恩俯准遞展年限分年帶納以紓民力事竊照江蘇

省道光三年被水成災田地應行蠲緩錢糧先

經前任督臣撫臣

奏明分別蠲緩並將通境成災五分以上各州縣

額徵白糧米石一體分年帶徵各在案所有本

年應徵二限銀米前經照例通飭啟徵完解去

後茲據蘇州布政使賀長齡詳稱據上海縣具

稟道光三年大災以後元氣未復各花戶完納

陶雲汀先生奏疏卷二

撫蘇稿

一

本年新賦及三年分初限銀米已形竭蹶若再

兼輸三年二限銀米民力難紓懇請遞緩帶徵

並據長洲等屬各以前情詳報到司當因帶徵

銀米攸關起運要款果否民力難輸必需遞展

卽經通飭各府州體察實在情形酌議詳辦旋

據蘇州松江常州鎮江四府併太倉州先後詳

稱飭據長洲元和吳縣吳江震澤常熟昭文崑

山新陽華亭奉賢婁縣金山上海南匯青浦川

沙宜興荆溪丹徒金壇溧陽太倉鎮洋嘉定寶

山等二十六州廳縣及蘇州太倉鎮海金山等

四衛查明道光三年均被重災民間元氣迄今

未復新舊並納民力拮据委係實在情形請將

道光五年秋後應行帶徵三年分災緩二限銀

米及原緩二限白糧米石同丹徒縣原緩二限

蘆課錢糧均請展緩一年從道光六年秋後啟

徵其三年分災緩三限銀米亦請遞緩至道光

七年秋後啟徵等情並據聲明其餘太湖廳暨

武進陽湖無錫金匱江陰靖江丹陽崇明等八

縣體察民情尚不致於拮据均請照常催徵無

須遞緩各等情由司核明詳請具

陶雲汀先生奏疏卷二

撫蘇稿

二

奏前來臣等伏查各屬經徵地漕銀米原應依限

催徵不容稍有帶欠惟道光三年被災以後民

間元氣未復今秋雖屬有收除應徵本年條漕

外尚有帶徵積年舊欠若令兼輸三年二限銀

米民力實有未逮合無仰懇

聖恩俯准將長洲元和吳縣吳江震澤常熟昭文崑

山新陽華亭奉賢婁縣金山上海南匯青浦川

沙宜興荆溪丹徒金壇溧陽太倉鎮洋嘉定寶

山等二十六州廳縣并蘇州太倉鎮海金山等

四衛本年秋後應徵道光三年災緩二限銀米

及原緩二限白糧米石同丹徒縣原緩二限蘆
課錢糧均緩至道光六年秋後啟徵其三限銀
米遞緩至七年秋後帶徵以紓民力除飭將各
該州縣廳衛實欠銀米細款確數專案造冊另
行咨部其初限未完及積欠銀米仍飭趕緊催
收分別解運外所有江蘇省應徵道光三年災
緩二三兩限銀米懇請遞緩緣由謹會同漕運
督臣陳中孚合詞恭摺具

奏伏乞

皇上聖鑒訓示謹

陶澍江先生奏疏卷三

蘇蘇稿

三

奏

道光五年十月三十日具

奏十二月初四日奉到

硃批另有旨欽此又同日奉到

道光五年十一月十九日內閣奉

上諭琦善等奏應徵災緩銀米懇請遞緩一摺江蘇
省除應徵本年條漕外尚有帶徵積年舊欠惟自
道光三年被災後民間元氣未復若令兼輸三年
二限銀米民力不免拮据著加恩將長洲元和吳
縣吳江震澤常熟昭文崑山新陽華亭奉賢婁縣

金山上海南匯青浦川沙宜興荆溪丹徒金壇溧
陽太倉鎮海金山等四衛本年秋後應徵道光三年
太倉鎮海金山等四衛本年秋後應徵道光三年
災緩二限銀米及原緩二限白糧米石同丹徒縣
原緩二限蘆課錢糧均著緩至道光六年秋後啟
徵其三限銀米遞緩至七年秋後帶徵以紓民力
其初限未完及積欠銀米仍著趕緊催收分別解
運該部知道欽此

陶澍江先生奏疏卷三

蘇蘇稿

四

會籌海運事宜摺子江督漕督會稿 附片一件

奏為會籌海運陸續應辦各事宜請

旨遵行事竊照本年海運漕糧業經臣等將應委驗

米交米道府各員並籌款協貼天津雇剝及通

倉經紀人等飯食各項

奏奉

諭旨飭行欽遵在案現屆新漕啟徵商船陸續歸次

一俟明年二三月間即可次第兌運開行所有

海運陸續應辦各事宜謹列條款恭呈

御覽

陶雲汀先生奏疏卷二 撫蘇稿

一驗米應責成糧道會同蘇松太道監兌也查

驗米為漕運要務糧道有監兌專司應請即

派蘇松督糧道宋潢暫駐上海會同蘇松太

道潘恭常逐細查驗兌交商船並封貯樣米

隨船帶赴天津由交米委員稟送

欽派大臣在於沙船比對米色按冊交收但商船越

風開行先後不齊該糧道勢不能隨船前往

應請無庸押運赴津以免顧此失彼

一赴津交米應分別委員前往也查蘇省漕糧

既多商船次第開行不便壓前等後該糧道

既須驗米不能押運自應先派大員資帶冊

籍前赴天津經理交兌事宜查有前經

奏派會議海運章程之原任河南河北道鄒錫淳

揀發道府慶玉李湘菑堪以委赴天津辦理

交米事宜又查有泰州知州王有慶蘇州府

管糧通判清平堪以委赴天津幫辦交米事

宜以上各員俱令各帶佐雜一員先由陸路

赴津妥為經理均俟漕糧全數到彼兌交剝

船方准回蘇銷差

一交米委員應以到天津為竣事無須再至通

陶雲汀先生奏疏卷二 撫蘇稿

倉也查來年蘇屬漕糧由海運送事屬創行

本不能與往歲軍船視同一例而經紀人等

不能無弊必得從嚴約束使沙船無所畏累

庶次運不致稽遲惟沙船僅能到津而止前

此道光三年閩商所運臺灣米石俱於天津

交卸並未運送通倉此次業經臣等奏奉

諭旨屆期

欽派大臣在津驗收並由戶部議定章程奏請

勅下倉場侍郎督飭坐糧廳於經紀吏役內揀擇誠

實之人派令辦剝奉

旨飭行在案是漕糧之純潔與否既經

欽派大臣在於天津水次驗明到通以後即可無庸

覆驗應請將過剝事宜責成通倉各監督帶

同各倉經紀人等一手經理押運赴通其江

省交米委員一俟天津兌給剝船即已交卸

竣事無須再至通倉庶彼此均無推諉第剝

船自津赴通盤量不無折耗則耗米在所必

需兼查剝船向皆酌給飯米此次自亦未便

短少查有例應給丁耗米十八萬餘石業經

奏請撥給商船十二萬餘石尚有節省耗米六萬

陶雲汀先生奏疏卷十一

撫蘇稿

七

餘石除此項搭運節省耗米內亦應劃給商

船耗米外實存米五萬九千六百餘石隨正

起運赴津所有天津剝船盤耗飯米等項應

請即於此項節省耗米內酌量撥給仰懇

勅下倉場侍郎會同直隸督臣妥議辦理

一協貼天津通倉銀兩現由蘇省籌款解交也

通倉派往天津之經紀人等飯食雜費及盤

量身工各款臣等已於前摺聲明除將旗丁

到通應領銀米等款撥抵外由蘇另籌津貼

茲擬按照起運米數每石給銀四分措解銀

六萬餘兩交倉場衙門分別發給又天津雇

剝不敷等項除應由直隸督臣

奏明動撥外尚有例不准銷各款甚多茲擬措解

銀六萬餘兩交天津道庫俾資協貼以上二

款現在委員先期解往其帶徵各米應俟確

核儘徵數目計歸海運若干再行籌款協貼

一押運宜遴委武職大員也查商船自蘇赴津

既有各省沿海水師會哨巡防足資護送前

經臣等

奏明派委武職大員二人押坐商船赴津以資稽

陶雲汀先生奏疏卷十一

撫蘇稿

八

察彈壓茲查有川沙營參將關天培堪以委

押頭運船隻京口協副將湯攀龍堪以委押

次運船隻惟洋面巡護既已專責沿海水師

該二員祇須酌帶隨從數人不必多派弁兵

以節糜費

以上數條謹就臣等管見所及合詞具

奏伏乞

皇上訓示遵行謹

奏

道光五年十一月十七日具

奏

道光五年十二月二十一日奉到

硃批另有旨欽此同日奉到

道光五年十二月初五日內閣奉

上諭琦善等奏會籌海運應辦各事宜一摺江蘇現屆新漕啟徵商船陸續歸次來年二三月間即可次第兌運開行著責成蘇松督糧道會同蘇松太道查驗米色兌交商船並封貯樣米隨船帶赴天津由交米委員送交欽派大臣比對米色按冊交收其到津以後過剝事宜責成坐糧廳帶同經紀人等一手經理押運赴通所有江省交米委員在津將漕糧兌給剝船即已交卸竣事無庸再至通倉以免推諉惟剝船自津赴通盤量不無折耗有例應給丁耗米十八萬餘石業經奏准撥給商船十二萬餘石尚有節省耗米六萬餘石除此項搭運節省耗米內應劃給商船外實存米五萬九千六百餘石隨正起運赴津所有天津剝船盤耗飯米等項該督等請於此項節省耗米內酌量撥給著倉場侍郎會同直隸總督妥議辦理至直隸雇剝不敷等款著該督等查照戶部議覆直隸總督

陶雲汀先生奏疏卷三

撫蘇稿

九

具奏銀數分別籌撥解赴直隸備用餘俱照所議辦理該部知道欽此

陶雲汀先生奏疏卷三

撫蘇稿

十

再江省交米委員以到津為竣事臣等已於正摺聲明其實在不能到通之故緣通倉經紀人等無論米色好醜槩不免需索苛求由來已久其弊斷難盡除而其人數又復不少向來起運漕糧皆由旗丁按米領運分幫照料赴通每船正副二丁以蘇屬新漕一百五十萬石而計旗丁不下數千人皆係歷年出運熟悉情形是以辦理較易而所費頗屬不資本年州縣津貼旗丁幫費一項前經臣琦善附片具

奏撥作海運經費而各幫軍船又俱截留河北接

陶澍先生奏疏卷三

撫蘇稿

十一

運盤壩漕糧該丁等應在本船照料勢難分身押運即酌為抽派隨同沙船赴津而津貼之費亦無所出現在江省所派交米委員僅止數人其料理一切萬不能如眾旗丁之周密而直隸官員雖照料較易若經紀一涉需索則畏累之心亦與江省委員相似况已在
欽派大臣驗收米色之後亦無又任通倉經紀再驗之理臣等公同商酌已將經紀人等飯食雜費各款除將應領銀米撥批外另籌津貼銀兩解交倉場分別給發惟有仰懇

皇上天恩俯准查照部議由倉場衙門督飭經紀吏役人等派令辦剝則漕米到津一經

欽派大臣驗明在江省交米委員已屬竣事應請免其前至通倉庶交兌事宜各有責成而海運經費亦無短絀臣等因津貼幫費一項事涉陋規未便於正摺聲明謹將江省交米委員實在不能到通緣由合詞附片具陳伏祈

聖鑒謹

奏

道光五年十一月十七日附

陶澍先生奏疏卷三

撫蘇稿

十二

奏

道光五年十二月二十一日奉到

硃批另有旨欽此同日並准

軍機處知會 貴督等具奏交米委員片一件 奉

硃批另有旨欽此已寄

諭倉場侍郎遵辦矣

勘估徒陽運河工段銀數摺子

奏爲勘估徒陽運河挑撈工段銀數仰祈

聖鑒事竊照鎮江府屬丹徒丹陽二縣運河爲江浙

兩省漕船經由要道該處河身窄狹水無來源全藉江潮灌注每日潮汐挾沙而行水去沙停兼以兩岸積土鬆浮雨後坍卸易致淤淺向例於每年回空過竣後擇淺挑撈屆六年大挑一次本年輪屆大挑當經飭據該道府先後稟稱蘇省回空船隻現留河北接運未經南下明春試行海運漕船不由京口行走而浙省重運抵

陶雲汀先生奏疏卷三

撫蘇稿

三

境須在二月望間其時春潮旺漲足資浮送惟徒陽二縣新漕運赴上海交兌正在冬臘潮枯之際必得河道深通方可進行無阻擬請展緩大挑仍改小挑以節糜費定於十一月初五日煞壩排車戽水並據常鎮道劉名載鎮江府知府羅琦詳報督同丹徒丹陽兩縣逐段測量勘得丹徒縣境內自江口起至丹徒橋上止河長三千七百六十五丈又自櫻桃園上起至越河關上止河長九百五十丈逐段淺澁應請一律開挑又江口壩外淤淺河面寬濶難以築壩興

挑同壩外間段淺澁之東壩等二十處共長一

千六百九十丈俱應估撈又各段內南北兩岸俱有陽灘挺礙河心共長五百丈應加估切統計挑撈築壩切灘並修換各閘板繩索等項共估需銀一萬四千六百四十八兩四厘又丹陽縣境內河道寬平江潮流注稍緩積淤雖輕惟由關上起至南薰關止河長八百丈又自三義閣起至六里橋上止河長六百丈河身均屬淤墊應請煞壩開挑又定山灣等三十四處間段淺澁共長一千五百八十八丈應行鬮撈加以各

陶雲汀先生奏疏卷三

撫蘇稿

四

段內應切陽灘一百二十五丈共估計需銀四千七百九十八兩七錢八分合計兩縣各工通共估銀一萬九千四百四十六兩七錢八分四厘由蘇州藩司賀長齡詳請動支樂生洲租息銀五千八百一十二兩五錢三分一厘不敷銀一萬三千六百三十四兩二錢五分三厘請循例於司庫存公項下鹽規匣費平市及文職空缺等款銀內動支給辦等情前來臣因辦理海運正當喫緊之際不克分身前往飭令常鎮道覆加查勘將原估各段丈尺逐一標立志椿加

封灰印以杜偷減草率之弊並責成該道府親
駐工所嚴督各工員認真挑撈迅速蒞事工竣
未啟壩以前 臣 仍即親往驗收如查出挑撈寬
深丈尺與原估標誌不符即當據實叅辦總期
一律深通不使稍有草率偷減除另取土方夫
工細冊分別

題咨外所有勘估工段銀數謹會同兩江總督 臣

琦善合詞恭摺具

奏伏乞

皇上聖鑒謹

陶雲汀先生奏疏卷三

撫蘇稿

三

奏

道光五年十一月十七日具

奏十二月二十一日奉到

硃批另有旨欽此同日奉到

道光五年十二月初五日內閣奉

上諭陶澍奏估挑徒陽運河一摺江蘇丹徒丹陽二
縣境內運河為漕船經由要道本年輪屆六年大
挑據該撫奏請展緩大挑仍改小挑以節糜費共
估需銀一萬九千四百四十六兩零著照所請准
其於蘇州藩庫動支樂生洲租息銀五千八百一

十二兩零其不敷銀一萬三千六百三十四兩零
著於司庫鹽規匣費平市及文職空缺等款銀內
動支給辦該撫即督飭該道府等趕緊與挑迅速
蒞事工竣後該撫親往驗收如查有草率偷減情
弊即行據實叅辦該部知道欽此

陶雲汀先生奏疏卷三

撫蘇稿

六

附奏緝獲匪犯懲辦摺片

再江蘇省徐邳淮海一帶與皖豫山東等處犬牙相錯為梟匪出沒之所逃兇逃盜間亦潛匿隱伏此拏彼竄每難就獲臣抵任後與督臣琦善面商嚴飭地方文武無分畛域設法堵拏旋據各營縣緝獲梟徒賀三虎等二百餘名因人數較多逐程解蘇有需往返當經督臣飭委運司就近審辦此外又據海州獲犯尹廣修等泰州獲犯夏太等興化縣獲犯王繼茂等南匯縣獲犯李大觀等青浦縣獲犯張和等宿遷縣獲

陶雲汀先生奏疏卷三

撫蘇稿

一七

犯何德等睢寧縣獲犯王學魁等贛榆縣獲犯彭貴等共計一百餘名或係結夥販私或係開巢護送均經會營拏獲起有刀鎗火器車船私鹽等物並據江寧縣拏獲安徽當塗縣越獄重犯唐二湯二二名泰興縣拏獲上元縣逃兇程喜一名常熟縣拏獲崇明縣逃盜陳二顧大二名先後協同稟報經臣批飭臬司嚴審究辦此次各員弁破除畛域之見獲犯多名緝捕尙屬認真現值嚴冬宵小尤易竊發仍飭各屬督同兵役梭織巡查毋稍鬆勁以靖地方合將緝獲

各匪分起辦理緣由附片以

聞謹

奏

道光五年十二月初三日具

奏六年正月初四日奉到

硃批禁暴安良地方大吏之先務汝能留意朕甚嘉焉嗣後倍當奮勉搜除窩主尤為扼要勉之毋忽欽此

陶雲汀先生奏疏卷三

撫蘇稿

一八

覆查沛縣成災五分請給口糧摺子 總督會稿
奏為遵

旨查明恭摺覆

奏仰祈

聖鑒事竊照道光五年十月初三日奉

上諭江蘇六合等州縣衛被旱被水來春應否接濟之處查明於封印前奏到等因欽此 臣等跪讀

恩綸仰見我

皇上軫念災黎有加無己之至意當即恭錄轉行欽

遵謹查去後今據江寧布政使張志緒查明各

陶澍先生奏疏卷三

蘇蘇稿

一九

州縣衛情形詳請核

奏前來 臣等伏查本年江寧淮安揚州徐州等府

屬各州縣衛被旱被水情形當經會摺奏奉

恩旨分別蠲緩錢糧已沐

皇仁均沾

闕澤茲復仰荷

聖慈垂詢 臣等細加體察江沛縣成災五分之坊一

等十二里連年水旱頗劇本年又復被旱戶鮮

蓋藏來春青黃不接之時民力不免拮据相應

恭懇

皇上天恩將沛縣成災五分之坊一等十二里乏食貧民

賞給一月口糧以資接濟感沐

仁慈益無涯涘其餘歉收之六合等二十州縣衛現

在情形尚可毋須接濟統俟來春察看情形如

有無力佃農應須酌借籽種口糧及出易平糶

之處臨時再行酌辦所有查明沛縣成災五分

之坊一等十二里來春應需接濟緣由謹合詞

恭摺具

奏伏乞

陶澍先生奏疏卷三

蘇蘇稿

三

皇上聖鑒謹

奏

道光五年十二月初三日具

奏六年正月初四日奉到

硃批候旨施行欽此

道光六年正月初四日奉

上諭上年江蘇省沛縣被災業經降旨蠲緩小民自

可無虞困乏惟念今春青黃不接之時民力仍恐

竭蹶著加恩將沛縣成災五分之坊一等十二里

乏食貧民賞給一月口糧以資接濟用示朕惠鮮

懷保敷布春膏至意該部卽遵諭行欽此

陶雲汀先生奏疏卷三

撫蘇稿

三

驗收運河挑工啟壩催漕摺子

奏爲驗收徒陽運河挑工完竣併啟壩催漕各緣由仰祈

聖鑒事竊照鎮江府屬丹徒丹陽二縣運河爲江浙兩省漕道該處水無來源專賴江潮灌注挾沙而行多有淤滯本年輪應大挑因蘇松等屬現辦海運明春惟浙省船隻仍從京口渡江及徒陽二縣新漕赴上海交兌均應由該處經行據常鎮道劉名載鎮江府知府羅琦稟請展緩大挑暫改小挑等因經臣飭估工段銀數並札常鎮道勘覆具

陶雲汀先生奏疏卷三

撫蘇稿

三

奏勒限蕺事在案茲據該道府具報自十一月初五日以後兼旬晴暖各工員集夫挑挖完工稟請驗收臣隨即自蘇起程親赴鎮江自丹陽尾工起至江口大壩止逐段覆勘所挑丈尺悉與原估相符其餘撈淺各工亦皆如式惟丹陽縣境內應挑各工間有淺窄之處當經該道府督飭漏夜補挑一律完竣臣驗收既竣卽飭將子壩封墩次第起除以通船隻計望前潮起卽可日增暢旺查鎮江所屬漕米距上海最遠現派

首先赴兌需用剝船甚多轉瞬浙船南來彼此
迎頭若不將本境船隻豫為疏通難免擁擠有
礙漕行臣已遴委鎮江府三之富康候補鹽大
使黃冕守催丹陽丹徒二二漕船迅即開行以
期魚貫直前務俾順速早達

天庾所有驗收運河挑工啟瑞備船各緣由謹會
同兩江總督臣琦善合詞具

奏伏乞

皇上聖鑒謹

奏

陶澍先生奏疏卷五

撫蘇稿

三

道光五年十二月二十一日具

奏六年正月二十二日奉到

硃批知道了欽此

蘇糧現由海運請將例帶蔗竹酌解銀兩交倉

摺子總督會稿

奏為蘇糧現由海運請將例帶蔗竹酌解銀兩交
倉以利漕行仰祈

聖鑒事竊照蘇松常鎮太五府州起運漕糧應解蔗
片毛竹二項例由糧道衙門動支銀兩發給幫
丁購帶交倉現在試行海運已飭各州縣籌辦
蔗片毛竹為商船襯船氣筒之用為數甚多即
以抵補例帶蔗竹原屬有贏無絀但商船形式
與糧艘不同現用蔗片俱係釘入船口之內其

陶澍先生奏疏卷五

撫蘇稿

三

毛竹亦已造成氣筒計高長一丈圍圓一尺四
五寸不等誠恐到津後拆卸選抵交倉未能合
用若將例解蔗竹另行購備再令商船帶往交
倉不特多占船艙有礙裝米且艙短料長亦難
安放若堆貯艙面又易招風實與揚帆使儀諸
多窒礙惟通倉蔗竹亦在必需所有此項例支
蔗竹銀兩未便歸於節省造報自應蘇省如數
解銀赴倉場衙門就近酌量購置庶為兩便可
免貽誤除飭該道發銀趕解赴通外謹會同漕
運總督臣陳中孚合詞恭摺具

奏請

旨勅下倉場侍郎查照辦理伏乞

皇上聖鑒訓示謹

奏

道光五年十二月二十一日具

奏六年正月二十二日奉到

硃批該衙門知道欽此

陶雲汀先生奏疏卷三

撫蘇稿

三

句容漕糧請照舊種稷並納摺子

奏為句容縣本年漕糧請照舊種稷並納仰祈

聖鑒事竊照江蘇省漕糧係收稷米內有江寧府屬

之句容縣高山環抱土性赤埴山田十居其八

圩田僅十之二查圩田下濕宜種稷稻而稷稻

耐旱於山田尤宜是以該境民人向利種稷湖

查雍正十年即曾咨准部覆稷稻並納載入漕

運全書迨後援例奏咨准令兼收由來已久上

年經前撫臣張師誠照案具

奏奉

陶雲汀先生奏疏卷三

撫蘇稿

三

硃批知道了嗣後若非出於不得已不准動輒以並

納奏請也欽此欽遵轉行遵照並經藩司發示遍

貼曉諭在案茲據江寧布政使張志緒江安督

糧道湯藩詳稱句容一縣本年初夏雨澤愆期

山田未能沾足農民惟恐被旱失收仍照舊多

種耐旱之秬稻其圩田多係坐落山根土俱赤

色即所種稷稻性因土變收穫之時亦有紅秬

夾雜委係實在情形限於天時地勢竝無捏飾

計該縣十六鄉糧戶額徵起運漕米三萬三千

四百餘石之外尚有贈五行月恤孤等米為數

較多勢難令其變賣土產之米另買種米交倉且鄰近同府之上元江寧江浦六合等縣俱係以稔米完漕亦與種米相類並無產種之區若赴蘇常等屬購買非特盤運需費市儉居奇小民難堪苦累亦恐畏難觀望有誤漕運窒礙殊多此萬不得已之下情詳請具

奏仍准種稔並納以順輿情而免誤運等情並據聲請嗣後於每年四五月間察看情形如係雨水調勻山田無虞受旱督令一律種稔照例揀選稔米完漕其或得雨稍遲農民防旱種稔總

陶雲汀先生奏疏卷三

撫蘇稿

三

令該縣預期稟報由司道委員勘實詳請咨部查照免致臨時再行續

奏等因前來臣查句容地方山多圩少不耐旱乾是以該境農民向多種稔本年初夏得雨稍遲仍舊種稔者多以致交倉之米顏色間有參差惟米質本堅實與稔米無異既據該司道查明委係限於時地情非得已惟有仰懇

聖恩俯准將句容縣道光五年漕糧仍舊兼收稔稔以示體卹而速漕運並請嗣後每年四五月間察看情形如係雨水調勻山田無虞受旱督令

一律種稔或因得雨稍遲農民防旱祇能種稔即由該縣立時稟報以便確查咨部存案毋許臨時再請

奏咨庶小民渥荷

鴻慈既無苦累之虞而於漕務益昭核實矣所有句容縣仍請循照舊例種稔並納緣由謹會同兩江總督臣琦善漕運總督臣陳中孚合詞恭摺具

奏伏乞

皇上聖鑒謹

陶雲汀先生奏疏卷三

撫蘇稿

三

奏

道光五年十二月二十一日具

奏六年正月二十二日奉到

諭批另有旨欽此同日奉到

道光六年正月初七日內閣奉

上諭陶澍奏句容縣本年漕糧請照舊種稔並納一摺江蘇省漕糧例收稔米據該撫查明江寧府屬之句容一縣山多圩少上年夏間得雨稍遲該縣農民種稔者多以致交倉之米顏色參差著照所請准將句容縣道光五年漕糧仍舊種稔並納

以示體卹嗣後著該撫飭屬於每年四五月間察看情形如係雨水調勻山田無虞受旱督令一律種稔或因得雨稍遲農民仍防旱種秬卽查明咨部存案毋許臨時籲請該部知道欽此

陶雲汀先生奏疏卷三

撫蘇稿

三

請緩攤徵華亭民修土塘原借

帑銀摺子 總督會稿

奏爲華亭縣民修土塘原借

帑銀請緩攤徵奏祈

聖鑒事據蘇州布政使賀長齡詳稱松江府屬之華亭縣道光三年風潮刷損城隍墩等處土塘二千七百四十八丈八尺估計工方夫工銀四千一十五兩零此項土塘向例民修因工段較長民力難勝詳經前撫 臣 韓文綺會同前督 臣 孫玉庭奏奉

陶雲汀先生奏疏卷三

撫蘇稿

三

諭旨准其於司庫存公銀內借給趕修於道光五年按田攤徵解司歸款等因欽此當經轉飭欽遵去後嗣因司庫存公銀兩不敷支發且值汛期難以施工於道光五年四月據該縣赴司具領工料銀兩散給興修完竣呈蒙驗收在案今據該縣詳稱此項土塘借領銀兩原應本年攤徵還款惟領銀興辦時已在本年上忙停徵之候且縣境居民自道光三年被災之後至今元氣未復兼有帶徵二三年銀米若將土塘銀兩統歸本年一併攤徵民力實有未逮詳請緩至道

光六年攤徵還款以紓民力等情由司查明詳請具

奏前來臣查華亭縣借修土塘工料銀兩原應於道光五年分攤徵還款惟本年甫經領銀興辦其時上忙錢糧業已停徵且該縣已有帶徵錢糧若將此項歸於本年一併帶徵民力實有未逮合無仰懇

皇上天恩將華亭縣借修土塘銀四千一十五兩零俯准緩至道光六年攤徵歸款以紓民力臣等謹合詞恭摺具

陶澍先生奏疏卷上

蘇稿

三

奏伏乞

皇上聖鑒訓示謹

奏

道光五年十二月二十一日具

奏六年正月二十二日奉到

硃批另有旨欽此又同日奉到

道光六年正月初七日內閣奉

上諭琦善等奏華亭縣民修土塘原借帑銀請緩攤徵一摺江蘇華亭縣民修土塘工料銀兩前於司庫存公銀內借給興修茲據該督等稱此項銀兩

應於道光五年攤徵還款惟上年甫經領銀興辦其時上忙錢糧業已停徵且該縣尚有帶徵道光二三年銀米若將此項一併帶徵民力實有未逮著照所請所有華亭縣借修土塘銀四千一十五兩零准其緩至道光六年攤徵歸款以紓民力該部知道欽此

陶澍先生奏疏卷上

蘇稿

三

查明各屬捐賑紳商殷戶請分別獎勵摺子總督

奏為查明道光三年江蘇省被水成災各屬紳商

殷戶捐資佐賑分別等差懇

恩獎勵仰祈

聖鑒事竊照道光三年江蘇各屬因夏秋被水成災

經前任督臣孫玉庭撫臣韓文綺會摺奏蒙

恩旨撫卹並於冬春

賞給口糧災黎人人得所共慶更生復據各屬紳商

殷戶捐資助賑或散給錢米或分設粥廠仰答

陶雲汀先生奏疏卷二

撫蘇稿

三

皇仁倍形踴躍當經前督撫臣將辦賑勞績最著人

員奏請

獎叙聲明捐賑紳士人數眾多應分別捐數等差查

取姓名履歷由司彙造清冊另行分別奏咨議

叙奉

上諭董辦義賑樂輸各紳民著照例分別捐數造冊

咨部核辦等因欽此欽遵在案臣等到任後查得

此案因捐戶較多造冊多有舛錯輾轉駁正為

日已久未便再延致令好義紳民無所勸當

經迭札催辦茲據江寧蘇州兩藩司各將所屬

捐輸姓名銀數分別冊報前來查江寧藩司所

屬江寧揚州通州海門四府州廳屬捐輸銀錢

米糧合共銀一十六萬三百一十一兩零內除

請免議叙及三百兩以下應由本省酌給匾額

獎賞外其捐至三百兩以上及千兩以上者共

銀五萬七千四十五兩零蘇州藩司所屬蘇州

松江常州鎮江太倉五府州屬捐輸銀錢米穀

合共銀一百七十九萬六千一百八十二兩零

內除請免議叙及三百兩以下應由本省酌給

匾額獎賞外其捐至三百兩以上及數千兩一

陶雲汀先生奏疏卷二

撫蘇稿

三

萬餘兩者共銀七十七萬五百八十一兩零合

計兩藩司所屬各州縣紳士殷戶捐輸應行請

獎者共銀八十二萬七千六百二十六兩零查

嘉慶十九年成案凡捐銀在三百兩以上者造

冊咨部議叙今道光三年各屬被水成災情形

極重災區甚廣各屬紳民有身居職官首先董

倡亦有誼敦桑梓踴躍捐輸並非素封有力之

家樽節餘費共成善舉合計同時寧蘇兩屬共

捐銀至一百九十五萬餘兩之多而內中捐銀

至三百兩以上及數千兩萬餘兩者計八十二

萬有餘其慷慨好義任恤鄉鄰體

聖王痼瘵之念登斯民登席之安實堪嘉尚相應仰懇

天恩勅部查照嘉慶十九年成案分別銀數酌加議

叙並照例給予部照其守勸捐實在出力之董

事似與僅捐賑銀者尤徵勸善之苦心又嘉定

寶山二縣捐賑至四月之久悉由民辦奏免請

帑較之別邑捐輸者尤為好義可風並請

聖恩勅部從優獎叙俾資激勸又震澤縣捐戶王趙

氏捐數在千兩以外應請給銀建坊此外現任

陶雲汀先生奏疏卷三

撫蘇稿

三

候補知府以下等員捐貲助賑亦屬急公好義

但係官員職所應為應由臣等分別記功毋庸

請叙除將各冊送部聽候核議具

題請

旨遵行併咨明戶部外謹將道光三年分紳士捐賑

懇請

獎勵緣由合詞恭摺具

奏伏乞

皇上聖鑒

訓示再捐輸佐賑俱係各紳士公舉誠實之人董理

其事書役無從滋弊應請毋庸查造戶口冊及
支用銀數款目送部以免紛擾又所捐銀兩除
動用外間有餘存留為各該地方義舉公用應
聽民便毋庸報銷合併陳明謹

奏

道光五年十二月二十一日具

奏六年正月二十二日奉到

硃批另有旨欽此又同日奉到

道光六年正月初七日內閣奉

上諭琦善等奏查明各屬紳商殷戶捐貲佐賑請分

陶雲汀先生奏疏卷三

撫蘇稿

三

別獎勵一摺道光三年江蘇省被水成災各屬紳

商殷戶捐貲助賑或散給錢米或分設粥廠實堪

嘉尚茲據該督等查明江寧蘇州兩藩司所屬共

捐銀一百九十五萬餘兩除捐數在三百兩以下

應由本省酌給匾額獎賞外將捐至三百兩以上

及數千兩一萬餘兩者造冊咨部著該部查照嘉

慶十九年捐賑成案分別銀數給予議叙頒發執

照其勸捐實在出力之董事並捐賑最久奏免請

帑之嘉定寶山二縣各紳士尤為好義可嘉著從

優給予議叙俾資獎勵震澤縣捐戶王趙氏著照

所請准其給銀建坊此項捐賑銀兩係由該紳士
董理其事著毋庸查造戶口並支用銀數清冊報
部覈銷該部知道欽此

陶雲汀先生奏疏卷三

撫蘇稿

三

附奏請緩攤徵前借興辦黃浦水利

帑項摺片 總督會稿

再江蘇省興辦太湖下注黃浦一路水利工程
勘估工價銀七萬七千二百餘兩借動

帑項於本年五月間與挑完竣經前督 臣 魏元煜

撫 臣 張師誠驗收

奏報聲明借動工價應否俟吳淞等處續辦各工
全竣再行攤徵歸款飭俟司道議詳再行辦理
等情在案茲據司道具詳前來 臣 等查蘇省當
道光三年水災之後民間元氣未舒緩帶錢糧

陶雲汀先生奏疏卷三

撫蘇稿

奏

現須分別啟徵如將此案水利工需於此時即
行攤徵民力實有未逮查吳淞江水道將來籌
有經費自應一律興挑所有現辦黃浦工程借
帑銀七萬七千二百餘兩合無仰懇

皇上天恩俯准暫予寬限俟將來吳淞江全工完竣
再行一併攤徵歸款庶民力得以展紓而庫項
亦不致懸宕理合附摺具陳伏乞

皇上聖鑒謹

奏

道光五年十二月二十一日附

奏六年正月二十二日奉到

硃批另有旨欽此同日奉到

道光六年正月初七日內閣奉

上諭琦善等奏前借興辦水利銀兩暫緩攤徵等語
上年江蘇省興辦黃浦一路水利工程借用銀兩
應行攤徵歸款茲據該督等查明該省自被災之
後民間元氣未紓緩帶錢糧現須分別啟徵若將
此項水利工需即行攤徵民力實有未逮著照所
請准其將現辦黃浦工程所借銀七萬七千二百
餘兩暫予寬限俟吳淞江全工完竣再行一併攤
徵歸款以紓民力該部知道欽此

陶雲汀先生奏疏卷三

撫蘇稿

三

御賜福字麇鹿謝

恩摺子

奏為恭謝

天恩仰祈

聖鑒事道光五年十二月二十一日摺弁回蘇賞奉

御書福字及麇鹿等肉

頒賞到臣謹即恭設香案望

闕叩頭祇領欽惟我

皇上調泰延洪

履和錫羨福者富也標百順以

陶雲汀先生奏疏卷三

撫蘇稿

四

頒春祿以綏之軼八珍而

詔食

茂祉協鴻來之應

禹範徵庥

崇祺昭膺至之祥

堯厨編

德 徵臣

福衢就覲久睹

奎文

仁囿同登欣承

渥賜記

均禋於頻歲三錫

恩多表

吉祝於迎年百道

祐懋際此熙臺肇慶儼借衆志以享牢還應夾轂行

春共飭

皇仁而布凱所有臣感抃下忱謹繕摺恭謝

天恩伏乞

皇上聖鑒謹

奏

陶雲汀先生奏疏卷三

撫蘇稿

三

道光六年正月二十四日具

奏二月二十三日在崑山途次奉到

硃批知道了欽此

親赴上海督辦海運摺子

奏為海運緊要親赴上海一帶督辦仰祈

聖鑒事竊照本年江蘇漕米由海分運應辦事宜節

經臣會同督臣漕臣議

奏在案臣因海運事關初始經理匪易前經札商

督臣琦善俟開蒙後臣即親往上海一帶查辦

臣於去臆徒陽運河挑竣即委員分提各屬新

漕僱赴海口交兌適值冬令水涸兼以冰凌凍

結剝船未能迅速復經遴委臣標中軍叅將張

殿華隨標學習三等子陳述祖候補鹽大使黃

陶雲汀先生奏疏卷三

撫蘇稿

三

冕迎提各屬漕剝星夜趕運連日雨雪應期運

河水長剝船暢行雲集上海臣已派委各員隨

同該道府等將現到海船九百數十號逐細開

量每船約裝米若干自上海至黃浦一帶分段

駐泊將某船若干隻應兌某州縣漕糧編寫旗

幟以便一望即知源源斛兌勿令擁擠計晴天

每日斛手百餘名可量兌米四萬餘石米質均

以乾潔為主其白糧一項遵照倉場原奏及部

議較量足斛用口袋裝載以昭慎重現在鎮江

之米全經赴兌蘇常二府米船亦已半抵上海

其松江太倉之米尤切近易到米船既多各項人役甚衆一切稽查彈壓攸關緊要臣即日由水路前往督同該道府委員等相機籌辦務俾妥速一俟兌有成數即可將分起開行各事宜次第馳

奏仰答

宸厯所有臣衙門日行事件照例委藩司賀長齡代拆代行併將已經招解到省案件暫行代審以免遲延謹會同兩江總督臣琦善漕運總督臣陳中孚恭摺具

奏伏乞

皇上聖鑒謹

奏

道光六年正月二十四日具

奏二月二十三日在崑山途次奉到

硃批知道了欽此

海運初兌米船陸續開出十激摺子附片一件奏為恭報微臣親至上海督辦海運現已兌有成數陸續出口仰祈

聖鑒事竊照蘇松等屬試行海運前經札商督臣俟開篆後臣即親赴上海督辦業於正月二十四日專摺具

奏在案臣因各屬漕剝雲集上海米多船衆各項人役不下數十萬亟須妥為布置即由水路晝夜兼行造抵該處連日督同糧道宋潢上海道潘恭常蘇州府額騰伊松江府陳鑾川沙同知

李景暉上海縣許乃大及各委員等按照章程

分派經理其有量須變通者隨時籌酌期於慎

速並據提臣王應鳳於會哨巡洋後同駐上海

彈壓伏查上海縣黃浦碼頭自東迤北接連吳淞閘門迤南一帶即黃浦江俱係剝船經行之路前因吳淞江冬底水涸多有淺阻改由吳江縣之平望地方遠嘉善金山等處出黃浦江僱行水道稍迂節經添派委員弁同州縣原委各員催償迎提無分雨夜陸續剝到黃浦凡沙船歸次派定某處米數即懸掛各色旗號排列成行

剝船一到各認號旗就幫斛兌先於對岸之百
蓮涇派員查驗米色給單開斛每日輪派丞倅
委員督率各縣丁屬斗級筊夫斛手等分頭受
兌其沙船苦蓋俱由各縣自備竹木蓆片鐵釘
氣筒等物先行墊艙每裝米一艙上蓋稻草一
層以收潮氣並飭每縣帶解制斛十面經用道
府印烙到上海時仍由道府各員將領頒鐵斛
眼同船戶較準卽令該船戶畫押再加監兌委
員印封爲據每船另裝樣米一桶蓋貼印花帶
赴天津照驗兌竣一船卽將司道會印三聯執

陶雲汀先生奏疏卷三

無蘇稿

呈

照截給一張所有船戶耆姓姓名以及縣分米
數詳細註明以憑稽核至領給水脚之後卽令
船戶給州縣米結一紙委員亦給兌單一紙存
照沙船雖經驗派在先而臨時受兌或有船身
槽舊修艙未固者仍准挑換旬餘以來風日晴
和剝船到浦隨驗隨兌添雇斛手至百餘名每
日可兌米四五萬石現據呈報正月三十日截
數共兌米五十四萬有零計算海運全漕已逾
三分之一惟黃浦碼頭堪以停泊受兌之處無
多沙船裝載後卽須隨兌隨開移至上海縣東

近海之吳淞口聽候在汛員弁掛驗放出崇明
縣十激地方寄旋守過二月初八日風信卽可
放洋長行其餘兌完船隻以次解纜茲據委員
等呈報前來 臣謹擇於二月初一日親赴寶山
縣海口地方虔祀

海神先將兌足米船五百一十餘隻陸續放至十
激地方俟初八日風信一過卽可開出大洋向
北行駛一面催提各縣接運剝船到浦俾各委
員趕緊斛兌所有現在辦理海運情形 臣因關
係

陶雲汀先生奏疏卷三

無蘇稿

呈

天庾重務謹會同督 臣琦善漕 臣陳中孚合詞具摺

由驛馳

奏仰慰

宸厯伏祈

皇上聖鑒訓示謹

奏

道光六年二月初三日上海由驛具

奏二月二十一日奉到

硃批覽奏俱悉欽此

再查前奉

諭旨海船到津為日甚速著兩江總督於初次兌竣將次開行時由四百里馳奏到日即請欽派大員前往天津查辦等因茲臣正在拜摺間接到督臣琦善來信言現須前赴清江道路遠隔糧船既在十激候風出洋恐委員等轉報有稽即由臣處將開行日期馳

奏查沙船經由大海各自駛行本無幫次現因黃浦碼頭擁擠於正月二十三、四等日未到

上海之先業已有船十數隻陸續開出十激據

阿雲汀先生奏疏卷三

無蘇稿

四

稱該處一出大洋即無島嶼可泊總須候過二月初八日風信方能開放但十激距上海二、三百數十里一遇順風開行旬餘即可抵津若俟稟報始行具

奏恐船到在先轉致措辦難及應即請

旨簡派大臣會同倉場赴津驗收所有初運米數現在儘船儘兌隨兌隨開若風日晴和剝船順速計二月底初運可竣合併附陳謹

奏

道光六年二月初三日由驛附

奏二月二十一日奉到

硃批另有旨欽此同日奉到道光六年二月十一日

內閣奉

上諭陶澍奏海運沙船已陸續受兌開出十激地方候過二月初八日風信即可開行等語著派穆彰阿於海船進口後前赴天津會同倉場侍郎驗收如須隨帶司員即自行酌派隨往欽此

陶雲汀先生奏疏卷三

無蘇稿

四

沙船加裝米石摺子附片二件
總督會稿

奏為海運沙船加裝米石趕造另冊補咨以歸簡

捷仰祈

聖鑒事伏查本年海運雇船原定八成裝米二成搭貨免其納稅以恤商情准現當漕糧起運船多貨少未即一律有貨可攬而米數百五十萬勻出一艙即多得一艙之用海洋風信靡常難期迴棹迅速自應於初運船隻儘數裝載不必拘定八成裝米之議以歸簡捷臣琦善與臣陶澍札商意見相符當飭藩司賀長齡遴委蘇州府

陶澍先生奏疏卷三

撫蘇稿

四

知府額騰伊會同該道府丞縣等確切查覆因思漕糧經由大海全在該船戶等各知保重不得稍涉勉強臣陶澍到上海時即日出示曉諭各船有情願加裝者許其自行酌量數目具報加裝仍照原議每石給運腳銀四錢耗米八升其已裝客貨二成與不願加裝者聽茲據該委員等稟稱商船受兌以來見諸事體恤毫無擾累倍覺歡忻鼓舞感奮急公有已經受兌八成而未攬客貨者情願加裝米石臣核查無異即令該員等先將上海南匯等縣二運漕米分派

各船灑帶次儘松屬近處州縣糧米添派現已加至三萬餘石尚有已扞未裝之船陸續加裝惟從前所造咨冊祇據原派米數載入屆茲糧運開行原冊篇頁繁多未便因加裝數目換造致令稽遲臣等前因海運事屬剋行恐有拘泥窒礙曾經

奏明由臣等隨時通融酌辦期於周妥所有現在各船米數業於兌竣時發給三聯印照粘單加注添裝某縣米數蓋用糧道印信以便抵津之日先憑執照米數兌收一面由上海公所補造

陶澍先生奏疏卷三

撫蘇稿

五

加米另冊註明船戶某人原裝某縣正耗米石若干加裝某縣正耗米石若干仍另造簡明清冊照依現今各船裝米執照數目飛咨倉場及天津收米之欽派大臣以後隨兌隨報按五日一咨不必拘定初運次運之期如此辦理既歸簡核而南兌北交均免遲延歧誤至糧道衙門造辦各州縣漕白二米起運正耗數目仍照舊分別題咨以備稽核臣等為漕米數多儘先裝載以期運務商情兩有裨益除將現在辦理加裝情形移咨直隸

倉場各衙門一體查照外謹會同漕運總督

陳中孚合詞附驛具

奏伏乞

皇上聖鑒訓示施行謹

奏

道光六年二月初三日上海由驛具

奏二月二十一日奉到

硃批依議轉行欽此

陶澍先生奏疏卷三

撫蘇稿

三

再上年十一月內直隸省議奏籌撥海運經費

各事宜內有沙船收入天津海口至東關上閘

地方係屬逆流應雇備繚夫拉挽前進共需錢

七千六百餘千原咨由蘇省發給嗣經戶部議

照直隸所奏改為動支賑費隨後我解補款查

此項繚夫價值現在蘇省未經發給難以稽遲

該商船一到天津即須直隸省先行墊發雇夫

拉挽免致商船守候得以迅速回裝二運除再

行移咨直隸總督查照辦理外合併附片陳明

謹

陶澍先生奏疏卷三

撫蘇稿

三

奏

道光六年二月初三日由驛附

奏二月二十一日奉到

硃批知道了欽此

再海運以船隻為主儘僱儘兌原不拘定兩運之期惟因從前屢封屢放商情未免畏累臣於上年七月到蘇後即親赴上海傳集各沙船曉以大義嚴禁擾累即日具呈承攬者九百餘船嗣於八月內藩司賀長齡赴上海會議章程復添雇浙船百餘隻經此兩次攬雇海運大局遂定此內如崇明縣舉人施彥士寶山縣監生陸昌言首先領雇倡募招來最為出力鄞縣職員謝占壬上海縣監生王揆熟悉洋情効勞尤著並有上海縣職員毛振勳朱增慎以自置沙船領載該縣糧方萬餘石不受水脚價值情殷報効其餘船商蔣炳陳廷芳陳鶴陳荷季兆縉季存霖等亦俱招致多船爭先受雇至浙省蛋船三不像船節准浙江巡撫程含章轉飭藩司繼昌催雇來滬此項船戶非蘇省土著未有承攬經手查督蘇松鎮河標副將裴安邦精勤幹練且係浙籍語音易通已飭令督同扞派浙船米數一體裝載通計現到船隻大小千號儘船受兌初運可在百萬石以外該商等感戴

皇恩咸知奮往除俟事竣遵照

陶雲汀先生

卷三

撫蘇稿

五

奏定章程會同臣琦善臣陳中孚彙請獎叙外合將商船踴躍情形附片以聞謹

奏

道光六年二月初三日由驛附

奏二月二十一日奉到

硃批知道了欽此

陶雲汀先生奏疏卷三

撫蘇稿

五



奏摺卷十三目錄

撫蘇稿

安化陶

敬陳海運圖說摺子 附海運圖



海運米船開放大洋併續兌情形摺子 江督漕督會稿

附片二件

海船初運兌竣仍飭接續趕辦及暫行回省辦

事摺子 附片二件

嚴懲刀械匪徒摺子 附片一件

籌覆海運應解直隸需用銀兩摺子 江督漕督會稿

海船在洋遇風平穩併接辦次運米石摺子 附片

陶澍先生奏疏卷三目錄

件一

動撥貧民口糧銀款摺子 總督會稿

會議詳關查稅事宜摺子 織造會稿

審擬京控勾學舞弊摺子

請將舊欠漕尾展限摺子

請將積年緩帶漕米留備民食摺子 總督會稿附片一件

敬陳海運圖說摺子 附海運圖

奏為敬陳海運圖說仰祈

聖鑒事竊照蘇松常鎮太五府州額漕因運河阻滯

改由上海沙船運赴天津現已辦有成局依次

開行臣伏思海運與河道原相表裏禹貢載揚

州貢賦沿海達淮冀州夾右碣石入海即海運

之始秦唐雖亦偶行其道難稽明則由膠萊內

河轉搬登州實為勞費惟元代海運最久然至

元十九年初次運米僅止四萬三千石明年始

抵直沽行之六七年猶歲祇運米三四十萬不

等旋因其路險惡另開生道運米漸多蓋海船

畏淺不畏深畏礁不畏風而畏淺尤甚於礁明

人沿喚求道非礁即淺無怪其難自不若元代

所開生道即今沙船所行為最善查元明入海

之道或由劉河轉膠角沙或由灌河口至鷹游

門今俱壅塞惟吳淞口至十激一路為宜而由

此運米入海實艱自今年臣因初次試行即須

裝米一百五六十萬倍從前不敢不倍加慎

重每遇熟習海洋之人詳加詢問證以紀載得

其徑道至於大洋浩瀚木無畔岸雖舟人定之

陶澍先生奏疏卷三

撫蘇稿

一

以更香驗之以水色格之以針盤究難確指其
道里數目惟有就西岸對出之州縣汎地比照
核計不相逕庭其小島微嶼亦難盡載謹摘叙
大凡略分段落併繪圖貼說恭呈
御覽

第一段海船自上海縣黃浦口岸東行五十里
出吳淞口入洋繞行寶山縣之復寶沙迤至
崇明縣之新開河計一百一十里又七十里
至十滋是爲內洋十滋可泊船爲候風放洋
之所崇明縣地

陶雲汀先生奏疏卷三

撫蘇稿

二

第二段自十滋開行卽屬外洋東迤一百八十
里至奈山一名蛇山又名南槎山係荒礁上
無居民不可泊但能寄棹爲東出大洋之標
準蘇松鎮所轄

第三段自奈山駛入大洋向正北微偏東行至
通州呂泗場對出之洋面約二百餘里水深
十丈可寄棹從此以北入黑水大洋至大洋
梢對出之洋面約一百四十餘里係狼山鎮
右營所轄又北如臯縣對出之洋面起至黃
沙洋港對出之洋面約二百六十餘里又北

泰州對出之洋面起至黃家港對出之洋面
約二百二十里係狼山鎮掘港營所轄又北
至鬪龍港對出之洋面約二百里又北至射
陽湖對出之洋面約一百二十里係鹽城營
所轄又北至黃河口對出之洋面約一百二
十里係廟灣營所轄黃河口稍南有沙埂五
條船行遇東風則慮淺擱宜避之又北至安
東縣灌河口對出之洋面約九十里係佃湖
營所轄又北至海州贛榆縣鷹游門對出之
洋面約一百八十里係東海營所轄計自奈

陶雲汀先生奏疏卷三

撫蘇稿

三

山大洋以北起至鷹遊門對出之洋面止約
計一千五六十里統歸狼山鎮汎地凡舟行
過奈山卽四顧汪洋無島嶼可依行船用羅
盤格定方向轉針向北略東行如東南風則
針頭偏東一箇字如西南風則針用子午查
江南奈山與山東鐵槎山南北遙對謂之南
槎北槎行船應用子午正針因江境雲梯關
迤東有大沙一道自西向東接漲甚遠暗伏
海中恐東風過旺船行落西是以針頭必須
偏東一箇字避過暗沙再換正針此沙徑東

北積為沙壘舟人呼為沙頭山若船行過於偏東一直上北便見高麗諸山故將至大沙時仍須偏西始能對成山一帶也

第四段行過鷹遊門對出之洋面往北即山東日照縣界山東水師南洋汛所轄又北至文登縣之鐵槎山一名北槎山自奈山至此始見島嶼又北至文登縣之馬頭嘴入東洋汛界經由蘇山島靖海衛及榮成縣之石島養魚池石島居民稠密可泊惟島門東南向春時乘風易入難出自鷹游門至石島約六百

陶雲汀先生奏疏卷三

海蘇稿

四

餘里大洋中雖舵工以針盤定方向猶須常用水托水托者以鉛為墜用繩繫之探水取則也每五尺為一托查十激開船試水自十托至二十托上下行過奈山試水均在三十托上下順風二日餘均係黑水再試至十托上下即知船到大沙洋面行過大沙試水漸深至五十托上下視水綠色則係山東洋面順風再一日試水二十托上下水仍綠色遙望北槎及石島一帶山頭隱隱可見再行半日即至石島洋面此商船赴北一定針路也

第五段自石島至俚島洋面約一百六十里俚島至成山洋面約一百四十里俱榮成縣地為南北扼要之所可泊水綠色針盤仍用子午略偏東從成山轉頭改針向西略北入北洋汛界至文登縣之劉公島約一百餘里又西至威海衛一百餘里又西至福山縣之之罘島一百餘里又北至蓬萊縣廟島二百餘里以上自石島起至廟島止約共九百餘里之罘島西北一帶有暗礁船行偏東以避之又廟島之東有長山頭淺灘宜避試水在十五六托至二十托不等船至廟島以東南風為大順計東省洋面共一百零五島中有二十泊十五島最為海道要地而廟島尤大可以停泊

陶雲汀先生奏疏卷三

海蘇稿

五

第六段自廟島過掖縣小石島即入直隸天津海口約九百里針對大西偏北沿途試水在十四五托再試水至六托上下水黃色水底軟泥即可拋錨候潮進口約計天津海口逆流挽緯一百八十里即抵天津東關外以上海運水程自吳淞口出十激東向大洋至

奈山北向鐵槎山歷成山西轉之采島稍北抵
 天津總計水程四千餘里伏查我
 朝自康熙年間開海禁以來商舶往還關東天津
 等處習以為常凡駕駛之技趨向之方靡不漸
 推漸準愈久愈精是海運雖屬試行海船實所
 習慣而春夏之時東南風多行走尤為順利臣
 謹就見聞所及臚陳大概伏祈
 皇上聖鑒謹

奏

道光六年二月初三日上海由驛具

陶雲汀先生奏疏卷十三


無蘇稿

二

奏二月二十一日奉到



硃批所奏均悉圖留覽欽此

海運圖



陶雲汀先生奏疏卷十三

二



海運米船開放大洋并續兌情形摺子

江督漕督會稿

奏為恭報運米海船開放大洋並續兌各情形仰

祈

聖鑒事竊照海運初兌米船前因陸續放出吳淞口

至十激地方寄旋候風開行經臣等先後具

奏在案查十激地方雖隸崇明縣境已在內洋之

外緊接黑水大洋一過奈山即無島嶼可依必

得順風三四日始抵山東之石島成山一帶中

間洋面將近二千里並無拋錨寄旋之處是以

陶雲汀先生奏疏卷一三 撫蘇稿

船行必須看定風色始能向北駛行非比內河

可以刻期催趨前經詢據開行各船僉稱候過

二月初八日風信之期方能放洋業經臣陶澍

於前摺內聲明在案茲自二月初八日以後風

雨稍稀該處十激離上海地方沙渚回環程途

已遠當即專委往探據稱自二月初十日風轉

東南比即有船百餘隻起旋放洋前進隨後跟

到各船亦在該處寄旋陸續開放等情查旬日

以來風雨連綿不特海船難以行駛即各屬剝

米船隻亦因漕糧重大未敢冒雨催兌幸自十

三日風氣晴霽每日斛兌仍可四五萬石不等

統計已開未開各船現共斛兌正耗漕白等米

八十五萬餘石共兌船八百餘隻鎮江一府之

米業已全行兌開蘇松常太四屬漕糧亦兌十

之六七其各處未到剝船現在春水方生足資

浮送不致如前繞道可期迅速所有米船自十

激放洋及現辦兌開各情形臣等因海運事重

謹會同總漕臣陳中孚合詞繕摺由驛馳

奏仰慰

宸厪伏乞

陶雲汀先生奏疏卷一三 撫蘇稿

皇上聖鑒謹

奏

道光六年二月十五日上海由驛具

奏三月初二日奉到

硃批知道了欽此

再漕米經由大海應由水師營汛帶兵防護迭
經臣琦善督飭各營遵照辦理茲提臣王應鳳
鎮臣曹興邦副將臣裘安邦先後巡洋前來上
海與臣陶澍會晤復經嚴飭各弁兵乘船樹幟
攜帶鎗礮吹螺傳送夜間懸掛桅燈支更瞭望
梭織巡查俾資防範其糧船由上海至吳淞口
係屬內河即令署守備劉均帶領兵船護送由
吳淞口至十潑係屬內洋即令署參將田松林
接送自十潑至奈山以北之外洋即令狼右營
遊擊徐天柱接送自大洋梢至黃家港對出之

陶雲汀先生奏疏卷十三

撫蘇稿

一

大洋即令遊擊徐天柱帶同掘港營把總程淮
接送自黃家港至射陽湖對出之大洋即令鹽
城營遊擊趙本接送自射陽湖至黃河口對出
之大洋即令廟灣營遊擊沈清瑞接送自黃河
口至灌河口對出之大洋即令佃湖營都司保
常泰接送自灌河口至鷹遊門對出之大洋即
令東海營都司孫廷揚接送至山東日照縣界
交替均酌帶兵船逐層防護勿使疏虞其鹽城
廟灣佃湖東海等營雖係狼山鎮所轄究隸大
河兩標已一體咨照轉飭照辦至奈山迤南如

陳錢馬蹟等山雖係浙江交界實為江省門戶
又內洋之練祈深洶及施翹河六潑十潑等處
均關要害另派蘇松中營遊擊陳松林暨都司
楊朝棟守備周維藩陳之奎周世揚鮑起豹等
往來巡查以重巡防而昭整肅合併附片以
聞謹

奏

三月初二日奉到

硃批知道了欽此

陶雲汀先生奏疏卷十三

撫蘇稿

二

再米船一出大洋各自駛行並無幫次全視者
舵爲用非如糧艘有運弁照料惟泊船寄旋之
所仍須派員彈壓方昭整飭前經臣等

奏明初運船隻遴委川沙營參將關天培督押茲
查初運米船較多未便遲俟兌竣已飭關天培
督押現兌各船前赴天津至將來初運全竣時
仍須委員護押已據提臣另派都司俞大銓屆
期押送石島交替合併附陳謹

奏

三月初二日奉到

陶雲汀先生奏疏卷十三

撫蘇稿

十三

硃批知道了欽此

海船初運兌竣仍飭接續趕辦及暫行回省辦
事摺子附片二件

奏爲海船初運兌竣仍接續趕辦暨微臣暫回省
城各緣由仰祈

聖鑒事竊照海運糧米以多爲貴原不拘定兩運之
限而船隻有數不能同時並集自應酌分先後
以期剝運兌裝均無歧悞前經札商督臣將一
應事宜預爲籌酌意見相同即經臣親赴上海
提齊已到各船均勻裝配業將開行出洋各情
形會同臣琦善具

陶雲汀先生奏疏卷十三

撫蘇稿

十三

奏在案旬日以來天氣晴和風色亦順復經督飭
該道府等催集各委員將現已扞量各船趕緊
解兌截至二月二十一日止總共兌過正耗米
一百一十二萬二千餘石所有已扞各船俱經
兌竣該船戶等踴躍趨公連日尙有自北回南
零星入口卸貨及修船未完尙須勾抵灰縫之
船均可陸續裝載臣已飭印委各員仍當隨驗
隨扞一體兌運隨時開放不許稍形疏懈惟本
年海運米石除正耗漕白等米一百五十餘萬
外尙有給船耗米十數萬不在正運之內亦須

載運以備折耗通計米數實有一百六十三萬三千餘石米質本重為數又多就現在已到未到及應須修艙各船猶不敷裝載不能不分為兩次運送而一過春夏之交南風司令北船回滬較難

天庾重大不敢不及早圖維惟冀前船回棹迅速俾二運得資趕辦臣自駐上海業經匝月初運糧米已逾全漕三分之二嗣後照常交兌可期無悞臣於拜摺後即暫行回省辦理衙門緊要事件仍飭該道等督同委員妥為經理陸續申

陶澐江先生奏疏卷三三 撫蘇稿

二

報所有初運漕糧兌竣並接續趕辦各緣由謹會同兩江總督臣琦善漕運總督臣陳中孚合詞繕摺由驛具

奏仰荅

宸廑伏祈

皇上聖鑒謹

奏

道光六年二月二十二日由驛具

奏三月十二日奉到

硃批另有旨欽此同日並准

軍機處知會海船初運兌竣及收買沙船餘米摺片各一件已奉有寄信

諭旨交尙書穆彰阿直督那彥成倉場侍郎申啟賢並

盛京將軍晉昌等照辦至耗米變價並交穆彰阿等查照天津時價收買矣 三月初三日

陶澐江先生奏疏卷三三 撫蘇稿

三

再蘇松常鎮太四府一州每年起運漕糧例給旗丁耗米一十八萬餘石原以備途中折耗之需前因海運較速無須與漕船一例全給當經臣等議

奏除省出耗米六萬餘石即隨正運赴津以爲到通剝船飯食等用外所有載米沙船每裝運白糧一石仍酌給船戶耗米一斗裝運糙米一石仍酌給耗米八升以備折耗之用查現在各州縣起運漕糧斛兌足數各沙船順風赴津即有折耗爲數無多此項給船耗米將來兌交額糧

陶雲汀先生奏疏卷三

無蘇稿

三

之後應有餘剩合計不下十萬餘石在該船等業已到津交卸所得餘米自須就地變價易貨臣思沙船赴津總以迅速回南趕裝二運爲務若餘米投行變糶展轉議價收銀難免耽延時日自不若查照收買糧船餘米之例於沙船到津兌交額糧後將此項餘剩耗米就近官爲收買在各沙船得價易貨回檣可期迅速而漕糧正額之外又可增米十萬之多於倉儲運船均有裨益惟收買糧船餘米例價向有一定今沙船應得耗米如交兌正額並無短少原聽其自

行食用變糶而沙船與糧船軍商各別較收買糧船餘米之例稍有不同似應按照時價酌給以示體卹如蒙

俞允應請

敕下戶部並直隸總督會同倉場衙門一面查照天津米價出示曉諭如沙船到津有願將耗米變價者即照市價就地給銀收買俾期迅速臣爲利漕起見謹會同督臣合詞附驛具

奏伏乞

訓示遵行謹

陶雲汀先生奏疏卷三

無蘇稿

三

奏

道光六年二月二十二日附

奏三月十二日奉到

硃批只可聽其自便難於勒令另有旨欽此

旋准天津收米大臣咨抄道光六年三月初三日奉

日奉

上諭陶澍奏海船初運兌竣仍接續趕辦一摺本年初次試行海運據該撫奏截至二月二十一日止共兌過正耗米一百一十二萬二千餘石事機極爲順利惟海運米石除正耗漕白等米尚有給船

耗米通計米數有一百六十三萬三千餘石各船不敷裝載不能分兩次運送一過春夏之交南風司令北船回滬較難自應令初運沙船迅速回棹俾二運得資趕辦本日據天津鎮總兵克什德奏報長洲縣第十三號船一隻於二十九日早潮引進天津海口日內諒已陸續前來穆彰阿等接奉此旨即飭該鎮道等遇有海運抵津隨到隨卸不准片刻延滯並嚴飭坐糧廳稽查吏胥經紀人等如有刁難需索立即重懲毋稍姑息總令沙船卸米前往奉天買豆迅速回南以便趕辦二運又

陶澍片奏給船耗米將兌交額糧後應有餘剩

撫蘇稿

二六

陶澍另片奏給船耗米將兌交額糧後應有餘剩合計不下十萬餘石請查照糧船餘米之例就近官為收買等語向來南糧餘米俱准在通變賣惟例價向有一定沙船糧船軍商各別若官為收買轉啟勒措諸弊自應聽其自便著穆彰阿等查照天津時價出示曉諭如有願將耗米變價者即聽該處民人照市價收買該商既可藉以沾潤於該處市價民食亦有裨益將此各諭令知之欽此旋又據協辦大學士英和奏海運沙船到津餘米仍應官為收買一摺道光六年三月十九日

奉

旨海運現已陸續到津沙船餘米不下十萬餘石前經降旨照南糧餘米例聽天津民人照市價收買茲據英和奏沙船宜令速歸趕運二次米石恐該商等希圖賤價售買觀望不前請由部動用銀二十萬兩官為收買著順天府即派委委員赴部領銀分起解往天津暫存道庫併著穆彰阿等於正米收竣後即傳諭江南委員如有船戶願賣餘米聽該處民人照市價收買倘該處不能銷售即動項照市價官為收買其價銀由江南委員轉發船戶毋得假手吏胥致啟勒措短發諸弊俾沙船得以早歸毋誤二次接運欽此

陶澍片奏給船耗米將兌交額糧後應有餘剩

撫蘇稿

二七

再海運各船前於初十日開放大洋百餘隻茲又接副將裴安邦稟稱十七日午刻風轉東南有船一百五六十號自十潑起旋酉刻全抵奈山赴北駛放大洋又十八日午刻有船一百七十餘號亦於酉刻駛出奈山大洋十九日仍有赴潑寄旋之船一百九十餘號現在風色正順計可陸續暢行足慰

宸廑謹附片具

奏

道光六年二月二十二日附

陶雲汀先生奏疏卷三

海蘇稿

三

奏三月十二日奉到

硃批欣慰覽之欽此

嚴懲刀械匪徒摺子 附片一件

奏為查辦刀械匪徒請嚴懲其始以資整飭仰祈聖鑒事竊照江蘇省徐邳淮海一帶與皖豫山東等處犬牙相錯匪徒惡棍出沒其間兼之民俗强悍以佩刀執械為能事傷人釀命之案倍於他屬屢經督飭訪拏拘獲匪犯多名並起獲兇器等件迭次附片

奏明懲辦在案惟查此等匪棍其始亦不過尋常游手任性而行漫無拘束漸至三五聯絡藉端嚇詐稍有睚眦即拔刀相向庸懦畏勢不敢與

陶雲汀先生奏疏卷三

海蘇稿

三

較以致益鳴得意愈肆橫行久之遂成拽刀渠惡騷擾棍徒兇搶仇殺為害遂烈雖屢加創艾總未能杜絕根株良由習與性成其來已非一日查定例拽刀匪徒在於場市結夥搶奪原有斬絞之條棍徒生事行兇亦有遣戍之例一經犯案不難按例加重辦理而此等佩執兇器偶然挾詐逞兇平日又無犯法實跡按照本例僅止枷杖既不敢稍存周內強相比附而責釋之後故智頓萌轉以輕於嘗試長其犯法之心實屬大為民害思刑戮施於小人與其治之於

已成而窮搜遠捕誅不勝誅自不若防之於未然而小懲大誡辟以止辟伏查嘉慶十六七年間四川廣東兩省因緝匪及無藉棍徒攜帶刀械行竊嚇詐奏請鎖繫鐵桿欽奉

諭旨允行厥後匪徒稍知斂戢今江蘇省徐淮海三屬匪徒與四川廣東情形相類應請仿照該省成案除常用小刀不在例禁外如有佩帶兇器刀械之挾詐棍徒一經拏獲每名鎖繫鐵桿一枝以四十斤為度定限一年果能改悔自新即予釋放若不悛改再繫一年倘仍始終怙惡即按其情節照棍徒屢次擾害行兇之例分別從嚴究辦庶幾消其桀驁力挽頹風於懲創中即寓振興之意再江蘇省接近如山東之兗沂曹三府河南之汝陳光等府州安徽之穎鳳泗三屬

民情勁悍地界相連可否一體仿照辦理於壤錯相連之處緝捕更為有益臣為戢暴安良起見謹會同兩江總督臣琦善恭摺具

奏伏乞

皇上聖鑒訓示遵行謹

奏

道光六年二月二十九日具奏四月初三日奉到

硃批另有旨欽此又道光六年三月十七日內閣奉上諭陶澍奏請嚴懲刀械匪徒一摺江蘇省徐邳淮海一帶與皖豫山東境壤毘連匪徒出沒每以佩刀持械為能始則三五成羣藉端嚇詐繼則肆意橫行兇搶伏殺最為地方之害茲據該撫以此等佩執兇器匪徒偶然挾詐逞兇平日又無犯法實跡按照本例僅止枷杖既未便照拽刀匪徒結夥搶奪及棍徒生事行兇之例強相比附而責釋之

後故智頓萌轉以輕於嘗試長其犯法之心援照四川廣東懲辦緝匪棍徒之例鎖繫鐵桿以期小懲大誡着照所請嗣後江蘇徐淮海三屬匪徒如有佩帶兇器刀械挾詐逞兇者一經拏獲每名鎖繫鐵桿一枝重四十斤為度定限一年果能改悔自新即予釋放若不悛改再繫一年倘仍始終怙惡即按其情節照棍徒屢次擾害行兇例分別從嚴究辦其接近江蘇之山東兗沂曹三府河南汝陳光等府州安徽穎鳳泗三屬民情強悍地界相連並着一體仿照辦理以挽頹風而安良善該部

陶澍先生奏疏卷三

撫蘇稿

三

陶澍先生奏疏卷三

撫蘇稿

三

知道欽此

陶雲汀先生奏疏卷三

撫蘇稿

三

再徐海等屬向為匪棍出沒之所經臣飭屬嚴
拏先後據獲梟徒兇盜共三百餘名分起審辦
奏蒙

聖鑒在案誠恐宵小潛入復嚴飭巡緝茲據徐州府
張作楠轉據邳州李正鼎稟報獲有匪犯蕭玉
明等十餘名查起兇器十餘件又據海州營叅
將王慶元稟報會同該州劉鈴等獲有匪犯祁
三等十餘名查起長槍一桿壯刀三把訊稱或
係販私行竊或在山東鄒城縣開場聚賭割劫
私鹽逃逸並據署海州營叅將吉祥保稟報會

陶雲汀先生奏疏卷三

撫蘇稿

三

同該州劉鈴巡獲賊匪費小虎等十餘名搜獲
壯刀一口均認為匪不諱又據該叅將吉祥保
稟報拏獲鹽犯王三盛千春等十餘名海州營
錢家集都司周祐先後稟報拏獲鹽犯鄒蘭王
懷禮等十餘名均起有車輛鹽斤又據護京口
水師副將事署鎮江營叅將秦攀萼稟報督飭
瓜洲營守備李長貴等拏獲梟匪曹華拒傷線
目併獲匪犯萬景興等起有刀秤等物又據該
叅將秦攀萼稟報署高資營都司吳加寶督率
弁兵拏獲梟周得勝等共計拏獲匪徒鹽犯

七十餘名共獲私鹽數萬餘斤各等情臣查刀槍兇器有干例禁現在人械並獲亟須究治且恐各犯另有不法別案尤應嚴切根究俾無遁情當經批行分別確審據實懲辦臣仍飭各屬實力查拏期於有犯必獲以靖地方合將續獲各匪辦理緣由附片以

聞謹

奏

道光六年二月二十九日附

奏四月初三日奉到

阿雲江先生奏疏卷三

無蘇稿

三

殊批所辦甚好欽此

籌覆海運應解直隸需用銀兩摺子江督漕督會稿奏為籌覆海運應解直隸需用銀兩查款動解恭摺奏

聞事竊照蘇松等屬漕糧試行海運迭准戶部咨行天津需用剝船價值等項以起運米一百六七十萬石照洪斛折算約該銀一十七萬餘兩並北倉截卸需用露囤搭蓋棚廠兵役飯食雇用緯夫等項應於水腳項下支銀三萬兩又倉場衙門應需經紀個兒錢飯米津貼等款銀七萬餘兩請先由通濟天津運道各庫暫墊仍由兩

阿雲江先生奏疏卷三

無蘇稿

三

江總督如數籌解歸款至官剝船隻油艙一項俟漕竣核明銀數由坐糧廳移咨蘇省在漕贈等項銀內提扣解交還款等因臣等伏查蘇省起運漕白正耗米一百五十一萬餘石照洪斛折算應解天津剝價等項銀一十五萬二千餘兩北倉截卸露囤等項銀一萬兩又倉場需用銀七萬五千餘兩二共銀二十五萬七千餘兩除前已由蘇籌款解過銀十二萬餘兩又應照部議在於隨漕徵收水腳項下撥解銀三萬兩外約計尚應籌解銀十萬餘兩查倉場所議經

紀津貼內有與直隸重複之款而天津剝船雇價一項又有官剝民剝之分此時均難截數撥解惟現在商船將次到津即須動用自應先行籌款酌量解往以應急需當經轉飭江蘇藩司賀長齡臬司覺羅慶善江安糧道湯藩蘇松糧道宋潢蘇松太道潘恭常會議分別籌解去後茲據該司道詳稱海運一切經費皆屬在外籌備並未開銷

帑項前已措解過天津通倉兩處銀一十二萬餘兩現在本省支給商船水腳神福犒賞以及各

陶雲汀先生奏疏卷十三

撫蘇稿

三

州縣雇用剝船製備席篾等款為費不貲兼有次運之米待用尚多以所備之銀核應用之數或可樽節濟公實不便儘數解往天津轉致本省支用不敷辦理掣肘惟查本年海運比較河運之年有節省漕項銀米現存蘇松糧道庫給丁行贈等銀二十餘萬兩堪以動用所有現議補解各款銀兩向係旗丁在於得項內自行措交即出於漕項銀米之中則直省需用還墊各款應即在節省漕項銀款內酌量動撥此外尚有隨運赴津節省餘耗漕白米五萬九千餘石

係

奏明酌量撥抵折耗飯米之用除現由倉場撥給經紀耗米一萬九千餘石外尚剩耗米四萬餘石亦係海運餘出之米應即作正交倉合併聲明等語詳請

奏明撥解前來等覆加核計所詳係屬實在情形目下商船自必陸續抵津待用不能稍緩等謹即恭摺奏

聞一面在於節省漕項內動支銀七萬兩同撥解水腳銀三萬兩迅速逕解天津道庫相應請

陶雲汀先生奏疏卷十三

撫蘇稿

三

旨敕下戶部轉行直省按款分支以應急需所有節省餘耗米四萬餘石仍即作正交倉至江蘇漕項銀米將來實可節省若干統俟全漕完竣再行計數另請報撥所有等籌款補解緣由謹會同總漕臣陳中孚合詞繕摺具

奏伏乞

皇上聖鑒謹

奏

道光六年二月二十九日具

奏四月初三日奉到

硃批戶部知道欽此

件一

海船在洋遇風平穩併接辦次運米石摺子附片

奏為海運船隻在洋猝遇暴風行走平穩並續運米石接連辦理情形仰祈

聖鑒事竊照海運漕糧前經臣親赴上海督集各船

踴躍受兌於應給舵水犒賞之外分別賞給銀

牌以示獎勵一面諄諭以事關

天庾倍須保重該耆舵等均皆歡欣聽受臣因初

運糧米已逾全漕三分之二此後接續交兌可

期無悞業於二月二十五日暫回省城辦事旋

陶雲汀先生奏疏卷十三

無蘇稿

三

陶雲汀先生奏疏卷十三

無蘇稿

三

於二十六七兩晝夜西北暴風大作兼落黃沙

臣恐放洋各船有失即經飭委員弁就江省沿

海一帶查看尙無失事之船惟往北黑水大洋

尤關緊要正差探間接據押運委員川沙營叅

將關天培稟稱督押米船自奈山起旋至二月

二十三日船過大沙洋面是日霧重風輕止能

東西折戩未能前駛二十五日已刻入山東境

黑水大洋二十六日丑刻約離石島相近因風

雨夜黑不見山頭忽轉西北暴風各船均下太

平筐籃隨風漂漾直至二十八日風浪稍和起

籃開篷向西折戩二十九日酉刻至石島北寄
旋三月初一日南風大霧至未刻收泊俚島是
晚又起北風大暴至初二夜風定查俚島口內
停泊米船一百五隻又收口船十一隻係已過
成山被風折回比卽會同文登協副將逐船查
詢崇明縣船戶蔣朱順一船裝運無錫縣漕米
八百二十石於二十六日在洋遇風打傷船梢
冲斷跳停樑板併冲裂後橫板進水只得鬆艙
拋去漕米七十餘石又嶺榆縣船戶吳裕隆太
倉州船戶葛恒順二船亦於二十六日在洋遇

陶雲汀先生奏疏卷三

撫蘇稿

三

風因浪勢湧激船面過水潮濕糧米旋同該處
文武會驗葛恒順一船係裝運陽湖縣白糧止
濕浮面一層米三四十石又吳裕隆一船係裝
運常熟縣漕糧止濕浮面一層米三十餘石當
令舵水人等先將受潮米石趕緊曬晾分艙另
貯至蔣朱順一船所損船梢樑板各件已飭覓
匠趕緊修理大約三四日卽可修竣開行現在
米船行過俚島者約計五百號內外一俟風轉
東南卽赴廟島一帶稽查所有江省及山東沿
海巡船聲勢尙屬連接等情具稟前來 臣查二

月二十六七等日風沙暴起洶浪異常在洋米
船人力難施仰賴

聖主洪福得以化險爲平幸無一船失事僅止蔣朱
順等三船微有損濕業經該叅將查驗蔣朱順
一船拋散米七十餘石實因風猛鬆艙並無捏
飾盜賣情弊應請查照章程俟到津之日將給
船耗米抵補不致多有短缺至葛恒順吳裕隆
兩船受潮米石並經該叅將飭令逐一曬晾另
給貯運亦應俟抵津之日由

陶雲汀先生奏疏卷三

撫蘇稿

三

欽派大臣查驗有無蒸變查照章程核辦至海洋船
隻順風駛行亦時折戩行走儘有同日開行而
到岸之期相去逾旬卽上年已具承攬之船至
今尙有五十餘隻未歸約計到時卸貨修艙陸
續兌開其時初運之船亦必有回棹而南者牽
前搭後絡繹放行卽可無須截分兩運以歸妥
速所有海船在洋遇風據報尙無失事暨續兌
糧米各情形謹會同督 臣琦善漕 臣陳中孚合
詞恭摺具

奏伏乞

皇上聖鑒謹

奏

道光六年三月二十日具

奏四月二十日奉到

硃批所奏俱悉欽此

陶雲汀先生奏疏卷三

無殊高

再海運前次裝米一百一十二萬餘石陸續接辦各船先後出口放洋情形業經

奏蒙

聖鑒在案茲復據委員李景嶧等稟報截至三月十五日止續又兌過米十一萬餘石連前共兌正耗米一百二十三萬四千九百餘石所有續兌各船絡繹出口並據崇明縣知縣王青蓮縣丞畢以紱等前後稟稱自二月二十二二十一二等日東南風順有船二百四十餘號自十澁開放外洋二十四日又有放洋米船三十餘號二十

陶雲汀先生奏疏卷三

無殊高

五六七八等日風狂浪大沙霧迷漫當經督率兵役梭織巡諭寄旋各船多下錨纜加意護持俱皆平穩二十九日天氣晴朗風轉東南有船五十餘號開放大洋又自三月初一日起至初五日有船二百四十餘隻陸續放洋初七八九十等日風發東南又聞放米船一百餘號惟自吳淞口至十澁地方經過復寶銅沙等處海船畏淺多泊中洪一遇順風揚帆運過難以截數點驗約計放洋船隻現在已有一千餘號尙有赴澁寄旋之船守風未開並據副將袁安邦稟

稱於巡護之際見有自北回南沙船詢據該船
耆柁口稱一路遇見赴北糧船俱各順利等語
查連日風色和順各船計可揚帆北上陸續抵
津足慰

聖鑒合併附片以

聞謹

奏

道光六年三月二十日具

奏四月二十日奉到

硃批知道了欽此

陶雲汀先生奏疏卷十三

無蘇稿

三

會議許關查稅事宜摺子 織造
會稿

奏為遵

旨會議許關查稅事宜恭摺覆

奏仰祈

聖鑒事案查前奉

上諭上年據延隆奏許墅關南北商船每多偷漏出
海以致內河各關稅課不能足額當令孫玉庭等
嚴禁偷漏本年復據御史熊遇泰奏江蘇織造衙
門胥吏私雇巡船藉端訛索遇有重載商船逼令
內河行走當降旨令該督撫等詳加確訪所有販

陶雲汀先生奏疏卷十三

無蘇稿

三

往北省茶船及不在出洋例禁商販貨船於出口
時驗明照例納稅放行茲復據延隆奏請量為變
通凡客商製販南雜布疋茶葉紙張等物前赴上
海出口者除實在行銷關東登萊青等處字號婁
齊門掛號舊冊有名者仍照舊免稅驗放外其舊
冊無名本係影射關東等處者免其截留惟令於
雇船裝運之時將各貨赴關報明按許關則例完
納錢糧卽由婁齊門簽驗給串放行聽其繞走海
關給照出口其豫東所產黃豆並海州青口所產
豆餅等物及江廣桐油藥材煙葉等北貨南銷皆

許關應徵之稅如有越漏照舊於太倉瀏河一帶查拏將該商押赴許關補稅其浙閩土產在蘇銷售並由蘇城販往浙閩南裝南卸許關例不收稅等語延隆所奏自係為關課足額起見惟設關收稅所以裕國通商國課固宜充盈而商販亦不可紊亂著陶澍會同該織造查照所奏各條秉公妥議是否可行據實奏聞再降諭旨該撫等雖各有職守總期彼此兩有裨益勿得稍存私見將此諭旨傳諭織造 延隆欽遵知照 臣陶澍因甫蒞江蘇

陶澍先生奏疏卷三

撫蘇稿

三

是否可行尚須細加體察方可會議先經附片奏奉

硃批悉心妥議毋為屬員所惑欽此 茲 數月以來細加察訪復與 延隆公同商酌伏查定例凡江北江廣等處貨船赴蘇杭者均進京口歸許關報稅福建浙江關東錦州山東登萊等處貨船及本省通州土物由海對渡者均進劉河上海等口歸江海關報稅倘有將應赴許關貨物繞道由海關納稅者查出治罪等語又嘉慶二十二年欽奉

上諭商船出海販運所帶貨物應准出洋與不准出洋者本有定例著通諭海關省分各督撫嚴飭管理關稅之員於商船到口時驗其所帶貨物除例准出洋者令其納課放行如例不准出洋貨物一槩截留不許出口等因欽此欽遵各在案是商船販運往來不論新舊字號其貨地均有一定勿容紊越

聖諭昭垂實為沿海各關恪守不易之則惟查乾隆年間題定江海關稅則本輕於許關又復七折對折徵收格外體卹商情本所易就兼以頻年河道阻滯百貨難通其勢更不能不出於海雖

陶澍先生奏疏卷十三

撫蘇稿

三

字號有新舊其前赴關東登萊等處則同一給照不在例禁出洋之列但就目下許關稅課短絀情形而論未必不因乎此自宜設法調劑應請凡客商自蘇製販南雜布茶等貨前赴上海出口者除自道光五年以前由婁齊門掛號舊冊有名者許關毋庸納稅外其現在新立字號向未從婁齊門掛號者均請照 延隆原奏於許關暫行兼納錢糧由婁齊門驗放前赴江海關輸稅出口一俟禦黃壩開放河路通順貨船暢行仍照舊分別貨地行走毋庸兼納錢糧

至行銷浙閩等省南裝南卸之貨經由婁齊門
巡口向不掛驗收稅應循其舊其安徽徽州等
屬並浙閩貨船之經由嘉善松江等處前赴海
關出口者既非蘇貨繞越本不經由婁齊門均
毋庸掛號納稅再臣延隆前請於太倉劉河密
派巡船查拏偷漏一節臣等復加酌議以江廣
桐油藥材煙葉等項北貨南銷既有上游三江
營等處巡船查察已屬周密太倉劉河係在下
游海關地段亦可毋庸添派巡船以免紛更臣
等近在同城於關務稅課有相助爲理之責惟

陶雲汀先生奏疏卷十三

撫蘇稿

三

有隨時會同查察嚴禁奸商猾埠勾串滋弊有
犯必懲決不姑息倘胥役人等藉端訛詐亦必
從實懲治以裕

國課而安商旅斷不敢稍存畛域上負

聖慈所有臣等會議浙墅關查稅事宜謹合詞恭摺
覆

奏伏乞

皇上聖鑒謹

奏

道光六年三月二十一日具

奏四月二十日奉到
硃批依議認真妥辦欽此

陶雲汀先生奏疏卷十三

撫蘇稿

三

動撥貧民口糧銀款摺子 總督會稿

奏為動撥

恩賞貧民口糧銀款恭摺

奏祈

聖鑒事竊臣等接准部咨道光六年正月初四日奉
上諭上年江蘇省沛縣被災業經降旨蠲緩小民自
可無虞困乏惟念今春青黃不接之時民力仍恐
竭蹶著加恩將沛縣成災五分之坊一等十二里
乏食貧民賞給一月口糧以資接濟用示朕惠鮮
懷保敷布春膏至意等因欽此仰見

陶澍先生奏疏卷十三 無蘇高

三

聖主惠愛黎元有加無已之至意當即轉行藩司欽
遵併刊刷謄黃通行曉諭一面確查實需銀數
請撥去後茲據江寧布政使張志緒詳稱遵即
飛飭該管之徐州府就近遴委幹員會同印官
挨查戶口造冊詳辦茲據沛縣申稱准各委員
將查實戶口造冊移縣核計實需貧民兵屬口
糧銀一萬五千五百二十七兩零貧生口糧銀
一百五十三兩零等情查司庫正項內漕價及
攤徵河工二款現有存銀所有應給貧民兵屬
口糧銀一萬五千五百餘兩請即於漕價款內

動撥銀一萬兩攤徵河工款內動撥銀五千五
百二十七兩零其貧生口糧銀一百五十三兩
零照例請於存公款內支用事竣核實造報請
銷詳請

奏明撥用前來臣等覆加察核據請動撥銀兩係
照例核計在所必需相應恭懇

天恩俯准按數動撥以資接濟事竣核實造報如有
餘剩報部撥用除飭該管道府督飭印委各員
核實散放務期實惠均沾仍隨時嚴密察訪如
有胥役尅扣冒濫情弊立即據實嚴叅究辦所

陶澍先生奏疏卷十三 無蘇高

三

有動撥口糧銀款緣由謹合詞恭摺具

奏伏乞

皇上聖鑒謹

奏

道光六年三月二十日具

奏四月二十日奉到

硃批另有旨欽此同日奉道光六年四月初三日內
閣奉

上諭琦善等奏動撥貧民口糧銀兩一摺江蘇省沛
縣上年成災五分之坊一等十二里乏食貧民前

經降旨賞給一月口糧自應照例撥給據該督等查明貧民兵屬口糧需銀一萬五千五百二十七兩零著准其在司庫正項內漕價及灘徵河工三款存銀按數動撥以資接濟其貧生口糧銀一百五十三兩零例動存公銀款著一併給發事竣分別報銷所有各項存款如有餘剩報部撥用該督等務須飭屬核實散放俾得實惠均沾仍著隨時嚴密訪察如有胥役尅扣冒濫等弊卽行據實叅辦該部知道欽此

陶雲汀先生奏疏卷三

無蘇稿

聖

審擬京控勾學舞弊摺子
奏爲遵

旨核審定擬並查明遲延緣由恭摺

奏覆仰祈

聖鑒事竊照揚州府學生員張錫嘏以姚澍朦補伊父張重慶貢缺併生員張春雷勾學舞弊等情赴部具控經禮部奏明飭查並請定限冊報等因欽奉

諭旨禮部查奏揚州府學生員張錫嘏呈控姚澍朦

補伊故父歲貢遺缺一案著交江蘇巡撫張師誠

陶雲汀先生奏疏卷三

無蘇稿

聖

提齊人證卷宗澈底清查秉公核辦原告張錫嘏交兵部解往備質向例考貢定有限期不准逾限該省造送歲貢冊籍遲延遺漏致滋弊竇嗣後各省學政統於每歲考貢後在封印以前造冊送部如逾期一月不行出咨著禮部將該學政指叅交部嚴加議處餘著照該部所議行欽此並准部咨將張錫嘏解蘇當經前撫臣張師誠飭提人卷解省委員審辦因兩造各執人證不齊案未辦結經臣查案疊催其時被證郭圭遠幕雲南周振習人往江西趕傳未到無憑質訊嗣經禮部

奏催奉

旨著陶澍迅將此案訊明定擬具奏並將因何遲延之處一併奏明交部核辦等因欽此茲據江都等縣將郭圭周振智傳案批解飭發長洲縣知縣王錫蒲質審張錫嘏供仍狡展詳由臬司覺羅慶善解勘前來臣隨細核卷據提集兩造詳加研鞫緣張錫嘏係揚州府學文生與文生張春雷係同堂叔姪張錫嘏之父張重慶於乾隆五十一年經前學政臣謝墉考取甘泉縣歲貢已給貢單尙未報部旋於五十二年八月內病故

陶澍先生奏疏卷三

撫蘇稿

吳

其胞姪張錫爵卽張春雷之故父赴學呈請將伊叔張重慶仍准作爲貢生其五十一年歲貢例應另行考充經該學詳明前學政臣沈初將輸應陪貢昔存今故之姚澍考准頂補並將歲考一等一名之附生陳景賢照例挨補姚澍廩缺其時張錫嘏年已十餘旋與張春雷先後入學迨道光二年二月間張錫嘏以伊父從前已補正貢不應呈請改爲恤貢疑有弊竇向張春雷斥說其故父張錫爵之非張春雷剖辯致相爭吵張春雷赴甘泉縣呈控張錫嘏卽以張春

陶澍先生奏疏卷三

撫蘇稿

吳

雷假冒父名呈改恤貢等情具訴傳訊未結赴府互控張錫嘏旋因江都縣學廩生許兆鳳考取嘉慶十九年歲貢尙未報部於二十二年病故詳經前學政臣湯金釗將陪貢廩生于蔚華考准頂補並將周振智考補二十三年歲貢其于蔚華周振智廩缺係附生郭圭劉樹遞補亦疑係張春雷代謀一併赴府牽告經該府飭縣移提併訊嗣據已故江都縣教諭范鑑甘泉縣訓導周鳳翹以貢生張重慶許兆鳳均於未經報部之前病故姚澍于蔚華等例得頂補並無朦混情弊詳經前學政臣周系英以張錫嘏不諳定例混控滋累批飭銷案張錫嘏又赴學政衙門呈訴前學政臣以該生執迷瀆控發學戒飭張錫嘏不服卽以歷控各情赴禮部控告奏奉

諭旨交審催提人證來省屢訊據各供悉前情如繪嚴詰張春雷等堅供實無賄囑朦補情事其張重慶病故委係張錫爵呈報並非張春雷托名現有張錫嘏在府原呈可證質之張錫嘏無詞以答亦未能指有弊賄證據惟稱伊父張重慶

係考取乾隆五十一年歲貢並非卹貢何以遲至五十二年病故後始行咨部使姚澍得以頂補卽是弊端等情臣當查學政全書內載考取歲貢已給貢單於未經報部之前本生物故者卽於報冊內聲明達部准作貢生以示矜恤其本年歲貢仍將陪貢頂補等語例內矜卹二字乃矜其死而卹之之意本無卹貢名目卽張錫爵呈報張重慶病故亦請作為貢生並無改作卹貢字樣確有卷據至陪貢之應否頂補定例總以已未報部為斷從前學政考貢須俟各屬

陶雲汀先生奏疏卷三 撫蘇稿 吳

送考齊全始行彙咨當張重慶病故時通省歲貢尙未考齊冊報是以照例將陪貢姚澍頂補今張錫爵於事隔四十年之後人多物故忽以咨報遲延為詞逞其狡辨無論姚澍本係下年卽應輪充之貢無須謀補伊父遺缺卽就情事而論當日彙咨稍遲亦斷不能預料張重慶之死留為姚澍補貢地步此尤顯而易見至周振智郭圭劉樹等均年未四十在伊父張重慶身故之後始生其照例考貢補廩均與張重慶渺不相涉更屬案外牽累當向張錫爵層層詰訊

如有弊竇令其據實指出以憑究辦張錫爵理屈詞窮無可置辯是張錫爵之不諳定例不察事理混行具控情屬顯然自應據情定案查例載生員不守學規好訟多事者俱斥革按律發落等語此案張錫爵因姚澍頂補伊故父張重慶貢缺疑有弊竇並不查明例義遽與己故堂兄張錫爵之子張春雷爭吵併將例應頂補與本案無干之廩貢于蔚華等章告己屬不合迨經學臣以該生執迷竇控發學戒飭又不恪遵復行赴京越訴實屬好訟多事張錫爵應革去

陶雲汀先生奏疏卷三 撫蘇稿 吳

文生照不應重律杖八十折責發落張春雷等訊無勾學舞弊情事應免置議未到人證概免提質以省拖累再查江蘇前學臣考貢向俟各屬考齊始行彙案報部歷有年所雖無弊竇究屬遲延現經禮部議奏欽奉諭旨定限於每歲封印前冊報業經咨會學臣遵辦毋庸再議除全案供招咨部查核外合將審擬緣由恭摺具奏伏乞皇上聖鑒訓示再此案前因被證郭圭等遠出原告

張錫嘏狡展無憑質結是以審辦稍稽合併陳明謹

奏

道光六年三月二十一日具

奏四月二十日奉到

硃批該部議奏欽此

陶雲汀先生奏疏卷三

海蘇稿

五

請將舊欠漕尾展限摺子

奏為查明催追舊欠漕尾尚未徵足實在情形仰

懇

聖恩准予展限並請嗣後交代嚴禁漕尾接抵正項以紓民力而杜新虧事竊照州縣經徵漕糧顆粒不容帶欠定例綦嚴祇緣江蘇漕額甲於各省往往刁頑之戶藉訟宕延疲乏小民無力全納以致軍船兌開之際拖欠尚多該牧令恐誤正供不得不動墊庫項買米交幫再向花戶催追還款謂之漕尾其未及歸款以前遇有交卸

陶雲汀先生奏疏卷三

撫蘇稿

五

即將未徵漕尾版串私相授受抵作庫項移交後任接徵歸解是此項墊完漕尾徵解雖歸有著墊款究屬挪移年復一年實為辦漕陋習上年戶部行提存庫銀兩經前撫臣張師誠查明各屬墊完民欠漕尾實係抵作庫項移交後任接徵歸補擬請勒限催追

奏蒙

恩旨子限一年責成現任之員追完如屆期再不完清即將前後接卸各員嚴叅懲辦其動墊銀款著落原墊及接徵之員按日分賠等因欽遵在

案臣自調任江蘇卽督同藩司酌定限賠章程嚴飭各州縣實力催徵查自五年五月初一日奉

旨起扣至六年四月三十日卽屆一年限滿現已三月中旬距滿限僅止月餘而據報徵完之數不過十之三四臣恐各州縣有已徵復挪情事節經札飭藩司賀長齡蘇松太道潘恭常常鎮道劉名載確查催提去後旋據蘇松常鎮太五府州稟稱各屬墊完民欠漕尾一項均已盤查存串數目相符未完實係民欠惟將次一年限滿

陶雲汀先生奏疏卷三

無蘇稿

三

該州縣非不殫力催追乃完數尙屬寥寥推原其故實緣蘇省自三年水災之後民間元氣未復而上年秋稻又爲風霧所傷收成暗減去冬趕辦新漕及帶納積年緩漕米石間閭已形拮据現復併完元二三四等年積欠漕米民情不無苦累是以未能踴躍等語由司道核轉前來臣查錢糧年清年款原不應有墊完漕尾名目既經前撫臣奏蒙

俞准限年追納已屬格外

天恩逾限未完自應分別著賠惟江蘇省陋習相沿

已久勢難以數年積欠責成於一歲之中兼自三年分全省被災爲數十年所未有現在徵納本年錢糧外尙有災緩帶徵各款輸將已屬竭蹶再加歷年漕尾同時並徵民力實有未逮徒煩敲撲無補催科既非所以仰體

聖主惠愛窮黎之至意若責償於經徵各員遽令按日分賠則操之過蹙徒啟挪新掩舊之弊况民間知積欠不完官爲代賠則刁抗之徒轉得置身事外將來掛欠更多實於催科大有關係竊以清完庫款必先寬恤民力勒追舊欠更宜杜絕新虧臣與司道通盤籌商所有元二三四等年墊完漕尾除現已完解還款外其餘實欠在民之數可否仰懇

陶雲汀先生奏疏卷三

無蘇稿

三

皇上天恩俯准從上年奉

旨之日起限按照欠數勻作三年帶徵提解歸款庶小民稍緩追呼而帑項仍歸有著如蒙

俞允容臣飭行司道查造完欠細冊分限嚴提如再逾限不完卽將前後接卸各員嚴叅懲辦其動墊銀款著落原墊及接徵之員按日分賠仍令

後任嚴追解司為彌補無著之用倘才民藉詞抗欠即行懲治其自道光五年起墊完漕尾應請仍照前撫臣張師誠原奏勒限一年徵完若於一年限內遇有州縣交代不得再抵存庫正項倘有逾限不完亦照舊欠分別著賠如敢於逾限後尚稱墊欠未完希冀輾轉搪抵即以實虧嚴叅治罪江藩司所屬亦請畫一辦理如此則民氣既藉以稍紓府庫亦歸於實補免致以舊墊釀為新虧於

帑項較有裨益所有江蘇省民欠漕尾請展限徵

陶雲汀先生奏疏卷三

撫蘇稿

三

補緣由謹會同兩江總督臣琦善合詞恭摺具

奏伏乞

皇上聖鑒訓示遵行謹

奏

道光六年三月二十一日具

奏四月二十日奉到

硃批另有旨欽此同日奉到六年四月初六日內閣

奉

上諭陶澍奏舊欠漕尾催追尚未徵足懇予展限一

摺江蘇省各屬墊完民欠漕尾抵作庫項移交後

任接徵歸補前經降旨勒限一年責成現任之員追完逾限嚴叅懲辦動墊銀款按日分賠茲據該撫奏稱三年分全省被災之後民間元氣未復災緩帶徵各款輸將已屬竭蹶再加漕尾同時並徵民力實有未逮將次一年限滿據報徵完之數不過十之三四若違令經徵各員按日分賠轉啟挪移之弊加恩著照所請江蘇省道光元二三四等年墊完漕尾除已完解歸款外其餘實欠在民之數准自五年奉旨之日起限按照欠數勻作三年帶徵提解歸款如再逾限不完即將前後接卸各

陶雲汀先生奏疏卷三

撫蘇稿

三

員嚴叅懲辦其動墊銀款著落原墊及接徵之員按日分賠仍令後任嚴追解司為彌補無著之用才民藉詞抗欠即行懲治其自道光五年起墊完漕尾勒限一年徵完遇有州縣交代不得再抵存庫正項逾限不完照舊欠分別著賠若於逾限後捏稱墊欠未完希冀輾轉搪抵著即以實虧嚴叅治罪該部知道欽此

請將積年緩帶漕米留備民食摺子總督會稿 附片一件
奏為蘇省徵存積年緩帶漕米擬留本省糶濟民

食請

旨遵行事竊照蘇松常鎮太四府一州五年分新漕全歸海運尚有帶徵三年初二限及歷年災緩米石前因新舊並納民力拮据仰蒙

皇上天恩將長洲等州縣帶徵二限米石遞緩一年催徵其餘各年緩帶之米有早已徵存在倉及

陸續徵收者伏查倉儲原應陳陳相因前奉

諭旨毋庸折色變價是以臣等於議覆海運章程摺

陶雲汀先生奏疏卷三

撫蘇稿

奏

內聲請將緩帶米石隨同新漕一併搭運赴津在案惟查本年起運全漕米數本多此項緩帶米石間有徵存在倉已歷歲時者江南梅雨易蒸積久漸黯未能一律乾潔兼查蘇屬漕額甲於各省向來民間除納糧外本境之米每不敷本境之食全賴客米接濟本年上游江廣各省來米無多兼因剝運同時雇船甚眾米販益稀而本境自三年水災之後倉儲動缺民鮮葢藏上年秋稼適又為風霧所傷米質未能飽綻目下全漕起運民間存米無多現當青黃不接之

際糧價漸增並恐此後尚有騰貴據司道查明情形詳請核辦前來臣等仰體

皇上軫卹民艱慎重地方之至意不能不先事圖維因思前項緩帶米石據各州縣具報徵存在倉計有十五萬餘石現在陸續接徵均係應行搭運之款而本年蘇松等屬除起運全漕一百五十餘萬石外尚有節省耗米四五萬石經臣等奏明作正交倉現又接奉

諭旨發帑收買沙船耗米以卹商情計亦不下十萬

石內外是全漕正額之外儘有贏餘而蘇省民

陶雲汀先生奏疏卷三

撫蘇稿

奏

食正值艱貴之時若將前項帶徵緩漕米石留備本省糶買即以蘇省糶出之項抵補天津收買沙船耗米之價一轉移間於

太倉無損毫末而民食得以充裕裨益良非淺鮮

合無仰懇

天恩俯准將蘇省海運應行搭解緩漕米石乘此青黃不接之時按照時價出糶以資民食如蒙

俞允臣等即飭藩司將糶易銀兩刻期提解司庫報撥不許絲毫存留屬庫至米質存倉間有經歷霉天未能一律倘糶不足數應即責成收貯之

員照價賠補以符定例所有蘇省徵存緩漕請
留備糶濟民食緣由謹會同總漕臣陳中孚合
詞具

奏伏乞

皇上訓示遵行謹

奏

道光六年四月初四日具

奏五月初四日奉到

硃批另有旨欽此同日奉到道光六年四月十九日

內閣奉

陶雲汀先生奏疏卷三

無雜稿

三六

上諭琦善等奏請將積年緩帶漕米留備民食一摺
江蘇省各年緩帶米石前經該督等奏請隨同新
漕一併搭運惟該省本年起運全漕米數甚多民
間蓋藏未裕現值青黃不接之際自應量加調劑
以恤民艱著加恩將該省海運應行搭解緩漕米
石即飭藩司按照時價出糶俾民食有資所糶銀
兩刻期提解司庫報撥如存米未能一律糶不足
數即責成收貯之員照價賠補該部知道欽此

再蘇省海運漕白糧米有天津通倉兩處應用
經費前已由蘇籌解銀十二萬餘兩嗣准戶部
疊次咨行天津剝價等款除解過外尚多不敷
復經臣等

奏請酌動節省漕項銀七萬兩同部撥隨漕費脚
銀三萬兩一併委員解津奉

硃批戶部知道欽此欽遵在案茲據藩司賀長齡詳
稱接准清河道陶樑天津道鄭祖琛咨稱天津
需用絳夫露囤等款較原奏約尚不敷銀二萬
餘兩應由江蘇補解等語由司請撥漕項前來

陶雲汀先生奏疏卷三

無雜稿

三七

臣等查海運事屬創行一切隨時用款均無成
例可循是以蘇省兩次籌撥之項均係約略核
計解往應用現在原議銀數既有不敷則此後
有無續增仍難預定應請

旨於蘇糧道庫節省漕項內再行酌動銀五萬兩解
往天津以濟急需俟全漕完竣按照前後解過
銀數查明在通倉支用者即由倉場核銷在天
津支用者即由直隸省核銷庶款目不致糾纏
而待支亦無延誤除飭委員趕解外所有臣等
籌款續解緣由謹會同漕臣陳中孚合詞附片

具

奏伏乞

聖鑒謹

奏

道光六年四月初四日附

奏五月初四日奉到

硃批另有旨欽此同日奉到道光六年四月十九日

內閣奉

上諭琦善等奏海運漕糧到天津用項不敷請籌款

續解等語本年辦理海運事屬創始一切用款均

陶雲汀先生奏疏卷三

撫蘇稿

三

無成例可循前經該督等兩次籌款解往天津尚

不敷緯夫露囤等款銀二萬餘兩此外恐仍有續

增之項自應酌量籌撥著照所請准其在蘇糧道

庫節省漕項內再行動撥銀五萬兩迅即委員解

往天津以資應用俟全漕完竣後按照前後解過

銀數查明在通倉支用者由倉場衙門覈銷在天

津支用者由直隸省覈銷該部知道欽此

奏摺卷十四目錄

撫蘇稿

安化陶澍

請飭催沙船以速海運摺子

附片一件

入官房屋捐設義倉摺子

附奏海船陸續回棹趕辦二運摺片

江蘇二次清查案內未豁各款銀兩分別追免

摺子

附片一件

請增

文廟從祀儒臣摺子

覆勘蘇州府城修理完竣摺子

陶雲汀先生奏疏卷十四目錄

一

御賜藥錠謝

恩摺子

日本夷船漂收鎮洋縣境撫卹指引回國摺子

海運沙船陸續回棹親往督辦摺子

附片一件

海運全竣船行順利摺子

總督會稿

海運全竣請將在事尤為出力各員量加鼓勵

摺子

附清單又附片一件

海運默邀

神佑請加封號扁額摺子

請飭催沙船以速海運摺子 附片一件
奏為請

旨飭催沙船以速海運事竊照海運米石前經臣於會報初運摺內聲明接續辦理現計存留各屬及寄存上海棧房之米尚有三十餘萬石專待前船回棹方能全行起運現據押運川沙營參將關天培稟稱抵津沙船已有五百餘隻隨後各船亦跟接前進又據在津交米委員稟稱有程聚泰等十四船於交卸後情願不赴關東運豆即放空回南候裝二運等語該船商等仰沐

陶雲汀先生奏疏卷四

撫蘇稿

一

皇仁感奮趨公逾常踴躍現在天津收米極為迅速其餘各船即令交兌後趕赴奉天裝豆計算程途亦不過四月底可回上海受載五月內即可將未運米石掃數運北臣前在上海時歷詢耆柁僉稱海船行走全仗風色按照時令各有一定大約自南赴北總以四五月夏至前後南風司令最為相宜六月上旬尚堪行駛及至六月中旬以後風暴靡常即難行走一交七月西風更多商船失事多在此時以故大半停泊候至冬初乃開俗語謂之屯秋是五月正宜放洋未

可遲誤為海運第一關鍵惟商船衆多其中爭先趨事者固不乏人而取巧自便者恐亦不免當此各船俱運官糧或冀乘間多攬客貨可以擡高脚價壟斷居奇因而到處逗遛且四月回南多係頂風折戣人力較勞稍存省力之心或竟安坐候風遲遲解纜兼沙船向係裝豆從未裝米少所試驗或慮夏月米有發變意存趨避亦未可定萬一借此支延即恐錯過風汛別滋貽誤竊思蘇省漕糧歷係軍船裝運經時抵通照米交兌不因夏熱歇運沙船行走較速抵津

陶雲汀先生奏疏卷四

撫蘇稿

二

不過旬日自可無虞霉變縱使海氣蒸黯亦不過浮面分寸間無礙食用比之錯過風汛乘危冒險得失懸殊况現屆梅雨沙船回次受兌已在米質發熱之後一經斛量吹晾更加堅實無庸以悶滄為慮且南北辦運一切員役人夫亦須及早竣事方可裁撤以節經費臣與督臣札商所見相同並據藩司賀長齡查明情形詳議前來相應請

旨勅下直隸總督奉天府尹轉飭所在地方官催飭沙船交卸漕米迅即回南趕裝二運俾得

順趁風汛妥速蒞事實於漕務有裨謹會同督

臣琦善漕臣陳中孚合詞具

奏伏乞

皇上聖鑒謹

奏

道光六年四月初四日具

奏五月初四日奉到

硃批另有旨欽此同日奉准一軍機大臣字寄

貴撫奏前事一件奉

硃批另有旨欽此已奉寄信

陶雲汀先生奏疏卷四

海蘇稿

三

諭旨交

欽差穆

直督那 將軍晉 等迅速飭催矣為

此知會 四月十九日

再海運漕糧截至三月十五日為止已裝米一

百二十三萬餘石並各船放洋出口情形先經

附片具

奏在案茲截至三月二十九日續又兌過米二萬

九千一百餘石連前共兌米一百二十六萬四

千餘石併據崇明縣王青蓮副將裘安邦稟稱

由十放出洋米船已有一千一百三十餘隻臣

查近日南風順利各船隻自可揚帆北上陸續

抵津又據押運委員川沙營叅將關天培自天

津海口來稟據稱三月初十日船至廟島口門

陶雲汀先生奏疏卷四

海蘇稿

四

見東南山礁下沉失米船一隻詢係贛字趙聯

盛沙船裝運荆溪縣米五百石又加裝上海縣

米一百五十石於三月初三日寄旋廟島口門

當夜暴風驟起將大桅刮倒激斷錨纜撞至山

根礁石上登時撞沉幸未傷人當同該汛備弁

前往查驗屬實其撈獲水米均已潮濕應由蓬

萊縣通詳辦理已諄囑營縣弁役將被難舵水

妥為安頓十一日未刻風轉東南即督押各船

開行十四日午後收進天津海口沿路查詢現

已行至廟島跟接前進者共計船八百餘隻除

已進口船五百一十餘隻外尚有未到口船二百八十餘隻現亦接續前來等情臣查三月初三四五等日連遇暴風江南出口各船尚俱平穩所有趙聯盛一船在東省廟島口門遭風撞沉業經該參將查驗屬實並無捏飾應請查照章程核辦合併附片以

聞謹

奏

道光六年四月初四日具

奏五月初四日奉到

陶雲汀先生奏疏卷十四

撫蘇稿

五

硃批知道了欽此

入官房屋捐設義倉摺子

奏為昭文縣入官房屋捐設義倉續估價值不敷

懇

恩豁免仰祈

聖鑒事竊照道光元年二月欽奉

上諭社義二倉積貯為民生之大命此時廢弛日久

自應及時興修以裕民食著通諭各省察看所屬

州縣地方社義二倉現在存者若干廢者若干以

次董率修復各趁豐稔之年勸諭紳民殷戶量力

捐輸妥慎存貯以期緩急有備等因欽此當經前

陶雲汀先生奏疏卷十四

撫蘇稿

六

撫臣轉行欽遵辦理在案臣於上年六月到任

後又經通飭各屬實力查辦茲據昭文縣知縣

李廷錫稟稱遵即設法勸諭已據監生吳琳等

捐輸穀價錢二百數十千惟創辦之始必須先

建倉厥作為根柢庶陸續勸助易於為力查有

國戶王長發販米違禁審明治罪案內入官棧

房一所計有厥座四十餘間先經前縣朱樹基

估值錢三千七百四十五千文於嘉慶十八年

咨准部覆照估變解嗣因年久無人承買漸形

坍塌又經前縣劉元齡覆估價值一千二十五

千文至今又越數年更加坍塌請照覆估價值捐廉承買設立義倉等情當以續估價值不及原估三分之一是否有意短少應作何籌補之處批司會議詳辦去後茲據藩臬兩司轉據蘇州府核議以此案房屋坐落鄉間全係厥座不能居住原估價錢本屬浮多故自嘉慶十八年召變以來閱今十有餘年無人承買因此更形坍塌就目下情形估計仍照一千二十五千之數已屬有贏無絀再為延緩恐倒塌益甚更難售變如將不敷價值著令原估之員賠解查前

陶雲汀先生奏疏卷四

撫蘇稿

任朱樹基已經病故劉元齡已勒休回籍徒事咨追於公無濟至現任李廷錫既已捐資承買此後從新修葺需費尚多似未便再令捐補所有續估價值不敷之數懇求豁免等情詳請具奏前來臣查昭文縣李廷錫捐廉置買義倉為合邑之倡事屬急公以貯米棧房仍作倉廩亦適合所用惟續估價值核與原估之數多有不敷無從籌補竊以此案房屋本係民產入官現在該縣購作義倉仍為官物即價值稍有未敷似應量為減讓且因多年空廢以致估價不如原

數尚非意存減賤所有不敷價值據該司府所稱追賠無益捐補為難係屬實在情形惟有仰懇

聖恩俯准照續估價錢一千二十五千文之數聽該縣繳價承買其不敷價錢二千七百餘千文准予豁免庶入官房屋不致廢棄義倉善政即可舉行實為兩便理合據情具

奏伏乞

皇上聖鑒訓示謹

奏

陶雲汀先生奏疏卷四

撫蘇稿

道光六年四月初四日具

奏五月初四日奉到

硃批另有旨欽此同日奉到道光六年四月十九日

內閣奉

上諭陶澍奏入官房屋捐設義倉續估價值不敷請豁免一摺江蘇昭文縣圍戶入官棧房一所多年曠廢現經該縣購作義倉仍為官物著准其照續估價錢一千二十五千文之數繳價承買其不敷原估價錢二千七百餘千文准予豁免無庸追賠捐補該部知道欽此

附奏海運船隻陸續回棹趕辦二運摺片

再海運漕糧前次陸續裝米一百二十六萬四

千餘石暨各船放洋情形業經具

奏在案茲截至四月十五日續又兌過米二萬八

千餘石連前共兌米一百二十九萬二千二百

餘石尚有未兌米三十四萬九百餘石專待初

次出運沙船回棹方能全行起運前經

奏明請

旨勅下直隸總督奉天府尹催飭沙船交卸漕米迅

即載貨南歸趕裝二運並札飭沿海各員弁實

甸雲汀先生奏疏卷二四

撫蘇稿

九

力催償勿任趨避支延恐致錯過夏間風汛有

誤二運茲據委員署松江府知府李景嶧上海

縣知縣許乃大候補知縣陳用珩等先後稟報

自四月初六日起至十九日止首運沙船自天

津回棹已有三十一隻現在首先回棹之周隆

順等船已裝運二次漕米於四月十六日出口

並據天津委員李湘蔭鄒錫淳等稟報截至四

月初六日止共已收進天津船一千九十隻又

據押運川沙營參將關天培稟報截至三月三

十日止共卸竣船五百五十五隻現已由天津

連檣出口計可接續南下該船商等爭先攬運

事機極為順利瞬屆夏仲南風正多海船最宜

北行所有未兌漕糧三十四萬餘石現已札飭

司道飭催各屬分起剝赴上海派運一俟北來

船隻報有分數臣陶澍仍即親赴上海彈壓督

同各員妥貼辦理以期穩速所有海船陸續回

棹趕辦二運漕米情形合併附

奏仰慰

聖厘伏乞

皇上聖鑒謹

甸雲汀先生奏疏卷二四

撫蘇稿

一

奏

道光六年四月二十八日具

奏五月二十七日奉到

硃批知道了欽此

江蘇二次清查案內未豁各款銀兩分別追免摺子 附片一件

奏為籌覆江蘇省未豁二次清查案內各款銀兩請分別追豁以普

皇仁而歸覈實事竊照江蘇省二次清查各款銀兩

經前撫臣韓文綺會同前督臣孫玉庭

奏請豁免接准部咨奉

旨戶部議覆江蘇省二次清查案內各屬嘉慶十四年以前墊完民欠銀米等項與前經議免十五年

至二十二年官墊民欠奏准攤賠之款不同又蘇

州等屬節省彌補無著補剩未完銀兩係奏明酌

提羨餘銀兩彌補之項通共銀四十七萬四百五

十兩零米三千六百八十九石零俱著不准豁免

至無官可補並前署陽湖縣已故知縣畢開煜等

三員未完官欠銀八萬八千九百二十一兩零查

明赤貧無追著照常例辦理等因欽此當經轉行

兩藩司欽遵辦理去後茲據江寧布政使張志

緒蘇州布政使賀長齡查議會詳請

奏前來臣查江蘇省二次清查案內未奉准豁銀

四十七萬四百五十兩零米三千六百八十九

石零此內銀二十三萬九百二十七兩零米三

千六百八十九石零係墊完民欠之款又銀二

十三萬九千五百二十四兩零係無著補剩之

款查墊完民欠項下江寧藩司所屬銀五萬二

千二百六十四兩一錢零除宿遷縣馮馨墊完

銀一百六兩四錢零已據賠繳外尚應代賠銀

五萬二千一百五十七兩六錢零又前任寶應

縣已故知縣方恩承等四員應賠銀二千六百

四十二兩五錢零又米三千六百八十九石零

折銀八千八百五十四兩八錢零共銀六萬三

千六百五十五兩零蘇州藩司所屬墊完民欠

銀一十七萬六千二十兩零續於道光五年四

月經前任蘇藩司誠端查出咨追外省之呼延

名揚盧煥王棚熬蔣勵宣等四員銀一萬二千

五百四十四兩零先經戶部彙案准免係屬重

複應行剔除外尚應代賠銀一十六萬三千四

百七十五兩零統計江寧蘇州兩屬應代賠墊

完民欠銀二十二萬七千一百三十兩零此項

賠款當時委係實欠在民官為暫墊仍可催追

歸款是以二次清查案內原定勒限催追旋因

陶雲汀先生奏疏卷十四 無蘇高

民欠奉豁無可徵補復又另議攤賠嗣緣核與部議豁免條款相符彙案請豁今既未邀覆准惟有仍於原墊之員名下著賠查現在江蘇服官者有萬承紀陳道坦等四十員計應賠銀一萬五千九百八十兩零陞調他省者趙庭椿何因鎬等九員計應賠銀六千八百七十六兩零告病降革勒休遣戍回籍者張鴻程志忠等五十七員計應賠銀五萬四千七百三十六兩零本員已故及續報家產盡絕者張先甲蘇昌阿等一百一十員計應賠銀一十四萬九千五百三十六兩零查現在江蘇服官各員名下皆有應補之款加以此項賠款同時追補為數較多應請稍寬時日自此次奉

旨之日起數在一千兩以內者限一年完繳一千兩

三

以上至二千兩者限二年二千兩以上者統限三年限滿不完先行摘去頂戴仍勒限於半年內清完准其開復如再逾違即請革職離任押追候補人員限滿不完扣委扣補亦勒限於半年內清完照常委署補缺如再無完即革職押追其陞調他省各員應賠銀兩請俟各省准咨

陶雲汀先生奏疏卷二四 撫蘇稿

二四

之日起照此期限追繳分別現任候補畫一辦理至告病病故降革勒休遣戍回籍等員名下應賠銀兩亦於該省准咨之日起限照追將來如查有實在赤貧無追之款再與先經具報家產盡絕之案均照常例辦理至蘇州藩司所屬二次清查案內無著補剩一款共銀二十三萬九千五百二十四兩零續於道光五年四月據前任蘇藩司誠端查出咨追外省之舒懷靳金鼎盧雲路三員銀八萬四千一百一十六兩零先經戶部彙案准免查係重複應行剔除外實未准免銀一十五萬五千四百八兩零上屆清查案內因皆係年分久遠人亡產絕無可催追是以議歸無著籌補嗣以此項銀兩係由現任州縣為嘉慶十四年以前各員彌補之款與部議事未經手人非同案准豁條款相符造冊請免在案今部議以原係彌補之款不准豁免是因其籌補於先即不准援例請豁而先後時事不同情形迥別江蘇各州縣倉庫錢糧自道光元年欽奉

諭旨清查以後凡入三次清查虧墊各款皆截清年

限分別追補道光元年以後倉庫錢糧卽以交代爲盤查現任各員既不准其稍有挪移而現在既有三次清查案內應提限補銀兩及官欠追賠民役各欠逾限應賠之款爲數已屬不少且清查歲報案內每年俱有由咨追提歸無著應行接續彌補又本案內未諮墊完民欠現在議請著賠若再責令兼補舊虧無著之款實屬力有未逮現查江蘇服官之州縣已皆非從前補未足數之原官不免藉口諉卸倘揀之過急又恐不肖州縣挹彼注茲舊欠之補未見其實

陶雲汀先生奏疏卷二

撫蘇稿

三

效而新虧之弊已接踵而生甚或藉端巧取恣意重科其流弊更不可勝言再四思維不得不將難以追補情形據實直陳於

聖主之前合無仰懇

皇上天恩俯念此案補剩無著銀一十五萬五千四百八兩零本係

恩詔條例內應豁之款前此部文咨查到省業已在道光二年十二月截止請豁之後並非登覆遲延現在無可籌補

恩准仍予豁免以普

鴻施至案內畢開煜鄧文鏡李紹洛等三員未完官

欠銀八萬八千九百二十一兩零奉飭查照常

例辦理現就該員等歷過任所飭查有無貲財

隱寄照例取結另行分咨各原籍查明如果實

係家產盡絕由各該省徑行

奏咨請免所有未豁二次清查各款逐一籌議懇

請分別追免緣由謹會同兩江總督

臣琦善合

詞恭摺具

奏伏乞

皇上聖鑒訓示謹

陶雲汀先生奏疏卷四

撫蘇稿

六

奏

再二次清查虧墊併官墊民欠案內已奉准免

註銷原缺常平倉穀不下十餘萬石應照因遞

缺穀之例動用正項採買惟每石例價止銀六

錢不敷甚多若責令現任同時採買爲數甚鉅

賠貼較難並請寬以時日派令分年買補如蒙

俞允再行飭司查明各州縣應行買補數斟酌地

方情形分定年限另行辦理合併附片具

奏伏乞

聖鑒訓示謹

奏

道光六年四月二十八日具

奏五月二十七日奉到

硃批另有旨欽此又夾片一件亦奉

硃批另有旨欽此同日奉到道光六年五月十三日

內閣奉

上諭陶澍奏二次清查案內未豁各款銀兩請分別

追免一摺江寧蘇州兩屬應代賠墊完民欠銀二

十二萬七千一百三十兩零仍應於原墊各員名

下著追惟該員等均有應補之款若將此項同時

陶澍江先生奏疏卷四

撫蘇稿

三

追補為數較多著照所請自此次奉旨之日起數

在一千兩以內者限一年完繳一千兩以上至二

千兩者予限二年二千兩以上者統限三年如限

滿不完先行摘去頂帶仍勒限半年內清完准其

開復倘有遲逾卽著革職離任押追候補人員限

滿不完扣委扣補亦勒限半年內清完准其委署

補缺逾限無完卽革職押追陞調他省各員應賠

銀兩以咨到各省之日起照限著追分別現任候

補一體辦理其告病病故降革勒休遣戍回籍等

員應賠銀兩亦著自該省准咨之日起限著追仍

查明照常例覈辦至蘇州藩司所屬清查案內補

剩無著銀兩係該州縣為前任各員彌補之款若

仍行追賠有名無實且恐不肖州縣輾轉挪移舊

欠未補新虧又增徒滋流弊所有此案補剩無著

銀一十五萬五千四百八兩零著加恩准其豁免

餘俱照所議辦理又另片奏各案准銷原缺常平

倉穀例動正項採買為數甚多自應寬以時日著

飭藩司查明各州縣地方情形將應行買補穀數

分定年限奏明辦理該部知道欽此

陶澍江先生奏疏卷四

撫蘇稿

六

請增

文廟從祀儒臣摺子

奏為請增

文廟從祀儒臣以崇正學仰祈

聖鑒事竊惟致治必資懋學繼往卽以開來

孔聖之道師表萬世而歷代端粹之儒亦得從祀

廟庭俾廣心傳典至重也茲據蘇州藩司賀長齡會

同臬司覺羅慶善詳據常州府無錫金匱兩縣

紳士秦大治華端翼陶沅廉志勳等呈稱明故

都察院左都御史謚忠憲高攀龍承晦庵之主

陶雲汀先生奏疏卷四

撫蘇稿

二十一

敬師伊川之存心以險阻艱難為體認身心之

地其境愈難其學彌粹凡德業進修之地友朋

麗澤之功見於所著三時困學諸記語錄會講

等書操履涵養粹然一出於正死生榮辱確乎

不動於中實為理學之宗宜列先儒之祀伏乞

詳題從祀

文廟等情由該府縣學取造事實冊結詳司核轉請

奏前來伏查

欽定明史儒林傳序言正嘉以後篤信程朱不遷異說

高攀龍其卓卓者又

御批歷代通鑑輯覽注載攀龍學本濂洛操履篤實涵

養邃密粹然為一代大儒又

欽定四庫全書總目載高子遺書十二卷其學以格物

為先講學語類多切近篤實闡發周密立朝大

節不愧古人等語又查劉宗周文集稱古有朱

子今有忠憲黃宗羲謂海內以高劉並推大儒

可無遺議陸隴其亦謂古今有成德之師有興

起之師成德之師砥礪磨礪造人材於粹精之

地程朱是也興起之師廉頑立懦拔人心於陷

溺之中高劉是也是皆以攀龍與宗周並稱比

陶雲汀先生奏疏卷四

撫蘇稿

二十二

諸程朱考其生平持身則主敬存誠立朝則直

言正色卒能取義成仁不負所志其立說著書

授徒講學皆宗經衛道足以模楷儒林恭逢我

國家昌明正學崇勵真儒明臣如劉宗周已荷

特旨從祀呂坤黃道周亦皆次第表彰仰邀

俞列兩廡高攀龍忠節既樹人倫之鵠道德尤為後

學之宗似宜增入從祀以勵真修而端儒術除

將送到事實冊結咨送部科外 旨同兩江總

督臣琦善江蘇學政 臣 幸從 恭摺具

奏伏乞

皇上聖鑒
敕部議覆施行謹

奏

道光六年四月二十八日具

奏五月二十七日奉到

硃批禮部議奏欽此

陶澍先生奏疏卷四

撫蘇稿

三

覆勘蘇州府城修理完竣摺子

奏為覆勘蘇州府城先後兩次修理完竣恭摺具

奏仰祈

聖鑒事竊照蘇州府城垣於嘉慶二十五年間因間

段坍塌據長洲元和吳縣三首縣詳據紳士呈

請捐修並請將吳淞江餘剩節省銀一萬八千

餘兩給發奏用經前撫臣陳桂生於奏報疏濬

吳淞江完工摺內

奏明嘉慶二十五年五月奉

硃批知道了欽此嗣據該府縣勘覆估需工料銀二萬

陶澍先生奏疏卷四

撫蘇稿

三

七千三百餘兩除動用吳淞江節省銀一萬八

千餘兩又紳士捐輸銀六千七百二十八兩零

其餘不敷銀兩該三縣捐補足數修理完竣嗣

經前撫臣張師誠於請修道光三年續冊城垣

摺內

奏明前修工程是否一律堅固取造冊結由藩司

驗收再行覆勘具

奏茲據蘇州藩司賀長齡詳稱此案城垣原派三

縣承修內長洲縣原估銀七千四百二兩零元

和縣原估銀一萬三千五百二十四兩零吳縣

原估銀六千四百一十八兩零據該三縣具報於道光四年十一月以前先後照估修理完竣經前任藩司誠端驗收在案茲已飭取冊結詳請覆勘具

奏又前次未修處所續有坍塌及道光三年夏間因雨水過多河水漫浸城根復有坍塌經前撫臣札飭勘估詳辦據蘇州府知府額騰伊督同長洲元和吳縣詳加查勘估需工料銀三萬九千六百一十四兩零由前任藩司誠端覆勘無浮查有陳青選罰項銀二萬九百六十五兩零又嘉慶二十三年挑竣吳淞江餘剩經費錢合銀九千二百四十三兩零又道光三年官民捐賑餘剩銀九千四百七十兩零均屬閒款堪以奏撥興修詳經前撫臣奏奉

諭旨張師誠奏籌款修理城垣一摺江蘇蘇州府城垣前次未經修理處所續又間段坍塌並因上年河水漫浸城根復多坍塌必須修復完整茲據該撫勘明共估需工料銀三萬九千六百一十四兩零查有吳縣現在罰繳充公銀兩及挑浚吳淞江餘剩經費發商生息本銀並上年官民捐賑案內

陶雲汀先生奏疏卷十四

撫蘇稿

三

餘剩銀共三萬九千六百七十餘兩均屬司庫閒款著准其奏撥趕辦俟工竣該撫親往驗收如有偷減草率等弊即行嚴叅著賠所動銀兩既係閒款著毋庸造冊報銷該部知道欽此茲據藩司賀長齡詳稱長洲縣應修工段實用銀六千四百九兩零元和縣應修工段實用銀一萬三千九百九十九兩零吳縣應修工段實用銀一萬九千五百七十五兩零據該三縣具報於道光五年九月以前先後修理完竣查係實用實銷並無浮冒請於原籌陳青選罰項等款銀內照數開

陶雲汀先生奏疏卷十四

撫蘇稿

三

銷飭取冊結由該司驗收加結詳請覆勘具奏前來臣查嘉慶二十五年原辦城工估需工料銀二萬七千三百四十五兩零除動用吳淞江餘剩節省銀一萬八千二百三十三兩零又紳士捐輸銀六千七百二十八兩零之外計不敷銀二千三百八十三兩零既據長洲等三縣自行捐補足數修理完整應請毋庸再議至道光三年續修城工一案原估工料銀三萬九千六百一十四兩零

奏明於罰繳充公及吳淞江經費生息本銀併捐

賑餘剩共銀三萬九千六百餘兩之內動用應
請卽於此內開銷現經臣親詣覆勘先後修理
工程均屬完整尙無偷減草率情弊除將冊結
分別咨部外所有蘇州府城垣前後兩次修理
均已覆勘完工緣由謹會同兩江總督臣琦善
恭摺具

奏伏乞

皇上聖鑒再前一次修理城工所用吳淞江餘剩銀
兩本係業戶攤捐餘係官紳捐補與續修城工
之動用閒款情事相同並非動用錢糧應請一

陶澍先生奏疏卷古

無蘇稿

三五

併免其造冊報銷合併聲明謹

奏

道光六年五月十四日具

奏六月十八日奉到

硃批所奏知道了著依議行欽此

御賜藥錠謝

恩摺子

奏為恭謝

天恩事頃臣摺弁回蘇齋奉

御賜藥錠一匣當卽恭設香案叩頭祇領欽惟

皇上德隆康濟

道洽生成四時調玉燭之和八表潤珠囊之色喜占

勿藥烝民之疵癘潛消

念軫如傷

聖主之恫瘝彌篤茲值蒲樽節屆欣叨芝檢

陶澍先生奏疏卷古

無蘇稿

三五

榮頒鍊冷八瓊還丹九轉擎來

闕北香凝寶鼎以分煙捧到江東彩映吳絲而續

縷臣職慚蘭蓄誠愧荅通每當大夏之良辰屢

拜

上方之珍劑感

恩逾重徧

德靡涯分馨爰逮於羣僚布凱尙思乎黎庶甘同粒

食慰

九重保赤之心質重砂圓勵百爾披丹之悛所有臣

感激忭幸下忱謹繕摺恭謝

天恩伏乞

皇上聖鑒謹

奏

道光六年五月十四日具

奏六月十八日奉到

硃批覽欽此

陶雲汀先生奏疏卷四

撫蘇稿

三

日本夷船漂收鎮洋縣境撫卹指引回國摺子
奏為日本國夷船漂收鎮洋縣境照例撫卹撥船
指引出洋回國恭摺奏

間事據鎮洋縣知縣鄭光偉稟稱道光六年四月十

五日經甘草司巡檢稟報十三日同砲臺汛兵

丁瞭見瀏河口外隨風駛到一船似外夷模樣

隨即會同巡洋官兵往看實係夷船言語不通

給與紙筆令其書寫據稱係日本國人船主源

太郎本國北地越州人同水手喜助藤兵衛門

大右衛門平七木八曾兵衛清三郎小五郎六

助平助等十人裝載昆布煙草貨物於本年三

月初四日開船往本國江州地方銷售因附近

賣貨並無牌照放洋後突遇大風迷失海道隨

風漂蕩見有漁船跟隨行駛於四月十三日到

岸現在船貨人口均無損失懇求指引送出大

洋一遇西風即可回國隨即查看該夷船人數

併所裝昆布煙草俱與所寫相同委係涉海遇

風迷失洋面查無別故等情通稟前來當即札

委太倉州知州范博文會同營員馳往覆查無

異臣查嘉慶十五年海門廳境內曾有日本國

陶雲汀先生奏疏卷四

撫蘇稿

三

夷人遭風壞船因漁船拯救到境當經委員護送至浙江乍浦口交辦銅商船附搭回國今該國夷人源太郎等十一人裝載該國貨物因迷失海道飄入內洋懇求指引回國自應俯順夷情俾資還輯當經臣札飭該州縣照例撫卹選撥熟悉海道商船指引並飭瀏河吳淞各營派委巡洋官兵妥為防護令該夷人等乘坐原船由吳淞海口出洋早歸該國仰副

聖主懷柔遠人至意現據寶山縣等報稱該夷船由瀏河開行於五月初二日已抵吳淞海口寄泊

陶雲汀先生奏疏卷二

撫蘇稿

三

一候風順即行出口等情所有日本國夷船漂收鎮洋縣境護送出洋歸國緣由謹會同兩江總督臣琦善恭摺具

奏伏乞

皇上聖鑒謹

奏

道光六年五月十五日具

奏六月十八日奉到

硃批知道了欽此

海運沙船陸續回棹親往督辦摺子 附片一件 奏為海運沙船陸續回棹並 臣親往督辦緣由恭摺

奏祈

聖鑒事竊照海運漕糧前於四月內裝兌一百二十九萬餘石所有次運未竣米石俟天津回棹船隻報有分數 臣仍親赴上海彈壓督辦業經附片奏

聞在案茲據辦運委員等呈報回南商船截至五月二十二日止已有進口船三百二十餘隻惟上

陶雲汀先生奏疏卷二

撫蘇稿

三

海存棧米石間有發熱及熱過變色之米而各處存倉餘米亦尚多未到 臣隨即飭屬趕緊剝運到滬除米質本堅顏色紫老無礙食用仍照舊交兌外其霉變稍壞者即剔除另換好米務俾乾潔現據委員蘇州府額騰伊署松江府李景嶧稟報應換米石俱已齊全靜候派裝又據押運委員川沙營參將關天培自天津來稟據稱進口船一千一百二十餘隻惟太字錢元森一船裝運丹徒縣漕米四百石尚未收口其餘卸竣米船截至四月二十六日止共已催出海

口空船一千七十二隻該將於催船之際卽揆
船曉諭令其迅速回南趕裝二運各船商咸稱
此次裝運漕糧抵津之後隨到隨卸斛兌公平
毫無阻滯所餘耗米官爲收買無零星糶賣之
繁較向年攬載客貨尤爲便捷仰沐

皇仁不惟絲毫無累更能餘利均沾是以鼓舞懽懽
尅期趕回並有抵津卸米後放空回南之船咸
稱所帶貨物既經免稅餘米又蒙

聖恩加賞價值無不懽懽踴躍爭先趕回裝載二運
情願不往關東載豆逕行南歸者竟有十之六

陶雲汀先生奏疏卷四

無蘇稿

三

七併詢北來船隻僉稱成山石島一帶見回南
沙船尙有一二百號在洋折餞向南行駛日來
多有北風回棹之船更可迅速等語臣查海船
全藉風色順利方能來往如期刻下正當夏令
船宜北行亟應趕趁風汛迅速歲事所有一切
兌運事宜諸關緊要臣卽日由水路前往督同
該道府暨委員等妥協籌辦斷不敢因漕務將
竣稍存大意一俟掃數開行卽當會同督臣漕
臣繕摺馳

奏仰慰

宸厪所有臣親往上海督辦海運緣由理合恭摺具

奏伏乞

皇上聖鑒謹

奏

道光六年五月二十八日具

奏七月初二日在常州途次奉到

硃批知道了欽此

陶雲汀先生奏疏卷四

撫蘇稿

三

再辦理海運一切費用均係由外籌款並未絲毫請

帑所有常年例應給丁之漕項銀米多歸節省除兩次撥解過天津應用銀兩外餘銀俟事竣查明報撥其漕贈行月各米前於議請給丁全支月糧案內接准部咨行令將節省米石搭運赴通茲據藩司賀長齡糧道宋潢詳稱道光五年分蘇屬應徵漕贈五米及白糧盤耗運船水手飯米等三款共米九萬八千七百二石零已據徵存在倉此項米石原係例應給丁之款現因

陶澍先生奏疏卷四

撫蘇稿

三

海運省出歸公與應行起運漕糧不同若搭運赴通南北經費無款可籌應請就近糶變等情查蘇屬徵存積年緩帶漕米現奉

諭旨允留本省糶濟民食所有此項贈五等米九萬八千七百餘石本係節省所餘並非正米應請一併留省按照時值每石酌定價銀二兩二錢五分出糶提銀解歸道庫另行報撥以歸核實倘有五年分行月一款共米九萬三千餘石除應給接運漕白丁船全支本色月糧及滿號免雇等船苦蓋併濟進行月糧米約共需米八萬

五千餘石尚應剩米八千餘石現未具報全完應俟奏銷案內核計完欠造報留為下年辦運奏派幫丁之用毋庸糶撥除咨明戶部外謹會同督臣琦善漕臣陳中孚合詞附片陳明伏乞

聖鑒謹

奏

道光六年五月二十八日附

奏七月初二日在常州途次奉到

硃批轉行照辦欽此

陶澍先生奏疏卷四

撫蘇稿

三

海運全竣船行順利摺子 總督會稿

奏為恭報海運漕糧全數兌開完竣船行順利仰

祈

聖鑒事竊照本年蘇屬辦理海運所有初運米石及

二運絡繹開放情形節經 臣等

奏報在案茲 臣陶澍因商船回棹業有成數復自

省馳抵上海督同委員等慎選米質尅期斛交

各船踴躍逾恒爭先受兌總計蘇州松江常州

鎮江太倉等四府一州額徵道光五年分起運

漕白正耗米一百四十五萬一千三十一石零

陶澍汀先生奏疏卷四

撫蘇稿

三

又節省歸倉候撥耗米五萬九千六百七十五

石零又給船耗米十二萬餘石通計裝載正耗

各米共一百六十三萬三千餘石前後用沙船

及浙江蛋船三不像船共一千五百六十二隻

截至六月初五日止掃數斛交完竣伏念

國家河運已數百年暫因河務艱阻分由海運創

始甚難人情觀望誠以

天庾重大向不航海舵工水手皆非官役可比既

虞屢屢復懼難交畏縮弗前或相避匿其難一

也河運弁丁數千各司其事沿途催趲層層照

料尚不免風火沉失之虞今以新定章程責之

素不相習之委員保無疎損其難二也各州縣

米赴上海多者八九萬少者二三萬同時雇剝

船隻難敷倘紛紛封捉即為行旅商民之病其

難三也各州縣距黃浦水次或六七百里或一

二百里遠近不齊既恐停船待米守候需時又

恐米到船稀無從寄頓况商行斛手無多盤量

稍稍即誤風汎其難四也海運用費初無成式

籌畫稍疎更恐不肖官吏借端擾累易致刁民

藉口其難五也商船赴津風利東南及至回帆

陶澍汀先生奏疏卷四

撫蘇稿

三

又宜西北一往一來非祇旬期萬一停阻有妨

二運其難六也以上數端辦理稍有未慎易滋

貽誤至於波濤之險更屬人所難防當此河道

淺阻搬剝維難 臣等仰體

宵旰焦勞再四圖維舍海運別無良策是以上年六

月到任之始即經會議意見相同 臣陶澍隨赴

上海開誠曉諭招徠商船復經 臣琦善

奏派藩司賀長齡前任降調河北道鄒錫淳續往

添雇船隻會同各員詳議章程奏奉

諭旨允行 臣琦善因河工緊要不克分身屢次函商

硃批

務期周妥臣陶澍親駐督辦數月以來商情感奮民庶安堵自開兌以至歲事諸極順利仰仗聖主如天之福共效子來不日之成惟

宸謨早定於幾先俾海道咸歸於坦蕩臣陶澍現在

親詣海口督飭放行會同提臣王應鳳諄飭沿

海水師校織巡防並派京口副將湯攀龍押尾

前進連日南風正利洋面波恬船行穩速約計

六月下旬即可全抵天津所有海運辦竣緣由

臣等謹合詞繕摺由驛馳

奏伏乞

陶澍先生奏疏卷十四

撫蘇稿

三

皇上聖鑒再漕臣陳中孚押運北上未及會銜合併

聲明謹

奏

道光六年六月初五日由驛具

奏六月二十四日奉到

硃批另有旨欽此

海運全竣請將在事尤為出力各員量加鼓勵

摺子附清單總督會稿又附片一件

奏為海運全竣請將在事尤為出力各員恭懇

天恩量加鼓勵仰祈

聖鑒事竊照蘇省試行海運事屬創舉關係重大分

任需人臣等於議辦之初即以雇船為第一關

鍵籌款為濟用要需而一切文案章程鈎稽冊

檔以及驗米兌米各事宜均極繁重必須實心

經理方能趨事赴功當飭藩司賀長齡等遴選

誠實勤幹之員各量材能分別派委復經臣等

陶澍先生奏疏卷十四

撫蘇稿

三

隨時激勸逐件指示在事文武大小一百餘員

晝夜奮勤不辭勞瘁或招雇商船料理經費或

綜核文冊酌議章程或驗兌漕糧迎提催趨或

專駐公所收發出入或巡防彈壓經歷島洋莫

不竭盡心力各供指臂而各州縣經徵漕米趕

早全完又皆慎選米色籌解經費絲毫不累閭

閭現在全漕一百數十萬石一律開行以數百

年未行之事上稟

宸謨如期妥竣似應加以鼓勵查藩司賀長齡綜理

全局布置精詳臬司慶善辦事細心同資贊畫

蘇松糧道宋潢蘇松太道潘恭常駐浦驗兌始
終其事均係司道大員

恩出

聖裁 臣等未敢擬請優叙其赴津交米解銀各員及
押運之將弁等俟交米全竣另行具

奏外所有辦漕在事各員人數眾多 臣等不敢濫
登薦牘亦不敢泯沒其勞謹擇其尤爲出力者
開具清單恭呈

御覽可否仰懇

天恩量予鼓勵出自

陶雲汀先生奏疏卷四

撫蘇稿

三

鴻施其餘各員應分別咨部議叙由外記功核實辦
理再急公領運之船商紳耆人等應加獎勵現
飭該司道查明造冊遵照章程

奏咨辦理 臣等謹合詞恭摺具

奏伏乞

皇上聖鑒訓示謹

奏

道光六年六月初五日由驛具

奏六月二十四日奉到

硃批汝總辦此事諸凡妥順朕深嘉悅另有恩旨欽

此

謹將蘇省辦理海運尤爲出力各員開具清單
註明實績恭呈

御覽

蘇州府知府額騰伊

松江府知府陳鑾

該二員督辦本屬運務一切妥洽並派駐上
海綜司驗船兌米各務井井有條經理咸宜
應請

賞加道銜

陶雲汀先生奏疏卷四

撫蘇稿

四

署松江府知府川沙廳同知李景嶧

前任蘇州府督糧同知俞德淵

該二員官聲素好篤實練勤派駐公所料理
全局李景嶧任勞任怨力肩終始俞德淵現
已丁憂回籍而籌定章程極爲得力應請將
該二員

賞加知府銜李景嶧遇缺陞用俞德淵俟服闋引

見後遇缺陞用

上海縣知縣許乃大

該員調任上海稽查彈壓始終其事經理得

宜應請以同知直隸州儘先陞用

崇明縣知縣王青蓮署崇明縣丞江陰縣丞畢以紱

查崇明地居海外十激緊接大洋為商船寄旋守風之所該員等彈壓巡防親歷波濤數月之久王青蓮畢以紱均請以應陞之缺儘先陞用

試用知縣陳用珩兩淮候補鹽大使黃冕

該二員來往催漕驗米交兌不辭勞瘁最為出力陳用珩應請不論繁簡遇缺即補黃冕

陶雲汀先生奏疏卷四 撫蘇稿

四三

應請遇缺儘先補用

寶山縣主簿周恭壽

該員自上年派令隨同籌議海運一切事宜鈎稽文案冊檔晝夜奮勤始終出力應請以

縣丞儘先陞用

試用同知吳廷揚試用通判顧文光試用理問

陳仁吳景周試用縣丞嚴偉試用府經歷陳溶試用從九品魏邦魯余錫溥劉國正

以上九員或驗米監兌或稽核文案均能勤慎妥協應請各按本班儘先補用

長洲縣丞錢兆麟嘉定縣丞姚大成吳江縣丞蕭翎江陰縣巡檢俞昌會

以上四員或經理度支或查船兌米風雨寒暑備極辛勤應請儘先陞用

武進縣丞陸鈞松江府經歷張慶瑗長洲縣主簿劉琅

以上三員查船兌米均極出力應請各按本班以應陞之缺陞用

候補未入流虞芝林

該員派辦公所文案奮勉任勞應請補缺後

陶雲汀先生奏疏卷四 撫蘇稿

四三

以應陞之缺陞用

太湖廳巡檢謝元淮青浦縣巡檢方景雯

以上二員委辦查船兌米各事極為得力惟該員等本有奉

旨儘先陞用之案應請不論繁簡遇缺即陞

又查武職出力三員

提標前營遊擊署上海遊擊福智

署提標右營守備候補守備劉均

提標千總李炳忠

查黃浦至吳淞海口剝船商船梭織往來最

關緊要該員等防護稽查始終勤奮福智李炳忠請以應陞之缺陞用劉均請儘先補用道光六年六月二十四日承准

軍機大臣知會

貴督等奏辦理海運尤爲出力各員單奉

硃批另有旨欽此單留本處備查爲此知會

同日奉到道光六年六月十七日內閣奉

上諭琦善等奏海運漕糧全數兌開完竣請將出力

人員鼓勵各一摺上年河務阻滯諸臣奏請試行

海運事屬創始辦理維艱仰賴

陶雲汀先生奏疏卷一

撫蘇稿

三

神靈垂佑在事臣工竭誠宣力雇船兌運籌畫周詳計起運漕白正耗各米一百六十三萬三千餘石用船一千五百六十二隻兩次絡繹開放穩抵津門諸凡妥順朕心深爲嘉悅自應卽沛恩施以昭獎勵琦善督飭有方可嘉之至著交部議叙陶澍親駐督辦深協機宜著賞戴花翎藩司賀長齡布置精詳臬司慶善細心贊畫蘇松糧道朱潢始終其事俱著交部議叙調任蘇松太道潘恭常駐浦籌辦經理得宜著賞加按察使銜所有單開尤爲出力之蘇州府知府額騰伊松江府知府陳鑾

俱著賞加道銜川沙廳同知李景嶧前任蘇州府督糧同知俞德淵俱著賞加知府銜李景嶧著遇缺陞用俞德淵俟服闋引見後遇缺陞用上海縣知縣許乃大著以同知直隸州儘先陞用崇明縣知縣王青蓮著崇明縣丞江陰縣丞畢以綬俱著以應陞之缺儘先陞用試用知縣陳用珩著不論繁簡遇缺卽補兩淮候補鹽大使黃冕著遇缺儘先補用寶山縣主簿周恭壽著以縣丞儘先陞用試用同知吳廷揚試用通判顧文光試用理問陳仁吳景周試用縣丞嚴偉試用府經歷陳溶試用

陶雲汀先生奏疏卷一

撫蘇稿

四

從九品魏邦魯余錫溥劉國正俱著各按本班儘先補用長洲縣丞錢兆麟嘉定縣丞姚大成吳江縣丞蕭翺江陰縣巡檢俞昌會俱著儘先陞用武進縣丞陸鈞松江府經歷張慶瑗長洲縣主簿劉琅俱著各按本班以應陞之缺陞用候補未入流虞芝林著俟補缺後以應陞之缺陞用太湖廳巡檢謝元淮青浦縣巡檢方景雲該員等本有儘先陞用之案著不論繁簡遇缺卽陞提標前營遊擊署上海遊擊福智提標千總李炳忠俱著以應陞之缺陞用署提標右營守備候補守備劉均著儘

先補用其餘應子議叙記功各員及尤為出力之
船商紳耆人等並著查明分別辦理該部知道欽
此又文武大小一百餘員以下奉
旨折角欽此

陶鑒丁七上奏疏卷十四

撫蘇稿

四三

再本年海運由外籌款即以向來辦漕雜費充
用並未請

帑所有常年河運例應給丁漕項銀米除迭次撥
解天津應用及調劑旗丁案內全支月糧外尚
有節省銀十餘萬兩米十餘萬石現將節省給
丁贈五等米

奏請變易銀解道其餘節省漕項並飭糧道查
明徵存實數報部候撥又有節省耗米五萬餘
石搭運赴津除撥給經紀耗米外尚剩米四萬
餘石歸倉是蘇省辦理海運不但絲毫未費

陶鑒先生奏疏卷十四

撫蘇稿

四六

帑項且較常年河運所省之數甚多至商船搭載
二成客貨仰蒙

恩旨准其免稅以示體卹現據委管海關道潘恭常
稟稱約計海運商船所免稅銀不過一萬餘兩
應在該關額徵稅銀項下劃除現飭該道逐細
查明另冊咨部外合併附片陳明伏祈

聖鑒謹

奏

道光六年六月初五日由驛附
奏六月二十四日奉到

硃批所辦甚好欽此

陶雲汀先生奏疏卷四

海蘇稿

四

海運默邀

神佑請加封號扁額摺子

奏為海運默邀

神佑化險為平恭懇

天恩賜加封號扁額仰祈

聖鑒事竊照海運自南赴北經歷重洋數千餘里茫

無畔岸偶值風濤人力難施臣前於沙船初次

開行時恭詣寶山縣海口地方致祭

風神

海神並因上海縣黃浦江岸建有

陶雲汀先生奏疏卷四

海蘇稿

四

天后廟歷著靈應率屬虔誠齋禱祈保平安迨二

月二十五六七等日西北風暴大作勢甚猛烈

三月初一二三等日又起北風大暴其時初運

之米一百數十萬石業已開行出洋臣亦回抵

省城目擊陸地狂飈揚沙折木遙想海洋風浪

彌覺寢食難安悚惕之餘載申默禱嗣據押運

參將關天培稟報沙船一千餘隻正抵黑水大

洋迭遭風暴各船齊下太平筐簞隨風漂淌歷

數日數夜危急之頃若有

神助及至收口竟未損失一人速先後駛抵天津

上園水次查驗米石惟蔣朱順吳裕隆徐茂順彭永和周昇泰等五船因風鬆艙拋去漕米十餘石數十石不等趙聯盛一船在廟島沉濕米六百餘石通共損失糧米八百餘石以到津米數計之不及千分之一其餘彭巨隆陳隆泰張元庚何恒新閻聚泰吳恒發袁慶發張茂利等八船業因遭風斫斷大桅米石毫無漂失祇有錢元森一船尚未抵津所裝僅止四百餘石且春夏南風司令北回須用折戩本年夏令間有北風是以來去各船均皆穩速分風劈流不爽

陶澍江先生奏疏卷一

撫蘇稿

三

時日計自初運以逮告竣往返水程幾及萬里在船耆舵水手不下二三萬人現查到津各船並未傷損一名尤為向來未有之事良由

聖明在上百靈効職嘉生翊

順利漕安瀾屬在臣民同深感稟伏查

天后之神在元代至元年間即以護衛海漕加封致祭載在元史我

朝靈貺宜昭豐蒙

勅賜封號本年海運化險為平顯應尤著合無仰懇

皇上天恩

賜加封號以表

麻嘉其海口之

風神廟

海神廟並懇

御書扁額

頒發恭摹一體懸掛俾

靈佑長昭洋情允戴據辦運委員李景嶧許乃大

等具詳前來謹會同兩江總督臣琦善合詞恭

摺附驛具

奏伏乞

陶澍江先生奏疏卷一

撫蘇稿

五二

皇上聖鑒謹

奏

道光六年六月初五日由驛具

奏六月二十四日奉到

硃批所奏甚是另有諭旨欽此又同日奉到道光六

年六月十七日內閣奉

上諭陶澍奏海運默邀

神佑請加封號扁額一摺所奏甚是本年試行海

運該撫陶澍恭詣寶山縣海口致祭

風神

海神並詣上海縣黃浦江岸虔禱

天后廟沙船正抵黑水大洋迭遇風暴危急時若有

神助並未損失一人即有遭風斷桅各船米石毫無漂失利漕安瀾覽奏實深欽感著發去大藏香十炷交陶澍祇領遣員詣各處

神廟敬謹祀謝

天后之神疊彰靈應我朝屢加封號本年海運化險為平顯應尤著着禮部察例擬加封號候朕酌定以昭

陶雲汀先生奏疏卷四

撫蘇稿

五

靈貺海口

風神廟

海神廟並發去御書扁額交該撫敬謹懸掛以答神麻欽此

道光六年六月二十四日承准

軍機處知會本日欽奉

諭旨發去大藏香十炷

風神廟

海神廟

御書扁額應俟扁額

發下後同藏香一併寄往為此知會六月十七日

陶雲汀先生奏疏卷四

撫蘇稿

五



奏摺卷十五目錄

撫蘇稿

安化陶

查勘洪湖泛漲開壩江北各屬被水摺子

恭謝

賞戴花翎摺子

寶蘇局暫請停鑄摺子

查勘江北被水情形籲請撫恤摺子

總督會稿
附片一件

清釐淮安府庫墊款分別撥補追賠摺子

籌補清查無著銀款摺子

覆奏接奉

陶雲汀先生奏疏卷五目錄

御書扁額併

敕加

天后封號遵辦摺子

恭謝

欽頒大清通禮摺子

撫標城守營馬匹請就近買補摺子

附奏感受潮濕現患昏眩摺片

續查被淹地方籲請撫卹摺子

總督會稿
附片一片

查辦江藩庫附貯各款摺子

附奏阜寧續被水災請給撫卹摺片

查明海運委赴天津交米各員暨押運將弁遵

旨分別鼓勵摺子

附清單
總督會稿

海運案內急公商埠請加獎勵摺子

附清單

陶雲汀先生奏疏卷五目錄

查勘洪湖泛漲開壩江北各屬被水摺
奏爲江北各屬據報被水分別委查親勘
奏祈

聖鑒事竊照江寧淮安揚州徐州海州等屬本年五
六月間雨水過多現據江浦六合句容山陽阜
寧清河桃源安東江都甘泉興化寶應蕭縣邳
州宿遷睢寧海州沐陽各州縣稟報積水難消
低田被淹山陽縣並因連得驟雨以致城牆城
樓多有塌蝨臣接據稟報卽經飛飭該州縣設
法疏導並飭該管道府親詣勘辦在案又據署

陶雲汀先生奏疏卷五

撫蘇稿

一

淮揚道尹世衡稟稱本年洪澤湖水勢報長甚
驟已將山盱仁義兩河智信二壩及攔湖壩次
第啟放所有各壩河減下之水直達高寶諸湖
續將車邏南關中新等四壩啟放等情並據高
郵州知州李宗穎稟稱洪澤湖水由寶應湖直
達高郵湖現已長至一丈二三尺三總各里及
一總七十八一等里田畝房舍均歸巨浸車南
中新四壩水勢奔騰浩瀚各河僅寬數十丈勢
不能容加以低田溝澮積雨尙盈汪洋一片東
南鄉一總六總各里爲頂冲之處田間水深五

六尺至一丈不等廬墓盡在水中四總七總各
里地勢低窪現亦漫淹民間扶老攜幼紛紛遷
避高阜露處乏食已分頭確查先行散給竹席
搭篷棲止並給予餅簋以資度日一面將撫恤
事宜查勘確實另行稟辦又據興化縣具稟洪
湖減水流入縣境低田現已被淹又據甘泉縣
稟報自上游啟放歸海之車南中新四壩下游
啟放歸江之金灣各壩減洩湖水而運河日見
增長壩下居民紛紛以早稻長發呈請保守已
將褚家壩起拆仍形盛漲邵伯運河東西兩岸

陶雲汀先生奏疏卷五

撫蘇稿

二

田廬被淹現在逐段查勘設法保護宣消又據
江都縣稟報上游減水已逐漸到境各等情伏
查湖河蓄洩事宜例由河務辦理惟田疇廬舍
民命攸關向來啟壩放水多在秋收之後是以
地方尙可勉強支持茲民間早稻甫經茁積
雨之後繼以各壩齊開田畝被淹秋成失望亟
應趕緊疏洩設法安置業經札飭該司道督飭
揚州府迅速查明臣卽日由水路前往親勘以
便督同印委各員將高郵州被水各區妥爲撫
恤其餘揚州府屬各處亦卽就近查勘以仰副

聖主軫念民生毋俾失所之至意至江淮徐海等處
先已飭令該道府馳勘俟勘覆到日酌核辦理
所有江北各屬被水分別委查親勘緣由理合
恭摺由驛具

奏伏乞

皇上聖鑒謹

奏

道光六年六月二十九日由驛具

奏七月十六日奉到

硃批另有旨欽此同日奉到道光六年七月初九日

陶雲汀先生奏疏卷三

撫蘇稿

三

內閣奉

上諭陶澍奏江北各屬被水分別委員及親詣查勘
一摺江蘇江淮揚徐海等屬前因夏雨過多低田
被淹現在揚州所屬之高郵等州縣又因洪澤湖
開放壩河減洩盛漲田畝復淹秋成失望該撫接
據稟報已飭該司道督飭該府迅速查明辦理現
亦親往勘驗著即督飭該道府及印委各員將積
水趕緊疏消設法安置一面將被水較重之高郵
各里居民先行按戶查明妥為撫恤其餘興化甘
泉江都等縣亦即就近查勘應否一體撫恤即行

奏明辦理毋俾失所至前此因積雨過多低田被
水之江淮徐海等處俟該道府勘覆到日亦即據
實具奏欽此

陶雲汀先生奏疏卷三

撫蘇稿

四

恭謝

賞戴花翎摺子

奏為恭謝

天恩事竊照海運全竣經臣會同督臣琦善

奏報請將出力人員鼓勵一摺於六月二十四日

奉到

硃批汝總辦此事諸凡妥順朕深嘉悅另有恩旨欽

此並准兵部火票遞到道光六年六月十七日

內閣奉

上諭海運事屬創始辦理維艱仰賴

陶雲汀先生奏疏卷五

撫蘇稿

五

神靈垂佑在事臣工竭誠宣力雇船兌運籌畫周

詳兩次絡繹開放穩抵津門朕心深為嘉悅自應

卽沛恩施以昭獎勵琦善督飭有方可嘉之至著

交部議叙陶澍親駐督辦深協機宜著賞戴花翎

等因欽此跪領之下感悚交縈伏念臣職効鳧

趨才慚鳩拙屬以漕河之偶阻議由瀛海以試

行千帆張鷁首而飛聯行滬浦六月運鵬程而

息銜尾津門鸚粒全輸烏旛不警

護由

神佑

御香賁而

藻翰同頌

訓稟

宸謨

天寵綬而花翎

特錫象析羽而加之首彩溢簪纓慶彈冠而尚以瓊

輝生弁冕金枝灼日遙分鶴頂之文章翠羽影

風何幸鴻毛之際遇舉頭知重附尾增榮翮朝

日以翔衢和聲並應觀雲霄而傳翮翼彌殷

從占遼羽為儀允戴

陶雲汀先生奏疏卷五

撫蘇稿

六

聖恩之高厚還共山龍耀袞載颺

盛世之光華所有臣感激榮幸下忱謹繕摺恭謝

天恩伏乞

皇上聖鑒謹

奏

道光六年六月二十九日具

奏八月初五日奉到

硃批知道了欽此

寶蘇局暫請停鑄摺子

奏為寶蘇局錢文足敷搭放循案暫請停鑄仰祈
聖鑒事據蘇州布政使賀長齡江蘇按察使覺羅慶
善會詳稱寶蘇局每年鼓鑄七卯共應鑄錢一
十一萬一千九百餘串除例給爐匠工料錢一
萬六千六百餘串淨歸庫錢九萬五千三百三
十七串零搭放通省各標營兵餉及監犯鹽菜
錢約計七萬六千餘串剩錢文遞年貯局以
備別項動撥或市肆錢價昂貴隨時官為平賣
如局錢存數較多市集錢價平賤原有

寶蘇局暫請停鑄摺子

無蘇稿

七

奏明暫停開鑄之案檢查乾隆五十七年五十九
年六十年均因錢價低賤會奉

奏請將額鑄餉錢停止開爐欽奉

諭旨允准又嘉慶二十四五兩年額鑄卯錢因銅鉛不
齊逐年遞積未鑄其局庫存錢足敷搭放兵餉
於道光元年

奏請免其補鑄欽奉

俞允各在案今寶蘇局屆應開鑄道光六年額錢之
期查得局庫止存洋銅四萬一千餘斤不敷七
卯之用必俟商人採買到日方資配鑄惟該局

尚有存庫餉錢六萬二千九百餘串核計搭放
江蘇各標營本年秋冬季及道光七年春夏季
兵餉錢五萬六千餘串外尚有餘存錢七千串
已屬有盈無絀又查蘇松常鎮太等屬月報錢
價每庫平紋銀一兩易錢一千一百五十至一
千二百六十文不等市集錢價甚賤毋需出易
若將本年應鑄額錢按卯鼓鑄堆貯局中不特
久懸成本且錢積愈多錢價愈賤商賈以錢易
銀往來與販未免本重價增勢必日用各物無
不昂貴於商民均有未便兵餉既敷支放銅筋

寶蘇局暫請停鑄摺子

無蘇稿

八

又未到齊自應援照歷屆停爐各案請將道光
六年額卯暫行停鑄一年俟來年二月起仍照
例按卯配鑄於來年秋季兵餉仍無缺誤而市
集錢文亦得逐漸疏通等情詳請具

奏前來 臣查寶蘇局現在正應開鑄道光六年額
錢之期惟存銅不敷配鑄且現在市集錢價甚
賤既據查有存庫餉錢六萬二千九百餘串核
計搭放江蘇各標營本年秋冬季及道光七年
春夏季兵餉尚有多餘自可暫停鼓鑄核與歷
年

奏請停鑄之案相符理合據實

奏明請將寶蘇局道光六年額鑄卯錢暫行停鑄

一年俟來年二月起仍照例按卯配鑄俾市集

錢文逐漸疏通不致錢價過賤於民商均有裨

益謹會同兩江總督臣琦善合詞恭摺具

奏伏乞

皇上聖鑒謹

奏

道光六年六月二十九日具

奏八月初五日奉到

陶雲汀先生奏疏卷五

撫蘇稿

九

硃批知道了欽此

查勘江北被水情形籲請撫恤摺子 總督會稿

奏為查勘江北被水各州縣田畝淹沒情形請

旨給予撫恤以奠災黎以普

皇恩事竊照本年夏間江北雨水過多洪湖啟放較

早自五月二十二日後各壩次第齊開田廬受

淹臣琦善於六月二十四日由省起程赴浦路

過該境業將被水情形附片具

奏臣陶澍遠在蘇州聞信之下即飛飭各屬督飭

農佃設法疏消一面星夜僱行親詣履勘均經

奏蒙

陶雲汀先生奏疏卷五

撫蘇稿

聖鑒在案茲臣陶澍於七月初四日馳抵揚州接見

該府縣詢悉各處開壩雖早水勢尚遲居民先

經遷避岡阜人口未傷其高郵州尤為四壩頂

衝經該州散給餅餠席片民情尚為安堵初六

日行抵州境帶同常鎮道劉名載署淮揚道尹

世衡署江寧府陳鑾揚州府黃在厚及委員李

鴻鈞潘宗耀黃冕趙彩麟等分投各處會同該

州縣逐段查勘臣仍乘坐小舟親赴下河周巡

看視計高郵境內共分七總惟東北鄉二總五

總間有高阜及護城堤內田畝四百餘頃尚未

全淹其上河之西北西南兩鄉緊靠湖濱下河之東南鄉首受壩水一片汪洋深處至八九尺及丈餘不等初八日馳抵寶應縣境近湖一帶俱已淹沒其餘傅寺瓜山等莊被淹十分之九衡羨等莊次之北鄉東鄉亦有漾灌之莊初十日回舟至昭關壩就誌椿邊探量水勢深九尺五寸因人字芒稻等河係洩水入江要道各閘早開田禾被浸連日督率委員勘得甘泉縣邵伯東西兩岸火郝等二十四莊被淹約計在水田地已居通境十分之五六江都縣東北鄉南

陶雲汀先生奏疏卷二

無蘇稿

二

北灰村情形相似計現淹之地共有四十三莊而興化縣形如釜底總受五壩之水西南北三鄉及東鄉離城較遠之區被淹已有九百九十餘莊計全糧及減則等田一萬二千四百餘頃均在波濤之中惟東鄉尚有浸水十圩未破現在日夜防守又泰州西北隅與高甘接壤壩水頂冲正北接興化境東北接東臺境禾稻並沉水底以上六州縣被災較重田廬墳墓一望瀰漫民間顆粒無收攜老挈幼嗷嗷待哺情形已屬拮据相應仰懇

天恩給予撫恤將被水極重軍民各就災區隨查隨放以資接濟現在藩司張志緒同赴揚屬查勘並酌帶銀兩前來 臣等仰體

聖主念切如傷之至意已飭令按照各屬被水輕重情形酌數發銀交該府縣趕緊易換錢米率同委員妥為散放暫俾果腹又據東臺縣會稟該縣西北正西二隅毗連興化田禾被水西南隅亦有受淹又山陽縣會稟該縣被淹十之五六禾畝豐歉相間又鹽城縣會稟該縣西段已淹中段東段低處亦有淹浸水勢二三尺不等以

陶雲汀先生奏疏卷二

無蘇稿

三

上三縣據稱現在尙可無庸撫恤惟上游閘壩全開逐漸而來每日增長二寸勢尙未定仍應隨時察看妥辦至海州新安濫泥洪等二十餘鎮安東縣西路等十鎮前因雨多漲發田廬受淹經 臣琦善督飭河員將攔河壩埝啟拆疏通現復派令藩司前往督率印委各員親行履勘俟覆到 臣琦善即就近察核情形隨時奏辦其餘桃宿清河及江屬徐屬雨水被淹各區飭據該道府暨各委員陸續覆到情形不一尙非江北等處湖河並灌之比應俟秋成後由司

確查分數具詳辦理其現辦撫恤及湖水灌淹各處應須籲

恩蠲賑一俟水退卽逐細覆勘分別具

奏臣陶澍周歷災區宣播

皇仁民情均屬救帖現由江都卽日回省辦事所有

勘辦水災情形事關民瘼臣等謹合詞繕摺由

驛具

奏仰副

宸廑伏乞

皇上聖鑒謹

陶雲汀先生奏疏卷十五

撫蘇稿

三

奏

道光六年七月十八日由驛具

奏八月初六日奉到

硃批另有旨欽此又同日奉到道光六年七月二十

六日內閣奉

上諭琦善等奏查勘江北被水田畝懇恩撫恤一摺

江蘇省江北各屬本年雨水過多復因減洩洪湖

盛漲啟放各壩田廬間被淹浸前經降旨令該撫

親詣履勘茲據查明高郵境內上河之西北西南

兩鄉下河之東南鄉頂冲四壩積水汪洋寶應甘

泉江都興化泰州各鄉莊被水較重體察情形俱

屬拮据會同該督奏請恩施着照所請將高郵寶

應甘泉江都興化泰州六州縣給予撫恤被水極

重軍民各就災區隨查隨放既經該藩司酌帶銀

兩來揚該撫酌數發交該府縣速易錢穀妥爲散

放嚴禁胥役侵蝕務期災黎均霑實惠該督一面

督飭所屬將下游趕緊設法疏消俾積水之地無

誤春耕仍俟水勢稍退卽逐細履勘分別具奏欽

此

陶雲汀先生奏疏卷十五

撫蘇稿

古

再臣陶澍勘水甫竣正拜摺間由遞接到前摺
六月初九日內閣奉

上諭江蘇江淮揚徐海等屬前因夏雨過多低田被
淹現在揚州所屬因洪澤湖開放壩河減洩盛漲
田畝復淹秋成失望該撫親往勘驗着卽督飭道
府及印委各員將積水趕緊疏消設法安置一面
將被水較重之高郵各里居民先行按戶查明妥
為撫卹其餘興化甘泉江都等縣亦卽就近查勘
應否一體撫恤卽行奏明辦理毋俾失所至前此
因積雨過多低田被水之江淮徐海等處俟該道

陶澍江先生奏疏卷五

撫蘇稿

三

府勘覆到日亦卽據實具奏等因欽此仰見我
皇上軫念民艱無微不至曷勝欽感伏查被水各屬
分別辦理情形現經會同督臣奏祈

聖鑒惟向來洪澤湖放水多在夏末秋間農田刈穫
已畢卽有未熟晚稻亦可帶穗刈食藉資餬口
本年因堰工難於蓄水自五月下旬卽將湖濱
所有各壩盡行啟放旋開運河各壩僅留昭關
壩一處係前月

奏明不開之工足衛下游田畝其時早稻業已揚
花就實百姓咸言數日後卽可帶青趕刈充食

陶澍江先生奏疏卷五

撫蘇稿

三

晝夜巡堤防護六月二十七日督臣路過亦諭
各員得守且守迨三十日河營參將張肇前來
看視卽日將昭關壩啟放所有稻田遂歸巨浸
在彼時原冀壩開水落詎洪湖開放已近兩月
消落猶止數寸良由下游歸海各河自嘉慶十
九年估修未竣十餘年來未議疏挑難免淤塞
是上游放水之閘雖多去路不暢徒積於下河
各州縣數百里汪洋一片而湖河仍形頂阻田
畝刻難涸復不特稻粒無收並恐菜麥難於播
種萬口嗷嗷爲日方長臣於履勘之下實深焦
惻當卽派委縣丞邵奎趕赴下河地方會同鹽
場各員將濱海之白駒青龍大團小海八灶草
埝劉莊丁溪等閘全行啟放洩漲入海並經督
臣嚴札各場催飭速辦正副河臣晝夜力籌宜
洩日內水勢漸已就洩其餘歸江各路並經諄
飭府縣將積淤隱埂設法剷剔以利疏消至應
需撫卹各處現在村莊被淹紛紛徙避多非舊
居難以拘泥挨查應卽就各災民棲止之區隨
查隨放俾得速爲接濟俟水退人歸請
恩給賑再行按戶辦理所有接奉

諭旨疏消積水暨現辦撫恤緣由理合附片覆陳謹
奏

道光六年七月十八日附片具

奏八月初六日奉到

硃批知道了欽此

陶雲汀先生奏疏卷三

撫蘇稿

二二

清釐淮安府庫墊款分別撥補追賠摺子

奏為清釐淮安府庫墊款分別撥補追賠恭摺

奏明仰祈

聖鑒事竊照淮安府庫向有存貯備支銀兩并各屬
解存穀價等款歷任知府籠統墊放前於嘉慶
十四年曾經

奏明清理迄今十有餘年從前查係無着攤賠之
項既未歸補清楚並有

奏辦時本係有着因日久延未催追以致無着者
其自嘉慶十四年以後遞年借墊各款亦有未

陶雲汀先生奏疏卷三

撫蘇稿

二六

歸之項歷年久遠亟須趕緊清理經臣節次飭

令澈底查明造冊詳辦所有該府各任交代因

清釐墊款未經定案當將印結先行送部聲明

交代款冊俟墊款清理完竣再行咨部在案茲

據江寧布政使張志緒詳據淮安府知府富斌

將原續借墊各款查明已未歸補數目分別應

行撥補追賠造冊詳送由司核明議詳請

奏前來臣查淮安府庫墊款嘉慶十四年前署督

臣吳璥原

奏無着銀一萬四百五十兩內除已據各前府完

解歸款銀四千九百五十一兩零尚有前府胡克家完存安徽藩庫銀七百一十九兩零已准安徽省咨會業經撥解河餉作正開銷又前府鰲圖完存山東藩庫銀八十七兩零亦准山東省咨會奏撥南河料價之用又前府馬維馭達枚袁焯岳山朱錫爵攤賠未完銀四千六百九十一兩零已奉

恩詔豁免以上三款共銀五千四百九十八兩零府庫均於各屬解存穀價銀內動墊未便懸缺應請在於司庫正項銀內撥還歸款其原

陶雲汀先生奏疏卷三

撫蘇稿

二

奏聲明有着各款共銀九千七百九十八兩零內除已追歸款及就款開銷并應分別撥補咨追外尚有未歸銀六百四十五兩零已成無着應請歸於經墊及接收催追不力之各知府名下攤賠歸款又自嘉慶十四年以後遞年循例借墊各款除已報入三次清查案內應俟追完歸補又應於漕河各標營俸廉銀內扣還並應由府飭提及移催各省糧道藩司解還銀兩現在照案分別飭追扣還歸款外尚有墊放各款銀三百八十六兩零內陞任江寧城守協副將恩

特赫完存貴州藩庫借支廉俸銀二十九兩零已准貴州省咨會就近報撥此款係於報部生息銀內動墊未便懸缺應請一併在於司庫正項銀內撥還歸款又前府景寬欠繳嘉慶二二三年軍需不敷銀二百五十七兩零又前府閻學淳欠捐修理書院銀一百兩均經墊放應咨各該旗籍照數着追歸款除飭司將嘉慶十四年以前墊放催追無着應行攤賠銀兩取造分賠員名銀數細冊同景寬閻學淳欠捐銀兩詳請咨追外所有清釐淮安府庫墊款分別撥

陶雲汀先生奏疏卷三

撫蘇稿

三

補追賠緣由謹會同督臣琦善繕摺具

奏伏乞

皇上聖鑒謹

奏

道光六年七月二十八日具

奏九月初八日奉到

硃批戶部知道欽此

籌補清查無着銀款摺子

奏為降調知縣及已故知州因公賠累欠解清查銀款查案核明請歸無着項下籌補仰祈

聖鑒事竊照江蘇省辦理三次清查凡欠解庫項人員分別有着無着二項其有可着追者悉歸有着項下責令本員分限完繳其叅革病故家產盡絕及未完外銷無可着追者歸於酌提羨餘銀內彌補界畫井然不容淆混茲據江寧藩司張志緒詳稱據前任寶應縣降調知縣許知璣稟稱欠解三次清查銀兩應即如數清完緣前

陶雲汀先生奏疏卷五

撫蘇稿

三

在寶應縣任內嘉慶二十三年縣境被旱查放口糧因奉發銀兩不敷散放先後籌墊銀七千餘兩節次稟請未蒙准發以致因公賠累報入清查現在奉叅之後業經三載實屬赤貧如洗無可繳償懇請籌補等情當即弔查各案據澈底稽核嘉慶二十三年寶應縣秋旱被災辦理冬春兩次口糧前藩司先後各發給銀一萬二千兩該縣許知璣因奉發銀數不敷散放於冬春兩次墊發銀七千六百四十四兩零經前司飭令自行籌補節次稟領未經批准嗣因辦理

三次清查將該員短缺庫款列入清查有着項

下飭令完解茲因另案降調體察情形委係貧窘難支未能措繳又查同時查放冬賑口糧之高郵州知州徐錚亦因前司給發銀一萬二千兩不敷散放墊給銀六千三百二十九兩零經前司飭令賠補因此動缺庫項報入清查現在徐錚已經病故與許知璣情事相同查該員等因墊放口糧致有賠累核與清查章程內叅革病故及未完外銷無可着追各款在於通省酌提羨餘彌補之議相符應請准其歸入無着項

陶雲汀先生奏疏卷五

撫蘇稿

三

下一體酌提羨餘撥補等情詳請核奏前來 臣查清查案內有着項下應追之款原不淮移歸無着希冀通省代為彌補茲許知璣徐錚兩員墊給口糧既據藩司查明案據均屬確鑿現已降調病故其報入清查銀兩無可着追自屬實在情形此項墊發口糧當時不即詳奏撥還此時事隔數年無從動項撥補而因墊致虧之清查欠款仍行着追殊不足以昭平允查清查案內提解羨餘銀兩原為彌補無着之需合無仰懇

聖恩將前任寶應縣降調知縣許知璣原墊口糧銀
七千六百四十四兩零前任高郵州知州徐錞
原墊口糧銀六千三百二十九兩零均歸通省
羨餘銀內撥補許知璣名下卽抵除其三次清
查案內欠解寶應縣追賠銀三千三百二十二
兩零又抵除其代認前任傅廷蘭銀一千五百
三十四兩零尙餘銀二千七百八十餘兩該員
尙有欠解蘇屬奉賢南匯二縣任內追賠及寶
應任內捐款亦卽儘數抵除完案徐錞名下卽
抵除其高郵州任內追賠項下銀六千三百二

陶雲汀先生奏疏卷五

撫蘇稿

三

十九兩零如此籌補庶口糧銀兩無須動項撥
還亦不致以賠墊藉口而清查欠款得以分別
登銷俾免懸宕實爲兼得謹會同兩江總督
琦善合詞恭摺具

奏伏乞

皇上聖鑒訓示謹

奏

道光六年七月二十八日具

奏九月初八日奉到

硃批另有旨欽此又同日奉到道光六年八月十九

日內閣奉

上諭陶澍奏籌補清查無着銀款一摺江蘇辦理三
次清查欠解庫項人員分別有着無着追補茲據
該撫查明前任寶應縣降調知縣許知璣原墊口
糧銀七千六百四十四兩零前任高郵州知州徐
錞原墊口糧銀六千三百二十九兩零該二員現
已降調病故無可着追着准其均歸通省羨餘銀
內撥補將三次清查案內欠解各款分別抵除該
部知道欽此

陶雲汀先生奏疏卷五

撫蘇稿

三

覆奏接奉

御書扁額并

敕加

天后封號遵辦摺子

奏為恭摺覆

奏仰祈

聖鑒事恭照本年海運默邀

神佑欽奉

御書

風神廟

陶雲汀先生奏疏卷五

無蘇稿

海神廟扁額并大藏香十炷

頒發到 臣 遣員祀謝因黃浦江岸

天后之神顯應尤著

特敕禮臣議加封號旋准禮部咨開上海縣黃浦江

岸

天后之神請加封號於六月二十二日奉

硃筆圈出安瀾利運欽此即經 臣 恭錄轉行敬謹繕

入該處

天后神牌並恭慕

御書製扁遵遣護上海道署松江府知府李景燾齋

赴海口

風神廟

海神廟敬謹懸掛並恭齋藏香詣各處

神廟虔誠祀謝以答

神庥而昭

聖貺所有接奉

諭旨敬謹遵辦緣由理合恭摺覆

奏伏乞

皇上聖鑒謹

奏

陶雲汀先生奏疏卷五

無蘇稿

道光六年七月二十八日具

奏九月初八日奉到

硃批知道了欽此

恭謝

欽頌大清通禮摺子

奏為恭謝

天恩事頃摺弁回蘇賚奉

欽頌大清通禮到 臣謹卽恭設香案望

闕叩頭祇領欽惟

皇上德隆抱一

治懋函三

纂承綿

燕翼之

陶雲汀先生奏疏卷五

無蘇稿

三

謨敕

天基

命

制作應

鴻文之運軌物納民惟我

朝通禮之編邁歷代惇庸之典溯

翔垂於

純廟典則堪徵

詔續輯於

睿皇紀綱大備

光昭

嗣服陳常則率

祖攸行

訓稟

紹衣通變則使民不倦哀五十卷之書而增以四帙

萃六十年之故而彙為一編若網在綱如泥從

印辨名辨色辨數辨位監于

成憲無愆貴多貴少貫質貴文由乃

舊典時式知其說者既易掌視諸斯舉而措之咸宜

心傳宛在 臣習疎綿蕞記乏曲臺仰

陶雲汀先生奏疏卷五

無蘇稿

美

象魏之書懸識睢麟之

澤遠經而等也必於禮政以人存推而行之存乎通道

與時達中以規中以矩譬模範於良工作之

君作之

師竄聰明惟

元后相小民是彝是訓曰允維

皇極之敷言繼自今不愆不忘敢對揚

天子之

庥命所有 微臣

欽忭忻幸下忱理合繕摺叩謝

天恩伏祈

皇上聖鑒謹

奏

道光六年八月二十五日具

奏九月三十日奉到

硃批知道了欽此

陶雲汀先生奏疏卷五

撫蘇稿

三

撫標城守營馬匹請就近買補摺子

奏為江蘇省撫標暨蘇州城守營每年應需馬匹

請就近買補以歸簡便仰祈

聖鑒事竊照臣標各營額設馬匹遇有倒斃例應遣

弁赴口外購買向因馬數無多程途遙遠例價

不敷就近在本省買補足額接准兵部行令委

員赴口購買毋許就近買補即經臣轉行遵照

在案茲據中軍叅將張殿華護理蘇州營叅將

中軍守備汪溥詳稱每年額馬照例倒補三成

撫標各營共應買補三十六匹城守各軍共應

買補一十五匹如專員赴口往返經費繁多所

領例價實屬不敷況口馬南來燥濕既殊水草

不服難免中途倒斃更滋賠累請循照舊章在

本省徐州一帶地方就近買補等情查臣標兩

營及蘇州中左二軍駐劄省城右軍各汛駐劄

崑山新陽均在水多陸少之區額設馬匹無幾

若每年必須出口買補是因五十一匹之馬而

往返七千餘里之遙盤費已屬不貲一經中途

倒斃勢難再往購備轉於差操不便兼之兵丁

錢糧有數賠累難支該叅將等所請就近買補

陶雲汀先生奏疏卷五

撫蘇稿

三

係屬因公起見伏思山東兗登曹三鎮及撫標各營例應赴口購買馬匹現奉

諭旨准其就近在本省隨時買補查蘇省徐州等屬與山東連界所產馬匹骨格強壯服習水草情形既屬相同騎操亦甚得力遇有倒斃儘可隨時購補並無妨礙而經費較省於營務大有裨益所有江蘇撫標兩營及蘇州城守營左右中三軍每年應買馬匹相應仰懇

天恩俯准照山東之例在江蘇本省就近隨時買補以免賠累而歸實濟謹繕摺具

陶澍先生奏疏卷五

撫蘇稿

三

奏伏乞

皇上聖鑒

訓示施行謹

奏

道光六年八月二十五日具

奏九月三十日奉到

硃批兵部議奏欽此

附奏感受潮濕現患昏眩摺子

再臣自上年秋間監臨鄉試聞中猝患傷寒轉成瘧疾偃臥至冬其勢甚劇時值河漕阻滯議辦海運勉強力疾從公未敢請假曾經

奏蒙

聖鑒本年入春以來往返海上積受潮濕為風邪所中腿足時形麻木旋因江北各屬被水親往勘撫經歷敗圩積潦之中酷暑薰蒸所受潮濕更甚以致舊疾復發時寒時熱間有昏眩現在服藥調理深恐屏病之軀稍有貽悞不勝惴慄所

陶澍先生奏疏卷五

撫蘇稿

三

有微臣現患潮熱昏眩趕緊調治緣由謹附片

具陳伏乞

聖鑒

道光六年八月二十五日附

奏九月三十日奉到

硃批安心加意調理所奏知道了欽此先於九月二

十四日由驛遞承准

軍機大臣 字寄

江蘇巡撫陶 道光六年九月十五日奉

上諭本日據陶澍奏現患潮熱昏眩趕緊調治等語

已批令安心調理矣陶澍年力方盛辦事實心前以江蘇地方事務繁重特加簡調深資倚任上年該撫雖染時疾聞已早就痊愈現即小有不適無難刻日醫痊第恐該撫於地方應辦事務或有掣肘作難之處不妨據實直陳卽或露章未便亦當密摺陳奏斷不可遽思引疾爲推諉地步有負委任現在河湖爲江省要務所辦擇培大隄工程是否委辦得人致仍前草率前開河湖各壩會否集料興工尅期堵閉其被災地方前以淮揚所屬各州縣爲重迨開放減壩後海州安東等州縣被淹情形自亦不減於淮揚各屬該撫及前此琦善所奏祇稱現辦撫恤究應如何給賑不致流離失所無誤春耕亦當詳查妥籌據實具奏吏治民生爲巡撫專責不比總督現辦河務不能兼顧也將此諭令知之欽此遵

旨寄信前來

陶雲汀先生奏疏卷五

無蘇稿

三

續查被淹地方籲請撫卹摺子 總督會稿 附片一件

奏爲續查山陽鹽城二縣被淹較重請

旨給予撫卹併委員勘辦阜寧縣水勢情形仰祈

聖鑒事竊照本年雨水較多洪湖開放期早壩水逐

漸下注各州縣田廬被淹業經 臣 等將情形最

重之高郵寶應江都甘泉興化泰州東臺及雨

水成災之海州沐陽安東清河等十一州縣先

後籲請

恩施給予撫卹並於摺內聲明淮安府屬之山陽縣

被淹十之五六鹽城縣西段已淹中段東段低

陶雲汀先生奏疏卷五

無蘇稿

三

處亦有淹浸暫可無庸撫卹惟水勢未定仍須

隨時察看辦理奏奉

俞旨 在案茲據署山陽縣王世錫稟稱八月初一二

等日該縣復得大雨前次被水各鄉水更加長

運河西岸之泰安世美人慶等鄉尙未收穫迭

遭淹浸貧口嗷嗷待哺運河東岸之和樂五鄉

等處因壩水倒漾又值風狂雨甚堤身掣塌圩

舍被衝一片汪洋幾無畔岸現就澗河西岸稍

高之處給予蓆片搭棚棲止應請撫卹又據鹽

城縣戚新芝稟稱該縣被壩水冲注灌浸已久

八月初旬連日大雨兼以海潮泛漲風狂浪大以至圩圍掣塌已淹之下中四十里積水愈深未淹之上四十里亦俱淹沒水至城關四廂附郭高田亦被漫漫遷徙靡所實有迫不及待之勢請先撫卹並據該管道府稟同前因臣等覆核無異相應仰懇

天恩將山陽鹽城二縣被水極貧男婦給予撫卹卹飭藩司迅速酌發銀兩交縣易換錢米就各災民現棲之處隨查隨放以資接濟此外如高郵興化寶應等縣前經臣等查勘入

陶雲汀先生奏疏卷五

撫蘇稿

三五

奏之後仍有續淹村圩業經一體給撫又阜寧縣在淮安下游向來湖壩放水從高郵逕趨興化鹽城境繞抵該縣之射陽湖歸海河身紆折水至較遲查該縣前因雨水積潦仁義禮智四圍一聞有淹浸尚無冲塌無須議撫惟現在河水經過各區有長無消漫溢兩岸兼值月內苦雨經旬水漲更甚城門水關俱已堵閉居民遷避高阜據該縣許心源稟報前來卽經藩司張志緒遴委通判田銳等前往會勘將來應否撫卹臣等應隨時察看辦理合併聲明所有山陽鹽城

二縣被淹懇請撫卹併委勘阜寧縣水勢情形理合恭摺會

奏伏乞

皇上聖鑒謹

奏

道光六年八月二十五日具

奏九月三十日奉到

硃批另有旨欽此同日奉到道光六年九月十五日

內閣奉

上諭琦善等奏續查被淹地方請給予撫卹一摺本

陶雲汀先生奏疏卷五

撫蘇稿

三五

年江蘇省雨水較多開放洪湖壩水下注山陽鹽城二縣田廬被淹據該督等查明懇請恩施著照所請加恩將該二縣被水極貧男婦給予撫卹卹飭該藩司迅速酌發銀兩交縣易換錢米就各災民現棲之處隨查隨放以資接濟其阜寧縣被水情形著該督等飭屬查勘如有應須撫卹之處卽行奏明一律辦理該部知道欽此

再臣陶澍前次查勘淮揚水災其時運河以西山寶高甘各境數百里已汪洋一片運河以東下游各州縣尤為受水之區臣委員分勘嗣接揚州府稟稱自興化至鹽城一帶東西約二百餘里南北約三百餘里形同巨浸浩渺無邊幾無尺寸之土可以駐足居民蕩析惟望各壩早閉一日即數十萬災黎早獲一日之安等語臣當經據稟咨商河工先將昭關壩堵閉以殺水勢惟現在尙未集料興工堵合無期詢據該境紳耆僉稱本年被淹各區比之乾隆五十一年大水尙深三四尺不等民間顆粒無收紛紛徙避卽戶口亦無從挨查是以現辦撫卹止能就各處情形酌數放給難以拘泥逾延計日減壩開工臣督臣出示曉諭各丁壯赴工趁力自可藉資謀食惟人數衆多日內老幼扶挈自揚州分赴江甯常鎮各屬就食者紛紛卽蘇州城外亦復不少臣已督率各屬設法措捐資送免使聚於一隅賑濟難敷並嚴禁匪徒藉災強索滋擾各災民均知安靜覓趁一俟水勢稍退卽可各歸田里按戶給賑趕辦播種事宜俾資還

陶雲汀先生奏疏卷五

撫蘇稿

三

定所有設法安輯災民情形合併附陳仰慰宸廑謹

奏

道光六年八月二十五日附

奏九月三十日奉到

硃批隨時加意設法撫卹固不可令其流而為匪更不可相視困斃務要辦理周妥方為不負委任勉之欽此

陶雲汀先生奏疏卷五

撫蘇稿

三六

查辦江藩庫附貯各款摺子

奏為奏

聞事竊照江寧藩庫附貯項下自乾隆四十七年起歷任交代案內均有借放之款前任藩司陳桂生於嘉慶二十一年查明借款數目造冊具詳因值交卸未及籌議歸補又自嘉慶二十一年起至道光三年正月二十二日現任藩司張志緒到任之日止閱時又已七載其間歷過正署十三任皆有續借之款亟須澈底查明追補業經該藩司張志緒設局清釐茲據該司詳稱司

陶澍江先生奏疏卷三

撫蘇稿

三

庫附貯一項歷係將在外支銷之典息並充公開款歸入附貯支用又有應解還各衙門之款寄存未發每遇刊刻時憲書文武科場經費書院生童膏火當支放之期本款尙未解到即於附貯項下借放又向應江寧安徽蘇州三省攤捐之款亦於附貯款內借墊又兩淮運司衙門應解鹽規匣費分綱帶徵批解不全耗羨存公缺乏亦於附貯項下提借應用又應動開款支放之項本款支絀隨時借放歷年久遠為數較多辦理年餘始有頭緒復俟三次清查定案後

互相較對分別抵支除已陸續歸補銀一十萬二千九百五兩零並發典息本堪以隨時提歸不計外尙有未歸借款銀二十六萬四千七百七十三兩零內兩淮運司衙門欠解銀四萬四千一百四十二兩零江寧巡道衙門欠解銀三千九百八十七兩零江淮各屬欠解並入清查追補銀十一萬三千一百七十四兩零皆係有着應分別催追其查係無着銀六萬一千二百二兩零擬著落賠補均已分晰惟蘇藩司欠解尙有彼此劃抵款項糾纏逐一清釐尙須時日

陶澍江先生奏疏卷三

撫蘇稿

三

又安徽省欠解彼省於查辦豁免案內多有開報已豁之款現移安徽藩司查開細冊再行核議詳辦等情臣查司庫借款事閱多年必須及早清釐不嫌詳慎除飭令掃數清查分別有着無着另行造冊詳請

奏咨辦理外所有現在查辦緣由謹會同督

善恭摺具

奏伏乞

皇上聖鑒謹

奏

道光六年九月十六日拜發十月十九日奉到
硃批另有旨欽此同日奉到道光六年十月初三日
內閣奉

上諭陶澍奏藩庫附貯項下借放各款分別查辦一摺江寧藩庫附貯一項歷任藩司均有借放之款經該藩司設局清釐除陸續歸補外尚有未歸借款銀二十六萬四千七百七十三兩零據該撫查明有着無著分別催追賠補其蘇藩司欠解內有互相劃抵安徽省欠款內有開報已豁之項尚須詳查覈辦藩庫附貯款項遇有借墊支放必須隨時清釐籌議歸補所有兩淮運司衙門欠解銀四萬四千一百四十二兩零江寧巡道衙門欠解銀三千九百八十七兩零江淮各屬欠解並已入清查追補銀十一萬三千一百七十四兩零着即催解歸還原款毋得再有延宕其無着銀六萬一千二十二兩零即着分年分任按款追補至蘇藩司並安徽省各欠款着該撫分晰查明應還款者速即催解歸款應追者同前項一併催追賠補應豁者按例核辦務令各歸各款掃數清還毋任糾纏輾轉致滋弊混欽此

陶澍先生奏疏卷五

蘇蘇稿

四二

附奏阜寧續被水災請給撫卹摺片

再淮安府屬之阜寧縣地近海口本年被淹較遲前經^臣會同督^臣於山陽鹽城二縣撫卹摺內聲明該縣應否撫卹仍隨時察看辦理茲據江寧布政使張志緒詳據淮安府轉稟阜寧縣被淹田地先受積水後被壩水禾苗淹沒旋因水勢增長風狂雨驟間日迭至人力難施以致圩圍掣卸房屋多坍高阜亦被淹漫災民待哺孔殷若俟水退查辦正賑實有緩不濟急之勢應請撫卹以資接濟等情查該縣枕河負海地處下游水到雖遲受淹較重現在該境接壤各州縣均已蒙

陶澍先生奏疏卷五

蘇蘇稿

四三

恩給予撫卹^臣等仰體

聖主一視同仁之至意一面批飭藩司酌發銀兩交縣易換錢米趕緊隨查隨放以期早沾實惠仍俟水退由藩司核定災分照例彙請恩施蠲賑外謹會同總督^臣琦善附片具奏請

旨

道光六年九月十六日拜發十月十九日奉到

硃批另有旨欽此同日奉到道光六年十月初三日
內閣奉

上諭陶澍奏續查被淹地方懇請撫卹等語江蘇省
被水州縣前經降旨加恩給予撫卹茲據該撫續
查阜寧縣田地因洪湖壩水下注受淹較重災民
待哺孔殷自應先行撫卹着卽飭令該藩司酌發
銀兩交縣易換錢米隨查隨放俾得早沾實惠毋
使一夫失所並着該撫飭屬認真查勘被淹地方
有應須蠲賑之處覈定災分迅卽具奏該部知道
欽此

陶澍汀先生奏疏卷之五

撫蘇稿

四三

查明海運委赴天津交米各員暨押運將弁遵
旨分別鼓勵摺子 附清單總督會稿

奏為查明海運案內委赴天津交米各員暨押運
將弁遵

旨各按勞績分別懇

恩鼓勵事竊照蘇省試行海運事屬創始所有本省
一應事宜經 臣等遴員辦理至米船出海經歷

重洋及船抵天津一切交兌尤關緊要前經
奏派候補道府鄒錫淳李湘茝慶玉等馳往天津

協力籌辦並委副將湯攀龍關天培等酌帶弁
丁押坐商船分起赴津沿途照料彈壓 臣陶澍

仍親赴上海督辦告竣於六月初五日同 臣琦
善會

奏聲明該員等俟交米完竣另請
恩獎在案嗣准

欽差天津收米 臣穆彰阿咨會海運沙船均已兌收
完竣並奉

上諭江南辦運委員及押運武員著琦善等各按勞
績分別奏請鼓勵在案仰見我

皇上恩施格外微勞必錄 臣等遵卽督同藩司賀長

陶澍汀先生奏疏卷之五

撫蘇稿

四三

齡等核查得新任淮揚道鄒錫淳河庫道李湘
菑候補道府慶玉精心籌度一切查船收米分
泊盤量諸務布置周詳並督率隨帶各員竭力
趨公始終勿懈太湖協副將關天培督押首運
漕米一百二十餘萬石之多屢遇驚颶駭浪護
送平安到津後復隨同催提船隻効勞最著京
口協副將湯攀龍押送次運漕糧往返催提經
歷洪濤尅期告蒞諸臻妥協查湯攀龍係保舉
堪勝總兵奉

旨記名之員鄒錫淳李湘菑關天培均係實缺道將

陶雲汀先生奏疏卷五

無蘇稿

呈

大員應否酌加

恩獎之處出自

聖裁惟慶玉一員係揀發江蘇以道府補用該員駐

津交米時逾半載籌辦一切穩協精詳實屬勞

績昭著現在江省尙無可補之缺可否仰懇

天恩准其以道員遇有各省缺出開單請

旨簡放以示鼓勵之處出自格外

鴻施其餘出力文武除分別咨敘外所有尤爲出力

各員各按勞績開具清單恭呈

御覽 臣等謹合詞恭摺具

奏伏乞

皇上聖鑒訓示謹

奏

謹將赴津交米出力委員及押運武職員弁開
單注明勞績恭呈

御覽

陞補太倉直隸州知州王有慶

蘇州府管糧通判清平

該二員駐津數月綜理交兌事宜規畫周詳

始終勤慎王有慶應請

陶雲汀先生奏疏卷五

無蘇稿

呈

賞加知府銜遇缺陞用其清平一員押運漕糧已歷

三次照例本應陞用應請

賞加同知銜遇缺儘先陞用

南匯縣縣丞鄭祖經

山陽縣縣丞項炳森

該二員或專司出納收買餘米或綜理文案

勾稽檔冊誠實可靠辦事勤明均請以應陞

之缺儘先陞用

委用縣丞溫履台

試用府經歷顧毓奇

該二員或稽查斛兌核數給照或駐海口查
船催重償空不辭勞怨經理得宜均請補缺
後以應陞之缺儘先陞用

試用主簿汪鈺

試用未入流李長慶

該二員或經管排船驗米或委辦提償商船
均極得力應請儘先補用

掘港營都司俞大銓

該員押送漕船至山東石島洋面交替勤奮
著勞應請以應陞之缺儘先陞用

陶雲汀先生奏疏卷五

撫蘇稿

吳

拔補千總周世榮

候補千總鄭大經

額外委趙寶和

該三員隨同關天培湯攀龍陸續赴津遠涉
重洋護送妥速應請以應陞之缺儘先陞用

道光六年九月三十日具

奏十一月初二日奉到

硃批另有旨欽此同日奉到道光六年十月十六日

內閣奉

上諭琦善等奏查明承辦海運各員懇恩鼓勵一摺

本年辦理海運前經降旨令琦善等將江南辦運
委員及押運武員各按勞績分別奏請鼓勵茲據
查明具奏懇請恩施江南京口協副將湯攀龍太
湖協副將關天培督押海運船隻妥協迅速俱著
加恩交部從優議敘淮揚道鄒錫淳河庫道李湘
茵等駐津交米布置周詳鄒錫淳李湘茵俱著交
部議敘慶玉昨已簡放安徽廬州府知府仍著賞
加道銜太倉直隸州知州王有慶著賞加知府銜
蘇州府管糧通判清平著以同知陞用南匯縣縣
丞鄭祖經山陽縣縣丞項炳森均著以應陞之缺
陞用委用縣丞溫履台試用府經歷顧毓奇均著
俟補缺後以應陞之缺陞用試用主簿汪鈺試用
未入流李長慶均著儘先補用掘港營都司俞大
銓拔補千總周世榮候補千總鄭大經額外委
趙寶和均著以應陞之缺儘先陞用該部知道欽
此

陶雲汀先生奏疏卷五

撫蘇稿

吳

海運案內急公商埠請加獎勵摺子 附清單

奏為遵

旨查明海運案內急公領運倡募招徠船隻之商埠

人等恭懇

天恩量加鼓勵事道光六年八月十三日內閣奉

上諭海運沙船到齊米數全行起卸其首先領雇倡

募招徠之商埠人等著陶澍就近查明奏請恩施

等因欽此查此次試行海運雇募船隻先經

會同督 臣 琦善議

奏章程應核運米之多寡以定獎敘之等差除一

陶澍先生奏疏卷五

撫蘇稿

五

萬石以下在外分別賞給匾額外其自一萬石

至五萬石以上應請分別給予職銜若已捐至

五品無可再加者或另行酌獎均俟漕糧交兌

完竣再行核辦欽奉

諭旨允行在案茲據藩司賀長齡會同臬司慶善蘇

松巡道潘恭常兼護蘇松糧道額騰伊查明應

行獎敘各商埠開摺詳請具

奏前來伏思海船承運官米事屬期行以雇募商

船為第一要務上年七月經 臣 親赴上海開誠

曉諭釋其畏累之心即日各商踴躍受雇復經

督 臣

奏派藩司賀長齡馳往率同道府各員廣為招徠

取具攬呈尅期歸次該船商等感沐

皇仁咸思奮迅或首先領運願捐脚值或親身押運

經歷重洋自春徂秋往返兩運米數則毫無慘

漏人船則盡保平安慕義從公爭先恐後至上

海行埠人等雇船立攬扞量斛兌均能不避辛

劬抒誠報効凡此眾情之鼓舞莫非

聖化之涵濡維創始稍覺艱難故

恩敘特從優渥所有應行獎勵各商埠謹遵

陶澍先生奏疏卷五

撫蘇稿

五

旨查明開具清單恭呈

御覽其間尤為出力數人本有職銜據該司道轉據

局員等詳請捐足不論雙單月歸部選用分發

可否仰邀

俞允之處出自格外

鴻施 微 臣 未敢擅便除飭取年貌三代籍貫各冊另

行咨部查核發給執照外理合會同督 臣 琦善

繕摺具

奏伏乞

皇上聖鑒謹

奏

謹將海運案内急公倡募各紳商及領運出力之船埠人等分別米數注明實績開單恭呈

御覽

崇明縣辛巳科舉人施彥士

該舉人熟悉海洋情形殷報効倡始承攬領運漕米一萬四千餘石親自押坐商船經歷重洋屢遇風險至三月十五日始抵天津未及趕入會試查舉人本班應揀選知縣今該舉人因海運出力可否即以知縣揀發各省補用抑以教職儘先選用伏候

陶雲汀先生奏疏卷五

無蘇稿

三

聖裁

上海縣捐職布政司經歷朱增慎上海縣捐職都察院經歷毛振勳

查海運發議之初商情多存疑畏該二員首將自置沙船承運米二萬餘石並將應領水脚銀八千餘兩捐出充公各商因此踴躍承攬洵屬能知大義情切急公兼查道光三年賑案內義捐尤多茲據該府縣詳稱該二員年富才明均堪錄用可否仰邀

俞允各就原職照續增武陟例捐足不論雙單月歸部儘先選用出自

聖恩

浙江慈谿縣捐職通判盛炳煜捐職從九品洪炳輝鄞縣捐職布政司理問謝占壬

查盛炳煜洪炳輝名下各船共載米七萬餘石並領文親押浙船一百六十五號護送到津經歷險洋照料妥協顆粒無損並因沽口擁擠設法抽讓催趨趕裝二運洵屬急公出力謝占壬熟悉海洋沙綫指陳險易招募商

陶雲汀先生奏疏卷五

無蘇稿

三

船親自護送赴津照料始終出力均與各商之僅止用船攬載者不同可否仰邀

俞允各就原職加足不論雙單月照常例加捐分發籤掣各省試用出自

聖恩

浙江鄞縣捐職州同盧新江蘇通州捐職布政司理問彭晉嘉定縣捐職理問蒯學順崇明縣捐職理問陳廷芳山東膠州捐職州同孫榮貝以上各商名下船隻載米自一萬石以上至二三萬石該商等本有六品頂帶應請

賞加五品職銜

浙江慈谿縣戊辰科舉人大挑教諭阮兆熊慈谿縣監生費元墀上海縣船商楊國芳寶山縣監生陸昌言

以上費楊二商各載米四萬餘石陸昌言載米三萬餘石查楊國芳兩次領運赴津幫同清理河道關天培湯攀龍二將皆乘坐該商船隻押運抵津最為得力陸昌言首先領雇議定水脚招徠有勞費元墀載米數多均請賞給六品職銜阮兆熊充當浙船董事未經裝米因

陶雲汀先生奏疏卷五

撫蘇稿

五

浙船初頗推諉該舉人諄切開導當即同具承攬嗣復照料交兌急公出力應請

賞給六品頂帶

上海縣船商王支瑞慈谿縣船商盛垣

該二商各載米三萬數千石應請

賞給七品職銜

崇明縣監生朱承茂長洲縣船商何文燮上海縣船商沈志明浙江鎮海縣船商華仁安以上商船各載米二萬餘石均請

賞給八品職銜朱承茂本有頂帶請加給七品職銜

江蘇通州貢生季存霖貢生崔進書監生彭維清監生季兆璿監生彭昀元和縣監生蔣炳崇明縣監生陳鶴監生陳荷監生陳冠英監生顧近顏寶山縣監生馬賡殿監生劉瑞珍以上商船各載米一萬餘石該商等本有頂帶應請

賞加八品職銜

通州船商郁勝隆慈谿縣船商葛維戊胡維中盛榮

以上商船各載米一萬餘石應請

陶雲汀先生奏疏卷五

撫蘇稿

五

賞給九品職銜

上海縣牙行幫夥唐育曾李昌泰顧飛熊徐元波唐森階吳錫章萬寶榮姚震徐士釗

以上各牙埠等或在上海幫辦或赴天津照

料雇募商船并驗交兌始終効力應請

賞給從九品頂帶

藩司衙門書吏顧崑揚

此次海運本係期行該吏自去秋至今一年督率各書繕辦文稿井井有條查該書充當典吏已滿三年本係例應考職以從九品未

入流歸部選用之人應請照上年直隸省查辦旂地出力書吏何照等獎敘之案

恩准免其考驗交部以從九品注冊卽行選用

道光六年九月三十日具

奏十一月初二日奉到

硃批另有旨欽此同日奉到道光六年十月十六日

內閣奉

上諭陶澍奏查明海運案内急公領運倡募招徠船隻之商埠人等懇恩鼓勵一摺本年海運沙船全數到齊前經降旨著該撫就近查明將各商埠人

陶澍先生奏疏卷五

撫蘇稿

五

等分別奏請恩施茲據該撫遵查開單具奏各該商等承運官米踴躍急公或首先領運願捐脚值或親身押運經歷重洋自春徂秋往返兩運均能不避辛劬自應量加獎勵江蘇崇明縣舉人施彥士著交吏部以知縣籤掣省分歸於議敘班補用上海縣捐職布政司經歷朱增慎捐職都察院經歷毛振勳俱准其各就原職捐足不論雙單月歸部儘先選用浙江慈谿縣捐職通判盛炳煜捐職從九品洪炳輝鄞縣捐職布政司理問謝占壬俱准其各就原職加足不論雙單月照常例加捐分

發籤掣省分試用鄞縣捐職州同盧新江蘇通州捐職布政司理問彭晉嘉定縣捐職理問蒯學順崇明縣捐職理問陳廷芳山東膠州捐職州同孫榮炅俱賞加五品職銜浙江慈谿縣舉人大挑教諭阮兆熊著賞給六品頂帶慈谿縣監生費元墀上海縣船商楊國芳寶山縣監生陸昌言俱賞給六品職銜上海縣船商王文瑞慈谿縣船商盛垣俱賞給七品職銜崇明縣監生朱承茂著賞給七品職銜長洲縣船商何文燊上海縣船商沈志明浙江鎮海縣船商華仁安俱賞給八品職銜江蘇

陶澍先生奏疏卷五

撫蘇稿

五

通州貢生李存霖崔進書監生彭維清季兆璿彭昀元和縣監生蔣炳崇明縣監生陳鶴陳荷陳冠英顧近顏寶山縣監生馬慶殿劉瑞珍俱賞加八品職銜通州船商郁勝隆慈谿縣船商葛維戊胡紹中盛榮俱賞加九品職銜上海縣牙埠唐育曾李昌泰顧飛熊徐元澈唐森階吳錫章萬寶榮姚震徐士釗俱賞給從九品頂帶藩司衙門書吏顧崑揚充當典吏已滿三年著免其考驗交吏部以從九品注冊卽行選用該部知道欽此

奏摺卷十六目錄

撫蘇稿

安化陶澍

籌辦江北災民並勸捐留養摺子

覆奏微病漸愈勉力辦公摺片

申禁幫船加索津貼並酌擬調劑旂丁摺子

查明被水歉收各屬分別賑緩摺子 總督會稿附片一件

備陳災區利害請速堵減壩摺子

籌備災缺兵米摺子

籌辦留養災民並酌留緩帶漕米摺子

縷陳災務積弊摺子 附片一件

陶雲汀先生奏疏卷十六目錄

籌辦江北災民並勸捐留養摺子

奏為籌辦收養江北被水災民並勸捐情形仰祈

聖鑒事竊照江北淮揚各屬被水受淹疊奉

恩綸給予撫卹 臣等仍率屬捐廉倡濟並將折價緩

帶餘漕分撥災區暫資減糶一俟水退即可確

勘災分額請

聖恩給賑惟先期避水及驟被沖淹本籍不能存身

者甚多分赴沿江上下及就食南來經 臣飭屬

設法資送附片奏

聞在案查自八月以後扶老攜幼散赴江寧蘇松常

陶雲汀先生奏疏卷十六

撫蘇稿

鎮太倉等屬地方每處各有數百至數千不等

此等民人流離顛沛糊口維艱若聽其沿門索

食既恐擾累閭閻而積水未消即資送亦無家

可歸必須收留安頓俟水涸時遣令回籍 臣與

兩司暨道府首縣等籌議勸捐並酌定辦法通

飭各屬一體收養謹將現辦章程敬為

皇上陳之

一擇棲止以資安集也蘇屬人烟稠密空地無

多若任災民四散游乞必致填塞衢巷有妨

做業兼恐滋事查宋臣富弼在青州首以擘

畫屋舍安泊流民膝達道在鄆州城外爲蓆屋以次授地現已仿照其法飭令該地方官於城外多覓寬大廟宇搭篷設廠分別停住以免露宿亦俾散而不流安頓較易

一設籤冊以便稽查也災民既衆莠良不齊弗容漫無稽查昔撫臣張伯行言流民養濟之法以十人內外立一排頭晝則分路求食夜則仍聚一處俾資約束立意最善現飭各廠責成首董按數查明各繫腰牌給竹籤一枝照驗出入仍照保甲之法每廠設立一冊登

陶雲汀先生奏疏卷二六

撫蘇稿

二

載戶名籍貫男婦大小口數俟資送回籍時併冊移知原籍查辦賑務亦可藉相核對一散給口糧以資養贍也或煮粥或散米或發錢地方情形互異各視所宜不能一例惟須各屬同時舉行以免羸集一處偏受人滿之患現飭各屬按照地方大小柴米價值災口人數酌量分派留養每日放錢放米或粥按牌給發將來回籍時即按冊每名併給數日口糧以資路費有願早歸者隨時備文遞送一分別男女以重廉恥也此次被淹既重出外

圖食多係良民婦女隨行拋頭露面情形可憫現飭查明凡有眷屬同行者聽在一處不得分置其有婦人攜帶孤幼無長男同行者即另開居住不許混在男衆之內用昭區別一施醫藥以拯疾病也民人被水遠來既受潮濕沾濡又多不服水土易生疾病恐釀時疫現飭各廠選設醫生二名隨時給藥調治以重民命間有病斃者即日捐棺歛瘞毋許暴露

一施棉衣以禦寒冷也留養民人既資餬口若

陶雲汀先生奏疏卷二六

撫蘇稿

三

禦寒無具仍難保全蘇屬好義紳士向多捐立善堂施放棉衣現飭查明各該處如向有善堂者勸令預備施放由官酌量添補其未立善堂之處即倡捐募給以免號寒日內各廠報有孕婦生育亦即加給包纏衣物俾資乳養

一禁販賣以杜拐掠也向來偶遇飢荒轉徙民人每將攜帶子女價賣與人而奸販掠賣之弊即出其中現飭各屬嚴禁販賣凡就食流民攜帶子女過多實難哺養者准其報明交

入育嬰堂哺養母許奸徒販賣致啓拐掠其
自願與民人嫁娶並非販賣者應聽其便
一設巡卡以防匪類也災民出死求生原無歹
意有種棍徒倖災滋事倚恃人衆借端強索
搶劫隨之法在必懲無可姑息查各處河路
向有名爲倒撐船者裝載男婦往往晝乞夜
偷卽豐歲亦所不免此時飢寒之下更恐鼠
竊易生亟須防範現飭分段設立卡房支更
防護務使匪徒斂迹就食災民更可相安無
事

陶雲汀先生奏疏卷一六 撫蘇稿

四

以上各條經 臣 核定飭屬實力奉行並將章程
抄發照辦間有情形不同之處亦聽其參酌而
行不滋窒礙惟人數旣多時候又久所費不貲
臣 等捐廉無幾全賴好義紳商共敦善舉查收
養流民向無獎敘惟本年情形迥非昔比各屬
紳士能於外境災民不存膜視較之本境捐輸
救濟尤爲可嘉如有捐數較多者俟事竣查明
彙請

旌獎一面出示曉諭以資激勸至現在各災區水勢
漸退俟上游各壩堵合田廬涸出該民人卽可

歸還原籍自謀生業俾免流移所有 臣 籌辦收
養災民並勸捐緣由謹會同督 臣 琦善縷悉具

陳仰慰

宸厯伏乞

皇上聖鑒謹

奏

道光六年九月三十日具

奏十一月初二日奉到

硃批朕正深厯注覽奏精詳周妥朕心稍慰務要隨
時妥行督辦勉副朕恫瘝在抱之意有應奏者據

陶雲汀先生奏疏卷一六 撫蘇稿

五

實奏請可也欽此

覆奏微疴漸愈勉力辦公摺片

再臣於九月二十四日接到

廷寄奉

上諭一道又於本日奉到

批摺以臣感患微疴上煩

慈注

諭令安心加意調理並奉

諭江蘇事務繁重或有掣肘作難之事不妨據實陳

奏斷不可遽思引疾有負委任等因捧誦之下不

勝感激涕零伏思臣渥蒙

陶雲汀先生奏疏卷十六

撫蘇稿

六

皇上特達之知年方四十有九精力未衰正宜竭力

圖報祇以上年大病之後適值事繁失於調養

以致偶感仍發迺荷

聖主曲體入微

恩同大造臣何人斯膺茲

篤眷自念受

為臣不易朕豈不知然朕用人之苦心汝亦不可不

恩之深此身不敢為臣有亦惟受

諒也無改前轍在臣上理慎勉毋懈

恩之深此身不敢不為臣有現在力疾辦公一面服藥調治潮熱已退頭目漸清惟有腰腿未愈醫言積濕受風深入腠理尚須由漸疏解加以補

硃批

硃批

劑可冀徐瘳勉圖策斷不敢稍萌誘卸致負

鴻慈至湖河各有專司一切勘估工程開閉開壩及

員弁姓名履歷並不知會臣衙門無由深悉本

年淮揚水災咸言百數十年所未有被淹甚久

顆粒無收因思河工雖非臣職一經決裂其害

即歸於地方若河工一日不安即地方一日不

靖不敢避越俎之嫌每有見聞輒據所知札商

督臣河臣彼此意見多同現在黃營減壩開後

黃水已落清水不患不消但須早蓄而河流既

斷尤須挑挖深通免致積淤未淨將來又形倒

陶雲汀先生奏疏卷十六

撫蘇稿

七

灌海州安東沐陽各屬雖有損傷若今臘明正

此一節不必過慮日前已論知琦善等矣能將減壩尅期堵合當可無悞春耕至災民前

因水深無住紛紛逃避經臣飭屬設廠分養均

屬安靜日內即當彙案懇

恩蠲賑而漕務為東南一大端軍船回空已入蘇境

尤須整頓章程早為備辦以速河運仰副

宸厪合併據實附摺覆

奏伏乞

聖鑒謹

奏

道光六年九月三十日附

奏十一月初二日奉到

硃批所奏均悉勉力為之以副信任欽此

陶雲汀先生奏疏卷一六

無蘇稿

八

申禁幫船加索津貼並酌擬調劑旂丁摺子

奏為申嚴幫船加索津貼舊案並酌擬調劑旂丁

緣由恭摺

奏祈

聖鑒事竊照江蘇省各屬現屆道光六年辦理新漕之期經臣將歷年積弊確切指飭嚴督司道府州各縣等預為籌畫實力整頓伏查各屬漕務首禁浮收而浮收之源每由於旂丁索加幫費緣幫船領運漕糧沿途過關起剝添裝扛具雇覓人夫在在需用往返經年所領漕項銀米不

陶雲汀先生奏疏卷一六

無蘇稿

九

敷是以歷屆兌漕州縣有協濟旂丁一項原屬格外津貼特因積習相沿該幫丁視為應得妄思逐漸加添每以倡率停兌為挾制之端以指勒通關為刁難之具而江淮興武二幫藉口向無屯田橫索尤甚經前督臣孫玉庭於嘉慶二十二年九月內奏明將江淮興武二幫籌款生息調劑仍同蘇松常鎮各幫統以米石多寡按水次舊章酌給津貼毋許苛索欽奉

諭旨允行並奉

諭漕糧受兌之時如米色潮濕攙和者准其稟報糧道查驗參辦若米色純潔該弁丁等仍敢停兌吵鬧及指不出結者立即從嚴懲治以杜刁制等因欽此在案惟是日久舊弊仍滋兼上年漕糧阻滯河北接運本年各省漕糧不無疲累近來水手舵工人等往往勒加雇價正須懲罰而糧船出外兩年甫得歸次修船一切更得有詞需索若幫丁託詞多索於州縣則州縣亦必藉口浮收於小民因而刁生劣監包攬串抗弊竇叢生動滋延悞自應申明舊例欽遵前奉

陶雲汀先生奏疏卷十六

撫蘇稿

十

諭旨於酌定津貼之外不許絲毫需索倘或該幫丁等仍蹈積習無端停兌指不出結定當按律從嚴治罪以肅漕政而挽刁風惟是剔弊固應從嚴卹丁尤為切要 再四思維別無調劑之法惟查幫船重運本有例帶土宜一百五十担回空土宜八十四担若水勢果足尚可量為加增卽偶值淺阻亦無難相機剝送以南北有餘之物備彼此相需之用事不勞而費不增於旂丁卽可藉資調劑自為營運而州縣少一分需索卽閭閻少一分浮收似屬權宜之一端可否仰乞

硃批

硃批

硃批

天恩准其於例帶土宜之外每船重空二運各添帶若干担以資貼補之處恭候

敕下漕 臣核議請

旨施行再漕委各員原為權重釐空而設但沿途甚累亦應請

旨敕下漕 臣按例酌委毋庸多派員弁以杜滋擾而需索既省丁力亦舒於漕務似有裨益所有

籌酌查辦緣由謹繕摺具

奏伏祈

陶雲汀先生奏疏卷十六

撫蘇稿

二

皇上聖鑒訓示謹

奏

道光六年十月初二日具

奏十一月初二日奉到

硃批另有旨欽此道光六年十月十七日內閣奉

上諭陶澍奏申禁幫船加索津貼並酌擬調劑旂丁一摺向來兌漕州縣有津貼旂丁一項原為幫船領運漕糧沿途過關起剝等項之用近來積習相沿幫丁輒藉口疲累托詞多索著該撫嚴行申禁如幫丁等於酌定津貼外輒行需索卽從嚴究辦

以儆刁風至漕委各員往往藉催重趨空爲名任意添派員數太多難免婪索殊爲幫丁之累各省軍船行走沿途催儻稽查辦理已屬嚴密何必增派多人徒加紛擾着楊懋恬查明漕船經過地方酌定章程派委員數分別重運回空開單奏明立案總期可省則省無得多派致滋擾累其幫船本有例帶土宜該撫請量爲加增自屬權宜調劑事尙可行惟攜帶過多恐船身笨重遲延於漕行不免有礙並著該署漕督體察情形每船除例帶石數外約可添帶若干核定具奏一面通飭各幫照辦俟漕運照常丁力稍裕仍照舊例攜帶以符定制欽此

陶雲汀先生奏疏卷二十六

無蘇稿

三

查明被水歉收各屬分別賑緩摺子總督會稿
附片一件
奏爲查明江蘇省各州廳縣衛被水成災分數及收成歉薄情形循例由驛具

奏恭懇

聖恩分別給賑蠲緩賞給口糧以普

皇仁仰祈

聖鑒事竊照江蘇省江寧淮安揚州徐州海州等各府州屬或因本年夏秋雨水過多或因河湖並漲壩水下注積水較深宣洩不及田廬被淹先經臣陶澍親往查勘臣琦善亦疊飭該管道府

陶雲汀先生奏疏卷二十六

無蘇稿

三

州督同印委各員分頭履勘並將被水較重之山陽阜寧清河安東鹽城高郵泰州東臺江都甘泉興化寶應海州沐陽等州縣先後

奏懇

聖恩先行撫卹又沐陽縣續據稟報東鄉高家溝續被水淹災民請與東流中保一律分別撫賑復經飭令確勘查辦並因淮揚等屬米價漸增經臣琦善

奏請將蘇屬徵存緩漕贈五糶剩米石撥赴災區平糶並招徠米商免稅販運又松江鎮江太倉

等府州屬因入秋以來大雨連綿低窪之區間被淹浸禾棉受傷亦經臣陶澍於雨水糧價摺內奏

聞並催兩藩司暨各府州速即查勘由司覆核詳辦

去後茲據江寧布政使張志緒詳稱因臣琦善

赴浦防汛江寧巡道德啟奉委赴清江督辦挑

河事宜省城現無大員彈壓不克分身親勘詳

委淮揚淮海徐州三道暨江寧府分赴災重之

區覆加查勘今據各委員會同各州縣衛勘覆

核計江寧府屬之上元江寧句容江浦淮安府

屬之山陽阜寧清河安東鹽城揚州府屬之高

郵泰州東臺江都甘泉興化寶應徐州府屬之

邳州沛縣海州併所屬之沭陽及淮安大河等

二十二州縣衛被淹較重成災五七七八九十

分不等又江寧府屬之溧水六合淮安府屬之

桃源揚州府屬之儀徵徐州府屬之銅山豐縣

蕭縣碭山宿遷睢寧海州屬之贛榆併徐州等

十二州縣衛均係收成歉薄勘不成災照例分

別給賑蠲緩請給口糧又據蘇州布政使賀長

齡詳稱松江府屬之華亭奉賢上海南匯青浦

等處亦被淹浸禾棉受傷亦經臣陶澍於雨水糧價摺內奏

川沙鎮江府屬之丹徒丹陽金壇溧陽等十廳縣俱係收成歉薄勘不成災照例緩徵又太倉州併所屬之鎮洋嘉定三州縣禾棉受傷情形較輕請將道光三年二三兩限銀米遞緩徵輸各等情詳請具

奏前來臣等伏查江藩司所屬之江寧淮安揚州

徐州海州等府州屬被水情形已據道府州縣

印委各員查勘明確所有成災之上元江寧句

容江浦山陽阜寧清河安東鹽城高郵泰州東

臺江都甘泉興化寶應海州沭陽等十八州縣

並淮安大河二衛被災較重小民生計維艱相

應恭懇

皇上天恩俯准按照災分查明極次貧民戶口分別

給賑貧生兵屬飢軍一律查辦概以折色散放

沭陽縣高家溝續被水淹災民並請一體撫卹

各該州縣衛成災地畝及沛縣邳州二州縣成

災五分田地應徵道光六年地丁漕糧漕項銀

米按分蠲免蠲剩銀米照例分別帶徵所有各

災屬歉收之區同溧水六合桃源儀徵銅山豐

縣蕭縣碭山宿遷睢寧贛榆等十一縣并徐州

等處亦被淹浸禾棉受傷亦經臣陶澍於雨水糧價摺內奏

陶澍江先三奏疏卷一六 撫蘇稿

二四

陶澍江先三奏疏卷一六 撫蘇稿

三三

衛勘不成災田地應徵道光六年地漕各項銀米緩至來歲秋成後分作二年帶徵又成災及勘不成災田地應徵丁亥年新賦亦請緩至該年秋成後啟徵又淮揚等屬減則田地並懇

聖恩准循歷屆災案一律給賑蠲緩其海州併沐陽縣一水一麥減則田地應請照案一體緩徵如有應需照例給賑之處飭令確切查辦又沛縣邳州宿遷三州縣上年被旱今秋又復被水成災五分及勘不成災不等該三州縣均係連年積歉之區戶鮮蓋藏民情拮据誠恐隆冬迺寒

陶雲汀先生奏疏卷一六

撫蘇稿

二二

之際貧民口食無資合無仰懇

聖主格外恩施將沛縣邳州宿遷三州縣實在乏食

貧民於今冬

賞給一月口糧以資接濟其餘成災及勘不成災各屬無力貧民軍丁應否酌借籽種口糧俟來春察看情形分別辦理各州縣蘆課學租河租並抄案入官地畝錯雜民田之內俱照坐落地方一律查辦鹽場窳地歸鹽務衙門查辦至各州縣應行帶完道光二年以前舊欠地漕銀米麥豆因係積歉之區經前督撫臣會摺

奏奉

恩准從道光三年並四年秋成後起各就最遠年分帶徵一年除本年成熟之區遵照分徵

奏案帶徵外其坐落災區者應請照例遞緩其道
光三四五等年災緩各項錢糧米麥豆石亦遵
定例熟田按限帶徵災田分別遞緩各災屬熟
田應徵現年錢糧仍令照常輸納其有成災田
地在通境額田五分以上應須援例緩徵者另
行查明專案詳辦又阜寧清河桃源宿遷海州
沐陽贛榆等七州縣漕糧向例民折官辦本年

陶雲汀先生奏疏卷一六

撫蘇稿

二二

阜寧清河宿遷三縣全境被淹及全被勘不成

災應請查照嘉慶十五年秋災情形案內

奏准章程緩俟成熟之年再行採辦其桃源海州

沐陽贛榆四州縣熟田米麥分別辦運災田一

體緩辦所有應緩應徵漕價各數統於

奏銷案內照數登報其各災屬所需賑濟口糧銀

兩另行附片

奏請撥用又查賑員役薪水飯食紙張等項例於
抄案銀內動撥因本款動放不敷現由臣等暨
司道府州廳籌捐支給事竣應請毋庸造冊報

銷又蘇藩司所屬之松江鎮江太倉等處亦經印委各員勘明內華亭奉賢上海南匯青浦川沙丹徒丹陽金壇溧陽等十廳縣均係勘不成災其歉收田地應徵道光六年銀米及丁亥年新賦並請緩至來年秋後啟徵至道光五年以前舊欠銀米除丹徒丹陽金壇三縣係積歉之區應照分徵

奏案遞展一年帶徵其華亭奉賢上海南匯青浦川沙溧陽等廳縣概請緩至來年秋成後分別帶緩啟徵其未被歉收之處民欠道光五年以

陶雲汀先生奏疏卷十六 撫蘇稿

六

前正耗銀米仍遵原限照常催徵各災屬熟田應徵現年錢糧仍令照常輸納鹽場竈地應聽鹽政衙門辦理又太倉鎮洋嘉定三州縣木棉間有受傷雖情形較輕惟自道光三年被水以後小民元氣未復今復收成減薄恐新舊錢糧同時並納民力未逮除現年錢糧仍令照常徵輸外所有應徵道光三年二限緩徵銀米應請遞緩一年徵收其三年三限銀米並請以次遞緩除飭將應蠲應緩確數核實造冊咨部並將各屬災歉情形另行恭疏

題報外所有臣等查明分別辦理緣由謹合詞恭摺循例由驛具

奏伏乞

皇上聖鑒訓示謹

奏

再本年江寧淮安揚州徐州海州等屬被災較廣業經臣等先後將被災最重之高郵泰州江都甘泉興化寶應海州沭陽安東清河東臺山陽鹽城阜寧等十四州縣乏食貧民會摺

奏懇

陶雲汀先生奏疏卷十六

撫蘇稿

六

恩施撫卹在案所有成災各屬現在分查戶口惟應需例賑銀兩必須預為籌備當經札飭藩司查明堪動銀款詳請

奏明撥用去後茲據江寧布政使張志緒詳稱現據上元江寧句容江浦山陽阜寧清河安東鹽城高郵泰州東臺江都甘泉興化寶應海州沭陽等十八州縣勘報成災十分九分八分七分六分不等均應照例給賑緣災地極廣例賑月分較多又徐州府屬邳州浦縣宿遷現請口糧均應核計統共本年冬賑約需銀一百四十五

萬兩寧屬各州縣連年災歉頻仍錢糧多有蠲
緩所徵熟田銀兩僅堪支應本省兵餉及額撥
河工併一切經費現在賑需銀兩實屬無項可
撥移查蘇州藩庫查有本年秋撥案內撥存六
年蘆課雜稅並五年以前地丁屯折蘆課雜稅
及各屬解繳緩漕糶價共銀四十四萬四百六
十兩零又秋撥案內報完餘剩銀一千二百五
十三兩零又秋撥以後完存司庫留南糶變緩
漕米價銀七萬七千五百四十四兩零又海運案內
餘剩漕費銀三萬六千六百二十兩零又正項

陶雲汀先生奏疏卷一六

撫蘇稿

三

酌留添貯一款現存銀五十萬一千七百五十
兩零此款原備地方緩急之需凡遇災歉歷來
借支有案似可循案借撥俟將來蘇省徵存地
丁等項錢糧即可歸還原款以上統計蘇省藩
庫堪撥銀一百五萬七千一百三十八兩零又
移查龍江關堪撥銀十二萬兩濟墅關堪撥銀
六萬兩淮安關堪撥銀五萬兩蘇糧道庫秋撥
案內報存各年漕項堪撥銀一十五萬三千三
百三十兩零以上共堪撥銀一百四十四萬四
百餘兩以一百四十五萬兩核計尚少銀九千

五百三十一兩零應請於江寧藩庫地丁雜稅
正款內奏撥備用現在請撥之款將來如有多
餘留為展賑之用設有不敷另籌協撥詳請具
奏前來臣等伏查現當

國用繁多之時原不應更籌鉅款復為他用惟本
年江淮揚徐海四府一州所屬被災既廣且重
故應需正賑銀數較多仰體

皇上子惠元元不使一夫不獲之意又不敢令各屬
故為刪減轉致不敷支放所有該藩司約計應
需正賑銀一百四十五萬兩查蘇州藩庫共可

陶雲汀先生奏疏卷一六

撫蘇稿

三

撥銀一百五萬七千餘兩又龍江濟墅淮安各
關及蘇糧道庫共堪撥銀三十八萬三千餘兩
相應籲懇

皇上天恩俯准分別動撥其餘尚少銀九千五百餘
兩請於江寧藩庫地丁雜稅正款內奏撥以備
賑需除飭藩司督同道府嚴飭印委各員趕緊
查明各屬被災戶口一俟奉到

恩旨即核實散給務使貧民均沾實惠
帑不虛糜事竣核實造報如有餘剩留為展賑之
用設有不敷另行查明

奏請協撥倘印委各員及書役人等稍有冒濫侵蝕情弊立即嚴叅究辦除請撥銀數咨明戶部並先移行各藩關糧道等門知照候撥外所有額請撥用正賑銀兩緣由理合附片會

奏伏乞

聖鑒訓示謹

奏

道光六年十月初七日由驛具

奏十月二十五日奉到

硃批另有旨欽此同日奉到道光六年十月十六日

陶雲汀先生奏疏卷一六

撫蘇稿

三

內閣奉

上諭琦善等奏江蘇各屬被水歉收懇恩分別給賑蠲緩一摺江蘇省各府州屬本年夏秋雨水過多河湖並漲壩水下注田廬被淹禾棉間有受傷當經降旨將被水較重各州縣先行撫卹並令逐細履勘分別具奏茲據該督等查勘明確懇請恩施著照所請將江寧藩司所屬被災較重之上元江寧句容江浦山陽阜寧清河安東鹽城高郵泰州東臺江都甘泉興化寶應海州沐陽等十八州縣淮安大河二衛按照災分查明極次貧民戶口分

陶雲汀先生奏疏卷十六

撫蘇稿

三

循照歷屆災案一律給賑蠲緩海州沐陽縣一水一麥減則田地照案一體緩徵至沛縣邳州宿遷三州縣上年被旱今秋又復被水實在乏食貧民賞給一月口糧各州縣蘆課學租河租並入官地畝俱照坐落地方查辦各州縣應徵帶完道光二年以前舊欠地漕銀米麥豆前經准令自道光三四年秋成後起各就最遠年分帶徵一年其坐落災區者均著照例遞緩道光三四年等年災緩各項錢糧米麥豆石災田分別遞緩至成災田地在通境額田五分以上如須援例緩徵查明專案詳

別給賑貧生兵屬饑軍一律查辦概以折色散放

沐陽縣高家溝續被水淹災民一體撫恤各該州

縣衛成災地畝及注縣三州二州縣成災五分田

地應征本年地丁漕糧項銀米按分蠲免蠲剩

銀米照例分別帶征以上各災屬歉收之區同溧

水六合桃源儀徵銅山盩縣蕭縣碭山宿遷睢寧

贛榆等十一縣並徐州衛勘不成災田地應徵本

年地漕各項銀米俱緩至來歲秋成後分作二年

帶徵其成災及勘不成災田地應徵道光七年新

賦亦緩至來年秋成後啟徵淮揚等屬減則田地

辦阜寧清河桃源宿遷海州沐陽贛榆等七州縣
漕糧向係民折官辦內阜寧清河宿遷三縣全境
被淹均緩俟成熟之年再行採辦其桃源海州沐
陽贛榆四州縣熟田米麥分別辦運災田一體緩
辦蘇州藩司所屬之華亭奉賢上海南匯青浦川
沙丹徒丹陽金壇溧陽等十廳縣歉收田地應徵
本年銀米及道光七年新賦均緩至來年秋成後
啟徵道光五年以前舊欠銀米丹徒丹陽金壇三
縣照分徵之案遞展一年帶徵華亭奉賢上海南
匯青浦川沙溧陽等廳縣概緩至來年秋成後分

陶雲汀先生奏疏卷一六

無蘇高

三

別帶後啟徵太倉鎮洋嘉定三州縣木棉受傷應
徵道光三年二限緩徵銀米遞緩一年徵收三限
銀米以次遞緩等捐查賑員役薪水等項免其造
冊報銷又片奏賑濟口糧約需銀一百四十五萬
兩著照所請准其動撥蘇州藩庫各款銀一百五
萬七千一百三十八兩零龍江關銀十二萬兩滄
墅關銀六萬兩淮安關銀五萬兩蘇松糧道庫銀
一十五萬三千三百三十兩零江寧藩庫奏撥銀
九千五百三十一兩零以備賑需該督撫轉飭趕
緊查明被災戶口數實數給仍派藩司大員督同

道府明察暗訪該印委各員如果經理得宜無遺
無濫不妨加以鼓勵如敢冒濫侵蝕及書役人等
從中尅扣隨時嚴叅究辦示懲務使貧民均霑實
惠毋致一夫失所該部知道欽此

陶雲汀先生奏疏卷一六

無蘇高

三

備陳災區利害請速堵減壩摺子
奏為備陳災區利害請

旨速堵減壩事竊本年淮揚被水成災減壩開後海
州等處尤重其可慮有數端請言其大者百姓
顆粒無收終年乏食可慮一也清水太洩明年
恐難刷黃可慮二也減壩雖開祇能暫緩目前
之急而高堰不堅終非了局可慮三也糧船雖
回被災各屬米已蠲緩無漕可運旗丁水手謀
食仍難可慮四也明年江浙漕船幫次在前自
可挽渡但恐江廣船阻又須借黃則河身必又

淤墊可慮五也海運雖經試行可備後策而商
船須隔年雇定若臨期猝辦則無船可雇可慮
六也下河久淤水無去路亟須挑挖若視為緩
圖則歲歲偏災所傷實多可慮七也東南財賦
之地元氣屢耗非三五年所能復原民既困苦
官亦賠累虧空由此而起

國用因之而絀可慮八也以上數端 臣 反復思維
不勝焦灼皆河務相因而至而數十萬無食之
民尤關緊要淮揚一帶舊習見水患海州等處
則水由決放能無怨咨兼其民情曠悍接近東

殊 殊 殊

殊

豫泉匪出沒之所非大江南北可比昔宋臣蘇
軾有言言法而為盜則死畏法而不盜則飢飢
斃之與棄市同是死亡而賒死之與忍飢禍有
遲速此誠洞切利害之言伏維

皇上念切如傷凡有偏災無不
恩膏立沛蠲賑兼施動輒鉅萬
聖慈高厚淪浹人心惟

國家之

惠愛無己而經費有常以之養民自不若使民自養
現在秋收已失冬麥難種若明年再悞春耕實

屬力有難支應請

救下督 臣 河 臣 副河 臣 趕於今冬挑河完竣即速將

黃營減壩尅期興堵務於明年正月內趁春水
未生之前竣工使河流歸舊庶海州沐陽安東
各境得於二月內涸出趕辦春耕俾資安輯至
淮揚所屬各壩日內漸次堵築惟淹浸已深刻
難涸復將來能否值麥候查賑時察看情形設
法安頓以奠災黎等語
宵旰再督 臣 河 臣 現辦河務盡心竭力無須 臣 越俎
代籌祇以地方緊要利害相因是以縷細具陳

陶雲汀先生奏疏卷六 蘇蘇稿 美

陶雲汀先生奏疏卷六 蘇蘇稿 三

伏乞

皇上聖鑒

賜救施行謹

奏

道光六年十月初七日附驛具

奏二十五日奉到

硃批另有旨欽此並於可慮一也至可慮八也凡八

句均奉

硃批旨死而為盜則死六句均奉

硃批圈以之養民不如使民自養句旁奉

陶雲汀先生奏疏卷上

撫蘇稿

三

硃批正論欽此同日承准

軍機大臣片寄

貴撫具奏前事一摺已奉有寄信

諭旨一道交琦善等速辦矣為此知會十月十六日

籌備災缺兵米摺子

奏為籌補災缺兵糧以濟支放仰祈

聖鑒事據江寧布政使張志緒詳稱江寧各屬每年

編解司倉漕屯等米攸關旗營月支要需道光

五年六合縣被災應解五年分屯米項下計有

勘不成災緩徵米二千九百五十四石七升九

合五勺係抵支旗營兵食不能短少自應按數

籌補今查該縣冊報徵完道光三年災緩屯米

九百六十一石七斗三升五合五勺又徵完嘉

慶二十三年屯米一千七百二十九石九升七

合二勺又徵完二十四年屯米一十八石二斗

四升九合三勺均係應行歸還原借漕糧存候

派幫搭運之款該縣既有徵完前項米石應請

就近撥解省倉以濟支放而免短缺除儘數撥

解外尚不敷米二百四十四石九斗九升七合

五勺應令該縣於帶徵各年災緩米內照數徵

足解倉仍俟徵完五年災緩屯米按數還漕搭

運歸款詳請具

奏前來臣查旗營兵糧係計口授食要款未便短

缺今六合縣應解道光五年分省倉屯米二千

陶雲汀先生奏疏卷上

撫蘇稿

三

九百五十四石七升九合五勺因災緩缺查有該縣徵完應行還漕搭運各年緩帶米二千七百九石八升二合似應就近卽飭按數撥解尙不敷米二百四十四石九斗九升七合五勺卽令於帶徵各年災緩米內徵足解倉仍俟徵完道光五年災緩屯米按數還漕搭運以歸原款除飭造冊詳咨外謹會同兩江總督臣琦善署漕運總督臣楊懋恬恭摺具

奏伏乞

皇上聖鑒謹

阿雲江先生奏疏卷一六 無蘇稿

奏

道光六年十月十九日具

奏十一月二十二日奉到

硃批另有旨欽此又同日奉到道光六年十一月初八日內閣奉

上諭陶澍奏籌補災缺兵糧一摺江寧各屬每年編解司倉漕屯等米攸關旗營月支兵糧據該撫查明六合縣應解道光五年分省倉屯米二千九百五十四石零因災緩缺自應按數籌補著照所請准其將該縣徵完應行還漕搭運各年緩帶米二

千七百九石零就近按數撥解其不敷米二百四十四石零卽於帶徵各年災緩米內徵足解倉仍俟徵完道光五年災緩屯米按數還漕搭運以歸原款該部知道欽此

阿雲江先生奏疏卷一六 無蘇稿

三

籌辦留養災民並酌留緩帶漕米摺子

奏為遵

旨籌辦留養災民情形並請酌留緩帶漕米以備來

年接濟仰祈

聖鑒事竊 臣前奏收養江北流民條款一摺奉到

硃批朕正深慮注覽奏精詳周妥朕心稍慰務要隨

時妥行督辦勉副朕惻懷在抱之意有應奏者據

實奏請可也欽此仰見我

皇上惠鮮懷保不忍一夫失所 臣職在撫綏敢不殫

竭愚忱力圖拯濟伏查本年淮揚海三屬被淹

陶雲汀先生奏疏卷一六 撫蘇稿

較久居民多用門版支柱蛇行匍伏懸釜而炊

殊形困苦因之外出者不可勝數如儀徵丹徒

等處地居首衝據報前後過境以五六萬計並

有遠及安徽江西湖北浙江各境者實緣人數

太多之故迨 臣與督 臣率同司道府縣籌議留

養而江寧城外災民尤眾經署府陳鑾商同在

籍紳士朱桂植周開麒等設法布置備極經營

其在蘇城者則鄉紳潘世恩石溫玉董國華等

亦共相籌酌務俾周妥復經 臣出示勸捐數月

以來各屬一體留養已免流離騷擾之患察看

情形各災民日久相安竟有肩挑背負為生計

者有紡花績線為營趁者實已成欣

聖澤戶慶更生現在被災各屬查辦大賑除了壯災

民已陸續遞送回籍料理善後外其餘仍多以

天氣嚴寒道路跋涉本籍三歲未盡潤出謀食

尚難且內有帶病而來甫經醫痊者有嬰幼在

抱甫能呱呱者懇請暫緩回籍據長元吳三縣

等會稟前來係屬實在情形自應仍為留養以

俟春融再議遣送惟蘇松等屬地本陰濕災民

陶雲汀先生奏疏卷一六 撫蘇稿

席地而處難免受傷 臣等於散放綿衣後復每

人散給乾草二十斤以資鋪墊目下米價漸昂

於前議日給食米錢文外添給日米二合按五

日一放俾稍寬裕以廣

皇仁惟自冬度春為日尚長在江北固屬重災而江

以南亦有歉收恐明春糧價增昂小民難免食

貴而各處留養災民以捐給之微費購市廛之

貴米資助有限耗費較多不得不預籌調劑與

賑撫相輔而行據藩司賀長齡詳稱蘇屬各州

縣有六年分應行帶徵三年災緩二三限正耗

漕米十二萬餘石又五年徵剩各年緩漕除因

歉遞緩尚應徵米三萬五千石有零共米十六萬餘石應俟各州縣具報徵存實數由糧道派幫搭運將來能徵若干雖尚難懸揣約計歲內外總可徵米六七萬石若將此米留存為災區及收養災民等處減糶之用在太倉無損毫末而於接濟飢黎大有裨益臣核查無異相應仰懇

天恩俯准將此項道光六年帶徵三年災緩二三年漕米及五年徵剩緩漕一俟各屬報有成數即扣留貯倉免其搭運來春青黃不接時酌運江

陶澍先生奏疏卷十六

撫蘇稿

請

南北各災歉州縣減價出糶以資接濟其留養災民各處則專聽災民糶買可補來春口食之不足如此轉移辦理似屬未雨綢繆之道俾地方彌資安輯感荷

鴻慈益無紀極所有現辦留養災民情形及籌備接濟緣由謹會同督臣琦善合詞恭摺具

奏伏乞

皇上聖鑒

訓示施行謹

奏

道光六年十一月十八日具奏十二月二十日奉到硃批另有旨欽此又同日奉到道光六年十二月初六日內閣奉

上諭陶澍奏籌辦留養災民並酌留緩帶漕米一摺本年江蘇淮揚等屬被淹較久災民甚眾經該督撫率同司道府縣並在籍紳士等籌酌勸捐一體留養現在各屬查辦大賑除了壯災民陸續遞送回籍外現屆天氣嚴寒各災民本籍田廬未盡涸復自應仍為留養惟自冬徂春為日尚長明春糧

陶澍先生奏疏卷十六

撫蘇稿

請

價增昂小民難免艱食尤宜預籌調劑著准其將道光六年帶徵三年災緩二三年漕米及五年徵剩緩漕俟各屬報有成數即扣留貯倉免其搭運於來春青黃不接時酌運江南北各災歉州縣減價出糶其留養災民各處專令災民糶買俾得接濟有資該撫務須飭屬妥協督辦用副朕惻隱在抱至意欽此

縷陳災務積弊摺子 附片一件

奏爲縷陳災務積弊及現在飭屬查辦情形仰祈
聖鑒事竊照地方偶被偏災

恩施撫賑全在印委各官嚴絕弊竇俾

帑不虛糜人皆得濟本年淮揚徐海等府州被災

較廣仰蒙

恩旨分別給賑目下正值分查戶口領銀散放之時

尤須力除積弊就 臣 意計所及採訪所知大抵

辦賑之弊凡有數端委員下鄉不知道路或不

諳土語多藉隨行書役而書役每多與鄉保勾

陶雲汀先生奏疏卷十六 賑蘇稿

三

結互滋朦混其弊一也委員夫驕及隨行書役

所得飯食不敷或責之鄉保鄉保承應難支或

更雇人幫辦則又添食用不免暗地取貲其弊

二也各處村莊人稠勢衆委員一到往往捏增

口數或縱令婦女喧嘩要挾甚至攔舟圍轎故

作攪混責懲難加理論莫遺其弊三也或空屋

無人村鄰代稱外出或攜挈婦孺子自稱遠道歸

來紛紛求票即恐係別保之人攬入難以猝辨

其弊四也查賑之期不過半月兼旬其間有村

莊遼隔或雨雪阻滯鄉保知其不能久稽故意

引向遠處難處以促其期疲其力迨時日迫促

則未到之處仍祇憑鄉保所開給票其弊五也

鄉保戶口偶錯地方刁棍因挾其短而訛索稍

不遂意糾黨連控承辦者畏其拖累遂預留地

步以浮言爲彌縫之具其弊六也鄉保固多狡

猾亦有愚民不諳例應賑否概求賑票鄉保駁

斥輒被毆辱致有鄉保不敢跟查轉聽本境土

棍開報者其弊七也或災本輕微鄉保土棍欲

錢雇倩窮老劣矜連名求賑不准則奔控求勘

印委各官懼以諱災取展或蹈辦理不善之咎

陶雲汀先生奏疏卷十六 賑蘇稿

賑蘇稿

三

隨亦不能堅執其弊八也放賑時不於酌中之

地設廠散給以致道途遼遠老病婦女不能赴

領或赴領而口數較少僅敷往返食用或不能

赴領而託人兼領被其侵扣其弊九也地方爲

富不仁之家乘災民窘迫先給賤值買其賑票

一俟放賑即持賑票雇人包領是暗削脂膏而

災民不能言委員不及知其弊十也有此十弊

是以辦賑甚難然所以除弊之法有四其一查

賑之限宜寬寬則挨查之力舒而不至草率放

賑之日宜分分則領賑之人少而不至擁擠其

委員又宜假之以權一有阻撓滋擾解赴印官
 卽行懲處俾知嚴憚自不敢藐玩以滋事其一
 委員攜帶書役及跟查之鄉保必須寬給工食
 使之有力當差如查竣一莊毫無弊混並應量
 加犒賞稍有弊竇立即重懲斥換俾賞罰分明
 自不致有勾結欺罔之事其一委員戶必親到
 口必親點點驗既確然後入冊給票每查竣一
 莊卽將一莊內所有極次貧花名戶口及應領
 銀數開寫榜示粘貼莊前如有詭戶及舛錯之
 處許於數日內首告更正則共見共聞自無所
 施其捏言之技其一多設賑廠各就四鄉災民
 之便老弱不難赴領雨雪不虞阻止自不致爲
 代領者侵扣亦不甘以賤值而賣其賑票有是
 四端可除十弊然總以得人爲第一要義印委
 各員得人雖諸弊叢積不難掃除否則或先存
 染指或畏葸無能本身已不可靠違論其他前
 經臣與督臣率同藩臬道府及州廳以上各員
 捐廉共湊銀三萬餘兩分撥災區作爲辦賑委
 員及吏役人等食用不敷之費俾得安心查辦
 以清淨甯尅扣之源復將應需賑銀預解淮揚

同書訂先三奏疏卷二六 撫蘇稿 三十一

府庫俾各州縣於詳定數目時卽就近領銀毋
 庸遠赴司庫以歸簡捷並迭札通飭各屬激發
 天良屏除積習拯救災黎現在體察情形尙知
 奮勉間有一二未甚得力之員業經藩司張志
 緒親往周查立即撤換將來各員如果經理得
 宜自當遵

旨加以鼓勵倘或辦理玩忽仍卽隨時叅辦地方刁
 劣希冀捏言者現亦訪獲數人懲辦之後均知
 斂迹臣仍將應辦章程分行各屬務期

實惠均沾無濫無遺所有現在飭屬查辦賑務情形

同書訂先三奏疏卷二六 撫蘇稿 三十一

謹會同督臣琦善恭摺具

奏仰答

宸厯伏乞

皇上聖鑒謹

奏

再淮揚等府州被災各屬經臣會同督臣琦善

查明災分恭摺彙

奏欽奉

諭旨分別給賑蠲緩仰見

聖主恩膏普被不忍一夫失所之至意當經恭錄轉

行欽遵辦理內有淮揚等屬減則田地蒙

恩一律給賑蠲緩據藩司張志緒詳稱此項田畝歷

屆秋災案內均係准照籌定災分查明極

次貧戶一律給賑至應徵錢糧祇係一體緩徵

並不按照災分蠲免等因查係臣前次繕摺時

誤將緩徵二字書作蠲緩臣彼時因患頭眩未

及親細核對嗣經看出已於災務情形疏內更

正

題報惟摺內究屬錯悞相應據實檢舉請

旨將臣陶澍交部議處謹附片陳明伏乞

陶雲汀先生奏疏卷一六 無蘇稿 四

聖鑒謹

奏

道光六年十一月十八日具

奏十二月二十日奉到

硃批另有旨欽此又附片一件亦奉

硃批另有旨欽此同日奉到道光六年十二月初六

日內閣奉

上諭陶澍奏災務積弊及現在查辦情形一摺江蘇

省淮揚徐海等府州被災較廣現值分查戶口領

銀散放之時尤須力除積弊如該撫所奏書役與

鄉保勾結朦混縱令婦女喧撓別保攙入求票刁

棍訛索及買票雇人包領等十弊均係辦賑所必

有該撫論除弊之法四而要歸於得人自係正本

清源之論現經該督撫等捐廉三萬餘兩分撥災

區作為辦賑委員吏役人等食用之需復將應需

賑銀預解淮揚府庫俾各州縣就近支領辦理俱

極周妥該員等如果經理得當自應加以鼓勵倘

辦理不善或竟意存染指僅予撤回不足示儆卽

著該撫摘尤參辦毋稍瞻徇其地方才生劣監希

冀捏言者亦著訪拏究懲又另片奏前查明災分

摺內淮揚等屬減則田地誤將緩徵字樣書作蠲

緩嗣經該撫查出自行更正題報所有陶澍自請

議處之處著加恩寬免欽此

陶雲汀先生奏疏卷一六 無蘇稿 四

